



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A. or. 2300
(2)

Plutarch



**BIBLIOTHECA
REGIA
MONACENSIS.**




ՊԼՈՒՏԵՐԻԳԵԼՅՈՅ

ԳԵՐՈՎԱՆԱՑՈՅ

ԶՈՒԳԱԿԱՆՈՒԹ



ՀԱՏՈՐ Բ.



*Un regis In ppe nquibonup uclit uclit p
buclop t p p p l u u l e t a q u e u c t o f l e .* *cap. 226*

Rizzardini inv. e dis.

A. Viviani inc.

W. M. STUBBS
Iniquity

W. M. St.



Viviani inc.

Ep. 224.

W. M. St.
W. M. St.
 — 1833 —


ՊԼՈՒՏԵՐՎԵԼՅ

ՔԵՐՈՎԷԱՑՈՅ

ԶՈՒԳԱԿՇԻՌՔ


ԹԱԳԾԱՆԵԱԼ Ի ԲՆԱԳՐԷՆ
Հ ԵՂԻԱՅ ՎԱՐԴԱԳԵՑԻ ԹՈՄԱՋԱՆ
Ի ՄԻԻԹԱՐԵԱՆ ՈՒՒՑԷՆ

ԱՐԴԵԱԾԲՔ ԳԱԶԱՓԱՅԼ ԱՄԳԵՑԻ
ՊԱՐՈՆ ԱՂԵՔՍԱՆԴՐԻ ՌԱՓԱՑԷԼԻ
ՂԱՐԱՄԵԱՆ



Ի ՎԵՆԵՏԻԿ
Ի ՏՊԱՐԱՆԻ ՄՐԲՈՅՆ ՂԱԶԱՐՈՒ

ՌՄԶԲ.



ՊԼՈՒՏԱՐՔԵԱՅ

ԶՈՒԳԱԿՇՈՒՔ

ՊԵՐԻԿՂԵԱՅ

ԵՒ

ՓԱԲՈՍԻ ԾԱՔՍԻԾՈՍԻ

ՊԵՐԻԿՂԻՍ

Օ՛, ԵՊՍ ոմանս բազմահարուստս 'ի
Հռոմ՝ քաղաքի տեսեալ երբեմն Վեապո,
զի սկունդս և կորիւնս կապկաց 'ի գիրկս
խրեանց բարձեալ բերէին և փայփայեալ
գգուէին, 'ի ճահ արդեօք հարցանէր՝ ե-
թէ մանկունս արդեօք ոչ ծնանիցին առ
նոսա կանայքն: Կարի խնաստութեամբ
իրբև իշխան խրատէր հրահանգէր, որք
զտնկակից բնաւորեալն 'ի մեզ զսէր և ըզ-
գուծ և զցորով առեալ յանբանս ծա-
խեսցեն՝ զոր պարտէին առ մարդիկ: Արդ՝
թէպէտ և ազգդ շանց և կապկաց ուսում-
նասէրք հանդիպեցան լինել և զննասէր,
այլ հոգիս մեր այս անգամին 'ի բնու-
թենէն վիճակեալ այնմ՝ պատճառս ու-
նիցի արդեօք եպերել զորս միանգամ
չարաչար վարեսցին նովաւ լսել և զննել

զուամպէտանն և զվայրավատինանն, անփոյթ ըզ-
գեղեցիկսն առնելով և զպիտանիսն: Քանզի
զգայարանացս մերոց այսոցիկ՝ այն որ առ-
ձեռն յինքեանս ձգել բնաւորեցան զա-
ռարկայիցն տպաւորութիւն՝ որ զինչ և ի-
ցէ, թերեւ հարկ 'ի վերայ կայցէ՝ զտմե-
նայնն միանգամայն որ երևինս՝ եթէ 'ի պի-
տանեաց իցէ և եթէ յանպիտանեաց՝ գի-
տել զննել: Սակայն զմիտսն և զքանն՝ այր
այր իւրաքանչիւր իշխան է՝ որպէս և կամի՝
վարել 'ի պէտս. և բնաւորեալ իսկ է ցանգ-
ճոխաբար իշխանութեամբն առնուլ և շըր-
ջել զանձն՝ որպէս և զխաղ հաճոյ իցէ
նմա: Ուստի և պարտ և արժան է նմա լա-
ւագունիցն պատկառ կալ, զի մի միայն
տեսցէ և զննեսցէ, այլ և 'ի զննութենէն
ճարակեալ սնանիցի: Քանզի զորօրինակ
աչաց մեր այս՝ փարելի յոյժ է երանգ գու-
նոցն ծաղկափթիթ և բերկրական՝ զուար-
թագին դործեալ զտեսանելին և ճարա-
կեալ, սապէս և զխորհուրդ մտաց մերոց
արժան է առնուլ ածել 'ի տեսութիւնս
և 'ի զննութիւնս, որք հանդերձ բերկրու-
թեամբն առ տնկակից բարին զնա առեալ
հրաւիրեսցեն: Իսկ այս տեսութիւնք հաւ-
բարեալ կան 'ի դործան՝ որ յառաքինու-
թենէն անտի իցեն. որք 'ի պատմութեան
իւրեանց նախանձ գեղեցիկ և յօժարու-
թիւն ոգւոյ 'ի ներքս բերեն բողբոջեն նը-
մանող լինել այնոցիկ: Այլ է ուրեք՝ զի
թեպէտ և հիացեալ սքանչանայցեմք ևս
ընդ դործն, ոչ անդէն զհետ գալ բնաւ-

բեցաւ և եռանդն ցանկութեան 'ի գործել զնոյն . և բազում անգամ և զհակառակն տեսանել, զի խնդամբ ուրախացեալ ընդ գործն և անարգեալ արհամարհեմբ զգործաւորն, ըստ որում յանուշունս իւզոց և յերանգս ծիրանեաց . քանզի հեշտացեալ բերկրիմբ 'ի նոսա, այլ զներկարարսն և զիւզագործսն 'ի ծառայականաց կարգի դնեմբ և 'ի տաժանեւեաց :

Ասան որոյ և գեղեցիկս ուրեմն Անտիաթենէս՝ լուեալ եթէ քաջ քնարահար է խմննիսս, ասէր . “ Այլ սակայն և այլ տաժանակիր է նա . զի եթէ այնպէս չէր, քաջ քնարահար չլինէր արդեօք ” : Իսկ Փիլիպպոս առ որդին իւր՝ որ 'ի կոչունս ինչ ուրեք բերկրեալ նուագո գայլայլիկս երգէր և արուեստականս, ասէ . “ Չամաճնս գու այդպէս գեղեցիկս երգել ” : Քանզի շատ է առն թագաւորի պարսպել ունկնդիր լինել նուագածուաց . և շատ արդեօք շուք ընծայեսցէ Մուսայիցն, եթէ ինքնին 'ի զնին կայցէ՝ յորժամ այլք մերցեսցին յայնպիսեաց անտի : Ապա եթէ և ինքնին պարտադեսցի 'ի փանաքիսն յայնոտիկ, վկայ պնդահետն զիւրոյ խօթասրտութեան 'ի գեղեցիկսն՝ ինքնին 'ի ներքս ընծայէ տքնեալ յանպիտանսն յայնոսիկ : Եւ արդեօք ոչ դք 'ի քաջամոյն երիտասարդաց՝ եթէ երբեք հասեալ 'ի Պիզա յակն արկանիցէ զԱրամազդն, ցանկասցի լինել Փիւզիտաս . կամ եթէ զՀերայն տեսեալ յԱրգոս՝ փափաքեսցի լինել Պոդիւկլետոս . և

ոչ դարձեալ բազմասցի լինել Անակրէոն ,
 կամ Փիլիմոն , կամ Արքիպոքոս , թէպէտ
 և բերկրեալ հեշտասցինա ընդ քերթուածս
 նոցա : Քանզի թէպէտ և գործն ինքնին
 իբրու գեղեցիկ զուարճացուացէ , սակայն
 'չ վասն այնորիկ և հարկ 'ի վերայ գնէ՝
 գործողն փութալ լինել նմանող : Ուստի
 օգտեն և ոչինչ այսոքիկ տեսանելեացն .
 քանզի ոչ ձգեն 'ի գեղեցիկ նախանձ նմա
 նողութեան , և ոչ յեռանդն շարժեն գի-
 մագրաւ բուռն հարկանել 'ի նմանօրինակ
 գործս : Սակայն առաքինութիւնն ինքնին
 'ի գործս իւր արագ արագ բնաւորեցաւ
 վառել . որպէս զի միանգամայն և զարմա-
 նալ հիանալ ընդ գործան , և նմանող նա-
 խանձաւոր լինել գործելեացն : Քանզի 'ի
 բարիս բախտին սիրեմք ժառանգել և վայե-
 լել . իսկ յառաքինութեանն՝ սիրեմք գոր-
 ծել . զառաջինսդ կամիմք յայլոց ունել ,
 իսկ զվերջինդ՝ զի այլք առ 'ի մէնջ կա-
 ցեն : Քանզի գեղեցիկն առ ինքն հզօրա-
 պէս ձգեալ յանգուցանէ , և եռանդն գոր-
 ծունեայ անգէն ծնանի 'ի ներքս . և այլ
 յայլմէ գործէ զտեսողն ոչ նմանազութն ,
 այլ նովին իսկ պատմութեամբ գործոյն
 յօժարամիտ ընծայեցուցանելով զկամմն :
 Ապա և մեզ ինքնին բարուք թուեցաւ
 պարապել յարձանագրութիւնս վարուց .
 և զայս աւագիկ տասներորդ Գիրս կարգե-
 ցաք , զվարսն Պերիկղեայ և զՓարիոսի
 Մպքսիմոսի , այն որ մարտ եղեալ կռուե-
 ցաւ ընդ Աննիքաղայ . և ունի այս զարանցն՝

որ միմեանց հանդուհադիւք գտան յայլ
ինչ առաքինութիւնս, իսկ մեծապէս 'ի
հեղութեան և յարգարութեան և 'ի գի-
տել տանել համբերութեամբ զապաշնորհ
ղկիրան զերեանց ժողովդոց և զշխանակ
ցաց, մեծապէս օգտակարք լինելով իւ-
րեանց աշխարհին: Այլ թէ մէք ուղղա-
պէս արդեօք եկաք 'ի կռութիւնո յայս,
'ի դէպ իցէ գատել 'ի գրեւոցս աւագիկ:

Քանզի էր Պերիկղէս յԱկամանտեան
չեղէ, և 'ի Քողարդեան ժողովդէնէ, ազ-
գաւ և զարմիւ ըստ երկաքանձիւր ևս մա-
սին՝ առաջին և բարձերէց: Քանզի Քտան-
թիպպոս՝ որ 'ի Միւկաղէ վանեաց եհար
զգորավարս արքային, ած 'ի կին զԱգարիւ
տէ զԹոռն Կղիսթենոսին, այն որ վանեալ
հալածեաց զՊիսիատրատեանսն, և քաջա-
ցեալ բնաջինջ արար զբռնաւորութիւնն .
և օրէնս կարգեաց եգ, և քաղաքականու-
թեան կարգ հաստեաց քաջաւայելուչ 'ի
մի միաբանութիւն և 'ի փրկութիւն քաղա-
քին: Արդ Ագարիատեայ մօր նորա թուէր
իմն 'ի քուն՝ ծնանել առիւծ . և յետ ա-
ւուրց սակաւուց ծնաւ նա զՊերիկղէս՝
ողջ և անվթար յամենայն դիտակս մարմ-
նոյն, այլ 'ի դլուին կարի երկայնաձիգ և
անչափակից: Եւ սորին աղագաւ գողցես
ամենայն պատկերք արձանաց Պերիկղէայ
'ի սաղաւարտս պարուրեալ պահեն ըզ-
գլուին . քանզի ոչինչ կամեցան ճարտարք
արուեստին՝ որպէս հաւանեալս եմ՝ նշա-
ւակել զայրն: Իսկ Ատտիկեցի քեմթողք

կողմէն զնա Սփիօսէ՛ֆաւս , այն է՝ Մկրն
տոխագրուի . Բանդի զՍիւլսի , այն է՝
Մկնտիս , է ուրեք՝ զի կողմն նոքա և Սփիօս
Իսկ կատակերդակ քերթողն Վրատինոս
'ի Քերոնեան քերթուածին այսպէս տողէ .

Այլ անդ Հերմուածն , անդ և Կռոնոս
Հինաուորցն այր ,
Գիրկ տան միմեանց , եկեալ զուգին
սկրապատար .
Իսկ 'ի խառնիցն ըզբունաւոր
Վեհն ծընան ,
Որում և դիք՝ Գրէնահաւաք ¹
անուն կարդան :

Եւ գարձեալ միւսանգամ 'ի Նեմեսեան
քերթուածին , այսպէս կատակէ .

“Արի եկ , մ Արամազդդ , վանատուր և
կրանելի” :

Զնոյն և Տիդեկղիդէս է զի ասէ , եթէ
Պերիկլէս 'ի բազմագէժ զբաղմանց գոր-
ծոցն 'ի վարանս մտեալ , այնպէս բազմեալ
կայ 'ի քաղաքին՝ Ծանրագլխեալ . և է զի ա-
սէ , եթէ 'ի Մեփոսանանիդնեան գլխոյ ան-
տի ազմով անհնարին միայն 'ի գուրս յար-
ձակի : Իսկ Եւպոդէս 'ի Դեմեան քեր-
թուածին հարցումն արարեալ վասն միոյ
միոյ յատենաբանից անտի՝ որ 'ի գծոխոց 'ի
վեր ելեալ գային , յորժամ 'ի վերջէ ամե-
նեցուն լուաւ զանունն Պերիկլէայ , ասէ :
“Դու մեզ աւագիկ զԼախագլխաւորն Ան-
գընդականաց ածեալ բերեր” :

Բայց վարժապետ Պերիկղէայ յերա-
ժշտականին բաղնազոյնք՝ ի մատենադրաց
ասեն կացեալ զՂաամովն . զորոյ զանունն
արտասանել պարտ է՝ ասեն՝ սղելով զա-
ռաջին վանին : Իսկ Արխատուել ասէ , ե-
թէ առ Պերթոկղէայի վարժեցաւ Պերիկ-
ղէայ յերաժշտականն : Այլ թուի թէ
Ղաամովն՝ որ խնատակ էր յոյժ գերազան-
ցեալ , ընդ անուամբ երաժշտութեանն ա-
ռեալ պատրուակէր ՝ ի աամկէն զքաջա-
րուհատութիւն անձինն . և զօրհանապազ
մերձ կացեալ առ Պերիկղէայ իբրու առ մի
ոք յոմբայ՝ օծէր իւզէր զնա ՝ ի քաղաքա-
կանն և մարդէր հրահանգէր : Այլ սակայն
ոչինչ կարաց Ղաամովն ընդ քողով քնարին
իւրոյ ոջոյն ծածկել զանձն , այլ իբրեւ
այլ կարի ձեռներեց և բանաւորասէր՝ խե-
ցեկոյտ վճռով տարագիր եղև , և առ կա-
տակերդակ քերթողն գտաւ նա զքոսանք
խաղուց : Ըստ որում և Պրատոն կատա-
կերդակ ՝ ի քերթուածին իւրում զայլ ոմն
՝ ի մէջ առեալ ածէ՝ հարցանել զՂաամովն՝
օրինակ զայս . “Այլ գու առաջին ինձ զայն
տաս , աղաչեմ զքեզ . Դո՛ւ ինքնդ՝ որպէս
համբաւեն՝ ո՞վ Նիրովն 2 , անուցեալ մար-
դեցեր զՊերիկղէայ” :

Աչակերա եկաց Պերիկղէայ և Զենոնի
Եղէնացոյ , որ խնատակերեալ բնախօսէր
իբրու զՊարմենիդէայ . և ՝ ի պայքարս բա-
նից այնպիսի բնաւորեցաւ նա վարել օրի-
նակ հերքման , որպէս զի և ՝ ի վարանս ա-
նելս առեալ պաշարէր զհակառակորդն .

ըստ որում և Տիմոն փղիասիրտ ասաց վասն այսոցիկ այսպէս. «Յերկաքանձուր ևս լեզուն 3 մեծագոր Զենոն և ոչ խաբեբայ, հնարագէտ հնարիմաց յամենայնի»: Իսկ որ բազումն կենակից կենցաղակից եղև Պերիկղէայ, և մեծապէս պերճ և արդոյ յարդարեաց զնա, և խորհուրդս կորովա միտս հանձարոյ ուսոյց նմա ատենաբանել առաջի ժողովրդեան, և գլխովին 'ի վեր առեալ 'ի ծայր անդր հասոյց զուրբ և ըզ փառս վարուց նորա, էր ինքնին Անաքսագորաս Կղազումնացի: Զսա մարդիկ ժամանակին անուանեալ կարգային Միփփ. զի ոչ միայն պանչացեալ էր մեծիմաստ և առաւելահրաշ հանձար առն 'ի բնախօսել նորա, այլ զի և նախ քան զամենեւեան՝ սա այս Անաքսագորաս ոչ զգիպուածն և ոչ դարձեալ զհարկն եղ սկիզբն և պատճառք կարգի տիեզերացս, այլ Միփփ իմն սուրբ և յստակ և անխառն, որ զտառացեալ և որոշեալ իցէ զհամամասունան 'ի խառնել շփոթել նոցա ընդ այլոցն ամենայնի: Ընդ սա մեծապէս զարմացեալ էր ինքնին և Պերիկղէս, որ և լի և պատարուն վարժեալ 'ի ամանէ 'ի վարժս երկնայնոցն բնազննութեանց և 'ի տիպս բանից վեհագոյնս, արդեօք ոչ միայն միտս կորովս ժառանգեաց անձին, և ատենաբանութիւն բարձր և սուրբ 'ի բանդադուշեալ բնութասացութենէ ռամկին, այլ և պերճութիւն գիտակի երեսացն անխորտակելի 'ի ծաղբ. և հեղաբայլ ընթացքն,

և յարդարուն պատմութեանն, և պարկեշտութիւնն 'ի խօսս' անվերապա յամենայն 'ի կերտ, և հաստուած ձայնին հեշտ և անշաւաւ, և որ ինչ միանգամ 'ի սոցին սակի, առհասարակ զամենեւեան պահնչեւապէս յափշտութիւն կրթէր:

Ե՛ր երբեմն՝ զի թշնամանս և յիշոցս ընդգէմ արձակէր Պերիկղեայ այր ոմն 'ի պրիկայից և 'ի ստահակաց զտիւն ուղջոյն . լռէր Պերիկղէս և համբերութեամբ տանէր լռիկ և կայր մնայր անդէն 'ի հրապարակին՝ պարտապեալ միանգամայն 'ի գործ ինչ իւր կարևոր: Իսկ ապա յերկոյանալ առուրն գէմ եգեալ զնայր 'ի առն իւր մեծապէս պարկեշտութեամբ . զհետ իւր ունէր և զխեղճ զայն այր՝ որ 'ի թիկանց կուէ հայհոյութիւն զամենայն թափէր 'ի Պերիկղէս: Իբրեւ հանգերձեալ էր մտանել 'ի ներքս 'ի առնն, քանզի խաւար էր՝ հրամայեաց միում ումիք 'ի ծառայիցն լոյս առնուլ 'ի ձեռս, և յուղարկաւոր մինչև 'ի առն անդր առն ածել տանել զնա: Այլ քերթողն Յովն ասէ՝ եթէ գոռոզ և փքուռոյց էր Պերիկղեայ կենակցութիւնն . և ընդ մեծապանծ պարծանաց անձինն՝ խառն էր և արհամարհել և անդոսնել զայլովք . իսկ զԵլիմովնին 'ի գովութիւն առնուլ զքաջազայեղութիւնն և զքաղցրութիւնն և ըզլշնորհաշուք զտիպն 'ի քաղաքավարութեան նորա: Այլ թողցուք միք զՅովն, այն՝ որ իբրու զՈղբերգականին վարժս՝ խնդրէ զի և առաքինութիւնն ինքնին կալցէ ինչ մի

յերգիծաբանական մասնէն : Իսկ որք ըզ-
պերճութիւնն Պերիկղեայ փառախնդրու-
թիւն կողէին և գոռոզութիւն, խրատեր
զնոսա Զենոն՝ զի և նորա յայնպիսեաց փա-
ռախնդրութեանց 'ի գէմն բերցեն . որպէս
զի և այդ կեղծաւորեւ՝ տակաւ գաղտաբար
'ի ներքս սպառեցտացէ զգեղեցիկ նախանձ
զբարեացն և զոռվորոյթն : Այլ ոչ զայսու
սիկ միայն պողաբերեաց Պերիկղէս 'ի կե-
նակցութենէն Անպասադորայ , այլ թուի
թէ և սնապաշտութեանն գլխովին գեր 'ի
վերոյ գտաւ . որ 'ի միջօգէից ատօի երևու-
թից արհաւիրս գործէ 'ի նոսա՝ որ միան-
գամ տգէտքն իցեն նոցուն պատճառաց,
և յաստուածակողմն անգր զարհուրեալք
'ի վեր հանիցեն զբանն և տազնապեսցին
վասն անփորձութեան իւրեանց . զոր բնա-
խօսական բանն 'ի բաց մերժելով՝ փոխա-
նակ ահաբեկ և ոգետանջ սնապաշտու-
թեանն՝ զանգորդաւետ բարեպաշտութին
'ի ներքս առեալ ընծայէ հանգերձ գեղե-
ցիկ յուսովն :

Այլ պատմեն՝ եթէ ամաւ երբեմն առ
Պերիկղէս 'ի գաշտէն միեղջիւր գլուխ
խոյի : Իսկ անգանօր գուշակն Լամպոն ա-
նուն իբրև յակն արկանէր զեղջիւրն զյաղթ
և զհզոր բուսեալ 'ի միջակէ անտի ճակա-
տուն , ասէր՝ եթէ քանզի կրկին են 'ի քա-
ղաքին պետութիւնք հերձեալք՝ Թուկի-
գիգեայն և Պերիկղեայն , 'ի միում ումէք
եկեալ ամփոփեսցի տէրութիւնն՝ առ ո-
րում գտաւ նշանդ . այդ : Իսկ յայնժամ

Անաքսագորաս ընդ մէջ կտրեալ զկառաւին՝
ցուցանէր յայտնի, զի ուղեզ գլխոյն բռ-
վանդակ չէր լցեալ զխեղապատակն . այլ
արածն իբրեւ ձու յամենայն կողմանց ամա-
նոյն 'ի մի գրդեալ ժողովեալ կայր 'ի վայրն՝
ուստի արմատք արձակեալ էին եղջերն :
Եւ որանչացաւ յայնժամ՝ Անաքսագորաս՝
յորոց մերձն կային . իսկ յետ սակաւուց
և Լամպոն ինքնին գլխովին, յորժամ ան-
կաւ բեկաւ Թուկիդիդէո՝ և առհասարակ
զտերուծին քաղաքին զբռամբ կալաւ Պե-
րիկլէս : Այլ ոչինչ արդեւո՝ որպէս եսս
կարծեմ՝ եթէ և երկոքին ևս քաջապէս
ընթացան՝ բնախօսն և գուշակն . մին պատ-
ճառի իրացն ճշգրիտ 'ի վերայ եկաց, և
միւսն՝ վախճանին : Քանզի բնախօսին պաշ-
տօն այն էր, զննել՝ եթէ յինչ պատճա-
ռաց ծագեալ իցէ, և զինորդ արդեօք բու-
սեալ իցէ . իսկ գուշակին՝ նախապատում
լինել, առ ինչ այնպէս բուսեալ իցէ, և
իմ իմիջ արդեօք նշանակ իցէ : Իսկ որք ա-
սեն՝ եթէ գիւտ պատճառին բարձումն է
նշանին, այնպիսիքն ոչինչ խելամուտ լի-
նին՝ եթէ 'ի միասին ընդ աստուածայնոցն
նորա և զարուեստականն 'ի նշանակաց 'ի
միջոյ 'ի բաց բառնան . ըստ որում զօղան-
ջին ամբսից և զյոյս լապտերաց և յարե-
գանային ժամացոյցս զտուերարկութիւն
պարբաց . քանզի, մէն մի 'ի սոցանէն ունի
իւր պատճառս և ճարտարութիւն արուես-
տի, սակայն և կարգեալ կայ լինել 'ի նշա-
նակ : Այլ այդ պայքարք թերեւս այլում

տեղւոյ և ժամանակի թող լի իցեն 'ի ճառել ճշգրտագոյնս :

Բայց Պերիկղէս մինչեւ տակաւին երկտասարդ էր, մեծապէս յոյժ պատկառկայր ժողովրդեան : Քանզի թուէր իմն զՊիստրատեսոյ բռնաւորի զկերպարանն յանձին բերել. և քանզի և ձայնն քաղցր էր Պերիկղէս, և ըզու նորա գիւրահոլով յոյժ 'ի խօսելն և պաշտօն, վասն այսոցիկ նմանութեանց ապա՝ որ կարի ծերագոյնքն էին 'ի քաղաքին, զարհուրեալք իմն էին : Եւ զի ընչաւետութեամբն և զարմիւն յոյժ ականաւոր էր Պերիկղէս, նաև բազմագոյնք 'ի բարեկամացն զօրաւորք և յազմք էին, երկուցեալ զանգիտէր 'ի խնցեկոյս վճռոյ անտի տարագրութեանն. ուստի և 'ի քաղաքական իրա ոչինչ լինէր միջամուխ, սակայն 'ի մարտս պատերազմի պր քաջ էր նա և արի և գիմազրաւ 'ի վշտանդա : Իսկ իբրև մեռաւ Արիստիդէս և վտարանդի եղև Թէմիստոկղէս, և Նիմոն ինքնին բազում ժամանակ զբաղեալ կայր 'ի մարտս արտաքոյ Ելլադայ, այնուհետև Պերիկղէս չըբաւ առ ժողովուրդն, և փոխանակ մեծատանց և սակաւուց ընտրեաց առ յինքն զբազմութիւն խոսժանին և զազքատացն՝ հակառակ բուսոյ բարուց անձինն՝ որ ռամկասէր ամենեկն չէր : Այլ որպէս հաւանեալս եմ՝ երկուցեալ զանգիտէր զի մի բռնաւորութեան ինչ կարծիս 'ի ներքս տացին վասն նորա : Եւ զի տեսանէր ևս զՆիմոն կուսակից աւագացն,

և մեծապէս սիրելի արանց լաւաց և առաքինեաց, միտեցաւ ինքն 'ի կողմն ռամկին՝ անդորրութիւն անքոյթ հանգերձել անձին, և բազում բուռն ընդգէմ Նիմոնի. և անգէն վազվազակի՝ և այլ իմն կարգ քաղաքավարութեան կենաց սահմանեաց եդ անձին իւրում: Քանզի տեսանէին ցանդ զՊերիկլէս 'ի քաղաքին ընթացեալ 'ի միում անդ պոզոտային՝ որ հանէր 'ի հրապարակն և յատեան խորհրդոյն: Դարձեալ և զհրաւիրանս կոչնոց և ընթերաց՝ և որ ինչ յայսպիսեաց աստի զամենայն հիւրամեծարութիւն և զկենակից քաղաքավարութիւն միանգամայն կարճեաց: Որպէս զի և զհարուստ ժամանակն զայն զիւրոյ իշխանութեանն 'ի քաղաքին՝ և ոչ առ մի դը 'ի բարեկամաց անտի իւրոց երբէք չըբաւնա 'ի կոչումս և լինթիս, բայց միայն 'ի հարասնիս եղբորորդւոյն իւրոյ Եւրիպոտղոմեայ. և եկաց ևս անգանօր մինչև 'ի Ճաշակ նուիրացն, ապա ել վազվազակի և գնաց: Քանզի սասաիկ հիւրամեծարութիւնք բնաւորեցան նկուն առնել զամենայն սերճոութիւն. և 'ի կենակից քաղաքավարութիւնս գժուարին իցէ արդեօք պահել զծանրաբարոյութիւն՝ որ արդոյ բնաւորեցաւ ընծայել զունողն իւր: Արդ՝ թէպէտ և 'ի Ճամարիտ և 'ի ստոյգ առաքինութեան՝ առաւել տեսեալն առաւել ևս գեղեցիկ երևի, ուստի և արք բարիք և առաքինիք ոչ ինչ այնպէս զարմանալիք են օտարացն, որպէս որոց միանգամ

զօրհանապազ կենակիցք կենցաղակիցք են նոցա . այլ նա յանդուլ կենակցութենէ ռամկին խոյս տուեալ փախչէր, զի մի թերևս յագեալք յափրասցին . առ այս՝ և ոչ վասն ամենայն ինչ իրաց խօսէր ընդ նոսա, և ոչ դարձեալ ցանգ երևէր նա՝ ի մէջ բազմութեան ժողովոյ . այլ (իբրու զեռաթի նաւն Սաղամինոյ՝ ասէ Վրիտոյ ղայոս) վասն մեծամեծ պիտոյից՝ ի ներքս ընծայէր զանձն . իսկ ղայլ ինչ իրս՝ ի բարեկամացն ձեռս և ի հռետորացն սննդակցաց իւրոց ի գլուխ տանէր : Ի սոցանէն զմին ասեն լեալ և զԵփիաղոէս, այն որ ելոյժ քակեաց զտէրութիւնն Արիսպագին խորհրդոյ, առատ և անապակ՝ ըստ առասացութեանն Պղատոնի՝ մատուցակելով ազատութիւն քաղաքացեացն . որով որ պէս Վատակերգակքն ասեն քերթողք՝ իբրու զերիվար սէգ ստամբակեալ այնուհետև խուժանն, չառնոյր յանձն հպատակ կալ իշխանութեանց . նա՝ և զԵփիաս խաժատէր, և ի կղզիս անդր վազս առեալ ճախրէր :

Արգ կամեցեալ Պերիկղէս՝ ընդ քաղաքավարութեան կենացն և ընդ մեծութեան ճարտոյ մտացն ներդաշնակել՝ իբրու նուագարան՝ և զյեղանակ ճարտարախօսութեանն, բազում անգամ ի մէջ առեալ մեկնէր զԱնաքսագորայ վարդապետութիւնն . և իբրու հռետորական շուրջ տրսկեալ երանգ՝ այնպէս առեալ գունէր զընախօսութիւնն : Քանզի այն բարձրո-

խորհուրդ հանձար նորա՝ զամենայնն միանալ
զամայն 'ի գլուխ ասնող, որպէս աստուած
ծայինն ասաց Պղատոն, 'ի միասին ընդ քա-
ջամոյն բուսոյ բազուցն՝ մեծապէս օժան-
գակեալ 'ի բնականութեանն վարժից, և
անգուտ զգէսն և զգեղելիքն անեալ
յարուեստ ճարտարախօսութեանն, յոյժ
գերազանցեաց զամենեւեցումք. վասն այսու
րիկ և մակձայնէին զնա Ուրիֆիոս, որպէս
ասեն: Թէպէտ և կէտք համարին՝ եթէ 'ի
պատճառս շինութեանցն՝ որովք զարգա-
րեաց զքաղաքն. և կէտք գարձեալ եթէ 'ի
պատճառս զօրութեան կարողութեանն 'ի
քաղաքին և 'ի բանակի զօրում, անուն կար
զային նմա Ուրիֆիոս: Այլ ոչինչ արգե-
լու՝ եթէ շատ ինչ իրք գտան զուղղութեացք
զնոյն փառս անուան կարգաւ աւագ առնու-
րայց Կատակերդակ տեսարանք քեր-
թողաց ժամանակին, որ յանկատակս՝ գար-
ձեալ և ընդ կատակս՝ ձայնս շատ արձա-
կէին 'ի Պերիկլէս, յայտ առնեն եթէ յա-
ւետ 'ի պատճառս ճարտարախօսութեանն՝
այս մականուն և գաւ նմա. քանզի ասն
այսպէս՝ եթէ յատենաբանել իւրում Պե-
րիկլէս որոտայր և փայլատակէր, և ահա-
գին շանթ կայծական բարձեալ բերէր 'ի
լեզուի իւրում: Եւ առ այս 'ի յիշատակ
բերեն և զնոսա զԹովկիդիդէայ որդւոյն Մի-
ղեսեայ, զոր ասաց նա ընդ խաղ յաղագս
հզոր ճարտարախօսութեանն Պերիկլէայ:
Քանզի այս Թովկիդիդէս էր 'ի քաջաց և
յառաքինեաց արանց, և շատ ժամանակ

հակառակ ընդդէմ ամբառնայր Պերիկլէս
 զէայ 'ի քաղաքականութեան մասին . իբրեւ
 յաւուր միում հարցանէր զսա Արքիդա-
 մոս (Թագաւոր Լակեդեմոնացւոց, արդեօք
 ո՞րք 'ի նոցանէն իցէ քաջ գօտէմարտիկ,
 Պերիկլէս, եթէ ինքն, եւս պատասխանի
 և ասէ . “ Մինչ ես ինքն գօտէկուուեալ ընդ
 նմա և յաղթեալ՝ զգետներմ զնա, նա դի-
 մախօսեալ պայքարի՝ եթէ չեմ անկեալ,
 և յաղթէ . և 'ի նոյն ածեալ հաւանեցու-
 ցանէ զտեսողն “ : Այլ սակայն և ինքնին
 Պերիկլէս յոյժ պարկեշտացեալ և զգոյշ
 էր 'ի բանս . որպէս զի և ցանգ յեղանել
 իւրում յառեան հրապարակախօսութե,
 յաղօթս կայր առ դիս՝ զի մի ինչ թերեւ
 յականայ կամս բան և զրոյց ելլէ 'ի բերա-
 նոյն անյարմարագիր յառաջիկայ պէտան :
 Բայց արձանագրութիւնս բանից ոչինչ ե-
 թող մեզ Պերիկլէս՝ բաց 'ի վճռոց հրո-
 վարտակաց իւրոց . և յիշատակին նորա ինչ
 ինչ բանք նուագունք յոյժ, ըստ որում
 այն՝ զի խրատ տայր նա, ԶԵՔԻՆԷ 'ի Բաց
 առնուլ 'ի Պիրեոսէ՝ ի Բրեւ զԲիժ ափան . և այն
 դարձեալ զոր ասէր, եթէ՝ Ասփսփին Բոսի
 ինչ նշմարել զմարտն, զի յառաջագէմ խաղայ 'ի
 Պելոպոննիսեայ : Եւ էր երբեմն՝ զի Սոփոկ-
 ղէս զօրավար գոլով ընդ Պերիկլէսայ նա-
 ւէր 'ի միասին, և սկառ Սոփոկլէս 'ի գո-
 վութիւն առնուլ մանուկ մի գեղեցիկ .
 առ որ ասէր Պերիկլէս . Զօրավարին պար-
 է՝ ոչ զչեռան միայն անարաք ունել ոչ Սոփոկլէ,
 այլ և զտան : Իսկ Ստեփանորոգոս պատ-

մէ՝ եթէ յորժամ Պերիկլէս 'ի բեմէ անտի ներքողիւ դրուատէր զմեռեալն 'ի Սամոս, ասաց՝ եթէ անմահացան նոքա իբրեւ զաստուածս . քանզի մեք ինքնին՝ ասէ՝ զաստուածսն ոչինչ տեսանեմք, այլ տակայն 'ի չքոյն զոր ունին և 'ի բարեաց անտի զոր ժառանգեն՝ խելամուտ լինիմք եթէ անմահք են նոքա . արդ զայդ ամենայն մեք 'ի ներքս ընծայեմք ասէ՝ ամենեցուն նոցա, որ միանգամ վասն հայրենի աշխարհին եգին զանձինս իւրեանց :

Այլ քանզի Թուկիդէս հաստատու թեամբ գրէ, եթէ ազնուապետական էր քաղաքականութեան կարգն Պերիկլէայ, և անուամբ չափ միայն էր ռամկապետութիւն, իսկ արդեամբ՝ միոյ առն իշխանութիւն՝ որ նախաթու էր 'ի քաղաքին . իսկ և այլք բաղումք ասեն՝ եթէ առաջին 'ի նորա ձեռն խուժան ռամկին ժառանգեալ կալաւ անձին զվիճակս գետնոյն և զհաստ տեսարանացն և զբաշխա վարձուցն, և չարաչար ապա սովորեցաւ՝ և վասն օրինադրութեանցս այսոցիկ գարձաւ նա 'ի շուայլութիւն և 'ի զեղխութիւն, այն որ պարկեշտացեալ յառաջագոյն՝ և ձեռք իւրովք պաշտէր զօրաստահիկն . մեք յարեանց անտի գործոցն խելամուտ լեցուք պատճառի փոփոխութեան Պերիկլէայ : Քոնզի անդատին 'ի ակզբանէն՝ ըստ որում և կանխեցաք ասացաք՝ հետամուտ 'ի վէգ եկեալ Պերիկլէս ընդդէմ փառացն Նիննի, խնդրեաց յինքն զժողովուրդն յան-

կուցանել: Այլ սակայն նկուն եղեալ լինչաւետութենէն Յիսնի և 'ի Ճոխութենէն, որով նա խնամ ածեալ ամփոփէր զաղքատս, և ընթրիս հանապազորդեայս պատրաստէր Աթենացւոցն կարօտելոց, գարձեալ և զծերս հանգերձէր զցեցուցանէր. առ այս՝ և յանդոց իւրոց և յագարակաց 'ի բաց բարձեալ էր զքանդոպատուարացն, զի ում միանգամ կամք իցեն՝ քաղեսցեն առցեն զպտուղս նոցա: Յայսոսիկ ապա անձեռնհաս Պերիկղէս հաճոյանալ ռամկին, գարձաւ բուռն եհար նա զքաղից գրամոցն հասարակաց, որպէս և զեարդ խորհուրդ ետ նմա Դեմոքրիդէս Յովնոյի՝ որպէս պատմէ Արիստոտէլ. և վաղվաղակի 'ի տուրս գրամոցն տեսարանաց և գատաստանարանաց և այլովք ևս պարզեարաջխութեամբք և ճրիւք կաշառեաց զխուժան ամբոխին, և 'ի նոցա ձեռս ամբարձաւ ընդդէմ Արիսպագին խորհրդոյ, յորում և ոչ մասն և բաժին ունէր նա. քանզի չէր նմա վիճակեալ լինել ոչ իշխանս զք և ոչ յօրինապահաց անտի զք, ոչ արքայ էր 'ի վերայ զոհիցն, և ոչ գարձեալ առաջնորդ պատերազմի. քանզի յայտ աւագութեանց վիճակաւ տային 'ի ձեռս ըստ վաղնջուց սովորութեանն, և որք միանգամ յայնոսիկ ընտիրք գտանէին, յետ այնորիկ ամբառնային յաւագութիւն Արիսպագին: Վասն որոյ և մեծապէս զօրացեալ Պերիկղէս 'ի ժողովրդեան, նկուն արար նուաճեաց զԱրիս

պագն . որպէս զի և շատ ինչ յատենից գաւ
տաատանայ 'ի բաց կտարտեալ 'ի նմանէ 'ի
ձեռն Եփիաղտեայ , զՎիմոն ինքնին գլխա-
վին իբրեւ Լակոնասէր և ժողովրդատեաց
խեցեկոյտ վճռով ետ վտարանդի առնել-
այն՝ որ ընչաւէտ ճոխութեամբն և զարմին
քաջութեամբն բնաւից վեհագոյն , և յազ-
թութիւնս գեղեցիկս ընդդէմ բարբառո-
սացն տարեալ էր , և բազմահամբար ըն-
չիւք կապուտ կողոպուտ աւարօք զքա-
ղաքն լցեալ էր . ըստ որում 'ի վարս անդ
նորա գրեալ կայ : Այսչափ էր աւագու-
թիւն տերութեանն Պերիկղեայ 'ի մէջ ժո-
ղովրդեան : Իսկ խեցեկոյտ վճիռն տաանա-
մեայ վտարանդութիւն սահմանէր ըստ օ-
րինացն կարգի :

Բայց 'ի հոլովել ժամանակիս պարտիկ՝
զօրու ծանու Լակեգեմոնացիք ելեալք
յարձակէին յերկիր Տանագրեայ . և Աթե-
նացիք անդէն վազվաղակի չու արարեալ
խաղացին 'ի վերայ նոցա . յայնժամ և Վի-
մոն ինքնին 'ի վտարանդութենէն եկեալ
հասանէր 'ի վայր անդր , 'ի զէն զարդ վա-
ռեալ 'ի բանակին հանդերձ իւրովք համ-
հարզիւքն՝ խնդրէր յարգեանց անտի գոր-
ծոյն քերել յանձնէն զԼակոնասիրութիւն ,
և նիզակակցութեամբն 'ի նոյն վտանգ իւ-
րոց քաղաքացեացն արկանել զանձն : Այլ
բարեկամք Պերիկղեայ ընդդէմ դարձեալ
Վիմոնի , ընդ կրունկն դարձուցին զնա իբրեւ
վտարանդի : Ասան պարտիկ առաւ թուի
թէ Պերիկղէս յոյժ կորովի քաջութեամբ

միջեալ խառնեցաւ 'ի մարա պատերազմին
այնորիկ՝ բնաւից գերազանց և յոյժ ակա-
նաւոր, ոչինչ ամենեկին խնայեալ յանձն :
Անգանօր 'ի մարտին տապաստ անկան առ-
հասարակ ափնայն բարեկամքն Վիմոնի,
զորոց և զնոցանէն ամբաստանեալ իսկ էր
Պերիկղէս իբրև զկուսակցաց ոմանց Լակե-
դեմոնացոց : Այլ յորժամ 'ի սահմանս
Ատտիկոյ 'ի պարտութիւն մատնեցան Ա-
թենացիք, յայնժամ ապաշաւ սատոիկ և
տենչն Վիմոնի մեծապէս գրաւեալ կալաւ
զնոսա . նա՛ զի և մեծի պատերազմի նոքա
սպասեալ քնային 'ի գալ գարնայնոյն :
Իրազգած Պերիկղէս եղեալ՝ ոչինչ գան-
գաղեցաւ առնել զկամս ամբոխին . անդէն
հրովարտակ գրեաց ետ, և ինքնին հրաւի-
րեալ կոչէր զայրն : Դարձաւ եկն Վիմոն
և անդէն առնէր խաղաղութիւն քաղաքին
այնորիկ, քանզի մտերմութեամբ էին Լա-
կեդեմոնացիք ընդ Վիմոնի . իսկ ընդ Պե-
րիկղէս խեթիւ հայէին և ընդ այլս ոմանս՝
որ միանգամ կուսակիցքն էին ռամկին :
Իսկ կէսք տանն՝ եթէ զհրովարտակ գարձին
Վիմոնի ոչ գրեաց Պերիկղէս, մինչև յա-
ռաջագոյն պայմանք գաշանց դադանի ոչ
կուեցան ընդ մէջ նոցա 'ի ձեռն Ելպինի-
կեայ քեռն Վիմոնի . իբրև այն՝ զի Վիմոն
նաւս երկերիւր առեալ ընդ իւր՝ ելեալ
ծովագնաց լինիցի 'ի քաղաքէն . և անդ ար-
տաքոյ զանձամբ զզօրավարութիւնն ա-
ռեալ բանակին՝ յաւարի առցէ զսահմանս
Թագաւորին . իսկ Պերիկղեայ 'ի ձեռս

կացցէ մնասցէ իշխանութիւն քաղաքին : Այլ Թուի Թէ և յառաջ քան զայս՝ սա ինքն Ելպինիկէ հեղադոյնս յարգարեաց զՊերիկղէս առ Վիմոն , յորժամ անդ 'ի մահոյն վճռոյ ճողոպրեալ ղերծաւ Վիմոն : Քանզի յորժամ և զՊերիկղէս ինքնին իբրեւ զմի 'ի գատախաղիցն Վիմոնի յառաջ ընծայեաց ժողովուրդն , յայնժամ Ելպինիկէ եկեալ առ Պերիկղէս յողորմանկեալ պաղատէր . սակ Պերիկղէս ժպտելով . “ Ո՞վ Ելպինիկէ , պառաւեալ յոյժ է քո՝ առ 'ի գլուխ տանել գործս իմն մեծամեծս ” :

Բայց յայտարարմանայնի վերայ՝ միանգամ միայն յարեաւ յատենի Պերիկղէս ատենաբանել . և հարեանցի արարեալ զվնասն Վիմոնի , և պակաս քան զայլս 'ի գատախաղիցն ամբաստանեալ զնմանէ , եւ և գընաց : Եւ զկարգ ապա հաւատարմեք երբէք ընծայեսցէ Իգոմենեայ , որ ամբաստան կայ զՊերիկղէսայ՝ եթէ զԵփիաղցէս ինքնին զատենաբանն բարեկամ իւր և զհազորդ բաժանորդ խորհրդոցն Պերիկղէսայ 'ի քաղաքականութեան կարգս , նենգաւ տպանեալ իցէ Պերիկղէս . իբրու այն՝ որ 'ի նախանձ վառեալ խանդասցի զքառս նորա : Ո՛չ գիտեմ , ո՛ւտտի արդեօք Իգոմէնէսդ այդ զայդոսիկ կուտեաց միեմբեաց , և իբրեւ մաղձ դառնութեան առեալ ժայթքեաց ընդդէմ առնն , որ Թերևս և ո՛չ անստգիւտ յամենայնի գլխովն եկաց արդեօք , սակայն և խորհուրդս ունէր նա ազ

Նուականս , և ողի մեղեալ գեղեցիկ զհետ
պատուոյ , յորս երբեք ոչինչ բնաւորեա-
ցին արդեօք այդչափ անագորոյն կիրք և
գազանամիտ : Այլ որ ճշմարտն է , քան
զի Եփիաղտէս ահարկու յոյժ էր աւագ-
պետական կողմանն , և որք միանգամ
հարստահարէին զժողովուրդն՝ սատարի և
անողջութիւն էր յամբաստանել զնոցանէն և
հալածել , գաղան գործեցին նմա թշնամիք
նորա , և ՚ի ձեռն Արիստոգիկեայ Ցանա-
գրացւոյ գաղտ ՚ի ծածուկ տպանին զնա ,
որպէս պատմէ Արիստոտէլ : Իսկ Վիմոն
վախճանեաց զկեանս անդանօր ՚ի Վիպրոս
՚ի զօրավարութեան իւրում :

Բայց Աւագպետականքն իբրև տեսին
եթէ մեծացաւ ՚ի բարձրութիւն Պերիկ-
լէս՝ և նախաթող բարձրէց եղև ՚ի քա-
ղաքացիան , իբրև կամեցան զի ՚ի ճակատա-
մարտ ընդդէմ նորա կայցէ որ ՚ի քաղա-
քին , և զգորութիւն նորա հարեալ վատեա-
ցէ՝ զի մի ՚ի միապետութիւն գլխովին կր-
թեացի բանն , առեալ զթուկիդիդէս Աղ-
պեկացի զայր զգաստ և ազգակից Վիմոնի՝
հակառակ ընդդէմ արձանացուցին Պե-
րիկլեայ : Սա այս թուկիդիդէս թէպէտ և
՚ի պատերազմական մասին նուազեալ էր
քան զՎիմոն , սակայն առաւելեալ յատե-
նականին և ՚ի քաղաքականին՝ զտեղի ա-
ռեալ և բնակեալ ՚ի քաղաքին , և յատեանս
ժողովոց ՚ի վէգ ՚ի պայքար եկեալ ընդ Պե-
րիկլեայ , անդէն զքաղաքականութե կարգն
՚ի հաւասարակշռութիւն ածեալ կացուցաւ

նէր : Գանգի ոչինչ թոյլ ետ՝ զի որ լաւ և առաքինի որեւորն էին այնպէս ցանկալ խառնեալ կայցեն 'ի խուժան ամբօխին իբրու զառաջինն, և 'ի յագնաթիւ բազմու թենէն այնպէս նսեմացեալ կայցէ շուք փառաց նոցա . այլ ուրոյն զատուցեալ զնոսա և 'ի մի վայր ժողովեալ զամենեւորն զգորութիւնն, այնուհետեւ յաղթ և բուռն գործեաց՝ իբրու մէտ 'ի լուծս կշռուոց : Գանգի այն՝ որ անգատին 'ի սկզբանէն ընդ ռամիկն և ընդ աւագանին խարդախեալ ծալք և կրկնել՝ զորօրինակ բնաւորեցաւ 'ի մարմին երկաթոյ, գաղտարար 'ի գէմս բերէր զաարքերութիւն կամաց և զխորհրդոյ երկաքանչիւր կողմանն . իսկ յայնժամ այո ել և ելք զմիմեամբք և ուղլ քաղք երկոցուն ոոցա՝ Պերիկղեայ և Թուկիդէայ՝ խորագայնս 'ի ներքս կտրեաց երկփեղկեաց զհատուած քաղաքին, զմի կողմն անուանեալ կոչեաց Ժուլուրոյ . իսկ զմեւ կողմն Նուալուս : Վասն որոյ և յայնժամ մեծապէս թողացուցեալ Պերիկղէս խուժանի ռամկին զերասանակն, նկրտէր ցանգ 'ի շնորհս նոցա հնարիմաց խորհրդով, և զի մենքենայէր տեսարան աշխարհաժողով հանգիսի, և զի կոչուած ինճոյից, գարձեալ և տօնախմբութիւնս հառադակաց 'ի քաղաքին . և սթափեցուցանէր զքաղաքն 'ի զբօսանս ոչինչ անպատկանաւորա : Իսկ վաթսուն թուով նաւա եւաթիոց ամի ամի հանէր արձակէր արտաքս, յորս բազումք 'ի քաղաքացեացն

ամբարձեալք ծովագնացք ամիսս ութ առ-
նուին (Թողախ , միանգամայն և վարժեալք
մարդէին 'ի վարժս նաւականս : Առ այսո-
սիկ գարձեալ և հաղարս 'ի քաղաքայնոց
գաղթականս առեալ արձակեաց 'ի Քեր-
րոնիս . և հինգ հարիւր գարձեալ 'ի Նաք-
սոս , և կիսով չափ յԱնդրոս , և հաղար մի
'ի Թրակիա բնակակիցս Բիսաղտեանց . և
զայլս ամանս յԽաղիս՝ բնակեցուցանել
զՍիւպարիս , որ և ապա անուանեալ կոչե-
ցան Թուրիացիք : Եւ զայս ամենայն գոր-
ծեաց նա 'ի Թեթևացուցանել զքաղաքն
յանգործ և 'ի դատարկ խուժանէն՝ որ
պարապորդ ամբոխս յուղէր . առ այս՝ և
'ի Թիկունս հասանել պիտոյից և կարո-
տութեան ժողովըդեանն . միանգամայն և
գաղթականացն բնակութեամբ առ նիզա-
կակից ժողովուրդս՝ ահ երկիւղի և պա-
հանգ արկանել 'ի նոսա՝ մի ինչ առնել 'ի
նորութեանց :

Իսկ որ առաւել իմն հեշտութիւն Ա-
թենացւոց 'ի ներքս երբր և զարդ գեղե-
ցիկ , և որ զամենայն մարդիկ առհասարակ
մեծապէս յափշտութիւն կրթեաց , մի միայն
վկայ Ճմարիտ Ելլագայ՝ Թէ ոչ սուտ ինչ
է արդեօք՝ որպէս զհամբաւի հարեալ է՝
մեծութիւն զօրութեն Ելլագայ և վաղըն-
ջուց ճոխութիւն ընչաւէտութեան նորա ,
այն ինքն էր կանգնել հոյակապ շինու-
թեանց նորա : Ոյց աղագաւ առաւել քան
զամենայն նահատակութիւնսն Պերիկղեայ
խանդային Թշնամիք նորա , և 'ի ժողովս և

յատեանս գատափեա առնէին զնա, բո-
ղոք բարձեալ՝ եթէ անփառութիւն մեծ է
ամբոխին և նշաւակութեան ամօթ, զհա-
սարակաց զայն դրամս զհելլենացւոցն փո-
խեալ 'ի Դեղոսէ՝ ուր մթերեալն կալո՝
առ ինքն ամփոփել կուտել. և թէ՛ զոր
միանգամ գեղեցիկ պատրուակ ունէին
նոքա ասել առ գատափազան՝ եթէ զան-
գիտեալ 'ի բարդարտացն բարձին անտի
զմթերս գրամոցն՝ առ 'ի պահել յանդոր-
րու զհասարակաց զինչսն, զնոյն պատճա-
ռանս կարճեաց այնուհետեւ 'ի նոցանէն
Պերիկղէս: Եւ թէ՛ թուի թէ բանիւզ
այգուիկ մեծապէս թշնամանեցաւ Ելլա-
զա առհասարակ. և յայտնի ևս հարստա-
հարեցաւ նա՝ տեսեալ զի զբաժ գրամոցն
հարկեալ 'ի նմանէ 'ի պէտս պիտոյից մալ-
տից պատերազմաց, միք Աթենացիք վա-
րեմբ յոսկի համակել և օծանել և զարգա-
րել պաճուռնել զքաղաք մեր զայս, օրի-
նակ իմն՝ իբրեւ բամբիշս գողողս՝ զորովք
շուրջ հեղեալ կախեալ կայցեն ականք
պատուականք. առ այս՝ և գրօշեալս և
ձօնս կուել ձուլել և տաճարս կանգնել
հաղարատազանգեանս: Բայց անդուստ և
Պերիկղէս յայտ առնէր ժողովոյդեան, ե-
թէ զգրամոցն զայնոցիկ ոչինչ պարտական
է նիզակակից ժողովոյդոցն տալ զհամար,
քանզի մարտ եղեալ նոքա պաշտպան կան
նոցա, և զխուժուժսն վանեալ սանձա-
կոծեն. և այն զի նոքա ոչ երիվարս հար-
կեն նոցա, ոչ նաւս, և ոչ դարձեալ սպաւ

ռազմէնս, այլ զինչս միայն՝ որ չենն այնու-
 հետեւ տուողացն, այլ առողացն՝ յորժամ
 'ի գլուխ տարեալ կատարեն առողջն զայն
 ինչ՝ ոյր աղապաւ առին զգրամանն : Եւ թէ՛
 պարտ և արժան է՝ ասէր՝ յետ շատ ինչ
 հանգերձելոյ քաղաքին 'ի կարևորսն 'ի
 մարա պատերազմի, այնուհետեւ ինչք և
 մեծութիւնք նորա ծախեսցին՝ յորոց միան-
 գամ փառս յաւերժական հանգերձի նմա
 յետ կատարելոյ իրացն . իսկ մինչև կատա-
 րեալ՝ շահավաճառութիւն պատրաստա-
 կան առ գուրս կայ նորա : Քանզի գումանկ
 գունակ գործք և ձեռակերպք 'ի վեր երևին
 յայնժամ, և ազգ ազգ պիտոյից առ տե-
 ղեան զամենայն ճարտարութիւն արուես-
 տից զարթուցանեն, և զամենայն ձեռս տ-
 ուեալ շարժեն, և գողցես ողջոյն զքաղաքն
 իբրև վարձուոր յարդարեն գործեն . որ
 անձամբ զանձն յայնժամ միանգամայն և
 պճնէ զարդարէ և կերակրեալ բուծանէ :
 Քանզի որք միանգամ յարգունս հասակի
 հասեալք էին և կոտովք զէն շարժել, նո-
 քա 'ի զինուորութեան իւրեանց վայելէին
 'ի հասարակացն գրամոց . իսկ խուժտն
 մարդկանն՝ որ 'ի զինուորութիւն գրեալք
 չէին և արուեստաւորք էին, կամեցեալ
 Պերիկղէս զի մի և նոքա տնմասն 'ի բաժ-
 նէն մնասցեն, և զի մի անգործք և պարա-
 պորդք առ 'ի նոյն վայելեացեն, գտեալինդս
 արար նա զնոսա 'ի շինութիւն մեծամեծ
 կերտուածոցն, և 'ի բազմաժամանակեայ
 գեղերանս գործոց բազմարուեստ ճարտա-

րաց. որպէս զի ոչինչ պակաս քան զնա-
ւաստինն և քան զպահական և քան զգին-
ուորան՝ ունիցին և առ տնին մնացեալքն
պատճառս՝ օգտել շահել և հասարակացն
գրամեց բաժանորդ լինել:

Քանզի էին էին անդանօր նիւթք պատ-
րաստականք, քար, պղինձ, փղոսկր, ոսկի,
ոսնիազ, նոճի. գարձեալ և որ յայդոսիկ
վաստակին և գործեն՝ արուեստք, ատաղ-
ձագործ հիւսուիք, բրուտք, պղնձագործք,
անդրիագործք, ներկարարք, ոսկերիչք,
ճարտարք փղոսկրէից, կենդանագիրք, ասղ-
նէգործք, ճախարակագործք: Առ այսո-
սիկ՝ էին և որք բարձեալ բերէին զայնոսիկ
ընդ ծով, վաճառականք, և նաւաղք, և
ղեկավարք: Դարձեալ և որք ընդ ցամաքն՝
սայլորդք, ջորեվարք, կառավարք, չուա-
նագործք, գաղատուք, և խաղախորդք, և
ուղէհորդք, և մետաղագործք: Առ այս՝ և
մէն մի յարուեստից աստի՝ իբրու զգորտ-
վար դք զգորն՝ հպատակեալ ունէր ընդ ձե-
ռամբ զամբոխ գործաւոր և զշինական
մարդկանն, որովք իբրե գործեաւ ոմամբ
և մարմնով պաշտէր զգործն: Եւ որպէս
բանիս կարգ է ասել, միանգամայն այս
պէտք և ձեռակերտք ըստ հասակաց հա-
տակաց և վիճակաց մարդկանն առեալ բաշ-
խէին իւրաքանչիւր զհասկաւաճառութին:
Արդ իբրե կանգնեցան ամբարձան շինու-
թիւնք գաստակերտացն հոյակապք և ըս-
քանցելիք մեծութեամբ, և ձևով և գեղով
աննմանք, այն ինչ ճարտարք և արուես-

տապէտք մի զմիով ելնելս առնէին դերա-
զանցել 'ի ձեռակերտան գեղեցկութեամբ
արուեստին, մեծապէս սքանչացաւ յայն-
ժամ և արագութիւն ճարտարացն: Քան-
զի ուր կարծէր իմն՝ եթէ մէն մի 'ի շինու-
թեացն յետ բազմաժամանակեայ հոլով
մանց և հասակաց հազիւ ուրեմն յաճոյ
գործոյն ժամանեացէ, այն ամենայն ընդ
գեղեցիկ առաջնորդութեամբ միոյն Պե-
րիկլեայ բոլորեալք պսակեցան: Ըստ ո-
րում և յայնժամ, ասեն՝ եթէ Ագաթար-
քոս կենդանագիր ճարտարն մեծապէս
պանծայր յարագութեան ձեռին և 'ի յա-
ջողութեան 'ի նկարա կենդանեաց. և զայն
լուեալ Զեւքսայ ճարտարն, ասէ. իսկ էս
պանծամ 'ի Բազմ ծամանախ: Քանզի յա-
ջողաձեռնութիւն և արագութիւնն 'ի գոր-
ծել՝ անգակազմութիւն անվանելի չքնա-
ւորէ 'ի գործն և ոչ ճշգրտութիւն գեղե-
ցիկ. իսկ ժամանակին երկարութիւն 'ի
միասին ընդ վաստակոց ձեռինն 'ի գործել,
կորովութիւն 'ի ներքս բնաւորեցաւ ըն-
ծայել 'ի պահպանութիւն գործոյն: Ուս-
տի և մեծապէս սքանչացան գործքն Պե-
րիկլեայ, որ 'ի սուղ ժամանակի գործե-
ցան և ժամանակս ձիգս կացին մնացին:
Քանզի մէն մի 'ի գործոց անտի անդատին
'ի շինութենէն յայնժամ իբրեւ վաղնջուց
գործ երեւր 'ի գեղեցկութեանն. իսկ մին
չև ցայսօր ժամանակի իբրեւ այն ինչ ծնեալ
և նորագործ յառոյգութեանն. այնպէս
'ի գէմս բարձեալ բերեն նորա կերպարան

անվթար իբրև նորակերպ անդրժեղք 'ի ժամանակէն, իբրու թէ շունչ անթարչամ' և ոգի անծերանալի խառնեալ կայցէ 'ի գործան անդր:

Եւ էր Պերիկղեայ առաջնորդ ճարտարագետ յամենայնիւ և ոստիկան տեսուչ ամենեցուն՝ Փիդիաս . թէպէտ և գործ իւրաքանչիւր ունէր իւր ճարտարագետս մեծամեծս և բազմադուեստս: Քանզի զհարկւրոտներան Պարիէնոփ՝ այս է՝ զվուսանոցն 4, կանգնեաց վալլիկրատէս և Իկտիւնոս . իսկ զխորհրդարանն նուիրական յԵլեֆինէ՝ սկսաւ շինել Կորիբոս, և ինքն կանգնեաց զսիւնսն 'ի վերայ յատակացն, և յօդեաց ընդ վերնասեանցն . իսկ 'ի մեռանել նորա Մետագենէս Քսիպետիոս եդ 'ի վերայ գգօտին և զվերին կարգ սեանցն, իսկ զլուսանցոյցն 'ի վերայ դարկիին կառուցց 'ի գազաթանն Քսենոկղէս Քողարգացի: Բայց զերկայնածիգն զայն պատուար յանձին կալաւ շինել վալլիկրատէս . յոր սակս և ինքնին Սոկրատէս ասէ լուսալ՝ փնջդեռ զիւր կարծիսն 'ի ներքս բերէր Պերիկղէս վասն շինութեանն այնորիկ: Զշինութիւն զայս պատուարին՝ իբրև գործ յոյժ գանգաղագործ Կրատինոս կատակերգակ խաղ առնէ զփնակ զայս. “Քանզի 'ի վաղնջուց իսկ հետէ Պերիկղէս զնոյն գործ յառաջագէմ՝ վարէ բանիւք, իսկ արդեամբք անշարժ գլխովին կայ գործն”: Իսկ Ուրիանն, այն է՝ վայր Երգեցողացն, որ 'ի ներքին կողմն իւր բազմանաստարան է

և բազմասիւն, և յարկ իւր խորանայարկ շուրջ իջեալ պարուրեալ՝ մի միայն ունելով ծայր գագաթան. և ասեն՝ եթէ 'ի նմանութիւն շինեցաւ այն վանի պարտեցարքային, և դործոյս ևս այսմիկ վերակացու եղէ ինքնին Պերիկղէս: Վասն որոյ և նրառինոս գարձեալ 'ի Թրասեան քերթուածին խաղ առնէ զՊերիկղէս, այսպէս. « Եկնաոխագլուխն Արամազդ առաջիկ հասեալ գայ առ մեզ Պերիկղէս՝ զով տնոնն 'ի վերայ գլխոյն ունելով, յորովհետէ դերծ է նա 'ի խեցեկոյտ վճռոյն »: Բայց յայնժամ առաջին պատուասիրեալ Պերիկղէս, ետ վճիռ տալ՝ զի 'ի Պանսթեմեան տունն երաժշտական մրցանք մրցեսցին. և ապա ինքն կարգեալ հանգիստադէր մրցանացն, կարգաւ և տահմանս գնէր՝ եթէ զկարգ արժան իցէ մրցանաւորացն քնար հարկանել կամ նուագս առնուլ կամ թէ կիթառս բազմել: Եւ կատարեցաւ այս հանգէս երաժշտական մրցանաց յայնժամ և առյապայ՝ յովտնոնին յայնմիկ:

Իսկ նախագրումը գաւթաց գզեկին կատարեցան զամս հինգ. և էր ճարտարապետն Մնիսիկղէոս: Այլ գէպք ինչ հրաշարք պատահեալ 'ի շինութեանն յայնմիկ, յայտ արար եթէ ոչ մեկուսի կայր անտի և դիցուհին, այլ և ինքնին նա միջամուկ գործակից էր 'ի կատարումն. քանզի այրն անգանձոր ժիրաժիր յարուհս տաւորսն և մեծապէս յոժարեալն՝ գլխաւ անկանէր 'ի բարձանց անտի, և խօթանայր

չորաչոր, որպէս զի և 'ի բժշկացն հնարեց
գտաւ ապաւանք: Իբրեւ 'ի Թաղժութիւն
մեծ ընդունեցաւ Պերիկղէս, գիցուհին յե-
րազի երեւեալ նմա՝ ցուցանէր նմա զչար-
մանն, զոր և 'ի գործ վարեալ՝ վաղժադակի
և հեշտեաւ ապաքինեաց զայն: Վասն
այսորիկ ապա և գրօշեալ պնձի Առողջու-
թեան՝ Աթենասաց կանգնեաց Պերիկղէս 'ի
գզեկի քաղաքին մերձ առ բազինն, որ և
յառաջնմէ խկ կայր՝ որպէս ասեն: Իսկ
Փիգիաս գործեաց գիցուհւոյն և այլ պաա-
կեր ոսկի. և արձանագրեաց ևս 'ի խաղա-
խին՝ եթէ ինքնին նա է նորա ճարտարա-
պետն: Եւ գողցես ամենայն 'ի խնամն
Փիգիայ էր ապաւանն. և 'ի վերայ ամենե-
ցուն առհասարակ՝ որպէս ասացաք՝ ոտի-
կան և վերակացաւ նա էր ճարտարացն 'ի
պատճառս մտերմութեանն ընդ Պերիկ-
ղեայ: Եւ եղև այս կիսոցն պատճառք նա,
խանձան, և կիսոցն՝ հայհոյութեան և
բամբասանաց. իբրու որ զազատ տիկնայն
եկեալս 'ի զնին ձեռակերտացն 'ի տուն
իւր առեալ ժողովեցէ Փիգիաս վասն Պե-
րիկղեայ: Անգուստ ապա զոյն համբաւ
առեալք յիւրեանս Վատակերդակ քեր-
թողք, գարտափեռ նշաւակէին զբազում
անժուժեալութիւն նորա, բամբասեալ
զնա և 'ի կին անգր Մենիպպեայ՝ որ բա-
րեկամն էր Պերիկղեայ և երկրորդ 'ի զորա
վարութեան նորա: Բամբասեցին զնա և 'ի
Թռչնադարման պետան Պիւրիդամպուս ու-
րումն՝ որ մտերմն էր Պերիկղեայ. իբրու-

հրաման գալ նմա՝ սիրամարդա առնուլ առաքել կանանւոյն՝ առ որս մտանէր Պերիկղէս : Իսկ զինչ ապա զարմացի որ ընդ որեւորն՝ որ երգիծաբանք բնաւորեցան ի կեանս իւրեանց, և յիշոցս և հայհոյութիւնս ընդդէմ քաջաց և առաքինեաց՝ ցանգ և անգուլ յաղեն՝ իբրեւ գից ումեմն՝ մախանաց խուժանին . ուր և ինքնին Ստեփանքոտոս Թաատացի մեծ իմն ամբարշտու, թիւն և ստայօգ յանդգնեցաւ բանդադու շեւ ընդդէմ Պերիկղէայ և ի կին անդր որդւոյն իւրոյ : Եւ այսպէս ապա կարի գծնդակ է և գծուարածեռնարկելի ի վերայ կալ ճշմարտութեան պատմութեանն . քանզի զկնի եկեալ պատմադիրքդ առ ի հարտութենէ ժամանակացն անցելոց խափանեալ են ի ճշգրիտ Ծանօթութենէ իւրացն : Իսկ որ ժամանակակից պատմութիւնն է գործոց և կենաց մարդկան, և զի առ նախանձուն և թշնամութեանն՝ և է զի առ շնթելոյն՝ խաթարէ և վեր ի վայր զճշմարտութիւնն չօյլէ :

Բայց յայնժամ իբրեւ տառնաբանք Թուկիդիդեան կողմանն բողոք բարձեալ աղաղակէին ընդդէմ Պերիկղէայ, եթէ վատ նեալ ծախէ դա աւադիկ զգանձան և սպառէ զհասարակաց զմուտս և զհասա, ժողով արարեալ Պերիկղէս՝ հաղցանէր զժողովուրդն . “ Զխնդ Թուկի ձեզ՝ Թէ բազում ինչք ծախեցան արդեօք ” . ետուն պատասխանի և ասեն . “ Կա՛ և բազմադոյն յոյժ ” . կրկնեաց ապա Պերիկղէս . “ Մի ձեզ ինչ

ուրեմն գրեցին ծախքդ, այլ ինձ գլխովին. և զիմոյ անձին առանձին տաց ես արձանագրել զվերտառութիւնն 'ի վերայ գաստակերտացդ": Իբրե զայս առաց Պերիկղէս, նորա միանգամայն և ընդ մեծանձնութիւնն հիացեալ սքանչացեալ, և փառաց գաստակերտացն այր զարամբ հետամուտք, ձայն բարձեալ աղաղակէին՝ հրաման տուեալ 'ի հասարակաց գանձէ անտի առնուլ և տուլ և խնայել և յոչինչ: Իսկ 'ի վերջէ 'ի վեց ընդ Թուկիդիդեայ եկեալ՝ մինչև խեցեկոյտ վճռով հարկ լինել վտարանդութեան միոյ ուրուք 'ի նոցանէն, ես Պերիկղէս տարագիր առնել զԹուկիդիդէս. և այնպէս բարձաւ 'ի միջոյ յայնժամ երկպառակութիւն կողմանցն:

Իբրե այսպէս ամենայն հակառակութիւն ընաջինջ բարձաւ, և քաղաքն գլխովին անգործացեալ 'ի մի միաբանութիւն դարձաւ, այնուհետև առհասարակ զԱթէնս յանձն իւր առեալ գրաւեաց Պերիկղէս, միանգամայն և որ ինչ Աթենացւոցն էր անկ հոգարարձութեան, հարկ և բաժք, և զինուորութիւնք և մարտք, և եռութիոց նաւք, և կղզիք, և ծով. և մեծ եղև զօրութիւն իշխանութեան նորա առ Հելլենացիս, մեծ և առ բարբառոսս ինքնին. և հաստահարուտ ամբածածուկ լինէր 'ի հնազանդեւոց անտի աղջաց, և 'ի բարեկամութենէ Թագաւորաց, և 'ի նիզակահցութենէ քաջաց: Եւ այնուհետև իբրու զառաջինն չէք Պերիկղէս, և ոչ

հեշտունկալ ինչ խուժանի ռամկին, և ոչ գիւրաւ զիջաներ նոցա, և կամ անձնատուր երբէք տեղի տայր ըզձից ամբոխին՝ իբրու բազմահնչակ հողմոցն շնչմանց. այլ զմեղկն զայն և զլոյծ իշխանութեան ռամկին զերասանակն՝ իբրու զլծուլակի և զկակուղ ներդաշնակութիւն գործւոյն՝ ձգտեալ պնդեաց յողնուապետականն և յարջայական քաղաքականութեան կարգ. և ցանգ ուղիղ և անսողիւտ քաղաքավարութեամբ՝ ի լաւագոյնսն թեակոխեալ, այնպէս ապա բազում անգամ զամբոխն անբռնազատ մտադիւրագոյնս հնազանդեցուցաներ զերդեցիկ յորդորակօքն և խրատուն: Այլ էր զի և յակամայ կամս նուաճեալ բուռն առնէր նմա հպատակել և պատկառ կալ օգտակարացն և պիտանեաց, զնմանութիւն բերելով յանձին ճշգրիտ զճարտար բժշկի, որ ի բազմերկնակ խօթութիւնս և ի բազմաժամանակեայս՝ է զի ըստ ժամուն պիտոյից զհեշտալին և զգիւրնկալն վարէ դեղ. և է դարձեալ ի գէպ ժամուն՝ ըզբարկն և զսաստիկն, որ զլիրկութիւննաւթ. ճէ հիւանդին: Եւ քանզի՝ որպէս ի գէպ է կարծել՝ բազմագէմ կիրք և ախոք բնաւորեալ էին յամբոխ ժողովեղեանն այնորիկ՝ որ զայնչափ լայնասահման տերութիւնն զբուամբ ունեին, միայն սա այս Պերիկղէս գիտաց ճշգրիտ և դերդեցիկ տանել բերել զմէն մի ի նոցանէն. և առաւել յուսով և երկիւղիւ՝ իբրու կրկին զեղօք՝ է զի սանձակոծելով զԺպիրհ խեռութիւնն

ի նոսա, և է զի արձակերասան խրախոյս քաջալեր կարգալով անարի վատասարտութեան նոցա. և եցոյց յայտնապէս յանձին իւրում եթէ Հռետորականն՝ ըստ Պղա, տոնին՝ իշխան է ի վերայ ոգւոց տանել բերել զնոսա. և մեծապէս գործ պաշտաման նորա՝ գեղեցիկ կարգաւ հասանել ունել ի բուռն զբազմագէժ զբարա և ըզկիրա մարդկանն՝ իբրու ձայնս և ոլորակո և աւաչս հոգւոյն, որոց յոյժ ճարտար մատանցն պէտք իցեն շարժել հարկանել և հնչեցուցանել զնոսա:

Իսկ էր պատճառք՝ այսորիկ ոչ լուկ մեծի ճարտարախօսութեանն Պերիկղեսոյ ոյժ, այլ որպէս Թուկիդիդէս ասէ՝ շուք վառաց և հաւատք առն ի քաղաքավարութենէ անտի կենաց նորա, որ ակն յայտնի անկաշառաբեկ էր այրն, և ամենայն պարգևաց և զօլաքազութեանց գեր ի վերայ: Եւ որ զքաղաքն գլխովին զմեծն՝ ամենամեծ կարգեաց եգ և ամենահարուստ, և որ զօրութեամբ աւագութեանն ի վերայ գտաւ քան զթագաւորս բազումս և զբռնաւորս, յորոց կէսք և վասն որդւոց արգեօք թողին ինչ ի գոյից իւրեանց. սա այս Պերիկղէս և ոչ միով գիդրաբմայիւլասի աճնցոյց զգոյս ընչիցն՝ զոր եթող նմա հայրն իւր: Եւ այն զի զօրութիւն աւագութեան նորա քաջ իսկ ի գէմս բերէ մեզ Թուկիդիդէս. իսկ անդուստ և Վատակերգակ քերթողք ըստ լեզուագար բարոյիցն զնոյն հռչակ հարկանեն. քանզի

զընտանիսն և զմտերիմն Պերիկղեայ ա-
նուանեալ կոչն նորա ոմանս Պի-ի-ուր-
աէանս. իսկ նմին Պերիկղեայ տան երգումն
կռել՝ զի երբէք զգոնաւորութեան ինչ
թեկն մի ածցէ. յայտ արարեալ՝ եթէ ա-
ւադութիւն իշխանութեանն Պերիկղեայ
անչափակից ուրեմն էր ռամկապետու-
թեանն կարգի և անկշիռ: Իսկ Տեղեկդի-
գէս պատմէ՝ եթէ ապատառն 'ի ձեռս ե-
տուն Պերիկղեայ Աթենացիք զքաղաքացն
զհարկս և զքաժս, գարձեալ և զնոյն իսկ
զքաղաքսն գլխովին. ըստ հաճոյից կա-
մացն զկէսս կապել, և զկէսս արձակել.
'ի քարանց պատուարս՝ է զի շինել կանգ-
նել, և է զի զկանգնեալսն՝ հիմն 'ի վեր
առնել. առ այս՝ և զգաշինս պայմանաց,
և զզօրութիւն աւադութեան, և զտէրու-
թիւն իշխանութեան, զխաղաղութիւն,
զմթերս ընչից, և գլխովին իսկ զերջանկու-
թիւն անձանց: Այն զի՝ և ոչ ժամանա-
կին ինչ քաջագիպութիւն գոյք 'ի միջի
վասն այդոցիկ. և ոչ գարձեալ ընդ սուղ
ինչ ժամանակ այդոցիկ՝ այն ինչ առոյդ և
հեշտունկալ բարդաւաճէր նորածաղիկ իշ-
խանութիւն առն. այլ գլխովին ընդ ժա-
մանակս ամաց քառասնից նախաթոռ իշ-
խան բազմեցաւ Պերիկղէս, թէպէտ և Ե-
փիաղտէսք էին յայնժամ և Ղեսկրատէսք
և Միւրոնիդէսք և Կիմոնք և Տողմիդէսք և
Թուկիդիդէսք: Առ այս՝ և յետ նուաճու-
թեանն Թուկիդիդէայ և վտարանգու-
թեանն, ոչինչ պակաս քան զամս հնգե-

տասան վարեաց նա զէջնանութիւնն . և յանձն իւր ժողովեալ միանգամայն զամենայն զօրութիւն և զպետութիւն՝ որ ի տարեւոր ռաթիկանոն բաժանեալ կայր , աւերակներէ պահեաց զանձն և անվանեցի յընչաքաղցն կրից :

Այլ սակայն և ոչ գլխովն տնդործ պարապորդ կայր ի տնտեսութեան գոյլցն , այլ զի մի թերեւ հայրենի ժառանգութիւնն և արգար մեծութիւնն յանկոյթութեանէն նուազեալ վատնեցի . և մի գարձեալ շատ ինչ զբոսանա և գեղերանա նորա անպարապութեանցն ի ներքս բերցէ , գեղեցիկ տնտեսութեամբ առեալ հանգերձեաց զայն , որչափ ինչ միանգամ հեշտին թուեցաւ նմա և ճշգրտագոյնս : Քանզի միանգամայն զամենայն պտուղս և զհասս իւր տարեւորս անդէն վաճառէր , և ապա աւուր աւուր որ ինչ միանգամ կարեւորն էր՝ գնէր ի հրապարակէն . և սահման կենաց և զպիտոյից զայս կարգեաց տան իւրում : Այսորիկ ազագաւ ոչ ինչ հաճոյ գտանէր Պերիկլէս առաջի որդւոց իւրոց՝ որ ի չափն հասեալ էին , և ոչ կանանցն , զի ոչ առատապէս էր տնտեսութիւնն . այլ քրթմնջիւն էր՝ զի օր ըստ օրեայ ծախքն այնչափ իմն ճշգրութեամբ տնտեսէին . և զի և ոչ մի ինչ առատութիւն գտանէր անգ ի ներքս , ըստ որում և վայելէր այնպիսում մեծի տան , և որ այնչափ համից ամբաւից ժառանգորդ էր . այլ ամենայն ելք և ամենայն մուտք անգանօր՝

Թուով էին և չափով և կշռով: Եւ որ զայս
ամենայն զմեծապէս ճշգրտութիւնն 'ի գլուխ
տարեալ կատարէր, էր մի ոմն 'ի պաշտօ-
նէից անտի նորա Եւանդեղոս անուան. որ-
պէս զի և ոչ ոք այլ այնպէս քաջապէս
անդատին բնաւորեալ էր յայն գործ. և
կամ Թէ 'ի նմին իսկ 'ի Պերիկլեսայ վար-
ժեալ հրահանգեալ էր նա 'ի անտեսու-
թիւն անդր:

Այլ այս ամենայն ընդգէմ ելանէր
իմաստութեանն Անաքսագորայ, այն՝ որ և
զտուն բնակութեան իւրոյ ինքն լքեալ, և
զադարակա իւր Թողեալ էր 'ի բացի ան-
գործ անճակ՝ կարգեալ յարօտ խաշանց՝
առ գեղեցիկ մոլութեանն իմաստասիրա-
կանին և բարձրագանիցն խորհրդոց: Սա-
կայն որպէս ինձ Թուի՝ ոչ նոյն և մի է
սահման կենաց տեսական իմաստասիրին և
առն քաղաքականի. առաջինդ անբաժ 'ի
գործեաց և անկարօտ արտաքնոցն նիւթոց՝
չարժէ և տանի բերէ զխորհուրդ մտացն 'ի
գեղեցիկան. այլ վերջինդ՝ քանզի 'ի պէտս
կենցաղօգուտս մարդկանն առեալ միջա-
մովս խառնէ զառաքինութիւն անձինն,
է ուրեք զի ոչ կարեոր միայն հանդիպեսցի
նմա ընչաւետութիւնն, այլ և գեղեցիկ և
վայելուչ, ըստ որում և նմին իսկ Պերիկ-
լեսայ. այն՝ որ 'ի Թիկունա օգնականու-
թեան հասանէր բազմաց չքաւորաց, և
նմին իսկ Անաքսագորայ: Քանզի պատմեն՝
եթէ 'ի պատճառս մեծի անպարապու-
թեանն Պերիկլեսայ, էր երբեք զի անդոյթ

լքեալ եկաց Անաքսագորաս 'ի ծերացեալ հասակին իւրում, վասն որոյ և զգլուխն իւր առեալ ծածկեաց նա ձորձովն. կամէր այնպէս անսուսողութեամբն վճարել զկեանս: Ա՛յն ինչ իրազգած բանին եղեալ Պերիկղէս և խռովեալ 'ի հոգին, գիմեաց չքառ առ Անաքսագորաս, և անդ զամենայն պաշատանս պաշատէր առ նա. մեծապէս ցաւէր նմա ոչ վառն նորա ինչ այնչափ, որչափ վասն անձինն՝ եթէ երբէք զիդ մնացէ յայնպիսի առնէն, որ խորհրդական քաջ էր 'ի քաղաքականութեան կարգս: Յայնժամ 'ի բաց զձորձն առեալ Անաքսագորաս, ասէր առ նա. Ո՛վ Պերիկղէ, նա և որդ լապտերին պէքս ունին, իաղ արիւնէն 'ի նմա:

Բայց իբրև Լակեդեմոնացիք սկսան խելելու հայել ընդ բարդաւաճ փառան Աթենացւոց, Պերիկղէս յաւէտ 'ի վեր առեալ տանէր զնոսա խորհել մեծամեծս ևս քան զնոյնս, և մեծամեծ ևս ուղղութեանց նա հատակութեանց արժանի առնել զանձինս. վասն որոյ և վճիռ մի ետ տալ գրել, զի ամենայն Հելլենացւոց՝ ուր և միանգամ քնակութիւն կարեալ իցին յԵւրոպա կամ յԱթին 'ի մեծամեծ քաղաքս և 'ի փոքունս՝ հրաւեր կարգաւորեն առնուլ առաքել յատեան ժողովոյ Աթենացւոց պատուիրակս, խորհուրդ խորհել վասն հելլենական մեհենիցն՝ զոր հինն 'ի վեր տապալեալ էին բարբարոսք. և յազազս զոհից նուիրացն՝ զոր պարտէին 'ի գնել նոցա

ուխտա առ գիտ վասն Ելլազայ, յորժամ
մարտ եղեալ կռուէին ընդ բարբարոսս . և
յաղապո ծովուն՝ որպէս զի առ հասարակ
ամենեքեան յանգորդու նաւարկեալ վայե-
լեացեն 'ի խաղաղութեան : Եւ յաղապս
այսորիկ արք քսան թուով որ զյիսնամե-
նիւք անցեալ էին՝ արձակեալ առաքեցան
յԱթենայ : Հինգն 'ի նոցանէ հրաւիրակք
չորան Յոնիացւոց և Տորիացւոց՝ որք յԱ-
սիա, և Կղզեցւոցն մինչև 'ի Լեսբոս և 'ի
Ռոդոս : Հինգ գիւնեալ գնացին առ որս 'ի
Հելլենսպոնտոս և 'ի Թրակիա՝ մինչև 'ի
վայրան Բիւզանդիոյ : Եւ հինգ դարձեալ
'ի նոցանէն 'ի Բիւզանդիա և 'ի Փոկէա և 'ի
Պեղոպոննիսոս, և անտի անցեալ ընդ Լո-
կրացիս 'ի սահմանակից վայրն մինչև յԱ-
կարնանիա և յԱֆրոսիա արձակեցան :
Իսկ մնացեալքն յուրի անկան ընդ Եւբիս
առ Եռացիս և 'ի ծոցն Մելեայ, առ Փթիռ
վացիս և առ Աքայեցիս և առ Թեսսաղա-
ցիս, ածել հաւանեցուցանել առ հասա-
րակ զամենեւեան՝ դալ և հաղորդ բաժա-
նորդ լինել խորհրդոյն, վասն խաղաղու-
թեան և հառարակաց շինութեանն Ելլա-
զայ : Ստիպն կատարեցաւ և ոչինչ, և ոչ
'ի մի վայր եկեալ ժողովեցան քաղաք-
քանդի Լակեդեմոնացիք հակառակեալք
ընդդէմ դարձան՝ որպէս ասեն, և զառա-
ջինն 'ի Պեղոպոննիսոս խոտեալ հերքեցաւ
առաջարկութիւն խորհրդոյն : Այլ եւ
զայս 'ի պատմութեանդ կարգեցի, 'ի քէմն
բերել ընթերցանելեացն զՊերիկղէայ զգե-

զէջիկ հանճարն՝ նոյն և զմեծութիւն ոգւոյ առն աւագի :

Իսկ 'ի զինուորական արշաւանն՝ առաւելապէս զհամբաւի հարեալ էր նա 'ի պատճառս անձնապահ զգուշաւորութեն . քանզի մարտ պատերազմի՝ որ անյայտութիւն բաղաւ յինքեան բարձեալ բերէ և վտանգ , նա մտադիւր կամեջ չաւնոյր յանձն երբէք . գարձեալ և ոչ նախանձաւոր և հետեող կամէր լինել զորաւարացն այնոցիկ՝ որ յանդուգն ձեռներէջ եղեալք 'ի վտանգո՝ ապա ըստ բախտին բերման քաջացեալք սարան զմրցանակն և սքանչացան իբրու մեծամեծք ոմանք : Եւ ասէր նա առ քաղաքացիան ցանգ զայս ինչ, եթէ իւրովանն նոքա միշտ և հանապաղ անմահ ք կացցեն մնասցեն : Այլ տեսեալ Պերիկլեսայ՝ զի Տոզմիդէս որդի Տոզմեսայ յազաւս առաջին իւրոց յաջողակ ելլցն, գարձեալ և 'ի պատճառս մեծապէս շքոյ պատուոյն 'ի զինուորական մրցանացն 'ի վեր վազեալ, 'ի գժարատեհ ժամանակի ձեռներէջ խնդրէր արշաւել 'ի Բիովոթիա, և 'ի նոյն ածեալ հաւանեցուցեալ երիտասարդս քաջ և կորովիս և պատուասերս ինքնակամ նահատակել 'ի զինուորութեան, որ էին նոքա թուով հազարք, թող զայլ զօրն զբանակին . ապա գուն գործէր ջանայր Պերիկլէս սանձել զայրն 'ի խորհրդոցն և խրատէր յորդորէր ևս զնա 'ի հրապարակի, և ասէր առ նա զգերահամբաւեալն զայն զբան . “ Եթէ Պերիկլէսայ՝ դա

ոչ անասյ, գոնեա ակնկալեալ ապաստացէ ամենիմաստ խորհրդականին՝ Ժամանակի, և մի մեղիցէ “: Արդ յայնժամ զբան զայս Պերիկղեայ չափով 'ի գովութիւն առին. իսկ ապա յետ սակաւ աւուրց իբրեւ գոյժ եհաս, եթէ և Յոգմիդէս ինքնին անկաւ 'ի մարտին, և մօտ 'ի Յորոմիլիա 'ի պարտութիւն մատնեալ տասպատ անկան ալք բազումք և քաջք և առաքինիք 'ի քաղաքացեաց անտի, մեծապէս փառօք այնուհետեւ և սիրով յազապս բանին այնորիկ յարգեցին զՊերիկղէս իբրեւ հանճարեղ այր և զգօն և քաղաքասէր:

Այլ 'ի մարտից արշաւանան առաւելապէս 'ի գովութիւն առեալ է մարտ պատերազմին նորա վասն Քէրրոնիսեայ, որով յանդորդու եհան զԅոյնս զքնակեալն 'ի նմա: Քանզի ոչ միայն ամրութիւն մեծապէս հանդերձեաց քաղաքացն այնոցիկ, գաղթական մի քաջորերոյն Աթենացւոց հազար թուով ածեալ 'ի նմա, այլ զի և զկիրճն զայն ողջոյն 'ի ծովէ մինչև 'ի ծով պատեալ յամուրս աշտարակաց և մահաբաժանաց, արդեւ սանձեաց զառապատակս հիշնից Թրակացւոց՝ որ շուրջ հեղեալ կան զՔէրրոնիսեաւ, և փրկեաց զգաւառն 'ի սաստիկ և 'ի հանապազօրեայ մարտից, յորոց տագնապէր նա զամենայն ժամանակն. քանզի խառն բնակեալ էին 'ի նմա և մերձաւոր բարբաբոյք. և լլկեալ ետ էր յաւազակաց անտի սահմանակցաց և 'ի բնակակցաց: Առ այսոսիկ՝ և յոյժ հիացեալ

պանծացան և հռչակ հարին զնա արքայ օ-
տարք . քանզի 'ի Պերդեսայ Մեղապարացոց
հարիւր եռաթիովք գիմեաց նա 'ի Պերդո-
պոննիսոս . և ոչ միայն յաւարի էառ նա
զքաղաքս ծովեղերեայս , ըստ որում և յա-
ռաւնագոյն Յողմիգէս , այլ և 'ի խորս անդր
խաղաց նա 'ի ծով հանդերձ զօրու նաւացն ,
և արհաւիրս արկեալ՝ արպէս զի և առհա-
սարակ 'ի գալատենէն նորա յամուրս պա-
տուարաց իւրեանց մեռալք զօղեցին . իսկ 'ի
հեմէա Սիկիտիւնացիք ընդդէմ դարձեալ
նմա մարտիւ , նա բաւոն զօրութեամբ լա-
նեալ զնոսա՝ նշան յաղթութեան կանգ-
նէր : Յետ այսորիկ զօրաժողով յեռաթիւն
արարեալ յԱքայիոյ՝ որ նիզակակիցն էր
նորա , գիմեաց 'ի հանգիպակաց ցամաք
անդր , և նաւեալ շուրջ զԱքեղովեալ՝
ասպատակաւ յաւարի առնոյր զԱկարնա-
նիա , և եկեալ շուրջ փակեաց արդել զԵ-
նէացիս 'ի պատուարս իւրեանց . ապա յա-
ղարտ վարեալ զանգա և զազարակս նոցա ,
եկն դարձաւ 'ի տուն . ահաբեկ ցուցեալ
զանձն առհասարակ թշնամեացն , և աչա-
լուրջ այր և քաջ իւրոց քաղաքացեացն .
քանզի և ոչ ըստ դիպաց ձափողակի ինչ
եւք յայնժամ պատահեցան զօրականին :

Յետ այսորիկ և 'ի Պոնոսս ծովազնաց
բերեալ նա 'ի հանգէս նաւաց՝ մեծ և շքեղ
և բազմահանդերձ , արար կատարեաց զա-
մենայն կամս քաղաքացն Յունաց , մարդա-
սիրութիւն մեծապէս ցուցեալ առ նոսա .
դարձեալ և չորակայ բարձարոս աղքատց և

նոցուն արքայից և նախարարաց ճոխարար պանծանք ցուցանէր զգորութիւնն, իբրուայն՝ որ մեծապէս արութեամբ այնպէս ծովապնաց լինին նոքա՝ ուր և միանգամ հաճոյ է նոցա, և ՚ի բռին առհասարակ ունին զծովն: Ապա եթող առ Սինոպացիս յիւրոց անտի նաւս երեքստասն, և զլամակոս իշխան ՚ի վերայ, և զբաւ և զգէմ ունեւ բռնաւորին Տիմոթէոսի, այն՝ որ վտարանդի իսկ էր հանգերձ խաւա նին իւրով. առ այս՝ և եւս վճիռ զի Աթենացիք վեցհարիւր թուով ինքնակամ նահասակեալք չու արասցեն ՚ի Սինոպ, և բնակակից լիցին Սինոպացւոց, և բաշխեալ բաժանեացեն յիւրեանս զտունս և զկալուածս, զոր գրաւեալ իսկ էին բռնաւորքն յառաջագոյն:

Այլ սակայն և ոչ գլխովն զնոցանէր Պերիկլէս ՚ի թափ ըզնից քաղաքացեացն, և ոչ նպաստ ինչ լինէր նոցա՝ որ ՚ի բարեբաւորիկ ելլցն և ՚ի զգորութենէն բարձրապարանոց գնային. որպէս զի և կրկին նոքա հետամուտք խնդրէին ընդ բռամբ ունեւ զԵգիպտոս, և զծովեղերեայ սահմանսն զարքային. նա և բաղումք ՚ի նոցանէ ձախողակի ցանկութեամբ ըզմակալք էին առ Սիկկիւիս. և յայն ցանկութիւն առաւել բորբոքեցին զնոսա հռետորք Ագիպիադեայ կողմանն. իսկ և կէսք ՚ի նոցանէ զՏիւրքենիս յերազանային և զԿարթագոյն, մեծապէս յուսով վատահացեալք ՚ի լայնասահման տէրութիւն իւրեանց և ՚ի յա-

ջողութիւն նահատակութեանն : Այլ Պերիկլէս կարճէր զքանկութիւն և սանձէր զքունութիւն կրիցն յեռանդն մեծապատգործոց , և զոյժ զգրութեանն չըջեր 'ի պահել և յանդորդու կացուցանել՝ զոր միանգամ ստացեալ խկ ելին նոքա . եդ 'ի մեծ գործ մեծ կատարել , եթէ երբեք յաջողեսցի նոցա վանել զլախեգեմնապիւն՝ որոց և գլխովին հակառակորդ ամբարձեալ խկ էր , ըստ որում 'ի բազում ինչ գէպս յայտ տրար նա . և առաւել ևս՝ 'ի նուիրակն անդ մտալին : Քանզի յորժամ զօրաժողով գլխեցին լախեգեմնապիւք 'ի Դեզփիա , և զտաճարն անդրէն գալձուցին առ Դեզփիացիս՝ զոր ունեին յայնժամ ֆուկեացիք , անդէն 'ի մեկնել նոցա՝ խաղաց անդր Պերիկլէս և միւսանգամ գարծոյց զփոկեացիսն : Առ այս գարձեալ քանզի լախեգեմնապիւք 'ի ճակատ գալլոյն արնձի՝ առեալ արձանացուցին զնախահարցուկ զեղևանութիւնն 5 , զոր ետուն նոցա Դեզփիացիք . զնոյն՝ և Պերիկլէս զեղևանութիւն զայն առեալ և ինքնին վասն Աթենացւոց , քանդակեաց զայն յաջոյ կողմն գալլոյն :

Բայց յայնժամ յեղից իրացն հաւատարիմ եղև , եթէ ուղղապէս խորհրդով առ կայացուցեալ ունէր Պերիկլէս յելլադա զգորն Աթենացւոց . քանզի առաջին Նաբիացիք յապտատութիւն գրգեցան , ուստի նա զքանակ զօրուն խաղացոյց 'ի վերայ նոցա . և ապա անդէն գուժկան ևս հասանէր արատապտութեան Մեգարաց .

ւոյ 'ի մարտ պատերազմի . և թէ 'ի սահմանս Արտիկոյ զոր մեծ թշնամեաց հասեալ կայ , և զորաւար նոցա Պղնատնակ տէս արքայ Լակեդեմոնացւոյ : Հասա Պերիկլէս 'ի շտապ տագնապի խաղաց յԵւբիոյ 'ի մարտ պատերազմի յԱրտիկէ . սակայն 'ի մարտն ոչ միեցաւ ընդ բազմութիւն և քաջամարտիկ զօրականին՝ որ ձայն ևս ուղղին նմա : Իբրեւ ծանեաւ Պերիկլէս՝ զի Պղնատնակ տէս պատանեակ՝ խորհրդովն վարի Նղէանդրիդեայ , զոր Պարեպք ետուն նմա պահապան և առաջնորդ յաղագս անկատար հասակին , գաղտարար ետ փորձ փորձել զՆղէանդրիդեայ , և կաշառարեկ արարեալ զնա՝ հաւանեցոյց 'ի բաց յԱրտիկոյ առնուլ խաղացուցանել զՊերդոսն նիսեան զօրն : Այսովիկ պրպէս եղերոյ՝ իբրեւ ցանեալ ամուսցաւ զօրն ընդ քաղաքս քաղաքս , 'ի խոր խոցեալ՝ 'ի պտմաութիւն բրդեցան Լակեդեմոնացիք . դատակնիք 'ի վերայ կապեցին Թաղատորին տուգանս գրամոց ծանր , որպէս զի և ոչինչ ձեռն հաս գոլով նա 'ի հատուցանել , տեղի ետ 'ի Լակեդեմոնիոյ . իսկ զՆղէանդրիդէս փախտապան՝ 'ի մահ դատակնիքեցին : Սա այս Նղէանդրիդէս հայր էր Գիլիպպոսի , այն՝ որ վանեաց զԱթենացիսն 'ի Սիկիլիա . և կարծեացէ որ արդեօք՝ եթէ բնութիւնն ինքնին՝ իբրեւ զախտ ճարակաւոր աղցակից՝ և 'ի սա ինքն 'ի Գիլիպպոս բնաւորեաց զընչաքաղցութիւնն , յորում մեծապէս աւարդանօք ըմբռնեալ սորա՝ 'ի չարութեան՝

վարանդի եղև 'ի Սպարափոյ . բայց զայսու-
միկ մեր 'ի վարան Լիւսանդրեայ մեկին աղ-
ձանագրեալ է :

Իսկ յորժամ զԾախուց մարտին զայնո-
րիկ եւս Պերիկլէս զհամարն իբրև տաղան-
դաց տասնից , և վկայեաց ևս եթէ 'ի կա-
րևորան ծախեցան և 'ի վայելուչն , հաւա-
նեցան ժողովուրդք , և ոչ ևս խնդրեցին
հետախուշել զքաղաքիս նորա : Այլ կէսք
արտամեն՝ յորոց մի է և Թէոփրաստոս ի-
մաստատէր , եթէ առաքէր Պերիկլէս ամի
ամի տաղանդաւ տասն 'ի Սպարափոս և յինքն
յանդուցանէր յաւագանւոյն և աղատա-
նայր 'ի մարտէն . և ապա օրինակ զայս գնոց
սոնոյր նա ոչ զխաղաղութիւնն , այլ զժաւ
մանակն . զի պարտաւ գտեալ կազմածոց
պատրաստութեանն՝ քաջ ևս ապա միեւ-
ցի 'ի մարտն : Ըստ որում և միւսանգամ
գիմեալ 'ի վերայ տառատեացն , և անցեալ
յԵւթիս յիսուն նաւաք և հինգ հազար
զօրականք , նկուն արար զքաղաքն : Առ-
այս՝ և 'ի Քաղիկեացիս վանեալ վարեաց
զայնոսիկ՝ որ անուանեալ կոչէին Իպսո-
բոտեանք : և էին նոքա բազմահարուստք և
աղանաւորք . և առհասարակ զԵստացիս
եհան 'ի գաւառէն իւրեանց , և բնակեցոյց
ընդ նոցա զԱթենացիս միայն . խնայեաց
և ոչինչ 'ի նոսա՝ քանզի կալեալ նոցա նաւ-
մի տառակեցի՝ ընդ սուր հանեալ էին զա-
մենայն մարդիկն :

Բայց իբրև ընդ ամս երեսուն խաղա-
ղութիւն հաստեցաւ ընդ Աթենացիս և

ընդ Սպարտացիս, ետ Պերիկղէս տալ վճիռ արշաւանաց ծովու ընդդէմ Սամոսացւոց. իբրու որ ոչ հնազանդեցան նոքա գաղա-
րել 'ի մարտէն ընդդէմ Միդեսացւոց: Այլ
քանզի համբաւ հռչակ հարեալ էր վասն
արշաւանին այնորիկ Պերիկղեայ իբրու 'ի
շնորհս Ասպասիայ, ոչինչ ապա դժպատեհ
իցէ քննել 'ի ժամուս՝ եթէ զիմոգ արդ-
եօք հնարիմաց խորհրդով և մեծապէս զո-
րութեամբ յաջողեցաւ կինդ այդ նկուն
իւր առնել զճոխս քաղաքին. առ այս
դարձեալ ետ և խնայտասիրաց գասուն ոչ
ինչ անկած և ոչինչ անպաճոյճ խօսել
զմանէ բանս: Արդ՝ միաբանին առհասա-
րակ, եթէ Միդեսացի էր Ասպասիա՝
դուստր Ա. քսիովոսի: Եւ ասէն՝ եթէ
զմանութիւն բերելով սա յանձին զԹար-
գեղեայ ուրումն 'ի վաղնջուց անտի կա-
նանցն Յադացւոց՝ ընչաւետ արանց ցանդ
զհետ մտեալ էր. քանզի Թարգեղեայ հրա-
շագեղ 'ի դիտակ պատկերին և շնորհաշուք
և հանճարեղ՝ բնականից եղև բազմաց Յու-
նաց, և հաւանեցուցանէր զորս միանգամ
մերձենայինն առ նա՝ թիկունս տալ ար-
քային Պարսից. և 'ի ձեռս աւաղացն այ-
նոցիկ և ճոխից նա գաղտաբար ցանեաց 'ի
քաղաքս հրապոյրս՝ զկուսակցութիւն Մա-
րաց: Իսկ կէսք ասէն՝ եթէ Պերիկղէս մե-
ծապէս խնամով շուք դնէր Ասպասիայ.
զի էր նա կին լի խնայտութեամբ և վարժ
'ի քաղաքականին. ուստի և Սոկրատէս
ինքնին ստէպ յայց ելանէր առ նա հան-

դերձ ծանօթիւք . և որք մտերիմքն էին նմա՝ ածէին առ նա և զկանայս իւրեանց լսել Ասպասիայ . թէպէտ և ինքն ռափկան 'ի վերայ կայր անփառուանկ և դժպատեհ ապասաւորութե՝ 'ի անուշանել աղջկունս լկտիս : Եւ Եպինէս ինքնին ասէ , եթէ և լիսիկդէս խաշնավաճառ այր անաւադ և անկած 'ի բնութենէն՝ գտաւ նախաթող յԱթենացիս 'ի պատճառս մերձաւորութեան իւրոյ ընդ Ասպասիայ յետ մահուանն Պերիկղեայ : Իսկ 'ի Մենեքսենոս մատենին Պլատոնի , թէպէտ և ընդ խաղ գրեալ իցէ սկիզբն մատենին , սակայն և պատմութիւն գտանեմք մեք 'ի նմա՝ եթէ բազումք յԱթենացւոց կենցաղակից լինէին Ասպասիայ՝ զի քաջավարժ էր 'ի հռետորականին : Այլ յայտ ամենայնի վերայ՝ թուի թէ մտերմութիւնն Պերիկղեայ ընդ Ասպասիայ՝ տուփանաց կիրք էին : Քանզի Պերիկղէս ունէր կին համազարմ՝ որ կին լեալ էր Իպպոնիկոսի , որում և ծնաւ ըզկաղղիաս զընչաւան . և ծնաւ ապա Պերիկղեայ զՔսանթիպսոս և զՊարաղոս . իբրեւ ոչ ևս կամեցան բնակակից լինել՝ ետ զնա Պերիկղէս 'ի կին այլոյ ունեմն՝ զոր և կինն ինքնին խնդրէր . և ածեալ իւր 'ի կին զԱսպասիա՝ սիրեաց զնա յոյժ . քանզի և յեւանել իւրում՝ որպէս ասեն՝ և 'ի մտանել 'ի հրապարակէ , ցանդ ողջոյն տայր նմա և համբուրէր . ուստի և 'ի կատակերդակ տեսարանս անուն կարդային Ասպասիայ՝ է զի Նոր Բն Որիտի , է զի Դեյասի .

րէ, և է զի՝ Հերա: Իսկ Արամինոս ինքնին
 յայտնապէս կոչէ զնա բող՝ այսպէս. «Ծնա-
 նի տակ՝ զՀերա զԱրամինա՝ զԿաթուն
 զայն Բող շանադէմ»: Այլ Թերևս և այլ
 պոռնիկորդի՝ ի նմանէ ծնեալ իցէ Պերիկ-
 զէս. որ ազագաւ Եւպորէս ի Դեմոստեն
 քերթուածին տայ Պերիկլեսայ հարցանել
 այսպէս. «Իսկ այն իմ աղքատի կեցցէ՞
 տակաւին». և տայ պատասխանի Պերիկ-
 ՚կլէս. «Նա և ի վաղուց հետէ արդեօք
 այր եղեալ էր, եթէ չէր նա զանգիտեալ
 ի կրից պոռնիկ մօրն»: Եւ պատմեն ևս՝
 եթէ այնչափ իմն տկանաւոր և զհամբաւի
 հպուս սա այս Արամինա. որպէս զի և
 Նիւրոս ինքնին՝ որ կռուեցաւ ընդ արքային
 գրաւել զտէրութիւնն Պարսից, Արամինա
 անուն կարգալի հարձին՝ զոր առաւելն սի-
 րէր. և անուն էր յառաջն Միդոն՝ Փո-
 կէացի ազգաւ գուտար Երմոտիմոսի. իսկ
 իբրեւ Նիւրոս անկաւ ի մարտին, ածաւ
 Միդոն առ արքայ, և յառաջադէմ էր
 առ նմա: Արդ որ ինչ միանգամ աստա-
 նօր յարձանագրութեանս ինձ ի միտս եկն,
 արդեօք տմարդութիւն էր՝ եթէ երբէք
 ընդ լուութեամբ անցանէի:

Այլ յազագա մարտի պատերազմին ընդ-
 դէմ Սամոսացւոց՝ մեծապէս մեղադիր լի-
 նին Պերիկլեսայ, զի ի Թախանձանաց ան-
 տի Արամինայ ի շնորհս Միդոնացւոցն
 եկն ի նոյն: Քանզի այս երկու քաղաքք
 մարտ եղեալ կռուէին ընդ միմեանս վասն
 Պրիենեայ. իբրեւ յաղթական էին Սամոս:

ցեք՝ հրաման տային նոցա Աթենացիք գա-
գարել 'ի մարտէն և 'ի նոսա առնել ապաւ-
տան . իբրեւ ոչինչ անսացին Սամոսացիք, և
Փերիկղէս խաղաց 'ի վերայ . անդ զաւագ-
պետութիւնն նոցա լուծանէր 'ի Սամոս,
և 'ի պատանդի առեալ արա յիսուն 'ի
գլխաւորաց և մանկեանն նոյնչափ, արձա-
կեաց զնոսա 'ի Լեմնոս՝ թէպէտ և այր այր
'ի պատանդիցն՝ որպէս ասեն՝ յօժարեալ
էր տալ իւրաքանչիւր տաղանդ մի 'ի վեր-
կանս . և շատ ևս այլք խոտտացեալ էին
նմա՝ որք ոչն կամէին ռամկապետութիւն
'ի քաղաքի . առ այս գարձեալ և Քիստու-
թնէս այր Պարսիկ բարեկամ Սամոսաց-
ւոցն՝ առաքեաց առ նա ոսկիս բիւր և ա-
ղերսէր վասն քաղաքին : Բայց Փերիկղէս
պարգեաց ինչ յայնժամ երեսս ոչ արտք,
և զնացեալ ընդ Սամոսացիս ըստ խորհր-
դոց կամաց իւրոց, և կարգեալ անդանօր
ընկերհաշտութիւն, նաւեաց դարձաւ յԱ-
թէնս : Իբրեւ այս եղև, անդէն Սամոսացիք
լծրնկէցք յապատամբութիւն դարձան .
քանզի Քիստութնէս գողացեալ գաղտ 'ի
Փերիկղէս զպատանդան՝ դարձոյց առ Սա-
մոսացիս, և տպա նոքա ամենայն կաղմու-
թեամբ 'ի կռիւ արտօրաստեցան :

Հապա անդրէն միւսանգամ ծովագնաց
լինէր խաղայր 'ի վերայ նոցա Փերիկղէս .
նոքա յայնժամ երբէք ոչ տեղի ինչ ետուն,
և ոչ զահի ինչ հարան . արձանացան կա-
ցին վառեալք՝ կռուել ընդ նմա և տիրա-
նալ ծովուն : Իբրեւ նաւամարտութիւն ասա,

տիկ գրգռեցաւ 'ի նոսա մօտ 'ի Տրագիաս
կղզի, քաջաբար զյաղթութիւնն տանէր
Պերիկլէս. և նաւուք քառասուն և չորիւք
եհար խորտակեաց զեօթանաստանսն զՍա-
մոսացւոց՝ յորոց քսանքն էին զօրականին :
Ապա զհետ մտեալ՝ տիրեաց և նաւահան-
գըստին նոցա, և եկեալ պաշարեաց զքա-
ղաքն նոցա. նոքա և 'ի քաղաքէն իւրեանց
արտաքս ելեալ քաջութեամբ՝ ժամ ընդ
ժամ 'ի կռիւ կաքաւէին ընդ Պերիկլէսայ
'ի ներքոյ պարսպացն : Իսկ յետ այսորիկ
իբրեւ բազում այլ նաւք հասանէին անդր
յԱթենայ, և ամենայն ուստեք 'ի նեղն
լծեալ փակեցան Սամոսացիք, առեալ
յայնժամ Պերիկլէս ընդ իւր եռաթիս
վաթսուն՝ խաղալո 'ի խորս անդր 'ի բա-
ցուստ զդէմ ունել՝ որպէս բազումք ասեն՝
նաւացն Փիւնիկեցւոց որ գիմեալ գային
'ի Թիկունս Սամոսացւոցն. կամ Թէ՛ ըստ
որում Ստեսիմերոտոս ասէ՝ գիմել խաղալ
'ի վերայ Կիպրոսի, որ Թուի ոչինչ հաւա-
նելի : Այլ զիարդ և իցէ նորա խորհուրդ
մտացն, քաջ իսկ սխալեաց Պերիկլէս.
քանզի անդէն 'ի մեկնել նորա, Մեղիստոս
որդի Իթագենեայ աչր իմաստասէր՝ զօրա-
վար յայնժամ 'ի Սամոս, յրնչաց քերեալ
զսակաւութիւն նաւուց Աթենացւոցն և
զանհմուտ զօգրավարսն՝ որ կացեալ մնա-
ցեալ էին անդէն, ածէր հաւանեցուցա-
նէր զՍամոսացիսն խուռն հորդան 'ի վերայ
տալ նոցա : Իբրեւ մարտն խառնեցաւ, յաղ-
թական լինէին Սամոսացիք, և զբազումսն

յԱթենացւոցն 'ի գերութիւն վարեալ և շատ 'ի նաւացն խորտակեալ՝ տիրացան 'ի վերայ ծովուն, և ժողովեցին ամբարս վասն մարտին՝ զոր ոչն ունէին յառաջագոյն : Այլ Արիստոտէլ պատմէ՝ եթէ և Պերիկլէս ինքնին յառաջագոյն 'ի պարտութիւն մատնեալ էր 'ի Մեղիասոսէ 'ի նաւամարտութեանն : Իսկ ապա Սամոսացիք փոխարինեալ զնաւակութիւնն, յառակ գերւոյն Աթենացւոց՝ առեալ Բոս խորանեցին 'ի Ճակատո նոցա . քանզի և Աթենացւոցն խորանեալ իսկ էր 'ի Ճակատ Սամոսացւոցն՝ Սամէնա : Եւ է այո Սամէնա աղքատաւ զիջագոյն յառաջակողմն, գոգաւոր մեծ և լայնորովայն՝ քաջագէտ 'ի խորս ծովուն և արագընթաց . և անուն զայս կարգացին նմա, զի առաջին 'ի Սամոս տեսին զնա գործեալ 'ի Պողիկրատեայ բռնաւորէ : Եւ ասեն եթէ զյսարանդ զայդակնարկէ Արիստոփանէս, այսպէս . Սամոսացւոց ժողովուրդդ՝ Բազմագեք է :

Իսկ անգուտ Պերիկլէս լուր առեալ աղէտից զօրուն, դիմեաց վաղվաղակի 'ի թիկունս . և 'ի պարտութիւն մատնեալ զՄեղիասոս 'ի Ճակատամարտի և 'ի փախուստ դարձուցեալ զՍամոսացիս՝ պաշարեալ փակեաց զնոսա 'ի պատուարս իւրեանց . խնդրէր մանաւանդ՝ քան 'ի վերս և 'ի վտանգս քաղաքացեացն՝ մեծապէս ծախու և բազմաժամանակեայ պաշարմամբ տիրել քաղաքին : Այլ իբրև տաղտկացան նոքա գեղերել անգէն, և բորբոքեալք 'ի

կռիւ՝ գժուարէին ընդ իրան, առեալ 'ի
 Գունդա ութ բաժանեաց զամենայն զաւգ-
 մութիւնն վիճակաւ: Անդ որոց մեանդամ
 ելանէր վիճակաւ Բակլա սպիտակ, զտեղի
 կալեալ նոքա պարսպէին 'ի խրախուճս՝
 մինչքեռ. այլք զմարտն մղէին: Եւ յայս-
 մանէ ապա՝ որպէս տեսն՝ որք 'ի գրգանս
 անցուցանեն զօրն, անուն կարգալ այնմ՝ Օր
 «պիփա»՝ 'ի սպիտակ բակլայէն: Բայց Եփու-
 ռոս պատմէ՝ եթէ 'ի մարտին յայնմիկ 'ի
 գործ վարեաց Պերիկղէս և մենքենայս իմն
 որոց ընդ նորութիւնն և Պերիկղէս ինքնին
 հիացեալ էր. և էր նոցա ճարտարապետ
 Արտեմոն մենքենայագործ. և քանզի 'ի
 պատճառս կաղութեան առն բարձեալ
 բերէին զնա 'ի վերայ ակթուակի՝ 'ի պէտա
 գործոցն, անուն կարգացին նմա Փերիք-
 տիփոս, այն է՝ Պարսպածեալ: Այլ յան-
 գիմանէ զայս Հերակղիղէս Պոնտացի, քան-
 զի 'ի քերթուածի ուրեք Անակրէոնին
 գտանէ նա անուն Արտեմոնի Փերիֆոռի-
 դէսյ՝ բազում դարուք յառաջ քան զմարտ
 պատերազմին Սամոսի, և որ անգանօր նա
 հատակութիւնք: Առ այս դարձեալ և ա-
 սէ, եթէ էր սա այս Արտեմոն աղբիւս
 կակեաց և գիրգ և անարի վատասիրտ. և
 կայր նա դագարեալ 'ի տան, ուր երկուք
 ոմանք 'ի ծառայիցն առեալ վահան պղնձի
 հովանացեալ ունէին 'ի վերայ գլխոյն, զի
 մի ինչ թերևս 'ի բարձանց հոսեալ անկցի
 'ի նա. և թէ երբէք հարկաւորէր ելանել
 նա արտաքս, առկախեալ շալակաւ քեր-

րեալ առ երկրաւ՝ այնպէս բարձեալ շրջե-
ցուցանէին զնա, յորմէ և անժան կալաւ նա
Փերիֆերոս :

Բայց յամենան իններորդի յանհնարա
մտեալ Սամոսացիք՝ անձնատուր լինէին .
յայնժամ Պերիկղէս առեալ հիմն 'ի վեր
քանդեաց զպարիսպս նոցա . առ երարձ
զնաւան, և գտառնիք 'ի վերայ կապեաց
տուգանս սաստիկ գրամոց . նոքա կէս մի
հատուլին 'ի ժամուն, և զկէսն ուխտ եղին
լնուլ 'ի ժամանակակէտն, և ետուն նմա
պատանդս : Սակայն Դուրիս Սամոսացի
շատ ինչ եղերերդականս բարդէ 'ի պատ-
մութեանն, բողբ բարձեալ զՊերիկղէայ
և զԱթենացւոց՝ իբրեւ զանագորուանից ո-
մանց . զորմէ ոչ Թուկիդիդէս և ոչ Եսիո-
րոս և ոչ զարձեալ Արիստոտէլ յիշատակ
երբէք չարարին . այլ Թուի Թէ Դուրիս
ոչինչ ճշմարտախօսէ : Քանզի պատմէ՝ ե-
թէ իբրեւ 'ի հրապարակ անգր Միդեսացւոց
ած Պերիկղէս զգորավարս եռաթիոցն և
զնաւամարտիկան Սամոսացւոց, և պրկեաց
գառացոյց զնոսա ընդ ատաղձս տախտա-
կաց աւուրս տասն, մինչդեռ նոքա անդ-
այնպէս յոգւոց պարզել ապաստան եղեն,
եւ հրաման՝ զի գաւազանեալ զնոսա ընդ-
կառափունսն՝ այնպէս սպանցեն, և զգիւս-
կունսն քաղեալ 'ի բաց ձգեսցեն անթաղ :
Այլ եթէ Դուրիս՝ Թէպէտ և ոչ 'ի կրից
անձին ձգեալ ինչ՝ բնաւորեցաւ 'ի պատ-
մութեանն ելանել ըստ ճշմարտութիւնն,
քաջ իսկ հաւանեալ եմ՝ եթէ աստանոր

կամեցաւ նա աճեցուցանել զաղէտս զիւրոյ աշխարհին՝ առ 'ի բանսարկութեամբ աղարտել զԱթենացիսն :

Յետ հիմնադրուած առնելոյն զՄամոս, գարձաւ Պերիկղէս յԱթէնս . և անդ գիտահանս գեղեցիկս առնէր վասն անկելոցն 'ի մարտին , և դամբանական և՛ որպէս և ցայսօր սովորութիւն է՝ կարդայր 'ի վերայ անկելոցնոցա , ոյր աղադաւ և սքանչացաւ նա : Իսկ իբրև 'ի բեմէն իջանէր Պերիկղէս , անդանօր կանայք առհասարակ բազում հիւրամեծարութեամբ ժողովէին զնա՝ կալեալ զաջոյ նորա , և առեալ պսակս պսակս բոլորէին 'ի գլուխ նորա և վարտակալ՝ իբրու յաղթանակաբեր ակոյեանի : Իսկ յայնժամ Ելպինիկէ մօտ եղեալ առ նա՝ ասէր . “ Աքանչելիք ե՛ն այդդիկ՝ ո՛վ Պերիկղէ՛ , և պսակաց արժանիք , որ մեզ բազումս և առաքինիս և քաջս 'ի կորուստ մատնեցեր քաղաքացիս . ոչ ընդ Փիւնիկեցւոց 'ի մարտ մատուցեալ և ոչ ընդ Մարաց , որպէս իմ եղբայր հարազատ Նիմոյն , այլ զմեր նիզակակիցն և զազգակից հիմն 'ի վեր տապալեցեր քաղաք ” : Իբրև զայս ասաց Ելպինիկէ , պատմեն՝ եթէ ժպտեալ Պերիկղէս՝ ասաց նմա հեղարար զԱրքիդդոսինն զայն , “ Ո՛չ արդեօք քեզ՝ պառաւ գոլով քո՝ 'ի դէպ էր օժանիլ իւղովք ” : Բայց յետ վանելոյն ըզՍամոսացիսն , 'ի վեր վազեալ Պերիկղէս և սքանչելի զանձն համարէր՝ որպէս ասէ Յոմն , իբրու այն որ ընդ ամիսս ինն նկունս արար զաւագսն և զգորաւորսն Յոնիացւոց .

ուր Ագաթանգեղոսն ամս տասն ծախէր 'ի նը-
ւաճել զքաղաք մի բարբարոսաց : Եւ ար-
գեօք ոչ անիրաւ ինչ էին պարծանք Պե-
րիկղէայ . քանզի ելք մարտին Սամոսա-
ցոց անյայտութեամբ լի էր և վտանգօք .
նա զի՝ և ըստ Թուկիդիդէայ բանին՝ վայ-
րիկ մի ևս Սամոսացոց քաղաքն զծովուն
տէրութի հանէր 'ի ձեռաց Աթենացոց :

Իսկ յետ այսորիկ իբրև մարտ պատե-
րազմին յուզէր Պեղոպոննիսեան, հաճեաց
Պերիկղէս զմիտս ժողովուրդեան առաջել 'ի
Թիկունս Կերկիրացոցն՝ ընդ որոց մարտ
եղեալ կուռէին Կորնթացիք, և յինքեանս
յանգուցանել զկղզին զայն հօր յոյժ 'ի
նաւականսն . նա զի և մօտալուստ առ գուրա
կայր նոցա մարտն Պեղոպոննիսեան : Իբրև
զքուռայսն արկին ժողովուրդք տալ ձեռն
օգնականութեան, յայնժամ արձակէր Պե-
րիկղէս անգր զլակեղեմոնիոս զԿիմոնի որ-
դին տասն միայն նաւուք 'ի Թշնամանս .
քանզի զարմն Կիմոնի մեծապէս մտերմու-
թեամբ էր ընդ Լակեղեմոնացիս : Արդ
նաւս նուազունս տուեալ 'ի նորա ձեռս
արձակէր յակամայս նորա, զի առաւել
խէթ զլակոնասիրութեանն կալցեն վասն
Լակեղեմոնիոսի, եթէ երբէք ինչ մի 'ի
մեծաց նահատակութեանց և 'ի հոյակա-
պից ոչ առաջինասցի նա 'ի նոյն արշա-
ւանսն . քանզի և ցանգ գուն գործէր Պե-
րիկղէս խափանել զբարդաւաճել որդւոցն
Կիմոնի, իբրու այն որ չէին հարազատք և
ոչ անուամբք չափ, այլ խորթք և օտարք .

քանզի մին կողմը Լազեդեմոնիոս, և միւսն
Թեասաղոս, և միւս այլ Եղէոս. և համբառ
հարեալ էր առ հասարակ՝ որդիս լինել նո-
ցա կնոջ ուրումն Արկագացոյ: Այլ ի-
րողցած եղեալ Պերիկլէս՝ զի ունչա առ-
նէին նմա վասն տասանց եռաթիոցն. և
ըստ ստիւաւածեռն օգնականութեանն՝ զոր
եւ կարօտելոցն՝ մեծապէս յուզեցաւ զնը-
մանէ ամբաստանութիւն թշնամեացն նո-
րա, առեալ անդրէն արձակէր ՚ի Կերկիւ-
րոս նաւս բազմագոյն ևս քան զառաջինսն.
և հասին նոքա անդր յետ մըլելոյ մարտի
պատերազմին: Ապա ՚ի սրտմտութիւն բար-
կութեան բրդեալ Կորնթացւոցն և ամ-
բաստան զԱթենացւոցն եղեալ ՚ի Լազե-
դեմոն, ՚ի նոյն յաւելան և Մեգարացիք
դանդաւտ կալեալ զԱթենացւոցն, զի ար-
գելուին նոցա միջամուխ լինել ՚ի վաճառո
խրեանց, և առկայանալ ՚ի նաւահան-
գիստս իւրեանց, և ՚ի բաց ևս մերժէին ըզ-
նոսա անտի ընդդէմ հասարակ իրուանց և
երգմնակուռ դաշանցն հելլենացւոց: Առ-
ոյս և Եգինացիք չարչարեալք և հարստո-
հարեալք յԱթենացւոցն, բողոք բարձին
և նոքա ՚ի ծածուկ առ Լազեդեմոնացիսն.
քանզի ոչինչ համարձակէին յայտնապէս
ամբաստան լինել զնոցանէն: Զայսու ժա-
մանակաւ և քաղաքն Պոտիդիա գաղթա-
կան Կորնթացւոց ընդ ձեռամբ Աթենա-
ցւոց՝ ընդվզեալ պաշարեցաւ ՚ի նոցանէ.
և սոքա ևս մեծապէս փութացուցանէին
զմարտ պատերազմին:

Այլ յայս ամենայնի վերայ՝ թէպէտ
և արձակեցան գեապանք յԱթենա, և Ար-
քիդամոս արքայ Լակեդեմոնացւոց գուն
գործէր բազում մասամբք լուծանել զամ-
բաստանութեան և ամօքէր զնիզակակիցան,
թուի թէ և երբէք ոչ գրգռէր մարտ ընդ
Աթենացւոցն, և թէ յետա նահանջեալ
էր նոցա զվճիռն որ ընդգէմ Մեգարացւոց
և՛ ի հաշտութիւն բերեալ ընդ նոսա: Այլ
քանզի յաւէտ իմն Պերիկլէս ընդգէմ գար-
ձաւ այնմ, և ի նոյն յուզեաց զամբոխն,
և պնդեալ կայր ընդգէմ Մեգարացւոցն,
ուստի և Պերիկլէս միայնակ համարեցաւ
պատճառք մարտին այնորիկ: Իբրեւ հասին
գեապանք ի Լակեդեմոնիոյ յԱթենա,
պատմեն՝ և թէ յորժամ Պերիկլէս օրէնս
ի գէմն եբեր նոցա՝ որ արգելոյր բառնալ
ի միջոյ զտախտակն արձանագրութեան նո-
րուն վճռոյ, անդ Պոթեւարկէս մի ի գեա-
պանացն, ասէր առ Պերիկլէս, “Եւ գո-
նկենին մի երբէք բարձցես ի միջոյ, այլ
չքնացես ի ներքս զտախտակդ. քանզի չիք
օրէնք ի միջի՝ որ արգելուցու քեզ զայդ”:
Այս բանք՝ թէպէտ և հեշտ և բազմալի,
ոչնչ այնպէս շարժեցին զՊերիկլէս ի խոր
հրդոց անտի իւրոց. ուստի և թուի թէ
ոխերիմ ուրեմն էր նա ընդ Մեգարացիս:
Ապա աշխարհաւ և յայտնի փութոյն յա-
րուցեալ ի վերայ նոցա, իբրու այն՝ որ ա-
կոսաբեկ արարին նոքա զնուիրական գե-
պանն, արձանագրեաց վճիռ՝ արձակել առ
Մեգարացիս Քարոզ, և զնոյն գարձեալ

առ Լակեդեմոնացիս ամբաստան զՄեգարացւոց : Եւ է այս վճիռ նորուն իսկ Պերիկղեայ դրեալ բարեհամբոյր և մարդասէր իրաւաբանութեամբ : Բայց իբրեւ արձակեալն Քարոզ Անթեմոկրիտոս անուն մեռանէր, և Թուէր եթէ 'ի դաւելոյ անտի Մեգարացւոցն, ապա Քարինոս արձանագրէր այլ վճիռ ընդդէմ նոցա՝ եթէ անպայման է այնուհետեւ Թշնամութիւնն և անողոքելի. և զի՝ որ միանգամ 'ի Մեգարացւոց անտի հասցէ յԱտտիկէ, անդէն մահու մեռանիցի. և զի՝ և զօրաւարք 'ի կռել անդ զհայրենի զերդումն՝ երդնուցուն ևս երթալ երկիցս 'ի տարւոյն ասպատակել զՄեգարացիս. և զի՝ և Անթեմոկրիտոս առցէ Թաղումն մօտ 'ի դրունան Թրիասեան, և կոչի այժմ տեղին Դիսփւղոս :

Բայց Մեգարացիք 'ի չքմեղս եղեալ վասն մնասուն սպանութեանն Անթեմոկրիտեայ, միանգամայն զամենայն զմնասն արկին 'ի վերայ Ասպասիայ և Պերիկղեայ, առ այս և 'ի ներքս ընծայեցին զհռչակելն զայն և զհամբաւեալ տողան քերթուածոյն Ակարնեան 6, “ Իսկ զպոռնիկն զԱիմեթա գնացեալ 'ի Մեգարա պատանիք գինեհարեալք գողանան : Ապա ընդդէմ և Մեգարացիք ցաւով սաստիկ ըմբռնեալք՝ երթան գողանան յԱսպասիոյ պոռնիկս երկուս,, : Եւ այսպէս ոչ հեշտին ինչ է ի մանալ, եթէ յինչ պատճառաց արդեօք դրդուեցաւ պատերազմդ. սակայն և առ-

հասարակ ասեն՝ եթէ ինքնին Պերիկղէս եղև պատճառք՝ զի մի յետս նահանջեացեն զվճիռն զայն։ Իսկ կէսք ասեն՝ եթէ զգէմ եկաց այրմ Պերիկղէս՝ քաջախորհուրդ մեծանձնութեամբ լաւագունին զհետ կրթելով։ քանզի համարէր՝ եթէ խնդիր հրամանին այնորիկ Լակեդեմոնացւոց առ ՚ի փորձ ինչ իցէ։ զի եթէ երբեք տեղի տացեն Աթենացիք, զտկարութիւն անձանց խոստովանեացին։ Եւ կէսք դարձեալ ասեն՝ եթէ յանձնապատասան ՚ի վէգ եկեալ այնպէս արհամարհեաց Պերիկղէս զԼակեդեմոնացւոյք։ Այլ սակայն որ առաւել դժպատեհ պատճառք մարտին այնորիկ՝ որպէս վկայեն բազմագոյնք՝ այսպիսի ինչ էր։

Փիղիաս ճարտար յանձին կալեալ էր գործել զգրօշեալն Աթենասայ, որպէս կանխեցաք ասացաք։ և քանզի մեծապէս ՚ի շնորհս էր նա Պերիկղեայ, վասն այնորիկ և խեղային ընդ նա, և ՚ի թշնամութիւնս դարձան ընդ նմա։ Արդ՝ թշնամիք նորա փորձ կամեցեալ փորձել ՚ի նմա՝ զիարդ խուժանն ինքնին հակամիտեալ իցէ ՚ի Պերիկղէս, և ճշգրիտ ՚ի վերայ կալ մտաց ամբոխին, առեալ հրապուրեցին զՄենոն զգործակիցն Փիղիայ գնալ ՚ի հրապարակ անդր և խնդրել յամբոխէն՝ յապահովի առ բաստան զՓիղիասայ լինել։ Իբրև հաճեալ հաւանեցան ժողովուրդք ընդ այլն, և յատենի քննեցին զՓիլիաս՝ ոչինչ կարացին ըմբռնել զնա ՚ի մնաս գողութեանն։ քանզի նա անդատին զամենայն ոսկին ՚ի

գործ անդր վարեալ, ըստ նախագէտ խորհրդոյն Պերիկղեայ այնպէս խնայեալ էր 'ի դրօշեալն, որպէս զի և հեշտին բառնալ զամենայն և ցուցանել զքչիւն, ըստ որում և յայնժամ հրաման տայր չաւրափօտացն Պերիկղէս առնել զայն: Յայտր ամենայնի վերայ՝ շուք համբաւոյ հրաշալերատութեանցն Փիւզիայ՝ ընդ նախանձուն կրեւք առեալ գրաւեաց զայրն, և առաւել ևս դատաւիրաւ առնելն զնա, զի 'ի մարտին Ամազոնաց քանդակեալ գեղեցիկ յառպարի դրօշերոյն, և զանձինն ևս կերպարան 'ի ներքս երեսր Փիւզիաս՝ իբրև զծերունոյ առն կնոտակի՝ վէժ կալեալ երկդրումիք ձեռքն. և զի՝ և զՊերիկղեայ գէժնն քանդակեաց չքնազագեղ, այն ինչ 'ի մարտ մատուցեալ էր նա ընդ Ամազոնին. և ըզտիւր բազկին Պերիկղեայ յամբառնալ ըզտէք նիզակին այնպէս ճարտարադրութեան կենդանադրեալ՝ որպէս զի և ձգել զերեսօքն, իբրու կամեցեալ Փիւզիաս ծածկել զնմանաւթիւնն՝ յերկաքանչիւր ևս կողմանց երևելի: Ապա 'ի բանս արկեալ Փիւզիաս՝ անդանօր մեռանի հիւանդացեալ. կամ 'Թէ որպէս կէսք ասեն՝ դեղեալ 'ի Թշնամեաց. զի պատճառս ապա կալլեն ամբաստանութեանն զՊերիկղեայ: Իսկ յայնժամ ժողովուրդն ըստ առաջարկութեանն Գրիւկոնեայ՝ ապահարկ առնէր զամբաստանն Մենոն. առ այս և պատուիրէր զօրավարացն իննամ ունել աներկևանութեան առնն:

Չայնու ժամանակաւ և Արապափա ինք

Զին ամբաստանեցաւ յառեմի իբրեւ ամբա-
 լիշա յԵրմիայոսէ կատակերգակ քերթու-
 զէ . առ այս՝ զի և զազատ կանայս որ ելա-
 նէին առ նա՝ ունէր առ իւր ըստ կամայն
 Պերիկլէսայ : Իսկ և Դիոսքիթէս վճիռ մի
 գրեաց յայնժամ, եթէ պարտ է մասն և
 գուշակ լինել զնոցանէն՝ որ միանգամ ոչ
 համարեսցեն ինչ զաստուածակողմն, կամ
 թէ ճառս 'ի մէջ առցեն վասն երկնաւո-
 րացն . որով գտն գործեր Դիոսքիթէս կե-
 ղակործելի յարգարել զՊերիկլէս 'ի պատ-
 ճառս Անպրատգորայ : Իբրեւ ժողովուրդք
 մտադիւր ընկալան զամբաստանութիւնն,
 ետուն և այլ ևս վճիռ՝ զոր գրեաց Դիոս-
 կոնգիդէս, զի զառաջեաւ Պրիւսանեայց Յ
 համարս սացէ՝ Պերիկլէս զգրամոցն՝ զոր
 ծախեաց . և զի՝ գատաւորք ինքնին 'ի քե-
 մէ անտի առեալ գրուեայս՝ 'ի քաղաքի
 անդ արասցեն գատաստան : Այլ Ագոն ե-
 րարձ զայս 'ի վճռոյ անտի, և գրեաց ևս՝
 զի գատաւորք թուով հազար և հինգ հա-
 ռիւր գատեսցեն զգատն . որ զինչ և կամես-
 յի ոք կոչել զվեասն՝ եթէ գողութիւն և
 կաշառ, և եթէ գարձեալ անկրաւութիւն :
 Բայց յայնժամ յաջողեցաւ Պերիկլէս յան-
 գորդ հանել զԱպագամա . քանզի՝ որպէս
 սակ Եպքինէս՝ 'ի ժամու գատաստանին նո-
 րա ըստ գերարտաստելից եղեալ Պերիկլէս
 աղերտեաց վասն նորա զգատաւորան : Այլ
 վասն Անպրատգորայ զանգիտեալ՝ եւս նմա
 մեկնիլ 'ի քաղաքէն և ինքնին յուղարկեր
 զնա : Այլ քանզի գովանակք եղին ընդ

նա ժողովուրդը 'ի պատճառս փեղխոյ՝ երկեալ 'ի դատաստանէ անձինն, ուստի և զհանգերձեալ մարտ պատերազմին՝ որ ծուխ 'ի ներքոյ արձակէր՝ արծարծեալ բոր բոքեաց . ակն կալեալ յուսայք՝ 'ի բաց յանձնէն քերել զամբաստանութիւնն և նկուն առնել զկիրոս նախանձուն , եթէ 'ի շահատակութիւնս յայն 'ի մեծամեծս և 'ի վտանգս՝ առ ինքն միայն գիմեալ ապաւի- նեացի քաղաքն առ մեծի աւագութեանն և զօրութեանն :

Առդ պատճառք զայտափկ ասեն՝ որ աղագաւ ոչնչ թոյլ ետ Պերիկլէս Աթենացւոյ տեղի տալ Լակեդեմոնացւոյն . այլ տակաւին անյայտ է ճշմարիտն : Սակայն Լակեդեմոնացիք խելամուտ եղեալ , զի թէ Պերիկլէս միայնակ նկուն լիցի , Աթենացիք յամենայնի հեշտալուրք լիցին , հրաման ետուն Աթենացւոյն քաւութեւն արբութեան 'ի նշովն , որում և ինքնին Պերիկլէս պարտաւոր էր ըստ մարտնի զարմին , որպէս ասէ Թուկիդիդէս 9 : Այլ եւթ իրացն ընդ հակառակն պատահեաց ոստխացն . քանզի փոխանակ ընդ խեթին և ընդ բանասարկութեանն՝ մեծ ևս շուք պատուոյ կալաւ Պերիկլէս առ իւրան՝ իբրուայն որ մեծապէս առելի և ահաբեկ էր նա Լակեդեմոնացւոյ : Վասն որոյ և Պերիկլէս մինչև Արքիգամոս ընդ Պերպոտնիսացւոյ ասպատակեալ յԱտտիկէ , ասէր կանուխ առ Աթենացիս . զի թէ երբէք Արքիգամոս յաղարտ վարեալ զայլոցն կալուածս

զիւրն անդրժեղի թողցէ հիւրամեծարու-
թեամբ, կամ թէ առ 'ի պատճառս տալ
թշնամեացն ամբաստանութեան զնմանէ,
ինքն մտադիւրագոյնս ընծայեացէ քաղաքին
ողջոյն զիւր գեականն և զգաստակերտան :

Յետ այսորիկ խողացին գնացին Լակե-
գեմոնացիք զորու ծանու հանգերձ նիւրա-
կանցօք ասպատակել յԱրտիկէ . և էր նո-
ցա զօրավար Արքիդամոս արքայ . և յաւա-
րի առեալ զգաւառն՝ միեցան 'ի ներքս
մինչև յԱկարնա . անդ բանակեալ նստէին
սպասեալք Աթենացւոցն, զի պրամեռալք
նահատակեացին 'ի վերայ աշխարհին իւ-
րեանց և փառաց : Սակայն գժնգակ էր
Պերիկլեսայ ընդգէմ՝ վեցից բիւրուց վա-
ռելոց Պերդոպոնիասցւոց և Բիոփոսցւոց
(քանզի այսչափ էր բազմութիւնն՝ որ ա-
ռաջին արշաւեցին յԱրտիկէ), մարտ գնել
կռուել 'ի վերայ քաղաքին : Ապա Պերիկ-
լէս առեալ սանձէր զԱթենացիան՝ որ ոչ
ինչ հանդուրժեալք ասպատակին խնդրէին
զմարտ . գուն գործէր ամոքել զնոսա գե-
ղեցիկ, և ասէր այսպէս . Ծառք ոստա-
քանցք և յօտեալք՝ վերադին պրագ բու-
սանին . ոչ նոյնպէս են մարդիկ 'ի մահ տա-
րածեալք, զորս ոցինչ հեշտին է փոխա-
նակել զնոսա : Ուստի և ոչ կամեցաւ նա
յատեան խմբել զժողովուրդն, զանգի-
տեալ թերեւ ընդգէմ խորհրդոց իւրոց
հարկաւորեացի գործել ինչ . այլ զոր օրի-
նակ քաջ զեկաժար նաւու՝ այն ինչ հոգմ
ուժգնակի անկեալ 'ի ծով՝ ինքն գեղեցկա

պէս զամենայնն յարգարեալ և զգէննն կաղ-
մեալ ճգնի յարուեստ զեկաւարտութեանն,
ոչ արտասուացն երեսս ինչ առնէ և ոչ
պաղատանաց նաւաստիցն՝ որ մեծապէս
յահ և ՚ի տագնապ ըմբռնեալք իցեն. սա-
պէս յայնժամ Պերիկղէս փակեալ ամրա-
պինդ զոտանն, և ընդ ամենայն կարգեալ
պարեկս և պահապանս յապահովի, վա-
րէր ճոխաբար ՚ի խորհրդեան, ոչ ձայնից
միտ եղեալ աղաղակին և քրթմնջանաց.
Թէպէտ էին էին և ՚ի բարեկամաց բազումք՝
որք աղաչաւորք մատչէին, և ՚ի Թշնամեաց
գարձեալ՝ որ սպառնալիս ՚ի վերայ կապէ-
ին և չարախօս ևս կային. առ այս և շատք
յերդ ՚ի քնար և յառակ առնուին զայրն,
իբրու որ անարի վատասիրտ ՚ի զօրավա-
րութեանն՝ յառ և յապուր Թշնամեացն
լքեալ Թողեալ իցէ զամենայն : Այլ և
Վղէովն ինքնին զօրհանապաղ Թշնամեանք
յարձակեալ ՚ի նա՝ խնդրէր հաճոյանալ
ռամկին, քանզի տեսանէր զպատմութիւն
բարկութեան զԱթենացւոցն. ըստ որում
և Երմիպպոս յայտ առնէր ՚ի Վերջատանջս
իւր՝ այսպէս.

Դու Արքայ քաղից Պարկաց,
Եւ որ Էահապք են վաքաց,
Առ ինչ դու երբէք չառնու
՚ի բուռն ըղտեդ նիզակաց :
Այլ մարտից և մրցանաց,
Մեզ վերքերես բան ճարտար,
Եւ զողին ըզճեղետեայ 10

Յանձին բերես հիբարար :
Եւ ապա թէ անիարկես
Սուր սուտերի ստատիկ սպար ,
Դու գողտ՝ թէպէտ խածեալ
'ի կռէտիւնէն այն հրավառ :

Այլ ոչինչ յայսպիսեաց տառի ոչ շար-
ժեաց զՊերիկլէս . տանէր անարդամացն
հեղաբար և անշուանչ , և ապա առեալ ար-
ձակէր 'ի Պեղոպոննիսոս հանդէս մի նաւաց
հարիւրոց . ինքն շեմուտ անգր' այլ կար-
մնայր առ անին և առաջնորդէր քաղաքին ,
մինչև ապա 'ի վերջէ ելեալ 'ի բաց մեկնե-
ցան Լակեդեմոնացիք :

Այլ զգտունութի զԱթենացւոցն յառ-
պատակէ անտի' ամղբեալ Պերիկլէս , տար-
բաշխէր նոցա գրամս և ժառանգութիւնս
սահմանէր նոցա : Քանզի վաճեալ զամե-
նայն Եդենացիսն' առեալ զկղզին նոցա բա-
ժանէր յԱթենացիսն վիճակաւ : Առ այս
և սիրովանս մեծապէս 'ի ներքս բերէր նո-
ցա արկած աղէտից թշնամեացն . քանզի
անգ. նաւամարտիկքն հարիւր նաւաց 'ի Պե-
ղոպոննիսոս շատ ինչ 'ի գաւառէ անտի
գիւղս և աւանս յաղարտ վարեալ քանդե-
ցին . գարձեալ և ինքնին Պերիկլէս ընդ ցա-
մաք խաղացեալ 'ի Մեգարա՝ յամայի ա-
նապատ կացուցանէր առհասարակ : Եւ
անշուշտ այս' եթէ Լակեդեմոնացիք չա-
րիս բազում հասուցեալ Աթենացւոց և 'ի
նոցանէն գարձեալ բազումս կրեալ 'ի ծո-
վու , ոչինչ այնպէս յերկարագոյնս մղէին

զմարտն, նա և արագ նկուճ ընկնին՝ ըստ ուրում նախապատում եղև Պերիկղէս, եթէ երբեք աստուածակողմնն չկայր ընդդէմ խորհրդոյ մարդկան։ Քանզի նախքան զամենայն՝ որածութիւն ճարակեցաւ 'ի քաղաքին. և միանգամայն զառոյգս և զխորովն երխատարդաց նորա յապակեալ նութիւն դարձուցանէր. և առհասարակ յոգի և 'ի մարմին հարան այնուհետեւ Աթենացիք, 'ի պրոսնութիւն բերեալք ընդ Պերիկղէսայ. որպէս որք ընդդէմ բռնակէամ հօր առ ցաւոյն մոլեղինք լուստանս տրձակեցոյն, պրապիսի ինչ էին նորա՝ հրապուրեալ 'ի Թշնամեաց անտի նորա. համարեցան եթէ 'ի բազմութենէ գոռհիկ և գիւղական մարդկանն՝ որ հորդան 'ի քաղաքն ետուն՝ ճարակեցաւ ախան. առ այս՝ զի և յեղանակ ամարայնոյն խառնակոյտ ամբոխն 'ի բնակութիւնս անձուկս և 'ի վրանահարութիւնս տապախարշո խռնեալ ամբիոսիեցաւ. և փոխանակ ընդ սուրբ և ընդ բացութեազ կենացն՝ ստիպեցան նոքա կեանս վարել ընդասուն և անգործ։ Ուստի և զպատճառս ախաին 'ի Պերիկղէս 'ի վեր հանէին, որ վասն մարտին 'ի գաշտէն ամ երեւ զխուժանն զայն հորդան 'ի ներքս 'ի պատուարան. ոչ 'ի գործ ինչ վարեալ զնոսա, այլ իբրև զհօտս անգէոց փակեալ զնոսա՝ 'ի չարաչար ճարակումն ախաին. առ այս և ոչ այլ ուրեք փոխադրեաց զնոսա, և ոչ դարձեալ գիւր յախտէն 'ի ներքս երեւ նոցա։

Այսպէս 'ի գեղ գարմանոյ որերոյն և 'ի տաղնապ և և երկիւղի թշնամեաց՝ հանդերձեաց յայնժամ Պերիկղէս նաւս հաղիւր և յիսուն, և 'ի նոսա հետեակ բազում և այրումի 'ի քաջաց և 'ի կորովեաց. և այնպէս կազմ և պատրաստ հրամանն տայր ծովագնաց ուղւոյ՝ յոյս գեղեցիկ աղջեալ 'ի սիրտս քաղաքացեաց ահեղ պատրաստութեամբն, և արհաւիրս մեծամեծս 'ի սիրտս թշնամեացն. իբրեւ այնպէս պատրաստեցան և լլին առհասարակ զնաւն, և ինքնին Պերիկղէս եւ յեռաթին իւր շքեղ զնաւաւ, գէպ եղև 'ի ժամուն քաղարիւն առնուն, և խաւարս առ հասարակ պատեաց կալաւ. և անդ ողջոյն մարդիկն զահի հարեալք գողային իբրեւ 'ի մեծաց նշանաց: Իսկ անդանօր զգեկաւարն տեսեալ Պերիկղէս համբուն ահաբեկ և 'ի տաղնապի, առեալ զքրամիգ իւր տարածէր 'ի հանդիպոյ աչաց նորս և քաղարկեալ հարցանէր զոյրն, եթէ արդեօք ինքնին ահաբեկ ինչ իցէ բանն, կամ թէ ձախողակի ինչ դիպաց նշանն իցէ արդեօք. իբրեւ ասաց՝ եթէ ոչ. կրկնեաց Պերիկղէս. “Եւ իւ իւիք ասպա տարեւրեալ իցէ այդ 'ի սմանէ. բայց զի քան զիմ՝ քրամիգ մեծ ևս է գա՝ որ 'ի ժա մուս մեղ աղջեաց զմեզ խաւարիդ”: Այլ յաղապս այդոցիկ բանք 'ի վարժարանս ճառին խնամտաւիրաց: Բայց յարշաւանին յայնմիկ՝ ըստ մեծապէս պատրաստութենն սլինչ նահատակութի նահատակեցաւ Պերիկղէս. և անդ իբրեւ պատեալ պաշարէր

զնուիրականն Եպիտաւրոս և անն ունէր
արագ արագ ըմբռնել զնա, 'ի գերեւ ելա-
նէր 'ի յուսոյն վասն արտօնն՝ որ ճարակէր
ոչ 'ի նոսա միայն, այլ և առ հասարակ յա-
պականութիւն կարգէր՝ զորս միանգամ
մերձենային 'ի զօրականն: Եւ քանզի մե-
ծապէս պտնեցան ընդ նա Աթենացիք,
դուն գործէր ամղբել և քաջալերել. սա-
կայն և կարաց ինչ ոչ չեջուցանել զտապ
բարկութեանն կամ փոխել ինչ զնոսա 'ի
խորհրդոց, մինչև արկեալք քուսեայ և ար-
րացեալք կապտեցին 'ի նմանէ զզօրապարու-
թիւնն, և տուգանօք ևս արծաթոյ տուգա-
նեցին զնա. կէսք նուազնն զթիւն՝ իբրեւ
հնգետասան տաղանդաց, և կէսք դարձեալ
առաւելուն՝ իբրեւ յիսնից: Եւ եկաց գա-
տախազ Նզէոն յատենի՝ որպէս ասէ Իգո-
մէնէւս. կամ Թէ Սիմֆուս՝ որպէս ասէ
Թէոփրաստոս. այլ հերակցիտոս Պոնտա-
ցի գրէ՝ եթէ Լակրատիգէան էր:

Արդ հասարակաց իրք արագ արագ այ-
նուհեաւ հանգարտելին. քանզի իբրեւ ըզ-
խայթոց ընդ հարուածոյն՝ եթող ելիք 'ի
խուժանն Պերիկլէս զարամեութիւն բար-
կութեանն. սակայն առ տնին իրք Պերիկ-
լէսայ հիգացեալ էր. քանզի ոչ սակաւք 'ի
սրածութեանն տապաւառ անկան յազգա-
կանաց անտի նորա. առ այս՝ և 'ի հարուած
ժամանակաց՝ ի հերձուած և՛ ի խռով ծփալը
տուն նորա: Քանզի Քասնթիպարոս Էրի-
ցադոյն հարազատ զաւակաց նորա՝ վառ-
նիչ գոյից անդառն 'ի ընտութենէն՝ ունէր

և կեն երկուստարգունի զգուսար խանդրոսի
 յայնքիկեան՝ շուրջ և բազմահանդերձ .
 վասն որոյ և ոչինչ հանգաւթեց Բասն-
 Թիպպոս անտեսութեան հօրն , որ գուզ-
 նաքեայ տաքս նմա ինչա և տակաւ : Ուստի
 և յանուն Պերիկղեայ առաքեաց էսա . նա
 արժամ 'ի բարեկամէն նորա , և իբրեւ խն-
 դրեաց նա զգրաման 'ի Պերիկղեայ՝ ոչ հա-
 տոյց Պերիկղէս , այլ և 'ի գաղտաստան ևս
 ձգեաց զխոխատուն . ապա 'ի ցառումն բոլ-
 րեցաւ պատանին ԲասնԹիպպոս և չարա-
 խօս կայր զհօրէն . մեծապէս ծիծաղեալ
 նշաւակէր զառ տնին գեղերանան Պերիկ-
 զեայ և զխօսակից քաղաքաւարութիւնն ընդ
 դասս խնատակաց Բանդի առաւելալ պատ-
 մէր այսպէս ԲասնԹիպպոս , եթէ յորժամ
 հնգամեցեանն 11 յայնքիկեոս փարապղեոս
 ըստ գիպաց հաղեալ 'ի սայր նեւին սպանա-
 նէր երկիւր մի , Պերիկղէս օր մի ողջոյն ծա-
 խէր 'ի հետախուղել ընդ Պրոտագորայ ,
 եթէ արդեօք ուղղապէս խորհրդով զձ զք
 պատճառ արժան իցէ ասել վնասուն . զնե-
 տին արդեօք սոյր , եթէ զնետաձիգն այր ,
 կամ եթէ զհանդիսագիրս մրցանացն : Առ-
 այս գարձեալ ասէ Ստեփանորոտոս՝ եթէ
 առ այս ԲասնԹիպպոս հռչակ եհար զըր-
 պարութեամբ , իբրու որ առ նու իւր մը-
 տանիցէ . հայրն . և կազ գժտութեան պա-
 տանւոյն ընդ հօրն եկաց անհաշտ մինչև ցօր
 մահուն . քանզի և 'ի պաճութենէ անտի
 յայնժամ հարաւ ԲասնԹիպպոս և մե-
 առ : Չիբկ և 'ի քեռէն իւրմէ յայնժամ

մնայր Պերթիզէս, նաեւ յաղագիւմնաց իւրոց և 'ի բարեկամաց բազմաց՝ որ մեծապէս նպաստը էին նմա յառաջնորդութիւն քաղաքին : Այլ յայտր ամենայնի վերայ ոչինչ բեկաւ անկաւ Պերթիզէս, և ոչ ազէսք արկածից՝ մտացն նորա և մեծութեան ոգւոյն սանանեցին ինչ . այլև ոչ արտասուեաց, և ոչ գիահանս առնէր, և ոչ 'ի Թաղումն ուրուք 'ի կարեւոր աղագիւմնացն չըբաւ նա երբէք, մինչև 'ի մահ անդր Պարաղտի՝ որ էր նորա մնացեալ նշխար 'ի հաղազտո զաւակացն : Քանզի յայնժամ նկուն այնուհետեւ գտաւ յազէսից զաւակին . Թէպէտ և պոտապնդէր ևս զանձն իրորու զառաջինն անսասան 'ի մեծանձնութեան իւրում, ոչ կարաց . այլ յորժամ զպտանն բոլորէր 'ի գլուխ որդւոյն՝ անկաւ բեկաւ յազէկեզ գորովոյն 'ի անսին, հեծեաց դառնապէս և յոգւոց հանէր և զգերաբոսարն բռնեաց յայնժամ յաչացիւրոց, զոր երբէք չէր նորա արարեալ յամենայն 'ի կեանս իւր :

Այլ յետ այնորիկ փորձ փորձեալ քաղաքին զայլոց զօրավարաց և զառնարանից, գտանէր և ոչ զգը զուգակշիւ Պերթիզէսայ և հանգիտապառլու, ապառտան 'ի ձեռս առնել զմեծ տէրութիւնն . ուստի և միւսանդամ ըզմանային Պերթիզէսայ, և կոչէին ևս զնա 'ի բեմն և 'ի զօրավարութիւն բանակին . առ այս՝ և Արիւղիկապէս ինքնին և այլք ևս 'ի բարեկամացն եկեալ, հաւանեցուցանէին զնա ելանել արտաքս 'ի տանէն՝ ուր Թաղծեալ նստէր նա 'ի սուգ :

Իսկ իբրեւ և ժողովուրդն ինքնին զիջ 'ի ներքս երեսը ընդ ապաշնորհ կիրան առ Պերիկլէս, միւսանդամ նա յանձին կալաւ առ աշնորդել քաղաքին . և կարդեալ 'ի զորավար՝ ետ անդէն լուծանել զօրէնսն զոր նա ինքն արձանագրեալ իսկ էր վասն անհարազատ զաւակաց . որպէս զի 'ի նուազել իսպառ պայտազատութեանն, մի պակասեցի անուն տան նորա և ճեան նորա : Իսկ օրէնքն՝ զոր եգ. նա և ելոյծ, պայտիսի ինչ էր : Իբրեւ 'ի հարուստ ժամանակաց անտի բարգաւաճէր Պերիկլէս 'ի քաղաքակալութեանն, և որպէս կանխեցաք ասացաք՝ էին իսկ նորա որդիք հարազատք, կարգեաց եգ. նա օրէնս՝ զի նոքա միայն իցեն Աթենացիք, որք միանդամ ծնունդք իցեն յերկուց Աթենացւոց : Իսկ ապա իբրեւ արքայ Եգիպտացւոց առաքել 'ի պարգև Աթենացւոց գրեւս ցորենոյ բիւրս չորս՝ զի բաշխեսցեն 'ի քաղաքացիս անդր, ամբաստանութիւնք ապա շատ յուզեցան ընդդէմ անհարազատիցն 'ի պատճառս օրինացն այնոցիկ՝ որ ցայն վար ծածկեալք էին և անհոգացեալք . առ այս և բարուրք ևս շարժեցան ընդդէմ շատից : Ուստի և որ միանդամ առակեցան յայնժամ՝ վաճառեցան ոգիք իբրեւ հինգ հաղաքք . իսկ բիւր մի և չորք հաղար և քառասունք մնացին քաղաքացիք և համարեցան Աթենացիք : Եւ արդ՝ Թէպէտ և գժնդակ էր՝ եթէ օրէնք որ այնչափ ինչ զօրացաւ յայնժամ ընդդէմ այնչափ օրերոյն, զնոյն դարձեալ լուծցէ՝ որ կար.

գեացն զնա . յայսպէս ամենայնի վերայ՝ առանին արկածք Պերիկլեսայ՝ ի մեծապէս ախտակցութիւն չարժեցին զԱթենացիս, իբրտութեմէ զպերճութեանն և զգոռողութեն պատուհաս այնուհետև լուծեալ իցէ Պերիկլէս . և թուէր իմն այնպէս Աթենացւոցն՝ եթէ ի վճիժառու Քաջաց անտի ոք աստակապէս ընդհարեալ խոշտանգեաց ըզնա, և արժանն այնուհետև իցէ ակոփանա առնուլ նմա առ ի մարդկանէ . և այնպէս ապա շնորհեցին նմա գրեւ ի զարմն իւր զանհարազատ զիւր որդին, և զվարականն ևս անուն տալ նմա : Եւ էր սա այս որդի Պերիկլեսայ, որ ի գիմի հարեալ նաւամարտութեամբ եհար զլակեգեմոնացիան մերձ յԱրգինուսեան կղզին . բայց ապա գատակնիք մահու ընդունէր յԱթենացւոց հանգերձ նիդակակից զորավարդն 12 :

Այլ թուի թէ ի ժամանակին յայնմիկ և Պերիկլէս ինքնին հարաւ սրածու թեամբն, թէպէտ և ոչինչ այնպէս սաստիկ և բուռն՝ իբրու այլքն . սակայն խօթութիւն տակաւ վարակեաց զնա, և այնպէս յերկարաձգեալ բազմազէմ՝ ախտին՝ հիւծէր մաշէր մեղմով զմարմին նորա, և վատէր զխորհուրդ մտացն նորա : Արդ թէոփրաստոս ի բարոյականան՝ ի պայքար մշտեալ եթէ արդեօք ընդ բախտին փոփոխեսցին և բարձր . և թէ արդեօք բոյս բարուցն ի ծուփս ախտից մարմնոյն թողտուցին յառաքինութենէ, զայս ինչ անգանօք արձանագրեաց մեզ՝ եթէ Պերիկլէս ի խօ-

Թուլթեանն իւրում, միում ումիք 'ի բարեկամացն՝ որ յայց ել՝ առեալ ցուցանէր ըզգրիճն, զոր կանայք ինքնին կախեալ էին նորա զապարանոցէն, իբրու եթէ սաստիկ ևս տանջել նմա 'ի խօթուլթեանէն՝ յորժամ 'ի վերայ իւր բարձեալ բերէր զանմոռութեան զայն բժժանմն։ Իսկ իբրեւ 'ի վերջինս վասնդեալ կայր Պերիկլէս, շուրջ զնովա եկեալ նստան աւագորեար Աթենացւոց և բարեկամք։ Ճառ արկեալ խօսէին նոքա ընդ միմեանս վասն առաքինութեանն Պերիկլէայ և աւագութեանն, և համարէին զքաջութիւն նահատակութեանց և զյաղթանակացն թիւ։ Քանզի Թուովինն կանգնեաց նա վասն քաղաքին 'ի զօրավարութեան և 'ի յաղթութեան իւրում։ Չայտոսիկ բարբառէին նոքա առ միմեանս, իբրու ոչինչ լսիցէ Պերիկլէս զգայազիրկ 'ի դժար գորով։ Այլ նա խմանայր քաջիկ զամենայն զխօսան և ընդ միջեալ զբանսն ասէր նոցա, եթէ հիացեալ զարմանայ՝ զի դովեն և յիշատակ առնեն նորայոցն՝ որ հասարակք են և բաղդին, և զոր բազումք ևս այլք 'ի զօրավարացն նահատակեցան։ Իսկ զգեղեցիկն առաւել և զմեծապէս պարծանսն ոչինչ յիշատակեն նոքա։ “ Իբրու այն՝ զի (յաւել նա ասել) յԱթենացւոց անտի և ոչ մի ոք յիմ պատճառա՝ 'ի Թուլիս երբէք համակեցաւ ”։

Եւ արդեօք մեծապէս պանչացաւ Պերիկլէս ոչ միայն մարգատիրութեամբն և հեղութեամբ ոգւոյն՝ զոր առաքինացաւ

նա բազում անգամ, և 'ի սաստիկ ևս թոշնամութիւնն յաւերժացաւ առ 'ի նոյն. այլ և գեղեցիկ մտածութեամբն՝ զի յառաքինի նահատակութիւնն վեհագոյն հաճարեցաւ գործ՝ տեղի երբէք ոչ տալ 'ի մեծի աւագութեանն՝ ոչ նախանձուն և ոչ բարկութեանն. և զի՝ և առ իւր թշնամիս երբէք նա ոչ գտաւ ռիսերիմ անհաշտ ։ Պատն որոյ ինձ թուի, եթէ միայն վասն հեղութեան ոգւոյն և քաղաքավարութեանացն՝ զոր յայնչափ աւագութեանն սրբութեամբ և անարատութեամբ վարեաց, աննախանձաբար մտօք և 'ի ճահ զանուագ զայդ նոր և չքնաղ կարգացին նմա՝ Ողիւստիոս ։ Ձոր օրինակ և զգալի աստուածոցդ՝ որ անգատին 'ի բնէն պատճառք գոն բարեաց և ոչ երբէք չարեաց, իբրեւ արդարեւ արժանիս համարիմք՝ իշխանութիւն ունել և զաղբայութիւն զէիցս, այլ ոչ արդեօք ըստ օրինակին՝ զոր քերթողքդ միպասանեն. այն որ խռովս և ամբոխս հարկանեն 'ի մեր միտս՝ անյարմարագիր իւրեանց կարծեզքն. միանգամայն և նշաւակեալք ըմբռնին նոքա 'ի քերթածս իւրեանց ։ Քանզի անուանեալ կոչեն նոքա աթոռ և անքոյթ կայան և անգղորդէի՝ զվայրն, զոր ասեն տուն բնակութեան աստուածոցն. իբրեւ 'ի հոգւոց բռնութենէ երբէք ոչ ծփայ վայրն, և ոչ գարձեալ յամբոցն գումարելոյ երբէք նսեմանայ, այլ եթերքդ անգանոր անօր են. և զի՝ անդ զամենայն ժամանակն առհասարակ անգուլ և անայլայ.

լակ լոյս փայլատակեալ ճաճանչէ սուրբ և անխառն, որ զի և կայան այդպիսի՝ քաջա-
վայելութեամբ արդեօք իցէ անմահական և երա-
նելի նոցուն բնութեանն : Բայց ապա յետ
այսոցիկ նոյն քերթողք մեզ զնոսին զա-
տուածան 'ի գէմն բերեն լցեալս ամենայն
գոթութեամբք և կազիւք և նախանձու և
բարկութեամբ, և այլ ևս բազմազիմակ
կրիւք, որ և ոչ մտաւոր մարդկանդ երբէք
'ի ճահ բնաւորեցաւ : Այլ այսոցիկ թե-
րևս այլում 'ի գէպ կարծեսցին մատենա-
դրութեան :

Բայց առյապա յիտաց անտի խելամուտ
եղեն Աթենացիք իմանալ ճշգրիտ զՊերիկ-
ղէս, և մեծապէս ըզձիւ փափաքել նմա :
Քանզի և որք միանգամ առ կենդանու-
թեամբ նորա ընդ ակամբ հայելին ընդ զթ-
րութիւն աւագութեան նորա՝ իբրու այն
որ ստուերածս ածիցէ նոցա, անդէն վաղ-
վաղակի իբրև 'ի միջոյ բարձաւ նա՝ և նոքա
զայլոց ոմանց զհռետորաց զփորձն առին
և զառաջնորդաց ժողովեղեանն, խոստո-
վան եղեալ վկայելին եթէ չէր ոք 'ի մարդ-
կանէ իբրու զՊերիկղէս՝ չափաւոր 'ի պեր-
ճութեան աւագութեանն, և պերճ և ար-
դոյ 'ի հեզութեանն : Եւ որ նախանձաբեկն
առնէր մեծութիւն զօրութեան նորա՝ զոր
միապետութիւն յառաջն կոչէին և բռնա-
ւորութիւն, արագ արագ տեսին յայնժամ
իբրու որ պատուար անդրժեղի էր նա փր-
կութեան քաղաքին : Այնչափ իմն ապա-
կանութիւն և խուռն չարիք հորդան առ-

ուսեալ յետ այնորիկ վարակեցն զքաղաքն .
 զորս ինքնին Պերիկղէս առ կենդանու-
 թեամբն հարեալ վատթարեք և սրտելոյր
 ասնձեր, գուցէ ճոխարար ճարակեալք՝ ան-
 բուժելիք այնուհետե լինիցնն :

ԾԱՆՕԹՈՒԹԻՒՆՔ

1. Անուն տառգծեալ ընդ կատակս՝ իբրու Գլուխ հաւարիչ բազում գլխոց, 'ի նշանակել զմեծութիւն գլխոյն Պերիկլեսայ . որպէս և 'ի ստորեւ այլ ոմն՝ իբրեւ մետասան անկողնոց քաւական՝ կատակէ զԳլուխն զայն զմեծ :

2. Քանդի յն . Χειρων, նշանակէ՝ Չարագոյն : Դարձեալ՝ և անուն է մարդոյ :

3. Այսինքն՝ և 'ի հերքելն զքան, և 'ի հաստատելն :

4. Այս է՝ զՏաճար Աթենասայ . և յայտ է՝ եթէ Կոյս տակըմ, զգիցուհին զայն ի մանան Աթենացիք :

5. Այս իշխանութիւն՝ էր իրաւունք հարցանելոյ պատգամ 'ի գիցն Դեղիեայ՝ նախ քան զայլս ամենեւին, զոր Յոյնք կոչեն՝ Προμαντεία :

6. Են այս տողք Արիստոփանեայ Կատակերգակ քերթողի :

7. Իբրու եթէ գողացեալ իցէ Փիւգիաս յոսկւոյ անտի գրօշելոյն Աթենասայ :

8. Պրիփանէայ, էր անուն ծերակուտի Աթենացոց :

9. Եւ էին այս նշուք վասն յանցաւորութեանն առ Կլադիոնը . անս 'ի վեր 'ի Սողոն : Եւ էր մայրն Պերիկլեսայ 'ի զար-

մէն Մեդակդեայ որդւոյն Աղիմէոյնի, որ
եղև առաջնորդ յանցաւորութեանն :

10. Ասեն զՏեղեա զոմն՝ այլ համբաւեալ
անարի վատաստիրո :

11. Հինգ ազգ էր մրցանաց առ հեւ
լենս . Բռնամարտութիւն , Վաղք , Ոս-
տումն , Ձիգ բոլորակաց , և Գտեկուտու-
թիւն :

12. Էր ամբաստանութիւնն մահուչափ ,
զի անիոյթք եղեն 'ի Թաղումն մեռելոցն .
և գէպք եղեն բանիս՝ քսան և չորս ամօք
յետ մահուն Պերիկղեայ :

ՓԱԲԻՈՍ ԾԱՔՍԻԾՈՍ

ԼՆՅՍՊԻՍԻ դը գոլով **Պերիկլէս** 'ի յիշատակաց արժանիսն՝ որպէս աւանդեցին մեզ, այսուհետեւ 'ի Փարբիոս առեալ գար ձուացուք մէք զպատմութիւնս : Ասեն՝ եթէ 'ի Յաւերժահարսանց մի ոմն, իսկ կէսք՝ եթէ 'ի գաւառացի կանանց անտի առ Տիբերիա գետովն եկեալ խառնեալ ընդ Հերակլեայ՝ ծնեալ իցէ զՓարբիոս, այն՝ որ թաղմաթիւ և հռչակելի զարմին Փարեանց նախածնող եկաց 'ի Հռոմ՝ քաղաքի : Իսկ կէսք պատմեն՝ եթէ 'ի զարմէ աստի տերեւլքն՝ 'ի նախնումն անուանեալ կոչէին Փոպիի . քանզի նախնիք նոցա յորս երէոց պարապեալք էին 'ի փոսս . քանզի այսպէս իսկ մինչև ցայսօր ժամանակի զՓոսս Հռովմայեցիք կոչեն Փոսի . և զփորելն՝ կոչեն Փոպեռէ : Իսկ յետ ժամանակաց կրկին տառից փոփոխմամբ անուանեալ կոչեցան Փոպիի :

Այդ մի ոմն 'ի բազմաց անտի և 'ի մեծամեծ արանց 'ի անընդոց սորա՝ զինի Ռիլաոսի մեծի՝ որում անուն կարգային Հռովմայեցիք Մասիմոս այն է՝ Եռամեծ, էր չորրորդ այս Փարիոս Մաքսիմոս, զորմե առեալս եմք աւագիկ 'ի պատմել: Ձսա 'ի մարմնոյն նշանէն մակձայնէին Վեռոսոսոզոսո. քանզի գորտնուկ 1 (զոր նորա կոչեն Վեռոսոսոս) ելեալ էր 'ի շուրթն նորա: Բայց նորա և միւս անունն Օվիսոսոս՝ նշանակէ Ոչխարակ, վասն մեծապէս հեղութեան նորա և հանգարտութեանն՝ մինչ գեռ տակաւին մանուկ էր: Քանզի այնչափ անգործացեալ էր նա 'ի հոգին և լուռ մնջիկ, և չափաւորութեամբ ևս պարապեալ 'ի տղայոց խաղան, և յուշիկ և տաժանեալ վարժէր 'ի վարժս, և հեշտալուր և հլու յոյժ էր առ ընկերան, որպէս զի և որք արտաքինքն էին՝ կարծէին զՓարիոս ապուշ և անարի վատաստոտ. և նուազունք խելամուտ էին՝ զի խորախորհուրդ մտաց ծնունդ էր մեծապէս հանգարտութիւն նորա, և նշմարէին ևս 'ի բոյս բարուց նորա զմեծանձնութիւն զառիւծուն և զարիւթիւն միտնգտանոյն:

Այլ անդէն իբրեւ յարուան հասանէր Փարիոս՝ և միւս ևս յիրա քաղաքին, խելամուտ ինքնին առնէր և զամենեւեան առհասարակ՝ եթէ կարծեալն 'ի նմա անարի վատապտուութիւն էր գլխովին անվերսվութիւնս. և մեծապէս զգուշաւորութիւնն՝ ողջմտութիւն խորհրդոց նորա. և անգոր-

բաւեալ խաղաղութիւնն՝ անասանեղի հաս-
տատութիւն նորա յամենայնիւն : Ապա այ-
նուհետեւ զմտաւ ամեալ Փարիոս զմեծու-
թիւն ամերութեան քաղաքին , և զանգու-
ղմարտան , և ինքնին 'ի մրցմունս մարտից
առեալ կրթէր զմարմինն՝ իբրու զէն տնկա-
կից 'ի մեզ . առ այս՝ և 'ի ճարտարաբանու-
թիւն հրահանգէր զանձն՝ իբրու գործեա-
ռմամբ համողակեր յանգուցանել զխու-
ժանն , և 'ի գէպ քաղաքավարութեան կե-
նացն յարմարէր զնա : Քանզի ճարտարա-
բանութիւն Փարիոսի անբաժ էր 'ի գեղա-
ղարդ անգուրից և 'ի սնտիապատուաստ
հրապարակագոյժ սեթեւեթից . այլ ողջա-
միտ և լի և պատարունս պերճ խնայտաբա-
նութեամբ , յորում և հանգումատիպ
յոյժ զնա ասե՛ն լինել թուկիդիդեայ . քան
զի և է իսկ՝ բան մի նորա Արձանական
հրապարակախօս 'ի ներքող որդւոյն՝ որ մե-
ռաւ յետ հիւպատոսութեանն : Եւ ըն-
տրեալ կարգեցաւ Փարիոս հիւպատոս հըն-
գիցս անգամ . յառաջնումն յաղթանա-
կեաց նա 'ի վերայ Լիդիւրացոց , եհար
զնոսա 'ի հարուածս մեծամեծս , և 'ի նեղն
լծեալ փակեաց զնոսա 'ի ներքս անդ յԱւ-
պեանան . և ապա գաղարեցին նոքա աս-
պատակել 'ի սահմանակցութիւնս Իտալիոյ :

Իսկ իբրեւ հորդան ետ խաղաց Աննիբաղ 2,
և եկն եմուտ յԻտալիա , առաջին նշան
յաղթութեան կանգնէր մօտ 'ի գետն Տրե-
բիա , և առեալ խաղացուցանէր զզօրն ընդ
Տիւրքենիա յաւարդ առնուլ զգաւառն , և

յարհաւիրա մեծամեծս արկանէր նա յայն-
 ժամ զՀռոմ քաղաք : Նա և նշանք տեսա-
 նէին յայնժամ, կէս մի՝ որ սովորականը
 խիւ էին Հռովմայեցւոյ՝ իբրու շանթք կայ-
 ծականց . և կէս մի՝ օտարաւոր և անսո-
 վորք . քանզի ասէին՝ եթէ վահանք և ա-
 պարք ինքնին արվանշադակք լինէին . և
 թէ՛ մօտ յԱնտիոն գտան 'ի հռւմա հասկք
 արվաներանցք . և թէ՛ յօգոյ անտի վէմք
 կայծակնաբորբոք և հրաշէկ 'ի վայր անկա-
 նէին . և թուէր իմն այնպէս՝ եթէ և 'ի վե-
 րոյ փաղերեանց պատաւեալ ցեւան եր-
 կինք, և աստ անդ 'ի վայր օցտեալ ցանե-
 ցան պնակք բազումք գրաւորք, և 'ի միոմ՝
 անդ արձանագրեալ երեւր ըստ բառին այս-
 պէս . Շարժե աւարի՛ Աբէս զպէսն : Այլ
 ոչինչ յայսպիսեաց աստի ահաբեկ եղև
 Գայիոս Փլամինիոս հիւպատոս, այր տը-
 տեայ անդատին 'ի ընովթենէն և պատուա-
 տէր . առ այս՝ և պերճացեալ ևս էր նա 'ի
 գեղեցիկ նահատակութեանցն՝ զոր նահա-
 տակեցաւ նա յառաջագոյն արտաքոյ յու-
 սոյ անկնկալութեանն . քանզի յակամայս
 Ծերակուտին և իւրոյ իշխանակցին՝ որ քար-
 ընդոտն լինէր նմա, ինքն գիմագրաւ մարտ
 եղեալ կռուեցաւ ընդ Գաղատացւոյ և 'ի
 պարտութիւն մատնեաց զնոսա : Իսկ և Փա-
 բիոս ինքնին 'ի հրեշից անտի ահաբեկ խու-
 ժանին՝ ոչինչ խռովեցաւ, և յումպէտից
 կարգի զնէր զնոսա : Սակայն իրազգած ե-
 ղեալ Փաբիոս՝ զի սակաւամիւ են թշնա-
 միք և անպաշարք, խրատ տայր Հռովմայե-

ցւոց զտեղի տնել, և մի՛ ՚ի մարտ կաշաւել ընդդէմ՝ առն՝ որ զօրավար կացեալ իցէ զօրականին փորձ և հմուտ ՚ի բազում պատերազմուան . առ այս՝ և ձեռն օգնակա նութեան առաքել նիդակակցացն, և այնպէս ապա զերեւանց քաղաքն ՚ի բռին ունելով, կալ մնալ զի ինքնին տակաւ տարաւեալ վասնեացի որքն Աննիբաղայ, իբրեւ բոց՝ որ ՚ի նիւթս ճարակեացի ՚ի գուգնա նաքեայս և ՚ի փոքրոգիս :

Այլ յայտար ամենայնի վերայ՝ ոչինչ կարաց նա ածել ՚ի նոյն զժշամբնիսս . զի և հանդուրժէր իսկ ոչ նա՝ զկուիւ մարտին առնուլ ածել մինչև ՚ի գրունս անդր Հռովմայ, և ապա ՚ի քաղաքին մարտ եղեալ կռուել ՚ի վերայ քաղաքին՝ որպէս անդուրեմն Կամիլլոս : Հապա հրաման տալիս հազարապետացն արտաքս զգորն խաղացուցանել, և ինքն յարուցեալ յերիվար աշտանակէր . իբրեւ անդ յեղակարծումն յոչ ինչ պատճառաց վարհուրեալ շրտեաւ երիվարն, և ինքն կործան ՚ի վերայ գլխոյն անկանէր, ոչինչ այնպէս յետս կացեալ՝ ըստ առաջին խորհրդոյն անդրէն խաղալի գնալի ՚ի գլխի հարկանել Աննիբաղայ : Եկն և ճակատեցոյց զգորն մօտ ՚ի լիճ անդր Տիւրքենեան, որ անուանեալ կոչի Թրամինիս : Իբրեւ խազմն խառնեցաւ, գէպ եղև ահագին իմն գեանաշարժի, որպէս զի և շէկք տապալեալ քանդեցան, և գետոց հոսանք շրջեալ փոխեցին զգնացս, և լերանց արեւանք գլորդեալք հոսեցին . սակայն և ոչ

դը 'ի կռուին իմացաւ ինչ, թէպէտ և այնպէս բուռն և ահագին էր շարժումն : Իսկ անգանձօր փլամինիոս նախնիքս բազում գործեալ և նահատակութիւնս, անկանէր 'ի մարտին' և առ նովաւ դարձեալ քաջք և առաքինիք 'ի զօրականէն : Բայց որք միանգամ 'ի փախուստ խուճապեցան՝ հարան սաստկապէս . քանզի բիւր մի և հինգ հար յայնժամ տապառաս անկանէր 'ի Հռովմայեաց, և նոյնչափ դարձեալ 'ի գերութիւն վարեցան : Այլ Անիքազ պատուասիրեաց գիահանս տալ փլամինեայ և շուք պատուոյ վասն առաքինի նահատակութե նորա . խնդրեաց յուզեաց, այլ 'ի բաղմակոյս գիտականցն սփնչ կարաց գտանել զնա, և ոչ ևս գիտացին՝ զհարգ անհետացաւ նա 'ի միջոյ :

Արդ յազազս հարուածոյն որ առ Տրեբեաւ, ոչ զօրավարն 'ի գրին առ Ծերակոյսն՝ և ոչ գուժկանն ուղղապէս պատմեալ, սուտ յօգեաց եթէ տակաւին անվճար և կեղակարծ է յաղթութիւնն . սակայն իբրև ճշգրիտ լուր էառ Պոմպոնիոս զօրավար, անդէն 'ի մի վայր խմբեալ զժողովուրդն՝ յոռաջ մատերաւ և անպատրուակ և պարզախօս բարբառեցաւ մեկին, և ապէր . “ 'ի պարտութիւն մատնեցաք ո՞ւրք Հռովմայեցիք 'ի մեծի պատերազմին . բանակ զօրուն հարաւ սաստկապէս, և փլամինիոս հիւպատոս գիտապատ անկաւ : Արդ գուք ինքնին խորհուրդ առէք այսուհետև վասն փրկութեան և աներկեանու-

Թեան անձանց“ : Չբան զայս Պոմպոնիոս
յայնժամ իբրեւ զհոգմ բռնութեանն աք-
կեալ 'ի ծով մեծ յղնաթիւ խուժանին
այնորիկ՝ յուզեաց և խռովեալ ամբոխեաց
զքաղաքն , և արհաւիրք ելից և յափշութի
կրթեաց առհասարակ . սակայն և 'ի մի խոր,
հուրդ եկեալ հաստատեցին միարան , և
Թէ իշխանապետութե այնուհետեւ պէտք
են իրացն , զոր նոքա Տիմոթիոս կոչեն .
և իշխանապետի առն՝ անվկանդ պէտք են
լինել և անզարհուրելի , և է նա ինքնին մի-
այն փառիոս Մաքսիմոս՝ որ հանձար և
պերճութիւն ոգւոյ յանձին բարձեալ բե-
րէ զուգակշիռ մեծի բարձիգ այգորիկ . ու-
նի և զափս հասակին քաջափայլուչ՝ յո-
րում մարմին առոյգ և կորովի գեղեցիկս
արգիւնացուցէ զխորհուրդս հոգւոյն , և
աշխոյժք արտին ուղղեացին առ 'ի հանձա-
րոյ անտի առնն :

Իբրեւ հաճոյ Թուեցաւ առհասարակ ,
առին կարգեցին զփառիոս իշխանապետ :
Սա կարգեալ զլեւկիոս Մինուկիոս 'ի զը-
րաւար այրումիոյն , առաջին խնդրեաց 'ի
Մինկղիտոսէն յերիվար աշտանակել 'ի բա-
նակի զօրուն . քանզի չէր օրէն բանն և խա-
փանեալ ևս էր 'ի վաղնջուց օրինաց . կամ
զի այնպէս կամէին հինքն Հռովմայեցւոյ՝
զի մեծապէս ոյժ բանակին կացեալ 'ի հե-
ռեակ զօրուն , և զօրավարն ինքնին անմեկ-
նելի արձանապի առ փաղանդին . կամ Թէ
վասն ինքնիշխան տէրութեանն և մեծի ու-
լագութեանն կամեցան նոքա՝ զի գոնեա

'ի բանիդ յայդմիկ կարօտ ժողովրդեանն ի
 ցէ իշխանապետն : Այլ կամեցեալ Փա-
 բիոսի անդէն 'ի հանդէս բերել զաւագու-
 թիւն բարձին 'ի մեծապէս հլութիւն խու-
 ժանին , եւ ինքնին արուաքս 'ի հրապարակ
 անդր յառաջոյ իւր տանելով գաւազանա-
 կիրս քսան եւ չորս թուով . եւ այն ինչ ան-
 դուտո 'ի հանդիպոյ մի ոմն 'ի հիւպատո-
 սացն գայր ընդառաջել նմա , նա անդէն
 արձակեաց զմի 'ի պաշտօնէիցն ասել նմա՝
 զի 'ի բաց զվարդաւորսն արձակեաց յիւր-
 մէ . եւ զհիւպատոսութեան զնշանակսն 'ի
 բաց եղեալ՝ այնպէս իբրեւ զմի 'ի սոսկակա-
 նաց ընդառաջեաց նմա : Իսկ յետ այնո-
 թիկ գեղեցիկ կարգաւ սկիզբն արարեալ
 յաստուածայնոց անտի՝ ազդ զայս ինչ առ-
 նէր ժողովրդեան , եթէ ոչ արդեօք 'ի պատ-
 ճառս ինչ անարի վատասրտութեան զօրա-
 կանին՝ այն հարուածք եկին հասին 'ի վե-
 րայ նոցա , այլ յարհամարհութեանէ զօրա-
 վարին յաստուածակոյս կողմն անդր . ա-
 պա խրախոյս քաջալեր տայր նոցա մի ինչ
 'ի թշնամեացն զարհուրել , այլ մեծարել
 զաստուածսն եւ հաշտս եւ մարդասէրս առա-
 գրել զնոսա . սակայն եւ ոչ բանիւն անա-
 պաշտութիւն 'ի ներքս խառնէր նոցա , այլ
 եւ մեծապէս եւ զօրացուցանէր զառաքինու-
 թիւնն 'ի ձեռն բարեպաշտութեանն , եւ մեր-
 ժէր 'ի նոցանէն զահ եւ զերկիւղ թշնա-
 մեացն , եւ քաջալերութիւն 'ի ներքս բերէր
 տպաստան 'ի խնամս աստուածոյն : Յայն-
 ժամ՝ շարժեցան նոքա եւ շատ ինչ հարցա-

նեւ 'ի մատենից անտի՝ որ պիտանիք յոյժ են նոցա և 'ի գաղտնեաց սակի, որոց անուն կաղապարն ՍԻԲԻԼԵԱՅԻ : Եւ ասեն՝ եթէ ինչ ինչ 'ի պատգամաց ամբարեւոյ 'ի նոսա յոյժ ճահողակի գային պատահարաց և գործոց ժամանակին այնորիկ . ասկայն և չէր օրէն զյայտներալն 'ի նոսա լսելի ումիշ առնել :

Ապա հանգիսացեալ իշխանապետին, մինչ գեռ ժողովուրդք առհասարակ 'ի մի խմբեալ կային, ուխտս դնէր աստուածոց՝ յաղել նոցա միանգամայն զամենայն ծընունդ տարւոյն՝ զայծեաց և զխողից և զխաշանց և զարջառոց, որ ծնունդս արձակեցեն 'ի գալ գարնայնոյն, որչափ ինչ բուծանեն յարօսս լերինք Խաալիոյ և դաշտագետինք և գետք և մարգք : Առ այս գարձեալ՝ և ուխտս դնէր ծախել 'ի հանգէսս երաժշտական և թատերական տեսարանաց՝ տեսերտիոնս երեքհարիւր երեսուն և երեք, և գենարս երեքհարիւր և երեսուն և երկս և երրորդ մի . և գլխաւորի այս 'ի դրամակշիւս ութ բիւր, և դրամակշիւք գարձեալ երեք հազար հինգհարիւր և ութսուն և երեք և դանկ երկու : Արդ՝ գծուարին արդեօք իցէ տալ պատճառս այնչափ իմն ճշգրիտ սահմանելոյ թուոյ ծախուցն այնոցիկ, եթէ ոչ կամեսցի դր թերեւս զգորութիւնն յարգել զերրակի թուոյ . քանզի անգամին 'ի բնութենէն այդ թիւ կատարեալ է, և առաջինն է 'ի կռճատից և սկիզբն է բազմաւորութեան, և ունի զառաջին տարբերութիւնսն և զառ-

հասարակ թուոց զարգերուն խառնեալ և յօգեալ ինքն :

Իբրեւ այսպէս 'ի վեր առեալ հաստատեաց Փառիոս զմիտս ժողովագրեան յառտուածայինսն անգր, սկսաւ քաջալեր բանիւք 'ի լաւագոյնսն յուսացուցանել զնա վասն հանգերձելոցն . և ինքն մեծապէս քաջալերեցաւ յանձն իւր՝ 'ի յոյս յողթութեանն . հաստատեցաւ 'ի միտս եթէ առաքինութեամբ և հանձարով հանգերձեացի առ յապտուծոյ յաջողութիւն 'ի գործս : Հասկա յարուցեալ խաղալը ընդդէմ Աննիբաղայ, ոչ եթէ 'ի մտի եղեալ մարտիւ պատահել նմա և պարտել, այլ ժամանակաւ տակաւ վառնել սպառել զզօրութիւն նորա, և ընչաւետութեամբն՝ զչքաւորութիւն նորա վատթարել, և բազմամարդութեամբն՝ զտակաւութիւն նորա հարկանել վանս : Ասան այնորիկ և ցանգ 'ի վերայ բարձանց կալեալ Փառիոսի զօրն, բանակ հարեալ նստէր 'ի լեռնուտ վայրս, զի մի թերևս 'ի վերայ նորա գիմեալ անկանիցի այրուձի թշնամույն . զտեղի կալեալ մնայր, եթէ առկայանայր Աննիբաղ . իսկ եթէ չարժէր, խաղալը և ինքն և յածեալ չըջէր 'ի վերայ բլրոցն . և ցանգ զթրչնամեզն ինքն տար առնոյր անգուստ 'ի բացեայ, զի մի ինչ ամենեկին ստիպեացի 'ի վէգ գալ ընդ նոսա . միանգամայն և 'ի գեղերեւ իւրում այնպէս ահարկանէր 'ի նոսա՝ գուցէ յանկարծակի յեղակարծումն անկցի մարտիւ 'ի վերայ նոցա :

Իբրեւ հարուստ ժամանակ օրինակ զայս ժամաւաճառ լինէր Փարբիոս, ակասն այնուհետեւ առհասարակ յինչաց քերել զնա՝ որպէս զի և յիւրմէ զօրականէն թշնամանք ձգեցան 'ի նա . և թշնամիք ինքնին իբրեւ անարի վատասիրտ ունէին զնա, բայց յԱննիբաղայ . միայն նա ճշգրիտ 'ի վերայ եկաց հնարիմաց խորհրդոց նորա՝ որով կռուէր ընդ նմա . գուն գործէր Աննիբաղ խորագիտութեամբ և բռնութեամբ ևս ածել զայրն 'ի կռիւ մարտի . քանզի և վճառեալ իսկ էր այնուհետեւ վասն Վարքեգոնացոցն . քանզի յորս վեհագոյնք էին նա քա քան զՀռովմայեցիսն՝ 'ի զէնսն, ոչինչ կարէին յայնժամ վարել զնոսա . իսկ յոր ինչ խոնարհագոյնք էին՝ 'ի զօրս և յինչա, նոքին օր ըստ օրէ ապառեալք վառնէին 'ի նանիր : Ապա զամենայն հնարս զզինուորութեանն հնարէր Աննիբաղ, և փորձ զամենայն զմրցանացն փորձէր, թեակոխէր իբրեւ ըմբիշ քաջ՝ առնուլ որսալ զՓարբիոս . յարձակէր 'ի դիմաց, խռով հարկանէր 'ի նա, ասպատակ կապէր, և յայտկոյս յայն կոյս առեալ տարուբերէր զնա . խնդրէր յետս զնա 'ի խորհրդոյն նհանջել յանքոյթ և յաներկեան : Բայց Փարբիոս կայր մնալ հաստատուն և անշարժելի 'ի խորհուրդն, զի և զայն համարէր լաւ 'ի ժամուն . իսկ որ վիշտ մեծապէս հասուցանէր նմա, էր ինքնին Մինակիտոս զօրավար աքրուձիոյն : Սա այս Մինակիտոս դժպատեհս յօժարեալ 'ի կռիւ անդր, շուրջ գայր և խրա

խոյս զօրականին կարգայր որ ունին գնէին նմա, և յանդգնագոյնս և պատկը յուսուիլն առեալ վառէր զնոսա. ուստի և նորա՝ հեգնեալ զՓարիոս, և ձաղանօք անուան կարգային նմա՝ Մանկածու Անիբաղայ. և զՄինուկիոս ինքնին ունէին իբրեւ զՓի 'ի հոյակապ որերոյն, և քաջ իսկ 'ի գէտ Հռովմայեցոց՝ զօրավար առաջինի: Յայս մանէ ապա Մինուկիոս 'ի վեր վաղեալ յայրատագոյնո ունչս արարեալ ծիծաղէր՝ զի այնպէս բանակ հարեալ նա շրջէր 'ի վերայ բարձանց, իբրու որ 'ի խնդիր ելեալ իցէ իշխանապետն 'ի բարձունսն գեղեցիկ գիտարանաց՝ անդուստ 'ի զնին կալ տեսաւ ներ զաւերած և զհրայրեացս խաալիոյ. և խնդրէր հարցանէր Մինուկիոս զբարեկամն Փարիոսի, զինչ միտք զինչ կամք իցն Փարեայ. առնուլ թերեւ զբանակ զորոն ամբառնալ մինչև յերկինս 'ի վեր, իբրու յուսահատ այնուհետև յերկրէ ելեալ, կամ թէ զանպս և զամպրոպս և զմէգ մառախուղ առեալ գումարեսցէ գա ընդ գէմ, և ինքն փախուցեալ որասցի յերեսաց թշնամեացն:

Իբրեւ զայս բանս բարեկամք Փարեայ պատմեցին յունկն նորա, և խրատ ևս տային նմա զանգիառութիւնն որքել յանձնէն՝ միջամուխ 'ի մարտն, եւ պատասխանի Փարիոս և ասէ. «Քաջ իսկ արգեօք էի անարի վատասիրտ՝ քան զոր երեխան աւագիկ, եթէ երբէք երեստ այսպանացդ և ձաղանացդ արարեալ յետս նահանջէի յիմոց

խորհրդոց: Եւ արգելք զանգիտել վասն հայրենեաց՝ գեղեցիկ է. այլ զարհուրել 'ի կարծեաց և 'ի բամբասանաց մարդկան և 'ի նախատանաց, չէ գործ առն՝ որ զբարձ զայս զանձամբ առեալ իցէ, այլ որ ծառայութիւն հարցէ՝ յորոց վերայ տիրանալն պարտ իցէ, և զխորհուրդան նոցա զձախողական սանձել արժան իցէ: ։

Բայց յետ այսորիկ մեծապէս յանցեալ Աննիբալ. քանզի կամեցեալ 'ի բացեայ 'ի Փարիոսէ առնուլ տանել զգօրն, և հասանել ունել զգաշտագետինն 'ի համբարտ պաշարոյ, հրաման տայր ուղեցոյց պարեկացն վաղվաղակի յետ ընթրեացն խաղացուցանել զբանակն 'ի Վապինատոն. այլ արքն ոչ ուղիղ խմացեալ զբանն առ խեցբեկ բարդառոյն Աննիբալայ, ածեալ բերին զբանակն 'ի սահմանս Վամպանիայ 'ի քաղաքն Վապիլինոն, զոր յերկուս բաժանէ Լոթրոնոս գետ անցեալ ընդ մէջ՝ զոր հռովմայեցիք կոչեն Վատուրանոս: Անդանօր ողջոյն գաւառն շուրջ պատեալ կայ 'ի լեւանց. միայն ձոր մի ձգեալ տարածի 'ի ծով անդր, յորում և Ճահիճք լճացեալ կան 'ի հոսանաց անտի գետոյն. են անդանօր և աւազակոյտք մեծախորք, և ձգեալ սահմանի 'ի ծովափն ալէտանջ և գծուարամատոյց: Իբրեւ յայս վայր եկեալ էջ Աննիբալ, անդուստ Փարիոս հրմուտ վայրացն՝ շուրջ եկեալ փակեաց զելս Ճանապարհին և կարգեաց եղ անդէն հետեակս չորս հազար. և յարգարեալ գեղե-

ցիկ զբանակ զորուն 'ի վերայ բարձանցն, առեալ յինքն խուճի մի Թեթևագէն և յառաջամարտիկ զորուն, անկաւ 'ի վերջ բանակին Աննիրազայ. և անդ առհասարակ 'ի զօրն խռովս բազում հարեալ՝ ութ հարիւրովք չափ 'ի նոցանէն տապաւտ արկանէր: Իսկ Աննիրազ կամեցեալ յետս զզօրն իւր ընկնել, խելամուտ եղեալ զի պիտի մեծապէս և վտանգ գործեցաւ 'ի վայրացն՝ ետ հրաման 'ի խաչ հանել զուղեցոյց պարեկան. սակայն և անհնարին գոլով Աննիրազայ մարտիւ վանել յայնժամ զհռովմայեցիան տիրացեալ 'ի վերայ բարձանց, և տեսանէր ևս զի անկաւ բեկաւ զօրն, զի և առհասարակ լի էին նոքա արհաւիրք՝ շուրջանտեի պատեալք, և 'ի վարանս մեծամեծս տաղնապէին նոքա ելեց փախստեան, ապա նենդ մենքենայեաց Աննիրազ դաւել զԹշնամիսն, և էր այսպիսի:

Ետ հրաման առնուլ յեղանց դերերոց իբրեւ երկուց հազարաց, և յեղջիւրս նոցա իւրաքանչիւր կապել ջահ և արցակ 'ի յետոց կամ 'ի խռուոցն չորացելոց. և ապա գիշերի՝ 'ի տալ նշանին՝ հուր հարկանել 'ի նոսա, և զքոյ զայն անդէոց առնուլ վանել 'ի բարձունս անդր լեւանցն 'ի կիրճսն և 'ի գարանս պահպանութե Թշնամեացն: Իբրեւ որք զհրամանն առին՝ կատարեցին, ինքն ժողովեալ զբանակն, այն ինչ նախ մացաւ՝ տակաւ անշշունջ շարժէր խաղաջուցանէր: Իսկ ապա հորդան տուեալ անդէոցն, և զջահն վառեալ 'ի նոսա, մինչ-

գեռ տակաւին բոց գուզնաքեայ աչքեր շուրջ միայն զարցական, գաս գաս նոքա հեղաքայլ վարեալք խաղային 'ի վեր ընդ լերինան. և անդ բոցք բորբոքեալք ցոլացեալք 'ի Ծալքից անտի եղջերացն՝ զարմանա յոյժ բերելին հովուաց և անդէորդացն 'ի զնին տեսլեանն 'ի բարձանց անտի. որպէս՝ եթէ բանակ զօրու այնպէս միաբան կարգաւ խուսէր առեալ խաղալցէ բազմախուռն ջահիւք: Այն ինչ յարմատան եղջերացն ընթացաւ բոցն, և ճարակեալ հուրն կիկղոր զմարմին նոցա, և 'ի կրից անտի 'ի վեր գրգեալ անդէոց՝ շարժէին տանէին սաստկապէս զգլուխս իւրեանց, և ընդհարեալք հրձիգ 'ի միմեանս լինէին, ալննչ այնուհետե կարգ 'ի կարգ՝ այլ շարտուցեալք և յանհնարին ցաւոցն խուճապեալք՝ այնպէս խառն 'ի խուռն անդ վազա առեալք մոլեղինս դիմէին ընդ լերինո, հրավառեալք ողջոյն մինչև յագիս 'ի Ծալքան և 'ի ճակատան իւրեանց, առհասարակ հուր հարեալք 'ի նիւթս վալրացն՝ ընդ որ միանգամ խուճապէին նոքա 'ի փախուստ: Յայն տեսիլ ահաբեկ զահի հարան Հռով մայեցեք՝ որ անդ նստեալ պահէին զանձուկս լերանցն. համարեցան՝ եթէ մարդիկ գլխովին յայս կոյս յայն կոյս ընթացեալք՝ ջահս բազումս հրձիգս բարձեալ բերեցն. և անդ շփնդն հարեալ ամբոխից՝ լքան լուծան կարծեալք եթէ ուստեք թշնամիք հորդան տուեալք առհասարակ փակեացն զնոսա շուրջանակի. ոչ

հանդարտեցին՝ Թողին լքին զանձուկս
պահպանութեանն, զոտս արձակեալ փախ-
չէին ՚ի բուն բանակ անդր։ Իսկ Թեթեա-
ղէն զոր Անեփաղայ յառաջ խաղացեալ
հասին կալան զանձուկսն. ապա և բանակ
զորուն խաղալի անդր համարձակ հանդերձ
բազմահամար աւարաւ։

Մինչեւ տակաւին գիշեր էր՝ եկաց
Փարխոս համերէն ՚ի վերայ գաւառացն Ան-
նեփաղայ. քանզի ՚ի խուճապելոց անոռի
եղանց և օցուելոց անկան ՚ի ձեռս նորա.
սակայն ՚ի գիշերափառն դարանացն զան-
գիտեալ՝ զտեղի կալաւ անդէն վառեալ ՚ի
ղէն և ՚ի զարդ. իսկ ապա ՚ի գալ աւուրն
խաղաց յառաջ մարտ եղեալ կռուէր ընդ
վերջապահ գնդին Անեփաղայ։ Անդ խառ-
նեցաւ մարտն սասակապէս ՚ի գծուարս և
յառապարս, և ՚ի տազնապ ամբաւ տարաւ
կռուանաց անկանէր Անեփաղ. մինչև ՚ի
ճակատէ անոռի իւրմէ գունդ մի հասեալ
Իսկրացւոց, պիք Թեթեաղէնք և արագու-
տինք՝ քաջընթացք լեւնազնացք, արձա-
կէր ՚ի վերայ սպառազնեացն Հռոմայեցւոց.
և այնպէս ապա իբրև ոչ տակաւ քառապատ
անկանէին ՚ի Փարխանց, շտապեցաւ Փա-
րխոս գառնալ ընդ կռուինն։ Անդ ապա
առաւել անդռանէին զնա և այրանէին.
քանզի որ ցանգ խոյս տալի զնու մարտ
գնել, իբրու որ քաջութեան խորհրդովն
և հանձարով խնդրէր պարտել զԱնեփաղ,
և այժմ աւագիկ ՚ի նոսին նկուն եղեալ
պարտեցաւ ՚ի նմանէ։ Իսկ Անեփաղ ա-

առեւել եւ կամեցեալ վառել զՀռովմայե-
ցիսն ընդգէմ փարիտսի, իբրեւ եկեալ եհաս
մինչև ցաղարական փարեայ, եւո հրաման՝
զայլոցն առհասարակ յաղարտ վարել և յա-
ճիւն գործուցանել. միայն 'ի փարիտսինն՝
ասէ՝ հուպ ինչ որ ամենեկն մի եղիցի. այլ
և զգուշութիւն եւ պահպանութեան կար-
գէր 'ի վերայ, զի անդրժեռի և ամբողջ կա-
լուածքն կացցեն:

Իբրեւ այսմ իրադպած եղեն 'ի Հռոմ,
պաաճառս առին ամբաստանութի զփա-
րիտոէ. անգանոր և որիբունք ժողովոյա-
պեաք բողոք բառնային վասն նորա առա-
ջի խուժանին՝ սագրեալք 'ի Մեափղիոսէ.
այլ Մեափղիոս ոչ թշնամութեամբ ինչ էր
ընդ փարեայ. բայց քանզի աղջական էր
Մինուպիտսի իշխանին աքրոճիոյ, եգ 'ի մեփ
ամբաստանութին զփարեայ՝ շուք յաւե-
լուլ Մինուպեայ: Առ այս գարձեալ և Սին
կղիտոսն ինքնին ցատուցեալ էր ընդփարիտս,
և սաստիկ խեղայր՝ զի գաշն կռեաց նա
ընդ Աննիազայ վասն գերւոյն, մարդ ընդ
մարդոյ արձակել զգերին. և ըստ մէն մի
մնացորդացն յերկոցունց կողմանց՝ փրկա-
նաւորել երկերիւր և յիսուն գրամակշռոց:
Արդ 'ի փոխանակութեան գերւոյն, մեա
ցորդք 'ի Հռովմայեցոց գտան առ Աննի-
բաղայ երկերիւր և քառասուն. այլ Սինի-
կիտոսն չէին կամէ տալ նոցա քրիկանան,
և մեղադիր եւ ընենին փարիտսի՝ այնպէս
անձահ և յանօգուտս փրկանաւորել ըզ-
մարդիկ՝ որք անարի վատութեամբ արս 'ի

ձեռք անկան թշնամեաց : Իբրեւ զայս լուաւ
 Փարիոս , թէպէտ և մեծապէս հեղու-
 թեամբ տարաւ բարկութեան քաղաքա-
 ցեացն , այլ զի գրամն չունէր առ ձեռն և
 ոչ հանգարտէր ևս ուխտագրութ առ Ան-
 նիբազ եղեալ լքանել զգերին հռովմայե-
 ցն , առեալ զորդին իւր արձակէր 'ի Հռոմ .
 պատուէր տաւեալ 'ի վաճառ զաղարտկան
 իւր հանել և զարծաթն անդէն առ ինքն
 հատուցանել 'ի բանակ անդր : Իբրեւ չքաւ
 պատանին և վաճառեաց զգերինն՝ գար-
 ձաւ փութանակի առ հայրն . և առեալ
 Փարիոս զգերկանն առաքէր առ Աննիբազ ,
 և ապրեցուցանէր զգերին . բազումք 'ի նո-
 ցանէն ապա խնդրէին հատուցանել նմա
 զգերկանն , այլ նա յանձին ոչ կալեալ
 եթող առհասարակ զպարտան :

Իբրեւ յեա այսորիկ կոչեցաւ Փարիոս 'ի
 Հռոմ 'ի քահանայից 'ի նուէրս ինչ զո-
 հից , նա զբանակն յանձն 'ի Մինուկիոս
 պատեալ՝ պատուէր տայր ոչ միայն իբրեւ
 իշխանապետ , մի 'ի վէդ . և 'ի խառնուրդ
 դաւ ընդ Աննիբազայ , այլ և յորդորէր ևս
 և շատ ևս աղաչէր : Բայց Մինուկիոս ոչինչ
 փոյթ տարեալ բանիցն Փարիոսի , անդէն
 պառզ կազմէր պատրաստէր անկանել 'ի
 վերայ Աննիբազայ : Իբրեւ անդ ուրեք գունդ
 մեծ հատեալ 'ի բանակէն՝ արձակէր Աննի-
 բազ ժողովել ամբարս , գէտ ակն կալեալ
 Մինուկիոս անկանէր 'ի վերայ մնացելոցն .
 ոչ ստեղծաւ 'ի նոցանէ 'ի սուր սուսերի մա-
 շէր , և զայլոն անդրէն 'ի զակիշն արկանէր ,

և առհասարակ արհաւիրք ընդդէմ զնոսա՝ եթէ յանկարծ պատեալ պաշարեալին 'ի նմանէ. իսկ իբրեւ միւսանգամ գումարեաց Աննիբաղ զորն 'ի բանակին, տեղի ետ Մինուկիոս մեկնեցաւ յապահով. և ընդդէմ զդոյր այնուհետեւ անպայման պանծանգոյն, և զզորն առհասարակ ընդդէմ քաջալիրութեամբ: Իսկ անդէն գիւթանակի համբաւն 'ի Հռոմ հասեալ մեծ եւ քան զարդինս գործոցն, ասէր Փաբիոս՝ եթէ 'ի գեղեցիկ յայն ելից իրացն Մինուկեայ ինքն զգողանի հարեալ է: Բայց խուժանն հրճուակից ընթանայր 'ի հրապարակ անդր. իսկ և անդուստ Մեթիդիոս ժողովրդապետ ելեալ 'ի բեմն հրապարակախօս լինէր. 'ի վեր առեալ բարձրացուցանէր զՄինուկիոս, և զՓաբիոս զուէր այնուհետեւ ոչ իբրեւ վաստակոտ՝ ոչ իբրեւ անարի, այլ իբրեւ մատնիչ. առ այս՝ ամբաստան կայր նա և զայլոց եւս աւագաց քաջաբին և զճոխից, իբրուորք անգատին զմարտ զայն յուղեցին ընդդէմ Հռոմայ՝ նկուն առնել զխուժանն, և անդէն առեալ զքաջաբն ապաստան 'ի ձեռս արարին միասեռութեան՝ զի հարուստ մի ժամապետ՝ լինելով տեղի տալէ Աննիբաղայ տիրանալ, մինչև անդրէն այլ խուժան 'ի Լիբիոյ հասցէ առ նա՝ իբրու որ թագ կապեալ իսկ իցէ Իտալիոյ: Ապա Փաբիոս յառաջ մատուցեալ՝ ոչինչ առնէր պատասխանի ամբաստանութեանց ժողովրդապետին, այլ պատուէր 'ի վերայ տայր՝ փութոյ պնդութեամբ զորհան և ըզ-

նուիրագործութիւնն կատարել, զի դարձ
այնուհետեւ ինքն 'ի բանակն արարեալ՝
պատուհաս 'ի վերայ կապեցէ Մինուկեայ՝
զի անաստեալ պատուիրանին կռուեցաւ
ընդ Աննիբաղայ :

Անգ անհնարին շտապեալ տագնապե-
ցաւ խուժանն, զի տեսանէին վտանգեալ
զՄինուկիոս. և քանզի ճոխաբար իշխա-
նութեամբն էր իսկ 'ի ձեռս իշխանապե-
տին տալ զնա 'ի տուն բանտի, և դատա-
կնիք ևս մահու 'ի վերայ կապել նորա՝ մինչ
քն եղեալ քննութեան փնտտան : Եղին
'ի մեծ 'եթէ ցասումն Փարեայ 'ի անկակից
խրոմ՝ հեղութեանն գծնդակ յոյժ է
և անողորմի. ոյր աղաղաւ առհասարակ
զահի հարեալք լռեցին : Այլ Մեռիդիոս
յանձնապատան 'ի ժողովդապետութե-
բարձին, (քանզի այս աւագութիւն անփո-
փոխ կայ և 'ի կարգել իշխանապետի, որ
զայլն ամենայն միանգամայն բառնայ 'ի մի
շոյ), ապա Մեռիդիոս յողորմ անկանէր
առ ժողովուրդն մի այնպէս թողուլ ամալի
զՄինուկիոս. զի մի թերեւ կրեցէ նա՝
զոր Մանդեոն Տուրկուատոս ետ կրել իւ-
րում՝ զաւակին՝ տապաքաւ հատեալ ըզ-
գլուին այն ինչ բոլորեալ պատկեալ 'ի
դեղեցիկ նահատակութենէն : Առ այս՝
և յորդոր 'ի ներքս խառնէր հանել 'ի Փա-
րիոսէ զբռնաւորութիւնն, և 'ի ձեռս տալ
գլխովին առն՝ որ բաւեցէ և կամեցի
փրկել զքաղաքն : Իսկ ժողովուրդք թե-
պէտ և շարժեցան ևս 'ի բանն Մեռիդեայ,

ոչինչ ժտեցին բուռն առնել փարեայ՝ Թէ պէտ և գառափեռեալ 'ի ժամուն՝ տեղի տալ 'ի միապետութենէն . այլ վճիռ զայս ետուն, զի Մինուկիոս զուգապատիւ զօրա վարի և հոմիշեան իշխանապետի կացցէ 'ի մարտին : Եւ այս բան անգ. 'ի նախնու մէ երբէք ոչ տեսաւ 'ի Հռովմ . այլ վայր մի գինի գէպք եղեն բանիս և յետ հարուս ծոյն Կաննայ : Քանզի Մարդոս Բունիոս իշխանապետ յայնժամ էր 'ի բանակին . և քանզի պէտք եղեն 'ի Հռովմ կարգել փոխանակ բազմաց պատրիկացն՝ որ ապապտոտ անկան 'ի մարտին, միւս ոմն իշխանապետ եղին նոքա զփարիոս Բուռեոն . այլ սա այս Բուռեոս առեալ զանձամբ զբարձն և ընտրեալ զուսգորեարն և լցեալ զյինկ զխոտն՝ 'ի նմին խկ աւուր 'ի բաց զգաւա զանակիրան արձակէր, և գաղտաբար խոյս տուեալ 'ի խռան ամբոխին ծածկէր զանձն . և ապա 'ի հրապարակ եկեալ իբրեւ զմի 'ի ստեփաննաց՝ անգ. զբաղեալ պարատէր 'ի գործ ինչ իւր :

Արդ իբրեւ զնոյն զայն իշխանութիւն զիշխանապետին ետուն և Մինուկեայ, կարծէին իմն այնպէս նուազ առնել զփարիոս և նկուն յարգարել զնա . այլ ոչ համօրէն 'ի վերայ կացին նոքա աւագութեան առն : Քանզի նա զնոցայն անգխաութիւն ոչինչ նուազութիւն համարէր անձին . այլ զորօրինակ Դիոգինէս իմաստուն լուեալ յաւիեմնէ ասել, եթէ Դոգա ասորիի ծաղբ առնէն զչեզ, ետ պատասխանի . Այլ էս

Ծաղւ ւէնի՛: Գիտէր իսկ քաջ, եթէ ծաղւ
րեալք նոքա միայն են՝ որք սրտաբեկք
խռովին յայնպիսեաց անտի . այսպէս և
Փաբիոս յայնժամ անխռով և մեծապէս
հեղութեամբ ստարաւ անիրաւութեանն,
և այնպէս ապա ճշգրտեաց յանձին զա
ռածն իմաստասիրաց որ կնքեն, եթէ՝
“Այր լաւ և առաքինի երբէք ոչ անիրա
ւի և ոչ անպատուի” : Այլ վասն քաղա
քին ցաւէր Փաբիոսի յանհանձարաբար
գնացից խռժանին, որ պատճառս 'ի ձեռս
տայր Մինուկեայ ընուլ զանմտութեան
զաշխոյժսն 'ի կռիւ մարտին : Ապա զանդի
տեալ Փաբիոս՝ գուցէ գլխովին խեղայե
ղեալ Մինուկիոս 'ի սնափառութենէն՝
յանդգնագոյնս անդէն միջամուխ լինիցի
'ի գործ ձախողակ, ել զանխուլ արտաքս
'ի քաղաքէն : Իբրև եկն եհաս 'ի բանակն,
անդ գտանէր նա զՄինուկիոս անընդել
վայրենացեալ և փքուռոյց, որ և փոխա
նակաւ ասէր 'ի սահմանեալ ժամանակի
առն առն վարել զգորավարութիւն բանա
կին : Բայց Փաբիոս ոչինչ հաւանեցաւ .
լաւ համարեցաւ յայր այր իւրաքանչիւր
բաժանել առհասարակ զգորն, և միայնակ
կիսոյ բանակին զօրավար կալ, քան բո
լորին՝ փոխանակաւ : Ապա յանձն իւր
առնոյր զատանէր զառաջին և զորրորդ
գունդն, և Մինուկեայ 'ի ձեռս տայր
գերկրորդն և զերրորդն . նոյնպէս և նիզա
կակիցք նոցա բաժանեցան յայնժամ : Իբ
րև այս եղև, յանձն իւր զուարճանայր

Մինուկիոս, զի յիւր սակա նուազեալ գըտաւ աւագութիւն վեհագոյն բարձին. այլ փաբիտս խրատ տայր նմա զնոսա ածել՝ եթէ արդեօք մտացի իցէ, զի ոչ ընդ փաբիտս՝ այլ ընդ Անիքաղայ հասանէ նմա ՚ի վեգ գալ. եթէ երբեք նախանձ ընդգէտ մաքառեոցի ընդ իւրում իշխանակցին, մեծապէս զգոյշ լիցի, մի քան զնկուն եղեալն և զանաւազն առ քաղաքացիան, յեանեալ գտանիցի ՚ի փրկութիւն նոցա և յանգորութիւն՝ մեծարեալն և աւագացեալն առ նոսա։ Այլ Մինուկիոս զքան զայս փաբիտս հենդեութիւն համարեալ ծերութեաց, առեալ զբաժին իւր առանձին՝ բառակ հարեալ նստէր։ Սակայն և ոչ Անիքաղ անգէտ ինչ էր անցիցս պատցիկ, այլ կոյր մնայր գէտ ակն կաշեալ անգէն գեալ ժամանակին։

Արդ էր անգամոր ընդ մեջ նոցա բոլոր՝ ոչինչ անառիկ. բայց առեալ միանգամ՝ վայր քաջամուր էր այն բանակի զորուն և բաւական յամենայնի։ Իսկ որ շուրջ զգլխովն գաշտ՝ ՚ի բացուստ հարթ հաւառար երևեր և գիւր և արձակ, այլ էին ՚ի նմա խրտօք ոչինչ մեծամեծք և փապաղք և անձաւք. վասն որոյ և Անիքաղ թէպէտ և հեշտեաւ հատանէր ունէր զբլուրն զանխուլ ՚ի հռոմայեցեաց, ոչ կամեցաւ. այլ եթող զնա այնպէս ազատ ՚ի միջոցին ՚ի գրգիռ մարտի։ Իսկ իբրեւ ետես զՄինուկիոս զատուցեալ ՚ի փաբիտսէ, առեալ գիշերի ՚ի զօրականէն՝ ջանեաց արեւաց ՚ի

գարան ընդ խրաման գաշտին և ընդ փա-
պարան . և ապա յայդանալ աւառն գունդ
մի 'ի զօրացն հատանէր ոչինչ տոռապ' եր-
թալ ունել յայտնապէս զբլուրն , և այն-
պէս ապա զՄինուկիոս գրգել 'ի կռիւ
վանն վարացն . որ և եղև իսկ : Քանզի
Մինուկիոս խաղացուցեալ անգէն զթե-
թեաղէնան՝ ապա և զայրուձին , և տեսեալ
ևս՝ զի Աննիքազ ձեռն տայ որոց 'ի բլբե
անդ զօրականին , խաղայր այնուհետև ող-
ջոյն բանակաւն 'ի վարս անդր՝ վանել զնո-
սա 'ի բլբոյ անտի ուստի մարտ եղեալ
կռուէին . անդ խառնեցաւ գծնդակ մարտ
պատերազմի , և քաջք քաջաց պատահե-
ցին . մինչև տեսեալ Աննիքազայ՝ եթէ ա-
մենեկն իսկ թակարթեցաւ Մինուկիոս , և
թիկունո ևս գարծուցին այնուհետև Մի-
նուկեանք յառաջոյ գարանանդոյն , ետ
նոցա նշան . նոքա միանդամայն յամենայն
կողմանց խուժեալք 'ի գարանացն և ան-
կեալ մեծ աղաղակաւ 'ի վերայ հռովմայեց
ւոցն , զվերջոսներալն տապառտ առնէին ,
և առհասարակ ամբոխ անհնարին շփոթից
և արհաւիրս անպայմանս զնոքոք արկա-
նէին : Անդ էր տեսանել զի և ինքնին Մի-
նուկիոս անկանէր բեկանէր 'ի մեծ բարձ-
րութենէն . զական յայսկոյս յայնկոյս յա-
ծեալ հայեր յայր այր 'ի զօրապետացն .
այլ 'ի նոցանէն և ոչ ոք հանդուրժեաց
զտեղի ունել , զոտս արձակեալք միախառն
'ի միախառտ խուճապէին , որ և փրկեաց
իսկ ոչ զնոսա : Քանզի նամադացիք յազ-

Թականք արագ արագ տապաւոտակ ակռեալ
փակեցին զքաշտագետինն, և զերամակար
ձակ զգորն առհասարակ 'ի սուր մաշէին :

Իբրեւ յայտ տազնապ տարակուսի պաշա-
րեցան Հռոմայեցիք, արգեզք ոչ 'ի ծա-
ծուկ ինչ էր 'ի Փարթոսէ վասնզ կողմ
տեան նոցա . այլ անգատին՝ որպէս հաւա-
նեալս եմ՝ նախազգած հանգերձելոցն ե-
ղեալ, 'ի զէն և 'ի զարգ կազմ՝ ունէր նա
վառեալ զքանակ զօրուս . և փութոյ պըն-
գութեամբ կայր զննէր զեւ իրացն՝ ոչ 'ի
լրտեսաց ինչ, այլ ինքնին Փարթոս ելեալ
գիտէր 'ի բարձրաւանդակ գիտադանէ ար-
տաքոյ իւրոյ շերտափակին : Իբրեւ զայն ինչ
յակն՝ արկանէր, զի 'ի միջոցի փակեցան
նոքա յԱնիքաղայ ամբաւ տարակուսա-
նոք, լսէր ևս զձայն խառնադու ազազակի
նոցա ոչ 'ի մարտ ինչ զարթուցեալ, այլ
զահարեկ մարդկանն և զնուճապեւոց ո-
մանց, զբարձան հարկանէր Փարթոս և խոր
յոգւոց հանեալ տսէր առ նիզակակիցան .
“ Բարեւ Հերակլէս, զխորգ կանուխ քան
զիմ ակնկալութիւն, և անազան քան
զիզէն իւր՝ այնպէս անձամբ զանձն առեալ
'ի կորուստ մատնեալ Մինուկիոս ” : Զայս
ասաց, և անդէն հրաման տայր ամեւ ար-
տաքս զգրօշակսն, և զքանակն զկնի իւր
փողեալ, 'ի ձայն բարձր ազազակեաց և ա-
տէ . “ Հաւաք առաքինիք, որր ուրուք 'ի
ձէնջ յիշատակ երբէք կայցէ վասն Մար-
կիոսի Մինուկիոսի, աճապարեացէ . զի
այր հոյակապ է դա և հալոսնասէր . իսկ

Թէ զարգիս դա առաւելազանց ջանիւն 'ի վանել զԹշնամիան մեղաւ, գոյ մեզ ապա 'ի ժամանակին գատել զնա "։

Այն ինչ յերևան եկեալ Փարբոս, ան գէն արագ արագ 'ի փախուստ յիրուցան զԼոմադաշտոց առապատակն գարձուցանէր 'ի գաշտին. ապա խաղաց գիմեաց 'ի վերայ՝ և որք 'ի Թիֆլանց անտի մարտ եդեալ կռուէին ընդ Հռոմայեցւոց. և առապատ արկեալ զտիոյեանսն՝ այլք առհասարակ 'ի փախուստ գարձան, մինչքն նոցա 'ի ներքս փակեալ և զնոյն կիրան կրեալ զՀռոմայեցւոցն։ Զգիտօրեալ զերացն տեսեալ Անիք բաղայ, և զի՝ և Փարբոս 'ի վեր քան զտիս հասակին նահատակեալ և միջամուխ գիմադրաւ խնդրէր միանալ ընդ Մինուկեայ 'ի բլուր անդր, տանձեաց զգոռն. փող եհար և 'ի զակիշ անդր առեալ փակէր զԿարքեդոնացիսն. ապա և Հռոմայեցիք մտադիւրագոյնս տեղի ետուն 'ի մարտէն։ Այլ պատմեն՝ եթէ Անիքաղ յրնկրկել զօրուն, այսպիսի ինչ ժպտեալ ասէր առ բարեկամսն վասն Փարբոսի. "Ո՛չ իսկ և տեալ նախապատու՝ ձեզ լինէի, եթէ ամպրոպքդ այդ գումարեալ 'ի վերայ բարձանցդ՝ երբեք մորկեալ և փոթորկեալ տեղատարափ անձրևոյ Թափեացէ "։ Իսկ Փարբոս յետ կռուոյն կապուտ կողոպուտ արարեալ զգիակունո, տեղի ետ. ո՛չ պերճաւ Թեամբռ ոտնհար ինչ եղև իշխանակցին, և ո՛չ 'ի ցատումն ինչ բրդեցաւ ընդ նմա։

Այլ Մինուկիոս 'ի մի վայր խմբեալ

զորս իւր, տակը այսպէս. « Բանձ նիզակա-
կիցք իմ, յանցանա երբեք ճշանցանել 'ի
նահատակութիւնս մեծամեծս՝ այդ 'ի վեր
է քան զսահման վիճակի մարդկան. տա-
կայն զմիանգամ յանցանան 'ի խրատ առ-
նուլ զգուշութեան հանգերձերոցն, գործ
է առաքինւոյ առն և մտաւորի: Արդ ես
ինձէն խոտտովան լինիմ, եթէ գուշա-
քեայ աղբեղ չստանէ ինձ մեղ գնել բախ-
տին, և մեծապէս գովել զնա: Բանդի զոր
ընդ այսչափ ժամանակ չէր իմ ուսեալ, 'ի
գուշաքեայ ժամ աւուրս այսորիկ ուսայ.
Իբրեւ չեմ ես բաւական իշխել այլոց, այլ
պէտք են ինձ այլում իշխանի. և չէ ինձ
պատուասիրել 'ի վերոյ կալ, որոց գեղե-
ցիկ ևս իցէ ինձ 'ի ներքոյ լինել: Եւ արդ
ունիք դուք աւագիկ զձեր իշխանապետ ա-
ռաջնորդ յամենայնի. բայց այժմիկ ես
ինքնին եմ առաջնորդ ձեզ՝ զնալ շնորհ
ունել նմա. և ինքնին առաջին զանձն իմ
ընծայեցից նմա 'ի հնազանդութիւն հրա-
մանի նորա»: Ասաց, և հրաման տայր
բառնալ բերել զարծուին, և առհասա-
րակ զհետ իւր փողել: Ապա գէմ եգեալ
զնայր Մինուկիոս 'ի շերտափակ Փարիո-
սին. իբրեւ 'ի ներքս եմեաւ, և գէալ ուղիղ
'ի խորան երթայր զբաղարին, առհասա-
րակ յափշտութիւն կրթեցան: Այն ինչ
պատարս 'ի խորանէն ելանէր Փարիոս,
Մինուկիոս 'ի խանարհ առաջի զնշանական
եգեալ, 'ի ձայն բարձր անուն կարդաց նմա՝
Հայր. զնոյն և զբաղարին նորա՝ զՓարիո-

սինն կարգային իւրեանց Տէա՞ր, որպէս բնաւորեցան ապրեալքն կռել զապրեցուցիչսն : Իսկ իբրեւ լռութիւն լինէր, սկսաւ բարբառել Մինոսկիոս և ասէ .

“ Յազթուութիւնս կրկին ո՞ իշխանապետ տարար գու այսօր : Թշնամեաց յազթեցեր քաջութեամբ . իշխանակցին՝ հանձարով և հեղութեամբ . միտին ապրեցուցեր զմեզ, միւսովք՝ վարժեալ կրթեցեր զմեզ : Պարտութիւն մեր յԱննիբաղայ՝ այսպանելի է պարտեցելոցո, իսկ որ առ 'ի քէն՝ գեղեցիկ և փրկական : Վասն որոյ և անուն կարգամ քեզ Հայր Կազմ . իբրեւ չիք ինչ այլ անուն պատուականագոյն : Կո՞ւ և քան ի խմում ծնողի՝ մեծ ևս ունիմ քեզ շնորհս : Քանզի՞ որ 'ի նմանէն կեանք, ինձ են միայնոյ . 'ի քէն կեամ՝ աւագիկ հանդերձ ամբօխիւք ” : Զայս ասաց Մինոսկիոս, և գիրկոս արկեալ համբուրեր զՓարիոս . ըզնոյն և զօրականքն առնէին ընդ միմեանս գիրկ ընդ խառն համբուրիւ . զի և առհասարակ անդ զօրն լի էին խնդութեամբ և քաղցր արտասուօք :

Բայց յետ այսորիկ Փարիոս 'ի բաց երգեալ զիշխանութիւնն, անդրէն միւսանգամ գարձան յընտրութի չիւպատոսաց : Որք առաջին կարգեցան յայնժամ 'ի հիւպատոս, զնոյն շաւիղ զՓարեայ կալան նոքա ընդ Աննիբաղայ . քանզի խոյս 'ի ճաւատամարտ կռուոյն տային, և նիզակակցացն ձեռն տուեալ՝ սանձէին զապտտամբութիւնսն : Այլ իբրեւ Տերենտիոս վար-

րոն ամբառնալք 'ի հիւպատոտութիւն ,
այր աննշան զարմիւ , այլ ականաւար 'ի
յանդգնութեւ և ուստակապասութեամբ
առ խուժանն . ակն յայտնի այնուհետեւ
առ անփորձ ժողութեան առն 'ի հասարաւ
կաց վտանգ արկանէր քուեայն : Քանզի
աս այս վարրոն խրոխտագոյնս բողոք բար
ձեալ յատենի , եթէ ցորվայր Փարեանք
առաջնորդ կացցեն քաղաքին՝ յաւերժաս
ցի մարտ պատերազմին . և թէ՛ ինքնին
նմա օր մի շատ արդեօք իցէ միանգամայն
և յակն արկանել զԱննիբալ և 'ի պարտու
թիւն մատնել : Իբրեւ զայս այսպէս անդու
բանդագուշէր , առ խմբեաց նա զօրածո
զով սաստիկ որեար , որչափ ինչ երբէք
չէր գումարեալ Հռոմայեցոց ընդդէմ
թշնամեաց . քանզի կազմեցան վառեցան
յայնժամ 'ի մարտ պատերազմի ութ բիւրք
և ութ հազար այր : Չահի մեծի հարեալ
էր Փարբոս և ընդ նմա մտաւոր մարդիկն .
զի թէ երբէք այնչափ բիւրաւորք երկոս
տարդաց 'ի մահ տալածեացին , վճարեալ
իցէ այնուհետեւ վասն քաղաքին :

Ապա յարեաւ Փարբոս՝ եւ չորեաւ ինք
նին խօսել յունկն միւսոյ հիւպատոտին
հոմիշխան Տերենտեայ , այն էր Պաւլոս
Եմիլիոս՝ քաջափորձ այր 'ի մրցմունս մար
տից , այլ ոչինչ այնպէս ընդունելի ժողո
վրդեան . նաև ահաբեկ 'ի խուժանէն էր
այրն , գատակնիք երբեմն յատենի ընկա
լեալ առ 'ի նոցանէ : Բորգոր 'ի ներքս մա
տուցանէր նմա Փարբոս զգէմ ունել կալ

ձեւ զանազանութիւնն Յերենտեայ. խելա-
մուտ ևս տանէր զնա՝ եթէ կուտէլ հասա-
նէ նմա այնուհետեւ 'ի փրկութիւն քաղա-
քին ոչ ընդ Անիքաղայ՝ այլ ընդ Յերեն-
տեայ, իբրեւ նոքա երկոքեան միասոյն յո-
ժարեալ են 'ի կախ. Յերենտիոս՝ անդէտ
ուժոյ զօրութեանն, խկ Անիքաղ՝ ծա-
նօթ իւրոյ տկարութեանն. և յաւելեալ
'ի բանս իւր ասէր Փարիոս. « Վասն Ան-
իքաղայ իրացն ո՛վ Պաւղէ՝ ինձ տուաւ
հաւատաւ արժան է, քան Յերենտեայ:
Որպէս զի եթէ զայս ամ անմարտ կացցէ
Անիքաղ, դա կամ ինքնին հարեալ վատ-
թարեացի աստէն գեղերեալ, կամ թէ
չտապեացի այլն 'ի փախուտ. զի թէպէտ
և յաղթութեամբ այժմիկ տիրացեալ իցէ
այլն, սակայն և տեսաւ և ոչ ոք տակաւին
յիւրաց թշնամեացն գաշնաւոր ընդ դմա.
Նա զի և հաղիւ մասն 'ի զօրութեն երրորդ
աստ ողջ կացեալ իցէ, զոր խաղացոյց նա
'ի տանէն իւրմէ՝: Եւ ասեն՝ զայս պա-
տասխանի արարեալ Պաւղոսի. « Արդարեւ
ո՛վ Փարիէ՝ հայեցեալ յիմա, լաւ ևս իցէ
ինձ խոց վիրաւոր անկանել 'ի նիզակաց
թշնամեայն, քան գատակնիք մուտանգամ
տանու 'ի խուժանէն: Այլ սակայն եթէ
այդ սահման վեճակի իրացդ հասարակաց
հասեալ իցէ, գուն գործեմ ոգւով չափ
զօրավար քաջ քեզ միայնում երեւել, քան
այլոցդ ամենեցուն՝ որ 'ի հակառակն զիս
գրդիցեն՝: Յայս խորհուրդ հաստատեալ
Եմիլիոս՝ եւ խաղաց 'ի մարտ պատերազմին:

Այլ Յերենտիոս առեալ իշխանութիւն փոխանակաւ ընդ իշխանակցին՝ որ մի ըստ այդ տանել բերել զգորն, հարեալ բաւ նսակ մօտ Աննիքազայ մերձ առ Աւփիգիոն գետ 'ի վայրն՝ որ անուանեալ կոչէր Անննա, անդէն 'ի ծագել առաւտոուն զնշանակ մարտին 'ի գաւրա հանէր. և էր այս նշանակ պատմութեան ծիրանի՝ տարածեալ 'ի վերայ խորանին մեծի սպարապետին։ Յայն նշան սարսկաբերդոնացիք որտաբերկ լուծան, զի գիւնագրաւ այնպէս յանձնապատասան ցուցաւ Յերենտիոս. տեսանէին ևս զամբաւ բազմութիւն զորականին նորա, և ինքեանք կիսով չափ չէին նորա։ Իսկ Աննիքազ հրաման տուեալ վառել 'ի գէն և 'ի զարդ, ինքն ձիաւորեալ խաղաց 'ի վեր ընդ սակաւուց ոմանց 'ի բլուր մի գիւրին, անդուստ կայր զննէր զԹշնամիան և զկարգ գասաւորութեան նոցա։ Անգանոր իբրեւ մի ոմն 'ի բարձակից աւագացն Աննիքազայ՝ Գիսկոն անուն՝ հիացեալ էր ընդ մեծ ամբոխն, զերեսն կնճռեաց Աննիքազ և ասէ. “ Գաջ իսկ՝ ո՞վ Գիսկոն՝ այլ ինչ ևս զարմանալի քան զայդ՝ ծածկեալ է 'ի քէն”։ Իբրեւ հարցանէր Գիսկոն՝ զի՛նչ այն իցէ. կրկնեաց Աննիքազ և ասէ. “ Այն է, զի յայդչափ ամբոխիդ չիք և ոչ մի որ 'ի գոսա՝ որ անուանեալ կոչեացի Գիսկոն”։ Եւ ապա այս կատակ արտաբոյ ակնկալութեան՝ առհասարակ 'ի ծաղր շարժեաց. իբրեւ 'ի բլրոյ անտի իջանէին, որոց միանգամ պատահէին՝ պատ-

մէին զգոյցն, զի և շատք յայնժամ 'ի քրքինջ լուծան. իսկ որք ընդ Աննիքազայ էին՝ երբեք չկարէին լսել 'ի ծագուէն: Զայն տեսեալ Վարդեգոնացւոյ՝ քաջաբութիւնն զգեցան, իբրեւ այն՝ որ ծագոն նոցա մեծապէս վատահաւթեան նշանակիցէ, և զորաւարն ինքնին զթշնամեղքն ունչաարասցէ, և առ գուրս հասեալ մատալուտ մարտին, նմա կատակս զուցել սիրելի իցէ:

Բայց յայն կռիւ մարտի հնարինացու թիւնս հայթայթեաց Աննիքազ: Առաջին՝ զգեղեցիկ ընտրութիւն վայրացն. զի առեալ ճակատեցոյց զգորն՝ 'ի թիկանց ըզհողմն ունելով. քանզի և շնչէր իսկ բուռն և սաստիկ 'ի ժամուն և բոցակէզ. և յառազակոյտ յարձակավայր գաշտէն ամբ փոշւոյ փոթորկեալ կուռ և թխապորոգ՝ ամբարձեալ 'ի վերոյ փաղանդին Վարդեգոնացւոյ՝ վարեալ շէշտ հարկանէր թափէր յերեսս հռոմայեցւոց, յորմէ և տագնապեալք յետս զգէմնն գարձուցանէին: Իսկ երկրորդ հնարինացութիւն նորա. զի գեղեցիկ կարգեաց եզ նա 'ի թեւ երկուս ճակատուն զկորովիս և զքաջամարտիկս զօրականին. իսկ զմիջոցն երկց նա վատ և անպիտան որերով, այնպէս տեսածն գասեալ հարուստ մի յառաջագէմ քան զթեւ փաղանդին: Եւ ապա կորովեացն պատուէր տալը, եթէ յորժամ վանեալ հռոմայեցւոց զտկարան և միջամուխ ընդ մեջ երկուց թևոցն եզեալ, և ասպարէզ ևս բացցի նոցա 'ի վերջոսնելոց անտի, նոքա հապճեալ

'ի Թեոց անտի չքան առեալք՝ անկանիցին
'ի վերայ 'ի կողմանէ, և շուրջ փակեալ 'ի
Թիկանց ևս կուսէն պատեացեն զԹշնամիսն:
Եւ այս ապա Թուի Թէ մեծապէս յաջո-
ղեաց զանհնարին հարուած կոտորածին
այնորիկ: Քանզի 'ի վերջոսնել՝ որք 'ի մի-
ջոցին կային, և միջամուխ մարտիւ 'ի ներքս
Հռոմայեցւոցն լինել, փաղանդ Մննիքապա-
անդէն փոփոխեալ զառաջին զմէն՝ եկաց
լուանաձև. և գնդապետք այրենտիր զօրակա-
նին զկէսն 'ի կողմն անդր ճեպեցին առապ-
րին, և զկէսն 'ի նիզակին, և այնպէս անկան
'ի վերայ զէնքնիկեց մարդկանն. և զորս
միանդամ ոչ խաճապեցան 'ի փախուստ՝
մինչքէ Կարգեդոնացւոցն պատեալ 'ի ներքս
փակեալ առհասարակ կոտորեցին: Ասեն՝
և այրուձիոյն Հռոմայեցւոց յայնժամ յան-
ջանել նոր և օտար: Քանզի անգանոր
Պաւլոս Եմիրտոս անկեալ յերկիր՝ որպէս
Թուի՝ խոցեալ երիվարին, իբրեւ նիզակա-
կիցքն ևս իջին այս ըստ առնէ յերիվարացն՝
այնպէս հեռի ձեռն տալ հիւպատոսին,
տեսեալ այրուձիոյն և հրաման զայն կար-
ծեալ զօրավարին՝ 'ի վայր յերիվարացն
վազեցին առհասարակ, և այնպէս հեռի
մարտ եղեալ կռուէին: Մնդ գէտակն կա-
լեալ Մննիքապ տսէր. « Սիրելի ևս է ինձ
բանդ, քան եթէ կտպեալս զգոսա ձերքաւ
կալ առնէի »: Զայստիկ աւանդեն մեզ
որ ճոխաբար գրեցին զպատմութիւնն:

Բայց 'ի հիւպատոսաց վարդոն ընդ առ-
կաւուց ձի 'ի վեր տուեալ անկանէր 'ի քա-

զաքն վենուսիս : Այլ Պաւլոս յայն շատապ
տագնապի 'ի յորդել փախառելցն , քանզի
էր իսկ նորա մարմինն 'ի սլաքս նեախց վար-
սեալ , և հագին յանհնարին անձկութեան ,
եկն նաառա 'ի վերայ վեմին՝ անկալեալ
մահու 'ի Թշնամեաց : Եւ քանզի յարեան
ապաժոյժ ողջոյն շաղախեալ գլուխ նորա
և գլխակ պատկերին , ոչինչ ծանեան զնա
բարեկամք և ընտանիք , և զանց զնովա-
տունէին 'ի խուճապ փախառեանն : Միայն
Վուսնելիոս լենտիզոս պատանի 'ի պա-
տրիկաց ետես և ծանեաւ զնա . անգէն վա-
զեալ յերկվարէն և զառաջեաւ զձին ա-
ծեալ՝ յորդք անկանէր առ Պաւլոս աշտաւ
նակել յերկվար և ապրեցուցանել զանձն
'ի փրկութեան քաղաքին , որում քաջի էշ
խանի պէտք էին 'ի ժամուն : Յանձին ոչ
կալեալ Պաւլոս , առիպէր ևս զպատանին՝
մինչքեռ յարտաբառս հարեալ կայք՝ ձիա-
ւորել միւսանգամ . և ինքն յարուցեալ
կալաւ զաջոյ պատանւոյն և առէր . « Պատ-
մեա՛ գու զայս փաբիոսի Մաքսիմոսի ո՛վ
լենտիզէ , և ինքնին տո՛ւր վկայութիւն ,
եթէ Պաւլոս Եմիլիոս մինչև խապառ ե-
կաց 'ի խորհուրդս նորա և անգրժեղի 'ի
գաշն պայմանին առ նա . բայց առաջին 'ի
վարդոնէ պարտեցաւ Պաւլոս , և երկրորդ
անգամ յԱնիւրաղայ » : Զայս պատուէր
եա և արձակեաց զլենտիզոս . և ինքն ե-
կեալ արկանէր զանձն 'ի խուան կոտորա-
ծին , և անգ վախճանէր : Արեն՝ եթէ բիւրք
հինգ 'ի մարտին տապաւառ անկտն 'ի Հռոմ

մայրեցւոյ, և չորք հազարք 'ի գերութիւն վարեցան. իսկ որք ապա յետ կռուոյն յերկուց բանակաց ձերբակալ եղին՝ սցինչ նուազ քան զիւր մի:

Այլ յետ մեծի նահատակութեանն Թափանձ բարեկամքն արկանէին Անիքազայ, նահատակել և 'ի գեղեցիկ բախտին, և հետամուտ ևս փախստեցին եղեալ 'ի միասին միջամուխ 'ի քաղաքն լինել. խելամուտ ևս առնէին զնա՝ յետ աւարոց հնդից անշուշտ նմա ընթրիա ընթրել 'ի Վապերտոյնին: Եւ ապա սչ հեշտին ինչ է ասել, եթէ զի՞նչ արդեօք խորհեալ Անիքազ, անփոյթ լինէր յորդորակէն. Թուի իմն եթէ զգանդաղել նորա և զվատութիւնն 'ի ժամուն՝ գործեաց 'ի նա մանաւանդ 'ի Քաջաց ոմն կամ՝ յաստուածոց՝ խաջնդտան նմա: Վասն որոյ և պատմին, եթէ Բաբկան անուն Վաղբեղանոցի 'ի բարկութիւն բրդեալ, ասէր առ նա. «Գիտես իսկ գառ յաղթել, աչ ոչ 'ի գործ զյաղթութիւնն վարել»:

Բայց յայտնանէ մեծապէս փախեցան իրքն Անիքազայ. զի որ յառաջ քան ըզմարան քաղաք մի չունէր յիտաղիւ, ոչ նաւահանդիստ, և ոչ գարձեալ վաճառաւ տեղի. և հաղիւ ուրեմն մեծաւ աշխատութեամբ աւարառութեամբ պատրաստեց զկարեւոր պաշար բանակին, իբրեւ որ անհամար ձեռն 'ի մարտ միեալ խաղացուցանէր զզոյն՝ իբրեւ հէն սաստիկ և սապա՝ սակաւորք յառ և յապար. իսկ յայնժամ

և վայրիկ մի ևս զխաղիւս ողջոյն ընդ ձեռամբ նուաճէր Աննիբալ: Քանզի յայնժամ ժողովուրդք շատք և մեծամեծք կա մակար անձնատուր լինէին նմա. առ այս և զվասպուս ինքնին՝ քաղաք առաւել համբաւատենէ քան զքաղաքս յետ հռովմայ հասեալ կալաւ:

Աւրդ այսպէս աղէտք մեծամեծք ոչ զքաղեկամայն միայն զվորդն տան, որպէս ասաց Եւրիպիդէս, այլ և զքաջաց զօրավարաց և զառաքինեաց: Քանզի որք յառաջ քան զկռիւ մարտին՝ անարի վատութիւն զխորհուրդն կոչէին զՓարսիոսի, իսկ յետ այնորիկ ոչ 'ի մարդկայնոց աստի հաւմարէին զայն, քան եթէ 'ի գերաշխարհիկ մասաց ազգումն և աստուածային. այն՝ որ անդուտա՝ի վերուտո նախաքարոզ ամբաւ աղէտիցն լինէր, որոց և ոչ որք զվորդն առին՝ հաւատարին արդեօք: Ուստի և զամենայն յոյս 'ի նա ինքն այնուհետեւ հատաատեալ քաղաքին, եկեալ տարսնեցան 'ի խորհուրդս առնն՝ իբրու 'ի տաճար և 'ի բազին պատգամաց. համարէն կացին 'ի վերայ հանճարոյն Փարսեայ, իբրու որ պատճառք մեծապէս և առաջին եղև փրկութեան քաղաքին, զի ոչ քանդեալ աւերեցաւ՝ որպէս անդ ուրեմն 'ի Եկղատայ կիրանս Քանզի սա այս Փարսիոս՝ որ 'ի գերեզնիկ յանդորութեան քաղաքին՝ երկիւղ 'ի ներքս խառնէր և խեթացր, իսկ յայնժամ՝ որ յանձկութիւնս ամբաւս աղաղակաւ կային և 'ի տագնապ տարակուսանայ, զի

և գործ մի գործել բաւական չէին նորա ;
 ինքն միայնակ հանդարտաբայլ յարու-
 ցեալ ընթանայր 'ի քաղաքին. և մեծադէս
 պարկեշտացեալ 'ի գէննն՝ բանս բողբա-
 ռէր առհասարակ շնորհօք լի և մարդասէր
 գթով, խաղաղէր կարճէր զվայ զճիչ կա-
 նանւոյն, և սարկելոյր սանձէր զժողովս ժո-
 ղով, որ 'ի հրապարակ անգր ելեալ գտա
 գտա գերարատարալից կոծ գնէին և աշխար
 հասարակաց : Ապա 'ի մի վայր զՍինկդի-
 տոսն խմբեալ խրախոյս քաջալեր կար-
 գայր իշխանացն, որ առհասարակ 'ի նա
 յակճիւս կային՝ իբրև որ զօրութիւն էր
 նոցա և ամուր ապաստանի : Կարգէր գնէր
 պահապանս առ գրունս քաղաքին, արդե-
 լուլ սանձել զխուժանն՝ որ ամայի խըն-
 գրէին թողուլ զքաղաքն : Կարգեաց սահ-
 մանեաց և տեղի և ժամանակ կոծոյն . ետ
 հրամանս առ անին միայն աշխարհլ զաւուրս
 երեսուն, ապա կատարած առնել սգոյն,
 և մտքել սրբել զքաղաքն յայնպիսեաց
 անտի : Եւ քանզի դէպք եղեն յաւուրսն
 յայնոսիկ տոնախմբութեանն Դեմետրեայ,
 հաճոյ թուեցաւ Թաբիտի բնաւ իսկ զանց
 զզահլւքն առնել և զտօնիւն, քան եթէ 'ի
 գոյզն ամբոխէ և 'ի թաղծագին կրից սո-
 ներեացն նշաւակել զազէտս ամբաւ կոտո-
 բածին : Եւ քանզի և աստուածազօղմնն
 ինքնին հեշտանայ պատիւ առնուլ 'ի բա-
 լնբաստիկ և 'ի զուարթամիտ որերոյն :
 Եւ ապա 'ի գլուխ հանեալ կատարէին՝ և
 զոր ինչ իզճք և գուշակք հրամայեցին՝

հաշտ առնել զատուածան և 'ի բաց զնշանս հրէշիցն գարձուցանել: Քանզի առեալ արձակեցին և 'ի Դեզմիս զՊիկտով՝ ազգական Փարթոսի հարցանել յաստուծոյն. և յերկուց անոսի կուսիցն Վեառեանց՝ որ 'ի պղծութեան առակեցան, զմին կենդանւոյն թաղեցին ըստ օրինացն, և միւսն՝ անձին արար:

Բայց գեղեցիկ յոյժ յայնժամ դբան չացաւ հանճար և մարգասիրութիւն քաղաքին. քանզի 'ի կտարածէ անոսի գարձ ազարեալ չուսուականն Վարդոն ակնկորեալ և լի թաղծութեամբ, ըստ որում և 'ի գէպ՝ որում զնոյն կիրան կրեալ իցէ, ընդառաջ նորա ելանէր Սինդրիստոն մինչև 'ի գուրս քաղաքին հանդերձ ամբոխիւ՝ ժողովել զնա շքով. նաև որ աւագքն եին և բարձրեց. ք 'ի Ծերակուտին՝ յորոց մի էր և ինքնին Փարթոս, իբրև լուսթիւն լինէր՝ սկսան զովել զՎարդոն. որ յետ ամբառաղեանցն ոչինչ միջաբեկ վասն քաղաքին՝ անդրէն գարձ արար 'ի ձեռս առնուլ զՆխանութիւնն, և ոտական 'ի վերայ կալ օրինացն և քաղաքացեացն, իբրու որոց միւս անգամ յոտին կալ մարթ իցէ:

Յետ այսորիկ լուր առեալք՝ զի ընդ կողմանս այլ Իսաղէոյ չաւ արար խաղաց գնաց Սինդրազ, քաջաբերեալք զորս 'ի գուրս տային հանդերձ զօրովարդ: Եւ եին 'ի նոսա յայնժամ ականաւորք յոյժ Փարթոս Մաքսմոս և Կղոգիոս Մարկեղոս. այս աւագ արք թէպէտ և տարբե-

բեալք 'ի խորհուրդս, տակայն և փառքս
 սքանչելիք առ ամենեւեան: Քանզի Մար-
 կեղոս՝ որպէս 'ի վարս նորա գրեալ է մեր՝
 ժիրաժիր այր և աշխոյժ առաւել և հառ-
 տարազուկ այր, և անդամին 'ի ընուծենէն
 յայնպիսեաց ոմանց, զորս Հռոմեոս ինք-
 նին կոչեաց՝ Պարեթալմասերս և Յաննա-
 տոսփանս. և յառաջագէմ և գիմազրաւ-
 զնոյն օրինակ արիւնծեան արիւնտքս ընդ-
 գէմ արւոյն Անիքրատց՝ նահատակեալ
 յառաջին սրցմունս մարտին: Իսկ Փարբոս
 անասանեցի յառաջին խորհրդոցն՝ գէտ
 ակն ունէր՝ եթէ յորժամ անմարտնցի
 կացցէ Անիքրատ, և նմա ձայն որ ճչ տացէ,
 ինքն անձամբ զանձն հարեալ վաանեացե-
 'ի մարտին. իզրու ըմբշին մարտին՝ որ 'ի
 սաստիկ ձգտել ուժոյն և 'ի խոնջել իւ-
 բում, արագ արագ անբաժ 'ի կորովու-
 թենէն ծնացէ: Վասն այնորիկ և Պոսի-
 գովնիոս ասէ, զՓարբոս՝ Վահան կոչել
 Հռոմայեցւոց, և զՄարկեղոս՝ Սոսեր. և
 զի՝ անդորդելի հաստատութիւն Փարեայ
 և անդորրաւեա՝ գեղեցիկս խառնեալ ընդ-
 բուռոյ բարուցն Մարկեղեայ՝ փրկութիւն
 առ թեաց Հռոմայեցւոց: Բայց Անիքրատ
 բազում անգամ 'ի գիմի հարեալ Մարկե-
 ղեայ իբրեւ տհազին պղծեաց հոսանաց,
 այնպէս յեռս ընկողիւր առ 'ի նմանէ, և
 հարեալ վառթարէր մաշէր զորոտութիւն
 իւր: Իսկ 'ի Փարբոսի՝ որ տակաւ գնայր
 հոսէր առ 'ի ներքոյ լուս և անշարաչ և
 անգրգէր մտանէր անգուլ, նկուն եղեալ

պարտէր և ծախեր և ոչ խնամար : Եւ այսպէս ապա 'ի տաղնապ մեծ տարակուսի վարանեցաւ Աննիբաղ . քանզի վատ նեալ սպառէր 'ի Մարկեղեայ՝ եթէ մարտեղեալ կռուէր . դարձեալ և զտհի մեծի հարեալ էր 'ի Փարիոսէ՝ եթէ չմարտնչէր : Քանզի հարուստ ժամանակ յայնժամ՝ որպէս բանիս կարգ է ասել՝ կռուեցաւ Աննիբաղ ընդ քաջացս ընդ այսոցիկ , որ կարգեցան կացին միանգամայն և զօրաւ վաղց և փոխանակ հիւպատոսի և հիւպատոսք . քանզի և այր այր 'ի նոցանէն հընգիցս անգամ կացեալ էր հիւպատոս : Սակայն հուակ ուրեմն զՄարկեղոս՝ որ այս հնդկաց անգամ եկաց հիւպատոս , դարաւ նամուտ եղեալ Աննիբաղ՝ տկրեաց և ազանտ Այլ և վասն Փարիոսի նենդ զամենայն և զգաւ և զթակարթ լարեաց բազում անգամ , սակայն և ոչինչ կարաց դամադիւս լինել : Բայց 'ի միում անդ նուազի և վաղրիկ մի ևս դաւեալ էր զայրն և գլեալ : Քանզի սուտ յօդեաց նա նամականի իբրե 'ի գիմաց Ճոխից և աւաղաց քաղաքին Մեռապոնտիոյ և առեալ յղէր առ Փարիոս , իբրու անձնատուր նմա քաղաքն եղիցի՝ եթէ եկեալ հասցէ անդ . առ այս և սպաւեալ ևս մնան նոքա՝ զի ինքնին Փարիոս մօտ հասեալ երևեցուցէ զանձն : Ըարթեցաւ Փարիոս 'ի նամականայն , և գունդ մի առեալ 'ի զօրացն հանդերձեցաւ դեմ եղեալ գնալ անդր գիշերի : Իսկ իբրե հաւահմայք չեղեն բարեգուշակք , զտեղի

առեալ գաղաթիւք. ապա յետ անկաւուց
կրօնցած լինէր փաթեռս և կցկցելոյ նամակ
կանույն յԱննիքաղայ. և զի՝ ինքնին Աննի
բազ 'ի գաղան մտեալ նստէր մնայր նմա 'ի
նեղքոյ քաղաքին: Այլ զայտոսիկ մարգարէր
խնամոցն աստուծոց գրեացէ որ արգելօք:

Այլ զխաւարաննէլ քաղաքաց և զազ
մուկս նիղակակցաց լաւ համարեցաւ. փա-
թեռս հեղ և հանդարտ քաղաքաւարութիւն
նուազ առնել և խաղաղել. առ այս՝ և ոչ
միանգամայն զամենայն կասկած դատել
կշտամէնէլ, և զժողովներ առհասարակ լի
նել առ ամենայն կեղակարծելի մարդիկն.
Քանզի պատմեն՝ եթէ 'ի զօրականէն Մար-
տոս անուն ոմն՝ արութեամբ քաջութեամբ
և զարման բազմերէց 'ի նիղակակիցան՝ զո-
մանս 'ի բանակէն յապառաւարութիւն գլխ-
գետլ, լուսա փաթեռս և ոչ կշտամբեալ պա-
տահասեաց զայն. այլ ինքնին վկայեալ
և կնքեալ՝ եթէ պատաքոյ ուրեմն արժա-
նեաց անխոյժ արարեալ են զառնէն. բայց
յայտահեակ՝ ասէր՝ կշտամբեալ դատեսցէ
զօրնարեանն ինքնին պղնտվեն՝ որ 'ի շնորհս
ինչ՝ քան յառաքինութեան ասկա զպա-
տիւան բաժանեացն: Սակայն և զնա ինքն
զՄարտոս՝ ասէր փաթեռս՝ պատահասեալ,
եթէ ոչ առ նա եկեալ գիմեացէ 'ի պէտք
ինչ խոր: Չայս ասաց, և երթալ մի վա-
ռեալ մարտիկ առաջն ընծայէր Մարտոսոյ
և պարգևս ևս տուեալ մեծարէր զայն. և
այնպէս ասաւ հաւատարիմ և նահապեհ
գիմեալուս յարդարեաց զնա: Քանզի և

դժնդակ համարեցաւ Փարիոս, եթէ ապականիք և բարակաւորք զանրնդել ըզկիրան ամրեւեցեն զգազանացն և զվայրագութիւն և զըմբոստութիւնն՝ մեծապէս խնամով և սովորութեամբ և բուծմամբ, և ոչ հարուածովք գանից և կապանօք չըլծայից. և ապա այր դք հրամանատար մարդկան՝ ոչ քաղցրութեամբ և հեզութեամբ մարդեացէ զնոսա. և անհամբոյր և դժոխութեւր առաւել ընծայեցուցէ նոցա զանձն, քան եթէ մշակք հողագործք առ ժանտաթղենիս և առ մոլատանձիս և առ մորձնիթենիս, զորս և այնպէս իմն գգուեալ և մշակեալ նա խնամովք, 'ի ձիթենիս փոխեցէ զնոսա և 'ի տանձիս և 'ի թղենիս:

Առ այս դարձեալ և 'ի գնդապետաց լուր էառ Փարիոս, եթէ 'ի զօրականէն ոմն աղգաւ Լեւկացի լքեալ զկարգն՝ բազում անգամ հեռանայր 'ի բաց. և հարցեալ զգուշակնս վասն առնն՝ իբրև առհասարակ վկայեցին՝ եթէ ոչ հեշտին արդեօք իցէ գտանել այնպիսի այր 'ի զօրուն, և պատմէին ևս Փարեայ 'ի գեղեցիկ նահատակութեանց նորա: Ապա Փարիոս հետախոյզ եղեալ դասալիք պատճառին, գտանէ զսէր զօրականին առ աղջիկ մի. ոյր աղագաւ նա զօր ամենայն 'ի բանակէն ճանապարհս ձիոս հատանէր և բազմավտանգս: Առաքեաց Փարիոս և էառ զկինն՝ ոչ գիտելով զօրականին, և ունէր 'ի թաքստեան 'ի խորանին: Ապա առանձին կոչեալ զԼեւկացին, ասէր այսպէս. « Գիտակ իսկ եմ՝ օթա-

գայեւքեղ ստեղ ըստ բանակն՝ հակառակ
կարգաց և օրինաց հռամայեցոց. և զի՝ յա
ռաջին ժամանակն արութիւնս 'ի ներքս
բերեալ է քո, գիտեմ: Եւ արգ՝ ըստ գե
ղեցիկ նահատակութեանց. թողեալ լիցին
քեղ այժմիկ յանցանքդ. այլ յայամհետե
պահպանութիւն կարգեցից ես 'ի վերայ
քո": Իբրեւ հիացեալ կայր այլն ընդ բանն,
եւս Փարիոս արտաքս զաղջիկն ամեւ, և տը
ռեալ զօրականին՝ տակ. "Աղջիկդ աւա
գիկ երաշխաւորեցի՝ ցանգ ընդ մեզ մեալ
քեղ 'ի բանակիդ. և գու գործովք ցուց
ցես, զի ոչ յանգգամութեան ինչ սակս և
'ի խեռութեան տարազնաց լինելի, որոտ
ճառս զտէրն տունելով և զաղջիկդ": Արգ
վան այգոցիկ զայս պատմարանն:

Չայտա ժամանակաւ զՏարանտացոց
քաղաքն որ մասնութեանն առաւ, հա
սեալ ունէր Փարիոս՝ օրինակ զայս: Պատա
նի ոմն Տարանտացի 'ի զօրականին Փարեայ՝
ունէր քոյր 'ի Տարանտոն հաւատարիմ՝ եղ
բորն և ըզմակաթ: Իսկ 'ի սէր քեռն հա
րեալ էր այլ ոմն Բրետտացի 'ի զօրապե
տաց անտի պահապան գնդին՝ զոր եթող
Անիթաղ 'ի վերայ քաղաքին: Յայոմանէ
պատանին մեծապէս յուսայր եղս գեղե
ցիկս գտանել իրացն, զոր և 'ի վեր Փարիո
սի հանեալ՝ գէմ եդեալ չղբաւ 'ի Տարան
տոն իբրեւ փախստեայ՝ գալ բնակել առ
քեռն իւրում: Արգ յառաջին աւուրն
զչ գայր Բրետտացին առ քոյրն պատա
նէսն, և քոյրն յեղբորէն զանխաւ կարծէր

ղրանն . ուստի և եղբայրն ասէր առ քոյրն զայս ինչ . “ Լուր առհասարակ զհամբաւի հարեալ էր առ Հռոմայեցիս , եթէ յաւազաց դք և 'ի ճոխից մտանէ աստ առ քեզ : Ո՞րք արդեօք իցէ դա . եթէ արդարեւ՝ որպէս ասեն՝ առաքինութեամբ ակա՞նաւոր իցէ այդ և հոյակապ , որ զամենայն խառնակեալ շփոթէ՝ մարտ պատերազմին՝ երբէք չհայի 'ի զարմն . և ակամայացեալն գործ՝ ամեթ 'ի ներքս ածել ոչ ունի . սակայն յանպատապար մնալ արդարութեանն՝ գեղեցիկ արդեօք բախտ իցէ մարդասիրութիւն գտանել 'ի հարստահարիչ անդր “ : Ապա առաքեաց քոյրն և կոչէր զԲրետտացին , և ծանօթս նմա տալր զեղբորէն . և անդ եղբայրն գործակից զինքն ընծայեալ ըզմին նորա , և 'ի վերին երեսս ասէր՝ իւրովն խրատու քաջամոյն քան զառաջինն և հեշտաւար ևս զքոյրն յարգարեւ բարբառսին . և այնպէս իմն յինքն առեալ յանդուցանէր զայրն , զի և հեշտեաւ զգերեալն 'ի առփանաց զայրն վարձկան ուծալ ցոյց յԱննիբաղայ , և սագրեաց հայեցոյց զնա 'ի յորս մեծամեծ պարգեաց 'ի գիմաց Փաբիոսի : Արդ զրանն՝ օրինակ զայս պատմին բազումք : Բայց կեղք ասեն ոչ Տարանտացի , այլ Բրետտացի աղգաւ և հարձ Փաբիոսի զինն՝ որ յանկոյց զԲրետտացին . և լուեալ կնոջն՝ եթէ իշխան Բրետտացոյ զգրականին է իսկ իւր քաղաքացի և ծանօթ , զգացոյց Փաբիոսի և եւ չղքաւ 'ի ներքոյ պարտապան բերան 'ի բերան խօսել

ընդ նմա, և յիւր կողմն առեալ յանդոյց յայնժամ զայրն :

Յետ այսորիկ ապա գումն գործէր Փարիոս հնարիմաց խորհրդով 'ի բաց զԱննիբաղ հեռացուցանել 'ի վայրաց անտի . առաքեաց առ զօրականն պահապան 'ի Ռեդիոս՝ ելանել ասպատակ սփռել 'ի Բրեառիա, և մարտ դնել կռուել ընդ Կալզոնիայ : Եւ էին նորա թուով ութ հազար, 'ի դասալիք զինուորաց անտի բազումք 'ի նոցանէն անշուքք և սինլըքոյք որերոյն՝ զոր խաղացոյց Մադեղոս 'ի Սիկիլիոյ . զի և կորուսաւ մարդկանն այնորիկ ոչինչ այնպէս ցաւ և տուգանա 'ի վերայ ածէր քաղաքին . զորս և առաջի աղկանելով՝ ակն ունէր Փաբիոս խայծել զԱննիբաղ և 'ի բաց տանել 'ի Տադենտեայ, որ և եղև իսկ . քան զի աճապարեաց Աննիբաղ և խաղաց գիմեաց անդր հանդերձ զօրու : Եւ ապա որ օր վեցերորդ էր պաշարմանն Տարանտեայ 'ի Փաբիոսէ, պատանին այն որ 'ի ձեռն քեռն բանագնաց լեալ իսկ էր ընդ Բրեառացւոյն՝ չոքաւ առ նա գիշերի և զննեաց ճշգրտիւ զվայր պահպանութեան նորա՝ որ մատնառու հանդերձեալ էր լինել : Այլ Փաբիոս ոչինչ կամեցեալ զելս իրացն առ 'ի մատնութենէն ևեթ, ածեալ բերէր ընդ իւր լռիկ գունդ մի 'ի վայր անդր . իսկ այլք առհասարակ 'ի կողմանց կողմանց դիմեալք յարձակեցան 'ի վերայ պարտապացն ընդ ծով և ընդ ցամաք ձայնիւ մեծաւ և ազաղակաւ և խռովս հարկանէին մեծամեծս, մինչև առ

բոլոր սաստիկ ճարանասցւոյն եկին խանդան, մարտ եղեալ կռուին ընդ պատուաբանութան. ապա բրետասցին նշան առեալ փաքիոսի գրառագէտ ժամուն, և այնպէս խուժեալք ընդ սանգուղան 'ի վեր հասին կալան գրազդքն:

Այլ թուի թէ յայնժամ 'ի պատուաբրութեանն նկուն գտաւ փաքիոս: Քանզի հրաման ետ առաջին խողեսողել զբրետասցիա. զի մատնութեամբ առնուլ քաղաքին մի 'ի վեր ելցէ. սակայն վրէպ գտաւ 'ի խորհրդոյն. զի և կեզա անուն 'ի վերայ այնր ժառանգեաց՝ իբրեւ այր ուխտագրուժ և այր անագորոյն: Անդ տապաստ անկանին բազումք 'ի ճարանասցւոյ, և բերք երեք 'ի նոցանէ յայնժամ վաճառեցան: Իսկ քաղաքն յառ և յապուր մտանեցաւ զօրականին, և առեալ ածին 'ի հասարակաց դանձարանն տաղանդաւ երեքհազար: Բայց 'ի կողոպտել զամենեւեան, ստեն՝ գալրապետին յայնժամ հարցանել ցժարիոս վասն աստուածոցն. այսպէս կոչէր նա զնկարս պատկերացն և զանգրիս նոցա. ետ պատասխանի փաքիոս, թողո՞ւք Թէ ճարանադո՞ղոր զբարեալ տաքաւածսն: Սաւայն առ և տարաւ 'ի ճարանտեայ զանգրին անարի զՀերակլեայ, և արձանացոյց 'ի Կատերտղիոն. կանգնեաց առ նմին և զեւրական պատկերն ձիաւորեալ 'ի որդնձոյ: Այլ յայտոսիկ անտեղի եւ քան զՄարկեղոս երևեցաւ փաքիոս. կամ թէ զՄարկեղոսայ հեղուծիւնն և զմարգասիրութիւնն

առաւել ևս պահնչացոյց, ըստ որում՝ ի վարան նորա գրեալ կայ:

Այլ պատմին՝ եթէ Աննիբալ ի շտապ տապնապի զհետ անդեալ, այն ինչ հեռի քառասուն ասարաքիտու՝ լուեալ զառաւմն քաղաքին, ասաց յայտնապէս զոչս ինչ. «Գոյ ուրեմն և Հռոմեցեցոց այլ ոմն Աննիբալ. քանզի կորուսաք զՏարանտացոց քաղաքն այնպէս՝ որպէս և առաք»։ Եւ առանձինն ապա առ բարեկամն խոստովան եղև այս առաջին, եթէ որ անգուստ ի վերուստ գծնդակ գիտէր գրաւել զխտաղիս առ ձեռն բանակաւ, արդ այժմիկ և անհնար ասէ:

Իսկ Փարթա յաղթանակի հանդէս յետ այնորիկ հրամայէր այս երկրորդ անգամ՝ մեծաշուք քան զառաջինն. իբրու այն որ տխրեան քաջ յարեաւ մրցեցաւ ընդ Աննիբալայ, և հեշտին հարեալ վատթարեաց զամենայն արապս նորա, զի և ամենայն կապք և հանգոյցք և լամբք Աննիբալոց վատեալ լուծան այնուհետեւ ի կորովու թենէն: Քանզի զօրք Աննիբալայ էին իսկ յայնժամ՝ կէս մի ի գրգանաց և ի մեծութենէն մեղիեալք, և կէս մի՝ յանդուլ մարտիցն խոնջեալք և վատեալք:

Բայց անգանոր յառնուլ Տարանտոնի յԱննիբալոյ, Մարկոս Լեւկիոս քաղաքապահ յայնժամ տեղի տուեալ ապաւինեցաւ ի գրեակ բերդին, և քաջութեամբ կալաւ զնա մինչև յանդրէն դարձ Հռոմայեցոցն: Արդ սա այս Լեւկիոս խեթիւ

հայեցեալ ընդ փառան Փաբիոսի՝ իբրեւ յաւուր միում՝ ի ծերակուտին խեղացեալ ի նախանձուէ և ի պատուոյն՝ ասէր, եթէ ոչ Փաբիոս արդեօք պատճառք եկաց միւսանդամ առմանն Տարանտեայ՝ այլ ինքն գլխովին, Փաբիոս ծիծաղեալ ետ պատասխանի. “ Ճշմարիտ ասես զայդ. զի եթէ քո չէր կորուսեալ զքաղաքն, իմ չէր միւսանդամ գտեալ զնա” :

Այլ հռովմայեցիք ի մեծապէս շուքն Փաբեայ յաւելեալ՝ կարդեցին և զորդի նորա զՓաբիոս ի հիւպատոս : Արդ առեալ որդւոյն զԷջանուծիւնն՝ մինչքեռ պարապեալ կայր ի մարտս, հայր նորա յերիվար աշտանակեալ կամ առ ծերացեալ հասակին և տկարութեանն՝ կամ առ ի փորձ ինչ որդւոյն, դէմ եղեալ այնպէս գնայր գէպ ուղիղ առ որդին ի խռան բազմութեանն. տեսեալ զնա ի բացուտտ պատանին՝ ոչինչ հանդուրժեաց. զմի ոք ի պաշտօնէիցն առեալ արձակէր, պատուէր տայր ի վայր յերիվարէն իջանել հօրն, և այնպէս հետի գալ եթէ իրք ինչ իցեն նմա ընդ հիւպատոսին : Ընդ այս մեծապէս դառնացեալ առհասարակ՝ լուռ և անշշուանջ կային անքթիթ զակն ի ծերունին յառեալ Փաբիոս, զեւրդ բերցէ նա անփառունակ կրիցն : Իսկ ծերունին յայնժամ փութանակի իջեալ ի վայր, մեծաքայլ ընթացաւ առ որդին. եկն և գիրկս արկեալ համբուրեաց զնա և ասէ. “ Քաջ իսկ խորհիս դու և դործես՝ ո՞վ որդեակ. գիտես ճշգրիտ՝

յոյց վերայ իշխան կացեալ է քո , և քանի՞ն է իշխանութիւնդ՝ զոր առեր : Սապէս աւագիկ և մեք և մերն նախահաղք բարդաւաճ կացուցաք զՀռոմ՝ քաղաք . ըզմեր ծնողս և զորդիս՝ ցանդ երկրորդ դասեալ փառաց հայրենեացն “ : Եւ պատմին՝ եթէ և նախահաւն Փաբիոսի՝ մեծափառ և մեծազոր ՚ի Հռոմայեցիս , հնգիցս անդամ կացեալ հիւպատոսս և յաղթանակս տարեալ գեղեցիկս ՚ի մարտս մեծամեծս , և ապա ՚ի կարգել որդւոյն հիւպատոսս , ինքն իբրեւ պատուիրակ հետեւէր ընդ նմա ՚ի մարտ պատերազմին . և ՚ի յաղթանակել որդւոյն ամբարձեալ ՚ի քառաձիւ , հայրն զհետ երթալոյ երիվարաւ ՚ի միասին ընդ այլոց . և թէպէտ և տէր ՚ի վերայ որդւոյն , և անուռն եւ կարգային նմա՝ կարի իսկ քաջ , Քաղաքացեացի Բուսից Վէհագոյն , համայն և այնպէս՝ խնդամիտ հպատակէր նա օրինացն և իշխանին : Սակայն և ոչ յայդոսիկ միայն այս աւագ այր դատու որանչելի :

Զայնու ժամանակաւ գէպ եղև մեռանել որդւոյս այս Փաբիոսի , և տարաւ նա աղէտիցս մեծապէս չափաւորութեամբ իբրեւ այր մտաւոր և հայր որդեսէր . քանզի և զԱրձանական զներքող որդւոյն՝ զոր և աղքականք սովորեցան առնել ՚ի յուզարկաւորութիւնս հոյակապ մարդկանն , ինքնին նա հրապարակաբոս եղեալ՝ ապա և ՚ի գիր եւս արձանացոյց զճառն :

Բայց Սկիպիոն Նուռնելիոս արձակեալն յԻբերիա , այն՝ որ ՚ի սահմանաց անտի վա-

նեայ հալածեայ զՎարդեգոնացիս և 'ի մարտս բազում պատերազմաց 'ի պարտու-
թիւն մատնեայ զնոսա, և աղքատ բազումս
և քաղաքս ընդ ձեռամբ նուաճեայ Հռո-
մայեցւոյ և նահատակութիւնս գեղեցիկս
'ի ներքս երեր, առ իբրև գարձ արար 'ի
Հռոմ քաղաք՝ փառս մեծապէս և ասպըն-
ջականութիւն այնչափ ժառանգէր անձին՝
որպէս և ոչ ոք այլ երբէք. ապա և 'ի հիւ-
պատոս կարգեալ, խելամուտ ևս լինէր՝ զի
մեծայ ևս նահատակութեանց առ 'ի նմա
նէն ակնկալեալ մնային ժողովուրդք: Արդ-
թուէր իմն այնպէս Սկիպիոնի, եթէ ան-
գէն յառաքիտ միւսանգամ 'ի մարտ ընդ
Անիքաղայ կաքաւել՝ 'ի վաղնջուց իրաց
ինչ իցէ և 'ի յոյժ հնացելոց. և կայր և մը-
տախորհ լինէր խաղալ ըստ աշխարհն, և
առհասարակ զՎարդեգոն և զԼիբիա ընդ
զեզուլ զինու զարգու և զօրու և աւերել
քանդել զգաւառան զայնոսիկ, անգանօր
առեալ տարեալ զմարտ պատերազմին. և
ապա ոգւով չափ գուն գործէր թեակո-
թէր 'ի նոյն դրգել սագրել և զամբոխ քա-
ղաքին: Իսկ անգուտ Փաբիոս արհաւիրս
մեծամեծս արկանէր զքաղաքան. կայր և
ցուցանէր՝ զիսկոք այր մի երկառաւորք ան-
հանձարաբար առեալ խարդաւանէ զնա 'ի
մեծն յայն և 'ի վերջին վտանգ: Ապա թեա-
կոթէր և ինքն, ոչ բանից խնայէր՝ ոչ գոր-
ծոց՝ ասել և առնել զամենայնն, և խոչ և
խուլթ արկանէր խորհրդոյն. և թէպէտ և
զծերակոյտն հաւանեցոյց, այլ ոչ և զնա-

ժամն . Թուէր իմն նոցա՝ եթէ 'ի յաջադա-
նաց Փաբիոս հակառակ ամբարձաւ Սկի-
պիոնի՝ այն որ յաջողեալ իսկ էր յամենայն
'ի գործս իւր . և զի՝ հոյակապ նահապա-
կութիւնս 'ի ներքս բերեալ նորա , և համ-
բուն կատարած մարտին ածեալ , կամ թէ
գոնեա յիտալիոյ 'ի բաց տարեալ , ապա 'ի
վատաց սակի զՓաբիոս գրեացեն՝ որ այն-
չափ յերկարագոյնս Թարթապեցոյց ըզ-
մարտն : Այլ Թուի թէ զառաջինն առ 'ի
բազում հանձարոյն և 'ի անկակից աներ-
կեանութենէն շարժեցաւ Փաբիոս զգէմ
ունել նորա , զահի հարեալ 'ի մեծապէս
վտանդէն . բայց ապա՝ զիմոգ արգեզք ծայ-
րայեղ թեակոխեալ նա 'ի բանն՝ 'ի նախաճ-
ձաւորն կրից և 'ի պատուոյն , քար ընդ ոտն
եկաց բարդաւաւաճութեն Սկիպիոնի : Վասն
որոյ և զԱրաստոս զհովիտան հիւպատոս
ածէր հաւանեցուցանէր , մի 'ի ձեռս Թո-
զուլ Սկիպիոնի զառաջնորդութիւն բանա-
կին , և մի տեղի երբէք տալ նմա . այլ ե-
թէ այնպէս լաւ իցէ , ինքն ընդ նորա ան-
ցեալ խաղասցէ 'ի Վարքեգոն : Առ այս
գարձեալ և թոյլ չեա Փաբիոս պաշտել
նմա զպէտա արծաթոյ արշաւանին , և ստի-
պեցաւ Սկիպիոն և չղաւ և կազմէր անձին
զպէտան 'ի քաղաքաց անտի Տիւրքոնիոյ՝ որ
և մտերմութեամբ իսկ էին ընդ նմա և կա-
մակատարք նորա : Այլ Արաստոս մնաց առ
անին , զի անպատին հեղ և անկռիւ վիճա-
կեալ էր բարոյից , և զի՝ և յատուածային
օրէնսն քահանայապետ մեծ էր նա :

Բայց փառիոս միւսանգամ զգէմ կալեալ Սկիպիոնի ընդ այլ ճանապարհ, խոչ ընդ ոսն լինէր արանց երիտասարդաց՝ որ կամակարութեամբ խաղային ընդ նմա 'ի մարտ պատերազմի. կայր և բողբ բառնայր յատեանս և 'ի Ժողովուրդս, զի ոչ շատ համարի ինքնին Սկիպիոն միայն փախատեայ գնալ յերեսաց Աննիբաղայ, այլ և ընդ իւր ձգեալ վարէ յիտալիոյ ծովազնացութեամբ և զնշխարեալ զօրականն. պատիր յուսով ինքն զերիտասարդան յանգուցեալ Թողուլ քանել միանգամայն և զԾնողս և զկանայս և զքաղաքն ինքնին գլխովին, որոյ առ գուրս նորա արձանացեալ աւագիկ կայ Թշնամին հաստահարուտ և անպարտելի: Իբրև զայս բանս կրկնէր և երեքկնէր փառիոս, արհաւիրա այնչափ արկանէր հռոմայեցւոց, որպէս զի և վճիռ տուեալ կնքեցին՝ Սիկիլեան գնդին միայն խաղալ ընդ Սկիպիոնի. դարձեալ և երեք հարիւրոց Իբերեան զօրականին՝ որոց 'ի վերայ հասեալ խկ էր նա հաւատարմութեանոցա: Եւ ապա Թուի Թէ՝ ըստ անկակից բարուցն վարեցաւ յայտոսիկ փառիոս:

Այլ իբրև էանց խաղաց Սկիպիոն 'ի Լիբիա, անդէն համբաւ գեղեցիկ նահատակութեանցն նորա և արութեանցն հասեալ 'ի հռոմ քաղաք, ապա և 'ի հաստատութիւն բանին և աւար մեծ կապուտ կռզոպուտ Թշնամեացն ժամանէր անդր. և լուր ևս առին՝ եթէ և զթագաւորն ինքնին զհռոմայեցւոց ձերբակալ 'ի գերութիւն

ժարեցին . 'ի նմին ժամանակի և բանակք
կրկին [Ծնամուրյն հրդեհեալք յաճիւն դար
ձան , 'ի միասին յայնժամ և ամբաւութիւն
մարդկան և զինուոյ և երիւորաց . և զի' հրեշ-
տակութեամբ ևս զԱննիքազ յետս կոչէին
Կարբեգոնացիք , և աղերաէին ևս [Թողու-
լքանել զանվախճան զյոյն զայն , և գառ-
նալ ձեռն տալ հայրենի աշխարհին : Մինչ
դեռ այնպէս 'ի հռոմ քաղաքի ամենեցուն
'ի բերանի էր Սկիպիոն վասն մեծամեծ
ուզութեանցն , անգուստ փարիոս անդու-
տոկաւր' տռնուլ զոք արձակել փոխա-
նակ Սկիպիոնի . և յայն ապաստան հաս-
տատելր պնդէր' զոր հասարակաց զրոյցդ ա-
մէ , եթէ' Զ խմբդ բազմավտանդ է'ի բաղդ-
առն միոյ [Թողուլ զմեծամեծ նահապա-
կութիւնան . իբրեւ գծուարին յոյժ է ցանդ
բարեբաւտել միոյն : Եւ այսպէս գառնա-
ցոյց փարիոս զժողովուրդն և յաչաց ևս
եւլանէր նորա . զի իբրեւ դեգ և գծիւնմ' և
յաչապկոտ համարեցան զնա . կամ [Եւ ծե-
րութին ինքնին հարեալ զնա' անարի համ-
բուն և յուսարեկ յարգարեաց զայն , զի
յանչափն դա զահի հարեալ կայ յերե-
սաց Աննիքաղայ : Քանզի և ոչ յայնժամ
յորժամ տեղի տուեալ չուեաց Աննիքազ
յիտալիոյ հանդերձ բանակաւն , [Թոյլ ա-
րար փարիոս քաղաքին մնալ յանքոյթ և
յանգողրու 'ի խնդին իւրեանց , այլ շուրջ
դալր և բարբառէր և ասէր' եթէ անշուշտ
յայնժամ 'ի մեծ ևս վտանգ պաշարեալ
կան իրք քաղաքին . քանզի զԱննիքազ յայն

ժամ 'նոքա' ևս վայրենացեալ անգամօր 'ի
 Լիբիա առ Կաթբերգոնիւ, գտցեն 'ի գիմֆ
 հայրեալ Սկիպիոնի հանգերձ զօրականօքն'
 յորս այն ինչ ջերաջերմ ցայտեցան ա-
 րեանց ապաժոյժք բազմաց ինքնակալաց և
 իշխանապետաց և հիւսպատոսաց :

Իբրև զայս բանս ասէր Փարբիոս, անգրէն
 մեւանդամ միջաբեկ յուսակատուր առնէր
 ողջոյն զքաղաքն . զի և 'ի բացարձակն Լի-
 բիա մարտ մղեալ պատերազմին' նոքա 'ի
 Հռոմ քաղաքի իբրև 'ի մտալուստ արհաւ-
 րաց գողային : Այլ ոչ և հարուստ ժամա-
 նակք անցին 'ի վերայ, ինքնին Սկիպիոն
 հայրեալ խորտակեալ զԱննիրազ' և զգո-
 ռողութիւն ամբարտաւանութեանն զկար-
 քեգոնի նկուն արարեալ յոյժ խնդացոյց
 զքաղաքացիսն իւր'ի վեր քան զյոյս ակն-
 կալութեան նոցա' և անգրէն յոտին կանգ-
 նէր զՀռոմայեցոց տէրութիւնն, իբրև ար-
 գարև գղորդեալ սասանեցաւ նա յուժգին
 միբկաց : Սակայն Փարբիոս Մաքսիմոս ոչ
 կեցեալ մինչև 'ի վախճան մարտին, ոչ ըզ-
 պարտութիւնն լուսւ զԱննիրազայ և ոչ
 զմեծ և զաներկեան ցնծութիւնն ետես ըզ-
 հայրենի աշխարհին . քանզի 'ի ժամանա-
 կին' յորում Աննիրազ տեղի ետ յիտա-
 լիոյ' հիւանդացաւ նա, որով և մեռաւ իսկ :
 Արդ պատմեն, եթէ զԵպստմինոնդաս 'ի
 հասարակաց գրամոցն թաղեցին թերացիք .
 քանզի չբաւոր յոյժ մեռաւ այլն, զի և ոչ
 մի ինչ յետ մահուն գտաւ 'ի տան նորա'
 բայց գանկ մի երկաթի . իսկ Հռոմայեցիք

Ոչ 'ի հասարակաց գրամեց ետուն յազար
կաւորութիւն փաբիտսի, այլ այդ այդ իւ-
րազանջեալ տայր զմի 'ի գրամեց անտի 'ի կա-
րի մանտանցն՝ ոչ առ կարտութեանն ինչ,
այլ զի թաղեացեն զնա իբրեւ հայր ժողո-
վեղեանն, արգոյ և պատուական զմահն
նորա կարգելով՝ ըստ արժանի կենաց քա-
ղաքավարութեան նորա:

ԶՈՒԳԱԿԱՆՈՒԹԻՒՆ

ՊԵՐԻԿՂԵԱՅ

ԵՒ

ՓԱԲԻՈՍԻ ՄԱՔՍԻՄՈՍԻ

ԼՆԴՆ Կենաց քաղաքավարութեան առաջնորդ տղայի՝ այսպիսի ինչ է պատմութիւնն : Բայց քանզի միանգամայն և՛ քաղաքական առաքինութեան և՛ ի ղենուորական՝ շատ ինչ և գեղեցիկ նահատակութիւն ի ներքս բերին երկաքանչիւր սղբա , բեր այսուհետեւ առաջին մէք ղգինուորականէն բուռն հարցուք , տակ. Եթէ Պերիկլէս ի ժամանակին՝ յորում ժողովուրդ Աթենացոց քաջապէս նահատակեալ էր ի գործս և ինքնին ի մեծ աւագութիւն հասեալ և յաւէտ հաստահարուած եղեալ էր , կացեալ նոցա առաջնորդ՝ այսուհետեւ հասարակաց բարեբաւարութեամբ քաղաքին և կորովութեամբն ցանգ յանդարտու եկաց և անաստանելի : Իսկ Փաբիոս՝ քանզի ի գծին դաւ և ի բաղմաղէտ ժամանակին էառ նա

զանձամբ զեղևանութիւն քաղաքին, ոչ արգելք 'ի գեղեցիկ ինչ կայս նորա առեալ պահեաց զնա, այլ 'ի չարեացն 'ի լաւագոյնսն վերառեալ փոխադրեաց զնա:

Եւ արդեօք Պերիկղեայ, Վիմոնին նա հատակութիւնք քաջութեան և Միւսոնիգեայ և Լէոկրատեայ յաղթանակքն և բազում և մեծամեծ ուղղութիւնք առաքինութեանն Տոլմիգեայ, տեղի ետուն տօնախմբութիւնս կատարել և աշխարհաժողով հանգէսս կարգել 'ի զօրավարութիւնում 'ի վերայ քաղաքին, քան եթէ մարտիւ պատերազմի դրաւել առնուլ սահմանս և պահել: Իսկ անգանոր փարիոս ակն յանգիման շատ ինչ փախուստս տեսեալ զզօրաց և պարտութիւնս, բազում և մահուն և հարուածս և կտորածս զինքն ապետաց և զօրավարաց. առ այս՝ և զլին և զգաշտագետինս և զամուսնս մայրեաց լցեալս գիտկամք զօրականին. գարձեալ և զհոսանս գետոց մինչև 'ի Ծովանդոյ յարին տարածոյժ գնացեալ և 'ի մեռելութիւնս ամբաւս, համայն և այնպէս փութոյ պնդութեամբ և հատաստութեամբ սրտին զանձամբ զքաղաքն առեալ և մեծապէս խնամ անեալ, ոչ ինչ Թոյլ ետ՝ զի 'ի նոցունց գլորմանէն գթեալն՝ խապաւ խարգաւանեալ տապալեացի քաղաք:

Թէպէտ և կարծեսցէ որ արդեօք, եթէ ոչինչ այնպէս գժեղակ իցէ առաջնորդել քաղաքի՝ որ յայնչափ աղէտս հիքացեալ իցէ, և 'ի հարկէ առն քաջի և աւաքինաց

հապտակ կացցէ . ըստ որում և դժնգակ յոյժ է սանձ և երասան արկանել խեռութեան և ստամբակութեան ժողովեղեանն՝ որ 'ի բարեբաղդ և 'ի գեղեցիկ ելիցն 'ի վեր վաղեալ և 'ի զեղեալութիւնս անառակեալ իցէ . զոր օրինակ Պերիկղէս ինքնին՝ Թուֆ Թէ՛ մեծապէս զԱթենացիան 'ի ժամանակին սանձեաց և նկուն արար : Այլ քանզի յայնժամ Հռոմայեցւոց մեծամեծք յոյժ և բազմագէժ՝ պատահեցան արկածք աղէտից , յայտնապէս ապա 'ի ներքս ընծայեցուցին մեզ զՓարիոս արդարեւ այր մեծ և քաջահանձար և արի , այն՝ որ ոչ սասանեցաւ ինչ և ոչ փոխեցաւ երբեք 'ի խորհրդոց անտի իւրոց :

Իսկ Սամուին՝ զոր առ կալաւ Պերիկղէս՝ հանդէպ 'ի կշիռ գիցուք մէք զՏարանտեայ առումն 'ի Փարիոսէ 3 : Իսկ Եւրիոց պումանն 'ի Պերիկղեայ՝ զքաղաքացն կամպանիոյ գրաւել 'ի Փարիոսէ . քանզի զկապուա քաղաք Փուրիոս և Ապսիոս հիւպատոսք գրաւեալ առին :

Բայց 'ի ճակատամարտի՝ Թուֆ Թէ յաղթուութիւնս ոչ տարաւ Փարիոս , բաց յայնմանէն՝ յորում առաջին կարգեաց նա յաղթանակ . իսկ Պերիկղէս յաղթանակս ինն Թուով ընդ ծով և ընդ ցամաք կանդներաց 'ի վերայ Թշնամեաց : Այլ սակայն և ոչ պատմեն այնպիսի ինչ նահատակեալ Պերիկղեայ՝ զոր միանգամ նահատակեցաւ Փարիոս , յորժամ զՄինուկիոս ինքնին յափըշտակեաց եհան 'ի ձեռաց Աննիբաղայ :

և փրկեաց ապրեցողց առհասարակ զզօս
Հռոմայեցւոց. և արդեգբ գեղեցիկ յոյժ
էր նահատակութիւնն, և միանգամայն 'ի
գէմս երեր զժարեայ զարուծիւնն և զհան-
ճարն և զգարութիւնն: Եւ ներհակաբար՝
ոչ պատմեն՝ եթէ և այնպիսի ինչ յանցեալ
Պերիկղէս, որպէս գթեացն Փաբլոս 'ի հնա-
րիմաց գաւանան արջառոցն Աննիբաղայ.
քանզի 'ի ձեռս բերեալ զթշնամին՝ որ ինք-
նին և ըստ գիպաց եկեալ թակարթեալ
կայր յանձնական անդր՝ թոյլ ետ 'ի գիշե-
րի գաղտաբար ելանել. և ապա 'ի գալ ա-
ւուրն զփորձ էառ զհռնութեան նորա. և
մինչ գեղերէր՝ նա կանխեաց. և յորժամ
'ի մարտ մտեցաւ՝ նա յազթեաց:

Այլ եթէ պարտ և արժան իցէ քաջի
զօրավարի ոչ միայն յորս կանն՝ հայել, այլ
և որոց յառաջոյ կանն՝ ուղղապէս խելա-
մուտ լինել, Աթենացիք այնպէս 'ի գլուխ
հանեալ կատարեցին զմարտն, ըստ որում
ինքնին Պերիկղէս նախազգած եղև և նա-
խաքարող. քանզի 'ի խնդիր ելեալ ըստմին՝
կորուսին զզօրութիւն իւրեանց: Իսկ Հռո-
մայեցիք՝ ներհակաբար խորհրդոցն Փաբլո-
սի առեալ արձակեցին զԱլկիպիոն 'ի վերայ
Կարբեդոնացւոցն. տիրացան գրաւեցին զա-
մենայն՝ ոչ ըստ գիպաց ինչ, այլ իմաստու-
թեամբ և արութեամբ զօրավարին՝ որ 'ի
պարտութիւն մատնեաց զթշնամին. որպէս
զի և գէպք ձախողակք հայրենի աշխարհին
վկայեն Պերիկղեայ, եթէ գեղեցիկս ու-
րեմն խորհեցաւ նա. իսկ նահատակու-

Թիւնք Սկիպիոնի նշաւակէն զՓաբիոս՝ եթէ գլխովին յանցեալ նա : Առ այս՝ և հաւասարապէս յանցանք են զօրավարին՝ անկանել յաղէտս ոչ գոլով նախատես, գարձեալ և զգէս ժամանակ գեղեցիկ նահաւասակութեանցն երկմտութեամբն հանել ՚ի ձեռաց : Քանզի՝ որպէս հաւանեալս եմ՝ անփորձութիւնն միայն է՝ որ զյանգոյնութիւնն ծնանի և զարիտութիւնն բառնայ : Այսոքիկ աւագիկ առ ՚ի մէջ յաղագս զինուորականին :

Իսկ ՚ի քաղաքականութեանն՝ մեծապէս մեղադրութիւն է Պերիկղեայ մարտ պատերազմին, զոր ասեն առ ՚ի նմանէն դըրգեալ ոգւով չափ ՚ի հակառակել նորա՝ մի խոնարհել տեղի տալ Լակեզեմոնացւոցն : Այլ ինձ թուի, եթէ և ոչ Փաբիոս Մաքսիմոս ինքնին խոնարհէր տեղի տայր Վարքեգոնացւոցն, այլ քաջապէս արութեամբ զտանգ յանձն առնոյր նա առհասարակ ՚ի վերայ տերութեանն :

Այլ քաղցրութիւն Փաբիոսի առ Միսոկիոսս և հեղութիւնն՝ յանդիմանեալ կըշտամբէ զազմուին հարեալ ՚ի Պերիկղեայ ընդգէմ Նիմոփիլի և Թուկիդիդեայ, որ աքք գոլով նոքա բարիք և լաւք և ազնուապետականք՝ ՚ի ձեռն նորա վտարանդի տարագրեցան խեցեկոյս վճռով : Սակայն մեծ եւ էր զօրութիւն Պերիկղեայ և իշխանութիւն աւագութեանն, ուստի և ոչ ումեք ՚ի զօրավարաց անտի անփորձից թոյլ ետ աղէտս ինչ հասուցանել ՚ի վերայ քաղա-

քին . միայն Յովմիգէս զերծաւ 'ի ձեռացն' որ զօրացաւ խաղալ գիմել ընդգէմ Բիտլ տացւոյ . իսկ այլք առհասարակ նմա կու տակիցք էին և համամիտք 'ի պատճառաւ աւագութեան զօրութեան նորա : իսկ Փարիս' որ աւանձինն յանջոյթ կայր և անյանց' անբաւական գոլով առ 'ի զայլս ասն ձակոծել, խոնարհագոյն Թուի քան զՊերիկլէս : Քանզի ոչինչ պոքեօք յայնչափ ազէտս անբաւա պաշարէին հռովնացեցիք , եթէ Փարիս ինքնին այնչափ ինչ զօրէր առ նոսա , որչափ առ Աթենացիսն' Պերիկլէս :

Բայց 'ի մեծանձնութեան մասին յարհամարհութիւն ընչից , մին զանձն 'ի ներքս ընծայեցոյց ոչինչ առնլով 'ի տուաղացն . և միւսն շատ ինչ ընձեռելով կարօտելոցն' իւրովք գրամովք փրկանաւորեաց զքերին . Թէպէտ և ոչինչ այնպէս մեծ էր Թիւ համարոյն , այլ որչափ տաղանդաց վեցից 4 : իսկ վասն Պերիկլէսոյ ոչ դք Թերես բաւական իցէ ասել , քանի՞ն 'ի զօրութեան իւրում' էր նորա 'ի ձեռա' ամբաւ կուտել և պաշտիլ 'ի նիզակակցաց անտի և 'ի Թագաւորաց . 'ի վերայ այսր' պարպեաց ինչ երբէք երեսս ոչ արար և անկաշառարեկ գլխովին պահեաց զանձն :

Բայց գաստակերտացն այնոցիկ հոյակապ մեծութեանն և տաճարացն և շինութեանց կերտուածոցն' որովք զարգարեալ պճնեաց Պերիկլէս զԱթէնս , ոչինչ արգեօք արժանի' միանգամայն 'ի միասին աւննայն արարոցն պատուասիրութիւնք 'ի

Հռովմ՝ որ նախ քան զՎեստրան՝ երբեք ՚ի
կշիռ համեմատութեան գալցեն. այլ յոյժ
գերիվերոյ քան զայնոսիկ և անբաղդատ
արդեօք՝ մեծագործութեամբն իւրեանց և
մեծ վայելչութեամբն Աթենայքն նախա-
պատիւք և բարձրեցք են :

ԾԱՆՕԹՈՒԹԻՒՆՔ

1. Յն. բառն *A'χροχορδών*, (այն է՝ *Lat. Verruca*), ըստ նմանաձայնութեանն՝ և նոյնանիշ հանդիպի գաւառական հայ բառին՝ Գորփոռ, զոր ուսով. ասեմք՝ Կօյի) :

2. Չանուն գերահռչակ Կարթեգոնացւոյ Յոյնը ոչ *Annibal* կոչեն՝ որպէս չուովնայցիք, այլ *Annίβας* : Այլ առ մեզ միանգամ սովորեալն է Աննիբալ :

3. Բայց սակայն Տարանտոնայ առումն բազմագոյն մասամբ 'ի մասնութենէն յաջողեցաւ :

4. Թիւ տաղանդաց վեցից տասանոր՝ է վերիակ գրչաց 'ի Բնագրին . քանզի և ըստ նորուն Պլուտարքեայ 'ի վարան Փաբիոսի 'ի վերոյ, է հաշիւն տաղանդաց տասնից :



ՊԼՈՒՏԱՐՔԵԱՅ

ԶՈՒԳԱԿՇԻՌՔ

ԱՂԿԻՐԻԱԴԵԱՅ

ԵՒ

Կ. ՄԱՐԿԻՈՍԻ ԿՈՐԻՈՂԱՆՈՍԻ

ԱՂԿԻՐԱԴԻՍ

ԱՂԿԻՐԱԴԻՍ զարմն անդուտս 'ի
վերուտս՝ Թուի Թէ՛ սկզբնահայր իւր ունի
զԵւթիսակէս զԱյասայ որդի . իսկ մայրե-
նեզք էր նա Արկմէոյնեան՝ ծնեալ 'ի Դի-
նոմաքեայ 'ի դատերէն Մեղակլէսի : Իսկ
հայրն նորա Կլենիաս՝ սեպհական իւրեռա-
թիոյն յԱրտեմիսիոն մեծապէս փառօք
նաւամարտիկ կռուեցաւ . և ապա ընդ
Բիովտացոց մարտ եղեալ մերձ 'ի Կորով-
նիա՝ անդ անկեալ մեռանէր : Բայց զԱղ-
կիբիադէս՝ Պերիկլէս և Արիփրոն Քսան-
թիպպոսի որդիք՝ ազգակիցք նորա դաս-
տիարակեալ վարժէին : Այլ ասեն ոչ յա-
նիրաւի, եթէ Սոկրատայ մտերմութիւն սի-
րոյն և բարեկամութիւն առ Արկիբիադէս՝
ոչ գուշնաքեայ ինչ փառս նմա 'ի ներքս
երբեր : Եւ եթէ Վերիկիասայն և զԴեմոս-
թենեայ և զԼամպրոսին և զՓորմիոյնին և

զթրասխրտւոյն և զթերամենէսին, արք
աւագք և հոյակապք առ իւրեանց ժամա-
նակօքն, ոչ գիտեմք մէք ուրեք երբէք ա-
նուանեալ զմարտ նոցա. իսկ զԱղկիթա-
գեայ և զգայեանն գլխովն գիտեմք աղքատ-
լակոնացի, Ամիկզա անուն. և գիտեմք
գարձեալ՝ եթէ Զովպիթոս եկաց նորա
գաստխորակ. զառաջինդ՝ յիշատակէ Ան-
տիսթենէս, և զվերջինդ՝ Պղատոն:

Իսկ յաղագս գեղոյն Աղկիթադեայ՝
թերևս և ոչ պէտք ինչ իցեն ասել. զի ա-
ռոյգ մնաց գեղն ՚ի մարմնի նորա յամե-
նայն հասակին և յամենայն ժամանակի. և
կայտառ և սիրուն ընծայեցաւ նա միան-
գամայն և ՚ի տիս տղայութեանն և ՚ի պա-
տանեկութեանն և ՚ի տիան ալրական: Քան-
զի ըստ Եւրիպիդեայ առասպելութեանն,
չնք հնար՝ եթէ ամենայն գեղաւորացն գե-
ղեցիկ իցէ և աշնայնոյն եղանակ. այլ այս
Աղկիթադեայ վիճակեցաւ, և այլոց ևս
ասկաւուց, առ քաջաբոյս արարածոյն և
առողութեան մարմնոյն: Առ այս և ա-
տեն, եթէ և թլուտտութիւնն նազելի յալ-
գարէր զձայնն, և հեշտալուր զքաղաքառն
նորա և լի շնորհօք: Զթոթովել ընդունին
յիշատակէ և ինքնին Արիստոփանէս ՚ի կա-
թակերդել անդ իւրում՝ զթէորոս զոմն՝ օ-
րինակ զայս. “Ապա յեռ այնորիկ Աղկի-
թադէս ասէ առ իս թոթովելով: Տեսել
զթէորոս, գլուխ ունի դա զազլառու: Այլ
ուղղապէս զայս թոթովեաց Աղկիթա-
դէս” 1: Եւ Արքիպպոս գարձեալ կատա-

կենտրոն զորդին Աղկիրիադէայ, ասէ այսպէս. “Քայլէ դա տառնալուծով և զհանգեքսն քարշենով, զի հանգումնատիպ հօրն յաւէտ կարծեսցի ընել. և բեկբեկէ դա զպարանոցն, և թռթռովէ”:

Այլ բարքն Աղկիրիադէայ յետ ժամանակաց տնհաւասարք երեւցան՝ որպէս հաւանեալս եմ՝ ըստ չափոյ մեծամեծ նահապետութեանցն նորա և ըստ բազմադիմակ անցիցն՝ որ անցին ընդ նա: Եւ քանզի անգատին՝ ի բնութենէն բազմադէմ կրից՝ ի ներքոյ գրաւեալ էր, և պատուաւորութիւն նախաթող՝ մեծապէս զօրացեալ էր ի նմա, ըստ որում է տեսանել և ի դէպս աղայական հասակին նորա: Քանզի էր բերեմն՝ զի նկուն եղեալ յախոյեանէն՝ ի դօտէկուով, զի մի յորասոյս անկցի՝ առեալ ի բերան զմատուան ախոյեանին, իբրու եթէ խածատել ուտել զձեռն, աղատ զնա թողեալ յաղթականն՝ ասէ. “Խածատես դու մի Աղկիրիադէ՝ իբրեւ զկանայս”. անդէն կրկնեաց Աղկիրիադէս, “Ո՛չ այդպէս, այլ իբրեւ զառիւծունս”: Իսկ մինչդեռ տակաւին աղայ՝ յանձուկ փողոցի ի խաղալ զվէզ, իբրեւ նմա անկանէր ձիգն, դէպ եղև ի ժամուն անցանել բռնաբարձ սայլի. իսկ Աղկիրիադէս հրաւնայէր սայլորդին՝ զտեղի ունել, զի ի փողոց անգր ունէր արկանել զվէզն ընդ որ սայլին պարտ էր տնցանել. իբրեւ գեղջուկ գոլով սայլորդն՝ անասատեալ յառաջէր զընթացսն, և մանկտին խաղակից զատեան

'ի միմեանց, յայնժամ Աղկիբիազէս յոր
ասոյս անկեալ առաջի տալին տարածէր
զանձն, ստիպէր զսայլորդն այնպէս խա-
զալ յառաջ. զահի հարեալ սայլորդին ըն-
կրկեաց զսայլն, և որք տեսինն՝ ահարեկց
ձայն բարձեալ գիմէին առ նա :

Իբրեւ յարգունս վարժից եհաս Աղկի-
բիազէս, անսայր հեղադար ամենայն վար-
ժապետացն. և միայն 'ի արնգահարութե-
նէն գլխովն հրաժարէր՝ իբրեւ յանպա-
ռունակ գործոյ և անարժան ազատանոյն :
Քանզի ասէր՝ եթէ կնգնդոց բազմել և
քնար հարկանել՝ ոչ զկերպարանն խաթա-
րեալ ազարտէ զազատ առնն և ոչ զքեզն .
այլ արինգ հնչեցուցանել՝ այնպէս իմն թռա-
լէր և փրուռոյց գործէ զմարդ, զի և կա-
րեոր կենակիցքն հազիւ ուրեմն ծանիցեն
զերեսս նորա : Հանգերձ այսու քնարա-
հարն բաւական է միանգամայն և ձայն ար-
ձակել և նուագ ևս յարմարել. իսկ արինգն
համայն խնու զքերանն և արգելու զձայնն
և զբարբառն : Եւ յաւելեալ 'ի բանս իւր՝
ասէր “ Թո՛ղ արինգ հնչեցուցեն Թեբայե-
ցոց մանկունքդ . քանզի խօսել նորա ոչ
գիտեն . այլ մեք Աթենացիք, որպէս ա-
սին մերն հարք, առաջնորդ մեզ ունիմք
զԱթենաս և սկզբնահայր զԱպոլլոն . յո-
րոց մին 'ի բաց ընկէց զարինգն, և միւսն՝
մորթեղերձ արար զարնգահարն “ : Իբրեւ
զայս կրկնէր և երեքկնէր Աղկիբիազէս ընդ
խաղ միանգամայն և լըճութեամբ, և այլք
գարձեալ 'ի բաց կացին 'ի վարժից անտի :

Քանզի անգին զհամբաւի հարաւ այս 'ի տղայսն ժամանակին, իբրտւ իրաւամբք ընդ վայր հարեալ յԱղիլիիադեայ արնգահար արուեստին և արնգահարն . ուստի և խափանեալ մնաց արուեստն և տարագիր յազատական կրթանացն, և յուսմելեայ տակի գրեցաւ արինգն :

Այլ 'ի Թշնամանն Անտիփոնտեայ գրեալ կայ, եթէ Աղիլիադէս 'ի տղայու թեանն փախուցեալ 'ի տանէն՝ չգրաւ առ Դեմոկրատէս ոմն տարփածու իւր . և կամեցեալ Արփիոն քարոզ կարգալ զնմա՝ նէ, արդեւ զնա Պերիկղէս և ասէր . եթէ նա մեռեալ է՝ աւուրք կանուխ 'ի ձեռն քարոզիդ յերևան դայցէ գա . ապա եթէ կենդանի է՝ ողջոյն կեանքն անկենդան եղցի գմա : Սա այս Անտիփոնտէս գրէ զարձեալ, եթէ զմի ոմն յարգանեկացն սպան Աղիլիադէս 'ի հարուած դաւաղանի յըմբշամարտին Սիբիրտեան : Այլ այսպիկ ոչ ինչ թերեա իցեն արժանահաւատք . քանզի այր ռիւրիմ Թշնամանագիր Աղիլիադեայ արձանագրէ զայդ :

Արդ քանզի բազում աւագորեար և տահմիկք եկեալ խռնեալ շուք մեծապէս գնէին Աղիլիադեայ, յայտնի էր ամենայն տեսանելեացն՝ եթէ ակնկառուցք ընդ գեղն նորա՝ այնպէս սպաս հարկանէին նմա . տակայն մտերմութիւն պիտոյն Սոկրատայ՝ վկայութիւն մեծ 'ի ներքս բերէր առաքինութեան և գեղեցիկ բուսոյ բարուց մանկանն, զոր ինքնին Սոկրատէս յայտնաւ

պէս նշմարելը 'ի գէմն կերպարանաց նորա .
 և զանգիտեալ յնչաւէտութենէ և 'ի փա-
 ռաց պատանւոյն , զի և ամբօխ բազում 'ի
 բնակաց և յեկաց և 'ի նիզակակցաց շուրջ
 գալը զնոսիւ շնթել և 'ի հրապոյրս համե-
 զակերս կանխել գրաւել զմիտս նորա , ու-
 տի և ցանգ Սոկրատէս հակել 'ի վերայ նո-
 բա , և ամայի թողուլ չկամէր զնա՝ իբրե-
 տունկ մարտապատանկ՝ որ 'ի ծաղկին անդէն
 խոմմեալ պողակորոյս եղեցի : Քանզի և
 ոչ դը արգեօք 'ի մարդկանէ այնպէս պա-
 շարեցաւ 'ի բախտին բարեաց , և արգելաւ
 անխոցելի մնալ յիմաստասիրութեանն նե-
 տից , կամ յոգի հարկանել յանաչառն բա-
 նից , որպէս Սոկրատէս անգամին 'ի տղայ
 տիոցն փափկացեալ լուծեալ 'ի գրգանս և
 պաշարեալ 'ի բարեմարդիկ օրերոյն՝ որ ար-
 գելուին զնա 'ի գեղեցիկ հրահանգաց վար-
 ժապետի : Այլ սակայն նա ըստ քաջամոյն
 բարոյն ինքնին եկեալ ծանօթացաւ ընդ
 Սոկրատայ . և առ իւր ժողովեալ զնա՝ 'ի
 բացեայ յաջոց կացուցանել զանձն իւր և
 յնչաւէտ և 'ի տոհմիկ տարօրեաց . և
 տերտեալ ընդ նմա և լուծեալ 'ի նմանէ բանս
 ոչ զտարփաւորի՝ որ կնամարդին գրգանաց
 դհեա կրթեալ իցէ և համբուրից և հրա-
 պուրից , այլ որ բանիւ զապականութիւն
 հոգւոյն նշաւակեսցէ , և զտարապարան և
 զծանծաղամիտն դառողութի ընդտանեալ
 կոխեսցէ , “Նկուն եղեալ յայնժամ իբ-
 րե զաքաղազ պարտեալ թողոր այնուհե-
 տե վաղանկեալ զթեան” :

Եւ ապա յայն հաստատեցաւ Աղկիբիա-
դէս, եթէ ամենայն գործք Սոկրատայ՝ ան-
շուշտ սպասաւորութիւն է աստուածոց՝ ի
խնաման և ի փրկութիւն արանց պատա-
նեաց: Ուստի և անձամբ զանձն արհամար-
հեալ, և առ Սոկրատէս յակճիւս եղեալ,
և զնորա զինաստասփրութիւն սկսեալ և ա-
ռալքինութեանն պատկառ կացեալ, ժա-
ռանդեաց և ինքն գրօշեալ իմն սկսոյ, կամ
թէ՝ որպէս Պլատոն ասաց, սէր փոխա-
դարձ. որպէս զի և առհասարակ զարմա-
նային, տեսեալ զԱղկիբիադէս ճաշակից
Սոկրատայ և գտեմնարտակից և վրանակից-
դարձեալ և անընդել առ այլ ի տարփա-
ծուաց, և կիսոցն ճոխաբար իշխանութի
ոանհար. ըստ որում և առ Անիտոսն Ան-
թեմիոնեան գործեաց նա:

Քանզի դէպ եղև՝ զի այս Անիտոս տար-
փածու Աղկիբիադէայ ընթրիս տուեալ
օտարաց՝ հրաւիրեաց և զԱղկիբիադէս.
այլ նա չառեալ յանձն երթալ և կացեալ
ի տան և գինեհարեալ ընդ ընկերացն, և
ապա չորաւ յաջրատագոյնս իմն առ Անի-
տոս. և անդ առ սեամն սենեկին ընթրեաց
արձանացեալ, տեսեալ զարապիղան լի ի
նուագս ոսկոյ և արծաթոյ՝ հրաման տայր
ծառայիցն երթալ բառնալ զիւնն ի նոցա-
նէ և բերել առ նա ի տուն. զայս ասաց և
չմտեալ ի ներքս՝ տեղի ետ և դարձաւ: Իբ-
րե դժկամակք ընդ բանն լինէին կոչնա-
կանք՝ զի զդեաց Աղկիբիադէս և ստահա-
կեցաւ առ Անիտոս, ետ պատասխանի Անի-

տոռն և ասէ : “Նա հեղաբար մարդասիրեաց
Աղկիրիադէս . քանզի որ զբոլորն տանել
բաւական էր , զիւնն աւագիկ էթող մեղ “ :
Օրինակ զայս վարեցաւ Նա և առ այլն 'ի
տարիածուաց . բայց մի ոմն 'ի բնակաց ան-
տի ոչինչ այնպէս ընչաւէտ՝ որպէս ասեն՝
վաճառեաց զամենայն զոր ունէր , և զգինն
հարիւր սասերաց առեալ երեւ առ Աղկի-
րիադէս և աղաչէր ընդունել . նորա ժըպ-
տեալ և բերկրեալ և յընթրիս ևս հրաւի-
րեալ զայլն , իբրև մեծապէս հիւրասիրու-
թեամբ կատարեաց զընթրիսն , առեալ
գարձոյց 'ի Նա զոսկին . և պատուիրեաց ևս
նմա 'ի գալ աւուրն յառնել երթալ առ
կապալաւորսն քաղաքին և բարդեալ աճե-
ցուցեալ զգինն՝ յինքն առնուլ զկապալն :
Իբրև պատճառէր այլն , եթէ բազում տա-
լանդաց է վաճառն , ապառնալիս 'ի վերայ
կապեաց Աղկիրիադէս տալ զնա խարա-
ղանել , թէ ոչ արասցէ : Եւ եկն յայս Աղ-
կիրիադէս 'ի սակա գժտութեան ինչ իւր
ընդ մաքսաւորսն ընդ այնոսիկ :

Արդ 'ի գալ աւուրն յարուցեալ այլն
եկն 'ի հրապարակ անդր , և բարդեաց ա-
ճեցոյց զգինն կապալին՝ տաղանդ մի : Անդ
մաքսաւորքն առհասարակ 'ի բարկութիւն
բրդեալք՝ ստիպէին զայլն տալ երաշխա-
ւոր . կարծէին՝ եթէ գտանէ և ոչ զղբ
այլն : Մինչքեռ Նա միջարեկ կորանօք
տեղի տայր 'ի վալրացն , անդուստ 'ի բա-
ցուստ ձայն բարձեալ Աղկիրիադէս առ
իշխանն՝ ասէր . “ Զիս ինքնին գրեցէք .

գա՛ բարեկամ է իմ . ես կամ գմա երաշխաւոր“ : Զայս լուեալ մաքտաւորացն 'ի մեծ վարանս ըմբռնեցան . քանզի և ցանգ առվորեալ էին նոքա յերկրորդ վաճառաց անտի վճարել զառաջինսն . ուստի և յա նել տառակոյս պաշարեցան նոքա : Սկսան թղթել զայրն և արծաթ մատուցանելին նմա . իոկ Աղկիբիագէս թոյլ չեա նմա առնուլ 'ի նոցանէ պակաս քան զտաղանդ մի . իբրև զայն առաջի մատուցին մաքտաւորքն , հրաման տայր առնուլ զայն և գնալ 'ի բաց : Եւ օրինակ զայս շահեցոյց զայրն :

Բայց Սոկրատէս՝ որ 'ի մեհրմութեան իւրում առ նա նախանձորդս ունէր բազումս և մեծամեծս , էր՝ զի տիրանայր 'ի վերայ Աղկիբիագէսյ բարեմոյն բարուցն՝ բարեզգեաց և ազգու բանիւքն , որպէս զի և յարտասուս ևս ցնդել զնա . այլ էր զի և մարդելուզացն երեսս արարեալ Աղկիբիագէս 'ի նոցա հրապոյրսն , խոյս տայր 'ի Սոկրատայ : Այլ Սոկրատէս զհետ մըտեալ նորա իբրև արդարև բարակ որոտկան , ունէր զԱղկիբիագէս . այն՝ որ իրաւապէս 'ի նմանէն միայն ակն ածեալ պատկառէր , զայլովքն ամենեքումբք ունչա տրարեալ : Բայց Նդէանթէս ասէ , եթէ նա զսիրեցեալն՝ զականջացն ունէր . բայց այլոց նախանձորդացն էին և ունիւովք այլ անհուպք 'ի նմանէն , իբրու պարանոց՝ այլովքն հանդերձ : Եւ արդեօք յոյժ էր հակամիտեալ Աղկիբիագէս 'ի հեշտութիւն . և անշափութիւն նորա 'ի կեանս

մարմնոյն՝ ըստ Թուղիդիդեսայ՝ յայտ կար-
ծիս ձգէ զմեզ : Սակայն խանգարիչք վա-
րուց նորա՝ յաւէտ՝ի փառասիրութենէն և
'ի պատուասիրութենէն ըմբռնէին զնա , և
զրգէին զնա 'ի տարածամու ձեռնամուխ
'ի մեծամեծս լինել . և սազրէին ևս նմա՝
ստուերածս բաւել ածել 'ի հասարակաց
գործսն՝ ոչ այլոց միայն զօրավարաց և հռե-
տորաց , այլև քան զաւագութիւն ևս զՊե-
րիկլեսայ և զփառսն՝ 'ի վեր անցանել 'ի
մէջ Հելլենացոց : Եւ արդ՝ զորօրինակ եր-
կաթ 'ի հուր ամղեալ, միւսանգամ առ 'ի
ջոտոյն պնդեալ և զեւրական մասունսն ժռ-
ղովեալ սերտեսցի . սապէս և զԱղկիրիա-
դէս զլոյծ և զմեղկ՝ առեալ Սոկրատէս ջա-
նահնար բանիւքն անդրէն պնդէր և սեր-
տէր . և խոնարհ և հլու յարգարեալ զնա՝
խեղամուտ ևս առնէր, զինորդ նուաղեալ
իցէ, և քանի՛ ինչ իրաց նմա պէտք իցեն
յառաքինութիւն անդր :

Այլ ըստ տիս մանկութեանն ելեալ
Աղկիրիագէս , չղբաւ երբեմն առ վարժա-
պետ ոմն քերականի . և դիրս զՀոմերոսին
խնդրեալ 'ի նմանէ , իբրև լուաւ՝ զՀոմե-
րոսին ինչ ոչ ունել, եհար բռնցի զվար-
ժապետն և անց գնաց . իսկ իբրև անդուստ
այլ ոմն ասէր ցնա՝ ունել իւր զՀոմերոս
ուղղագրեալ, ետ պատասխանի Աղկիրիա-
դէս . “Եւ առ իմէ՞ գու տառս ուսուցա-
նես , բաւական քո գոլով զՀոմերոսն ուղ-
ղագրել . հիմ՞ գու ոչ գնաս զպատանիսն
գաստիարակեա” : Է՛ր զի կամեցեալ բե-

րան 'ի բերան խօսել ընդ Պերկղեայ, իբրև շրջաւ առ գուրան և լուսալ՝ եթէ պարտաւալ 'ի ժամուն մտախոհ լինի զխորհրդամարտաւ Աթենացւոց, 'ի մեկնել իւրում ասէր Աղկիրիագէս. « Եւ զի՞նչ, ո՞չ լաւ ևս էր նմա մտախոհ լինել, զխորհրդ տալ նոցա զհամար զայն » : Իսկ պատանեակ տակաւին գողով նա՝ զինուորեցաւ 'ի մարտ ընդդէմ Պոսիդեայ. ունէր և զՍոկրատէս առ իւր նիզակակից յիւրում վրանի : Եւ 'ի դժնդակ յայտ մարտ պատերազմի երկոքեան նոքա արտթիւնս գերեցիկս 'ի գէմս բերին. իսկ իբրև անգանձոր խոցեալ Աղկիրիագէս՝ յերկիր անկանէր, Սոկրատէս արձանացեալ պաշտպանէր նմա. և տեսին ևս առհասարակ՝ զի նա փրկեալ տալրեցոյց ո՞չ զանձն նորա ևեթ, այլ և զգէնան : Արդ միջանակ քաջութեանն թէպէտ և իրաւապէս անկանէր Սոկրատայ, այլ զօրավարացն յօժարամտեալ՝ զփառան զայն տալ Աղկիրիագէս 'ի պատճառաւ աւագութեանն, կամեցեալ Սոկրատէս յորդորագոյն ևս առնել զնա 'ի նահատակութիւնն՝ առաջին ինքն վկայեաց վասն նորա, և այլոց ևս յորդոր լինէր պատկաւ պատկել զնա, և ողջ ապառազինութիւն մի ընձեռել նմա : Յետ այսորիկ և 'ի մարտի պատերազմին Դեղեայ՝ ուր 'ի փախուստ խուճապեցան Աթենացիք, յերիվար աշտանակեալ Աղկիրիագէս՝ անգուստ յակն արկանէր զՍոկրատէս հետի ընդ կրունկն դարձեալ ընդ տակաւուց արանց. ո՞չ զանց

արար՝ այլ ցանգ առ Սոկրատես քերեալ երկվարան, պաշտպանէր նմա 'ի թշնամեացն՝ որք հետամուտք հարուածս մեծա մեծս գործէին : Այլ այսոքիկ յետոյ ուրեմն գործեցան :

Իսկ էր երբեմն՝ զի Իսպոնիկեայ հօրն Կաղզիասայ՝ այր աւագ և հարուստ ընչաւատութեամբ և զարման ականաւոր, ետ Աղիկիւիադէս հարուած բռնցի . ոչ 'ի պատմութիւն ինչ բողեալ և ոչ 'ի կագմատուցեալ, այլ զի ընդ խաղ գրաւագիր ըալ էր ընդ ընկերացն : Իբրեւ ընդ քաղաքն հաշակ հարաւ ստահակութեանն, և քաջ պատմեալ էին առհասարակ ընդ բանն, յարեալ Աղիկիւիադէս վաղ քաջ ընդ առաւօտն՝ գէժ եգեալ գնայր 'ի տուն Իսպոնիկեայ . բախեաց զգուրան, մուտ 'ի ներքս, եգ 'ի բացէ զհանգերձն և մերկ զմարմն իւր առեալ տայր 'ի ձեռս Իսպոնիկեայ, ժաէր գանիւ հարուածել զնա և պատուհասել : Այլ Իսպոնիկոս շնորհեալ զյնան և զիջեալ 'ի բարկութենէն, նա և զգուտարն իւր զԻսպապրիտէ տռեալ տայր նմա կնութեան : Իսկ կէտք ասեմն, եթէ ոչ Իսպոնիկոս՝ այլ Կաղզիաս որդի նորա ետ նմա զԻսպապրիտէ հանգերձ տաղանդիւք տամն . և Աղիկիւիադէս յետ ծնանելոյն Իսպապրիտեայ, այլ ևս տաղանդս տասն պահանջէր 'ի Կաղզիասայ ըստ պայմանեալ գաշինն՝ եթէ ունիցի զաւակ . և թէ՛ Կաղզիաս զանգիտեալ 'ի գաւանաց՝ յանդիման ժողովեղեանն ժառանգ զԱղիկիւիա-

գէս առնէր և ամենայն գոյիցն և տանն՝ և թէ անզաւակ ելլէ ինքն յաշխարհէ։ Բայց Խաղարիտէ կին պարկեշտ և պրասէր ոչինչ հանգուրժեալ, զի և առ այլս 'ի կանանց' ի բնական և յեկաց մտանէր Աղկերիագէս, եւ 'ի տանէն և չղբաւ 'ի տուն եղբորն։ Իսկ Աղկերիագէս ոչ փոյթ ինչ արարեալ՝ արարաւէր 'ի գրգանսն։ Բայց պարտ և արժան էր ինքնին կնոջն՝ և ոչ 'ի ձեռն այլոյ ուրուք յանգիման եղեալ իշխանին ցուցանել զգիր արձակմանն։ Արդ իբրեւ չղբաւ կինն յանգիման լինել ըստ օրինացն, անգ 'ի վերայ հասեալ Աղկերիագէս և առեալ զնա ինքն՝ բերէր 'ի տուն 'ի միջոյ հրապարակին, և իշխեաց և ոչ որ հանել 'ի ձեռաց զկինն։ Եւ ապա եկաց մնաց առ նմա կինն մինչև ցոր մահաւն իւրոյ. և մեռաւ ոչ յետ բազում ինչ ժամանակաց՝ զկնի նաւելոյն Աղկերիագէսոյ յԵփեսոս։ Այլ այս բըռնաւթիւն Աղկերիագէսոյ՝ ոչ անկրաւաւթիւն ինչ կարծեցաւ և ոչ գարձեալ վայրենաբարոյ կկրք. քանզի և օրէնքն իսկ Թաւթէ վասն այնորիկ պատուիրէր կնոջն արձակելոյ յանգիման գալ հրապարակին, որպէս զի յաջողութիւն տացէ առն գտանել զնա և ունել։

Եւ էր Աղկերիագէսոյ շուն մի սքանչելի մեծութեամբ և գեղով, զոր եօթանասուն մնասից ստացեալ էր. և առեալ կարեաց զձեռ շանն Թաւամաղ և գեղեցիկ. իսկ իբրեւ մեղադիր լինէին ընտանիքն՝ զի առհասարակ գառնապէս այսպանեն զնա

վասն շանն, նա ժպտեալ ասէ. « Ըստ կամացա ուրեմն յաջողին իբրդ. քանզի կամ միմ Աթենացւոցդ զրուցել զայդ, զի մի՛ ՚ի յուեգունից ինչ խօսեսցին վասն իմ » : Այլ առաջին պատճառք միջամուխ լինելոյն Աղկիբիադեայ ՚ի ժողովուրդն, ասեն զգրամարաշխութիւնն, ոչ կամակարուծեամբ՝ այլ ըստ դիպաց. քանզի անցեալ նորա երբեմն ընդ վայր ինչ լի խառնագոչ աղաղակաւ Աթենացւոց, հարցանէր՝ զինչ պատճառք իցեն աղաղակին. իբրեւ լուաւ եթէ գրամա բաշխեն, անց յառաջ և ինքն ևս զնոյն բաշխէր : Իսկ անդանօր կայծա և Ծափս հարեալ Աթենացւոց և ձայն բարձեալ, պատմեն՝ եթէ Աղկիբիադեայ առ խնդին մոռացօնք եղև լորամարդին՝ զոր պարուրեալ ունէր ՚ի հանդերձան. ուստի և Թուչունն վազեալ յայակոյս յայնկոյս Թուխտ արձակեալ փախչէր. յայն տեսիլ առաւել ևս բարձրացեալ աղաղակին՝ բազումք ևս զհետ պնդէին ունել զԹուչունն. և կալաւ զնա Անտիոքոս ոմն զեկաւար, և առեալ բերէր առ Աղկիբիադէս, և սիրեաց զնա յոյժ վասն այնորիկ :

Այդ Թէպէտ ՚ի քաղաքականին գրունք լայնատարր բաց էին նմա ՚ի քաջութենէ տոհմին և յոնչաւետութենէն և ՚ի նահատակութենէ մրցանացն, առ այս՝ և ՚ի բազմութենէ բարեկամացն և ընտանեացն. այլ և ոչ զմի ինչ յայսցանէ ՚ի ձեռք ոչ եառ նա ճոխանալ իշխանութեամբ ՚ի ժողովրդեան, բայց զքաղցրութիւն բանիցն և

զնորհն . իսկ թէ 'ի ճարտարախօսութեան
հզօր էր նա , վկայեն մեզ ինքնին և Վա-
ռակերպակ քերթողքդ և ճարտասանից
վեհագոյնն յառե՛նախօսութեան իւրում
ընդդէմ Մեգեայ , ուր ասէ՝ գերազան-
ցել Աղկիթիագեայ ճարտարաքանութիւն
զամենեքումք : Եւ եթէ Թէոփրաստոսի
ընծայեմք հաւատա , այն՝ որ գեր 'ի վերոյ
ամենայն իմաստասիրաց հետաքնին է և
բազմավէպ , կորովի էր Աղկիթիագէս առա-
ւել քան զամենայն մարդ 'ի գտանել զար-
ժանն խօսելոյ և 'ի խորհել իւրում : Իսկ
'ի խնդրելն ասել , ո՛չ միայն զարժանն՝
այլ և զխորդ արժանն իցէ ըստ անուանցն
և ըստ բառիցն , իբրև վարանէր՝ բազում
անգամ զկայ առնոցր . և 'ի խօսել իւրում՝
'ի սրանալ բառին՝ լռէր և հանգաբաւէր , և
յուշ ածեալ միւսանգամ որքճայր զգանն :

Զհամբաւի յոյժ հարաւ նա և 'ի ձիա-
զարմանո երամակաց , և 'ի բազմութեան
կառաց . քանզի և չեկաց ոք արգեօք 'ի սղա-
կականաց կամ 'ի Թագաւորաց , որ կառո
եօթն Թուով ընթացոյց յՈղբամիական 'ի
մրցանան , բայց միայն Աղկիթիագէս : Իսկ
անգանոր տանել նորա զառաջին յաղթու-
թիւնն և զերկրորդն , և զերրորդն ըստ Եւրիպի-
դեայ , այս ապա գեր 'ի վերոյ գտաւ 'ի
շուքն և 'ի միառան առհասարակ քան զամե-
նայն պատուասիրուի 'ի մրցանան յայնուսիկ
Եւ զայստիկ Եւրիպիդէսն ինքնին երգեաց
'ի Նուագի անդ իւրում , այսպէս .

“Քեզ նըւագ հարկանեմ
 Ո՛վ որդի գու Կլինեան:
 Գեղեցիկ է պոգեօք
 Մարտ տանել յաղթական .
 Նոր չք բնաղ, զոր հեղին
 Այր չեմեռ Կառնթաց,
 Յառաջին և յերկրորդ
 Եւ յերրորդ միջանայ:
 Իսկ ՚ի վաղս երազումս
 Դու անքերան անվաստակ,
 Ըղգըլուխդ ՚ի բոլորս
 Ձիթենւոյն ՚ի պըսակ,
 Զարգալեալ քեզ երկիցս
 Հար Քարոզն ըզհըւշակ:

Այլ զայս փառս նորա շքեղ ևս յարգա-
 րեցին ախոյեանքն ինքնին ՚ի պատուատի-
 րել զնա: Քանզի Եփեսացիք խորան մի
 հոյակապ և չքնաղ հարին նմա . իսկ Քիաջ-
 ւոյ քաղաքն գարմանս պատրաստեալ վասն
 երթվարաց նորա, և ուզանդս բազում յող-
 ջակէզ: Իսկ Լեռացիք գինի և զայլն ամե-
 նայն ասպնջականութիւն առաքեցին նմա
 ՚ի կոչումսն՝ զոր առատապէս ետ նա բազ-
 մաթիւ որերոյն:

Այլ սակայն կամ յայլոցն բանսարկաւ
 Թեանց կամ թէ ՚ի խեղաբարոյ ինչ բարոյ-
 ից անձինն՝ պատճառս առին ապա շատ
 ինչ բամբասել զպատուատիրել նորա յայ-
 սոսիկ: Քանզի պատմեն՝ եթէ յԱթենս
 այր ոմն Դիոմիդէս անուն՝ բարեզգեսայ
 այր և բարեկամ Աղէիբիադեայ՝ ցանկա-

ցեալ յազԹուԹիւն տանել յՈղիւմպիա կանան, լուր էառ զհոյակապ կառաց արքունի յԱրդոս . ազաչեաց զԱղկիրիադէս գնել զայն կառան վասն իւր՝ իբրու որ ձեռնհաս էր առ Արդոսացիս և ունէր ևս անդ բազումն 'ի բարեկամաց : Աղկիրիադէս գնեալ զկառան և փոյթ ոչ տարեալ Դիոմիդէայ՝ կալաւ զայն վասն իւր . դառնացաւ Դիոմիդէսընդ արհամարհութիւնն, և բողոք բարձեալ վկայ կոչէր առհասարակ զաստուածս և զմարդիկ : Այլ Թուֆ և յատենի հետաքննեցաւ բանն . քանզի գոյ մեզ և ատենաբանութիւն մի արձանագրեալ յԽտկրատեայ վասն կառաց ինչ 'ի պաշտպանութիւն պատանեկին Աղկիրիադէայ . այլ անդ ոչ Դիոմիդէս, այլ Տիսփաս անուն կարգայ դատաւադին :

Իսկ իբրեւ եհաս նմա միջամուխ 'ի գործս լինել քաղաքին, Թէպէտե պատանի՝ յաշ Թահարէր զամենայն ճարտասանան . իսկ որք և այնպէս 'ի գիմի հարկանելին նմա, էր փէակէս միայն Երասխարադէան և Նիկիսս Նիկերատեան . վերջինդ՝ հին աւուրց և 'ի քաջաց զօրավարաց . իսկ փէակէս՝ այն ինչ Թեակոխեալ իբրու զԱղկիրիադէս, 'ի հոյակապ հարանց՝ այլ 'ի խոնարհ քան զնա 'ի ճարտարաբանութեան և յայլ ինչ ևս . քանզի 'ի զբոլցս բազմականին առանձինն և 'ի համողակեր՝ առաւել յաջողեալ էր նա, քան 'ի պայքարս ատենից . քանզի և էր իսկ՝ ըստ որում Եւպոդէան ասաց . “Քաջ 'ի Ղրոցէլ, անբասական յոյծ

'ի խօսել' : Այլ է մեզ 'ի ձեռին և տան-
նախօսութիւն այլ ընդդէմ Աղկիբիադեայ
և Փէակեայ : յորում հանգերձ այլովք է
և այս, զի Աղկիբիադէս զապասս ոսկւոյ և
զարծաթոյ զհանդիսից քաղաքին՝ վարէր
զորհանապազ 'ի պէտս իբրև զԼարսն :

Բայց էր 'ի ժամանակին յայնմիկ այր
ոմն Իպերքողոս Պերիթիդէս անուն, զոր
և Թուկիդիդէս յիշատակէ իբրև 'ի սինլը-
քորաց ոմանց, որ և պատճառս 'ի ներքս
ընծայէր զքօտանաց առհասարակ զատա-
կերդակ քերթողացն : քանզի ցանգ 'ի Թա-
տերս ձաղեալ կատակէին զայրն, իակ ինքն
անխռով և անցաւ 'ի լուտանս անձինն,
առ ոչինչ ամենեկն զփառսն գրելով : Թէ-
պէտ և լքութիւն և ամշութի իցէ բանդ,
համայն և այնպէս գեղեցիկ յանգանու-
թիւն և արիութիւն կարդան ոմանք : Սա
այս այր Թէպէտ և ոչ ումիք ընդունելի,
տակայն և բազում անգամ գործի 'ի ձեռս
լինէր խաւժանին ընդ վայր հարկանել և
բամբասել զոր յաւագաց քաղաքին : Արդ
'ի օորս համոզակեր զրուցացն գրդեալ
յայնժամ 'ի վճիռ խեցեկոյս, վտարանդի
հանել զյոյժ փառաւորսն քաղաքին՝ առ
'ի դիւր նախանձուն կրից՝ քան եթէ եր-
կիւղին, յայտնի էր ապա ամենայն տեսա-
նելեացն խեցեկոյս վտարանդութիւն միոյ
ուրուք յերեցունց աւագացդ : Ապա չո-
քաւ Աղկիբիադէս և բերան 'ի բերան խօ-
սեալ ընդ Նիկիասայ և միաբանեալ զհեր-
ձուածսն, զխեցեկոյս վճիռն կուտէր 'ի

գլուխն խփերտղեայ . իսկ կէդք ասեմն՝ ոչ
 ընդ Նիկէասայ խօսել՝ այլ ընդ Փէսակեայ .
 ընդ որում միաբանեալ տարագիր վտա-
 րէր զխփերտղէս՝ որ ոչինչ ակնկալեալ
 մնայր պատուհասին այնմիկ . իբրեւ ոչ ոք
 այր սինլըքոր և ոչ անփառունակ ոք այր
 երբէք անկաւ ընդ գառտատանաւդ ընդ
 այդուիկ , ըստ որում և Պղատոն առաջ
 կատակերգակն՝ յիշատակ առնելով զխ-
 փերտղեայ այսպէս . “ Թէպէտ և զարժա-
 նին զվարուցն առ զգառականիք , այլ անար-
 ժան բուսայ բարուց անձինն : Քանզի ոչ
 այսպիսեաց ոմանց ազագաւ հնարեցաւ
 երբէք ինցեկոյոգ այդ ” : Այլ յազազս
 այսոցիկ այլուր ոչով պատմեալ է մեր :

Սակայն Աղկիրիագեայ գժոխըմբերելի
 էր Նիկիաս՝ որ ոչինչ պակաս 'ի Թշնամեաց
 անտի հրաշացեալ էր , քան Թէ յիւրոց
 իսկ քաղաքացեացն պատուեալ այրն : Քան
 զի Թէպէտ և հիւր առհասարակ լակեգե-
 մոնացւոցն եղեալ Աղկիրիագէս՝ ինամ
 ած գերւոյն նոցա 'ի Պիւզոս , ասկայն և
 հաշտութիւն արարեալ նոքա 'ի ձեռն Նի-
 կիասայ . և զգերին առեալ յիւրեանս , ա-
 ռաւել քան զամենեւեան սիրէին նոքա
 զՆիկիաս . առ այս գարձեալ՝ և յնդհա-
 նուրս զայս ասէին Հելլենացիք . Պերիկլէս
 մընաց զմարտն , և Նիկիաս՝ ելոյծ զմարտն .
 և զհաշտութիւնն զայն անուանեալ կար-
 դային բազումք՝ Նիկիասայ : Վասն որոյ և
 'ի նախանձուհի կրից և յանձկութենէն մտա-
 խորհ լինէր Աղկիրիագէս լուծանել զերդ-

մեակուռ պաշխան : Ապա լուր առեալ
առաջին զԱրդոսացւոց՝ ժողարանջել'ի Լա-
կեդեմոնացւոցն առ ատելութեանն և եր-
կիւղին, գաղտաբար յուսացուցանէր զԱր-
դոսացիան ունել իւրեանց նիզակակից և
զԱթենացիան . և պոտապնդէր զնոսա 'ի
ձեռն պատուիրակաց, և ինքնին դարձեալ
երեսեալ ընդ աւագս նոցա, մի ինչ՝ ասէր՝
զարհուրիլ և մի երբէք տեղի տալ Լակե-
դեմոնացւոցն, այլ յանկէիլ յԱթենա-
ցիան և գեգերել առ ժամն, քանզի և Ա-
թենացիք՝ ասէր՝ փոյթ ապաշաւեալք լուծ-
ցին զհաշտութիւնն :

Իսկ յետ այնորիկ Լակեդեմոնացւոց
միաբանեալ ընդ Բիովտացիս, և դարձու-
ցեալ անդրէն առ Աթենացիս զՊանակ-
տոն ո՛չ կանգուն օրպէս պարտէին՝ այլ
քանդեալ, զայն դէպ ժամանակ որոացեալ
Աղկիքիագէս զպոստութեան Աթենաց-
ւոցն, առաւել ևս վառեաց և դառնացոյց
զնոսա : Եւ ապա ազմուկս շփոթից յու-
ղէր ընդդէմ 'նիկիասայ և ամբաստան կայր,
և առնոյր խառնէր յամբաստանութիւնսն
և բանս իմն կարծեալ բանաւորս . քանզի
մեղադիր լինէր 'նիկիասայ՝ զի 'ի զօրաժա-
րութեանն ո՛չ հասեալ կալաւ զԹշնամիան
լքեալն 'ի Սփուկտերիս . նա և 'ի շնորհս
Լակեդեմոնացւոց ազատ արձակեաց զձեռ-
բակալեալն յայլոց : Առ այս դարձեալ՝
զի բարեկամ գոլով նոցա՝ ո՛չ հաւանեցոյց
զնոսա մի առնել միաբանութիւն ընդ Բիով-
տացիս և ընդ Վորնթացիս . և արգել առն

Հերքենացայ՝ Թեպէս և կամեացի՝ լինել
բարեկամ և նիզակակից Աթենացւոց, եւ
Թէ այնպէս իջ հաճոյ Թուեացի Լակեդե-
մոնացւոցն : Յայսմանէ իբրեւ ձախողակի
գնային իրքն Նիկիատայ, գեպ եղև ըստ գե-
ղեցիկ բախտին յայնժամ՝ դալ հասանել
ԵԱթէնս հրեշտակացն 'ի Լակեդեմոնէն .
անդուստ ցոյցս բերեալ հեղս և հեշտա-
լուրս, ասէին՝ եթէ ինքնահրաման հրեշ-
տակութեամբ հասեալ գան՝ զամենայն վէճ
և զլայքար հանգարտել արդար և իրաւ .
Իբրեւ մտադիւրագոյնս ժողովեաց զմաս-
ծերակոյտն , և ժողովուրդն հանգերձեալ
էր եկեղեցանալ յաւուրն երկրորդի, զան-
գիտեալ Աղիկիբագէս յեղց իրացն՝ հնարա-
հնարեցաւ և յաջողէր, զի առաջին ընդ-
նմա եկեալ խօսեացին հրեշտակքն : Իբրեւ
եկին առ նա, խօսել սկսաւ ընդ նոսա և
ասէ . “ Զինչ գործէք այդ Սպարտացիք :
Ո՛չ իմի գիտէք՝ եթէ ծերակոյտդ հանա-
պաղ 'ի չափու ունեղով զանձն , մարդապե-
տութեամբ ժողովէ զմերձեցեալսն . այլ
խուժանն գոռոզութեամբ կայ և ցանգ
զմեծաց Թեֆն ածէ : Արդ եթէ դուք իբ-
րեւ ինքնատէրս ոմանս ասէք զձեզ հասեալ
այսր, խուժանն խոտորնուկս գնացէ՝ հրա-
մայել և բուռն ևս առնել ձեզ : Այլ այդ
գուրք՝ 'ի բաց զպարզմտութիւնդ եղեալ,
Թէ կամիր 'ի չափու զԱթենացիսդ տեսա-
նել և մի ինչ բռնադատիչ ընդդէմ խոր-
հրդոցն, վարեցէք 'ի բանս իրաւանցդ՝ իբ-
րու իջ ինքնահրամանդ ոմանք : Եւ մէք

գործակիցք ձեզ եղիցուք՝ շնորհա Լակե-
գեմոնացւոցն արարեալ՝ : Զայս ասաց
Աղկիբիադէս, և երգմամբ չափ հաւատար-
մացուցեալ՝ ուժացոյց զնոսա 'ի Նիկիա-
սայ . և յինքն յանդուցեալ մեծապէս ա-
ներկեանութեամբ՝ սքանչացոյց զնոսա ընդ
ուշիմութիւն մտացն և ընդ հանճարն , ո-
րով և ո՛չ 'ի գուզնաբէից որ ընծայեցոյց
նա յայնժամ զանձն :

Իբրև յաւուրն երկրորդի խմբեցաւ ժո-
ղովուրդն , և եկին մօտն հրեշտակքն յա-
տեան , մարգարայրադոյնս յայնժամ հար-
ցումն առնէր առ նոսա Աղկիբիադէս, ե-
թէ որով իշխանութեամբ հասեալ իցեն
անդր . իբրև ո՛չ ևս ասացին նորա՝ եթէ
ինքնատէր իշխանութեամբ հասեալ իցեն
'ի վայրն , յայնժամ Աղկիբիադէս հառ-
ձեպով յարուցեալ մեծաւ ձայնիւ և ա-
զաղակաւ յարձակէր 'ի նոսա , իբրու ո՛չ
անիրաւեալ առ նոսա՝ այլ անիրաւեալ
առ 'ի նոցանէ . բողբ բարձեալ կարգապի
զնոսա ուխտադրութս և յեղյեղուկս՝ օղջ
եկեալ հասեալ իցեն ինչ մի 'ի բարեաց
ո՛չ ասել և ո՛չ առնել : Ցասեաւ անդ և
ծերակոյտն ինքնին գլխովն և 'ի սրտմտու-
թիւն բրդեցան ժողովուրդք . իսկ անդուստ
Նիկիաս քամակարեկ լինելով թաղծու-
թեամբ՝ տեսեալ զայնչափ փոփոխութիւն
զարանցն զայնոցիկ զաւագաց . քանզի ան-
տեղեակ էր գաւաճանութեանն և խաբա-
նացն Աղկիբիադէս : Եւ այսպէս իբրև
հերքեալ մերժեցան Լակեգեմոնացիք ,

անդէն 'ի զօրաւար բանակին կարգեալ Աղկիբիադէս՝ նիզակակից առնէր Աթենացւոց զԱրդոսացիան և զՄանափնացիս և զԵղէացիս միանգամայն :

Այլ զգործ զայս նորա գործեաց և ոչ ոք . սակայն և գործ մեծ գործեաց, զի այնպէս յանկարծակի առեալ երկիւնդկեաց և դժբաղդալ աստանեցոյց գոգ ողջոյն զՊեղոպոննիսոս . և 'ի միում անդ աւուր ասպարոս այնչափ ճակատեցոյց ընդ գէմ Լակեդեմոնացւոց առ սահմանօքն Մանափնեայ, և յԱթենացւոց 'ի բացեայ՝ 'ի մարտ պատերազմին և 'ի վտանգն առեալ Թակարթեաց զԼակեդեմոնացիան . որք Թէպէտե յաղթականք, սակայն և ոչ մեծ ինչ շահեցան . ապա եթէ յանկարծ 'ի պարտութիւն մատնեալ էր նոցա, հազիւ արդեօք ապրեցուցեալ էր և զնոյն զիւրեանցն Լակեդեմոնիա :

Բայց վազվազակի յետ մարտի պատերազմին միաբանեցան յԱրդոս հազարապետք քակել զԵլիստեութիւն ռամկին, և հպատակ կացուցանել զքաղաքն . և այնպէս ապա Լակեդեմոնացւոցն ձեռնառուութեամբ՝ որ հասին անդր՝ իսպառ 'ի միջոյ բարձին նոքա զընկերհաշտութիւնն : Իսկ իբրեւ միւտանգամ զինուորեալ զօրացաւ խուժանն, հասեալ 'ի վերայ Աղկիբիադէս հատասնարուստ գործէր զնա . և սաղրէր եւ նոցա՝ պարխաղ հարուստ միջոցաւ ածել մինչև 'ի Ծով անդր, և այնպէս կապել զքաղաքն ընդ զօրութեանն Աթենաց.

ւոյ. առ այս՝ և ճարտարս հիւսանց և գաղափարս յԱթենայ առեալ առաքէր առ նոսա. և այսպէս զամենայն փոյթ 'ի մէջ առեալ շնորհս և զօրութիւն ժառանգեաց անձին իւրում և քաղաքին: Ած հաւանեցոյց նա՝ և զՊատրասացիս առնուլ կցել և զհւրեանց քաղաքն ընդ ծովուն երկայնաձիգ. պարսպաւ: Իսկ իբրեւ այր ոմն ասէր առ բնակիչսն Պատրասայ զայս ինչ, եթէ “Աթենացիք լափլիզեացեն զձեզ”, ետ պատտախանի Սոկրիտագէս և ասէ. “Թերեւաւ ասկաւ և յանոտից անտի. այլ լափեգեմոնացիք 'ի անարիցն առհասարակ և միահաղցն”: Առ այս գարձեալ խորհուրդ տայր նա իւրոցն Աթենացւոց ստանալ գետին, և արդեամբք հաստատել զերգումնն՝ զոր 'ի հանգրուանս կռիին երիտասարդք: Քանզի երգմնի լինէին նոքա ունել 'ի սահմանս Ատտիկոյ ցորեան և գարբ և այգիս և ձիթենիս, զի ուսցին նոքա տիրանալ 'ի վերայ անգոց մշակելոց և պաղարերաց:

Այլ Սոկրիտագէս միանգամայն ընդ քաղաքական կարգացս և ընդ հանճարեղ խորհրդոցն և գեղեցիկ ուշիմութեանն՝ կեանս վարէր լոյծ և գրգանջք լի. շուտըտէր և անկգիտանայր 'ի տոգմանս, գնայք գոռողութեամբ և արհամարհանջք, քաշէր իգարար զստորոտ ծիգանեացն 'ի հրապարակս, երբազմահանգերձ յոյժ 'ի ծախս, տայր յեռաթիսն 'ի բաց զտախտակամած զանկողնսն կտրել, զի գրգազոյնս ևս ընկողմանեացի. յորժամ ոչ 'ի տախտակացն

ժերայ անկողնարդ լինիցին նմա, այլ՝ ի վերայ ապաւանդակացն պարզելոց: Առ այս գարձեալ՝ և վահան մի ոսկեապատ ետ կռել, և նշան ոչ այլ ինչ՝ ի հայրենականացն տալը քանդակել՝ ի նմա, բայց Աստուծոյ մի շանթակիր: Այլ ապա զայստակ ամենալ լաւ որերոյն, ոչ եպերէին միայն և սրանէին, այլ և զանգիտեալ ևս խիթային ընդ ցոփ և ընդ զրինազանց գնացան՝ իբրեւ ընդ բանաւորական վարենութիւնս: Այլ թէ առ նա զիմրդ էր խուժանն, ոչինչ անտաքաւորս նկարեաց Արիստոփանէս, յարժամ տաաց. «Ցանկայ արդեօք նմա, այլ աստեայ զնա, ասկայն և կամի զնա»: Իսկ այլուր գարձեալ յաւէտ իմն ոտնհար լինի յարացուցին, այսպէս. «Քաջ չէ արժան ամենեկին առիւծ բուծանել՝ ի քաղաքի: Ապա եթէ իցէ ոք՝ որ բուծանէ, պարտ է այնուհետեւ ապաս ունել բարոյից նորա»:

Քանզի առատաձիր պարզեքն նորա, և տեսարանացն առ ի նմանէն հանդէպ, և պատուասիրութիւնք առ քաղաքն դերազանցեալք յոյժ, և փառք նախնեացն նորա, և պերճութիւն ճարտարաբանութեան նորա, և անձնադեղ կերպարան նորա, և ի միջանան ձեռնընդել ոյժ և կորովութիւն նորա, այս ամենայն այլովքն հանդերձ տալը Աթենացոցն գեղեցիկ չափով բերել յանցաւորութեանց նորա. որոց և առ նուանս իմն կարգային նոցա հեշտաւորս, իբրեւ խաղա և զօտանս և մարդասիրու-

Թիւն : Ըստ որում և յորժամ փակեալ արգել առ իւր զԱգաթաբոս կենդանա գիր, և չեթող նմա ելանել մինչև ոչ նկարեաց նա զտուն իւր . և ապա պարգևատու եղեալ արձակէր զնա : Եւ յորժամ Տաւրէասայ ուրումն՝ որ 'ի տեաւորանաց հանդերձանս ել և ելա զնովու առնէր՝ ապա ած նմա : Եւ յորժամ 'ի գերւոյ մարտին առեալ կին մի Մեղիա անուն, զաւակ սնոյց 'ի նմանէ . և զայս խուժանն՝ մարդասիրութիւն կարգայր : Բայց Աղիւբիագէս պատճառք մեծապէս եկաց խռիւղելոյ երիտասարդացն . Մեղոսի՝ ձեռն տուեալ վճռոյն այնորիկ : Իսկ անդ և Արիստոփանէսի նկարեալ զԼեմէաս և 'ի գիրկս տուեալ նմա զԱղիւբիագէս, խռնէր յայնժամ խուժանն 'ի զնին անձկանք նկարուն այնմիկ : Այլ սակայն հինաւորաց որեարն յոյժ գովեամեղութեամբ բերէին զիրար, իբրեւ բռնաւորականս ոմանս և օրի նազանցութիւնս . և կարի յիշաւունս ասէր Արքեստրատոս . Եււտոս չէ Բաւիան Բեբել Առնիբիադէս երկուս : Իսկ իբրեւ յաւուր միում ելանէր նա յատենէն խրախամիտ յաջողեալ և ամբոխ բաղում շուրջ զիւրեւ, պատահէր 'ի ճանապարհին Տիմոնն մարդատեաց . ոչ զանց արար կամ խոյս ետ, ըստ որում ընաւորեցաւ Տիմոնդ այդ առ մարդիկ, նա՛ գէպ ուղիղ երեսեալ Աղիպիադէայ, և կարեալ զաջոյն՝ ասէր . “Ա՛ղէ գու ո՛վ որդեակ, աճեաց լեր բարդաւաճութենէդ . քանզի 'ի բարդաւաճութենէդ

չարիք մեծամեծք հասցեն ամենեցուն գոյա՝ : Անգամոր կէտք ծիծաղեցան 'ի բանն, և կէտք հայհոյէին, իսկ և կէտք՝ յոյժ խռմեցան 'ի միտս խորանց : Եւ այսպէս ապա գայթ 'ի գայթն և անտաճման էր կարծիք ժամս Արկիթիագէայ 'ի պատճառս յեղյեղուկ բարոյից նորա :

Այլ մինչքեռ տակաւին կենդանի էր Պերիկլէս, իզձ ընեին Աթենացիք ունել զՍիկիլիա . իբրեւ մեռաւ՝ նորա գօտէպինդ 'ի գործ առեալ մերթ ընդ մերթ զօրականս իբրու 'ի Թիկունս և 'ի նիզակակցութիւն արձակեին՝ առ որս անդամոր հարստահարեալքն էին 'ի Սիրակուսացւոց . և օրինակ զայս՝ ուրիւ անդր հարգէին բազմաձեռն ևս արշաւանին : Իսկ որ իսպառ վառեաց զիզն նոցա, և սագրեաց հաւանեցոյց մի տակաւ՝ այլ միախուռն ոտուար նաւատորմիդ առնուլ՝ խաղալ և ունել զիզին, էր ինքնին Արկիթիագէս . յուսացուցանէր քաջ զխուժանն 'ի մեծամեծս, և ինքն զեա մեծամեծացն թեկն ամէր : Քանզի մտախորհ լինէր, եթէ առումն Սիկիլիոյ սկիզբն նահատակութեանցն եղիցն՝ զոր 'ի մտի ունէր կատարել, և ոչ կատարած՝ ըստ որում՝ այլքն կարծէին : Բայց Նիկիաս գծնդակ յոյժ գիտելով զառումնն Սիրակուսայ, գուն գործէր խտփանել զժողովուրդն : Իսկ Արկիթիագէս՝ որ զկարբեգոն յերազէր և զլիբիս, և յերա գրաւելոյ գաւառացն այնոցիկ՝ շուրջ առեալ փակէր և զբաղեա և զՔեզուպոննիսոս, գոգ իբրեւ

համընթացաց մարտի պատերազմին համա-
րէր իւր զՅիկիկիս : Ապա խուսէ երեսա-
սարգաց անձնատուրք 'ի նա, խրախու-
տեալք յանձինս՝ բազմեալ ռանկն գնէին
ծերունեացն՝ որ հրաշալիս ճառ արկեալ
խօսէին վստի աղջաւանին այնմիկ, և հա-
ւատարմացուցանէին եւ՝ որպէս զի բազումք
այնուհետեւ նստեալք յասպարէզս ըմբշաց
և 'ի կիսակրկէսս գեղերեալք՝ պարսպէին 'ի
հովանագրել զձև զտարազ կզգոյն և ըն-
գերս կայից զԼիբիոյ և զՎարքեգոնին : Այլ
ասեն՝ եթէ ոչ Սոկրատէս իմաստասէր և
ոչ Մեթոնն աստեղագրան՝ օգտի ակն չու-
նէին քաղաքին յարշաւանաց անոթ : Սո-
կրատէս ինքնին խելամուտ լինէր բանին
Թերևս 'ի ձեռն կենակից իւր Բաջին՝ որ
մերձ կացեալ նմա նախապատում լինէր :
Իսկ Մեթոնն զանգիտեալ վստի հանգեւր
ձեւոցն եթէ 'ի խելամուտ հանձնադոյն, ե-
թէ 'ի գուշակական վարժիցն, կեղծաւորե-
ցաւ խելագարութիւն : ասեալ ջոհ քաղ-
աքեալ՝ հուր հարկանէր զտանէն : Բայց
կէսք ասեն՝ եթէ ոչ խելագարեալ աս 'ի
կեղծ, այլ գիշերի հրձիգ 'ի տունն եղեալ՝
ընդ այգն ելեալ յողջ անկանէր՝ վտան ա-
ղէտից տանն՝ աղտոտ զորդին իւր առնել
յարշաւանաց անոթ, և այնպէս յաջողէր
ալին՝ խարեալ զքաղաքացիսն :

Յայնժամ Նիկիաս կարգեցաւ 'ի զօրդ-
վար, Թէպէտ և կամէր իսկ ոչ ամենեկն,
և տեղի տայր մտադիւրադոյնս յիշեա-
նութենէն միանգամայն և յիշխանակցէն :

Այլ Աթենացիցն՝ այնպէս հաճոյ թուեցաւ 'ի գեղեցիկ ելա իրացն՝ մի միայն 'ի խելան Աղիթիադեայ ապաստան զմարտն առնել, այլ զնորա զարուծիւնն խառնել ընդ զգնուածեան 'նիկիաայ : Քանզի Լա մաքոս՝ որ երբորդն էր 'ի զբաւարս, թէպէտ և լի հասակաւն՝ սակայն 'ի մրցմունս ոչ ինչ պակաս քան զԱղիթիադէան հրաբորդը էր և գիմարու : Իբրեւ 'ի խորհուրդ մտին Աթենացիք յազազս համարոյ զօրս կանին և յազազս հանգերձանաց մարտին, միւսանգամ 'նիկիաս գուն գործէր խափա նել 'ի խորհրդոյն . զգէմ կալաւ Աղիթիադէա՝ խակցաւ և յաղթահարեաց . ապա և Դեմոստրաստոս հռետոր՝ սահման առաջի առնել, և թէ պարտ և արժան է զբաւարացն ինքնիշխան լինել 'ի հանգերձանս մարտին և 'ի մարտն գլխովն : Իբրեւ քուեայս արկեալ հաւանեցան ժողովուրդք և առհասարակ կազմեցան պատրաստեցան ծովագնաց լինել, անդ էր տեսանել իրա ոչինչ բարեգուշակս, և առաւել 'ի տօնան յայնժամ : Քանզի և յաւուրան յայնոսիկ գեալ լինէր տօնախմբութեանցն Աթովի . և յայնժամ բազում ուրեք 'ի տեղիս տեղիս գրոշեալս իմն տեսանէին առաջի արկեալ կանանւոյն, յորս երեութաւ նային գիահանք սմանք . և կանայք կոծ և ջղջ եղեալ զթաղմանն՝ ողբս և աշխարս երգէին : Առ այս դարձեալ և 'ի միում գիշերի յանկարծ ծալքատեալք կըճատեալք լինէին արձանքն Հերմեսայ, և բազ

մնաց 'ի նոցանէ գիտակ երեսացն փշտալ և խաթարեալ: Եւ այս ապա միջարեկ ահա բնէ առնէր շատ զոք և 'ի մարդկանէն՝ որ այսոցնի տնչա առնէին: Այլ սակայն և լուր հնչէր, Վորն թացւոցն թերեւ ինքնին առնել յայսպիսեաց ատօի 'ի շնորհս Սիւրակուսացւոցն՝ գոլով նոցա գաղթակոնք. զի զգեղեցիկ ելա մարտին խանգարեացն 'ի նշանաց անտի, կամ թէ խաղառ խախանեացն արգեօք:

Բայց ժողովուրդք ոչ համբաւոյն անսային, և ոչ որոց գծնդակ ինչ չերեւեր նշանն. այլ թէ երիտասարդք անառակք է զի բնաւորեալք են յայտոսիկ, յորժամ անապակաւ զմերալք՝ անկղիտանան և 'ի թշնամանսդ անգամ՝ իբրու ընդ խաղս: Սակայն և 'ի ցասումն բերեալք, և զանգիտեալք ևս գուցէ երգմնակուռ գաշնաւորաց ինչ իցէ յանդգնութիւնդ վասն մեծաց իրաց, գառնապէս այնուհետեւ 'ի քնին մատուցանէին զամենայն կտակած. ուստի և 'ի սակաւ առուրս բազում անգամ խրմբեցաւ ծերակոյտն, և ժողովք բազումք գումարեցան ռամկին: Ապա յայնժամ Անդրոկղէս հռետոր յառաջ մատուցանէր զոմանս 'ի ծառայից և 'ի բնակաց անտի Աթենայ վկայել յատենի, եթէ և այլք ևս 'ի դրօշելոց գտան այնպէս ծայրատեալք. և թէ ուրեք 'ի գինեբրդու՝ նմա նութեան հանդէս գործեցաւ նուիրական խորհրդոց. և ամբաստան կային զԱզիբիադեայ և զբարեկամացն, եթէ թէոգո-

բոս ոմն անուան անդանօր զկերպարանս բերէր զՔարաղի, և Պողոտիոնէս ոմն՝ զԶահնկալի, և Աղլիբիազէս ինքնին զՔահառնայի. իսկ այլք յնկերացն մերձ կացեալ անգ Վարժէին 'ի նմանէ 'ի նոյն խորհուրդս՝ իբրև արգարև իւղազլեմալս ոմննս : Քանզի այս բանք արձանագրեցան յամբաստառ նութեան անգ Թեոսաղոսի Կիմոնեան ընդդէմ Աղլիբիազեայ՝ իբրև ամբարշտելոյ ուրումն յաստուածակողմն անգր :

Այնուհետե 'ի սրամետութիւն բարկութեան բրդեալ ժողովուրդք ընդդէմ Աղլիբիազեայ, և գրգռեալ ևս յԱնգրոկղեայ (զի էր սա ռիսերիմ Թշնամի Աղլիբիազեայ), զառաջինն զգողանի հարեալ կայր Աղլիբիազէս. այլ ապա լուր առեալ զնաւաղաց առհասարակ 'ի չուն Սիկիլեան՝ զի մեծապէս մտերմութեամբ են ընդ նմա. և զի դորականք՝ յԱրգոսացւոց գարձեալ և 'ի Մանտինացւոց՝ հաղարդ ողջ ապառազէնք, յայտնապէս ասէին 'ի շնորհս Աղլիբիազեայ չու առնել 'ի տարագէմ յայն զինուորութիւն և յայնկոյս ծովուն. և զի՝ տեղի տան եթէ ուստեք երբէք հարտառ հարութիւն հասցէ Աղլիբիազեայ, քաջալերեցաւ և 'ի ժամուն յանգիման լինէր ատենին պատասխանի առնել վասն անձին : Զանգիտեալ Թշնամեացն՝ եթէ խուժանն գատակնիք հեղագոյն 'ի ներքս բերցէ վասն ժամանակին՝ յորում Աղլիբիազեայ պէտք էին նոցա, 'ի հնարս հայծայլ Թանայ 'ի մէջ մատուցին 'ի հռետորաց

անտի՝ որք 'ի վերին երեսս ոչնչ թշնամիք
Աղիթիադէայ, այլ 'ի սրտի տանիք նորա
ոչնչ պակաս քան զբուն թշնամիան. հրա-
պուրեցին զնոսա խօսել առ ժողովուրդն՝
իրէն ոչ պարտ ոչ արժան եթէ աւագ
այդ ինքնիշխան զորավար՝ այն ինչ խմբեալ
զորականին և նիզակակցացն, նա գեղերեալ
զգէտ ժամանակն հանցէ 'ի ձեռաց, մինչև
միշակընտիր գատաւորք ջուր չափեացն
նմա. այլ թէ պարտ և արժան է նմա յառ-
նել նաւել յաջողակի, և 'ի վախճանել
մարտին նովին օրինօք յանդիման լիցի գա-
պատասխանի առնել վասն անձին:

Բայց Աղիթիադէա խելամուտ եղեալ
գաւաճանութեան գեղերանացն՝ յառաջ
մատուցեալ տանր, եթէ գծնդակ է՝ անվը-
ճար թողեալ զամբաստանութիւնս և զզը-
պարտութիւնս՝ այնպէս առնուլ արձակել
զնա խէթ 'ի մօտ հանդերձ մեծաւ բանա-
կան. քանզի և մահ ևս արդեօք առ գուրս
կայցէ նորա՝ իբրու որ ոչ ելոյծ զամբաս-
տանութիւնսն. իսկ պատասխանի արա-
րեալ և պրեալ զանձն՝ չու արտացէ այ-
նուհետեւ ընդգէտ թշնամեացն անդորր 'ի
գատախազիցն: Այլ իրէն ոչնչ կարաց
հաւանեցուցանել զժողովուրդն, և պա-
տուէր ևս ետուն խաղալ գնալ, անկաւ նա
յուրի ընդ նիզակակից զորավարացն՝ առ-
եալ ընդ իւր եռաթիւս հարիւր քառա-
սուն, զօրականս ոգջ ապառազէնս հինգ
հազար և հարիւր, և այլ ևս իրէն հազար
մի և երեք հարիւր յաղեղնաւորաց, 'ի սրտ-

տաւորաց և 'ի Թեթեաղէն զինուորաց, և զայն ամենայն կազմած հանգիսի մեծահան գերձ և շքեղ:

Իբրեւ եկեալ եհաս յԻտալիա, և մերձ եղեալ 'ի Ռեգիոս՝ մերկացաւ զխորհուրդ մնացն զան մարտի պատերազմին, ընդ գէմ՝ դարձաւ 'Նիկիոս. իսկ համաշունչ գտեալ նմա Լամպրոս՝ գէմ՝ եգեալ այնուհետեւ նաւեաց 'ի Սիկիլիա, և անդէն զՎաստանէ ամէր զլաւմը. սակայն և նա հատակութիւն այլ սչ նահատակեցաւ. քանզի փութանակի յատեան անգր յետս կոչէին զնա Աթենացիք: Քանզի անգ զառաջինն՝ որպէս ասացաք՝ ցուրտ էին կարծիք ամբաստանութեանն ընդգէմ՝ նորա 'ի ծառայից անտի և 'ի բնակայն Աթենայ. բայց ապա՝ ի չուել նորա, աստով և բուռն յարձակեցան 'ի նա Թշնամիք. և 'ի միասին ընդ վնասուն գրօշելոցն Հերմիայ բարգեալ և զսեզանակապատութիւնն, իբրու գործք սազբեալք 'ի նոյն և 'ի մի երգմնակուս գաշնաւորութենէ՝ նորութիւն խընդրել 'ի կարգ քաղաքին, ուստի և ձերբաւկալ արարեալ 'ի բանտ արկանէին առհաւարակ զամբաստանեալսն՝ անքնին դատաւ տանաւ. և ցաւէր յոյժ նոցա՝ զի յայնժամ զԱթիիթիագէս սչ քարշեցին 'ի դատաստան, և սչ փութել 'ի վերայ կապեցին զմեծաց ամբաստանութեանցն: Եւ այսպէս ապա՝ որ միանգամ ընտանեակ նորա, և կամ բարեկամ ոք և կամ ընկեր կենակից ոք, սքանաութեանն այնմիկ հան,

գիտեալ Աթենացւոյ՝ անողորմելիս ոմանս
 և դժոխքներս գտանէր զնոսա: Իսկ զգա-
 տախազն՝ Թուկիդիդէս զանց արար ա-
 նուանել մեղ, տակոյն այլք ոմանք ա-
 նուանեալ կոչեն զնոսա Դիոկղիդէս և Տեւ-
 կրոս. ըստ որում և Փրիւնիքոս կատակեր,
 գակ քերթէ այսպէս.

“Դժւ Հերմէս յոյժ տենչալիդ,
 Պահ կալ անքուն գու Հերմէս.
 Պատրաստ կայ, մի վարդ անկեալ
 Ըզքեղ ինքնին խաթարես:
 Գուցէ որ այլ բանսարկու՝
 Մեղ յարիցէ Դիոկղիդէս,
 Եւ զեան մեծ՝ չարիս տուգանս
 Ածեալ բերցէ նայսպէս:
 Զգուշացեալ կամ ես պահեմ,
 Զի ոչ կամիմ Տեւկրոսին
 Մասնութեան վարձ տալ ձեռին՝
 Արեւախանձ օտարին”:

Թէպէտ և գատախաղքն ինքնին ոչինչ հառ-
 տատուն և ոչ զորաւոր ինչ գարձեալ բա-
 ւակտն եղեն ՚ի բերել յատենին: Կա զի՝
 և մի ոմն ՚ի նոցանէն հարցեալ, եթէ զեւրդ-
 նա ծանեալ ՚ի գիմաց զարան՝ որ զՀերմէս
 ծաղրատեալ իցեն, իբրեւ պատառախանի ետ
 այրն՝ եթէ ՚ի լոյս լուսնին, համբուն նշա-
 ւակեցաւ. քանզի ՚ի նորել լուսնին գոր-
 ծեցան իրքն:

Եւ յայսմանէ աղմուկ շփոթից յուղե-
 ցին մտաւոր մարդիկն, այլ խուժան ժո-

զոգեգեանն ոչինչ հանդարտեալ զիջանէր
 'ի վերայ զբարատութեանցն . այլ որպէս
 'ի սկզբանն վառեցաւ բորբոքեցաւ միան-
 գամ, զնոյն և ոչ գաղարեաց առնուլ վա-
 րել 'ի բանտ առհասարակ՝ զորոց միանգամ
 ոք գատախաղէր: Արդ՝ 'ի կապեալսն անգ. և
 'ի բանտարկեալսն 'ի գատաւտան՝ էր յայն-
 ժամ և Անդոկիգէս հռետոր՝ զոր Եզանի-
 կոռ պատմեալսն 'ի սերնդաց անտի Ոգիւ-
 տեայ աւանդէ զնա լինել: Եւ էր կարծեալ
 Անդոկիգէս իբրեւ ռամկատեաց և աւագ-
 արեասկան: Բայց ոչ նուազ ինչ կատկա-
 ծելի արար զնա վասն ծայրատութեան
 գրօշնլոցն՝ անգրին այն մեծ նորուն հեր-
 մեայ, որ մեռ 'ի տուն նորա առ 'ի ձօն
 կանգնեալ կայր յԵգեանց ցեղէն: Քան-
 զի 'ի ստեղծութիւ յայն արձանս յոյժ ա-
 կանաւորս՝ գողցես այս միայն անվթար
 պահեցաւ. վասն որոյ և մինչև ցայսօր ժա-
 մանակի անուանեալ կոչի՝ Արդիիդէայ. և
 այսպէս կոչեն առհասարակ՝ Թէպէտ և
 մակագիրն ընդգէմ՝ վկայէ: Արդ գեղ-
 եղև՝ զի 'ի բանտարկեալսն էր և յրնտա-
 նեացն և 'ի կարեւոր բարեկամացն Անդոկի-
 գեայ Տիմէոս անուն ոմն, Թէպէտ և ոչ
 զուգապիառ նմա, սակայն էր նա այր ա-
 ռաւել ուշիմ և խիզախ: Սա այս Տիմէոս
 խօսէր և հաւանեցուցանէր զԱնդոկիգէս՝
 ինքնին գատախաղ լինել վասն անձին և
 վասն այլոց սակաւուց. և խեղամուտ առ-
 նէր զնա՝ եթէ ըստ վճռոյ Ժողովրդեանն
 անպատուհաս արձակի այր՝ որ ինքնին խոտ

տողան լինիցի. և թէ՛ ելք դատաստանիդ
անյայտ է ամենեցուն, իսկ ճոխիցն և ա-
ւագաց տրանց՝ յոյժ ահաբեկ է. և թէ՛
լու է ստել ինչ և ապրեցուցանել զանձն,
քան այլոցն ստելով անարգարար զմահ
ընդունել. և զի՛ որ ՚ի հասարակացն շահ
գէտ անն ունիցի, արժան է ՚ի կորուստ
զնուազումս սմանս անփոյթ առնել և զկե-
ղակարծելն՝ առ ՚ի վրկել ՚ի մահահոտ կրկն
զնազումս ՚ի քաջաց և յառաքինեաց : ՚ի
բանից աստի Տիմէզսին և ՚ի խրատուէն ա-
ծեալ Անգոկիդէս՝ և ամբաստան կացեալ
վասն անձին և վասն այլոց, ինքն անպա-
տուհաս արձակեցաւ ՚ի վճռոյն. սակայն
առհասարակ՝ զորոց միանգամ գուշակեաց
նա՝ ՚ի մահ վարեցան, բայց ՚ի փախստէիցն.
քանզի Անգոկիդէս առ ՚ի հաւատարմա-
գոյնս գործել՝ նա և յիւրոց անտի ծառայից
առեալ անուանեաց ընդ փեսասկարոն :

Այլ յայտ ամենայնի վերայ՝ ոչ զի-
ջանէր խուժանն ՚ի մոլեղին բարկութեն.
այլ զկրան վճարեալ զանգամակապալցն
Հերմեայ, այնուհետեւ բովանդակ զվթե-
րեալ պատմութիւնն հեղոյր ընդգէմ Աղ-
կիբիադեայ : Ապա ՚ի վերջէ զՍաղամինեան
նաւն առեալ արձակեն առ նա՝ պատուէր
տուեալ իմաստութեամբ պատուիրակացն՝
մի ձեռն մխել ՚ի նա և մի ինչ բուռն առ-
նել նմա, այլ հեղաբար բանիւք ազգ առ-
նել՝ դալ մտադիւր զինի նոցա և յամոլի-
ման եղեալ ասեմին՝ հաճել զժողովուրդն
Քանդի երկեան՝ գուցէ ամբոխ յուղեսցի

'ի վերան յերկրին թշնամեաց, և ինքնին Ազկիրիադէս հեշտեալ ձեռնհաս էր 'ի բանն' եթէ կամեր. քանզի և 'ի մեկնել նորա 'ի բանակէն' պատարեկ լուծան դրա կանջ, և 'ի Նիկիասայ զգրաւարութեանն ժամաւաճառք թարթափէին 'ի մարտին պարագորոյճ. իբրեւ որք 'ի մարտէ նահա տակութեան գործոյն զիւրք մնացեալ էին. զի թէպէտ և լամուքոս այլ մարտիկ և քաջ էր, այլ 'ի պատճառս չբաւորութեանն՝ յաւազութենէն անբաժ էր այլն և 'ի պերճութենէն:

Արդ փութանակի Ազկիրիադէս մտեալ 'ի նաւն և մեկնեալ 'ի բանակէն, զրկեաց զԱթենացիսն ունել զՄեռափնա. քանզի անդ մատնաուք՝ 'ի ձեռն նորա հանդեր, ձեալ էին տալ զքաղաքն. և ապա նա՝ որ ճշգրիտ ճանաչէր զմատնաուան՝ 'ի վեր հաներ զնոսա առաջի բարեկամացն Սիրա կուսացւոց, և պնդէս խաղաղութեան ըզհապն: Իբրեւ եկն եհաս 'ի Թուրխ, էջ 'ի նաւն և չորաւ. թաքեալ և անձնապաշտ ըններ 'ի խնդրակացն: Իսկ անդանօր այլ ոմն ծանուցեալ զնոս, ասէր այսպէս: “Չեմ գտ ինչ վտանհ 'ի քոյն հայրենի քաղաքդ մի Ազկիրիադէս”. ետ պատասխանի և ասէ. “Եւ կարի իսկ քաջ յայլն ամենայն. իսկ վասն անձին իմոյ և ոչ 'ի մարն իմ՝ արդեօք. մի թերեւ զսեռն քուեայ փութանապետիկն արկցէ անխորհրդաբար”: Իսկ իբրեւ լուր ետու՝ եթէ մահաւ գատաւնիք 'ի վերայ կապեաց նորա քաղաքն, ա-

տէ . Այլ էս ինձին ցաւիդ նոցա՝ էիկ ինչ
 Գանի էմ : Բայց գատախաղութիւնն Աղկի
 բխագեայ օրինակ զայս արձանագրեցաւ .
 “ Թեաւազոս Կիմոնեան Ղափիագէս՝ վասն
 Աղկիբխագեայ Կլինեան Սկամբոնիգեայ
 գատախաղեաց , եթէ անկրաւեցաւ առ
 գիցուհին՝ առ Դեմետր և առ Օրիորգն
 (Պերսեփոնէ) . նմանութեան հանգէս
 գործելով նուիրական խորհրդոցն , և ցու-
 ցանելով զայնոսիկ իւրոցն ընկերաց յիւ-
 րում իսկ տան . պատմութեան արկեալ
 զանձամբ՝ զորօրինակ Քահանայն արկեալ
 զիւրեաւ ցուցանէ զարքութեան նուիրա-
 կանն . և անուանեալ կարգաց զանձն իւր
 Քահանայ . իսկ զՊողիատիովն՝ Զահընկալ
 և զԹէոգորոս Փիւղէացի՝ Քարող . իսկ
 զայլս ոմանո յընկերացն՝ Իւզագլխեալս և
 Վերատեսուչս յորջորջեաց , հակառակ
 օրինաց և սահմանագրութեանցն Եւմու-
 պիդեանց և Քարողից և Երիցանցն Ելեւ-
 տինեայ ” : Եւ այսպէս ապա գատապար-
 տեալ զԱղկիբխագէս , զգոյս նորա հրապա-
 րակեցին . և սահմանեցին ևս՝ ամենայն
 քրմաց և քրմանուչից անէծս կարգալ ի
 վերայ նորա . յորոց մի ոմն միայն Թէանե
 անուն քրմանոյ՝ գուտար Մենովիկ Ագրաւ-
 լացի՝ պատմեն՝ եթէ զգէմ գարձեալ սահ-
 մանին , տսէր . Զաղօթիդ՝ և ոչ զանիծիդ քա-
 հանայութիւն պաշտէմ :

Այլ մինչ նոքա զգատակնիքն ետուն ,
 նա գեղերեալ կայր յԱրգոս . քանզի ա-
 ռաջին փախստեայ գնացեալ ի Թուրիսոյ՝

եկն եհաս 'ի Պերդարոննիտա : Բայց երկուցեալ 'ի Թշնամեաց ե խաղառ յուսահատ 'ի գարձ քաղաքին , առաքեաց 'ի Սպարտիա՝ ազաչէր անգանոր բնականալ յանգորդու . քաջիկ եւ հաւատարմացուցանէր՝ մեծապէս շահ 'ի ներքս բերել այնուհետեւ Սպարտացւոց՝ քան զառաջին տաւանանն վեժոռն զոր հասոյց նոցա : Իսրե զինգրուածն ընկալան Սպարտացիք , յոյժ զուարթացեալ Ագիթիագէս՝ յարեաւ չորսաւ առ նոսա , որք ե մտազխրագոյնս ժողովեցին զնա : Ապա անդէն վաղվազակի առաջին գրգեաց նա զՍպարտացիս անգանգաղ ձեռն օգնականութեան առաքել առ Սիրակուսացիս , ե յորդորէր արձակել անգր զորովոր զԴիւքիպպոս ե ազարտել վանել անգանոր զգորութիւն Աթենացւոց : Իսկ երկրորդ անգամ՝ յուզեաց մարտ պատերազմի ե անգուստ 'ի Սպարտիոյ ընգրէմ՝ Աթենացւոց : Իսկ երրորդ՝ որ մեծապէս էր , եւս ամրութիւն ածել Դեկեղեայ . ե այս առաւել քան զամենայն վատթարեաց ե նկուն արար զԱթէնս : Եւ որանչացաւ Ագիթիագէս 'ի հրապարակի ե առանձինն , ե յինքն առհասարակ յանգուցանէր . զի ե յապշուութիւն հարեալ այլ յայլմէ ընկին ընդ լակոնացի քաղաքավարութիւն կենաց նորա . տեսեալ զնա՝ զի այնպէս կարճնովին գերծոյր , ե ցուրտ ջրով լուանայր , ե նստեալ ուտէր զՄազայն 2 նոցա , ե ճաշակէր 'ի տեաւ արգանակէ Սպարտացւոցն . յոյժ

հիացեալք ոչինչ կարելին հաւատալ՝ եթէ այն աւարդ այր երբեք 'ի տան խախտմոք կալեալ իցէ, կամ 'Թէ յիւզեփեցաց զգը տեսեալ իցէ, կամ 'Թէ 'ի Միդեան ինչ պատմեալն երբեք հպեալ իցէ:

Քանզի սա այս Աղկիրիագէս՝ որպէս պատմեն՝ հանգերձ այլովք՝ և խաբանս ճարտարէր և հնարիմացութիւնս՝ յանդուցանել զմարդիկ, նմանելով ճշգրիտ այլոցն ըզձից և յարմարելով սովորութեանց. քանզի և արագ ևս յաջողեալ իսկ էր 'ի փոխել զքարան, քան եթէ գեանառիծունք ինքնին 'ի փոխել զգոյնն. զի որպէս ասեն անձեռնհաս է կենդանին այն 'ի գոյն սպիտակ միայն, իսկ Աղկիրիագէս կենակից կենցաղակից անխարաքար լինելով չարաց և բարեաց, չէր ինչ՝ որում չնմանէր, չէր ինչ՝ որում չյարմարէր: Քանզի 'ի Լակեզեմոնիա էր ըմբիշ մարտիկ՝ սակաւապէտ և խստամբեր: Իսկ 'ի Յոնիա գրգասէր, զքոսասէր և գատարկասուն: Իսկ 'ի Թրակիա գինեճան, և ասպականի: Եւ ապա 'ի բնակակցութիւն իւրում ընդ Տիսափերնեայ նախարարի՝ 'ի պերճութեան և 'ի բազմահանգերձ սպասուն զանցանէր և զչքեզութեամբն Պարսից:

Այլ յայտոսիկ ոչ եթէ փոփոխէր ինչ և այլ յայլն լինէր, և այնպէս հեշտեալ բարուց 'ի բարս խնցանէր, այլ զանկակից բոյս բարուցն տեսեալ 'Թերեա տաղտկալի կենակից մարդկանն, ցանգ կերպարանէր և ըստ նոցայցն ձեռնացր: Ուստի և 'ի Լա-

կեդեմնեիս քաղաքավարեալ նորա, որ միանգամ զարտաքինն յակն արդանէր՝ առնէր արդեօք զնմանէ, եթէ «Ո՛չ որդի Աքիլլեայ է գա, այլ Աքիլլէս ինքնին գլխովն՝ զոր Լիւկուրգոս ինքնին գաստեարալեալ իցէ»։ Բայց 'ի ներքինն նորա յառեալ, և կրիցն և արդեանցն համարէն 'ի վերայ կացեալ, ասացէ որ, եթէ «Այն վաղնջուց կենն է գա»։ Քանզի մահալ աղծեաց նա զՅէմես զկին արքային Ագիւայ՝ որ յայնժամ արտաքոյ աշխարհին մարտ մղէր, մինչև յղացաւ կենն յԱքիլլեայ գեայ և իջ ժխտեաց։ Իսկ մանկանն՝ որ ծնաւ արու, արտաքոյ տանն անուան կարգային Լէոսիքիդէս։ Իսկ զոր առ անին առ նուան կարգայր նմա մայրն հծծելով ընդ ակրուհեացն և ընտանեկաց, էր Աքիլլեայ գէս։ Այսչափ գրաւեաց կալաւ զկենն սէրն Աքիլլեայ գեայ։ որ և պանծանօք առնէր՝ ո՛չ անկրուութեան ինչ մօրք գործեալ զլանն, և ո՛չ 'ի ցանկութենէն ձրգեալ և պարտեալ, այլ զի ճեաթագաւորաց տայցէ Լակեդեմոնացւոց սերտալ առ 'ի նմանէ։ Բայց զգործ զայս զԱքիլլեայ գեայ շատք յայնժամ չորան պատմեցին Ագիւայ։ և հաւատայր նա՝ առաւել ևս վասն ժամանակին՝ յորում զահի հարեալ Ագիւ 'ի գեանաշարժէ իմեմնէ վաղեաց յառաջատուէն ուր կայր ընդ Կիսթն, և ասպա չեմուտ առ նա ամիսս տասն՝ մինչև ծնաւ Լէոսիքիդէս, և իջ Ծանեաւ զնա։ և նորին աղագաւ և Լէոսիքիդէս յետ այնորովի

ապա մերժեալ 'ի բաց վարեցաւ 'ի Թա-
գաւորութենէն :

Այս յետ արկածիցն Աթենացւոց 'ի
Սիկիւլիա, Քիացիք և Լեոբացիք և Նիգիկե-
ցիք՝ միանգամայն առաքէին հրեշտակս 'ի
Սպարտոյա խնդրել ձեռն օգնականութե-
քանդի կամէին վտարանջել յԱթենաց-
ւոց : Անդ Բիովտացիք աղերս մատուցեալ
վասն Լեոբացւոցն, և Փարնարազ վասն
Նիգիկեցւոցն, Սպարտացիք սաղրեալք
յԱղկիւրիագէտս՝ առաջին առ Քիացիան ա-
ռաքէին օգնութիւն . անդանոր ինքնին և
Աղկիւրիագէտս հասեալ՝ վարդիկ մի ևս զՅո-
նիա ողջոյն յապատամբութիւն գրդէր, և
կացեալ անդ ընդ զօրավարս Լակեդեմո-
նացւոց՝ զեան բազում հասուցանէր Աթե-
նացւոցն : Եւ յայսմանէ Ագիս յիսերիմ
նմա վասն անարգանաց անկողնոյն, 'ի
պրտնութիւն գառնայր և ընդ փառան նորա-
դի և զհամբաւի հարկանէր այսպէս՝ իբրե-
զեղեցիկս ունել ելա իրացն 'ի ձեռն նորա :
Առ այս՝ և այլոց ևս աւագացն Սպարտաց-
ւոց և ճոխից զժողովրմբերելի էր Աղկիւրիա-
գէտս, և խեռային ընդ նա . ուստի և սաս-
տիկ և բուռն ստիպեցին զԷվսանան, որպէս
զի և 'ի Յոնիա գրել նոցա՝ զի սպանցեն
զԱղկիւրիագէտս : Ազգ. նմա 'ի ծածուկեղեալ
բանին՝ զահի հարեալ կայր . Թէպէտ և
յամենայն 'ի գործս ձեռնամուխ էր ընդ
Լակեդեմոնացւոցն, սակայն և մեծապէս
զգուշացեալ անձնապահ լինէր :

Ապա յանգորդու կացուցեալ զանձն՝

չորսու առ Տխապիերնէս նախարար ար-
քային, և անդէն առաջին բարձի և առ-
գութեան հասանէր առ նմա : Քանզի և
բարբարոսն ինքնին՝ ոչ պարզ գոլով մտա-
այլ չարարարոյ և չարասէր, հիացեալ խե-
կէր ընդ բազմահնար և ընդ սաստիկ խորա-
գիտութիւն նորա . զի և 'ի հանապազօրեայ
կենակից և 'ի մարդասէր քաղաքաժարու-
թեանն՝ միանգամայն զամենայն բարա և
զամենայն բնութիւն՝ շնորհիւն յինքն որ-
սայր և յանգուցանէր . նա և որոց միանգամ
զանգիտէինն 'ի նմանէ և խեռային ընդ
նա, նոցուն գարձեալ հեշտ և բազմալի էր
կալ ընդ նմա և տեսանել զնա : Եւ Տխա-
պիերնէս ինքնին անագորոյն այր և հեղե-
նատեաց առաւել քան զամենայն Պարսիկ՝
այնպէս իմն յանգուցեալ էր 'ի շնթելոյն
Աղկիբիադէայ, որպէս զի և փոխադարձ
մարդահաճութեամբն ինքն զանցանէր զնո-
վաւ : Քանզի և գրախտին՝ որ գեղեցիկ ևս
գոյր յամենայն դարաստանս նորա վասն
ջուրցն վտակաց և առողջ և զուարթա-
բար մարդաց, և վասն ճեմելեաց և հովա-
նաւոր վաղաց, գործ արքունի և յոյժ քա-
ջարուեստ, գրախտին այնմիկ ինքն անուն
կարգայր՝ Ալիբիադէս . ապա և այլքն նոյն
պէս անուանեալ կարգային :

Իբրեւ այնուհետեւ յուսահատ 'ի Սար-
տացւոցն լինէր Աղկիբիադէս, և զանդի-
տեալ ևս էր յերեսաց Ագիայ, խնդրեաց
տուգանս 'ի վերայ ածել նոցա . կայր և
բամբասէր զնոսա առաջի Տխապիերնեայ,

և ջտայր նմա Թոյլ արտգ. յոգնութիւն հասանել նոցա, զի մի խաղառ խորտակեացին Աթենացիք. խորհուրդ տայր նմա՝ դեղերէլ դանդաղել, զի այնպէս տակաւ անկեալ նոքա յուժոյ և առ 'ի միմեանց մարտէն վատեալք, երկողքին կողմանքն միանգամայն ընդ ձեռամբ նկուռն լիցին աղբայրն իսկ Տխառներնէս հեշտեալ յանկէր 'ի բանան. քանզի և ակն յայտնի յոյժ սիրելի էր նմա Աղիթիագէս և դրանքն, որպէս զի և 'ի նա ինքն աննկառոյց էին առ հասարակ հելլենացիք. իսկ Աթենացիք ձախողակի հանդիպեալք ելլց՝ սարջանային ընդ խորհուրդն զոր խորհեցան նոքա ընդգէմ նորա. և ինքնին դարձեալ Աղիթիագէս վշտացեալ յոյժ էր և դանդիտեր, գտցէ հիմն 'ի վեր տապալելալ Աթենայ՝ ընդ ձեռամբ գրաւեալ կապցէ Լակեդեմոնացւոյն ասեւելաց նորա:

Ջայնու ժամանակաւ Աթենացւոյն զորութիւն ամենայն առկայացեալ էր 'ի Սաւոն. և անդուստ նոքա յարձակեալ նաւաց հանդիսիւ՝ միւսանդամ 'ի բուռն արկանէին զվտարանջեալն, և պահ ևս զգուշութեան կարգեալ 'ի վերայ այլոց՝ զի մի յապտտամբութիւն մտաբերեացն. քանզի և տակաւին էր նոցա գոգ հաւասար ծովամարտիկ ընդ Թշնամեացն լինել: Սովայն և զահի հարեալ էին նոքա 'ի Տխառներ նեայ և յեռաթիոց անտի Փիւնիկեաց հարիւր և յիսուն, որոց և ըստ համբաւոյն ժամ 'ի ժամ աննկալեալ մնային, յու-

սարեկ այնուհետեւ եղեալ 'ի վերաբերեանէ
քաղաքին 'ի գալուստ նոցա : Արու՛մ իրազ
գած Աղկիրիագէս եղեալ՝ գաղտ առաքէր
'ի Ստմոս առ աւագորեարն Աթենացւոց՝
յոյս առաջի գնէր նոցա հաշտ և բարեկամ
ընդ նոսա զՏէապերնէս յարգարեւ : ոչ
եթէ զխուժանն կամեցեալ ինչ հաճել,
կամ թէ այնուհետեւ վտահ ինչ 'ի նոստ
լինել, քան եթէ 'ի շնորհս աւագորերոյն .
եթէ երբէք գտեալինդք նոքա ապրեցու
ցեալ զհասարակացն և զքաղաքն , քաջու
թեամբ սանձակոծեացն զգոռողացեալ
խեռութիւն ռամկին :

Այս անգէն աւագորեար Աթենաց
ւոց սերտիւ միաբանեալ ընդ Աղկիրիա
գեայ , մի ոմն 'ի զօրավարացն Փրինիքոս Դի
րադիոտէս ըզէմ գարձաւ կաակած 'ի մտի
եդ (որպէս և էր իսկ) , եթէ Աղկիրիա
գեայ ոչ փոյթ ինչ է՝ խուժանին կամ
թէ աւագորերոյն առաջնորդել քաղա
քին . այլ թէ այսպանօք խուժանին խնդրէ
գա զմիւստնգամ հրաւեր 'ի քաղաք անդր՝
յինքն զաւագորեարն յանգուշանելով :
Այլ յաղթեալ 'ի խորհրդոյն Փրինիքոս ,
և յայտնի ևս թշնամի եղեալ Աղկիրիա
գեայ , առաքեաց գաղտ առ Արտիդքոս
նաւապետ թշնամեացն . ազգ առնէր ըզ
գուշտնալ յԱղկիրիագեայ և ձերբակալ ևս
առնել զնա , իբրու այր սուտակասպատ
երկկողմանի : Այլ մատնիչն քաջ իսկ փա
լեաց բանազնաց լինել ընդ մատնչի : Քան
զէ Արտիդքոս մեծապէս պատուադիր Տի

տափերնեայ տեսեալ զԱղկիրիադէս 'ի շուք պատուոյ առաջի նորա, 'ի վեր հանէր նմա զքանսն Փրինիքեայ: Նա անդէն վազվազակի առաքեալ 'ի Սամոս ամբաստան լինէր զՓրինիքոսէ. տեսեալ Փրինիքոս զնա հասարակ 'ի պատմութիւն բարկութեան բրդեցան ընդդէմ նորա, եւ չգլտեալ անձնապուր լինել 'ի մօտալուս վրտանդէն, գարոման տանէր նա յայնժամ չարին՝ մեծ ևս չարեաւ:

Քանզի միւսանգամ յլեալ առ Արտիոքոս գանգատէր դառնապէս վասն մատնութեանն, և խոստանայր ևս նմա 'ի ձեռն տալ նորա զԱթենացւոց նաւան և զզօրն: Այլ զեան և ոչ մի լինէր Աթենացւոցն յայնմանէ. քանզի անդրէն մատնտու դաւանացն լինէր Արտիոքոս առ Աղկիրադէս: Իսկ Փրինիքոս նախազգած անկալեալ երկրորդ ամբաստանութեանն Աղկիրիադէայ, կանխեաց ազդ առնէր Աթենացւոց զմօտալուս ժամանել նաւաց թշնամեացն, և խրատ տայր զգուշութեան նաւաց և ամրութեան բանակին: Մինչդեռ 'ի նոյն պարապեցան Աթենացիք, անգուտ գայր հասանէր դարձեալ նամակ յԱղկիրիադէայ ազգարար վասն Փրինիքեայ, իբրու որ մատնտու հանդերձեալ է լինել նաւաց 'ի ձեռն թշնամւոյն. այլ նոքա ոչ հաւատացին՝ իբրու այն որ քաջիկ գիտելով Աղկիրիադէս զկազմած և զխորհուրդս թշնամեաց, պատճառի իմն յանիրաւի ամբաստանել զՓրինիքոս: Այլ ապա յետ

ժամանակաց իբրև մի ոմն 'ի պահակաց քաղաքին Երմոն անուան՝ ապան զՓրկինքոս 'ի հրապարակի հարեալ գաշնակաւ, յայնժամ 'ի քնին առեալ զքանն՝ զմահն Փրկինքեայ կնքեցին իբրև զմասնէի առն, և բռլորեալ պատկեցին զԵրմոն և զընկերանորաւ:

Այլ որ 'ի Սամոս աւագորեարն՝ բարեկամք Աղկիրիադեայ՝ առեալ արձակեցին յԱթենս զՔիսանարոս երթալ փոխել ըզկարգ քաղաքին, և խրախոյս տալ աւագացն առնուլ զառաջնորդութիւնն և լուծանել զընկերհաշտութիւնն՝ ըստ պայմանին Աղկիրիադեայ յարդարել զՏիսապիրնէս նոցա բարեկամ և նիզակակից. քանզի զայս պատրուակ և գիմակ առին յայնժամ Աւագաբնտականքն: Այլ իբրև զօրացեալ յինքեանս զքաղաքն յանդուցին՝ որ առնուանեալն կոչէին Հինգ հազար, թէպէտ և չորեքհարիւրք էին թուով, ոչինչ այնուհետև պատկառ կացին Աղկիրիադեայ. և գանդաղէին եւ 'ի մարտ՝ զանգիտեալք 'ի նոցանէ որ գժկամակն եղեն ընդ փոփոխել իրացն. և զի՝ և զլակեղեմննացիսն զաւագաբնտականսն նովաւ հաշտ առնէին: Իսկ խուժանն Աթենայ առ ահին նստէր հանգարտեալ. քանզի և ոչ նուազուիք ոմանք յայնժամ որ ընդդէմ գարձան չորեքհարիւրոցն, 'ի մահ վարեցան:

Բայց որք 'ի Սամոսն էին լուր առեալ զերացն և 'ի բարկութիւն բրդեալ՝ հաստատեցին անդէն խաղալ նաւել 'ի Պիրէոս, և կոչ յղեալ առ Աղկիրիադէս և զօրավար

կարգեալ՝ ի ձեռն ետուն նորա զեշխանու
 թիւնն խաղալ նկուն առնել զքանաւորանս
 այլ ոչ հաճոյ թուեցաւ Աղկիբիազեայ
 յայնժամ։ Բայց անշուշտ դը յանձն ա-
 ռեալ էր զքանդ՝ այնպէս յանկարծ յայն
 աւագոյթ բարձրութեան հասեալ ի Ժո-
 ղովորոց . իբրու եթէ արժան իցէ արդեօք
 հաճել զպատուագիր որեարն, և մի զգէմ
 գառնալ այնոցիկ՝ որ զվտարանդի զոմն և
 զփախստեայ՝ առաջնորդ և զօրավար կար-
 դեալ իցեն յոքնաթիւ նաւացն և բանա-
 կին և տուար զնգին։ Այլ որպէս աւագ-
 իշխանի վայել էր, այնպէս ըզգէմ գարձաւ
 յայնժամ Աղկիբիազէս՝ որոց ի պատմու-
 թիւն բերեալ էին, և արդել սանձեաց մի
 ինչ յանցանել . որով և քաջ իսկ Աղկի-
 բիազէս ի ժամուն փրկեալ ապրեցոյց ըզ-
 քաղաքն։ Քանզի եթէ յայնժամ չու ա-
 րադեալ ի Սամոսոյ գիմեալ էր Աթենաց-
 ւոցն ի տուն իւրեանց, անգուտ թշնամ-
 ւոյն փութապէս տիրացեալ էր անդէն
 անկուիւ առհասարակ ի վերայ Յոնիոյ և
 Հելլենսպոնտոսի և Վոլքեացն, մինչդեռ
 մարտ Աթենացիք ընդ Աթենացիսն եղեալ
 կռուէին ի քաղաքին . զոր և ինքնին Ագ-
 կիբիազէս յայնժամ արդել կնքեաց՝ ոչ
 համոզակեր բանիւքն միայն և հրապարա-
 կախօս խրատուն, այլ և յաղերտ ևս ան-
 կեալ և կշտամբանս ևս ի վերայ կապեալ
 միոյ միոյ ի նոցանէն առանձինն։ Կամ
 գործակից ի նոյն նահատակեցաւ յայն-
 ժամ և Թրասիբուղոս Ստրէդոս՝ արձանա-

յեալ 'ի միասին, և աղաղակ մեծապէս բարձեալ. քանզի և էր իսկ այս Թրատիբուզոս՝ որպէս ասեն՝ յոյժ բարձրագոյն և աւագածայն 'ի մէջ ամենայն Աթենացոց:

Իսկ երկրորդ գեղեցիկ նահատակութիւն նահատակեցաւ նա, յորժամ զՓիւնիկեան նաւան զարքային՝ որոց մնային Լակեդեմոնացիք՝ խոտոացեալ գարձուցանել առ Աթենացիան, կամ Թէ և Ղլակեդեմոնացիան վերսկսեցանել, ինքն փութապէս նաւեաց ընդ առաջ. և Փիւնիկեանցն հասեալք յԱպսենտոն՝ ոչ ետ Տիաափերնայ ածել զայնոսիկ առ Լակեդեմոնացիան, և 'ի գերեւ հանէր զնոսա: Բայց զԱղկիրիապէս ինքնին պատճառաւ կալան, զի անբաժ յօգնականութենէն եղին միանգամայն և Աթենացիք և Լակեդեմոնացիք, և վերջինք առաւել քան զառաջինս. մեղ եղեալ զի սաղրեաց նա այնպէս բարբարոսին, զի առ 'ի միմեանց հարեալ վատթարեսցին Հելլենք: Քանզի և յայտնի իսկ՝ որ ոք յերկոցուն կողմանց զնաւախուսին զմեծ յինքն արկանէր, նա զծովուն տերութիւն հանէր իսպառ 'ի ձեռաց ընկերին: Եւ յայտնանէ նկուն եղեալ նուաճեցան չորեքհարիւրքն. քանզի բարեկամք Աղկիրիադեայ մտադիւրագոյնս նիզակտիկց եղեն մարգկանն՝ որ կուսակիցքն էին ռամկին: Ուստի և քաղաքացիքն հրաման տուեալ գարձին Աղկիրիադեայ, խորհեցաւ ոչ գատարկաձեռն գառնալ 'ի շնորհս Ժողովրդեանն, այլ փառք մեծաւ:

Արդա զառաջինն սակաւ նաւուք ելեալ 'ի Սամոսայ, չգրաւ շուրջ յածէր 'ի Կնիդոն և 'ի Կով. և անդ լուր առեալ զի Մինդա-րոս Սպարտայի հանգերձ ամենայն բանա-կան ծովագնաց խաղայ 'ի Հելլեապոնտոս, և Աթենացիք հետամուտք են նորա, 'ի շտապ տագնապի խաղալու գնալու Աղկիրիա գէս ձեռն տալ զօրավարացն Աթենաց-ւոց: Հասեալ ութ և տասն նաւուք 'ի Ժա-մուս՝ յորում երկողքին կողմանք միջամուկք նաւամարտիկ լինէին առ սահմանօքն Ա-րիւդոնի, և երկողքին միանգամայն 'ի միում թևի անդ յաղթողք և 'ի միւսումն յաղ-թեալք՝ սաստկապէս մղէին զգոռ մարտին մինչև 'ի տարաժամել աւուրն. իբրև երևե-ցաւ նա, անդ կողմանք երկողքին ներհակա-բար կալեալ զկարծիս, թշնամիք խրախու-տեցին, և Աթենացիք որոտաբեկ լինէին: Իսկ անդէն յաւադ նաւէն նշան բարեկա-մութեան ամբարձեալ Աղկիրիագէս զԱ-թենացւոցն, 'ի նոյն և աճապարեալ անկա-նէր սաստկութեամբ 'ի վերայ Պեղոպոննի-սացւոցն յայնմ՝ կողմանէն՝ ուստի նոքա յաղթականք զհետ մտեալ էին Աթենաց-ւոց: Անգանօր Լակեդեմոնացիք ընդ կը-րունէն 'ի փախուստ խուճապեալք յերե-սաց նորա, գային անկանէին 'ի ցամաքն. նա զհետ մտեալ վանէր հարկանէր զնաւա նոցա, և խոցէր վերաւորէր որք 'ի լիւզ ան-կեալ փախստեայ գնային, մինչդեռ ան-գուստ յափանցն շտապաւ Փարնաբաղ ձեռն տալու նոցա, և անդ առ ծովափամբքն

մարտ եղեալ կռուէր փրկել զնաւն : Ապա Աթենացիք նաւս երեսուն կարեալ 'ի թշնամեաց, և զերեսանցն ևս 'ի բուռն արկեալ, նշան յաղթութեան կանգնէին :

Իսկ Աղկիրիագէս յետ գեղեցիկ նահաւ տակաւթեանն պատուասիրեալ շքով յանգիման լինել Տիապիրնեայ, 'ի պարգևս և 'ի տուրս հիւրամեծարս չորսւ առ նահանգերձ արամեքն ըստ արժանի աւագութեանն : Սակայն վերադառ 'ի յուսոյն. և քանզի գիտէր իսկ քաջ Տիապիրնեայ զբարեւ իւր 'ի Լակեդեմոնացւոց 'ի հարուստ ժամանակաց, և զանգիտեալ եթէ երբէք առ արքայի ամբաստան զնմանէ լինիցին, գէպ ժամանակ գտեալ զգալատեանն Աղկիրիագէայ՝ ետ անգէն ձերբակալ առնել զնա, և 'ի զգուշութիւն բանտի տալը 'ի Սարգիս. զմտաւ ամէր՝ եթէ անիրաւութեամբն ապրեսցի յամբաստանութեցն Սպարտացւոց : Իբրեւ աւուրք երեսուն 'ի վերայ անցանէին, երիվար մի ուստեք գըտեալ Աղկիրիագէս և անձնապուր եղեալ 'ի պահապանացն, փախուցեալ գալը 'ի Կղաղովմենէ. քսութիւն մատուցանէր ըզՏիապիրնեայ՝ եթէ ինքնին նա թող ետ նմա փախչել : Անց ապա նաւեաց և եկն 'ի բանակն Աթենացւոց. լուր առեալ եթէ Մինգարոս և Փարնաբաղ են 'ի Կիւզիկոն, գրդէր զզորականն և հարկ ևս ցուցանէր այնուհետեւ մարտ պատերազմի կարգել ծովամարտ և ցամաքամարտ. առ այս՝ և խաղալ և պատուապամարտ ևս կռուել ընդ

Թշնամիան . իբրեւ զի՝ եթէ ողջ զյաղթու-
թին ոչ տարցին , ոչ արծաթ ե ոչ այլ ինչ
այնուհետեւ գտցեն նոքա : Ապա 'ի ներքս
'ի նաւան հորդան տուեալ զօրականին ,
անկանէր յուղի . հասեալ 'ի Պրիկոնեոս՝
հրաման տայր զմանունան 'ի նաւաց 'ի մի-
ջոցին խռնել , մեծապէս զգուշացեալ անշը-
շունջ ամենեկին զանխուլ 'ի Թշնամայն չու-
տունել : Արդ գէպ եղև յայնժամ՝ զի ե
յերդակարծ տեղատարափ անձրևոյ ե բոմ-
բին որոտման ե մնայլ օգոցն այնպէս
գործակիցք յաջողեցան խորհրդոյն ե 'ի
ծածուկ կալան զպատրաստութիւնն . զի ե
ոչ Թշնամիք միայն չգագցին չուոյն , այլ ե
Աթենացիք ինքնին 'ի նաւան՝ ճիմացան զար-
ձակել նաւացն : Իսկ վայր մի ապա պար-
զեալ օգոցն , տեսանէին զՊերդոպոննիսաց-
ւոց նաւան խարխիս արկեալ հանդէպ նա-
ւահանգստին Վիդիկեցւոց :

Խորհեցաւ Ադկիրիագէս , գուցէ Թըշ-
նամիքն առ 'ի բազմութենէ նաւացն իւրոց
'ի փախուստ խուճապեոցն 'ի ցամաք
անդր , հրաման ետ զօրովարացն առկայա-
նալ 'ի վերջէ ե տակաւ խազալ յուշիկ , ե
ինքն քառասուն նաւուք յերևան եկեալ՝
ձայն տայր յասպարէզ : Նոքա 'ի խաբա-
նաց անտի արհամարհեալ զտակաւութիւն
նաւացն Աթենացւոց , ճակատ յարդա-
րեալ՝ անդէն ձեռնամուխ նաւամարտիկ
լինէին : Իսկ իբրեւ 'ի ժամ կռուոյն ե այլք
'ի նաւացն եկին երևեցան , առհասարակ
ապա զահի հարեալք 'ի փախուստ գառ-

նային : Յառաջ գիմեաց խաղաց Աղկիրիա
դէս նաւընտիր քսան նաւուք և մօտեալ 'ի
ծովեղբն և ելեալ 'ի ցամաք , անկանէր 'ի
վերայ՝ որ 'ի նաւաց անտի փախառէլոցն՝ և
հարկանէր զքաղութան 'ի նոցանէ : Նկուն ա-
բարեալ պարտէր և զՄինդարոս և զՓար-
նարազ , որ ձեռն օգնականութեան տային
նոցա . հզօրաբար կռուեալ առ ետեղ գի-
տապաստ զՄինդարոս արկանէր , և զՓար-
նարազ վանեալ 'ի փախուստ դարձուցա-
նէր : Եւ այսպէս տալա զքաղմակոյտ գիա-
կանց դառ և զապուր ժողովեալ և զգի-
նուց , 'ի բուռն արկանէին և զամենայն խոյ
զնաւան , և հասեալ կալեալ և զՆիզեկոն
Թափուր յօգնականութենէն Փարնարա-
զայ և Պեղտպոննիսացւոցն որ տապաստ ան-
կան , ոչ 'ի Հելլեապոնտոս միայն տիրացան
այնուհետեւ յապահովէ , այլ և 'ի ծովէն
առհասարակ վանեալ հալածեցին զլակե-
դեմոնացիան բուռն զօրութեամբ : Յայն-
ժամ և նամակ մի կալան նոքա լակոնացի
ոճով դուժարեր Պարեռաց զձափողակ
բախտին . և էր պատճէնն այսպիսի . “ Տե-
ղի ետան գեղեցիկքն . Մինդարոս անկաւ .
Քաղցեալ կայ որեարն . Վարանիմք՝ զինչ
պարտ իցէ գործել ” :

Իսկ որք յայնժամ ընդ Աղկիրիադէայ
ձեռամբն զնուորեցան , այնպէս 'ի վեր
վաղեալ և գոռողացան իբրեւ անպարտե-
լիք ոմանք , զի և արժան չհամարեցան դալ
խմբիլ ընդ այլ զօրականին՝ որ բազում
անգամ 'ի պարտութիւն մատնեալ էին :

Քանզի ոչ չառ ինչ յաւաջ 'ի խորտակիլ
 Թրասխաղոսի առ տահմանդն Եփեսեայ,
 նշան յազթուծեան 'ի աղնձոյ յանար-
 գուծիւն Աթենացոցն կանգնեցին Եփե-
 սացիք: Արդ զայս յերես թրասխաղեանցն
 հարեալ Աղկիրիագեանք և յորացեալք
 յանձինս և յիւրեանցն զօրավար՝ ոգինչ կա-
 մէին հասարակաց զկրթանսն ունել ընդ
 նոսա և բանակակից լինել նոցա: Իսկ իբրե-
 անդուստ փարնարազ մեծաւ ամբօխիւ հե-
 տեակաց և աքուձիոյն անկանէր 'ի վերայ
 աստօտակաւոր զօրականին Աղկիրիագեայ
 'ի տահմանն Աբիւղինացոց, յայնժամ 'ի
 միասին ընդ թրասխաղեայ գիմեաց Աղկի-
 րիագէս ձեռն տալ նոցա. և առեալ զփար-
 նարազ հալածական տանէին մինչև 'ի Ժամ
 գիշերոյն. և յայտմանէ եկին միացան նո-
 քա, գարձ արարեալ միահաղոյն 'ի բանակ
 անդր և մարդասիրեալք ուրախանային առ
 միմեանս: Բայց յաւուրն երկրորդի նշան
 յազթուծեան կանգնեալ, խաղալր գնայր
 Աղկիրիագէս յաւարի առնուլ զգաւառն
 փարնարազայ, և 'ի գիմի հարկանէր նմա և
 ոչ դք: Կալաւ նա անդէն և քուրմս և
 քրմանոյլս, այլ անդրէն յաղատուծիւն
 արձակէր առանց վերկանաց:

Ապա չու արար գիմեաց 'ի մագոս ընդգէմ
 Քաղկեդոնացոցն որ վտարանջեալ էին յԱ-
 թենացոց, և Ժողովեալ առ իւրեանս ըզ-
 պահակ զօրուն և զզօրավարն Լակեդեմո-
 նացոց: Անգանօր լուր առեալ զապրս-
 տամբացն՝ զի զամենայն հասա երկրին ամ-

փոփեալ 'ի պահ եղին առ Բիւթինացիս
բարեկամս, խաղաց զօրու 'ի սահմանո նո-
ցա, և յառաջոյ քարոզ արձակեալ բողոք
բառնալո ընդդէմ Բիւթինացոց . նոքա
զահի հարեալք Թողին 'ի ձեռս նորա՝ զոր
'ի պահ կալեալ էին, և յուխտ բարեկա-
մութեան մտին ընդ նմա : Բայց իբրեւ պատ-
նէշ մի 'ի Ծովէ մինչև 'ի Ծով զԲաղկեդո-
նիւ պատեր Նդիլիթագէտ, անգուտս գայր
հասանէր Փարնարազ քակել զպաշտումն .
'ի նոյն և Հիպպոկրատէս զօրապետ 'ի մի
զզօրն խմբեալ՝ եւ 'ի քաղաքէն և անկաւ 'ի
վերայ Աթենացոցն : Հապա Նդիլիթա-
գէս ընդդէմ երկուց նոցա ճակատ յօրի-
նեալ, անգէն զՓարնարազ անարդարաբ 'ի
փախուտս գործուցանէր, և զՀիպպոկրա-
տէս ինքնին տառապատ արկանէր, հարուածս
'ի վերայ անեալ նորա տոուար գնդին :

Անց ապա նաւեաց եկն 'ի Հելլեսպոն-
տոս Ժողովել կուտել արծաթ . և հասեալ
կալաւ զՅիլիթրիա՝ ոչինչ զգուշացեալ ան-
մին արտաքոյ Ժամանակին : Քանզի որք
մատնառու քաղաքին հանգերձեալ էին լի-
նել նմա, Ժամանակեցին զհասարակ գիշե-
րաւ ջահ մի ամբառնալ 'ի նշտն . տակայն
առ ահին՝ զի 'ի գաշնաւորաց մի ոմն փո-
խեցաւ յանկարծ 'ի խորհրդոյն, ատկաբ-
ցան կանխել քան զԺամանակակէտն : Արդ
զնշանն տեսեալ Նդիլիթագէս, մինչդեռ
տակաւին կազմ չէին զօրականք, առեալ
'ի նոցանէ երեսնիւ չափ, գիմեաց փութա-
պէս 'ի ներքոյ պարագին, հրաման տուեալ

այլոցն զհետ իւր խաղալ արագ արագ :
 Իբրեւ գրուեց բացան նմա, և յերեսունան
 ժամանեալք յաւելան և այլ ևս քանից
 տասնարաւորք, յարձակեալ 'ի ներքս տասաւ
 կութեամբ՝ լուր հառ զՍիլիբրիացւոց զն-
 նու զարգու հասեալ 'ի գիմի հարկանել
 նմա : Իբրեւ յոյս փրկութեան չերեկր՝ ե-
 թէ 'ի գիմի հարցի նոցա, գարձեալ ևս
 անսպարտելի ցայն վայր յամենայն արշա-
 ւանսն՝ թիկնագարձոյց լինել չառնոյր
 յանձն, 'ի ձայն փողոյ անգէն լուծիւն
 հրամայեալ՝ պատուէր տալ միում՝ ումից
 յիւրոց անտի բարձր գոչել : Մի Սիլիբրիա-
 ցիք ժառնցին ինչ զէն ընդգէմ Աթենաց-
 ւոցն շարժել : Յայս բարձառ ձայնի կէպ
 արգելեալք սանձեցան 'ի գոռէն, իբրու-
 եթէ թշնամիք միահամուռ 'ի ներքս խու-
 ժեալ իցեն . իսկ կէպ՝ հեղացեալք ակըն-
 կալեալ մնային յուսոյ հաշտութեան :
 Մինչդեռ այնպէս երկպեանչիւր կողմանքն
 զբանիւք անկեալ էին, գայր ապա հասա-
 նէր զօրն Աղկիրիագեայ . անգամօր մտա-
 բերեալ՝ որպէս և էր իսկ, եթէ հաշտու-
 թիւն խնդրեացեն Սիլիբրիացիք՝ զանգի-
 տէր Աղկիրիագէս վասն Թրակացւոց՝ թէ
 յաւարի զքաղաքն առցեն . քանզի էին իսկ
 նոքա բազումք, և 'ի սերն Աղկիրիագեայ
 մտադիւրագոյնս զինուորեցան ընդ ձե-
 ումն նորա : Ապա առեալ զնոսա առհա-
 սարակ արձակէր 'ի քաղաքէն, և Սիլիբրիաց-
 ւոց ողորաւորաց մնաս և ժգ մի ինչ հասու-
 ցեալ, առեալ 'ի նոցանէ արծաթ և կար-

գեալ անդէն պահապանս, ինքն յարու-
ցեալ այնուհետեւ յուզի անկանէր:

Իսկ որ զօրագլուխը պաշարմանն կային
Քաղկեդոնի՝ պայմանս եղին ընդ Փարնա-
բազայ զայս ինչ, զի չափ գրամոց հաստու-
ցէ նոցա, և Քաղկեդոնացիք միւսանգամ
լինին Աթենացւոց, և Աթենացիք ինքնին
ոչինչ հաստուցեն զեան գաւառին Փարնա-
բազայ, և Փարնաբազ գետականացն Աթե-
նացւոց առ արքայն ուղեցոյց տացէ հան-
գերձ աներկեանութեամբ: Իբրեւ Փարնա-
բազ խնդրեաց 'ի հաստատութիւն և զերդ-
մնի լինել Աղկիբիադեայ 'ի դարձին նորա,
ասէր Աղկիբիադէս ոչ երգնուլ՝ մինչեւ
հասարակ երգուեալ իցեն նոքա: Իբրեւ
կռեցան երգմունքն, ապա խաղաց գիմեաց
Աղկիբիադէս 'ի վերայ Բիւզանդացւոցն
ապստամբաց, և պատեաց պատնէշ զքա-
ղաքուն: Անդանոր Անպսիղայոս և Լի-
կուրդոս ընդ այլոց գաշնաւորք լինէին տալ
նորա 'ի ձեռս զքաղաքն՝ պայման եղեալ
'ի փրկութիւն անձանց: Վասն որոյ և համ-
բաւ հարեալ յայնժամ Աղկիբիադէս, իբ-
րու աղմուկ շփոթից յուզեալ առ Յոնեաւ՝
անդանոր հարկ իցէ խաղալ նմա, եւ անտի
զցերեկ հանգերձ նաւուքն. այլ զցայդ-
դարձ անդրէն աղարեալ՝ էջ 'ի ծովեզըն
առեալ ընդ իւր զապառաղէնան. մերձ ե-
կեալ 'ի պարիսպն՝ անդէն հանգարտիկ
զտեղի առնոր:

Իբրեւ և նաւքն հասեալք մտանէին 'ի նա-
ւահանգիստն, և անգուստ սաստկապէս

գործէին զյարձակումնն 'ի մեծ գոչւան և 'ի շօինդն տալաւ աղաղակին, առհասարակ զահի հարան Բիւզանդացիք ընդ անակընկալ պատահումն. յայնժամ գաշնաւորք ժամ գտեալ 'ի ներքս առին յանգորդու զԱղկիրիագէս, մինչքեռ առհասարակ ձեռն տալ 'ի նաւահանդիտ անդր գիմեալ ընթանային և 'ի նաւան: Սակայն և ճանապարհաւ իրեն վճարեցան յայնժամ. քանզի Պեղոպոննիսացիք և Բիովտացիք և Մեգարացիք 'ի Բիւզանդիոն՝ յետս ընդդէմ վանեալ զորս 'ի նաւացանտի, անդրէն 'ի նաւան տաղնապեցին զնոսա. և լուեալք՝ եթէ և 'ի քաղաքն միջամուխ եղեն յԱթենացւոց, կարգեցան կացին՝ մտրտ եգեալ կռուէին ընդ նոսա և գրգռեցաւ խաղմն սաստիկ և բուռն. այլ յաղթական ելանէր Աղկիրիագէս՝ զօրավարեալ զաջոյ թէն, և Թերամոնէս՝ զձախոյն. և որ միանգամ ապրեցան 'ի Թրշնամեաց իբրև երեքհարիւր՝ առհասարակ 'ի գերութիւն վարեցան: Իսկ յետ կռուոյն՝ 'ի Բիւզանդացւոց ճգոք 'ի մահ վարեցին, և ճգ վտարանդի արարին. քանզի և որք զքաղաքն 'ի ձեռս ետուն՝ զայն պայման եգեալ էին մի ինչ ամենևին զոկել զնոսա 'ի տեպհահան գոյից: Ուստի և իբրև մաւրնտու ամբաստանեալ Անպրսիդայոս 'ի Լազերդեմոն, անսողիւտ եցոյց զգործն բանիւն. քանզի ասաց՝ եթէ ճգ Լազերդեմոնացի է, այլ Բիւզանդացի. և զի ճգ Սպարտիա տաղնապեալ էր 'ի վտանդին,

այլ Բիւզանդիոն ամենայն ուստեք պաշա-
րեալ՝ որպէս զի և չէր հնար մուծանել
ինչ 'ի ներքա, և զամբար քաղաքին ապա-
ւեալ Պերդարոննիսացիք և Բիոփոացիք, ան
գուտ սովալլուկ տանջէին Բիւզանդացիք
'ի միատին ընդ որդւոց և ընդ կանանց. ա-
պա ոչ մատնաու եկաց նա հայրենեացն՝
'ի ձեռս տալով թշնամեաց, այլ փրկիչ և
ազատիչ քաղաքին 'ի մարտէն և յարկա-
ծից ազէտիցն, զնմանութիւն բերելով զա-
ւաքինեացն Լակեդեմոնացւոց և զքա-
ջաց, որ գեղեցիկ մի միայն և արդար՝ զօգ-
տակարն գատին զհայրենեաց: Զքան զայս
լուեալ Լակեդեմոնացւոց, պատկառեցան
և արձակեցին զարսն:

Բայց Ագիլիքիազէս իզձ աստիկ բերեալ
տեսող հայրենեացն լինել, նա առաւել
տեսիլ քաղաքացեացն իւրոց՝ զի այնչափ
յաղթութիւնս տարաւ զթշնամեացն, յա-
րուցեալ յուրի անկանէր: Առ և զարդա-
րեաց շուրջ զեռաթիւն Ատտիկեցւոց 'ի
բազմակոյտ ասպարաց և յանկած աւարացն.
զհետ իւր ձգէր քարշէր և շատ նաւս գե-
րեալս, և բերաւորս նշանաց և գրօշուց
գրօշուց նաւացն՝ զորս եհար և վանեաց,
որ և առհասարակ ոչինչ պակաս էին քան
զերկերիւր: Այլ Դուրիս Սամոսացի՝ որ
յԱգիլիքիազէայ զարմէն տսէ զինքն, յա-
ւելու յայսոսիկ և ասել, եթէ անգանօր
Քրիստոսոս Պիւթեան միջանակաւորն
արնգահար լինէր թիափաղացն շարժման 'ի
շու անդր. իսկ հրամանատար չուոյն էր

ինքնին նախապես գերատան Ողբերգա-
կացն՝ արկեալ զանձամբ ձորձ և զալեալ
պատմութեան և զայն ևս զարդ զտեսարա-
նին . և [Թէ՛ Ժիրանի պարզեալ առաջատ
աւար նաւն Աղկիթիագեայ՝ այնպէս մտա-
նէր 'ի նաւահանգիստն , և էին որեւորն իր
ուն ինծղալիցք ոմանք առհասարակ և կայ-
թահարք 'ի գինարբուաց :

Այլ զայստակ մեզ ոչ արձանագրեցին
ոչ Թէոպոմպոս , ոչ Եփորոս , և ոչ Քսե-
նոփոն : Եւ ոչ 'ի գէալ ինչ արդեօք՝ Եթէ
նա այնպէս ոտնհար Աթենացւոյն լեալ
իցէ 'ի գարձին՝ յետ վտարանդի տարա-
գրութեանն և այնչափ աղէտիցն : Նա՛ զի
և ահիւ յառաջ խաղալո՛ւ նա , և հասեալ 'ի
Ծովեղն՝ ոչ իջանէր յեռաթիոյն . նախ
արձանացեալ 'ի վերայ տախտակամածին՝
եռես զԵւրիպոտղեմոս զեղբորորդին և ըզ-
բազմութիւն բարեկամաց և զնոտանեաց
ընդ առաջ իւր ասպնջականս և հրաւիրակ
'ի քաղաք անդր : Յետ այնորիկ ելեալ
Աղկիթիագէս , առհասարակ մարդիկն ընդ-
առաջ ընթացեալք՝ փոյթ ինչ ոչ տարեալ
այլոցն զօրավարաց՝ 'ի նա միայն այր զա-
րամբ ակնկառոյցք մեծագոյն կարգային ,
ողջոյն տային , և զհետ ընթացեալք պսակս
բոլորէին . իսկ որք մերձենալ չկարէին՝
'ի բացուստ անտի յոտնիմատն յակճիւս
կային . և պատանեաց Ծերք հինաւորոյ մատ
նանիւց ցուցանէին զնա : Սակայն մեծապէս
տօն ցնծութե քաղաքին յայնժամ՝ խառ-
նեցաւ և 'ի գերարտօպալից ականց . այն

Ընչ նորա յեկեալ հասեալ խնդութեանն յուշ եւ ածէին անձանց զամբաւ աղէտսն՝ որ անցին ընդ նոսա . և զայն եւ քաջ տեսանէին՝ եթէ չէր արդեօք Աթենացւոցն 'ի դերեա ելեալ 'ի Սիկիլիոյ, և ոչ վերաւ ամենայն յոյս ակնկալութեան նոցա, եթէ Աղկիթիադէս զորավար յայնժամ առաջնորդ կացեալ էր իրացն բանակին . քանզի և 'ի ժամանակին՝ յորում էառնա զանձամբ զքաղաքն՝ որ վայրիկ մի և 'ի ծովակալ տէրութենէն կապտեալ էր և 'ի ցամաքին զարուարձանեայսն միայն ունէր ընդ ձեռամբ, և 'ի ներքա յամբոխից ծփեալ և պատահեալ էր, նա ինքն զնա 'ի սին նշխարաց նորա և 'ի սինլըքորաց 'ի վեր կանգնեալ միւսանդամ, ոչ ծովակալ միայն՝ այլ և 'ի ցամաքին յաղթական 'ի վերայ թշնամեացն կացուցանէր : Իսկ առաջին յայնժամ զվճիռ դարձին նորա արձանագրեաց և քարոզեաց Արիտիաս Վալլէսկրոսեան . ըստ որում և ինքնին քերթէ նա յՈղբան իւր, յուշ ածեալ Աղկիթիադէայ զերախտիսն՝ այսպէս . “ Իսկ զվճիռն՝ որ զքեզ աստ մեզ ած երեր, զնոյն եւ առաջի հրապարակին կարդացի . և արձանագրեալ՝ զգոյն գործ 'ի գլուխ տարայ : Բայց կնիք մերոյն լեզուի 'ի գրաւ վասն իրացդ պահեսցի առ քեզ ” :

Յետ այսորիկ 'ի մի վայր խմբեալ առհասարակ զեկեղեցին, եկն եհաս անդր Աղկիթիադէս, յարտասուա հարեալ ընդ կիրա աղէտիցն, և վայրիկ մի և չափաւոր

մեզ ևս գնէր ժողովեալեան, յիւրն ձախողակ զամենայնն 'ի վեր տանելով բախա, և Քաջի ուսման ընծայելով խանգացողի: Ապա ճառ առեալ գեղեցիկ յաւայ ընդգէմ թշնամեաց, խրախոյս քաջալեր կարգադր. և այնպէս պատկ ոսկի առեալ բոլորէին նմա Աթենացիք, և զորավար ինքնիշխան ընդ ծով ընդ ցամաք կարգեցին զնա: Առայս՝ և վճիռ ետուն գարձուցանել զամենայն գոյս նորա. և զի՝ Եւսեպպիդեանք և Քարողք զկարգացեալ նշովն յետա առցին 'ի նմանէ. իբրև այլք լուծին զնշովն, ետ պատասխանի թէողորոս քահանայն և ասէ. “Այլ ես ինչ մի 'ի չարեաց ոչ մեղ թեցի նմա, եթէ ոչնչ անկրօնեցաւ նա առ քաղաքն”: Բայց թէպէտ և այսպէս մեծապէս յաջողեցաւ Արկիբիադէս, համայն և այնպէս կէպք պատճառս առին թաղծութեան 'ի ժամանակէ գարձին նորա: Քանզի յաւուր մոի նորա 'ի նաւահանգիստն՝ Պլինտերեան տօնք կատարէին գիցուհւոյն. յորում 'ի քսաներորդի հինգերորդի Տարդեղեովնին՝ Պրաքսիբրդեան քուրմք ծէսս իմն կատարեն ծածուկս, և 'ի բաց զերծեալ զամենայն զգարոն, և ըզգրջեալն քաղաքից առնեն. ուստի և յոյժ վատախտար և անյուշ զօրն զայն զանգործ համարին Աթենացիք: Արդ թուէր իմն նոցա, եթէ ոչ համբուրիւ և մարդասիրապէս ժողովեաց յայնժամ գիցուհին զԱրկիբիադէս այնպէս քաղաքից լինելովն, և մերժեաց զնա: Այլ յայտր ամենայնի վե-

րայ ամենայնն յաջողեցաւ ըստ կամաց նորա . և 'ի կազմ' կալ յայնժամ եռաթիւոցն թուով հարիւր՝ խաղալ ընդ նմա, նա զտեղի առնոյր 'ի գեղեցիկ պատուասիրութէն մինչև 'ի ժամանակ նուիրականացն:

Քանզի յորմէհետէ ամրութիւն ածաւ Տեկեղեայ, և թշնամիք կալեալ էին զանցնն Ելեւսեայ, ոչ ևս հանդիսանայր տօնախումբութիւնն . քանզի պարտ էր անցանել ընդ ծով, և 'ի հարկէն խափանեալ կային զոհք և կայթք և կաքաւք, և այլ ինչ ևս շատ 'ի նուիրականացն 'ի յուզող՝ յորժամ արտաքս առեալ բերեն զԵակքոսն 3 : Արդ գեղեցիկ թուէր Աղկիբիադեայ և 'ի գէպ աստուածակողմանն և փառաց ևս մարդկանն՝ 'ի հայրենաւանդն կարգ դարձուցանել զտօնն, ածելով զԹաւիօրն հետևակ զօրու և տիգաւոր դնդաւ ընդդէմ թշնամեաց : Քանզի և այսպէս կամ մեծապէս ստուերածս հասանէր ածել Ագիսայ և նկուն առնել՝ եթէ չգայր 'ի վէդ ընդ նմա . կամ եթէ խլրտէր ինչ, մարտ նուիրական և աստուածասէր մարտնչէր այնուհետև ընդ նմա Աղկիբիադէս վասն սրբագունիցն և վեհագունիցն ակն յանդիման հայրենի քաղաքին, առհասարակ զքաղաքացիսն վկայս իւրոցն նահատակութեցն կալեալ : Զայս այսպէս սահմանեալ՝ կանուխ ազդարար Եւմոլպիդեանցն և Քարոզից . կարգեաց եդ դէտս 'ի կատարս բարձանց, ապա ընդ այդն յառաջ արձակեաց կարապետս, և ինքն առեալ զքահանայս և զիւղադիւսեալն

և զիւղագլխողան, և պահեցեալ՝ ի զէն
զարդ զօրականին ածէր զԹափօրն անշուշ
և գեղեցիկ կարգաւ. և անդ էր տեսանել
տեսիլ մեծափառ և աստուածավայելուչ
զզօրավարութիւն զայն, զոր և յայնժամ
աննախանձ մարդիկն քահանայութիւն ա-
նուանէին և նուիրագործութիւն: Իբրեւ
յայնժամ ՚ի Թշնամեաց երեւցաւ և ոչ
ոք, նա յանդորրու դարձոյց զԹափօրն ՚ի
քաղաք անդր. և բարձրապարանոց առեալ
մեծացուցանէր և զիւր զօրականն իբրեւ ան-
կուռէլիս ոմանս և անպարտելիս:

Յետ այնորիկ քաջ իսկ յաջողեցաւ նա
յինքն յանդուցանել և զանաւագ որեւորն
և զաղքատ, զի և մեծաւ ցանկութեամբ
վառեցան նոքա զնա ունել տէր. էին էին՝
և որք յայտնապէս ասէին զայն, և խրախոյս
ևս տային նկուն առնել զյաչաղանան և
լուծանել զվճիռան և զօրէնսն և զչաղա-
կրատ մարդիկն՝ պատճառք աղէտից քաղա-
քին, և ինքնին յանդորրու ՚ի յաչաղկոտաց
ըստ հաճոյս տանել բերել զամենայնն:
Իսկ Թէ զինչ միտք էին նորա յաղագս ինք-
նիշխան տէրութեանն այնմիկ՝ անյայտ է:
Սակայն աւագք քաղաքին և ճոխքն զահի
հարեալք՝ արագ արագ տային նմա մեկնել
անտի հանդերձ եռաթիովքն, և շնորհեցին
ևս նմա զամենայն խնդրուածսն և զնիզա-
կակիցսն՝ զոր կամէր:

Արդ անկաւ նա յուղի հարիւր նա-
ւուք, խաղաց գնաց և յարձակեցաւ յԱն-
դրոս. և ՚ի կուռին ՚ի պարտութիւն մատ-

նէր զԱնդրոսացիս, և որ անդանոր՝ զլակե-
 դեմոնացիսն . սակայն ո՛չ կալաւ զքաղաքն
 նոցա . և այս ապա առաջին պատճառս ետ
 թշնամեացն ամբաստան լինել զնմանէ :
 Այլ որպէս հաւանեալս եմ՝ եթէ ար-
 դեօք իցէ ոք այլ՝ ՚ի փառաց անտի Աղկի-
 բիադեայ տապալեալ, գահնքն է անշուշտ
 Աղկիբիադէս : Եւ քանզի մեծապէս էր
 փառք նորա և իբրեւ քաջ և հանճարեղ
 ունէին զնա վասն գեղեցիկ նահատակու-
 թեանց . ուստի եթէ երբէք յաջողէր նմա,
 խիթային ընդ յուլութիւն ջանիցն . ոչինչ
 կարէին հաւատալ՝ եթէ ձեռնհաս ո՛չ իցէ,
 և երբէք ՚ի դերևս ելլեն ջանք նորա : Իբրեւ
 այնպէս ակնկալեալ մնային Աթենացիք
 լսել՝ եթէ գրաւեաց նա զՔիացիս և ող-
 ջոյն զՅոնիս, սրտմտեալք գովամակս բե-
 լէին ընդ անադանել համբաւոյն իրացն .
 զմտաւ ինչ չածէին՝ եթէ արծաթ պակա-
 տեալ նմա ՚ի կռուել իւրում ընդ մարդ-
 կանն՝ որոց ամբարապետն էր ինքնին թա-
 գաւորն մեծ, նա ՚ի հարկէն բողբոմ ան-
 գամ լքեալ զքանակն՝ շուրջ յածէր պառ-
 րաստել ուռնիկ և պաշար զօրուն . և այս
 ապա եղև նմա վերջինն ՚ի վնասս ամբաս-
 տանութեանն : Քանզի յայնժամ ՚ի Սպար-
 տացւոց առաջեալ լիւսանդրոս ՚ի զօրա-
 վար նաւացն, տայր նա միոյ միոյ ՚ի նա-
 լաստեացն քառադանկս յարծաթոյն Վիւ-
 րոսի փոխան եռադանկաց . իսկ Աղկիբիա-
 դէս հազիւ ուրեմն բաւական իւրոցն տալ
 եռադանկս՝ մեկնեցաւ ՚ի Վարիս կու-

տեղ արծաթ, իսկ զհոգ նաւացն թողոյր
յայնժամ Անտիոքոսի . եր սա զեկաւար
քաջ, այլ խորհրդակորոյս ալը և խեռ :
Պատուէր տայր նմա մի կռուել թէպէտ և
առապել թշնամիքն կարգասցեն . այլ նա
ունչա արարեալ հրամանին՝ ընդդ զօրակա-
նոց զեռաթին իւր և զայլ մի ևս ՚ի նաւացն .
խաղալը գնալը գէմ եղեալ յԵփեսոս,
մերձ քերելով զառաջակողմամբք նաւաց
թշնամեացն՝ մեծապէս խեռութեամբ ՚ի
գործ և ՚ի բան և ապերասան խեղկատա-
կեալ : Անդ Լիւսանդրոս զառաջինն ելեալ
սակաւ նաւուք հետամուտ նմա, տեսեալ
զբանակ նաւաց Աթենացւոցն յօգնութիւն
գալ Անտիոքեայ, խաղաց ամենայն նա-
ւուքն և զյաղթութիւնն տարեալ ապա-
նանէր զԱնտիոքոս, և նաւս բազում և
մարդիկ ՚ի գերութիւն վարեալ՝ նշան յաղ-
թութեան կանգնէր : Լուր առեալ Ազկի-
բիադէս գարձեալ ՚ի Սամոս, հապճեպով
խաղաց գիմեաց ամենայն նաւուքն, և հա-
տեալ ձայն կարգալը Լիւսանդրոսի . նա
կայր մնալ լի և պատարուն յաղթու-
թեամբն, և խլրտեցաւ ինչ ոչ :

Ապա յետ այնորիկ Թրասիբուլոն Թրա-
սոնեան թշնամի մեծ Ազկիբիադեայ ՚ի
բանակին, չոքաւ յԱթէնս ամբաստան
զնմանէ . և անդ գրգռեալ զթշնամիսն՝
հրապարակախօս լինէր, եթէ Ազկիբիա-
դէս վեր ՚ի վայր տապալեաց զամենայն և
կորոյս զնաւն . անհանձարաբար յիշխա-
նութեանն տայր զօրավարութիւն զնաւաց

'ի ձեռս մարգկանն՝ որ 'ի գինեբրդու շուտյ տեալք և 'ի նաւաստական բանդագուշանս մեծապէս զօրացեալ էին առ նմա . զի ապա ինքն պարապեալ նաւեսցէ շուրջ յանդորրու կուտել արծաթ , և աղուանալ և տրքենալ՝ բնականից բողիցն լինելով Աբի. գինացւոց և Յոնիացւոց , մինչքեռ վայրիկ մի անդ 'ի բացեայ բանակեալ կայր թշնամին : Առ այս և 'ի յանցանս գրեցին նմա , զի անդ 'ի Թրակիա շինեաց գլխակ մօտ 'ի Բիւզանդիոն տեղի ապաստանի . իբրու որ ոչ կարասցէ կամ ոչ կամեսցի բնակել 'ի հայրենի քաղաքին : Իսկ Աթենացիք հաւատս բերեալ՝ զայլս 'ի զօրավար կարգեն ընդ նորա , յայտնապէս ցուցեալ առ նա զքարկուծիւնն և զգառնուծիւն : Արդ եղեալ նմա , զահի հարեալ Թողդր Լքանէր խալառ զբանակն . և Ժողովեալ զօտարս , ինքնին մարտ եղեալ կռուէր ընդ անթագաւոր Թրակացիսն , և կուտեաց աւարեաց արծաթ բազում . անդ և զՀելլենացիսն սահմանակիցս յանդորր հանէր 'ի ձեռաց բարբարոսացն :

Իսկ զօրավարք Աթենացւոցն Տիւգեւս և Մենանդրոս և Ագիմանտոս հանդերձ ամենայն նաւուքն առկայացեալք 'ի գետան Եգեայ , յարուցեալ ընդ առաւօտս առաւօտս խաղային գնային և ձայն կարգային լիւսանդրեայ՝ որ զլամպասկաւ նստէր բունակեալ . և ապա անտի գարձ արապեալ՝ զօրն 'ի բուն անցուցանէին այնպէս անկազմք և անհոգացեալք՝ իբրու արհամար-

հոգե ոմանք: Բայց Ազկիբիադէս որ անդ
մերձ կայր՝ ոչինչ անհոգացեալ զանց առ-
նէր. ելեալ յերիվար՝ եկն եգիպտ զգորա-
վարսն, խրատէր ազգ առնէր եթէ ոչինչ
բարւոյք նոքա այնպէս առկայացեալ նառն
'ի վայրա՝ ուր ոչ նաւահանգիստ կայ և ոչ
քաղաք. այլ 'ի բացարձակ վայրաց 'ի Սեւ-
տոսէ պատրաստեն նոքա անձանց զկարեոր
պաշարն, և անհոգացեալ կան՝ զի նաւա-
մարտիկքն այնպէս ցանեալք ցրուին 'ի ցա-
մաքի Թափառականք. մինչդեռ անդուստ
'ի հանգիստոյ նաւախումբ Թշնամոյն ար-
ձանացեալ՝ 'ի հրամանէ միապետ իշխանին
անշուռ իտարէ զամենայն: Այլ զ-
րաւարք ոչինչ անապցին Ազկիբիադէայ խոր
հրդոյն՝ չու առնել 'ի Սեստոս. նա և Տիւ-
գեւա արհամարհանօք հրամայէր նմա տեղի
տալ 'ի վայրացն, իբրեւ որ յայլա՝ և ոչ 'ի նա
իցէ ապառտան զորաւարութիւն: Ապա Ազկի-
բիադէս տեղի տուեալ մեկնեցաւ, զանգի-
տեալ եթէ նենգ լարեսցեն նմա. և ընդ
ծանօթան որ 'ի բանակէն զհետ չողան նորա՝
ասէր, զի եթէ այնպէս ոտնհար նմա չէր
լեալ զորավարացն, քան սակաւ մի ժամանակ
անցեալ՝ նա 'ի նեղ արկեալ էր զՍպարտա-
ցիան ակամայ միջամուխ 'ի նաւամարտն ի-
նեւ, կամ զնաւան Թողուլ լքանել: Վիսոց՝
տարապարտ պարծանաց Թուեցաւ բանն.
և կիսոց՝ հուանական, եթէ երբէք ան-
դուստ 'ի ցամաք կուսէն ամբոխ ածեալ
նա Թրակացոց գիպաղեզանց և քաջաձիոց,
մարտ եղեալ կռուեսցի և վեր 'ի վայր

զլակեղեմնացւոց բանակն շարժեացէ :
 Բայց արագ արագ արդիւնքն վկայեցին ,
 զի ուղղապէս խելամուտ եղև Ազկիբիադէս
 անփորձութի զորավարացն : Քանզի յան-
 կարծակի յեղակարծումն ժամու 'ի վերայ
 անկեալ նոցա Լիւսանդրոս , անգ. ութիւ
 չափ միայն յեռաթիոցն մազապուր ճողո-
 պրեցան ընդ Կոնոնի . իսկ եռաթիւ իբրև
 երկերիւր 'ի գերութիւն վարեաց հան-
 գերձ երեքհազար արամիք , զորս և խոզ-
 խողեաց Լիւսանդրոս : Յետ սակաւու գի-
 մեալ կալաւ նա և զԱթէնս , և հրկեղ առ-
 նէր զնաւան , և քակէր քանդէր զերկայնա-
 ձիգ զպարխապն : Ապա յահի եղեալ Ազ-
 կիբիադէս 'ի Լակեղեմնացւոց' զի տիրա-
 ցան միանգամայն ընդ ծով ընդ ցամաք ,
 անց 'ի Բիթլինիա . գանձ բազում տարաւ
 ընդ իւր , և շատ ևս թողեալ անգէն յա-
 մուրն՝ յորս բնակէր : Իսկ 'ի Բիթլինիա
 դարձեալ ոչ սակաւ կորուսեալ 'ի գոյիցն
 և կապտեալ 'ի Բաակացւոցն՝ որ անգ. եգ
 'ի մեծ յառնել երթալ առ Արտաշէս .
 Թերևս փորձ զնորա փորձեալ արքային՝
 ոչինչ յոռեգոյն քան զԹեմիստոկլէս գտցէ
 զնա . իսկ լուսագոյն ևս՝ զպատճառ չուոյն :
 Քանզի ոչ իբրև զնա զօրավիգն խնդրեալ
 յարքայէ ընդգէմ քաղաքացեացն , այլ
 Թշնամեացն ընդգէմ՝ վասն հայրենի աշ-
 խարհին : Ապա զմտաւ ածեալ եթէ Փար-
 նաբազեայ 'ի ձեռն հեշտեաւ և յանդոր-
 րու յաջողեացի ուղին , չղբաւ առ նա 'ի
 Փռիւգիա . եկաց առ նմա , մեծարանա

գնէր նմա, և ինքն դարձեալ շուք պատուոյ
ընդունէր առ 'ի նմանէ :

Բայց Աթենացւոյն ցաւեաց յոյժ՝ զի
մերկացան 'ի տէրութենէն . իսկ իբրեւ և
զազատութիւնն երարձ 'ի նոցանէն լիւ-
սանդրոս . և արանց երեսնից 'ի ձեռս եւ
զքաղաքն, զայն զոր չխորհեցանն յորժամ
առ ձեռն կայր փրկութիւնն՝ յայնժամ 'ի
սպառապուռ կորստեանն 'ի միտ առնուին .
յուշ ամեալ լացին զմեզս իւրեանց և զան-
հանճար զխորհուրդն . և մեծապէս յան-
ցաւորութիւն համարեցան զերկրորդ բար-
կութիւն իւրեանց ընդդէմ Աղկիրիագէսյ-
զի ոչ վասն անխրաւութեան ինչ իւր մեր-
ժեցաւ նա, այլ զի պրոմեոցանն նոքա ընդ
զօրապետն ընդ այն՝ որ անարդարաբ կորոյս
տակաւս 'ի նաւաց, և ինքեանք անարդա-
գոյն ևս յառաքինի և 'ի գոռ զօրավարէն
զլիեցին զքաղաքն : Ստիպյն և յայն ա-
ղէտան յոյս ևս ընդ ազատ ծագէր նո-
ցա, թէ ոչ իտպտռ տապալեացին իբր Ա-
թենացւոց, մինչդեռ տակաւին կենդա-
նի կայ Աղկիրիագէս : Քանզի և ակն ու-
նէին եթէ որ յառաջին վտարանդութեն
ոչ անգործ և պարապորդ վարեաց կեանա,
նոյն և յերկրորդումն՝ որչափ ինչ բաւա-
կան իցէ նա, ոչինչ լքեալ թողցէ այնպէս
զհայրենի քաղաքն նշաւակեալ 'ի լակե-
դեմոնացւոյն և նկուռն յերեսնից անտի ա-
րանցն : Եւ արդեօք ոչինչ տարագէտ այն-
պէս յերազանային, այն ինչ և երեսուներն
ինքնին առ ահին հետախոյզ մանր քննէին

զգնացան Ազիւրիազեայ, և ճշգրիտ 'ի վերայ կային նոքա ամենայն գործոց և խորհրդոց ցնորա :

Ապա 'ի վերջէն նրախառ զայս ինչ ազգեր Լիւսանդրոսայ, և թէ յապահովեալ յայնժամ տիրապէին Նլլադայ Լափեղեմոնայք, յորժամ խալառ բարձցի ընկերհաշտութիւնն Աթենացւոց. և թէպէտ և Աթենացիք հպատակ կացցեն աւագաբնաւորեանն, ապաքն կենդանի տակաւին գոլով Ազիւրիազէս՝ թոյլ ոչ տացէ նոցա երբեք հանգալտել: Այլ 'ի բանից աստի ոչ շարժեցաւ Լիւսանդրոս, մինչև գալը հասանէր նմա 'ի տանէն Սկիւտազանս 4 յիշխանաց անտի՝ բաւնալ 'ի միջոյ զԱզիւրիազէս: Կամ զի երկուցեալ զանգիտէին նոքա յաշխուժից առն՝ բաւական 'ի նահատակութիւնս մեծամեծս. կամ զի ինչ մի հաճոյական կամեցան Ազիւրայ: Իբրև զպատուէր զայս Լիւսանդրոս 'ի փառ նաքաղ ապաստան արար, նա զգործն յանձն առնէր Մազեոսի եղբոր խորում և Սուսա միջրայ քեռւոյն: Արդ էր յայնժամ Ազիւրիազէս 'ի գիւղ մի Փախագացւոց աշխարհին՝ ընդ նմա և Տիմանգրէ տադիաւոր իւր, և տեսանէր 'ի քուն երազ: Թուէր նմա ունել զիւրե զձորձն Տիմանգրեայ. և Տիմանգրէ 'ի մէջ բաղկացն կալեալ զգլուխն՝ պաճուճէր զերեսան 'ի անդորոս և 'ի շարս իբրև զինոջ: Իսկ կեդրասնն՝ 'ի քուն տեսանել զՄազեոս ինքնին՝ որ հաստանէր զգլուխն և զմարմինն մատ

նէր 'ի հուր : Եւ ասէն ո՛չ բազմօք յառաջ քան զմահն տեսանել նմա զերազն : Իսկ որք առաքեցանն սպանանել զնա, ոչինչ համարձակեցան մոտանել 'ի տունն, այլ շուրջ պատեալ հուր հարին : Իբրեւ զգաց Աղկիրիադէս, առեալ 'ի մի պատառեաց շատ ինչ 'ի հանդերձից և յանկողնոց, և արկեալ 'ի հուրն՝ ապա և զհակաւան պարուրեալ զքղամիդն և աջովն ձգեալ զգաշոյնն, վազեաց 'ի դուրս անկէզ 'ի բոցոյն՝ մինչև այրեալ հանդերձիցն . և անդէն յերևել իւրում փարատեալ պուղէր ըզբարբարոսան . իշխեաց և ո՛չ որ զտեղի ունել կամ 'ի վէգ ընդ նմա դալ, այլ այնպէս բացուատ 'ի բաց նետահարք և փքնահարք լինէին 'ի նա : Իբրեւ այնպէս տապաառ անկաւ Աղկիրիադէս և բարբարոսն տեղի տուեալ մեկնեցան, եկեալ Տիմանդրէ ժողովէ զգիական և պատեալ և ծածկեալ իւրովք հանդերձիւքն՝ գեղեցիկ շքով յուզարկաւորութիւն տայր ըստ ժամու բաւականին : Ասէն Տիմանդրեայ գուստր զլայիւդէն՝ որում անուն կարդային Վորինթիա, գերի վարեալ յԵկկարոնլու աւանէն Սիկիլիոյ : Բայց կէսք թէպէտ և ընդ ամենայն պատմութիւն մահուն Աղկիրիադէայ հաւանեալ են, սակայն պատճառք մահուն ո՛չ զՓարնաբազ ունին և ո՛չ զլիւսանդրոս և ո՛չ զլակեդեմոնացիս . և ասեն՝ եթէ զաղջիկ մի յականաւորաց պղծեալ Աղկիրիադէս և առ իւր կալեալ, ոչինչ հանդուրժեալք թշնամանացն եղբարք աղջը-

կանն , գիշերի հրձիգ 'ի տունն լննէին՝ յորում կայր Աղկիրիագէս . իսկ 'ի հրոյն արտաքս վազեալ՝ անդ տապաւառ արկանեն զնա ըստ օրինակին՝ զոր ասացաք :

ԾԱՆՕԹՈՒԹԻՒՆՔ

1. Արխատփանէս կատակերգակ Գերթող ունի զայս հաառւած հնարիմաց յոյժ 'ի յունականն : Քանզի ոչ կարելով Աղկիբիադէս արտասանել զտառք ու կամ ը . քերթողն առ 'ի կծանել զԹէորոս զոմն այր սոլտակասպաս , տայ Աղկիբիադէայ Թոթովել օրինակ զայս , զի փոխանակ աւելոյ քորακος , որ է՝ ագռաւու , տսէ՝ քολακος , որ է՝ մարդելուզի . քանզի Բոուտս , է Ագռաւ . և Բուտս , է Սոլտակասպաս , մարդելոյզ : Ըստ որում և զառաջինն Թոթովէ Աղկիբիադէս . փոխանակ Տեւէ՛ր , աւել Տեւէ՛ւ . և փոխանակ ՂԹԷ՛րոս , տսէ ՂԹԷ՛լոս : Ապա՝ զի արդեամբք մարդելոյզ էր Թէորոս , վասն այսորիկ 'ի վերայ բերէ , եթէ ուղղապէս Թոթովեաց Աղկիբիադէս :

2. Մալա , Սպարտացւոց , էր զանգեալ յալերէ , 'ի ձիթոյ , 'ի ջրոյ , և 'ի կաթանէ :

3. Յն . 'Ιαχχος . այն է Բաքոսն : 'ի Թափօրական հանդիսին յայնմիկ խառնադոչ մարդիկն ցնծային և կայթէին . զի և Եակքոսն ունի արմատ զճայն՝ Ιάχω , որ է՝ Գոջել , աղաղակ բառնալ :

4. Անուռն Հրամանադրին Սպարտացւոց . տես 'ի Լիւկուրգ . 'ի Ծան :

ՄԱԿԻՈՍ ԳԱՅԻՈՍ ԿՈՐԻՈՂԱՆՈՍ

ՄԱԿԻՈՍԵԱՆՑ զարմն 'ի Հռոմ բա-
զում աքս փառաւորս ընծայեաց 'ի պա-
տրիկաց անտի. յորոց մի էր ինքնին և Մար-
կիոս Գայիոս 1 ծնեալ 'ի դատերէն Նու-
մայի, և որ Թագ կապեաց զկնի Տուղզիոսի
Ոստիւղիտի: Մարկիոսեանք էին և Պոպ-
զիոս և Կալինտոս, որք զառաւորահոան զայն
զջուր և զյոյժ գեղեցիկն ածին բերին 'ի
Հռոմէ՝ քաղաք. նոյն և Կենսովինոս՝ զոր
երկիցս անգամ կարգեաց համարակալ ժո-
ղովուրդ Հռոմայեցւոց. և ապա նա ինք-
նին ածեալ հաւանեցայց զնոսա տալ վճիռ
և օրէնս՝ մի այնուհետև զայն աւագութիւն
երկիցս տալ միում ումեք: Բայց Գայիոս
Մարկիոս՝ զորմէ առեալս եմք 'ի պատմել՝
որք մնացեալ 'ի հօրէն և դաստիարակեալ
յայրի մօրէն, քաջ խիկ եցոյց եթէ որդու
Թիւնն է՝ զի չարիս բազում 'ի ներքս ածէ,

սակայն և խոչընդոտեն չէ 'ի լաւութիւն և յաւագութիւն անգր. և յոյլքն միայն մեզ դնեն որքութեանն՝ իբրու որ նոցուն ապականութեանն պատճառք իցէ՝ անբաժք 'ի դաստիարակութենէն մնալով:

Սա այս Մարկիոս հաւատարմացոյց և զորս ասենն՝ և թէ բոյս բարուց գեղեցիկ և քաջամիտն՝ այլ 'ի դաստիարակութենէ անմասն, ընդ բարւոյն շատ ինչ և 'ի յոռեացն բնաւորեցաւ բուռուցանել, իբրու արգաւանդ երկիր անբաժ 'ի մշակութենէ: Քանզի հաստատութիւն նորա քաջամիտ յամենայն 'ի խորհուրդս՝ սաստկապէս վառէր զնա 'ի նահատակութիւնս մեծամեծս. և ներհակաբար դարձեալ՝ յորժամ թափ բարկութեանն սանձակոտոր թռեալ տանէր զնա, և 'ի պայքարս մեծապէս պնդէր, յայնժամ ոչինչ հեշտին էր կենակից կենցաղակից լինել նմա. որպէս զի և որք միանգամ պրանչացեալ իսկ էին ընդ բարսն՝ աննկուն 'ի գրգանաց և 'ի քրտանց և 'ի զօլպքազութենէ, և յայսոսիկ պարկեշտութեան նորա՝ անուն կարդային ժուժկալութիւն և արդարութիւն և արիութիւն, նոքին դարձեալ գժկամակս կենցաղակից լինէին նմա՝ ի քաղաքականս, իբրու գժուռ րաբաւնալի այր և անշնորհ և պերճ: Ուտի և շահ ոչինչ այլ այնչափ կթեն մարդիկ 'ի պարգեաց Մուսայիցն, որչափ հեշտ և հեզ զոնկակից բարսն յարդարելով 'ի վարժից և 'ի կրթանաց անտի, 'ի չափութենէ զանձի և 'ի ծայրայեղ խոտորմանցն

խոյս տալ: Իսկ որ առաւել արդոյ յայն-
ժամ 'ի Հռովմ' եր ինքնին առաքինու-
թիւն մարտից և զինուորութեց. և վկայեն
ևս նոքա, զի յարիութեան անուանեն՝ զա-
ռաքինութիւնն յորջորջեցին. և զի՝ այդ
անուն հասարակ՝ կոչեցաւ և անձին ա-
րիութեանն 2 :

Արդ Մարկիոս մեծապէս հակամի-
տեալ 'ի մրցմունս, անգտին 'ի տղայ
տիոցն մարդէր 'ի զէնս. այլ զմտաւ անեալ
եթէ զէնք մուրացածոյք օգտեսցեն ինչ
ոչ որոց կազմ և պատրաստ չիցեն ընդա-
րոյսն և անկակիցքն, վասն որոյ և առեալ
զմարմինն կրթէր վարժէր յազգ ազգ մար-
տի. վազէր թեթևընթաց, ըմբռնէր բոլուն
անկորզելի, և 'ի գոռին դռնէկուէր ան-
պարտելի. զի և որք այր զարամբ 'ի վեգ
միանգամ գային ընդ նմա յարիութեան և
յառաքինութեան, 'ի պարտութիւն մատ-
նեալք՝ պատճառէին զանվանելին կորո-
վութիւն զմարմնոյն և զանխոնջելին: Ապա
առաջին եւ չորսն նա 'ի մարտ պատերազ-
մի՝ մինչգեռ տակաւին պատանեակ էր. 'ի
ժամանակին՝ յորժամ ընդ Տարկովնիոսի
որ թագ կտպեաց 'ի Հռովմ և ապա տա-
րագիր վարեցաւ, և յետ բազում մարտից
և հարուածոց՝ զվերջինն՝ իբրու ասել՝ ար-
կանէր քուեայ, խաղացին եկին 'ի վերայ
քաղաքին բազումք և 'ի լատինաց և յայլոց
ևս իտալացւոց մարտ գնել կուուել ոչ 'ի
չնորհս ինչ նորա, քան թէ նկուս զՀռո-
մայեցեան առնել, զի խեղային զանգի-

տեալ ընդ բարգաւաճել նոցա : Արդ 'ի նմին մարտի՝ յորում բաղմադէմ՝ փոփոխեցան բախտք յերկոցունց կողմանց, Մարկիոս հզօրապէս կռուեալ յանդիման իշխանապետին, այն ինչ յակն արկանէր զայր հռոմայեցի զգետնեալ մօտ իւր, ոչ զանց արար . եկաց արձանացաւ հանդէպ առն և պաշտպանեալ՝ զախոյեանն տապաւտ արկանէր : Իսկ զօրավարն զյաղթութիւնն տարեալ՝ ընդ նահատական զՄարկիոս պաւկէր պսակաւ կաղնւոյ . քանզի պսակ այսպիսի սահմանեն օրէնք՝ որ զքաղաքացին 'ի մարտի ապրեցուցեալ իցէ : Կամ առ 'ի շուք կաղնւոյ 'ի շնորհս Արկադացոցն՝ որք 'ի պատգամաց աստուծոյն անուն կալան զաղնաիւր . կամ զի կաղնիդ յամենայն իսկ 'ի վայրս հեշտին առ ձեռն կայ զինուորացն . կամ՝ զի պսակ կաղնւոյ նուէրական է Արամազդայ քաղաքապահի, 'ի դէպ ապա տան զայն վասն վերելութեան քաղաքայնոյն : Առ այս դարձեալ՝ տունկ կաղնւոյ 'ի վայրենիան՝ բիւրաբեղուն է պտղովք, իսկ քնտանիան՝ քաջամուր . և էր երբեմն 'ի նմանէն կերակուր՝ կաղնն, և ըմբել՝ մեղրախառնն . և 'ի սպասս ևս կերակրոյ կաղնիդ այդ ընծայէր զբազումս յարօտականաց և 'ի Թռչնոց, զգործի որսոյն յինքն բարձեալ բերելով՝ զոստղն :

Ասեն՝ եթէ 'ի մարտին յայնմիկ երևու թացան և Դիոսկուրոզք 3 . և փութապէս յետ մարտին ձիաւորեալք և սաստիկ ընդ քիրտն մտեալ՝ 'ի հրապարակին աւետէին

զյաղթութիւնն, մերձ առ աղբիւրն ուր
այժմ կայ մեհեան նոցա. ուստի և զօրն
զայն յաղթական 'ի յուլիս ամսեանն՝ նուր-
բեցին Դիոսկուրեանցն : Այլ սակայն
շուք պատուոյ պատանեացն 'ի գէպ ժա-
մու ընծայեալ՝ Թուի Թէ՛ շիջուցանել
բնաւորեցաւ և արագ ընուլ զքաղցն և
զծարաւ՝ որոց միանգամ 'ի վերին երեսս
պատուաւորեացեն. իսկ որք կորովամիտքն
իցեն և քաջամորհուրդք՝ առաւել ևս
յայնժամ յորդորեացին 'ի շուք պատուոյն՝
իբրեւ 'ի հազմոյ իմեմէ շնչեալք՝ նահատա-
կութիւնս ականաւորս 'ի ներքս բերել :
Փանդի ճչ իբրեւ զմրցանակ առնուն զվա-
տակոցն այնպիսիք, այլ իբրեւ գրաւական
տուեալք՝ զամօթի հարկանին այնպէս
լքեալ Թողուլ զփռաւն, և ճչ բարդաւաճ՝
և առնել զնա գործովք իւրեանց : 'ի նոյն
նահատակեալ և Մարկիոս, եգ 'ի մօտ ա-
րութեամբ քաջութեամբ՝ զիւրով իսկ զան-
ձամբ ելևելս առնել նորանոր արդեամբք .
բարդեաց նահատակութիւնս 'ի վերայ նա-
հատակութեանց, և տարաւ մրցանակս 'ի
վերայ մրցանակաց . և զզօրավարս իւր ե-
տես 'ի վէգ եկեալ զվերջինն ընդ առաջ-
նոցն՝ առ 'ի շուք գնել նմա և վկայս փա-
ռաց լինել նմա : Փանդի և քաջ իսկ 'ի
բազմագէտ մարտս պատերազմաց Հռով-
մայեցւոյ Քի ժամանակին յայնմիկ՝ առհա-
տապակ յամենայնէն պատկաւոր գարձաւ
Մարկիոս և մրցանակաւոր : Իսկ եթէ այլք
'ի մարդկանէ զքաջութիւնան վախճանեն

'ի փառս, նա զմօրն հրճուանս կէտ նպա-
տակի փառացն եդ առաջի. քանզի լսել
մօրն զգովութիւն նորա, և պատկաւոր
տեսանել զնա, և 'ի խնդութենէն ար-
տասուել զէրկ ընդ խառն ընդ նմա, այն
էր նմա մեծապէս շուք և երանութիւն :
Ասեն և Շապամինոնդայ ունել զկիրս
զայս առ Ծնողսն. զի և երջանկութիւն
մեծ համարէր՝ եթէ հայր նորա և մայր
կենդանիք՝ յաղթական տեսցեն զնա գար-
ձեալ 'ի մարտէն Լեւգորեայ՝ յորում
զորավարեաց : Այլ Շապամինոնդայ եհաս
տեսանել զերկոսին միանգամայն ցնծա-
լիցս և բաժանորդս գեղեցիկ բախտին. իսկ
Մարկիոս՝ նաև զոր առ հայրն զպարտիս
շնորհացն՝ 'ի ներքս բերելով մօրն, ոչինչ
յագէր շուք գնել Վոլումնիայ և խնձղանս
պատրաստել նմա, առ այս և 'ի Թախան-
ձանացն նորա և 'ի խնդրոյն ած իւր կին, և
ծնեալ ևս որդիս՝ 'ի նմին տան բնակէր ընդ
մօրն 'ի միասին :

Արդ փառս մեծապէս և զորութիւն
ժառանգեալ Մարկիոս 'ի քաղաքին առա-
քինութեամբն, զայնու ժամանակաւ Ծե-
րակոյտն 'ի կողմն եղեալ Ծոխից՝ հերձոյր
ընդ ժողովրդեան, որ գժկամակս բերէին
զվայրենի զկիրս զվաշխառուացն : Քանզի
զսափաւոր մեծատունսն կապտէին վաշ-
խառուք միանգամայն յամենայն գոյից՝ 'ի
գրաւ եգեալ և 'ի վաճառ հանեալ, իսկ
զչքաւորսն բանտարգել առնէին, արք՝ որ
և սպիս բազումս ունէին 'ի մարմինս իւ-

րեանց 'ի մարտից անտի պատերազմաց 'ի վերայ հայրենի քաղաքին . և 'ի վերջէ՝ 'ի մարտն Սաբինացւոց յորդորեցան նոքա խաղալ 'ի խոստմանէ ճոխիցն՝ չափով վարել ընդ նոսա, և խոստմանն երաշխաւոր եկաց իշխան ժամանակին Մարկոս Վաղերիոս 'ի հրամանէ ծերակուտին : Բայց ապա 'ի մարտին քաջապէս կռուեալ նոցա և 'ի պարտութիւն զթշնամիսն մատնեալ, մարգատիրութիւն և ոչ մի տեմին նոքա 'ի վաշխառումն, և ոչ ծերակոյտն ինքնին թուէր յուշ այնուհետեւ զպայմանն ածել. նա և թոյլ ևս տայր միւսանգամ գրաւել և 'ի բանտ վարել, և այնպէս ազմով անհնարին ամբոխից յուզեցաւ 'ի քաղաքին : Իսկ անգուտ ոչ 'ի ծածուկ ինչ գոլով 'ի թշնամեաց խռովութիւն ժողովրդեանն, գիմեցին խաղացին միանգամայն 'ի հուր գատել զգաւտուն : Յայնժամ յարուցեալ հիւպատոսք 'ի մարտ հրաւէր կարգային՝ որոց միանգամ յարբունս հասեալ էին, այլ պատապիսանի ետ և ոչ ոք . և յայնժամ յայտնապէս պատառեր աւազանին : Նէպք 'ի գէպ համարէին տեղի տալ աղքատաց ժողովրդեան և թոյլ առնել խտութեան օրինացն . իսկ կիսոց ներհակաբար եղեն կարծիք, յորոց մի էր և Մարկիոս . որում և ոչ այնչափ ինչ փոյթ էր վասն ընչիցն, այլ յորդորէր զնոսա՝ իբրեւ զմոաւորս փութալ հանդարտել զազմովն, և կարճել զսկիւղն ստահակութեան խուժանին աւօրէնան : Իբրեւ վասն սոցին իրաց 'ի սուղ

առարկա բազում անգամ խմբեցաւ ծերակոյտն և ելա իրացն ո՛չ գտանէր, անդ յանկարծակի աղքատք ժողովրդեանն միահաղոյն ձայն տուեալք միմեանց՝ Թովին լքին ելին 'ի քաղաքէն, հասեալ կալան զԷրան՝ որ այժմ անուանեալ կոչի Նուիրական. և անդ զտեղի կալան առ Անիէն գետովն : Ոչ բռնութիւն արարին, ո՛չ աղմուկ յուղեցին, միայն ձայն բարձեալ աղաղակէին, եթէ ճոխք քաղաքին անգուտտ 'ի հարուստ ժամանակաց վտարանդի արարեալ իսկ էին զնոսա 'ի քաղաքէն. և Թէ՛ Իսաւրիա՝ ուր և իցէ՝ բա՛ օգ. և ջուր տացէ նոցա և տեղի գերեզմանի. իսկ 'ի Հռոմ՝ բնակեալք չունէին այլ՝ բաց վէրս և մահոռնս, մարտ եղեալ և կռուեալ 'ի վերայ ճոխիցն :

Ձահի հարուս ծերակոյտն, և առեալ արձակէր առ նոսա 'ի ծերոց անտի արս աւագա՝ հեղս և ռամկասերս : Իսկ որ 'ի հրեշտակութեանն յայնմիկ յառաջագէմ գտաւ 'ի խօսել, էր ինքնին Մենինիոս Ագրիպպաս. սա շատ յողզք անկաւ առ Ժողովուրդն, և շատ ևս բարբառեցաւ աղտտօրէն 'ի կողմն ծերակեալին. ապա կնքէր զբանսն հռչակելի առական. է՛ր երբեմն՝ տսէ՛ զի անգամք առհասարակ մարդոյն ամբոխ ընդդէմ որովայնին յարուցեալ բողոք բառնային, եթէ նա միայն պարսպորդ անգործ և անհոգ նստեալ կայ 'ի մարմնի, մինչդեռ նոքա առհասարակ պարպեալք շատ ինչ վատտակեն և յողնին լրումն տալ բաղձանաց նորա : Եթեալե-

ցաւ որովայնն ընդ անմեղութիւն նոցա՝ զի
 թէպէտ և զամենայն կերակուրն յինքն
 առնու ամբարէ, այլ ապա առեալ արձա-
 կէ յիւրմէ և բաշխէ զնոյն 'ի մատունս մե-
 սունս մարմնոյն: Ապա յաւելեալ 'ի բանան՝
 ասէր Ագրիպպաս. « Զայս օրինակ ապա
 մի վաղարարցիք՝ է բան Սինկղիստոսիդ առ-
 ձեզ. քանզի 'ի գեղեցիկ անտեսութենէն
 նորա՝ խորհուրդք և գործք ամենեկցուն տան
 և բաշխեն իւրաքանչիւր զպիտանին և զօգ-
 տակարն «: 'ի բանից աստի զիջեալ նոքա
 և 'ի հաշտութիւն եկեալ խնդրեցին 'ի
 Սինկղիստոսէն, և առին իւրեանց արս ա-
 լազս հինգ թուով պաշտպանք 'ի պիտոյս
 իւրեանց, որ անուանեալ կոչին այժմ Ժո-
 ղովդդապետք, այն են՝ Տրիքունք: Ապա
 առաջին ընտրեալ կարգեցան յայնժամ
 Գլխաւորք հերձուածոյն այնմիկ՝ այսորիկ,
 Բրուտոս Եռնիոս և Սիկինիոս Բէլլու-
 տոս: Եւ այսպէս միաբանեալք՝ առհա-
 տաբակ 'ի զէն ընթացան, և կացին զօրա-
 վարք 'ի գլուխ՝ կամակարութեամբ խաղալ
 գնալ վառեալք 'ի մարտ պատերազմի:
 Իսկ անգանձօր Մարկիոս՝ որ գժկամակն
 իսկ էր ընդ զօրանալ խուժանին և ընդ
 նուազել աւազպետութեանն, տեսեալ
 զի և բազումք այլք 'ի պատրկաց համա-
 շունչք են 'ի նոյն միտս, յորդորէր մի նկուն
 յարութեան երևել քան զխուժանն 'ի
 կռիւ մարտի հայրենեացն. այլ քաջ 'ի
 գէմս բերել՝ զի քան յընճաւտութեան՝
 առաւել վէհք իցեն յառաքինութեան:

Արդ էր յայնժամ մարտ պատերազմի նոցա ընդդէմ Վոլուսկեանց ազգին, որոց քաղաք էր երեւելի և մեծ՝ Կորինոլանովն։ Իբրև զայս քաղաք նոցա պատեալ պաշարէր յայնժամ Կոմմենիոս հիւպատոս, անդ նոքա առհասարակ 'ի մի վայր խմբեցան զահլի հաբեալք։ 'ի կողմանց կողմանց խաղային յօգնութիւն ընդդէմ Հռոմայեցւոց, մարտ պատերազմի տաստկապէս տալ ընդ նոսա 'ի հանգիպոյ քաղաքին, և աստի և անտի անկանել 'ի վերայ նոցա։ Հայա Կոմմենիոս յերկուս զբանակն բաժանեալ, կիսովն խաղայր գիմէր ինքն ընդդէմ որ արտաքոյ Վոլուսկեանց հրոսակին, թողեալ զէկէան 'ի պաշարմանն 'ի ձեռս Լարկիոսի Տիտոսի հռոմայեցւոյ՝ առն աւագի և քաջի։ Իսկ Կորինոլանացիք արհամարհեալք զորո անդէն մնացինն, ելին խուժեցան արտաքո 'ի քաղաքէն և անկեալք 'ի վերայ 'ի ժամուն 'ի պարտութի մասնէին զնոսա, և զհետ ևս մտեալք հալածէին զՀռոմայեցիո մինչև 'ի պատնշափակ անդր նոցա։ Բայց անգանոր Մարկիոս գիմեալ սակաւածեռն զնգաւ, տապաստ յերկիր տրկանէր զախոյեանսն, և զյարձակութիւն սանձեալ՝ ձայն մեծագոջ բարձեալ կարգայր զՀռոմայեցիան։ Քան զի և էր իսկ Մարկիոս՝ որպիսի արդեօք կամէր Կատովն լինել զօրականին, ոչ 'ի բազումն միայն և 'ի հարկանելն, այլ և 'ի գոչիւն ձայնին և 'ի գէմն երեսացն ահարկու թշնամւոյն և դժոխումբերելի։ Իբրև շատք ոմանք եկին խռնեցան զնովաւ, զա-

հի հարեալ թշնամեացն ընդ կրօնին գառնային, այլ Մարկիոս զհետ ևս մտեալ վանէր զնոս . մինչդեռ նոքա անկարգ հրոսակաւ 'ի փախուստ խուճապէին, նա վանեաց հալածեաց զնոսս մինչև 'ի գրօնան :

Անդ իբրև յետս նհանջեցան հռոմայցիք 'ի տեղատարափ նետից պարսպացն, և ուրուք 'ի նոցանէն երբէք 'ի միտս անգամ չանկանէր՝ 'ի միաբն ընդ փախառելիցն հորդան 'ի ներքս տալ 'ի քաղաք անդր՝ լի և խուռն 'ի սպառազէն թշնամեաց, Մարկիոս անդէն արձանացեալ քաջաբար խրախոյս 'ի ներքս կարգայր նոցա . իբրև զի 'ի գերեցիկ ժաման՝ քան փախառելիցն՝ հետամտիցն առաւել քաղաքդ աւագիկ առաջի բացեալ կայ : Արդ թէպէտ և նուազունք յայնժամ քաջացան զհետ խաղալ նորա, նա 'ի մէջն խոյացեալ թշնամեացն հորդէր ճանապարհ . սաստկապէս գիմեալ մտանէր ընդ գրօնան 'ի ներքս ընդ նոսս, ուր և ամենեին դժ իշխեաց 'ի գիմի հարկանել նմա կամ՝ զտեղի ունել : Անդուստ գէտակն 'ի վեր տմբառնայր Մարկիոս, տեսեալ զի նուազունք են կարի յոյժ 'ի խուռն անդ բարեկամացն և թշնամեացն՝ օգնականք և նիզակակիցք նորա 'ի քաղաքին, պատմին՝ նորապանչ գործեալ նորա 'ի ժամուն նախճիրս սաստկու թեամբ ուժոյ բազկացն և թեթեւութաց վազելք օտիցն և անվանելի արու թեամբ արաին, օրպէս զի և նկուն զախօյեանն առհասարակ առնելով, զիէսս 'ի նոցանէն վարէր

վանէր մինչև 'ի վերջին ծայրա քաղաքին, և զկէսս գարձեալ վաստակաբեկ պարտաւ սեցուցանէր զէնքնկէց զէնքն թափ լինել, մինչև ժամ պատեհ տայր Լարկիոսի 4, աներկևանու թեամբ արտաքուստ 'ի ներքո զՀռոմայեցիան իազապուցանել:

Իբրև այսպէս տիրացան քաղաքին, և անդ բազմադոյնք 'ի զօրականէն կապուտ կողմ պուտ ըզձանային առնել զքաղաքն, սրտ մտեալ ցասնոյր Մարկիոս՝ ձայն բարձեալ սաստէր. կարի անարժան և գժպատեհ իրք իցեն ասէր, մինչև անգամօր հիւպատոսն և քաղաքացիք նոցա մարտ եգեալ ընդ թըշնամիսն կռուեսցին, նոքա պարապեալք զառ և զապուր ժողովեսցեն. կամ թէ պատճառս զայն առեալ 'ի մարտէն խուսեսցին: Իբրև նուազունք անսացին նմա, նա ընդ իւր առեալ զորս զհետն չոքան, իազաց գիմեաց ընդ նոյն ուղի հատուա ծի բանակին՝ որպէս զիարդ և լուր էառ. խրտխուսէր քաջալերէր զնահատակսն ընդ իւր, և աղաչէր ատէս ազերութի զգիսն՝ մի ապաժաման 'ի կռուոյն լինել, այլ 'ի դէպ ժամուն հասեալ նիզակակից և նահատակակից եղբարցն գտանել: Արդ՝ զայնու ժամանակաւ տվորեցան Հռոմայեցիք, 'ի ճակատամարտին կարգեալք՝ մինչդեռ զասպարն 'ի բուռն առնուլ հանգերձեալ էին, և գօտէպինդք զտառաւորոկն հանգրիւ ճէին, կտակ առնել անգիր և ժառանգս յանուանէ կարդալ լու 'ի լու երկից և չորից արանց: Իբրև յայն գործ պարապէր

զօրականն՝ գէժ յանգիման ճակատու թըշնամեացն, հասեալ ժամանէր Մարկիոս . զառաջինն կէպք 'ի նոցանէն պրտաբեկ լինէին, զի այնպէս ընդ ստկաւուց արանց ա ճապարեաց անգր ողջ յարիւն ապաժոյժ և սաստկապէս ընդ քիրտն մտեալ . իսկ իբրեւ ընթացեալ Մարկիոս առ հիւպատոսն՝ ցնծադին զաջ իւր կարկառէր նմա, և քաղաքին առանն աւետաւոր լինէր, Կոմինիոս գիրկս ածեալ համբուրէր զնա . և առհասարակ լցեալ քաջալերութեամբ՝ որք զնա հատակութիւն զայն զնորա լուան, և որք գարձեալ ընդ միտան նկարէին, ձայն տուեալք խրախուսէին՝ փութապէս ձեւն 'ի դործ առնել 'ի պատերազմ: Ապա Մարկիոս հարցումն առնէր հիւպատոսին, զիմից կարգեալ յորինեալք իցեն զինուորութիւնք թշնամեացն, կամ թէ յորում կողման քաջամարտիկքն ճակատեալ կայցեն . իբրեւ զայն ինչ պատասխանի առնէր Կոմինիոս, եթէ վաշտք Անտիացւոցք քաջամարտկաց կորովեաց և որք արութեամբ քաջութեամբ նոքա զաշխարհ յաչա գնեն, թուի թէ 'ի միջոցին յորինեալք կայցեն, առէ Մարկիոս . “Աղաչեմ և խնդրեմ 'ի քէն, ընդգէժ զվեղ ճակատեցուցես արանցք այգոցիկ” : Զարմացաւ Կոմինիոս ընդ անվեհեր յոժարութիւնն, և շնորհէր նմա անդէն զխնդիրն :

Իբրեւ ժամ նիզակացն լինէր արձակելոյ, և արդնընկէցք տեղընկէցք խաղային նահատակքն, յառաջ գիմագրաւ վազեաց

Մարկիոս, և որ 'ի ճակատուն կարգեալ ղ ոլուակեանք՝ ոչինչ հանգարտեցին առաջի նորա . նա անդէն արագ արագ զիողմն փաղանգին՝ յորում սաստկապէս խառնեցաւ՝ պուլէր և վարատէր : Իսկ իբրեւ որք 'ի Թեան անդ կային, եկին շրջան առեալ 'ի ներքս զայրն փակեցին զինու զարդու, երկեաւ Կովինիոս զի 'ի վտանգ պաշարեցաւ Մարկիոս՝ փութապէս զարս քաջս կորովիս 'ի զօրականէն հատեալ ճեպեաց նմա 'ի Թիկունս : Եւ էր անդ գոռ ահագին տեսանել և սաստիկ 'ի վերայ Մարկիոսի, որպէս զի և արագ յական Թօթափել բազմակոյտ յոյժ գիականց Թաւալ գլոր յերկիր խաղային . և 'ի շտապ մեծի տաքնապին քաջապէս կռուեալ՝ զԹշնամիսն յետս ընդ Կրունկն նահանջէին, մինչև հետամուտք հալածական տարեալ զնուսա, ապա սկսան աղաչել զՄարկիոս՝ զի այնպէս վաստակաբեկ այրն խոնջ և նուաղ 'ի սաստիկ հոսելոյ քրտանցն և 'ի բազում վիրացն՝ վայր մի տեղի տուեալ մեկնեացի 'ի բանակ անդր : Նա արժան չէ՝ ասէր՝ յաղթականացն երբէք վաստակել, և անդէն հետամուտ զկնի փախստելիցն պնդերո Եւ այնպէս հարեալ խորտակեալ և մեացորդաց բանակին նոցա, գիտապաստ բազումք անկան, և բազումք ևս 'ի գերութի վարեցան յայնժամ :

Իսկ յաւուրն երկրորդի եկեալ արձանացեալ Մարկիոս յանդիման հիւպատոսին, էին անդ առ նմա և 'ի զօրականէն,

եւ եկաց հիւպատոսն 'ի բեմն եւ բարեբա-
 նութիւն գեղեցիկ հասուցեալ գից 'ի մե-
 ծի նահատակութեանն, գարձեալ 'ի Մար-
 կիոս կոյս՝ գովութիւն պանչելապէս տայր
 նմա զմրցանացն՝ զոր ինքնին իւրովք իսկ
 աչք ետես 'ի մեծի պատերազմին, եւ զոր
 գարձեալ ինքնին Մարկիոս ճառ արեւալ
 պատմէր եւ վկայէր: Հրաման տայր հիւպա-
 տոսն՝ զի զսասներորդն առցէ յինքն Մար-
 կիոս զերիվարացն եւ զգերւոյն, եւ միանգա-
 մայն իսկ զմեծի աւարին՝ մինչքե բաշխե-
 զեալ զօրականին. թո՛ղ զայս, եւ մրցանակ
 քաջութեանն երիվար նժոյգ վառեալ
 զարդարեալ 'ի ներքս մատուցանէր նմա:
 Իբրեւ առհասարակ ուրախ եղեն ընդ բանն,
 յառաջ մատեաւ Մարկիոս. առնուլ առ-
 նոյր զնժոյգն, եւ շնորհս ունէր բարեբա-
 նութեանցն իշխանին. իսկ զայլ ինչ՝ վարձո
 համարեալ քան թէ շուք պատուոյ՝ չառ-
 նոյր յանձն, իբրեւ սիրելի իցէ նմա զիւրա-
 կանն առնուլ բաժին 'ի բաշխին՝ իբրեւ զմի
 'ի զօրականէն: Ապա յաւելեալ 'ի բանս
 իւր առէր առ հիւպատոսն. “ Բայ՛ իսկ
 շնորհս իմն մեծ խնդրեմ ես 'ի քէն, այլ
 եւ ազալեմ առնուլ: Ե՛ 'ի Վոլուսկեանցդ
 այր ինձ հիւր եւ բարեկամ, այր լաւ եւ բա-
 րի. գա ձերբակալ եղեալ այժմ՝ ընչա-
 վեան եւ երջանիկն՝ արդ 'ի ծառայից կտրդ
 անցեալ կայ: Եւ արդ յազէտս վշտաց գո-
 րա 'ի բազմադէմն՝ զմին զայն դիւրեացես
 նմա. մի վաճառակուր լինիցի ”:

Զայս տաաց, եւ ձայն ազազակին բազմ-

րացաւ վասն Մարկիոսի . և քան որք ընդ քաջութիւնն ահառակութեանն, բազումք այն էին՝ որ յոյժ սքանչացան ընդ մեծութիւնն ոգւոյն՝ զոր ոչ պարտեաց արծաթ : Քանզի և որք սակաւ մի յառաջ խեթիւ հայէին ընդ նա վասն մեծաշուք պատուոյն, նոքին դարձեալ վկայեցին՝ եթէ տուգաւ պէս արդեօք արժանի դառաւ դա առնուլ զմեծամեծսն, զի ոչ էառ . և քան զնահառակութիւն՝ որով արժանի դառաւ, մեծ ևս համարեցան զառաքինութիւնն՝ որով արհամարհեաց զմեծամեծ պարգեան : Եւ արդեօք՝ քան զքաջապէս վարել զինուոյն, գեղեցիկ ևս իցէ բարիօք վարել զինչսն . իսկ քան զվարել ընչից՝ վեհագոյն ևս է ոչինչ ցանկալ ընչիցն : Ապա իբրեւ ձայնք լռեցին ամբոխին, խօսել սկսաւ Կովնիոս և ասէ . “Դուք ինքնին ո՞վ նիզակակիցք, ոչինչ կարէք արդ. բուռն առնել առնն՝ ի պարգևոյ յայդոսիկ՝ զոր չառնու և չկամի : Օ՛ն մեք՝ զոր ոչն կարասցէ մերժել, պարգև զայն տացուք դմա . տացուք վճիռ՝ զի անոռն կարդասցեն դմա Կորիողանոս . եթէ արդեօք և նահառակութիւնդ ինքնին զայդ նախ քան զվեղ չէ՞ տուեալ դմա” :

Եւ յայսմանէ նա երրորդ անուամբ կոչեցաւ Կորիողանոս . ուստի և քաջայայտ է՝ եթէ յերից անտի անուանցն սեպհակառն նմա Գայիոսն է, երկրորդն՝ Մարկիոս, հասարակ տան կամ զարմին . իսկ երրորդն զոր կարդացին նմա՝ ի վերջէ՝ յայնպիսեաց անտի է որ մակձայնին՝ ի պատճառս նա .

Հասակութեան ինչ կամ բազդի, կամ
կերպարանաց մարմնոյն կամ առաքինու-
թեանն. ըստ որում Հեղինայիքդ բնաւ
բեցան՝ մականուանս իմն կոչել ըստ նա-
հասակութեան արդեանցն, որպէս Սփեր՝
Փրկիչ. և Կալիսիոս՝ Բարեբազմ : Ըստ
կերպարանաց մարմնոյն՝ որպէս Փիսիոս՝
Քաղութեզ. և Գրիգոս՝ Արծաւանկն : Ըստ
առաքինութեան ոգւոյն՝ որպէս Եւերգե-
սիոս՝ Բարեգործ. և Փիլատեղիոս՝ Եղբայ-
րասէր : Իսկ ըստ գեղեցիկ բազդին, որպէս
Եւդիմոս՝ Բարեբաասիկ, մականուն երկրոր-
դին՝ ի Բաստասցւոց (արքայից Կիւրենեայ) :
Իսկ և ի կատակաց մականայնեցան Թադա-
ւորք. ըստ որում Անտիգոնոս անուանե-
ցաւ Դոսոն, այն է՝ Տաց, (զի խոտտանայր
և ոչ տայր). և Պազումեոս՝ Լափոս, այն է՝
Շաղախատա : Զնոյն օրինակ վարեցին առա-
ւել և Հռոմայեցիք. ըստ որում ի Մեռե-
ղեանց անտի զմի ոմն անուանեալ կարգա-
ցին Տիափեմադոս. քանզի բազում ժամա-
նակ կեղս ունելով բոլորիւք ինչ պատեալ
կապէր զճակատն : Դարձեալ և զայլ ոմն
անուանեցին Չէլեո, զարմացեալք ընդ ա-
րազութիւն հանգերձանաց առն. քանզի
փաւթապէս յոյժ կարգեաց միջանոց գամ-
բանական զՄենամարտիցն՝ յետ առուրց
սակաւուց վախճանի հօրն : Եւ մինչև ցալ
սօր ժամանակի նորա անուն կարգան մար-
գոյ՝ և ի գիւղաց ծննդեանն : Քանզի Փրո-
տուս կոչեն զմարդ՝ որ բացական գոլով
հօրն ծնեալ իցէ. և Փոստոմոսոս՝ որ զկնի

վախճանի հօրն : Դարձեալ և վրդիւտուս , որ յերկաւորեկաց ծնելոց մին կենդանի մնացեալ իցէ 'ի մեռանել միւտոյն : Դարձեալ և մականուանս ունին նոքա ըտտ հանգամանաց մարմնոյն՝ ոչ միայն ՍԻԼՎԱՅ և ՆԷԼԵԻ , այլ և ՉԻԷԻԻ և ՔԼԱՓԻԻ . այն է՝ ԿՊՐՔ և ԿԱՂՔ . և իմաստութեամբ գործեն . մի առ անարգանս և առ թշնամանս ինչ ունել զկուրուութիւն աչացն կամ զխեղութիւն անգամոցն , այլ կարգալ ևս զնոսա այնպէս իբրու սեպհական իւրեանց անուամբն : Այլ այսպիկ այլում մատենադրութեան արդեօք թող ի իցեն :

Բայց յայնժամ յետ վճարելոյ մարտին , խաղմարաբ խուժանին անդրէն միւս անգամ ազմուկ յարուցանէին , ոչ նոր ինչ ունելով պատճառս զգրգռութեան և սողիւտ իրաւացի , այլ բարուրս ամբոխից ընդդէմ պատրկացն զկարևոր ազէտան պատճառեցին՝ որ յառաջին հերձուածոյ անտի : Քանզի բազումք այն էին յանգառ տանաց՝ որ անմշակ և անսերմն խոտանալսն . և 'ի մարտին ստկս՝ այլուատեք ոչինչ հեշտեալ պատրաստեցան ամբարք : Ուստի և սով մեծ յաջորդեալ զինի և վաճառք ցորենոյ նուազեալ , և թէ էր ևս՝ պակասեալ և արծաթ 'ի գնել , սկսան խաղմարաբ չարախօս զճոխիցն լինել և բիծս կարկատել , իբրու որք քինախնդիրք առաջին թշնամութեանցն՝ կամաւ . նոքա սովալլուկ զժողովուրդն առնիցեն :

Զայնու ժամանակաւ դային հասանէին

հրեշտակք 'ի վերելարացւոց անձնատուրք
'ի Հռովմայեցիս . ազալէին՝ դազլԹական
մի առնուլ արձակել 'ի քաղաք անդր նո-
ցա . քանզի սրածուծիւն սատարիկ ճարա-
կեալ 'ի նոսա՝ հարուած և ապականու-
ծիւն գործեաց, զի և հազիւ ուրեմն տառ
ներորդ մարդկանն նշխարեալ մնացին :
Յայնժամ մտաւոր մարդիկն ըստ պիտոյից
քաղաքին և 'ի գէալ ժամու համարեցան
զարկածն վերելարացւոց . քանզի և Հռով-
մայ պէտք էին ԹեթեալԹեան խուժանին
յայնժամ 'ի մեծի կարօտուԹեանն . միան-
գամայն և ակն ունէին 'ի բաց զազմուկան
փարատել չփոԹից՝ մաքրեալ զքաղաքն
յազմկայոյզ որերոյն՝ իբրեւ 'ի խոհեաց ա-
պականչաց : Ապա հիւպատոսք 'ի համար
դազլԹականին գրեալ զնոսա, արձակէին
'ի բաց . և այլոց դարձեալ հրաման կար-
գային զօրաժողով լինել ընդգէմ վոլու-
կեանց, զի այնպէս ապա հատցեն զպատ-
ճառս խոռովուԹեանց . զմտաւածին՝ եԹէ
միանգամայն 'ի զէն զինուորեալ նիզակա-
կիցք ճոխք և աղքատք, ժողովեզականք և
պատրիկք, այնպէս հեղաքար և գեղեցիկս
վարեացին առ միմեանու Սակայն ամբարձաւ
Սիկիննիոս 'ի ժամուն, ամբարձաւ և Բրու-
տոս՝ խաղմարաք ժողովեզեան, կացին և բռ-
ղը բարձին՝ իբրեւ գործ անագորոյն 'ի ներքս
բերեն հիւպատոսք . անուն դազլԹականի 'ի
բերան առեալք հեշտ և բազմալի՝ 'ի վիհ
գողցին ամբաւ աղէտից առեալ խարդա-
կանն նոքա զաղքատս ժողովեզեան . 'ի

քաղաք մի առեալ արձակեն՝ որ օգոցն ժանտութեամբ մահահոտ վարակեալ իցէ, և ՚ի բազմակոյտ անթաղ գիականցն հիւքացեալ իցէ, անդ երթալ բնականից ումն լինել օտարի և ռիսերիմ և մարդախանձ Գալլի. և իբրու եթէ շատ ոչ իցէ կիսոցն խուժանին օովամահ կորնչել, և կիսոցն սրածութեանն մատնել, նոքա և մարտ ըստ քմաց գրգռեն պատերազմի. զի միանգամայն խիլ յամենայն ազէտս եկեալ պաշարեսցի քաղաքն, զի չէառյանձն սպաս ճոխիցն հարկանել: Իբրև զայսօրինակ բողոք բարձեալ հեղին լին ՚ի լուր խուժանին, անաստեալ հետեցին նոքա զօրաժողով հրամանին հիւպատոսաց, և ոչ ևս ՚ի չու գաղթականին խլրտեցան ինչ:

Անգանօր Մինկղիտոսն ՚ի վարանս տարակուսի վասն բանիս այսորիկ, Մարկիոս պերճութեամբ ճոխացեալ՝ որ և խորհուրդս յածէր բարձրագոյնս և մեծամեծս, և սքանչացեալ ևս էր յաւագանւոյն, յայտնի լըէմ գարձեալ խաղմարարացն, անդէն տայր արձակել զգաղթականն ՚ի օպառնալ լիս սաստիկ պատուհասի՝ առհասարակ զամենեւեան որոց միանգամ ել վիճակն: Սակայն ՚ի մարտ պատերազմի գլխովին լծընկէց անաստեալ խուժանին, առեալ ընդ իւր Մարկիոս զիւր արդանեակն և զորոս հաւանեցոյցն, նոքօք հանգերձ ասպատակ սփռէր յերկիրն Անտիացոց. անդ ամբար գտեալ ցորենոյ և աւար յոյժ զանանոց և զգերեաց, ոչինչ պահեալ ան-

մինն՝ դարձ արար 'ի քաղաքն հանդերձ զը-
րականաւն՝ որ բարձեալ բերէին զաւարն
զայն զմեծ : Յետեալ այլոցն զլիութիւնն,
սարժանային՝ զի ոչ խաղացին ընդ նոսա,
և խեղային ևս . խանգացան և ընդ Մար-
կիոս , խանգացան ընդ փառս զօրութեան
նորա , իբրեւ որ բարդաւածեւ առն՝ զեան
գործեացէ խաւժանին :

Ապա յետ սովաւուց իբրեւ հիւպատո-
ռական բարձին հետամուտ ընկեր Մար-
կիոս , բազումք այն էին՝ որ կուսակիցք էին
նոսա . և խաւժանն ինքնին զամեթի հարկա-
նէր՝ եթէ աւագ այն այլ զարմու և առա-
ջինութեամբ բարձերէց ընդոսնեալ ան-
սպողեացի յետ մեծաց նահատակութիցն :
Քանզի և սովորութիւն էր որոց միանգամ
բարձին հետամուտքն էին , իջեալք 'ի հրա-
պարակ անդր՝ մազլութել 'ի ժողովարոց , պատ-
մուճան արկեալ զանձամբ անշապիկ . կամ
զի առաւել խոնարհ և նկուն կերպարա-
նաւն առաջի ժողովարեանն 'ի գէմս բերել
զմազլութանն . կամ զի յազաւարոցն կէսք
սպիտ վերաց 'ի մարմնոն ունելով մերկա-
պարանոց արասցեն զայնոսիկ իբրեւ նշա-
նակս յայտնիս իւրեանց քաջութեանն :
Քանզի այնպէս գօտելոյծ և անշապիկ հրա-
պարակեալ ազաւարին այնմիկ առաջի
քաղաքացեացն , չէր այնուհետեւ կասկա-
ծելի՝ կաշառարեկ զոք առնել արծաթով
և ընծայիւք : Զի և հարուստ ժամանաւ
կաց զկնի՝ 'ի ներքս սողեցին սպրդեցին վա-
ճառաշահութիւնքս այգդիկ . և գնաց

այնուհետեւ արծաթն և խառնեցաւ ընդ քուէայն յատեանս ժողովոց, և անգուտս յառաջագէժ խաղաց կաշառաբեկութիւց և 'ի տունս գատաստանաց և 'ի բանակս զօրաց, և բռնացաւ 'ի վերայ քաղաքին . քան զի զգէնսն նկուն արար պարտեաց արծաթն . ուստի և գեղեցիկ ասաց՝ որ ասացն, եթէ՝ Նա առաջին տապալեաց զժողովուրդն, որ առաջին կոչնատէր եղև նմա և պարգևատու : Եւ ասկա տակաւ և ոտըն խթի այս կիրք սպրդեցին, սակայն և ոչ անգէն նշաւակեցան 'ի Հռոմ . քանզի և գիտեմք իսկ ոչ ո՞ր առաջին 'ի նմա օրինակ զայս կաշառաբեկ արար զժողովուրդն կամ զատեան գատաստանին . ըստ որում որ առաջին յԱթէնս արծաթ մատուց գատաւորաց՝ ասեն զԱնիւդոս Աթենքիոհեան, այն՝ որ ամբաստանեցաւ իբրեւ մատնտու Պիւղոսի՝ 'ի կատարած մարտին Պեզոպոննի սեան, յորում ժամանակի տակաւին՝ Ալեքսի և հրապարակ անշաղախ՝ էր տեսանել 'ի Հռովմ քաղաքի :

Արդ անգանօր սպիտ բազումս 'ի մարմին իւր ցուցանէր Մարկիոս զբազում պատերազմաց, բնաւից վեհագոյն նահատակեալ զամս եօթնևտասն 'ի զինուորութե . և Հռովմայեցիք մեծապէս երեսս առնէին առաքինութեան առն, բանս արկեալ խօսէին ընդ միմեանս՝ իբրու որ պատրաստագոյնք իցեն շուք գնել առն և ընտրել զնա : Այլ իբրեւ օր ընտրութեանն հասանէր, և ինքն 'ի հրապարակ իջանէր մեծաշուք փա-

ոգի յառաջոյ զգաա ունելով զՍինկզիտո-
 սին՝ պարառեալ 'ի պատրկացն . և յայտնի
 էր ամենայն տեսանելեացն , զի յոյժ խնա-
 մոտք և ժիրաժիրք երևեցան նորա վասն
 Մարկիոսի . իբրև զայն ինչ յակն արկանէր
 խուժանն , խորշեցաւ սարտեաւ և միւս-
 անգամ՝ ուծանայր 'ի Մարկիոսէ , նա և
 խեթիւ ևս հայէր ընդ նա՝ գուցէ այնպիսի
 դէպք տաւագլխեալսն և իշխանտպանծ 'ի
 պատրկեալ՝ յանկարծ բարձին այնմիկ տէր
 եղեալ , գլխովն այնուհետեւ յազատու-
 թենէն անբաժ կացուացէ զժողովուրդն :
 Ապա զայս զմտաւ ածեալ՝ հերքեալ մեր-
 ժեցին զՄարկիոս . և իբրև 'ի տեղին զայլս
 անուանեցին , ծանրացասումն լինէր Սինկ-
 զիտոսն , իբրու որ քան զՄարկիոս՝ ինքն
 առաւել թշնամանեցաւ : Իսկ յայնժամ
 Մարկիոս ոչինչ գեղեցիկ և հեղաբար տա-
 րաւ կրիցն . քանզի և էր իսկ բնաւորեալ
 առաւել աստա տանել ցասմնականին և
 սանձակոտոր մասին ոգւոյն , զոր մեծան-
 ճնութեան մասն համարէր և արիութիւն .
 և ոչ ևս 'ի հանճարոյ բանին և 'ի գաստիա-
 րակութեանն մարդից՝ զպերճութիւնն և
 զհնգութիւնն ամոքեաց , որ ընդ միմեանս
 խառնեալ և պատշաճեալ զքաղաքականն
 'ի ներքս բերեն զառաքինութիւն բազմա-
 գոյն մասամբ . և ոչ գարձեալ խելամուտ
 եղև նա՝ եթէ որում զհասարակաց գոր-
 ծոցն բուռն հարեալ իցէ և կենակից կեն-
 ցաղակից մարդկան լինել հանգերձեալ ի-
 ցէ , նախ քան զամենայն պէտք են նմա

փախչել յանձնապաշտութենէ , այն՝ որ Բնակակից միայնութեան է , որպէս Պզտտոն ասաց : Դարձեալ և պէտք են նմա՝ սիրող անյիշաչարութեան լինել և ժայժուանել 5 , թէպէտ և շատք այսպէն արարեալ ծիծաղեացին :

Այլ նա ցանց նոյն և մի կացեալ , և աննկուն և անողոքելի , կարծէր իմն այնպէս՝ եթէ բնակիցն յաղթել և 'ի վերոյ կալ՝ գործ արութեան քաջութեան , և ճշկիլք առաւել իցեն մեղկագէտ և տկար , որ 'ի խոնջ և 'ի վատեալ մասնէ անտի ոգւոյն՝ իբրև փուք և այտումն 'ի վեր զհրաշունչ բարկութիւնն փորատեալ գիղացու ցանիցէ . ուստի ապա և լի անհնարին խռովութեամբ և բազմաւ խեթիւ ընդգէմ խռժանին՝ այնպէս տեղի ետ մեկնեցաւ 'ի վախաց անտի : Իսկ յայնժամ երկտասարդք 'ի պատրկաց՝ քաջութեամբ զարմին յառաջագէմք 'ի քաղաքին՝ բարձրապարանոցք և ամբարտաւանք , որ միշտն յօրանային 'ի Մարկիոս , և 'ի ժամուն առաւել ևս յանգուցեալք յարեցան 'ի նա . և ճշ 'ի լաւութեան ինչ սակս եկեալք առ նա գառնապէս ախտակիցք կարեկիցք , այնպէս սաստիկ ևս վառէին զհուր բարկութեան նորա : Քանզի և էր իսկ նոցա 'ի բանակի զօրաց Մարկիոս միանգամայն և զօրավար և վարժապետ 'ի մրցանոն , ձգէր ընդ միմեանս և այր զարամբ վառէր զնոսա 'ի նահատակութիւնս աննախանձաբար :

Զայսու ժամանակաւ գայր հասանէր 'ի

Հռոմ քաղաք ամբար մեծ ցորենոյ գնեալ յիտալեա . ոչինչ պակաս և 'ի Սկրակու-տայ՝ յգեալ 'ի պարգև 'ի Գեղանե բռնաւ-րէ : Ուստի և բազումք յայնժամ գեղեցիկ յուսով ակնկալեալ մնային՝ եթէ 'ի միա-սին ընդ կարօտութեանն և աղմուկք շփո-թից սեղե տացեն 'ի քաղաքէն : Արդ 'ի մի ժաշք խմբեալ ծերակուսփն, և անդ ամ-բոխն խռնեալ պրտաքոյ՝ ակնկալեալ ելից խորհրդոյն՝ մնային գիւրացի այնուհետեւ պատրաստել իւրեանց ցորեան, իսկ զպար-գեականն ձրի անշուշտ բաշխել ժողովոյ-դեանն . քանզի և 'ի ներքա յասենին՝ էին էին որ զայս թելադիր լինէին Սինկղիտ-սին : Արդ 'ի մէջ արձանացաւ Մարկիոս՝ սաստկութեամբ յարձակեալ կշտամբէր զժողովրդասերսն, և մարդելոյք խուժա-նին կարգալք զնոսա և մատնառութեամբ ակա-տութեանն, իբրու որք հակառակ ան-ձանց իւրեանց դարմանեալք անուշանիցեն նորա սերմանս իմն մահահոտս զխեղութեան խուժանին . որ զի լաւ էր անդէն 'ի քողոքն փութալ խամրել զնոսա . ոչ յորացուցանել ճոխութեամբ զխուժանն՝ որ արդ աւագիկ գամադիտ յամենայնի ահ արեանէ, և բուռն առնել նմա երբէք չէք հնար . և ոչ հիւպատոսացն անգամ լսէ դա, և յանդիմանութեան՝ զսիրտս իւր սեպհականս կարգոյ իւր իշխանո :

Արդ յաւելեալ 'ի բանն ասէր Մար-կիոս . " Եւ արդ տալ զձիւ ընծայաբե-րութեանցս այսոցիկ և բաշխից, զոր հե-

ընդ տվորեցան գործել՝ առ որս լոկ ըն-
կերհաշտութիւն է, խեղութեան խու-
ժանին ճարակ է 'ի սպառնապուռ կործա-
նումն հասարակաց: Քանզի ոչ եթէ շնորհս
համարեսցին նոքա զայն և յանցանացն նե-
րումն՝ որով անաստեցին գոքա յարշա-
ւանան, և վտարանջեալք թողին լքին և
մատն եղեն հայրենի քաղաքին, և զգամ-
բասանան ընդդէմ ծերակուտին լուան և
ընկալան. այլ թէ մեք առ ահի երկիւղի
շնթեմք նոցա և ընձեռեմք գոցա յայտալի
սեաց աստի, ակն ևս կալցեն գոքա ցանդ
մերում քաղցրութեան, և ապերասան
կրկն վախճան երգէք չարացեն և հեր-
ձուածոցն և ամբոխիցն: Վասն որոյ և մե-
ծի անմատութեան իրա կարծեմ ձեռն տալ
բանիդ այդմիկ: Իսկ արդ՝ եթէ խելս 'ի մեզ
խառնել կամք իցեն, բարձցուք զժողովոր-
գապետութեան կարգ գոցա՝ որ տապալէ
աւագիկ զհիւսկատոսացն զաւագութիւն,
և երկիւղեղեալ հերձու զքաղաքդ 'ի գե-
ղեցիկ միութենէն՝ որպէս էր երբեմն յա-
ռաջնմէ, և կրճիմն արկանէ 'ի մեզ՝ հա-
մաշնչութեանս մերոյ և միարանութեանս
մերոյ, անգուլ զազէտագ և զխռովութիւնդ
ունելով առ միմեանս": Իբրեւ շատ ինչ
յայտախեաց աստի բարդառեցաւ Մար-
կիոս, և 'ի նոյն բորբոք սքանչելապէս յան-
գուցանէր առհասարակ զերիտասարդան,
և վայրիկ մի և զճոխս քաղաքին առհասու-
րակ, որք ձայն բարձեալ աւագ այր զՄար-
կիոս կարգային 'ի քաղաքին՝ ակոյեան

անպարտելի և անբաժ. 'ի մարգահանոյ
կրիցն : Սակայն 'ի ծերունեաց կեդք՝ կան-
խաղեալք հանդերձեւոցն ընդդէմ դարձան
խորհրդոյն : Եւ արդեօք ոչինչ 'ի լաւաց
պատահեցան յետ այնորիկ :

Քանզի ժողովեղապետք՝ անդ մերձ կա-
ցեալք յատենին՝ տեսին եթէ յաղթեաց
խորհուրդն Մարկիտոսի, 'ի գուրս վաղեալք
խուճապեցան 'ի խուժան անգր, ձայն
բարձեալ խորհոյս առհասարակ կարդային
ձեռն տալ նոցա : Իբրեւ բաղմութիւն խըռ-
ներալ չուրջ կացեալ պատեցին զնոսա, և
նոքա զՄարկիտոսինն՝ բան 'ի բան պատմե-
ցին ոչով, վայրիկ մի ևս ամբոխ ժողովըր-
դեանն 'ի պատմութիւն բարկութեան
խուժէր անկանէր 'ի ներքս 'ի ծերակոյտ
անգր, այլ հանգարտեցին ժողովեղապետք-
միայն զՄարկիտոսէ բողոք բարձեալ առա-
քեցին կոչել զնա՝ գալ յանդիման պա-
տախանի տունել վտան անձին : Իբրեւ նա
Թշնամանօք մերժեաց զպատուիրական ,
ինչնին նոքա չղքան հանդերձ համբարա-
պետքն բռնի տունուլ ածել զնա : Այն
ինչ ձեռն մեռաւ 'ի նա, յարեան միաբան
պատրիկք 'ի զորավիզն նմա, յետս ընկըր-
կեալ վանեին զժողովեղապետան, և հա-
րուածս ևս 'ի վերայ համբարապետացն
գնեին : Եւ ապա այս աղմուկ անհնարին
լուեաց յայնժամ, քանզի երեկոյն 'ի վե-
րայ հասեալ կայր : Իսկ այն ինչ յաչա-
լուրջս աւուրն տեսին հիւսկառոյք՝ զի խու-
ժան ժողովեղեան դառնապէս սրտմտեալ՝

'ի կողմանց կողմանց 'ի հրապարակ անդր ընթանայր խռներ, զահի հարեալք վասն քաղաքին՝ 'ի մի վայր զԾերակոյտն խմբեցին. խրատ տային 'ի խորհուրդ մտանել ամոքել հանդարտել զԺողովուրդն հեղու թեան բանիւք և մարգասեր կարգօք. զի թէ երբեք զգօնք իցեն և առաքինիք՝ չէ ժամն ասեն վասն փառաց պայքարելոյ, այլ 'ի բազմավասնոց մահահամբոյր ժամանակին խորհուրդ 'ի ներքս խառնել արժան է՝ ներդուլթեամբ լի և մարգասկրութեամբ: Իբրեւ բազմագոյնք հաւանեցան ընդ բանն, ինքնին նոքա եկեալք առ ժողովուրդն՝ բանս ամոքս 'ի մէջ արկեալ խռսեցան, և գեղեցիկ ևս զամբաստանութիւն 'ի բաց քերեցին, և չափաւոր ևս խրատս և գանգատ 'ի ներքս արկին նոցա: Իսկ յազագս ցորենոյն գնոյ և այլոց վաճառոցն, բան մի՝ ասեն՝ ամենեկին և արժան չէ խտել իբրեւ շաղք 'ի խուժանէն ամոքեալք հանդարտեցին, քանզի և համեատ և լռիկ ունկնդրութեամբն 'ի գէմս բերին նոքա զհեղանալ սրտին և զյանկչել. յարեան ապա ժողովեալապետք և ասէին, եթէ՝ չափաւորութիւն գեղեցիկ զայդ ցուցեալ Ծերակուտին, այնուհետեւ և ժողովուրդք տեղի տացեն նմա 'ի գէպն և յարժանն: Սակայն խնդրեն՝ զի Մարկիտս ինքնին յանգիման լիցի պատասխանի առնել վասն անձին, և ասել՝ եթէ ոչ ինքնին տադրեալ ինչ իցէ Ծերակուտին խռով հարկանել 'ի քաղաքին և ոտնհար ժողովեղեանն լինել:

և թէ՛ ինքն անսաստեալ ճշ իցէ 'ի կոչ ժողովրդեանն . և թէ՛ ապա 'ի հարուածոյ անտի և 'ի թշնամանաց համբարապետացն յատենին՝ ինքնին խրովսանն պատճառք ըստ իցէ խաղմին այնորիկ և զինուորու թեան խուժանին : Զայս ինչ խնդրեցին նոքա 'ի նմանէ , կամ զի նկուռն առաւել երեսցի Մարկիոս՝ և զքուսոյ բարուցն հարեալ ընդոանեացէ զգոռողութիւնն՝ ապա հարեալ ժողովրդեանն . կամ թէ ինքն անկակից ապերասանութեամբն յոգն կացեալ՝ անշէջ այնուհետեւ զհոլր վառեալցէ զբարկութեան խուժանին . և վերջնոյն մանաւանդ ակն ունէին նոքա՝ ուղղապէս խելամուտ եղեալ բարոյից առնն :

Արդ եկն եւ Մարկիոս՝ իբրու պատառ խանի վասն անձին առնել . իբրեւ առհասարակ 'ի լռութիւն դարձան ունկն գնել նմա , նա յանգիման որերոյն՝ որ բանս հեշտ և ողորաւոր մնային լսել 'ի նմանէ՝ խօսել տկաւ խոշորս և ասանակոտորս , և բանս գատախաղս . և քան պարզերես պատասխանատուութիւն՝ առաւել ևս որոտաւ ձայն էր բարբառն , և գիտակ երեսացն անժպիտ և խոժոռագէմ՝ բարձրայօն և արհամարհոտ , մինչքեռ անգուստ գադնացեալ մզձկէին ժողովուրդք , և ամենայն բան բերանոյ նորա գժոխըմբերելի էր նոցա , և ծանրացստումն լինէին 'ի խօսել նորա : Յայնժամ Սիկիննիոս խրոխտ և խիզախ 'ի ժողովրդապետն՝ իբրեւ վայր մի խօսեալ ընդ բարձակցացն , եկն արձանա

ցաւ՝ բարբառեցաւ 'ի ձայն բարձր, եթէ ժողովրդապետք ինքնին մահու դատակնիք ետուն Մարկիոսի . և անդէն հրաման տայր համբարապետացն, առնուլ ածել զնա 'ի ծայր բարձրաւանդակին, և անդուստ փուլ թապէս 'ի վայր 'ի վիհ անդր հոսել զնա : Իբրեւ համբարապետք դիմեալք ձեռն միեցին 'ի նա, անդանօր և շատից 'ի խուժանէն քատմեղի երեւցաւ գործն և յայրատագոյն : Իսկ պատրիկք յայնժամ համբուն յայլ խելս եղեալք և 'ի ցաւոցն մեղձեալք, մեծապէս սաստկութեամբ և ազաղակաւ դուրս թողուալ դիմեցին ձեռն տալ նմա . կէպք բազուկ 'ի գործ առեալ՝ վանէին մերժէին զորս 'ի բուռն ունէին զՄարկիոս, և առեալ թափէին զնա յիւրեանս . և կէպք մատուցաւ տատանեալ յողորք խուժանին անկանէին : Եւ, քանզի յանհնարին աղմուկ չփութից ոչ բան բաւական էր և ոչ ազաղակ, ապա բարեկամք և կարեւորք ժողովրդապետացն տեսեալ՝ եթէ զՄարկիոս 'ի վայր պատուհասին ածել չէր հնար առանց կոտորածի շատից պատրկաց, ածին հաւանեցուցին զնոսա բառնալ 'ի պատուհասէն զգժպհին և զգժոխմբերն . մի բուռն առնել նմա, և մինչև փութիչն 'ի գլուխ ելեալ՝ մի 'ի մահ վարել զայրն, այլ ապաստան զբանն 'ի քուեայս առնել խուժանին :

Յայնժամ հանդարտեալ Սիկիննիոս, 'ի մէջ եկեալ հարցանէր զպատրիկան, յոր դէմն նոքա զՄարկիոս 'ի ձեռաց հանեն

խուժանին՝ որ պատուհասած է գմա : Իսկ
և պատրիկք ընդդէմ դարձեալ հարցանելին.
“ Եւ գուք ինքնին յոր գէմս 'ի պատու-
հաս անագորոյն և անիրաւ այնպէս վարէք
զայր լաւ հռոմայեցի և զքաջ, մինչքն կըն-
քեալ իրաւանց գատաստանին “ : Ետ պա-
տասխանի Սիկիննիոս և ասէ . “ Արդ անգէ,
բարուր և ոչ մի կացցէ խառվութեան ձեզ
առ ժողովուրդդ . զձեր խնդիր դա ձեզ
շնորհէ աւագիկ, զի օրինօք գատ վարեսցի
նորա : Եւ քեզ ինքնին ո՞վ Մարկիէ, պա-
տուէր տամք յանդիման լինել հրապարա-
կին յաւուրն երրորդի . եթէ քո ինչ ա-
նիրաւեալ ոչ իցէ, քաջ խի խելամուտ
արասցես զքաղաքացիագ, որ քուեայտ ար-
կեալ դատենն զքեզ “ : Հաւանեցան պատ-
րիկք ընդ պայմանն, և առեալք զՄար-
կիոս յիւրեանս՝ մտադիւրագոյնս մեկնեցան
'ի վայրաց անախ :

Այլ 'ի ժամանակի անդ աւուրցն ե-
րից հանգիպեալ համախմբութեան, (և
առնեն հռոմայեցիք զհամախմբութիւնն
զայն յամենայն ինն աւուրս, և կոչեն նո-
քա զայն Նոնդինայս) . արդ յայնժամ
ալկն ունէին պատրիկք զերծանել Մար-
կիոսի 'ի գատաստանէն 'ի պատճառս ար-
շաւանին ընդդէմ Անտիացոց, և թուէր
ձգել երկայնել արշաւանին . որպէս զի և
խուժանին հեղանալ և զհուր բարկութեն
կարձել կամ թէ իսպառ շիջուցանել վասն
անպարապութեանն և մարտի պատերազ-
մին : Այլ իբրև փութանակի 'ի հաշտու-

Թիւն բերեալք ընդ Անտիաքիսն՝ դարձան յետս, լի եղեն ահիւ պատրիկք, և առանք յաճախ խմբեցան. դուք գործէին՝ զինորդ զՄարկիոս ապրեցուցանել, 'ի նոյն և 'ի խաղաղութեան զժողովոգապետան և զժողովուրդն պահել: Յայնժամ Ապպիոս Կղաւզիոս այր կարծեալ յոյժ ուսմիա տեսց' բողոք բարձեալ վկայութիւն գնէր, եթէ անձամբ անձին նոքա տապալեալ քաղեսցեն զՍինկղիտոսն, և յազէտ ամբաստապաշարեսցեն զքաղաքն, եթէ երբէք նոքա զիջեալ իշխան զժողովուրդն գործեսցեն տալ քուեայ ընդդէմ պատրկաց: Իսկ որք առաւել հինաւորոյց էին 'ի պատրիկս և ուսմիասէրք, ներհակաբար ունէին զկարծիսն, եթէ ոչինչ արդեօք դժնդակ և անհամբոյր, նա հեզ և հանդարտ և մարդասէր յարդարեսցի խուժանն յիշխանութենէ անտի: Քանզի ոչ եթէ արհամարհեալ անարգէ դա զծերակոյտդ, այլ կարծէ իմն այնպէս արհամարհեալ առ 'ի նմանէ. վասն որոյ և 'ի շուք պատուոյ և 'ի միսթարութիւն եղիցի դմա դատաստանդ այդ. որպէս զի և յառնուլ իւրում 'ի բուռն զքուեայսն, անդէն և 'ի բարկութենէն զիջեալ հեզասցի:

Արդ տեսեալ Մարկիոսի՝ զի 'ի վարանս տարակուսի պաշարեալ կայ Սինկղիտոսն, քանզի և մարդասիրեալ խնայէր 'ի նա. դարձեալ և երկուցեալ զանգիտէր 'ի խուժանէն, հարցանէր ցժողովոգապետան՝ զինչ ամբաստանութիւն ունիցին նոքա ա-

սեւ զնմանէ, կամ ժամն ինչ իրաց 'ի գա-
տապտան անեն զնա առ ժողովուրդն . իբ-
րե նորա պատասխանի ետուն, եթէ բըռ-
նաւորութիւնն է ամբաստանութիւն միաւ-
սուն, և անշուշտ նա բռնանալ հաստա-
տեալ է 'ի միտա . անգէն վազվազակի յա-
րուցեալ՝ մտադիւրագոյնա՝ ասէր՝ այնու-
հետեւ երեւել ժողովրդեանն, պատասխանի
առնել վասն անձին . քանզի և ոչինչ խոյս
տայ յամենայն կարգէ գառապտանին և ոչ
գարձեալ յամենայն պատուհասէ՝ եթէ
երբէք ըմբռնեալի 'ի յանցանո . “ Բայց
թէ՝ ասէր՝ զայդ միայն ամբաստանութիւն
կապիք գութ զնէն, և մի ստեղծեք Ծերա-
կուտիք ” : Իբրեւ հաւանեցան ընդ ապ-
մանն, ապա թոյլ եղև գառապտանին . իսկ
իբրեւ 'ի մի վայր խմբեցաւ խուժանն, անգ-
նորա առաջին բռնն պարբն, զի ոչ ըստ
խմբին . այլ ըստ ցեղին եղիցի քուարկու-
թիւնն . և քան զընչեզսն և զականաւորսն
և զգինուորեալսն, ամբոխ աղքատացն և
խաղճարարացն և որոց լաւութեան փոյթ
ինչ չէ նոցա՝ նախապատիւք յառաջ արե-
ցեն զքուսայսն : Բայց նորա զամբաստա-
նութիւն բռնաւորութեան միասուն 'ի
բաց թողեալ՝ զոր ոչն կարէին ցուցանել,
գարձեալ միւսանգամ զնոյն բանսն յուշ
ածեալ յեղեղեցին՝ զոր յառաջագոյն
յատենի խորհրդոյն ասացեալ իսկ էր Մար-
կիոս : և զի՝ արդեւ խափանեաց զգիւրա-
գնի վաճառել ամբարոցն . և զի՝ խորհուրդ-
եա տայր նա ինքնին լուծանել քակել միան-

գամայն զժողովրդապետութիւնն 'ի առեւ
կէն Հռովմայ:

Դարձեալ և նոր ամբաստանութիւն
ամբաստանէին զնմանէ, այն՝ զի բաշխեաց
բաժանեաց զկապուտ կողոպուտն՝ զոր
հան նա 'ի սահմանաց Անտիացւոյն. շէրեր
մատոյց 'ի հասարակաց գանձարանն, այլ
բաշխեաց եւս զորականին որ ընդ իւր: Իսկ
'ի վերայ աշտոբիկ՝ ասեն, եթէ կարի յոյժ
'ի խոր խոցեցաւ Մարկիոս. քանզի ոչինչ
ակնկալեալ տպասէր, և ոչ ևս անգէն առ
ձեռն գտան նմա բանք՝ խելամուտ առնել
զխուժանն. այլ իբրեւ 'ի գովութիւն էառ
նա զզորականսն՝ որ ընդ իւր չղբան, խռո-
վեալք խեղային ընդ նա. քանզի բազմա-
գոյնք այն էին՝ որ ոչն չղբան ընդ նմա:
Այլ 'ի վախճանի՝ յորժամ զքուսեղան
ետուն ցեպն, երիւք չափ աւելի՝ տեղի
եգիտ գատապարտութիւնն. և եր պա-
տուհատ գատակնըոյն նորա՝ վտարանգու-
թիւն 'ի քաղաքէն անգարձ:

Այդ 'ի հրապարակել գատակնըոյն,
երբէք 'ի յաղթութիւնս մարտից պատե-
րազմաց ոչինչ այնպէս հրճուեալ ցնծա-
ցաւ խուժանն, որպէս յայնժամ խնդա-
ցեալ և խայտալըվ 'ի բաց մեկնէր 'ի վայ-
րաց անտի: Իսկ զգաս Սինկղիտոսին ցառ
սաստիկ և սրտառուչ առեալ գրաւեր.
ատրջացաւ ասպաշաւեաց և թաղծէր, զի
ոչ յառաջագոյն զամենայնն միանգամայն
գործեաց և կրեաց, մինչև զթշնամանսն
զայն թշնամանեալ էր 'ի խուժանէն, որ

այնչափ իշխանութիւն 'ի մեռա առեալ
 ճոխացաւ : Իբրեւ այս եղև, այնուհետև
 ընտրել ճանաչել զոր 'ի քաղաքին՝ ոչ
 պատմութեանաց ինչ հանգերմից պէտք էին
 կամ այլոց ինչ նշանակաց, այլ անգին
 արագ յայտնի էր ամենայն տեսանելացն,
 եթէ որ խնդայն՝ 'ի ռամկէն է. և որ թագ
 ծեալն կայ՝ 'ի պատրկաց անտի է : Բայց
 ինքն Մարկիոս անդարհութիւ կայեալ
 մնացեալ և աննկուն՝ միանգամայն և 'ի
 կերպարան անմին և 'ի ճեման և 'ի քաղան
 և 'ի գէմն երեսացն, առհասարակ 'ի նոսա՝
 որ վտահար ընալ էին՝ ինքն միայն իւրում
 անմինն երևեզ անկարելից այր : ոչ եթէ
 'ի հանձարոյ ինչ բանին կամ առ 'ի հե-
 ղութենէն : և ոչ գարձեալ՝ զի գեղեցիկ
 չափով բերելի զկիրս աղետիցն, այլ նկուն
 'ի բարկութենէն եղեալ և 'ի ծանրացա-
 տուն գրաւեալ կրից, զոր՝ բազումք այն
 են որ չգիտեն՝ եթէ ցաւոց կիրք են : Քան
 զի յորժամ 'ի պատմութիւն փոխարկի
 ցան իբրու հրավառեալ, յայնժամ զհի-
 քութիւնն 'ի բաց յիւրմէն գնէ և զվա-
 տութիւնն. և յայսմանէ ժիր երևի բար-
 կացեալն և արի, բոտ որում և ջերմին՝
 տապացեալն տենգիւ. քանզի յեռանդան
 ընդ յայնժամ հոգին և կորովանայ և ուռ-
 նու և փքանայ : Եւ արդեամբք վաղվաղա-
 կէ եցոյց Մարկիոս զկիրան զայն զհոգւոյն.
 քանզի մտեալ 'ի տուն իւր՝ գիրկո ածել
 մօրն և կնոջն որ կոծէին և աշխարհին և
 գառնապէս արտասուս հեղութիւն. նա խորա-

խուսէր զնոսա համբերութեամբ տանել ժամն, և փութապէս ելեալ 'ի տանէն յուզի անկանէր 'ի գումն քաղաքին, և յայն վայր ուզեկիցք նմա էին առհասարակ պատրիկք. անգանոր Մարկիոս ոչինչ առեալ 'ի նոցանէ և ոչ խնդրեալ ինչ՝ այն պէս ել արտաքս 'ի քաղաքէն, առեալ ընդ իւր զերիս կամ զչորս յարգանեկաց խորոց:

Ապա զոնքն առեալ առուրս սակաւ 'ի կալուածս արարոց խորոց՝ անդ յուզէր Ժփայր 'ի խորհուրդս բազմագէմս, սագրեալ 'ի պատմութենէ բարկութեն, ոչ գեղեցիկ ինչ և կամ պիտանի ինչ ոմանելով զկէտ նպատակին. այլ քուքայր և հնարս հնարէր քինահան Հռոմայեցւոյն լինել: Ապա հատտատեցաւ 'ի միտս՝ ահագին գոռ պատերազմի և մարտ սահմանակից յուզել շարժել ընդդէմ՝ նոցա: Եւ չորաւ առաջին առ Վոլուակեանսն, իբրու որք տակաւին հարուստք էին նոքա և յազթք զորութեամբ և ընչաւետութեամբ. և զայն ևս զմտաւ ածէր՝ եթէ որ սակաւ մի յոռաջ աղէտք հարուածոցն, քան վատել զնոսա՝ առաւել մոլեգինո և զայրազինս յարգաբեցին զնոսա: Արդ էր յայնժամ 'ի քաղաքին Անտիաքոց Տիւղզոս անուն Ամֆիգիոս՝ այր առաջ ընչաւետութեամբ և քաջութեամբ և հոյակապ զարմին՝ իբրեւ թաղաւոր կարծեալ 'ի մէջ ամենայն Վոլուակեանց: Գիտէր իսկ քաջ Մարկիոս՝ զի առաւել քան զամենայն Հռոմայեցիս տանայ նա զնա. քանզի թող զայն՝ զի բա-

զում անգամ նորա այդ ընկերի ազաւան-
քն ածեալ և ձայն տուեալ էին միմեանց
մեծապանծ՝ բոտ որում քաջամարտիկքն
յերկատարդաց հետամուտք փառաց, 'ի
վերայ այդ և թշնամութիւն առանձին էր
նոցա ընդ միմեանա։ Եայդ ամենայնի վե-
րայ տեսեալ Մարկիոս զի այդ մեծանձն է
Տիւղղոս և մեծախորհուրդ, և առաւել
քան զքաղաքակիցան ինքն մեծապէս մնայր
քաջագիպութեան ժաման՝ հանել 'ի հռ-
մայեցաց զփէժ տուգանացն, ինքնին եւ
վիայութիւն այնմ՝ որ ասացն. "Ընդգէմ"
բարկութեան մարտ եղեալ կռուել գոյն,
գակ է. քանզի զոր և կամեսցի նա՝ և կե-
նօք չափ գնեսցէ"։ Քանզի արկեալ զիւրե
զգեստ և հանդերձանս իմն այնպիսի յան-
ժանութիւն 'ի տեսանելեաց, իբրու Ոգիւ-
սեւ "Չգբաւ եմուտ 'ի քաղաք անգր ա-
րանց թշնամեաց" 6 :

Եր ժամ երեկոյին, և թէպէտ և բա-
զումք հանգիպեցան՝ այլ ոչ զք ծանեաւ
զնա։ Այդ գէմ եղեալ գնայր Մարկիոս
'ի տուն անգր Տիւղղոսի. և անգէն մտեալ
'ի ներքս՝ յառաջեաց նստաւ առ կրակա-
րանին լուս և անշուշ, և անգէն կայր
հանգարտիկ քաղաքի գլխով։ Չարմեցան
ընտանիք, այլ ոչինչ իշխեցին 'ի բաց մեր-
ժեւ զնա. զի և կերպարունն և անշուշ
լուսութիւնն պատկառելի գործէին զնա.
ապա չորան պատմեցին Տիւղղոսի զգանն,
մինչդեռ նա բազմեալ կայր յինթրիս։
Եարեաւ Տիւղղոս և մատուցեալ առ Մար-

կիոս՝ հարցանէր ո՞րք իցէ և զի՞նչ պէտք ի-
ցեն նմա: Յայնժամ Մարկիոս քաղաքէրծ-
եղեալ, և վայր մի լռիկ կացեալ՝ բարբա-
ռեցաւ և ասէ. « Եթէ տակաւին և գու-
նով Տիւղդէ շնանալես զիս, և զոր տեսա-
նեսդ՝ չհաւատաս, հարկ է ապա անձամբ
անձին ծանօթս տալ: Ես ինքնին իսկ եմ
Գալիոս Մարկիոս, որ տուգանս ածի ան-
հնարինս՝ ի վերայ Վոլուպեանց. և մեկա-
նունդ իմ զոր բարձեալ բերեմ՝ Կորինթա-
նոս, ո՛չ ինչ ներէ ինձ յուրաստ լինել զայդ:
Բազմագէժ՝ քրտանց և վտանգացն ոչինչ
այլ տարայ մրցանակ, բայց կնիք իմոյ առ-
ձեզ թշնամութեանն զանունդ զայդ:
'Այդ միայն կայ մնայ ինձ աւագիկ անգըր-
ժեղի. այլն ամենայն բարձաւ յինէն՝ ի
մախանաց և ի խեռութենէ խուժանին,
և ի վատութենէ և ի մատնութենէ աւա-
գանւոյն և իմոց բարձակցաց: Արդ աւա-
գիկ վտարանդի եղեալ իմ՝ եկի առ քեզ
ողորատոր ընդ քոյին մարգակօք. ո՛չ աներ-
կեանութիւն գտանել անձին և կամ փրո-
կութիւն, (քանզի առ ի՞նչ ապա եկեալ
էր իմ այսր, եթէ երբէք երկուցեալ էր ի
մահուանէ), այլ ի ցանկութենէ ձգեալ
վէճիսնդրութեան տարագրողացն. և դա-
մագիտ լինիմ՝ զքեզ ինքնին տէր աւագիկ
իմոյ առնելով անձին: Արդ եթէ մարտ
խնդրես պատերազմի ընդ քոյ թշնամիս,
գործի ի՞նչ ձեռն՝ ո՞վ քաջդ՝ զաղէտս իմ
առցես դու. և յիմ ձախողակ բախտէն
բազդ գեղեցիկ պատրաստեսցես առհա-

տարակ Վոլուակեանց : Մարտ եղեալ
կռուակաց 'ի վերայ ձեր այնչափ լաւ եւ՝
քան ընդդէմ ձեր, որչափ ինչ քան զան
տեղեակսն՝ լաւ եւ մարտիցեն որ տեղեակքն
իցեն իրաց Թշնամեացն : Ապա եթէ հա-
մայն եւ այսպէս ոչինչ քաջալերեացիս, չեն
ե ինձ կամք այլ զարե տեսանել, ե ոչ քեզ
ինչ գեղեցիկ իցէ ապրեցուցանել զայր մի՝
երբեմն քեզ Թշնամի եւ մարտագիր, ե զար-
գիս՝ քեզ անշահ եւ անպիտան : Զայսո-
սիկ լուեալ Տիւղզոս՝ մեծապէս յանձն
իւր զուարճանայր, ե կալեալ զաջոյն նո-
րա, ասէր. " Արի ո՛վ Մարկիէ, ե քաջա-
լերեաց գու. քանզի անձնատուր լինելով
քո մեզ՝ մեծապէս բարի պատրաստեցեր
մեզ. այլ մնա՛ գու ակնկալեալ մեծ եւ
բարեաց 'ի Վոլուակեանց աստի " : Ապա
տուեալ մարդասիրապէս ժողովէր զնա. ե
յառուրան յայնտակ խորհուրդ 'ի մէջ առ-
նուին նոքա ընդ միմեանս վասն մարտի
պատերազմի :

Բայց անգամոր 'ի Հռոմ քաղաքի ազ-
մուկ յուզէր պատրկացն ընդ խուժանին,
առաւել եւ 'ի պատճառս դատակնքոյն
Մարկիոսի : Առ այս դարձեալ ե հրէշս
իմն գիւցականս ահաբեկս զհամբաւի հար-
կանէին իղձք ե գուշակք ե քահանայք ե
ստակականք. յորոց զմին ասէն՝ օրինակ
զայս : Էր յայնժամ Տիտոս Լատինոս ա-
նուն ոմն՝ ոչինչ ականաւոր 'ի միջակայնոց
անտի որերոյն. հանդարտեալ առանձինն,
ե մեկնեալ 'ի անապաշտուԹեհնէ ե առա-

ևեւ եւ յամբարտաւանութենէ : Սմա եւ
 բեութացեալ Արամազդ, հրաման տայր
 երթալ ասեւ Սինկղիտոսին, եթէ 'ի նաւի
 րական հանգիսին յոռի զոմն կարաւիչ
 արձակեցն նմա յառաջոյ եւ անհամբոյս
 յոյժ : Իբրեւ տեսիլ զայն ետես, զառաջինն
 ոչնչ փոյթ տարաւ Լատինոս՝ որպէս ա-
 տեր . այլ իբրեւ կրկնեալ եւ երեքնեալ տե-
 սիլն՝ անփոյթ լինէր, մեռանէր որդի մի
 նորա լաւ եւ ընտիր, եւ անգամք հօրն յան-
 կարծակի լուծեալք հաշմէին : Ապա բար-
 ձեալ այրն 'ի վերայ շալակի եւ եկեալ առ
 Սինկղիտոսն եւ պատմեալ զտեսիլն, ասեն՝
 եթէ վաղվաղակի հաստատեցան անգամքն,
 ե յարուցեալ գնայր ինքնին եւ ընթանայր :
 Լի եղեն սքանչելեօք աւագանին, ե ճրչ-
 գրիտ քննութիւն 'ի վերայ կարգեալ ի-
 րացն հաստատութե, գտին օրինակ զայս :
 Զծառայ իւր տուեալ ուրումն 'ի ձեռս
 ծառայակցացն, հրաման տայր ածել զնա
 'ի հրապարակ անդր 'ի հարուածս գանից,
 ե ապա օպանանել զնա : Նոքա մինչդեռ
 տանէին զնա գանեալ եւ խարաղանեալ,
 նա առ 'ի ցաւոցն ընդ ամենայն կողմն ծա-
 մածուեալ գնայր եւ շարժէր, գեղոր եւ
 դալարէր անհեթեթս եւ անհամբոյս . անդ
 ըստ դիպաց զհետ նորա հանգիսացեալ
 գայր թափօր, ե բազումք 'ի հանգիստակա-
 նացն մեծապէս գովամակ լինէին ընդ ան-
 նուէր տեսիլն եւ ընդ անհամբոյր շարժ-
 մունան . սակայն ե ոչ ոք վրէժխնդիր լի-
 նէր, միայն յիշոցս ե նզովս արձակէին ընդ-

գէտ տանուտեառն վասն դառնապէս պա-
տուհապին : Քանզի անդ ուրեմն հինքն
Հռոմայեցւոյ հեղուծին բազում ցու-
ցանէին առ ծառայս , և ինքնագործք լի-
նէին , և մտերմագոյնս և համբոյրս վարէին
ընդ նոսա և կենակից կենցաղակիցք լի-
նէին ընդ նոսա : Եւ յանցաւոր ծառային
մեծ ևս պատիւ պատուհապին յայնժամ
այն էր , ապա տանել նմա արտաքոյ ընդ
մերձակայ վայրան զվայսն կառաց՝ որով
հաստատեալ պնդեն զքեզին : Քանզի ծա-
ռայ 'ի պատուհապին յայնմիկ տեսեալ
քնտանեացն և 'ի մերձաւորաց , անբաժ-
'ի հաւատոյն էր այնուհետե . և անուան
կարգալին նմա Փառլիճեո , այն է՝ Երկ-
մասնարեր . զի զոր հելլենացիք Իփոդա-
դիս կոչեն և Սդիոփիլոս , այն է՝ Մոլթ և
Նեցուկ , Հռոմայեցիք ասեն՝ Փառփա
այն է՝ Երկմասնի : Ապա 'ի պատմել Լա-
տինոսի նոցա զտեսիլն , և 'ի նոցա վարա-
նելն վասն անհամբոյր և յռի կաքաւքին՝
յառաջոյ գնացեալ Թափօրին , կէսք յայն-
ժամ յուշ ածէին զգծօխըմբերն զայն պա-
տուհաս ծառային , զոր այնպէս խարազա-
նեալ վարեալ ընդ հրապարակն՝ ապա
սպանին զնա : Իբրեւ յայս ինչ միաբանե-
ցան քահանայք , պատիւ պատուհասի 'ի
վերայ տանուտեառնն կապեցին . իսկ ըզ-
Թափօրն զայն և զհանգէսան անգրէն նորո-
գապէս կատարեցին ատուածոյ :

Այլ Թուի Թէ Նումաս՝ իբրեւ ամենի-
մաստ հեղինակ պաշտամանցն նուիրակա-

նայ, յոյժ գեղեցիկ օրինադրեաց նոցա 'ի բարեպաշտութիւն և զայն՝ զի 'ի կատարելանդ իշխանաց կամ քահանայից յաստուածայնոցն տօնից, յառաջոյ քարոզն 'ի ձայն բարձր գոչեացէ. Հօ+ անէ, այս է՝ Զայդարմ: Որով և պատուիրէ նա՝ 'ի նուիրական յայն պաշտօն միայն ուշ ունել, և ոչ այլ ինչ գործ 'ի նոյն խառնել, և ոչ դարձեալ յայլ ինչ պէտտ անպարապանալ. իբրու որ շատք այն իցեն 'ի գործոց մարդկան, որ 'ի հարկէ և բռնի յանդ ելեալ կատարեցին: Բայց բնաւորեցան Հռոմայեցիք միւսանգամ գառնալ կատարել զնոյն զոհսն և զհանգէսս նուիրականա՝ ոչ միայն 'ի մեծաց պատճառաց, այլ և 'ի գուզնպէից: Քանզի եթէ երկվար մի 'ի ձգողաց անտի զնուիրական կառան՝ զոր նորա կոչեն Թիսսա, խոնջ և պարտաւնալ երևեսցի, տապէս եթէ և կառավարն ահեկան զերասանական կալեալ իցէ, զձիռաային միւսանգամ հանդիսին: Այլ և առ վերջնովքն՝ կրկնեցին և երեքկնեցին և չորեքկնեցին ևս զնոյն զոհ մինչև ցերեսուն անգամ, քանզի ցանգ թերութիւն կամ խոչընդոտն թուէր նոցա հանդիպեալ 'ի նմա: Ա՛յսչափ ինչ պատկառ կային Հռովմայեցիք բարեպաշտութեանն յաստուածակողմն անդր:

Իսկ անդուստ Մարկիոս և Տիւղդոս դադտաբար բանս 'ի մէջ արկեալ խօսէին ընդ մեծի աւագործրոյն՝ մարտ պատերազմի յարդարել ընդդէմ Հռոմայեցւոց, մինչ-

գեռ. նոքա զազմկան գային ընդ միմեանս : Այլ իբրև աւագորեարն ընդգէմ՝ գառնաք՝ քանզի գուշ պատերազմի պայմանեալ էր երկամեայ, յայնժամ պատճառք կռուայ 'ի վեր երեւցան 'ի Հռոմայեցւոց անտի . քանզի 'ի կասկածանաց կամ թէ 'ի բանաստեղծենէ գրգեալ նոքա՝ ետուն քարոզ կարգալ 'ի թատերա և 'ի մրցանա, զի առհասարակ վշտւակեանք որ գտանիլ ցին 'ի Հռոմ՝ ելլին արտաքս մինչև արեւուն մեռալ իցէ : Վէպ ասեն՝ 'ի գառնայն Մարկիոսի հանգիպեալ բանին, սուտ ամբաստանեալ վասն արանցն՝ իբրու որք 'ի ժամու անդ թատերացն միաբանեալ իցին անկանել 'ի վերայ Հռոմայեցւոց և 'ի հուր գտաւ զքաղաքն : Արդ 'ի քարոզէ տառի սաստիկ գրգռեալ վշտւակեանք, անգուտ և Տիւղղոս անցուցանէր զբանն և սաստիկ ևս գրգէր զնոսա . և 'ի վերջէ հաւանեցուցանէր ևս զնոսա՝ առաջել խընդրել 'ի Հռոմայեցւոց զսահմանն և զքաղաքն՝ զոր հատին նոքա 'ի վշտւակեանց 'ի մարտի պատերազմի : Իբրև զայն լուան Հռոմայեցիք 'ի հրեշտակաց անտի, 'ի ցասումն բրդեցան . ետուն պատասխանի՝ զի թէպէտև առաջինք 'ի գէնո գիմագրաւս, ցին վշտւակեանք, վերջիք եղիցին Հռոմայեցիք 'ի բաց գնել զգնան :

Ասա ժողով մեծ 'ի մի վայր խմբեալ Տիւղղոս, և սահմանեալ մարտ պատերազմի, խորհուրդ տայր անգանօր կոչել և Մարկիոս՝ 'ի մոռացոնս զարիան գարձու.

ցեալ որ 'ի նմանէ անցին ընդ նոսա . զի նիզակակէց նոցա այնուհետեւ գործով քան զառաջին տուգանան՝ օգուտ առաւել գործեացէ նոցա : Իբրեւ կոչեցաւ Մարկիոս , և 'ի մեծի հրապարակին յանդիմանեցաւ նա 'ի խօսել խրուժ՝ կորովի 'ի բանս և 'ի զէնս , և զգոն միանգամայն և սրտեայ , առեալ կարգեցին զնա 'ի միասին ընդ Տիւղզոսի 'ի զօրավար մարտին ինքնատէր իշխանութի : Այլ Մարկիոս զանդիմանալ՝ եթէ երկաբաձգել հանդերձանացն խոչ և խռթ առ գեղք խորհրդոցն եղիցի , ճեպէր առ ձեռն զուսգան քաղաքին և զիշխանս 'ի զօրածու զովն և 'ի հանդերձանան , և ինքն խրախոյս տուեալ կորովեացն՝ համարութիւ չառնելով կամակարուծեամբ խաղալ ընդ նմա , չու արար անկաւ յեղակարծումն ժամու 'ի ոահման երկրին Հռոմայեցւոց՝ մինչդեռ ակն չունէր և ոչ ոք . և զտանէ աւար բազում յոյժ , զի և հնար չէր զամենայնն միանգամայն բառնալ տանել , կամ թէ 'ի պէտս Վոլսակեանց բանակին անգէն ճախել սպառել : Բայց Մարկիոսի յապաւտակին յայնմիկ ժոյթ ինչ չէր բազմահաճ բար աւարոյն և մեծի աւերածոյն ոահմանին Հռովմայեցւոց , այլ կէտ նպատակի էր նորա 'ի բանին յայնմիկ՝ ընդ պատրիկս ձգել զխուժանն գրգռութեամբ : Քանզի 'ի կապտել կողոպտել զկալուածսն , մեծապէս խնամով պահէր անվթար և անգործելի զպատրկացն արարա : Վասն որոյ և յերկուց կողմանց սատիկ յուզեցան

հեռք և դրգումութիւնք . այն ինչ պատրկիք բազմք բարձեալ առ խաւժանն վասն անի բառ վաարանդութեան առն քաջի, և խաւժանն ընդգէմ բարկեր զդատրկիւն, և թէ ինքնին նորա յեշաշարութեամբ առաքել զին կոչեցին 'ի գործ անգր զՄարկիոս, և յաջոյն կուտել' նորա 'ի զին կացեալ բազմին . զի զնոյն կուխ ունին նորա արտաքոյ պահապան մեծութեան և գոյից իւրեանց առհասարակ :

Զայս ինչ 'ի գլուխ տարեալ Մարկիոս, և առաւել ևս քաջաւորեալ զՊոլուսկեանն արհամարհել զԹշնամիան, գարձառ եկն լի աներկեանութեամբ : Իբրեւ արագ արագ զբաւժողով եղին Վոլուսկեանք կամակարութեամբ հանդերձ, և տակաւ յոյժ արուարացաւ բանակ նոցա, կարգեցին տահմանեցին զկէս բանակին Թողուլ անգին 'ի պահպանութիւն քաղաքայն, և զկէսն խաղացուցանել ընդգէմ Թշնամեացն : Յայնժամ Մարկիոս 'ի կաման Յիւզղոսի ապառաան առնէր զբանն . և Յիւզղոս ոչինչ պակաս 'ի քաջութեան քան զինքն տեսեալ զՄարկիոս և գեղեցիկս յաջողեալ յամենայն 'ի մարտս, արձակէր զնա 'ի կռիւն և ինքն ընտրէր անձին զտեղի ունել 'ի պահպանութիւն քաղաքայն, և անդուստ պատրաստել նմա զդէտս բանակին : Ապա մեծաւ զորութք Մարկիոս չու արար խաղաց գնաց' գիմեաց առաջին 'ի քաղաքն Վիքիէոն' գաղթական հասնայեցւոց . իբրեւ նորա մտադիւր անձ

նատուրք ընեին, ոչինչ զնաանայ նոցա : Անտի խաղաց յաւարի առնուլ զգաւթոն Լատինաց . ակն ունէր՝ եթէ անգանոր ընդ նմա 'ի կռիւ կազաւոցեն Հռոմայեցիք 'ի վերայ Լատինաց նիզակակցացն՝ որք և ըստէս 'ի զօրավիգն կոչէին զնոսա : Այլ քանզի վատաստեալ էր նոցա, և հիւսաւ տոսացն ինքնին ժամանակ սակաւ 'ի վերայ կայր 'ի բաց զշէտանութիւնն գնել, ոչինչ կամեցան նորա վտանգել զանձինս, և պատուիրակք Լատինացն դատարկածեալինք դարձան : Այլա Մարկիոս հորդան տուեալ 'ի քաղաքս նոցա, և սասակապէս զօրութեամբ հասեալ կարեալ զՏոլերինացիս, և զՎիկանացիս, և զՊեգանացիս և զՊղանացիս՝ որք ընդգէմ՝ դարձան նորա, 'ի գերութիւն վարեաց զմարդիկն և զինչս նոցա յաւարի առնոր : Իսկ անձնատուր որերոյն խնամ մեծապէս ածէր, և բնաւ իսկ անգրժեղե պահեալ զնոսա՝ 'ի բացեաց յոյժ 'ի նոցանէն բանակ հարկանէր և ըզգուշանայր գաւառին նոցա : Իբրեւ յաւարի էառ նա և զՊալլաս քաղաք՝ ոչինչ աւելի քան զհարիւր տասարեղ հեռի 'ի Հռովմայ, և աւար բազում աւարեաց 'ի նմա և զամենայն զօրաւորս նորա գողցես առեալ խողխողեաց, և Վալուսկեանք 'ի քաղաքաց քաղաքաց իրախաւեալք զինու զարդու հասանէին առ Մարկիոս, իբրեւ որ միայնակ առաջնորդ զօրավար կայցէ նոցա, յոյժ ապա զհամբաւի հարկանէր Մարկիոս որջոյն ընդ Իտալիս, և յոյժ պրան

չացաւ անուն քաջութեան նորա, որ 'ի փոխել տեղովէ 'ի տեղի միոյ միայնոյ առն՝ փոփոխութիւն նորապքանչ 'ի գործան 'ի ներքա արկանէր:

Բայց Հռոմայեցւոցն իրք յանկարգութեան կային, և երբէք խրախուսեցան ոչ 'ի վէգ դաւ ընդ նմա, հանապազոր 'ի համաշնչութիւնս ամբոխից թեակոխեալք և 'ի պայքարս այր ընդ ընկերի. մինչև լուր առին եթէ զլափնիոն պաշարեալ պատեցին թշնամիք՝ վայր աւանդից հայրենի գիցն Հռոմայեցւոց, ուստի և զիւրեանց ծաղումն գիտէին նոքա, առաջին քաղաք գաստակերտ Էնէասայ: Անդ էր ապա տեսանել պքանչելի և յեզակարծ փոփոխումն մտաց զխուժանին, և յոյժ օտարախորթ և անկարծ՝ զպատրկացն: Խուժանն ըղձակաթ յայնժամ առ Մարկիոս, գարձ անգատապարտ խնդրէր զնորա կրկին 'ի քաղաք անդր. իսկ ծերակոյտն 'ի խորհուրդ մտեալ ըզէմ գարձան և արգելին: Կամ զի պնդեալք էին նոքա ցանգ հակառակ ամբառնալ կամաց խուժանին. կամ զի ոչինչ կամեցան եթէ շնորհս նոցա կալցէ Մարկիոս վասն գարձին. կամ զի թերեւատեցին ևս զնա, իբրու որ ոչ յամենեցուն հարստահարեալ առհասարակ ամենեցուն չարիս հասուցանիցէ, թշնամի ամբարձեալ հայրենի քաղաքին՝ յորում լաւորեարն և աւագ ախտակից կարեկից են նմա և 'ի միասին թշնամանեալք ընդ նմա: Այլ զխորհուրդ զայս զծերոցն կար

գացեալ 'ի հրապարակին, ոչնչ այնուհետեւ բաւական եղե խուժանն քուեայս արկանել և սահման կարգել՝ մինչև հրամայեալ 'ի Սինկղիտոսէն: Իբրեւ այս ամենայն ազգումն հասանէր առ Մարկիոս, գառնացաւ յոյժ և 'ի խոր խոցեցաւ. եթող ելլէր զպաշարումն, 'ի սրտմտութիւն մեծ բարկութեան չու արար խաղաց գէտ ուղիզ գիմեաց 'ի հռովմ. և անդ մերձ 'ի խրաման Նիլեան բանակ հարկանէր քառասուն ասպարիսօք 'ի բացեայ 'ի քաղաքէ անտի:

Իսկ յերևելանդ Մարկիոսի՝ արհաւիրք մեծամեծք և ամբոխ շփոթից սրտաբեկեալ դրաւէր զքաղաքն. սակայն և երկպառակութիւն հերժուածոյն լուծալայնժամ. քանզի և ոչ յիշխանացն դք և ոչ 'ի ծերոցն դք ոչ ժողջաւ այնուհետեւ ընդգէմ գառնալ 'ի գարձուցանել զՄարկիոս. այլ անդ յակն արկեալ զկանանին յոյսկոյս յայնկոյս վաղիւք ընթացեալ ընդ քաղաքն, անդ և զծերունիսն գաս գաս գերարտօսբալնց 'ի մալթանս հետեւեալ 'ի մհհհհհհհ, և զքաղաքայինսն առհասարակ բեկեալ լուծեալ վարանեալ առ ելս փրկութեան անձանց, քաջ իսկ ասլա 'ի վերայ կացին՝ եթէ գեղեցիկ խորհրդով հակամիտեցաւ խուժանն հաշտ առնել զՄարկիոս. իսկ Սինկղիտոսն ինքնին խորհրդակորոյս գրտաւ. յորժամ հանդարտելն լաւ էր, յայնժամ սրտմտութեան բարկութեանն ըսկիցն առնէր և յեշաչար կրիցն: Ասլա հա

Ճոյ թուեցաւ առհասարակ հրեշտակու-
թիւն առնուլ առաքել առ Մարկիոս՝
հրաւիրակ գարձին 'ի քաղաքն և աղաչա-
ւոր՝ հանգարտել 'ի գոռոյն : Եւ էին ա-
ռաքեալքն առ նա 'ի Ծերակոտէն՝ մոռ-
րիմք նորա . անկալեալ մնային անգէն յե-
րեւել նոցա մարգարէր ասպնջականութեան
և հիւրամեծարութեան առ 'ի Մարկիոսէ՝
որում և ընտանիք իսկ էին նմա և կարեւորք
Սաղայն վեփաբալք 'ի յուսոյն, ածեալք
ընդ մէջ բանակի թշնամոյն և հասեալք
առ նա, գտանէին զնա բազմեալ պերճ և
բարձրայնս և աննուէր, շուրջ աւազո-
րեար վճռակեանց պարառեալ զնովա :
Հրամանն տալիս անգէն հրեշտակացն յա-
ռաջ բերել զհրեշտակութիւնն : Իբրեւ նա
քա բանս լի հեղութեամբ ըստ Ժաման
պիտոյից և հեշտս և բազմալիս առեալ իւ-
տեցան ընդ նմա և գազարեցին . տալիս պա-
տասխանի Մարկիոսս վասն անձին առան-
ձինն գառնութեամբ լի և արամատութեամբ՝
ցաւեալ վասն աղէտից կրիցն զոր կրեաց .
իսկ վասն վճռակեանցն՝ քանզի որազար
է նոցա՝ խնդրէր գարձուցանել միանգա-
մայն զամենայն քաղաքսն և զսահմանն
զոր Հռոմայեցիք հասին 'ի նոցանէ 'ի
պատերազմին . առ այս՝ և վճռով քա-
ղաքակիցս իբրեւ Լատինս գրել զվճռու-
կեանն . և ապա յայս պայման՝ տաէ՝ ի-
րաւ և արդար, անգրգուռ լի հաստատեացի
խաղաղութիւն ընդ նոռա : Ժամագիրք լի-
նէր նոցա աւուրս երեսուն տալ պատաս-

խանի . և արձակեալ զնոսա , և ինքն փութապէս շուոյ հրաման տայր բանակին 'ի գաւառէ անտի :

Եւ յայսմանէ ապա առաջին ամբաստան լինէին զնմանէ Վոլոակեանք . այն՝ որք և անդաւին ոչինչ կարացին հանգարտել փառաց զօրութեան նորա , և խան տային ևս ընդ նմա . այլ և Տիւղղոս ինքնին : Ո՛չ զի խէթ առանձին պատրաստեաց ինչ նմա Մարկիոս , այլ զի և ինքն Տիւղղոս ընդ կրիւք գրաւեցաւ մարդկապէս : Քանզի և մեծապէս ցաւէր նմա , տեսեալ զի բնաւ նսեմացան փառք նորա , և զանց զնովաւ առնէին Վոլոակեանք , իբրու որ ամենայն ինչ նոցա Մարկիոս ինքնին իցէ միայնակ , իսկ այլոց չատ իցէ աւագանաւ՝ որչափ ինչ նա տացէ նոցա : Ուստի և յուզեցան 'ի Ծածուկ ամբաստաւ նութիւնք զնմանէ , և ընդ միմեանս քրթմընջէին վասն նորա , և զլու զայն զբանակին՝ Մատնութիւն կարգային . ո՛չ զի գղեակս զքաղաքաց կամ զէնս զգինուորաց 'ի ձեռս մատնեաց թշնամւոյն , այլ զի մատն և տուր եղև քաջադիպութեան ժամանակին . որով որպէս զայլ ինչ , և զսոսին դադձեալ բաւական իցէ ոք փրկել և դարձեալ կորուսանել , դուռ տալով մարտին զաւուրս երեսուն . ուր և յաւուրս նուազունս՝ մեծաց ևս արդեօք մարթ իցէ պատահել փոփոխութեանց : Բայց և ո՛չ յայնժամ պարապորդ ինչ կայր Մարկիոս , այլ ասպատակ սփռեալ աւերէր զերկիր

գաշնաւորաց թշնամայն, և տարածէր ձգէր յառաջագէմ՝ առ տահմանօքն, և քաղաքս եօթն մեծամեծս և բազմաթողովս հաստանէր 'ի նոցանէ: Իսկ անդուստ Հռոմայեցիք ոչինչ համարձակեցան ձեռն տալ նոցա, այլ ոգիք նոցա 'ի նոսա յոյժ էին վատեալք և նուաղեալք 'ի կռուել, ոչինչ ընդհատք 'ի մարդկանէն՝ որ հաշմք իցեն և խեղանգամք ընդարմացեալք:

Իսկ իբրեւ ժամագրութիւն աւուրցն կա տարէր, և Մարկիոս յերեւան հասեալ կայր հանգերձ բանակամ, առեալ միւսանգամ հրեշտակս արձակեցին Հռոմայեցիք. յողջ անկեալ ամոքել զպատմութիւն բարկութե նորա, և 'ի բաց զՎոլուսկեաննն տանել 'ի դաւառէն, և առնել և ասել՝ զոր միանգամ ինքն լաւ համարեսցի երկոցունց կողմանցն. քանզի և առ ահի երկիւղին Հռոմայեցիք տեղի երբէք ոչ տացեն. այլ եթէ նմա այնպէս հաճոյ իցէ շնորհս առնել Վոլուսկեանցն, արտացեն՝ յորժամ զինաթափ լինիցին նոքա: Այլ Մարկիոս լուեալ զայս, ասէր՝ ոչինչ տմենեին պատասխանի ոչ առնել նոցա իբրեւ զօրավար Վոլուսկեանց. այլ իբրեւ քաղաքային Հռոմայեցի խրատ և խորհուրդ 'ի ներքս մատուցանէ նոցա՝ ցածնուլ պարկեշտանալ 'ի խորհուրդս, և զկնի աւուրց երկց դառնալ առ նա միւսանգամ և կամակատար խնդրոյն լինել՝ զոր յառաջագոյն ցուցեալ իսկ է նոցա. ապա եթէ այլազաւգոյնս ինչ խորհեսցին՝ ոչինչ ան-

վրտանդ լինիցի նոցա այնուհետեւ գալ ան-
գրէն 'ի բանակ անգր' ժամնվաճառ բա-
նիւք շատխօսութեան:

Իբրեւ գարձան հրեշտակք և զբանսն
Մարկիոսի պատմեցին, անգանօր ապա
Աննկղիտոսն՝ իբրու որ յահագին միջկաց
և 'ի բազմակոհակն ալեաց քաղաքն ողջոյն
ծփեալ իցէ՝ առնոր ձգէր այնուհետեւ
զնուիրական խարխին: Քանզի որչափ ինչ
յայնժամ 'ի քաղաքին դապք քահանայիցն
աստուծոց կամ խորհրդակատարք կամ
նուիրապահք կամ որք վարժապետք հայ-
րենատուր և վաղնջուց հաւահմայ արուես-
տին, առ հասարակ զնոսա առեալ արձակէր
առ Մարկիոս՝ հանգերձեալս զպրգարեալս
'ի նոյն տարազ, որպէս նոքա պր ալս օրի-
նագրեցան 'ի նուիրագործութիւնսն իւ-
րեանց, ազալել փարելի ասել 'ի բաց 'ի
նոցանէն տանել զկռիւ մարտին, և այնպէս
ապա խաղաղաւէտ անդորրութեամբ վասն
Վելուսկեանցն խօսել ընդ քաղաքացեացն:
Արդ Մարկիոս թէպէտ և ժողովել ժողո-
վեաց զարս զաւագան զայնոսիկ 'ի բանակ
անգր, ոչինչ հանգարտեալ ամոքեցաւ ոչ
արգեամբք և ոչ բանիւք: Կրկնէր երեքկնէր՝
կամ զխաղաղութիւնն հաստել 'ի պայմանս
դաշանցն՝ զոր խօսեցաւ, կամ 'ի կռիւ
պատրաստել պատերազմի:

Իբրեւ այնպէս յետս գարձան նուիրա-
կան գեսպանք, լաւ համարեցան հռոմայ-
եցիք անդէն 'ի քաղաքին հաստատուն զտե-
ղի ունել և պարսպացն պահակս հանել և

զգուշութիւն վանել, անկալեալ բազմահո-
լով ժամանակին և յարափոխ նորաստեղծ
բախտին. քանզի և կարելին խկ ոչ յայն-
ժամ յաջողել 'ի փրկութիւն անձանց, այլ
քաղաքն նոցա ողջոյն վեր 'ի վայր յուզէր
ծփայր, արհաւրօք լի և անբարի համբա-
ւովք. մինչև դէպ լինէր ինչ մի և յայնպի-
սեաց անտի տեսանել յայնժամ՝ զոր ստէպ
վիպեաց ինքնին Հոմերոս. Թէպէտ և խա-
ժամուժն ոչինչ այնպէս համօրէն 'ի վերայ
կայ ասացելոցն: Քանզի յորժամ այն քեր-
թող 'ի մեծամեծսն և 'ի նորատեսիլսն քեր-
թեալ՝ այսպիսի ինչ ասէ, եթէ “Նմա
յուշ դիցուհին առնէր խաժակն Աթե-
նաս”. և Թէ՝ “Այլ շրջեաց զմիտսն յան-
մահից ոմն, որ յուշ զհամբաւն ածէր խու-
ժանին”, և Թէ. “Կամ ինքն խորհեցաւ
այնպէս, կամ Թէ և Աստուած այնպէս
ազգեաց”. Խառնադանձն լուեալ յայս-
պիսեաց աստի, եպերէ՝ իբրու որ անհնա-
րինս և անհաւատալիս 'ի վէպ առեալ Հո-
մերոս, անհաւատալի իմն կարծեցուցէ
զանձնիշխանութիւն մարդոյն, զոր երբէք
չառնէ Հոմերոս. այլ որ ինչ միանգամ 'ի
գործոց հասարակք և սովորականք բանա-
ւոր մարդկանն, զայն նա անձնիշխանու-
թեանս մերում տայ. ուստի և ստէպ ա-
սէ. “Այլ ես ըստ մեծանձնութեան սըր-
տիս խորհեցայ”. և Թէ, “Զայս ասաց
և յոյժ ցաւեաց Աքիլէսին. և սիրտն նո-
րա 'ի Թաւամազ 'ի լանջսն՝ 'ի կրկին տա-
րակոյս երկփեղկէր”, և դարձեալ, “Սա-

կայն և ոչինչ կարաց հաւանեցուցանել զքաջախորհուրդն զողջախոհն Բեւլբրոփոն “: Իսկ որ ինչ 'ի գործս նոր և չքնաղ և օտար և խորհրդակորոյս, որոց գեղեցիկ իմն մոլութեան պէտք իցեն և այլ յայլմէ լինելոյ, առեալ նա յայնժամ մոլածանէ զԱստուած՝ ոչ 'ի բառնալ զանձնիշխանութիւնն, այլ 'ի շարժել և 'ի խրախուսել. ոչ եթէ թինդս և թափս յուզելով 'ի մեղ, այլ երևակութիւնս իմն զթափոցն զայնոցիկ ծնանելով 'ի մեղ. որով և ոչ եթէ ըզգործն ակամայ յարդարեացէ, այլ կամաւորին տայ ընձեռէ սկիզբն, և աներկևնութիւն և յոյս ևս 'ի վերայ բարդէ: Ապա թէ ոչ՝ կամ պարտ է գլխովին 'ի բաց զաստուածայինսն օտարացուցանել միանգամայն յամենայն պատճառէ և 'ի սկզբնէ գործաց մերոց, կամ թէ՝ ո՞ր ապա այլ ինչ օրինակ իցէ արդեօք՝ որով սատար նոքա մարդկան լինիցին և գործակից: Զի ոչ եթէ զմարմին մեր զայս յօրինեալ կազմեալ 'ի ձև յարմարեն, և ոչ գարձեալ զձեռս մեր և զոտս մեր նոքա ըստ պիտոյից գործոյն առնուն և շրջընդեն, այլ սկզբամբք ու մամբք և երևակութեամբք և խելամոռութեամբք արծարծեն գրդեն զհոգւոյս մերոյ զգործնականն և զանձնիշխանականն, կամ թէ ներհակաբար՝ յետս 'ի գործոյն նահանջեալ կասեցուցանեն:

Արդ 'ի տագնապ տարակուսին այնորիկ 'ի Հռոմ քաղաքի՝ կէսք 'ի կանանց հետեալք ընթանային 'ի մեհեանս մեհեանս,

այլ բազումք այն էին 'ի նոցանէն և ահա
 նաւորք՝ որք յողոք անկեալ պաղատէին ա
 ռաջի բազնին Կապետութեանն Արամազ
 դայ: Էր 'ի նոսա անդ և Վաղերիա քոյր
 մեծին Պոպղիկողայ, այն որ շահ օգտի
 հարստութեան 'ի ներքս եբեր հռոմայե
 ցոց 'ի կռիւս մարտից և 'ի կարգս քաղա
 քաց: Այլ Պոպղիկողաս վախճանեալ իսկ
 էր, (որպէս և յարձանադրութեան վա
 րուցն պատմեալ է). իսկ Վաղերիայ մե
 ծապէս էր շուքն 'ի քաղաքին. իբրև քաջ
 իսկ թևակոխեալ էր՝ մի թերևս վատու
 թեամբ ինչ յամօթ զղարմն առնել: Արդ՝
 սա այս Վաղերիա անդանօր կիրս իմն կրեալ
 զոր կանխեցի ասացի՝ աստուածային գող
 ցես ազգմամբ վառեալ յինչ մի պիտանի,
 յարուցեալ յանկարծ և ընդ իւր խրախոյս
 առհասարակ և կանանւոյն տուեալ, դէմ
 եղեալ գնայր ընդ նոսա 'ի տուն Վոլում
 նիայ մօրն Մարկիոսի: Մտեալ 'ի ներքս, և
 անդ գտանէր զՎոլումնիա նստեալ 'ի միա
 սին ընդ նուոյն՝ 'ի գիրկս զտղայսն ունե
 լով Մարկիոսի. ասլա շուրջ զիւրև բոլո
 րեալ Վաղերիա զկանայսն, խօսել սկսաւ
 և ասէ. “Մէք կանայք առ ձեզ աւասիկ
 ո՞վ Վոլումնիէ և Վիրգիլիէ՝ հասեալ կամք
 առ կանայսդ, ոչ 'ի Սինկղիտոսին պատգա
 մաց, և ոչ 'ի հիւպատոսին հրամանէ. այլ
 քանզի Աստուած ինքնին՝ որպէս հաւա
 նեալս եմ՝ 'ի գութ շարժեալ 'ի մերոց պա
 ղատանաց՝ դրդեաց զմեզ գիմել առ ձեզ,
 աղերսել զձեզ 'ի գործ ինչ փրկութեան

մերոյ և առհասարակ քաղաքին . որ և ձեզ ինքնին՝ եթէ 'ի հաւան դայցէք՝ քան ըզգասերացդ Մարկնացւոց փառս առաւել 'ի ներքս ընծայեացէ . յորժամ նորքս ըզհարս իւրեանց և զարս առեալ 'ի բաց 'ի կռուոյ մարտին լռեցուցին՝ առնել սեր և խաղաղութիւն : Ազէ դուք արիք ընդ մեզ՝ 'ի միասին գնասցուք առ Մարկիոս . յստից անկեալ վկայութիւն ճշգրիտ 'ի ներքս բերէք , եթէ քաղաք մեր այս առ 'ի նմանէն այսչափ չարչարեալ ինչ մի 'ի դժնգակաց ընդ ձեզ առ զայրուց արդին չանցողց և ոչ խորհեցաւ երբէք . նա զձեզ ողջիկ առեալ դարձուցանէ առ նա՝ թէպէտ և ակն չունիցի ինչ առ 'ի նմանէն մարդասիրութեան , :

Զայս ժամաց Վաղերիա , և առհասարակ գովեցին զնա : Իսկ Վորումնիա ետ պատասխանի և ասէ . « Քաջ իսկ 'ի հասարակաց տղէտան և մեք ինքնին ո՞վ կանայք՝ բաժանորդք եմք : Սակայն և կիրա ևս մեզ պեսաւ նեմ առանձին , իբրեւ որդք միացաք մեք աւագիկ յառաքինութենէն և 'ի փառաց Մարկիոսի . և զարդիս զմտրմնով դարս բակ կալեալ են թշնամիք , քան անձնապահապետ նմա լինել՝ առաւել եւս պահ զգուշութեան ունել : Այլ անհնարին ազէնք այն են , զի քաղաքդ աւագիկ յագւոց պարգել կայ՝ որպէս զի և զյոյս իւր 'ի մեզ 'ի կանայս առնէ ապատան : Քան զի և զիտեմ իսկ ոչ արդեօք՝ եթէ փոյթ ինչ զմենչ արասցէ Մարկիոս , որում փոյթ

չէ նմա վասն հայրենեացն՝ զոր քան ըզմայրն ինքնին առաւել համարէր և քան զամուսինն և քան զորդեակս : Այլ համայն և այնպէս առէք դուք զմեզ գործի՝ ի ձեռս և տարայք առ նա . անդանօր ամա՛ եթէ և այլ ինչ ոչ, դո՛նեա ՚ի սպառաշունտ վասն հայրենեացն վայրիկ մի ոգի առցուք մէք “ . Ասաց , և զՎ իրգիլիւս յոտին կանգնեալ և զմանկունսն առեալ հանդերձ այլովք կանամբք , այնպէս դաս կապեալ առհասարակ գնային նոքա ՚ի բանակ անդր Վ լուսկեանց և մերձենային :

Յայն տեսիլ և թշնամիք ինքնին դորովեալք՝ պատկառ կային լուռ և անշուշտ : Իսկ ՚ի ժամուն կայր բազմեալ Մարկիոս յիւրում բեմի ՚ի միասին ընդ զօրապետացն . իբրև անդուստ յակն արկանէր ըզդալուստ կանանւոյն , յոյժ հիացեալ կայր . իբրև և զամուսինն ետես և ծանեալ՝ որ յառաջոյ ընթանայր , ընդ անձին ոգորէր՝ անդրդուելի զտեղին ունել և անողոքելի յիւրում խորհրդեան . սակայն ՚ի կրիցն յաղթեալ խռովեալ ընդ տեսին՝ ոչինչ հանդուրժեաց այնուհետև կալ մնալ այնպէս մինչև ՚ի մօտել նոցա առ նա , արագ արագ մեծաքայլ ՚ի վայր վազեալ ՚ի բազմոցէն՝ ընթացաւ յառաջ , և առաջին մօրն գիրկս ածեալ՝ այնպէս հարուստ մի ժամանակ , ապա յետ այնորիկ և ամուսնոյն և զաւակացն՝ գերարոօսսր սաստիկ հեղոյր Մարկիոս , և ոչ դադարէր սիրել գգուել զնոսա , այլ իբրև յուղիւց հոսանաց այն

պէս ամենալ բերելոյ նա 'ի կրօն ոգւոյն :
Իսկ իբրեւ զիզ՝ ցանկութեանն ընդ , և
մայրն անգէն խօսել կամեր , եւ կոչել զա-
ւագանին Վոլուսեանց՝ և կայր 'ի լսել :

Յայնժամ Վոլուսեան բարձրաւցաւ և
ասէ . “ Յոր սահման առեալ կացոյց զմեզ
'ի մերում իսկ տան քոյին վտարանդու-
թիւն , և տունց ինչ մեր խօսելոյ գու ինք-
նին ո՞վ որդեակ քաջ իսկ խելամուտ եւ
'ի մերոց աստի ձորմոց և 'ի վշտահար կեր-
պարանէ մարմնոց : Եւ արդ միտ գէր ,
զիարդ հիբացեալ յոյժ եմք մեք աւագիկ
քան զամենայն կանայս . քանզի որ զուար-
թագին մեզ հասանէր լինել տեսիլն , նոյն
աւագիկ ըստ ձախողակ բաղդին՝ ահաբեկ
յոյժ է . իբրեւ եւ զորդի տեսանեմ , և սա
ինքն՝ զայր , որ զպարտադա զիւրոյ հայրենի
քաղաքին պաշարեալ նստի : Եւ ապա յայ-
լոցն միսթարութենէ՝ 'ի ձախողակսն և յա-
ղէտս վշտին յաղթան իւրեանց առ առ-
տուածսն՝ ընաւ իսկ անբաժ եմք . զի և
հնար չիք աղօթիւք խնդրել յաստուածոց
միանգամայն յաղթութիւն վասն հայրե-
նեաց և փրկութիւն վասն քո . այլ որչափ
ինչ խելթք թշնամեաց ընդգէմ մեր , նոյն
խառնեալ է և յաղթս մեր . քանզի հարկ
'ի վերայ կայ կամ 'ի հայրենեացն և կամ
'ի քէն գլխովին որդանալ քոյին զաւակաց
և քոյ ամուսնոյն . զի վասն իմ չխնդրեմ
կեանս՝ տեսանել զվախճան մարտիս : Այլ
եթէ 'ի հաւան չգայցես՝ 'ի բաց զխելթդ
թողեալ և զկագդ՝ դալ 'ի մտերմութիւն

և 'ի միամտութիւն , և քան օրհասաբեր միումն՝ առաւել ևս լինել բարեգործ երկոցունց ևս կողմանցն , դիտասցես քաջ՝ զի չեք քեզ հնար անցանել աւարել զհայրենիսն՝ մինչև քո նախ առաթուր զմարմին կոխեալ զվախճանելոյ մօրդ . և աստէն իսկ դու 'ի դոյն պատրաստեաց : Քանզի և ոչ աւուրն սպասեմ տեսանել՝ յորում նշան յաղթութեան կամ հայրենիք կանգնեսցեն յիմ որդւոյն վերայ , կամ որդին ինքնին՝ 'ի վերայ նորա : Եթէ իմ՝ չարաւ Վռլուակեանց խնդրեալ էր 'ի քէն ապրեցուցանել զհայրենիսն , ինչ մի 'ի դժնդակաց և դժուարինս խնդրէի արդեօք . քանզի չէ արժան զհայրենիսն տապալել , չէ իրաւ և մատն ապաւինելոցն լինել . այլ մեք զարդիս միայն յաղէտից աստի աղերսեմք անձնապուր լինել , որ և փրկաւէտ արդեօք երկոցուն կողմանցն , այլ ևս գեղեցիկ և շքեղ վասն Վռլուակեանցդ . իբրու որ յաղթականք՝ զվեհագոյնսն՝ ի բարեաց շնորհեսցեն մեզ , զնաղաղութիւնն ասեմ և զբարեկամութիւնն . և դոքա ինքնին ոչինչ պակաս կալցեն քան զմեզ : Եթէ այդ երբէք յաջողեսցի , դու ինքնին եղիցիս պատճառք բարեաց . ապա թէ այլազգադոյն՝ դու ինքնին բամբասեսցիս յերկոցունց կողմանց : Սակայն և անյայտ դուրմ ելից պատերազմիդ այդորիկ , այս ինչ յայտնի կայցէ . զի թէ յաղթեսցես՝ այր անյուշ և աղաջուր լինիցիս քոյին հայրենեաց . ապա եթէ յաղթեսցիս՝ համարեսցիս այր բար-

կապտայտ, մեծ աղիւտաբեր արանց՝ քոյ բա-
րեգործաց և բարեկամաց “ :

Մինչ յայսպիսեաց աստի խօսէր Վո-
լումիկա, լուռ անմեղանչ լսէր Մարկիոս .
իսկ իբրեւ և յետ դադարելոյն՝ այնպէս հա-
րուստ մի ժամանակ 'ի լուութեան կայր,
յուսել Վոլումիկա և ասէ . “ Առ ինչ քո
այդ լուութիւնդ ո՞վ որդեակ : Թերեւ բարե-
կութեան և յիշատարութեան գեղեցիկ ի-
ցէ տեղի տալ, և ո՞չ գեղեցիկ իցէ շնորհել
մօր՝ որ ազաչաւոր մտանէ վասն մեծաց ի-
րաց : Կամ թէ աւագ առն և քաջի՝ ոխա-
կալութիւն չարեացն 'ի գեղ իցէ . և երես
և շուք երախտեաց ծնողին առնել որդւոյ՝
չիցէ գործ առն աւագի և լաւի : Բան ա-
մենեցուն՝ քեզ ինքնին առաւել անկ է
շնորհս ունել, իբրեւ որ դառնապէս ասելի
է քեզ անշնորհակալու կիրք : Այլ դու
վե՛լե՛ս մեծապէս հաներ 'ի քոյ հայրե-
նեաց, չե՛ քոյին մօրդ հատուցեր փոխա-
րէնս : Նա զի և գեղեցիկ յոյժ է արդեօք՝
անբռնադատ 'ի հարկէ զերաւացին բան և
զվայելուչն շնորհել իմաց պաշտօտանաց :
Արդ եթէ և այնպէս բաւական չեմ ամու-
քել զքեզ, զի՛նչ ես խնայեմ զվերջին ա-
ւագիկ բուռն հարկանել յուսոյն “ : Զայս
ասաց մայրն, և 'ի խոնարհ առ ոտս նորա
անկանէր ինքն հանդերձ կնասն և զաւա-
կօքն : Աճապարեաց Մարկիոս և ձայն բարե-
ձեւալ գոչէր . “ Զի՛նչ դու ընդ իս գործես
ո՞վ մայր “ . յարոյց զնա և արդապէս զա-
լոյն կաշեալ, ասէր . “ Յաղթեցեր : Այլ

քոյ յաղթութիւնդ գեղեցիկ վասն հայրենեացն՝ օրհասաբեր է վասն իմ. բայց 'ի քէն միայն յաղթեցայց ես " : Զայս ասաց , և առանձին ապա վայր մի խօսեալ ընդ մօրն և ընդ կնոջն , արձակեաց զնոսա 'ի Հռոմ՝ զոր և խնդրէինն իսկ :

Իբրև այդն մերկացաւ , 'ի բաց 'ի վայրաց անտի առեալ խաղացուցանէր զբանակն . և անդ Վոլուսկեանք ոչինչ միապէս մտաբերէին 'ի ժամուն : Կէսք այսպանեալ եպերեցին զայրն և զգործն գլխովին . և կէսք դարձեալ որ 'ի հաշտութիւն անդր հակամիտեալքն էին՝ անբամբաս կալան առհասարակ զգործն և զգործօնն . և շատք ևս՝ որ թէպէտ և ընդ գործն չհաճեցան , այլ և ոչ սրանեցան ինչ ընդ Մարկիոս , իբրու որ արժան 'ի մեծաց պատճառաց հարկաւորեցաւ 'ի ներեւ : Բայց ընդդէմ՝ դարձեալ և ոչ որ՝ առհասարակ զհետ չորան նորա , քան ընդ իշխանութիւնն՝ զսրմայեալք ընդ առաքինութիւն առն :

Իսկ եթէ քանխօն էր ահ երկիւղին և վտանգ Հռոմայեցւոց ժողովրդեանն 'ի մարտին յայնմիկ , քաջ իսկ ցուցին նոքա յազատանալն իւրեանց : Քանզի անդէն որք 'ի վերայ սլարսպացն կային՝ իբրև զչուն տեսին զբանակին , արագ արագ ընթացեալք՝ բացեալ միանգամայն զամենայն մեհեանան՝ պսակաւ բոլորեցան և զոհս կատարէին , իբրու որք յաղթութիւն մեծապէս տալեալք իցեն : Եւ անդ 'ի դրգեւ և 'ի գրգուէլ ծերսկուտին և խառնաղանձ խու-

ժանիկն զխանանին զոյն՝ անպատուով՝ ցն-
ծալու քաղաքն, և ձայն բարձեալ՝ պատ-
ճառք և առիթ փրկութեան առհասարակ
կարգադրին զնոսա: Ապա իբրև և Սինկզե-
տան վճիռ տալը, զամենայն զինգիրս ըզ-
կանանւոյն շնորհել իշխանացն՝ ի շուք նո-
ցա և ի արխաուր վաստակոցն, ոչինչ ալ
ինգրեցին նորա՝ բայց մեհեան մի կանգ-
նել Կանայի Բաղդին, յանձանց իւրեանց
զծախոն տալով զլինութեանն. ալ զնուի-
րագործութեանցն ասեւն և զքաջավայր-
լուչ պատուոյն աստուածոցն՝ Գիմեսականն
տեսցէ: Բայց Սինկզեթոսին գովեալ զքա-
ջութիւն ոգւոյ կանանցն, ի հասարակաց
ոմտի գանձարանէն կանգնէր միանգամայն
և զտաճարն և զարձանն. սակայն և կա-
նայքն ինքեին հանգանակեալ գրտն՝ կանգ-
նեցին և ալ գրօշեալ երկրորդ: Եւ զայս
գրօշեալ ի կանգնել անգ ի մեհեանին՝ ա-
տեն հռոմայեցիք բարդառեալ այսպիսի
ինչ. Արքաածասէր իրժառնորաթեամբ զիս
մէ կանայս նուիրեցէ. և զայս ձայն երկկցա
լռելի եղեալ կցկցեն նորա. և կամին նորա
զանգոյից ոմանց նման իրա և զգժուարա-
հաւատալիս հաւանեցուցանել մեզ:

Քանզի գրօշելոցն քերտն երեւել հոտել
և արտօսը թափել և կաթն իմն ապխեն-
րանգս ուրուել՝ չէ ինչ անկարելի: Քանզի
փայտք և քարինք բազում անգամ որդոս
յինքեանս ժողովեալ ձգեն՝ պատճառք
խոնաւուս տամկութեն. շատ ինչ և գոյնս
արձակեն յիւրեանց, որք և ներկս և ե-

բանգա առնուան տալաւորեն 'ի շրջապատ օգոյն . որովք և իրա ինչ նշանակել 'ի Գաղէն' ոչինչ արգելք արգելլուցու կարծել : Առ այս գարձեալ մարթի և ձայն մի նման օրինակ ճշալոյ և հեծութեան՝ արձակել գրօշերոցն՝ 'ի խորտակելոյ անտի կամ 'ի սատարիկ ճեղքելոյ մասանցն՝ որ 'ի խորանգ նոցա : Սակայն յգաւոր ձայն և բարբառ աղչաւի յտակաձայն և անվթար և պարզախօս հանգիպել յանանձնաւոր նիւթան՝ բնաւ իսկ յանհնարիցն է : Քանզի և ոչ հոգին և ոչ գարձեալ Աստուած՝ անբաժ 'ի գործարանաւոր մարմնոյ և որ բարբառողական մասամբն յարմարեալ գաշնակեալ ոչ իցէ, ձայն արձակել բաւական իցէ և խօսել բարբառել : Իսկ ուր ուրեք պատմութիւնն ստիպեալ՝ կարի նեղ հասցէ մեղ 'ի բազմաց անտի և յարժանաւոր վկայից, յայնժամ ապա աննման իմն զգայութեանս մեր այսորիկ կերք ներգործեալ յերևականն հոգւոյն՝ այնպէս տայ մեղ կարծեցուցանել . բառ որում և մեք ինքնին յերազի կարծեմք լսել՝ զոր ոչն լսեմք, և տեսանել՝ զոր չտեսանեմք : Հաւմայն և այնպէս՝ որք միանգամ ջերմապէս մտերմութեամբ և սիրով վառեալ են յԱռտուած, չկարեն ինչ մի յայտախեաց տալի անհաւատանալ և կամ մերժել երբեք, և հաւատաց իւրեանց առնուան դորավիզն՝ զմեծն զայն և զպանչելին և զաննմանականն մեղ զԱստուծոյ դորութիւնն : Քանզի երբեք իմեք 'ի մարդկայնոց աստի նա նման

չէ, ոչ 'ի բնութեանն, ոչ 'ի շարժմանն, ոչ յարուեստին, ոչ 'ի զօրութեանն. ուստի եթէ և ինչ մի արասցէ յանգործիցն մերոց և զանհնարինն հնարաւորեացէ՝ չէ ինչ տարագէտ: Նա աւանիկ յամենայն 'ի մէջ ընդհատ՝ մեծապէս յոյժ նա 'ի գործս իւր աննման է մեզ և օտար գլխովին: Ստեփան և շատ ինչ իրք՝ ըստ Հերակլիտոսի՝ 'ի մէջ անծանօթք արացեալ փախչին վասն անհաւատութեան մերոյ:

Իսկ իբրև դարձաւ եկն Մարկիոս յԱնտիոն 'ի բանակէ անտի, Տիւղզոս՝ որ առեայր զնա և դժոխքներ ևս էր նմա ահերկիւղեառն, խորհեցաւ վաղվաղակի սպառնանել զնա. իբրու որ զայն դէպ ժամաւ նակ եթէ 'ի ձեռաց հանցէ, ոչ ևս այլ բաւական իցէ գտանել: Ապա իբրև շատ զլք յուզեաց և յարոյց աստան Մարկիոսի, հրաման տայր նմա 'ի բաց զեշխանութիւնն գնել, և Վոլուսկեանց յանգիման համար տալ զգործոյն: Երկուցեալ Մարկիոս իբրև զմի 'ի սոսկականաց լինել 'ի ժամուն՝ յորում զօրավարութեամբ երևելի էր Տիւղզոս 'ի մէջ քաղաքայնոցն, ետ պատասխանի՝ 'ի բաց զեշխանութիւնն գնել, յորժամ և Վոլուսկեանք հրամայեացեն. իբրու որ 'ի հրամանէն նոցա առհասարակ կալաւ զեշխանութիւնն: Բայց 'ի համարոյն ոչինչ խուսափէր՝ անդէն իսկ տալ Անտիացւոցն եթէ կամեցին: Իբրև առհասարակ 'ի մի վայր խմբեցան, յարեան ատենաբանք խուս՝ ժանին գրգռել ընդդէմ նորա. իսկ իբրև

յարեաւ և Մարկիոս, անդ 'ի շուք մեծա-
րանաց երեսաց առն՝ այնպէս 'ի լուծթիւն
հեղուծեան հատաւ խուժանն, որպէս
զի և համարձակ աներկեանութեամբ խօ-
սել Մարկիոսի. անդուստ և Անտիպիք որ
միանգամ քաջախորհուրդք 'ի նոսա և խա-
ղաղասէրք՝ յայտ առնէին մարդասիրապէս
լսել նմա և ուղղութեամբ դատել: Բայց
երկուցեալ զանգիտէր Տիւղոս 'ի պատաս-
խանատուութէ Մարկիոսի, քանզի ճար-
տարախօս յոյժ էր այրն: Առ այս դար-
ձեալ և առաջին նահատակութիւնք առն
մեծապէս սատար էին՝ քան զոտնհարու-
թիւն վերջին ամբաստանութեան փնտռուն.
նա՝ և այն գլխովին վկայութիւն էր մեծու-
թեան արդասեաց առնն, քանզի և ոչինչ
արդեօք կարծէին զանձինս անիրաւեալք
վասն ոչ ընդ բռամբ զհռովմ՝ ունելոյ, ե-
թէ 'ի Մարկիոսի ձեռն չէր նոցա առ դուրս
ուներ զնա: Ապա ոչինչ լաւ համարեալ
երկայնել ձգել և զխուժանն սաղրել հրա-
սուրել, այլ որք առաւել յանդգունք 'ի
սատանսն Մարկիոսի բողոք բարձեալ և ա-
ղաղակ, իբրև չէ արժան դմա ունին դնել,
և ոչ մատնտու առնն թոյլ տալ բռնակա-
լել 'ի վերայ Վոլուսկեանց, և զի և յանձն
չառնու դա մերկանալ յիշխանութենէն,
խուռն և համուռ գիմեցին 'ի վերայ առն
և զնա անդէն խողխողեցին. և ձեռն տայր
նմա 'ի ժամուռն և ոչ դք: Իսկ թէ բազմա-
գոյնք ոչինչ հաւանեցան ընդ գործն՝ յայտ
արարին, զի 'ի քաղաքաց քաղաքաց խուռն

ընթացք հասեալք 'ի վերայ մարմնոյն՝ առին և շքով թաղեցին զնա . և զշիրիմ՝ նորա խորե զքաջամարտիկ առն և զզօրավարի՝ զինու զարդու և 'ի կապուտ կողոպուտ յօրինեալ զարդաբեցին :

Իսկ խորե լուր 'ի Հռոմէ՝ հասանէր մահուն Մարկիոսի , ոչ շքոյ կերպարան 'ի գէմն բերին առ նա և ոչ զքարկուծեանն , այլ թոյլ ետուն տիկնայց քաղաքին՝ որ կամեցան՝ սուգ առնուլ զամիստ տաան ըստ որում և սովորութիւն էր նոցա իւրաքանչիւր առնել 'ի մահու հօր և զաւակի և եղբօր . քանզի և այս սահման ժամանակի կնքեցաւ երկայն սգոյն 'ի Նումայէ Պոմպիլեայ , որպէս 'ի նորա պատմութեանն յայտ արարեալ է : Բայց յետ այնորիկ իրք Վոլուպեանցն յոյժ հիբացեալ՝ Մարկիոսի իզձ լինէին . քանզի առաջին ընդ Սիկանացւոց 'ի վեր եկեալ ընդ նիզակակցացն և բարեկամացն վասն զօրավարութեան , մինչև վերս և մահուն 'ի վերայ եղին միմեանց . ապա և 'ի մարտի պատերազմի նկուն 'ի Հռոմայեցւոց եղեալ՝ անդ զիտապաստ անկանէր Տիւղղոս և առ նովու այլոնտիր զօրականին . մինչև 'ի պայմանս անարգարար հաշտեալք՝ նուաճեցան ընդ ձեռամբ նոցա , և յանձն առին կատարել զպայմանս հրամանին նոցա :

ԶՈՒԳԱԿԱՌՈՒԹԻՒՆ

ԱՂԿԻԲԻԱԴԵԱՅ

ԵՒ

ԿՈՐԻՈՂԱՆՈՍԻ

Եւ արդ կարգեալ մեր աւագիկ ըզգործս նահատակութեան գոցա, զոր միանգամ պատմութեան և յիշատակաց արժանիս համարեցաք, է մեզ վարդիս տեսուհի զի պատերազմական մրցանք երկաքան չիւրոց գոցա ոչ շատ ինչ արդեօք 'ի միոյն կողմն ձգեն զմէս կշռոյն. քանզի հաւասարապէս երկոքեանն գործս բազում արութեան քաջութեան, բազում ինչ և արուեստից հանդէս և հմտութեան' 'ի զօրավարութեան 'ի գէմն բերին:

Բայց թէ թերեւ որ զԱղկիրիադէս ինքնին՝ որ ընդ ծով և ընդ ցամաք 'ի մրցմունս բազումն՝ յաղթութիւնս ստէպ 'ի գլուխ տարաւ և նահատակութիւնս, խնդրեսցէ վեհագոյն ընծայեցուցանել զօրավար: Սակայն և երկաքան չիւր գոցա յորժամ մերձն

կային և զօրավարէին, յայտնի ապա ցանգ-
դեղէցիկս նահատակեցան իրք ընտանեացն.
և յայտնագոյն ևս՝ մնասեալք հարուածե-
ցան՝ յորժամ նոքա 'ի բացեայ էին :

Իսկ քաղաքականութեան կարգ զԱղ-
կիլիսիայ՝ իբրու կարի մեղք և գիւրգ և
ոչինչ անարատ 'ի ցոփութենէ և 'ի շողո-
քորթութենէ 'ի շնորհս քաղաքավարեալ
խուժանին, ալք ողջախոհք այսպանեալ
խոտեցին : Իսկ զՄարկիոսին զանհամբոյրն
զայն և զսէզն և զպերճն և զվէսն՝ յոյժ
ատեալ ժողովուրդ հռոմայեցւոց : Ապա
և ոչ մին 'ի նոցանէ գովանի է : Բայց որ
միանգամ շնթէ և մարդահաճէ խուժա-
նին, նուազ արգեօք բամբասելի իցէ քան
զնոսա՝ որք առ չեղեւ մարդահաճոյք՝ ընդ
վայր հարեալ ոտնհար լիցին խուժանին :
Քանզի արգեօք անարգ իցէ մարդելուզու-
թեամբ ամբոխին, խնդրել իշխել 'ի վերայ
նոցա . իսկ ահաբեկութեամբն բռնանալ
'ի վերայ և հարստահարել և նկուռ առնել,
ոչ անարգ միայն իցէ՝ այլ և անիրաւ :

Այլ 'ի քաղաքավարութեան կենացն՝
քաջ իսկ պարզ և անկեղծ էր Մարկիոս և
անչար . իսկ Աղկիլիսիայէս 'ի քաղաքակա-
նութեան իւրում խորամանկ և նենգա-
ւոր : Այլ մեծապէս ամբաստանեն զա-
րաբարութիւն նորա և զնենգն, յորժամ
խորամանկեալ զԼակեղեմոնացւոց հրեշ-
տական՝ որպէս Թուկիդիդէս պատմէ՝ ելլած
զխաղաղութիւնն : Սակայն և այն քաղա-
քականութիւն սորա՝ թէպէտ և անգրէն

միւսանգամ 'ի կռիւ մարտի առեալ ձգեաց
քաղաքն, հզօր գործեաց և ահագին զնի-
շակակցութիւն զայն զՄանափնացոց և
զԱրդասացոց՝ յաջողեալ 'ի ձեռն Աղի-
թիազեայ: Իսկ [Թէ՛] և Մարկիոս ինքնին
ներգաւ գրգռեաց զմարտն ընդ Հռովմայ-
եցիս և ընդ Վոլուսկեանս՝ ստուգեալ
բանաստեղծութիւն զեկեալսն 'ի Թատերան տե-
ապանաց, վկայե պատմութեամբն Դիո-
նիսիոս: Բայց և պատճառքն ինքնին՝ յո-
ռեգոյն ևս ընծայեցոյց զգործն: Քանզի
նչ ե[թէ՛] 'ի մրցանաց ինչ փառաց և ոչ 'ի
քաղաքական ինչ մարտե կամ 'ի պայքա-
րաց՝ իբրու զԱղիթիազեան, այլ պատմու-
թեան բարկութեանն սպաս տալեալ, յոր-
մէ արգելք 'ի շնորհս ոչ ոք վայելեալ բեր-
կեացի երբեք՝ որպէս Դիոնիս ասէ, այն-
պէս տահմանս բազումս զխաւիտոյ առեալ
վեր 'ի վարչ շարժեաց, և քաղաքս շատ՝ որ
ոչինչ անխրատեցան առ նա՝ ինքն առ արտ-
մտութեանն ընդգէմ հայրենի քաղաքին՝
գրաւեալ նկուն արար:

Եւ Թէպէտ և Աղիթիազէս ինքնին առ
բարկութեանն մեծաց պատճառք եղև ա-
զեալից քաղաքայնոցն, այլ յորժամ և զա-
պաշուել նոցա գիտաց՝ փութապէս և ինքն
ներեալ մարդասիրեաց. և յորժամ ան-
գրէն միւսանգամ 'ի նոցանէն վտարեցաւ,
ոչ ինչ հանգուրծեաց ընդ սխալել զօրա-
վարացն, և անփոյթ չարար զնոցանէն՝ յոր-
ժամ անբարի խորհրդովք կային նոքա 'ի
վտանգ արկեալ զանձինս իւրեանց. այլ

զոր օրինակ Արիստիդէս մեծապէս 'ի գովութիւն առեալ է՝ յոր ինչ միանգամ գործեաց նա ընդ Թեմիստոկլէս, զնոյն և Աղկիքիադէս՝ ինքնին մերձ եկեալ առ զօրավարսն որ չէին իսկ նորա բարեկամք, և կացեալ խօսէր նոցա զարժանն և խրատէր ուսուցանէր : Իսկ Մարկիոս յառաջ զամենայն զքաղաքն առեալ յազէտս պաշարէր, այն՝ որ ոչ յամենեցունց արդեօք կիրաւ կրեաց. որպէս զի և լաւորեարն անդ և աւագ՝ իբրև զոյգ նմին անիրաւեալ այնպէս կարեկից ախտակից լինէին առնն : Եւ առայս՝ և բազում հրեշտակութեամբք և խրեղորումս՝ որք ապաքինեւ ինդրէին զոխ բարկութեան նորա, ոչինչ ամոքեալ հեղացաւ և տեղի ետ. քաջ իսկ եցոյց՝ եթէ առ ամայի զհայրենիան կարգել և 'ի քանգել, և ոչ 'ի ժառանգել և 'ի դառնալ զանհնարին զայն և զանհաշտելին յուղեաց 'ի վերայ զգոռն :

Բայց այսուիկ դք ասասցէ արդեօք տարբերեալ զնոսա : Քանզի Աղկիքիադէս խորամանկեալ 'ի Սպարտացւոց, առ ահին միանգամայն և առ ատելութեան առ նոսա՝ դարձեալ փոխեցաւ առ Աթենացիսն : Իսկ Մարկիոսի՝ որում շնորհս զամենայն ցուցին Վոլուսկեանք՝ չէր արդեօք գեղեցիկ թողուլ լքանել զնոսա. քանզի և զօրավար ընտրեալ կարգեցին զնա և մեծապէս վստահացան 'ի նա հանդերձ իշխանութեամբն : Ոչ որպէս Աղկիքիադէս՝ զոր չարաչար մանաւանդ վարեցին Լակեդեմոն.

նացիք՝ քան վարեցան նովաւ, 'ի քաղաքին շուրջ եկեալ յայակոյս յայնկոյս, և անդրէն միւսանգամ 'ի վեր 'ի վայր յածեալ 'ի բանակին, 'ի վերջէ ուրեմն 'ի Տիւսափերնեայ ձեռս առեալ ձգէր զանձն : Եթէ ոչ օն և օն՝ ցանկացեալ նորա միւսանգամ դարձին 'ի հայրենի աշխարհն, այնպէս սպաս հարկանէր Տիւսափերնեայ, զի մի յանկարծ ողջոյն հիմն 'ի վեր տապալելացին Աթէնք :

Այլ սակայն վասն Աղիլիադեայ պատմին՝ առնուլ նմա բազում անգամ անարգաբար արծաթ 'ի կաշառատուաց, զնոյն և անարգաբար ծախել վասնել 'ի գրգանս և յանժուժկալութեան : Իսկ զՄարկիոս՝ յորժամ և շքով և պատուով տային ընձեռէին նմա զօրավարք՝ ոչինչ կարացին հաւանեցուցանել զայլն առնուլ : Վասն որոյ և մեծապէս խուժանին ատելի գտաւ 'ի պայքարս կռուոյ պարտուցն ընդ ժողովաբանն, իբրու որ ոչ 'ի շահ ինչ օգտի՝ այլ 'ի թշնամանս և յարհամարհութիւն աղքատացն նա թեակոխեալ իցէ :

Արդ Անտիպատրոս 'ի թուղթ ինչ իւր արձանագրեալ յաղագս մահուանն Արիստոտելի իմաստասիրի՝ ասէ, եթէ “ հանգերձ այլովք բազմք՝ այս այր աւագ ունէր և զյանգուցանելոյն արուեստ ” : Այլ Մարկիոսին գործք և առաքինութիւնք՝ զարուեստ զայս մերձ ոչ ունելով, ատելի արարին զնոսա և նոցուս իսկ բարեգործելոցն առ 'ի նմանէ, որք ոչն հանգուրժէին

բարձրայն սերճութեան նորա և կրից յա-
մառութեանն՝ զոր բնականից ընկեր միայ-
նութեան՝ ասաց Պղատոն : Իսկ ներհակա-
բար Աղլիբիադէս քաջագէտ 'ի մարդասի-
րապէս վարել ընդ կենսակից մարդկանն ,
զարմանք չեն՝ եթէ յորս միանգամ առա-
քինաբար նահատակեցաւ՝ բարեբառով
ծաղկեցաւ 'ի միառա հանգերձ մտերմու-
թեան սիրով և պատուով : Ուր և ինչ ինչ
'ի յանցաւորութեանց անտի առն բազում
անգամ շնորհաշուք երևեցան և գեղեցիկ :
Ուստի և ինքնին թէպէտ և ոչ գուշակեաց
և ոչ սակաւ հատուցեալ քաղաքին զեան ,
համայն և այնպէս բազում անգամ առաջ-
նորդ ընտրեցաւ քաղաքին և զօրավար : Իսկ
Մարկիոս՝ յետ բազմագէտ՝ առաքինու-
թեանցն և քաջարութեանցն հետամուտ
հիւպատոսական բարձին եղեալ որ քաջա-
վայելուչ իսկ էր նմա՝ մերժեցաւ : Եւ այս-
պէս զԱղլիբիադէս՝ թէպէտ և չարիս կը-
րեալք 'ի նմանէ՝ ոչ կարացին ասել քա-
ղաքացիքն : Իսկ զՄարկիոս՝ թէպէտ և հիւս-
ցեալ զարմացեալ էին ընդ նա՝ ոչ սիրեցին :
Քանզի Մարկիոս ոչնչ 'ի ներքս երեր
իւրոց հալոնեացն 'ի զօրավարութեան իւ-
րում , այլ թշնամեացն՝ ընդդէմ հայրե-
նեացն : Իսկ Աղլիբիադէս միանգամայն և
'ի զինուորութեանն բազում անգամ 7 և 'ի
զօրավարութեանն դարձեալ , 'ի վայել
խնդացոյց զԱթենացիսն . և յորժամ մերձն
կայր՝ նկուն առնէր զթշնամիսն՝ որչափ և
կամէր . իսկ յորժամ 'ի բացեալ կայր՝ ամ-

բառատանութիւնք զօրացեալ էին զառնէն : Իսկ Մարկիոս՝ յորժամ մերձն կայր՝ ի հռովմայեցւոց իւրոց գառտակնիք ընկալաւ . գարձեալ և յորժամ մերձն կայր՝ Վոլուսկեանքն զնա խողեսողեցին , թէպէտ և անիրաւութեամբ և ամբարշտութեամբ : Սակայն և ինքն պատճառս իմն ներեւի ի ներքս ընծայեաց . քանզի աշխարհաւ ի ձեռն հրեշտակացն հաշտութիւն խաղաղութիւն յանձն չառեալ , ապա մասնաւոր և առանձին ի հաւան ածեալ ի կանանց անտի , ոչ եթէ զթշնամութիւն մարտին ելլոյժ փակեաց , այլ զպատերազմն յակաստանի պահեալ՝ կորոյս զգէպ ժամանակն և խաթարեաց միանգամայն :

Քանզի պարտ և արժան էր նմա՝ հաւանութիւն նախ ի Վոլուսկեանցն առեալ յապաւինեւոցն իւրոց , և այնպէս չու առնել տեղի տալ՝ եթէ մեծապէս փոյթ ինչ էր նմա արդարութեամբ գնալ ընդ նոսա : Իսկ եթէ ոչինչ հոգայր նա զՎոլուսկեանց , այլ զքասուամն բարկութեանն կամեցեալ ընդ շարժեաց յուզեաց զմարտ պատերազմին և տպա լռեալ գազարեցոյց , ոչ եթէ ի պատճառս մօրն գեղեցիկ էր նմա խնայել ի հայրենիսն , այլ ընդ հայրենեացն և ի մայրն իւր գլխովին . քանզի և մայրն ինքնին և կինն մասն էր հայրենեացն՝ զոր պաշարեալ նստէր : Բայց նա աշխարհի պաղատանօքն և հրեշտակաց խնդրուածովքն և քահանայից մաղթանօքն խտապարանոց կացեալ , և ապա յետ այնորիկ

մօրն շնորհա արարեալ՝ տեղի տալ մեկնել, այս ոչ մօրն ինչ էր պատիւ, այլ հաջրեանեացն անպատուութիւն. որ յանդորր ել փրկութեան 'ի գութ և 'ի խնդրուածս կնոջ միոյ, իբրու որ արժանի չէր փրկութեան անձին առանձին: Քանզի աննուէր շնորհն և անագորոյն և արդարև անշնորհ, և ոչ դարձեալ երկուց կողմանցն գտաւ փարելի: Քանզի չու արար տեղի ետ ոչ 'ի թշնամեաց անտի հաւանեալ, և ոչ զնիզա կակիցս իւր հաւանեցուցեալ: Եւ պատճառք ամենայնին անընդել քաղաքավարութիւն կենաց առն և բարձրայօն գոռողութիւնն և յամառութեանն կիրք, որ և առանձինն արդեօք՝ ատելի է ժողովրդեան. ապա թէ և զպատուասիրութիւնն մերձ իւր ունիցի, բնաւ իսկ այնուհետեւ վայրենանայ և դժոխմբերելի յոյժ է:

Քանզի որ այսպիսիքն են՝ ապա ոչ հարկանեն խուժանին, իբրու անկարօտք ոմանք պատուոյ. իսկ յետ այնորիկ զչարին և սրտնին՝ յորժամ ոչ հանգիպին պատուոյ: Եւ արդեօք և Մետեղղոս ինքնին և Արիստիդէս և Եպամինոնդաս՝ ոչինչ գրգէին զխուժանն և երբէք պաշտօն չհարկանէին նոցա, այլև ստուգապէս խոտէին՝ զոր ինչ խուժանն տիրաբար տայր և կամ բառնայր, ուստի և խեցեկոյտ վճիռ առեալք յանձինս և 'ի բաց մերժեալք, և բազում անգամ գատակնիք ևս ընկաղեալք, ոչ 'ի ցասումն բրդեցան ընդ անշնորհակալուքա զպքացիսն, այլ միւսանգամ սիրէին զնո.

աս՝ յորժամ ապաշաւէինն , և՛ի հաշտ գայ-
ին՝ յորժամ ողորեալք խնդրէին : Քանզի
որ սպառ չհարկանէ խուժանին , չէ նմա
արժան պատուհասակոծ առնել զնո . իբ-
րև զի մեծապէս զարնին և սրանել վասն
պատուոյ չհանգիպելոյ առ ՚ի նոցանէ , բնա-
ւորեցաւ ՚ի կարի ըղձակաթն լինելոյ առ նա :

Արդ՝ Աղկիբիազէս ոչինչ արդեօք ժրխ-
տել բաւական էր , եթէ ՚ի պատուի իւ-
րում չինգայր . և ոչ գարձեալ սրանէր
թաղծնոյր՝ ՚ի զանց առնել զնովաւ . ուս-
տի և նկրտէր թեակոխէր մտերիմ զանձն
բնծայել և հեշտ և բաղձալի՝ ընդ որոց մի-
անգամ քաղաքավարէր : Իսկ Մարկիտակ
ոչինչ թոյլ տայր գոռողութիւնն պաշտօն
հարկանել նոցա՝ որ պատուելն զնա կա-
րողն էին և ևս բարգաւաճ առնել զնա .
այլ պատուասիրութիւն նորա՝ յորժամ
զնովաւ զանց առնէին՝ ցատումն բարկու-
թեան և թաղծութի՝ ՚ի ներքս բերէր նմա :
Արդ այսոքիկ են՝ որովք ստգիւտ արկցէ
ոք արդեօք աւագ առնն , սակայն և այլն
ամենայն նորա՝ գեղեցիկ է և հոյակապ :

Իսկ յողջախոհութեան նորա մասին և
՚ի ժուժկալութեան արծաթոյն՝ զնա ընդ
քաջաց և առաքինեաց և ընդ անարատիցն
հեղինացւոց արժան է ՚ի կշիռ ձգել , և
ոչ ընդ Աղկիբիազեայ , որ օն և օն Արա-
մազդ՝ յոյժ լըբութեամբ անկղիտացեալ էր ,
և բարւոյն պատկառ կալ՝ բնաւ իսկ վեր-
ջացեալ 8 :

ԾԱՆՕԹՈՒԹԻՒՆՔ

1. Առտանօր զԳայիոս վերապակաւ ապրու-
դեալ 'ի Յն, ըստ անշուշտ պատմ. Հռոմէ.
պարտ է ուղղագրել, Անիոս:

2. 'Ի Լատ. Virtus, է միանգամայն՝ Ա-
ռաքինութիւն և Զօրութիւն, Արիութիւն,
են. ծագեալ 'ի բառէն Vir, որ է՝ Այր.
որպէս և 'ի Հայ՝ Այր և Արիութիւն:

3. Կատար և Պողեւքս, եղբարք Հեղե-
նեայ երկուորեակք:

4. 'Ի Յն. Պուտարք. Մարիիոսի՝ վերապակ
է յայտնի, փոխանակ ասելոյ Լարիիոսի:

5. Գեղեցիկ հրահանգ և յոյժ կարևոր
առ Առաջնորդս. յորմէ 'ի հրաժեշտն տալ՝
հարկ է առաջնորդին այնուհետև կամ
հրաժարել 'ի բարձէն, կամ անկանել:

6. Հոմերոս ունի զտողս. յՈգիսականն.
Հագներդ. Դ:

7. Իսկ 'ի զինուորութեան իւրում ոչ
նոր և չքնաղ նահատակեցաւ և ինքնին
Մարկիոս ախոյեանն Հռոմայեցոց՝ զան-
նման նահատակութիւնն, վանեալ գողցես
միայնակ զՎորիդանովն քաղաք: Եւ զե-
ւորդ Պուտարք զԱղկիրիագեայն յուշ ա-
ծէ, և զՄարկիոսինն՝ ոչ ևս:

8. Բարւոք է: Այլ զեւորդ Պուտարք
զանգոսնելինն զԱղկիրիագեայ՝ այսչափ 'ի
համառօտն ամիսփեաց. իսկ զՄարկիոսինն՝
սակաւ մի յառաջ այնչափ ճոխաբար ճա-
ռեաց 'ի կարգին:

Գ Լ Ո Ւ Տ Ա Ր Ք Ե Ա Յ

ԶՈՒԴԱԿԱՆՈՒԹ

ՏԻՄՈՂԵՒՈՆԴԵԱՅ

ԵՒ

ԵՄԻԼՒՈՍԻ ԳԱՒՂՈՍԻ

ՏԻՄՈՂԵՒՈՒՂ

ՍԻՐԱԿՈՒՍԱՑԻՈՑՆ բանք՝ մինչև Տի-
մողեւոնդեայ առաքեալ 'ի Սիկիլիա, օրի-
նակ զայս էին: Իբրեւ Դիոմիլ 'ի բաց վա-
նեալ հալածեաց զԴիոնեոսիոս բռնաւոր,
անդէն արագ արագ և ինքն նենգաւ սպա-
նաւ . և երկփեղկեալ հերձան յայնժամ՝
որք միանգամ ընդ Դիոմիլի զՍիրակուսա-
ցիոն յազատութիւն փոխեցին: Իսկ քա-
ղաքն ցանգ ծփեալ և փոփոխեալ 'ի բռ-
նաւորէ 'ի բռնաւոր՝ յամբաւ աղէտիցն վայ-
րիկ մի ևս յանապատ ամայի կտրղեալ էր:
Եւ այլ ևս սահմանք Սիկիլիոյ՝ կէս մի վեր
'ի վայր եղեալ և անքաղաք հիբացեալ 'ի
մարտից պատերազմաց, իսկ և շատք 'ի քա-
ղաքացն գրաւեալ կային 'ի խառնազանճ՝
բարբարոսաց և յանթողակ զօրականէն, որ
հեշտաբար հակամիտեալն էին փոփոխու-
թիւնս առնել տէրութեանց:

Բայց Դիոնեպիոս յամեն տառներարդի 'ի մի վայր խմբեալ զեկա օտարա, և զոր յայնժամ տիրացեալ կայր 'ի վերայ Սիրակուսացւոցն զՆէսէոսն 'ի բաց վանեալ յինքն միւսանգամ տանի զտէրութիւնն, և նստի անգէն բռնաւոր: Եւ որ նորանշան տարազու 'ի ձեռն փոքու գնդի 'ի բաց 'ի բռնաւորութենէն անկու՝ որ մեծ ևս էր քան զամենայն բռնաւորութի, նոյն գար ձեալ առաւել նորանշան՝ որ վտարանդին էր և նկուն և հիքացեալ՝ միւսանգամ հաւեալ տիրացաւ 'ի վերայ հալածչացն իւրոց: Արդ որ բնակաւորքն էին 'ի քաղաքին Սիրակուսացւոց՝ ծառայութիւն հարկանէին բռնաւորին, որ 'ի լաւագոյնս ինչ փոխեալ չէր. այլ և համբուն յարկածից անտի իւրոց վայրագացեալ ևս էր 'ի հոգին: Իսկ լաւորեալն և ականաւորքն 'ի նոսա առ Իկետէս ակնկառոյց եղեալ՝ որ իշխան կացեալ էր 'ի վերայ Լէոնտինացւոց, անձնատուրք եղեն նմա և զօրավար ևս կարգեցին զնա պատերազմի. ոչ զի լաւագոյն զէ էր նա քան զյայտնի բռնաւորան, այլ զի ապաստանարանն այլ չունէին նոքա, և զի և Սիրակուսացի էր ազգաւ՝ վասն այնորիկ և վատահ 'ի նա լինէին. և զի բաւական էր նա զօրութեամբ ճակատ ընդ բռնաւորին յարգարեւ:

Զայսու ժամանակաւ իբրեւ նաւատորմի մեծ կարգեգոնացւոց եկեալ հասան էր 'ի Սիկիլիա և կամէր ունել գրաւել զնա, զահի հարեալ Սիկիլիացւոց՝ խոր.

հուրդ 'ի մէջ առին հրեշտակութիւն առաքել յԵլլադա , և 'ի Կորնթացւոց անտի խնդրել ձեռն օգնականութեան . ոչ 'ի պատճառս ազդակցութեանն միայն վըստահացեալք 'ի նոսա , և զի և բազում անգամ յառաջին ժամանակսն բարեգործեալ իսկ էին նոցա . այլ և զի առհասարակ զքաղաքն զայն զԿորնթացւոց գիտէին նոքա ցանգ ազատասէր կացեալ և բռնաւորատեաց . և շատ ինչ և մեծամեծ 'ի մարտից պատերազմաց մղեալ էր նոցա ոչ 'ի տիրապետութեանն սակս և յաւելաստացութեանն , այլ 'ի վերայ հելլենացւոցն ազատութեան : Իսկ Իկետէս՝ որ զօրավարութեամբն զբռնաւորութեան թեկն ածէր և ոչ զՍիրակուսացւոցն ազատութե , գաղտաբար առ Կարբեդոնացիս բանադրնաց լինէր . իսկ յայտնապէս զՍիրակուսացիսն գովէր , այլ և յիւրոց անտի ևս առեալ ընդ հրեշտակացն առաքէր 'ի Պեղոպոննիսոս . ոչ զի խնդրէր ինչ անգուստ նիզակակից մարտակից , այլ զի եթէ յանկարծ՝ որպէս հաւանեալ էր՝ Կորնթացիք 'ի պատճառս հելլենացի շփոթիցն և անպարապութեանց յետս յօգնականութենէն կայցեն , հեշտին այնուհետև յուսայր առ Կարբեդոնացիս անդր փոխել շրջել զիրսն . և զնոսա նիզակակիցս և պատերազմակիցս 'ի ձեռն առնուլ ընդդէմ Սիրակուսացւոց , կամ թէ ընդդէմ բռնաւորին : Եւ այս ապա յետ սակաւու 'ի վեր ել :

Արդ իբրև հրեշտակք Սիրակուսացւոցն

յանդիման եղեն, յայնժամ Կորնթացիք՝ որ բնաւորեցան հանապազ խնամ անել գաղթական իւրեանց քաղաքացն և առաւել ևս Սիրակուսացւոցն . և զի՝ յայնմ ժամանակի ըստ գեղեցիկ բաղդին պատառելալ չէին նոքա յիշա ինչ Ելլազայ, այլ՝ ի խաղաղութեան կային և պարապորդք, վճիռ ետուան մտադիւրագոյնս ձեռն տալ օգնականութեան: Իբրեւ զօրավարի՝ ի խնդիր ելանէին, և իշխանքն գիր ևս հանեալ յառաջ ձգէին՝ ի գործն զորս միանգամ թեալոխեցին անանաւոր լինել ի քաղաքին, անգանօր մի ոմն՝ ի ժողովրդոց յարուցեալ անուանէր զՏիմոդեոնդ Տիմոդիմեան. ալ զոր այնուհետեւ ձեռնամուխ ինչ չէր ի հաւսարակաց գործն, և ոչ գարձեալ յոյս ինչ անկալութեան այնպիսի կամ խորհուրդերէք անկեալ էր ի միտս նորա . այլ գից ուրումն՝ որպէս հաւանեալս եմ՝ ազդելով ի միտս ժողովրդականին այնորիկ: Եւ ապա անդէն վաղվազակի և բախտն ինքնին մեծապէս մարդասիրութեամբ հանգիտանայր յընտրութեան նորա յայնժամ, և յապայս՝ յայլոց ևս նահատակութեան գործոց առն անմեկնելի էր շնորհն՝ ի զարդ և ի շուք առաքինութեան նորա:

Սա այս Տիմոդեոնդ էր ի հոյակապ զարմէ ի քաղաքի անդ՝ ծնունդ Տիմոդիմոսի և Դեմարիստեայ, հայրենասէր և հեղութեամբ հանդարտութեամբ գերազանցեալ, սակայն բուռն և սաստիկ բռնաւորատեաց էր այրն և չարատեաց: Իսկ ի

մարտա պատերազմաց այնպէս իմն գեղեցկապէս և յարգարուն բնաւորեցաւ նա, որպէս զի և հանճար բազում՝ մինչքեռ տակաւին պատանին էր՝ ի գէմս բերէր ի գործս նահատակութեան. ոչինչ պակաս և արութիւն քաջութեան՝ մինչ ծերն էր։ Եր սորա եղբայր երէց Տիմոփանէս անուն՝ ոչինչ նմանեալ նմա, այլ ապուշ և խօթամիտ, և ի ցանկութիւն միապետութեան սագրեալ հրապուրեալ ի խորհրդակորոյս բարեկամացն և յեկամուտ զօրականէն՝ որ ցանդ զնոժաւ կաթին. սակայն և թուէր նա խրոխտ և խելախ ի զինուորութեան մերցանան և զխնազրաւ ի վտանգս. որով և քաղաքացեացն առաջի շնորհս գտեալ իւրու այր պատերազմի և ժիրաժիր՝ կարգեցաւ ի զօրավարութիւն։ Եւ յայտոմի Տիմոգեւոնդ գործակից ձեռնառու էր նմա. զվերպական յանցանաց եպօրն քաղաքեալ ծածկէր, կամ թէ ի գուզնաբէից սակի տայր տեսանել. իսկ որչափ ինչ բնութին ի ներքս բերէր նմա ի լաւութեան մասին և ի քաջութեան՝ զայն առեալ զարգարէր և մեծացուցանէր։ Բայց ի մարտին Վորշն թացուոց ընդգէմ՝ Արդուացուոց և Վզէով նացուոց, էր կարգեալ Տիմոգեւոնդ ընդ ապառազէն հետեակաց. իսկ Տիմոփանէս զօրավար կացեալ ի վերայ աջուձիոյն՝ ի վտանգ անհնարին անկանէր ի ժամուն։ Քանզի վէրս և հարուածս առեալ երիվարին՝ անգանոր ի մէջ թշնամեացն ընկենոյր զնա. և նիզակակիցք նորա զահի հարեալ

անդէն ցիրեցան լինէին . և որ առ տեղեան
կային մնացին՝ նուազումը ընդ բազմաց 'ի
վէդ ելեալք դժուարամարտը լինէին : Իբրեւ
անդուատ զայն աղէտն յակն արկանէր Տի-
մոդեոնդ , 'ի շտապ տաղնապի գիմեալ 'ի
վայրն ձեռն տալ օգնականութեան , զառ-
պար իւր առեալ՝ այնպէս վահանափակ
ամրածածուկ հովանանայր 'ի վերայ Տիմո-
փանեայ՝ որ տապառած անկեալ կայր . շատ
ինչ յայնժամ նեղից արձակմունս , շատ և
վէրս և հարուածս ձեռին՝ առեալ 'ի մար-
մին իւր և 'ի զէնսն , այնպէս հաղիւ ուրեմն
'ի բաց զԹշնամին փարատէր և ապրեցու-
ցանէր զեղբայրն :

Այլ յետ այնորիկ երկուցեալ Վորըն-
Թացուց , զի մի Թերեա կրեացեն ինչ մի
յայնպիսեաց անտի , ըստ որում երբեմն 'ի
նիզակակցացն կրեցին՝ հանեալք 'ի ձեռաց
ջրաղպն , վճիռ տային՝ գումդ մի չորից
հարիւրոց եկամուտ զօրականին պահել 'ի
քաղաքին , և 'ի նոցա վերայ զօրավար իշ-
խան կարգեցին զՏիմոփանէս : Իսկ նա լա-
ւութեան ինչ և արդարութեան զհետ չը-
կրթեալ ամենեկին , վաղվաղակի ձեռնա-
մուկս 'ի գործ՝ հնարէր նկուշ ընդ ձեռամբ
ջրաղպն առնել , և զբազումս յաւազաց
անտի քաղաքին առանց իրաւանց գատաս-
տանի 'ի մահ վարեալ , հրապարակագոյժ
անձամբ զանձն առնէր իբրեւ բռնաւոր :
Ապա սատիկ իմն զջարեալ Տիմոդեոնդ ,
և աղէտս անձինն համարեալ զչարութիւն
եղբորն , ձեռն էարկ խօսել ընդ նմա և

խրատէր յորդորէր 'ի բաց թողուլ զանմե-
տութեան զիջէն զայն և զձախողակ , և
թեակոխել ինչ մի ուղղութիւն զյանցա-
նացն 'ի ներքս բերել առաջի քաղաքա-
ցեացն : Իբրեւ 'ի նմանէն 'ի բաց մերժեալ
խոտեցաւ , յայնժամ ապա իւր առեալ
Տիմոզեւոնդ յնաանեաց անտի շէպիւ-
զոս տագր Տիմոփոնեայ , իսկ 'ի բարեկա-
մացն զաջն գուշակ՝ որում Սատկերոս ա-
նուն կարգայ Թէոպոմեզոս , և Որթագո-
րաս՝ Տիմէոս և Եփորոս , և աւուրս սակաւ
մի հանգադտեալ անգրէն միւսանգամ յա-
րուցեալ ելանէ առ եղբայրն : Ապա շուրջ
զնովաւ կացեալ երեքին նոքա աղաչէին
գոնէ այնուհետեւ զգոնանալ միանգամ և
փոխել 'ի խորհրդոց անտի իւրոց : Իսկ Տի-
մոփանէս զառաջինն ծաղը արարեալ ծիծա-
ղէր զնոքոք , և ապա 'ի բարկութիւն բըր-
դէր և արտմտեալ ցասնոյր : Յայնժամ Տի-
մոզեւոնդ վայրիկ մի 'ի բացեայ 'ի նմանէն
գնացեալ , ծածկեաց զցլուին՝ այնպէս
կայր և արտասուէր . իսկ նոքա մերկա-
ցեալ ձգեալ զսուսերսն՝ անդէն վաղվա-
ղակի գիտապատա յերկիր արկանէին զՏի-
մոփանէս անգանօր :

Իբրեւ զհամբաւի հարկանէր գործն , կէպք
յաւագացն Կորնթացոց 'ի գովութի առ-
նուին զարեատեաց բարսն և զմեծանձնու-
թիւնն Տիմոզեւոնդեայ . այն՝ որ հեզ և
քաղցր և տնառէր՝ զհայրենիսն քան զըն-
տանութիւնն նախապատիւ կարդեաց . և
զգեղեցիկն և զարդարն՝ քան զօգտակարն .

զնահատակեալն 'ի վերայ հայրենեաց զեղբայրն իւր՝ փրկեալ ապրեցուցանէր . և ըզնոյն ինքն գարձեալ՝ յորժամ խորամանկեալ զհայրենիսն ծառայեցուցանել կամէր՝ եհար և սպան : Բայց և կէտք դարձեալ՝ որ ոչն կարէին կեալ յընկերհաշտութեանն , և առ Ճոխս և առ աւագս ակնկառոյց լինել բնաւորեալքն էին , ընդ մահ բռնաւորին խնդացեալ ցուցանէին զանձինս , այլ խոտեալ թշնամանէին զՏիմոզեւոնդ , իբրու 'ի գործ ամբարշտութե և ատելի միտեալ զձեռն . և այնպէս 'ի տրտմութիւն թաղծութեան արկանէին զայրն : Իսկ իբրեւ լուր էառ , եթէ և մայրն գլխովին մեծապէս սրանեալ է , և ձայնս գժտխրմբերս և անէծս 'ի վերայ նորա կարգայ , զահի հարաւ . յարուցեալ ընթանայր առնա սփոփել միսթարեւ զնա . իսկ մայրն չհանդուրժեալ և ոչ զերեսս անգամ նորա տեսանել , ելեալ փակէր ընդդէմ նորա զտունն . անդ ապա համբուս 'ի թաղծութիւն անհնարին ընկղմէր Տիմոզեւոնդ , և յայլոյ խելս եղեալ՝ պնդապէս հաստատեաց 'ի միաս իւր՝ անձին մահ ածել անսուսողութեամբ : Բայց բարեկամք նորա անտես չարարին զնա . այլ զամենայն խրնդրուածս և զամենայն հարկ առաջի եղեալ նորա , 'ի հաւան ածէին զնա կեալ մնալ առանձինն հեռի 'ի բազմութենէն :

Յայնժամ բնաւ իսկ թողոյր լբանէր Տիմոզեւոնդ զկենցաղակից զկեանսն , և յառաջին ժամանակսն և ոչ 'ի քաղաքն եր .

բէք իջանէր . այլ Թաղծեալ լի արամու-
 Թեամբ Թափառեալ շրջէր 'ի վայրս ամա-
 յիս : Եւ այսպէս գառաաւանք մտաց' եթէ
 երբեք հաստատութիւն և կորովութիւն ոչ
 ինչ առեալ ընկալցին 'ի բանէն և յիմաս-
 տասիրութենէն 'ի գործս մեր , շարժին և
 գեղեին հեշտեալ 'ի գովութեանց անտի
 և 'ի բամբասանացն' որ հանգիպին , 'ի բաց
 եզեալ զտախտեան զիւր խորհուրդսն :
 Քանզի ոչ գործոյն միայն պարտ և արժան
 է լինել գեղեցիկ և արդար , այլ և կար-
 ծեացն գլխովին՝ յորմէ շարժիմք 'ի գոր-
 ծել' պէտք են անգրգուշի լինել և անայ-
 լայնիւ . որպէս զի իբրեւ մասաւորք գործի-
 ցիմք և ընտրողք , և ոչ իբրեւ զորկորեայսն
 և զպորտաբոյժսն ; որ յոյր կերակրոցն ան-
 յադ ցանկութեամբն զհետ մոլեալք , ան-
 գէն յափրացեալք գարշին՝ իբրեւ յադե-
 նան . սապէս և մէք 'ի վերայ գործոցն՝ զոր
 'ի գլուխ տարեալ կատարեցաք՝ սրտաբեկ
 արտաւուչ Թաղծիմք առ տկարութեան
 մերոյ , յորժամ առաջին երեսկութիւնն
 գեղեցկութեան գործոյն նուազեալ Թար-
 շամեսցի : Քանզի ապաշաւելն՝ նա և զգե-
 ցեցեալէս գործեալ զգործն անարգ յար-
 գարէ և յռի . իսկ նախընտրութիւնն՝ որ
 'ի ճշգրիտ գիտութենէ անտի և 'ի բանէն
 Թեւադրեալ իցէ՝ ոչ փոփոխի , Թէպէտ և
 ձախողակի գնասցեն իղբն : Վասն որոյ և
 Փոկիոմն Աթենացի՝ որ հակառակ ամբար-
 ձեալ կայր խորհրդոց և գործոցն լէոսթե-
 նեայ , իբրեւ յետ այնորիկ քաջապէս նա-

հատակեալ կարծեցաւ նա, և այն ինչ տեսանէր Փոկիոյն զԱթենացիսն զոհս զոհել և բարձրապարանոցս գնալ վասն յաղթութեանն, ասէր՝ եթէ տիրելի է արգեօք նմա՝ յայսոսիկ նահատակել լէոթենեայ, այլ ինքն գարձեալ զառաջին զայն խորհուրդն տայ նմա: Իսկ ուժգնակի ևս Արիստիդէս լոկրացի մի՝ ի մտերմացն Պղատոնի, յորժամ ի կին խնդրէր ի նմանէ Դիոնեսիոս երէց զմի ի գատերաց նորա, ետ պատասխանի և ասէ. Հեշտալի արգեօք է ինձ տեսանել զօրիորդն իմ մեռեալ, քան ընակակից բռնաւորի եղեալ: Եւ իբրեւ յետ տակաւ ժամանակի սպանանէր զորդիս նորա Դիոնեսիոս, և հարցանէր գարձեալ՝ ոտնհար լինելով նմա՝ եթէ արգեօք տակաւին ի նոյն խորհուրդ կացցէ՞ վասն տուջութեան դոտերն, ետ պատասխանի՝ եթէ թողծեալ կայ ընդ պատահումն, այլ ընդ բանն իւր չապաշաւէ: Այլ այսոքիկ արգեօք կատարեալ առաքինութեան իցեն և վեհագունին արգասիք:

Իսկ Տիմոզեւոնդեայ կիրք ընդ եղեալն՝ եթէ գութ գորովոյ իցէ ի վերայ մեռելոյ եղբօրն, և եթէ շուք և պատկառանք վասն մօրն, այնպէս իմն գրաւեալ կալաւ և նրկուն արար զխորհուրդս զառնն, որպէս զի և զամս քսան՝ գողցես ողջոյն ոչ ի գործ երևելի և ոչ ի քաղաքական՝ ձեռնամուխ նա ոչ եղև: Արդ իբրեւ ի զօրավար հրապարակէին զնա, և ժողովուրդն ինքնին մըտազիւրադոյնս ընկալեալ ձեռն հաւանու-

Թեան տայր, յարուցեալ յայնժամ՝ ի մէջ Տիկէկլիզէն՝ զօրութեամբ և փառք այր աւազամեծար ՚ի քաղաքին, քաջալեր ՚ի ներքս մատուցանէր Տիմոքլեոնդեայ՝ մեծապէս արութեամբ քաջանալ և նահառակել ՚ի գործն. «Քանզի եթէ գեղեցկապէս՝ ասէ՝ միցեացիս, համարեացուք մէք եթէ զբռնաւոր սպաներ. ապա եթէ վատացիս՝ զեղբայր», :

Բայց իբրեւ կազմէր պատրաստէր Տիմոքլեոնդ ՚ի նաւել և խմբէր ժողովէր զքրականն, նամականի հասանէր առ Վորնթացիս յիկեռոսէ, յորմէ և ազգումն լինէր նոցա փոփոխութեան առն և մատնութեանն : Քանզի անդէն վաղվաղակի իբրեւ գնացեալ մեկնեցան հրեշտակքն, նա յայտնի միաբանեալ ընդ Վարքեգոնացիսն, բան հաստատեաց ընդ նոսա՝ զի Ղիոնեոփոս ՚ի բաց վանեալ ՚ի Սիրաղուսայ՝ ինքն կացցէ բռնաւոր : Եւ զանդիտեալ՝ Թերեա կանուխ հասեալ անգր ՚ի Վորնթոսէ զօր և զօրավար՝ քար ընդ ոտն եղիցին գործոց նորա, առեալ յղէր նամականի առ Վորնթացիս, ասել՝ եթէ չեն պէտք այնուհետեւ նոցա աշխատութեան և ծախուց՝ խաղալ նաւել ՚ի Սիկիլիա և վտանդել զանձինս : Նա զի՝ և Վարքեգոնացիք ինքնին պահ արկեալ նաւուց բազմութեամբ՝ արգելին զնաւատորմիդ նոցա. և զի՝ ինքն ՚ի գանդաղել Վորնթացոցն՝ ստիպեցաւ ըզՎարքեգոնացիսն ՚ի նիզակակիցս իւր կարգալ ընդգէմ՝ բռնաւորին : Իբրեւ զգիր զայս

ընթերցան նոքա , յայնժամ՝ եթէ և ոք
յառաջն հեղգացեալ գանդաղէր 'ի Վորն-
թացւոցն 'ի զինուորութիւն անդր, առհա-
տարակ ամենեքեան բարկութեամբ տրտ-
մանալք 'ի վերայ Իկեառտի, որպէս զի և
մտադիւր ևս յօժարութեամբ ետուն միան-
գամայն զպէտան Տիմոզեւոնդեայ, և ան-
գէն հանդերձեցին կազմեցին 'ի նաւարկել:
Իբրեւ կազմ և պատրաստ կային նաւքն, և
զօրականին՝ որ ինչ պիտոյն էր՝ բաշխեցաւ
տուաւ, անդուստ և քրմանոյժք Օրիորդին
կարծէին տեսանել յերազի, իբրու այն թէ
գիցուհեացն 1 հանդերձել ուղւոյ լինել.
և ասել՝ եթէ 'ի միասին ընդ Տիմոզեւոն-
դեայ հասանէ նոցա նաւադնաց լինել 'ի
Սիկիլիա: Վասն որոյ և Վորնթացիք եռա-
թի մի նուիրական պատրաստեցին գիցու-
հեացն, և 'ի նոցանէն անուն կարգացին նմա:

Բայց ինքնին Տիմոզեւոնդ յարեաւ չո-
քաւ 'ի Դեղիիս. անդ զոհս զոհէր աստու-
ծոյն, և իջեալ ապա 'ի գուշակարան անդր
նորա, նշան այսպիսի երևէր 'ի վերայ առն:
Քանզի 'ի ձօնից անտի կախելոց վարսակալ
մի զերծեալ 'ի վայր՝ ասղնեգործ նկարա-
կերտ պսակօք և յաղթութեամբք՝ գայր ան-
կանէր 'ի վերայ գլխոյն Տիմոզեւոնդեայ.
Իբրու այն թէ՝ 'ի նմին իսկ աստուծոյ պաա-
կեալ այրն՝ այնպէս 'ի գործ նահատակու-
թեանն առաքեացի: Իսկ էին նաւք կորն-
թացիք ընդ նմա եօթն թուով, և երկու
գարձեալ՝ կերելւրացիք. իսկ զտասնե-
րորդն 'ի ներքս մատուցին Լեւկադացիք:

զորս և միահամուռ առեալ Տիմոքեւոնդ անկանէր յայնժամ յուրի :

Իբրեւ 'ի գիշերի խաղալո 'նա 'ի խորս և հողմն շնչեր գեղեցիկ, թուէր իմն յանկարծակի ցեղուլ երկնից 'ի վերոյ նաւուն իւրոյ, և հեղուլ թափել հուր մեծ և բոցաճաճանչ. յետ այնորիկ և զամբար վերամբարձ երեւեր նմանորինակ այնմ՝ որ 'ի խորհրդականան, և զայն ճանապարհ հատանէր ընթանալո առ նոքոք զամբարն՝ յիտալիոյ 'ի կոյս գէմ եգեալ, ուր և թեակոխեալ գնային դեկավաղք : Յայնժամ գուշակքն և իղձքն քարոզ կարգային՝ եթէ այդորիկ աւագիկ վկայութիւն 'ի ներքս բերին երազոց քրմանուշիցն. և զի՝ և գիցուհիք ինքնին գլխովին նիդակակից վառեալք են 'ի զինուորութիւնն, և նոքին դարձեալ երեւցուցին 'ի բարձանց զճաճանչն զայն : Քանզի և Սիկիլիա ինքնին նուիրական էր Օրիորդին : Եւ զի՝ և զյափշտակութիւն նորա կցկցեն անգանօր 'ի Սիկիլիա հանգիւտեալ, և զիղզին զայն 'ի հարսանիսն պաշտատական տուեալ նմա :

Արդ այս նշանք յաստուծոյ անտի մեծապէս յայնժամ քաջալեր տային բանակին. և այնպէս փութապէս հատեալք զանգուռքս եկին հասին յիտալիա : Սակայն որ 'ի Սիկիլիոյ լուրք հասին առ նոսա, 'ի վարանս բազում արկին զՏիմոքեւոնդ և 'ի մեծ արտաբեկութիւն զգորականն : Քանզի Իգեաէս 'ի մարտի պարտեալ զԴիոնեոսիս, և զբազմագոյն մասն զՍիրակուսայ

կալեալ, և զնա 'ի գղեկի անդ և 'ի վարդն անուանեալ Նիսսո՝ այն է Կղզի՝ արդեւ լեալ փակեալ, ինքնին շուրջ պատնշափակ արարեալ նստի : Իսկ Կարբեդոնացւոց պատուէր տուեալ էր փոյթ և պահ ունել, զի մի 'ի Սիկիլիա զօրութեամբ լիցի Տիմոզեւոնդ . այլ 'ի բաց զնոսա վանեալ ինքեանք ապա յանդորդու յիւրեանս բաժանեացեն զկղզին : Յայնժամ Կարբեդոնացիք առեալ արձակէին քսան եռաթիւ նաւաց 'ի Հռեգիոն . 'ի նոյն նաւա ամբարձան և հրեշտակք յիկետոսէ առ Տիմոզեւոնդ . պատգամաբերք բանից՝ որ նմանօրինակք էին գործոցն : Քանզի վերին երեսօք բանքն գեղեցիկք էին, և ներքինք նորա՝ խորամանկութիւն չար : Քանզի աղաչել հանդերձեալ էին նոքա զՏիմոզեւոնդ, զի թէ կամք իցեն նմա՝ ինքն իբրեւ խորհրդակից իկետեայ յարուցեալ զնասցէ առ նա, և բաժանորդ լինիցի ամենայն գեղեցիկ նահատակութեանց նորա . իսկ զնաւան և զզօրականն առեալ արձակեացէ 'ի Կորնթոս, իբրեւ զի վայրիկ մի ևս մարա պատերազմին 'ի վճար իցէ : Առ այս՝ և Կարբեդոնացիք կազմեալ պատրաստեալ կանխափանեւ արդեւու զանցա Կորնթացւոցդ, և մտադիւր ևս կռուել՝ եթէ երբէք բռնա արասցեն նոցա :

Արդ իբրեւ եկին հապն Կորնթացիք 'ի Հռեգիոն՝ և անդ հանդիպեցան հրեշտակացն, գարձեալ և զփութիկեցիսն տեսանէին անգանօր ոչինչ 'ի բացեալ արկեալ

խարխախ նաւացն, սարձացան յանձինս իբրեւ աղանակատակ եղեալք . և առհասարակ 'ի բարկութիւն բողբէին ընդդէմ Իկետեայ. առ այս՝ և ցաւէր նոցա վասն Սիկիլիացւոցն, իբրեւ որք ակն յայտնի 'ի ձեռս Իկետեայ անխնամ թողան նոքա մրցանակ և վարձ մատնութեան, իսկ Կարքեդոնացւոց՝ բռնաւորութեան : Եւ թաւէր իմն նոցա՝ եթէ չլիք հնար յաղթել միանգամայն և նաւացն բարբարոսաց՝ որ կրկին ևս զօրութեամբ 'ի վերայ հասեալ կային, և բանակին Իկետեայ՝ որում զօրավար եկեալ էին նոքա 'ի Կորնթոսէ : Սակայն Տիմոլեոնդ բանս 'ի մէջ արկեալ ընդ հրեշտակացն և ընդ իշխանս Կարքեդոնացւոցն, ասէր հեղաբար՝ անսալ ամենայն հրամանացն, (քանզի և զի՞նչ այլ բաւական իցէ առնել անաստեղծն), բայց կամի ըզբանագ զայդ խօսել նոցա յերկաքանչիւր ևս կողմանց լսելով և ասելով յանդիման հեղինացի քաղաքին Հռեդիոնի, որ հասարակաց բարեկամն է : Քանզի և այսպէս ոչ անձին միայն օգուտ մեծապէս իցէ յաներկեանութիւն, այլ և նոցուն գարծեալ հաստատութիւն խոստմանցն առ Սիրակուսացիսն, յորժամ ինքնին և ժողովուրդն վկայ կացցէ ամենայն գաշանցն կռելոց :

Չայս ինչ առաջի արկանէր նոցա Տիմոլեոնդ՝ նենդ հնարիմաց արուեստակելով վասն անցանելոյ 'ի Սիկիլիա : Անդանօր ընդ նմա արուեստակիցք 'ի նոյն էին և Հռեդիոնացւոց զօրավարք առհասարակ .

քանզի և խնդրէին իսկ՝ առ Վորնթացիս փոխել զերս Սիկիլիացւոցն, և զահի հարեալ ևս էին 'ի մերձ կալոյ անտի բարբարոսացն: Վասն որոյ և եկեղեցի խմբեալ և զգրուանս փակեալ՝ զի մի ամենեկին 'ի գործ ինչ այլ ընթացին քաղաքացիք, և եկեալ հասեալ յանդիման բազմութեան ժողովոյն, զըրոյցս երկայնս 'ի մէջ առեալ բարբառէին. և այր այր մի զմիոյ զկնի զնոյն իրաց ճառարկեալ խօսէր, ոչ յայլ ինչ պատճառս՝ բայց զժամանակն երկայնեւ ձդել, մինչև մեկնեալ գնասցեն եռաթիւք Վորնթացւոցն. և Վարդեգոնացիք յատեան ժողովոյն արդելեալք մնասցեն անկասկածք՝ անդ յանդիման իւրեանց տեսանելով զՏիմողեւոնդ. որ այնպէս կարծեցուցանէր նոցա՝ եթէ և ինքն հուպ ընդ հուպ յարուցեալ հրապարակախօս լինիցի: Իբրև անդ գաղտաբար ոմն մերձեալ ազգ առնէր նմա՝ եթէ ամենայն եռաթիւք Վորնթացւոցն ելեալ անկան յուղի, և միայն նորա եռաթին նմա ակնկալեալ սպասէ, յայնժամ Տիմողեւոնդ ոտնխթի կազ 'ի կաղս սարդեալ 'ի խռան ամբոխին, միանգամայն և որք շուրջ զքեմիւն հռեգիոնացիք՝ հովանացեալ ծածկէին զնա, նա այնպէս զերծեալ արտաքս էջ 'ի ծովեզրն, և անդէն փութապէս անկանէր յուղի, և նաւեալք հասանէին 'ի Տաւրոմենիոն Սիկիլիոյ. ուր և մեծապէս հիւրընկալեալք յԱնդրոմաքոսէ՝ որ և 'ի վաղնջուց իսկ նոցա հրաւեր կարգացեալ էր, և ինքն տիրացեալ ունէր զքաղաքն:

Սա այս Անդրամաքոս հայր էր Տիմէոսի պատմաբանի . սա լաւութեամբ գերազանցեալ քան զամենեւին՝ որ յայնժամ Խրատեալք էին 'ի Սիկիլիա , իւրոց քաղաքացեացն առաջնորդէր իրաւամբք և արդարութեամբ , և ընդդէմ բռնաւորացն ցանդ յայտնի հանգիստնայր թշնամի և ռոտ : Վասն որոյ և Տիմոքլեոնդեայ յայնժամ զիւր քաղաքն 'ի ներքա մատուցանէր ապաստանարան մարտի . և զքաղաքացեան ածեալ հաւանեցուցանէր մարտակից նիզակակից Կորնթացւոցն լինել , և 'ի միասին ընդ նոսա յազատութիւն յանդորդ հանել զՍիկիլիա առհասարակ :

Իսկ որք 'ի Հռեդիոն Կարբեդոնացիք , իբրև անտի եւ մեկնեցաւ Տիմոքլեոնդ և արձակեցաւ եկեղեցին , սրտմտեալք ցասմամբ ընդ խաբանան՝ զքօսանտ յայնժամ ծաղու ընծայելին նոցա Հռեդիոնացիք յաւել իւրեանց , եթէ փախիկեցիք գոլովնոքա՝ չէ պարտ գծկամակ երբէք ընդ գործս խաբանաց լինել : Յայնժամ նոքա հրեշտակ մի առեալ արձակեցին եռաթիռով 'ի Տաւրոմենիոն , որ շատ ինչ խօսեալ առ Անդրամաքոս յայրատագոյնս և խժդժագոյնս , սպառնալիս 'ի վերայ կապելով թէ ոչ վազվազակի 'ի բաց մերժեալ հանցեղ Կորնթացիսն . ապա 'ի վերջէ զափ ձեռին 'ի վեր կոյս ցուցեալ և անդէն 'ի վայր կոյս ջջեալ , կայր և սպառնայր ըստ օրինակին ըստ այնմիկ անցա ընդ քաղաքն նորա անցուցանել : Իսկ Անդրամաքոս ծիծաղեալ՝

այլ պատասխանի չեա նմա, բայց զձեռն անդէն 'ի վեր կոյս առեալ՝ որպէս նայն տարը՝ և անգրէն 'ի վայր կոյս, հրաման 'ի վերայ կապէր նորա՝ յառնել նաւել փութապէս, և թէ չկամի ինչ ըստ օրինակին ըստ այնմիկ անցս ընդ նաւն իւր տեսանել:

Բայց իկեռէս լուր առեալ զանցիցն Տիմոդէւսեայ 'ի Սիկիլիա և զահի հարեալ, առաքեաց կոչեաց եռաթիւս նաւաց բազումն 'ի Վարքեգոնացոց: Եւ յայնժամ ապա գէպ լինէր Սիրակուսացոցն գլխովն տրտաբեկ յուսահատ լինել 'ի փրկութենէ իւրեանց, զի նաւահանգստաց իւրեանց տիրացան Վարքեգոնացիք, և զքաղաքն իկեռէս ինքնին գրաւեալ ունէր. զնոյն և գլխակն ընդ ձեռամբ նաւաճեալ էր Ղիսնեոսի: Իսկ անգ Տիմոդէւսեայ՝ իբրեւ ընդ գոյզն քղանցս աւանին Տաւրոմենացոյ՝ այնպէս հպեալ ծայրիւ ընդ Սիկիլիայ, յոյս ակնկալութեան նորա նաւազեալ էր և զօրութիւն նորա համառութեալ: Քանզի քան զհազար զօրականո և քան զկարեւոր պարէնան ոչինչ աւելի ունէր ընդ իւր Տիմոդէւսեայ: Առ այս՝ և ոչ քաղաքն վատահացեալք ինչ էին, պաշարեալք առհասարակ յաղէտս վայրից, և վայրենացեալք ցամամբ ընդգէմ ամենայն զօրավարաց բանակին, և առաւել ևս 'ի պատճառս ուխտագրուած գնացիցն Վալըիպոսի և Փարակոսի, յորաց մին էր Աթենացի, և միւսն՝ Լակեդեմոնացի. քանզի երկաքանչիւր նոքա հռչակ հարեալ ե-

Թէ վասն յաղատութեանն Սիկիլիոյ հա-
տեալ գան և լուծանել քակել զփապեա
բանաւորսն, ապա յետ այնորիկ զվիշտա ա-
զէտից քաղաքացեացն զառ 'ի բանաւորու-
թենէն' նոքա իբրև ոսկի պատուական ցու-
ցին Սիկիլիոյ, և քան զգարձեալսն և զփա-
խեալսն յաղատութիւն՝ երջանիկ ևս ե-
տուն նոքա համարել զխոշտանդեալսն և
զվախճանեալսն 'ի ծառայութեան անդ :
Ուստի և ոչինչ լաւագոյն քան զնոսա հա-
մարելով և զկորնթացիսն, այլ Թէ և նա
ինքն եկեալ հատեալ կայ նովին հնարիմաց
խորհրդովք և համոզակեր բանիւք և քաղաք
յուսով ամոքել զնոսա 'ի փոփոխումն նո-
րոյ տեաան, խորշէին խիթային և 'ի բաց
տանէին զհրաւիրանս կորնթացւոցն :

Բայց միայն Անգրանացիք որ 'ի քաղաք
փոքրիկ բնակեալ էին՝ նովիրական գիցն
Ագրանոսի՝ որում և շուք մեծապէս տայ-
ին ողջոյն 'ի Սիկիլիա, երկպառակեալ և
նոքա ընդ միմեանս, կէսք յիկետէս հակա
միտեալք և 'ի կարգեգոնացիսն, և կէսք
գարձեալ առաքեալ կոչէին զՏիմոզեւոնդ :
Եւ գէպ եղև յայնժամ՝ զի յաճապարել
անգր երկոցուն նոցա, 'ի միում անդ ժա-
մանակի երկաքանչիւր նոքա մերձ եղեն 'ի
քաղաքն : Այլ իկետէս եկեալ հատեալ
գայր հանգերձ հինգ հազար զորականսք .
իսկ Տիմոզեւոնդեայ 'ի բուն ոչինչ աւելի
էր քան զհազար և երկերիւր : Զսոսա ապա
առեալ ընդ իւր 'ի Տաւրոմենիոյ՝ որ հեռի
էր յԱգրանոսէ երեքհարիւր և քառասուն

ասպարիտք, յառաջնում առերին ոչ բազում ինչ հատեալ ուղի՝ խորան հասեալ նստաւ։ Իսկ յերկրորդումն աւուր հասաւ ճեպ տուեալ ճանապարհին և հատեալ տնցեալ ընդ գծուարս վայրաց, անգէն ի տարածումել առերին լուր առնոյր՝ եթէ այն ինչ և իկետէս մերձ եկեալ հասեալ կայ ինքնին յաւան անդր, և բանակ հարեալ նստի անգանօր։

Արդ վաշտապետք և գասապետք ածեալք զնահատակսն՝ դադար տային նոցա, զի կերակուր առեալ և հանգուցեալ՝ ապա յօժարամիտք ևս եղիցին ի գործ։ Այլ Տփմոզեւոնդ յառաջ անցեալ ազալէր մի առնել զայն բան, այլ ի շտապ տագնապի առնուլ խաղացուցանել զորականն յայնժամ ի կռիւ ընդ թշնամւոյն՝ որ այն ինչ հասեալ յուղւոյն թերեւս վաթաթեալ պատաղեալ ի խորանահարուծի իցէ և լինթրեացն պատրաստուծիւն։ զայս ասաց՝ և զասպարն առեալ յառաջէր ի յաղթուծիւն աներկեան առաջնորդել նոցա։ և առհասարակ քաջալերեալք զհետ ընթացան նորա՝ ասպարէսս իբրեւ երեսուն ի բացեայ ի թշնամեացն։ Հատեալք զուղին փութապէս անկանէին ի վերայ։ նոքա խռովեալք ամբոխեալք անգէն ի փախուստ խուճապեցան։ և յայսմանէ նուազումք իբրեւ երեքհարիւր տապաստ անկանէին, և կրկին նոյնչափ ի դերուծեան վարեցան։ սակայն առհասարակ յայնժամ տիրացան բանակին նոցա։

Իսկ Անդրանայից յայնժամ բացեալք՝
 զգրուան՝ միաբանք 'ի կողմն լինելին Տիմո-
 զեւոնդեայ. և կացեալք պատմէին նմա ա-
 հիւ մեծաւ և զարմանալեօք, զի 'ի ժամու-
 կառոյն ինքնին գուրքն նուիրականք աա-
 ճարին բացեալք լինելին. և նիզակ աստու-
 ծոյն երևէր ճօճել 'ի սայրին, և գէպք ե-
 րեսացն՝ քիրտն սաստիկ հոսել: Եւ էին այս
 նշանք՝ Թուի Թէ՝ յայտարարք ոչ այնմ
 միայն յաղթութեանն, այլ և որ յառաջոյ
 նահատակութեանց առնն, սկիզբն գեղե-
 ցիկ զփուլն զայն ունելով: Քանզի և քա-
 ղաքքն այնուհետեւ հրեշտակութեանս ար-
 ձակեալք՝ միամտեցան ընդ Տիմոզեւոն-
 դեայ. և Մամերկոս բռնաւորն Վատա-
 նեայ գաշնաւոր նիզակակից լինէր ընդ նմա,
 այլ մարտիկ և բազմահարուստ. և որ առա-
 վել ևս՝ ինքնին Դիոնեափոս որ վայրիկ մի
 ևս նկուն 'ի պաշարմանն՝ յուսակտուր ե-
 ղեալ էր, արհամարհեալ զլիկետէս՝ որ այն
 պէս անարգաբար 'ի պարտութիւն մատնե-
 ցաւ, և հիացեալ ընդ Տիմոզեւոնդ, հրեշ-
 տակս արձակեալ առ Վորնթացիս՝ անձնա-
 տուր լինէր հանգերձ գղեկաւն: Քաջալերե-
 ցաւ Տիմոզեւոնդ ընդ անկարծ ընդ գէպսն,
 և առեալ արձակէր առ նա զԵւկղիպէս և
 զՏեղեմարոս՝ զարս Վորնթացիս 'ի գղեակ
 անդր հանգերձ չորեքհարիւր զօրականօք,
 ոչ միախուռն զամենեսեան և յայտնի, (զի
 և չէր հնար՝ գրաւեալ Թշնամուրն զնաւա-
 հանդիստն), այլ գաղտագողի և տակաւ:
 Որոց և հասեալ կալան զգղեական և զամե-

հայն ինչ զբռնաւորին կահիւք և կարասեղք
պատերազմին : Զի և էին իսկ անդանօր ե-
րկվարք ոչ ասկաւք, և ազգ ազգ մենքենայ-
ից, և բազմակոյտ նեաից և սլաքաց, և զէնք
եօթն բիւր 'ի վազ ժամանակաց . էին անդ
Դիոնիսեայ և զօրականք երկու հազար .
զորս և միանգամայն ժողովեալ տայր 'ի
ձեռս Տիմողեւոնդեայ . և ինքն առեալ
զինչա իւր և ոչ շատ ինչ զսարեկամայն՝
գաղտ յիկեաեայ նաւազնաց լինէր 'ի բա-
նակ անդր Տիմողեւոնդեայ :

Բայց յայնժամ առաջին երեւցաւ Դիո-
նիսիոս իբրեւ զմի 'ի սոսկականաց և այր հի-
քացեալ, և արձակեցաւ միով միայն նա-
ւու և ասկաւ ընչիւք 'ի Կորնթոս . այն՝ որ
ծնեալ և անեալն էր 'ի բռնաւորութեանն՝
'ի մեծ և 'ի հռչակաւորն քան զնաւն, և
կացեալ 'ի նոյն նախ զամօ տաւն, ապա և
երկոտասան 'ի միւսանդամ՝ բռնաւորու-
թեանն յետ պարտելոյն 'ի Դիոնիէ՝ ցանդ-
յուղեալ 'ի կռիւս : Սա այս Դիոնիսիոս
և աղէտս կրեաց աստիկ ևս քան զոր ինքն
անցոյց ընդ այլս . քանզի զորդիս իւր յար-
բունս հասեալ՝ ետես սպանեալս, և զկոյտ
գտերսն՝ լլկեալս, և զքոյրն՝ զծակից իւր
բռնաբարեալ 'ի թշնամեաց և ապակա-
նեալ յոյժ անաւակութեամբ, ապա և
բռնամահ եղեալ ընդ զաւակացն և ամա-
ցեալ 'ի ծով : Այլ այսոքիկ շէգրիտ ար-
ձանագրեցան 'ի վարան Դիոնիւի :

Իսկ իբրեւ եկեալ հասանէր Դիոնիսիոս
'ի Կորնթոս, հեղինացի այր չէր՝ որ ոչն

խնդրեաց տեսանել զնա և խօսել ընդ նմա :
 Կէսք խնդացեալք ընդ արկածս արդեօքն
 առ տակըմթեանն, մտազխրագոյնս ըն-
 թանային ռանհար լինել առն, զոր բախան
 ինքնին գահավէժ կործանեաց զնա : Իսկ
 կէսք գարձեալ՝ փոփոխեալք առ նոր պա-
 տահումն և կարեկից եղեալք, մտափորհք
 'ի զնին կային զորումն գազանեացն այնո-
 յիկ և ատառւած այնոցն պատճառաց՝ յայա-
 նեալ 'ի վերայ տկար և ապիկար մարդկանն :
 Քանզի և զայնու ժամանակաւ չէր խակ տե-
 տալ նոցա փոփոխումն այնպիսի՝ ոչ 'ի բը-
 նութենէն, և ոչ յարուեստէն, որպիսի ինչ
 յայնժամ առ 'ի բախտէն : Զի որ ասկաւ
 մի յառաջ Սիկիլիոյ բռնաւորն էր, նա շուրջ
 'ի Կորնթոս գեղերէր ընդ վաճառիկ կա-
 նանայն, և նստէր 'ի խանութ իւղեփեցացն,
 և քամէր բաժակ խառնեալ 'ի պանդակա-
 պետացն, և դժտէր կազէր 'ի հրապարակի
 ընդ կանանց բողից և պաղշոտից, և կրթէր
 վարժէր յերգս զվարձակս, և 'ի թատերա-
 կան նուագան պայքարէր ընդ նոսա վանն
 ներդաշնակութի մեղեդեացն : Կէսք կար-
 ծէին գործել այսպէս Դիոնիսեայ՝ իբրու-
 յոգի հարեալ և մեղի անգամին գոլով 'ի
 բնութենէն և անժուժկալասիր : Իսկ կէսք
 գարձեալ, զի այնպէս անարգեալ խոտեւ-
 յի, և մի երկիցեն Կորնթացիք, և մի ինչ
 խիթացիք՝ իբրու գժոխրմբեր նմա փոփո-
 խումն կենացն լինելով, եթէ միւսանգամ
 նա իզմ լինիցի բուռն զգործոց հարկանել-
 ուստի և ներհակաբար բուսոյ բարտւոյն բա-

զսամ խօթամտութիւն 'ի գէմն բերիցէ 'ի քաղաքավարութեան իւրում:

Սակայն և են են նորա բանք, որ քաջ իսկ ցուցանեն՝ զի մեծապէս արութեամբ բերէր նա զաղէտս վշտին: Քանզի գնացեալ նորա 'ի Լեւկադէ քաղաք գաղթական Վորնթացւոյ՝ իբրու զՍիրակուսացւոցն, ասէր՝ եթէ գէպք պատահեն նմա ըստ մանկուոյն՝ որ յանցուցեալքն իցեն. քանզի զորօրինակ նոքա հրճուանօք վարին ընդ եղբարց իւրեանց, իսկ 'ի հարցն պատկառեալք խորշին. սապէս և ինքն պատկառէ 'ի քաղաքամօրէն՝ և մտադիւրագոյնս գեղերի առ նոսա: Իսկ 'ի Վորնթոս՝ իբրեւ մին յեկաց անտի 'ի սակս խնամոտ կենակցութեան նորա ընդ իմաստասէրս 'ի բրուհաւորութեան իւրում՝ գառնապէս խաղարարեալ, ապա 'ի վերջէ հարցանէր՝ եթէ զինչ օգուտ 'ի ներքս երեր նմա իմաստութիւնն Պղատոնի, եւ պատասխանի Դիոնեպիոս, " Եւ կարծիցինք մեք քեզ թերև, եթէ ոչինչ չահեցաք մեք 'ի Պղատոնէ՝ 'ի տանել մեզ այսպէս համբերութեամբ փոփոխութեան բախտին "։ Իսկ հարցեալ յԱրիստոքսենեայ երաժշտէ և յայլոց բազմաց, եթէ ուստի՞ արդեօք և զինչ նա գրեկամակեալ գծածցաւ ընդ Պղատոնի, ասէր, եթէ՝ Թէպէտ և լի բազմապատիկ չարեօք բռնաւորութիւնդ իցէ, սակայն չար ևս քան զամենայն այն է՝ զի յանուանեալ բարեկամսդ չիք դք աղատախօս. և զի 'ի սաղրեւոյ այնպիսեացն կորոյս նա զմտեր-

մեւթիւնն Պղատոնի: Բայց և մի ոմն յայնչանէ՝ որ հանճարեմացս խնդրեն լինել, խաղ արարեալ 'ի մտանելն առ Դիոնեսիոս, առեալ Թեթափէր զձորձս իւր՝ իւրու մտեալ առ ոք 'ի բռնաւորաց 3. փոխարէն և Դիոնեսիոս խաղ արարեալ զայրն՝ հրամայէր նմա զնոյն բան առնել յեւանելն արտաքս, զի մի ինչ Թերևս առեալ տարցէ ընդ իւր 'ի տանէն: Իսկ և առ Փիլիպպոս Մակեդոնացի, որ հեգնաբար 'ի կոչումս ուրեք բանս արկեալ վասն տաղիցն և ողբերգութեանցն Դիոնեսիոսի երիցու, վարանէր յանձն եթէ յորում ժամու արդեօք պարասեցաւ նա գրել զայնոսիկ, ոչ ինչ տարադէպ ետ պատասխանի այս Դիոնեսիոս, եթէ, " Յորում ժամու՝ գու և ես և առհասարակ ամենայն կարծեալ երջանիկքս գեղերէսք 'ի բաժակս ": Բայց զԴիոնեսիոս չետես Պղատոն 'ի Նորնթոս, քանզի մեռեալ էր: Իսկ Դիոգինէս Սինոպոցի, հանգիպեալ զառաջինն Դիոնիսեայ, տսէր այսպէս. " Բարէ Դիոնեսիէ, զիւնդ յանարժանս կեաս գու " . իբրև նա զտեղի կալեալ ետ պատասխանի, եթէ " Քաջ իսկ Դիոգինէ, ախտակից մերոցս լինիս վշտաց ": Նրկնեաց անգրէն Դիոգինէս. " Եւ զինչ ապա, համարիցիս Թերևս ախտակից լինելքեզ, և ոչ մանաւանդ զայրանալ. զի գերի գոլովքս աւաղիկ և արժանի ծերանալոյ և մեռանելոյ 'ի բռնաւորութեանդ իբրև զհայր քո, կեաս գու այժմիկ ընդ մեզ 'ի զբօսանս և 'ի գրգանս " :

Որպէս զի և 'ի կշեռ ձգեալ իմ՝ զայստօիկ ընդ բանիցն Փիղիատոսի՝ զոր ամուսկցաբար ասէր ընդ գատերսն Ղէպտինոսի, որք 'ի վայելից բռնաւորութեանն անկեալ՝ կեանս վարէին հիբացեալս, Թուի ինձ զճշալ և զկոծ լսել զկնոջ՝ որ շիշս խնդրեսցէ իւր կճեայս, և ծիրանիս, և ոսկիս :

Այլ այսոքիկ վասն Դիոնիսեայ բանք՝ Թուին ինձ ոչինչ անապաւորք յարձանա գրութեանս վարուց, և սչ յանօգուտս ան խուճապ և անզրօս լսելեացն : Եւ արդեօք նորապահնչ յոյժ իցէ ձախողակի բախտն Դիոնիսեայ, բայց և ոչինչ պակաս պահ չեղի բարեբաասութիւն Տիմոգլեանդեայ : Քանզի ընդ աւուրս յիսուն հասեալ 'ի Սէ կիլիս, տիրացաւ գղեկին Սիրակուսացոց, և առեալ արձակեաց զԴիոնիսիոս 'ի Պեղոպոննիսոս : Վասն որոյ և առաւել ևս քաջալերեալ Կորնթացիք՝ երկուս ևս հազարս հետեակաց առաքեցին առ նա և երիվարս երկերիւր : Իբրև հասին նոքա 'ի Թուրիոն, և քանզի զծովն գրաւեալ էր նաւաց բազմաց Կարբեդոնացոց, ոչինչ յառաջ խաղացեալ անդէն զտեղի առնուին սպասեալք գէպ ժամանակին. և անդ 'ի պարապորգութեն գործ գեղեցիկ 'ի ներքս բերին նոքա : Քանզի զպահպանութիւն քաղաքին յանձն առեալք, մինչդեռ Թուրիոնացիք ելեալ կռուեցան ընդ Բրետոցոց, ողջ և հաւատարիմ պահեցին նոքա զաւանդն՝ իբրուղիւրեանց հայրենի քաղաք : Իսկ անգուտս Իկետէս պաշարումն ա-

ծեալ գլխին Սիրակուսայ . արգելքս ըզ-
պաշար Կորնթացւոյն՝ որ փակեալ կային
անգանոր . առ այս՝ և զերկուս ոմանս յե-
կաց զորականին հրապարեալ նենգաւ ըս-
պանանն զՏիմոդէոնդ , առեալ գաղտա-
բար արձակէր զնոսա յԱգրանոն՝ ուրա-
նոր Տիմոդէոնդեայ չէին անձնապահա-
պետք , և ՚ի ժամուս քաջալերեալ յաս-
տուած՝ անգորր և անկասկած բնակէր նա
՚ի մէջ Ագրանացոց : Իսկ որք արձակե-
ցանն , լուր առեալք ըստ գիպաց զոհ կա-
տարեւ Տիմոդէոնդեայ , չղքան ՚ի մեհեան
անգր և գաղղնք նոցա ընդ ձորձովք . մը-
տեալք ՚ի խռանն շուրջ զքաղնաւ և տա-
կաւ յառաջեալք կամէին անգէն տալ ըզ-
հարուածն . մինչքեռ այնպէս նոքա մի-
մեանց նշան տային ՚ի միասին միմիլ ՚ի գործն ,
անգուտտ ալս ոմն ՚ի խռանէն շեշտ զվազա-
կաւորն առեալ իջուցանէր ՚ի գլուխ միայ
՚ի նոցանէն . և տապաւտ արկեալ զնա՝ ոչ
հարկանողն զտեղի առնոյր և ոչ ընկեր ըռ-
պանեւոյն . նա առեալ զվաղակաւորն իւր՝
փախուցեալ ապաւինէր ՚ի վերայ բարձու-
վիմի , և ոտ փռլթացեալ գիրկս տծեալ
բազնին՝ աներկեանութիւն անձինն խըն-
գրէր ՚ի Տիմոդէոնդեայ խոտաւցեալ պատ-
մեւ նմա զամենայն . իբրե զանգիրն էառ՝
կայր տապ պատմէր ոճով եթէ զխորդ-
լնքն և որ տապասան անկաւ՝ արձակեցան
անգր ՚ի սպանանեւ զնա : Յայնժամ գնա-
ցեալ իջուցանէին և զապաւինեալն ՚ի վէմ
անգր . ձայն բարձեալ աղաղակէր այրն , ե-

Թէ ոգին անիրաւեցաւ, այլ իրաւամբք սպան զայրն զայն փոխանակ մահուն հօրն իւրոյ՝ զոր այն այր յառաջ ժամանակաւ 'ի Ղեւոնտինոն սպանեալ էր. անդ և որ շուրջն կային՝ վկայէին նմա զայն, յափշտութիւն հարեալք ընդ գեղեցիկ հնարիմա-ցութի բախտին, եթէ զեւորդ այլ ինչ իրօք զայլ ինչ 'ի շարժումն ածէ և 'ի մի ժողովեալ զամենայն զհեռաւորսն և յերիւրեալ ընդ աննմանս 'ի միմեանց և ընդ օտարս, զայնոսիկ առեալ վարէ իբրեւ վախճանս մի մեանց և պատճառս : Ապա զայրն զայն առեալ Կորնթացիք պսակեցին տասն մնասիւք, զի զիրաւացին զիւր զկիրոն գործի 'ի ձեռս ետ Բաղին՝ որ պահապանն էր Տիմոզեւոնդեայ . և զոր անգուտտ 'ի վերուտտ զպրօմոտութիւն բարկութեան իւրոյ՝ ոչ Թափեաց յառաջագոյն, այլ առանձին պատճառաւն պահեաց ցայնվայր ըստ գեղեցիկ բախտին և 'ի փրկութիւն Տիմոզեւոնդեայ : Այլ բարեբաստիկ ելք ժամուն խրախոյս մեծապէս 'ի ներքս տայր և վասն հանդերձելոցն . և այնուհետեւ իբրեւ զայր աուրք տեսեալ նոցա զՏիմոզեւոնդ, և հանդերձ աստուծով եկեալ հասեալ 'ի վրէժ խնդրութիւն Սիկիլիոյ, շուք և պահպանութիւն հարկանէին նմա :

Այլ Իկետեայ 'ի գերեա ելեալ նենդին, և տեսեալ և՛ զի շաղք գնացեալ միամտեցան ընդ Տիմոզեւոնդեայ, ընդ անձին ոգորէր՝ զի բանակ մեծ այնպիսի կազմ 'ի ձեռին ունելով զՎարդեգանացոցն, իւր-

նայօրէն վարէր գաղտագողի՝ ի ներքս արկանել զօգնութիւն նիզակակցացն : Ապա առաքէր կոչել զՄագոն զօրավար նոցա հանգերձ ամենայն բանակաւն, հորդան տալ ահագին զօրութեամբ և ի նաւահանդիստ անդր մտանել հանգերձ հարիւր և յիսուան նաւուք . ուր և հանեալ ի ցամաք վեց բիւր հեռակաց, բաշխէր նաւուցանէր զնոսա ի քաղաքին Սիրակուսացւոց . յորմէ և առհասարակ թուէր իմն այնպէս՝ եթէ եկեալ հասեալ ուրեմն իցէ անշուշտ նախապատումն այն և սպասեալն նուաճութիւն Սիկիլիոյ ի բարբարոսաց : Քանզի ցայնվաթ ի մարտս բազումն ոչ ժամանեցին Վաղբեդոնացիք տիրանալ Սիրակուսայ . իսկ յայնժամ ի մատնութենէն իկետեայ հորդան ի ներքս՝ անդ էր տեսանել զքաղաքն իւրեւ բանակեալ բարբարոսաց :

Բայց որք ի ներքս ի գլեկին փակեալ լցորն(թացիք) ի մեծ վտանգ պաշարեալ կային նուազեալք յամբարոց . քանզի և նաւահանգատացն պահ թշնամիքն ունէին, և ինքեանք ցանդ ի կռուի էին շուրջ զպարագոն, բաշխեալք ի կողմն կողմն զգէմ ունել հնարիմացութեանց և ազգի ազգի յարձակմանց Վաղբեդոնացւոցն : Այլ Տեմոգլեւոնդ ի զօրավիգն առաքէր նոցա ցորեան ի Վատանեայ ի նաւակս ձկնորսաց և յակաոս մանուս, որ ի յուզել ծովուն և ի միրկել՝ սպրդեալք ընդ մէջ նաւաց բարբարոսացն՝ անցանէին գաղտագողի, յորժամ ի կոհակաց անտի և ի ծփանացն

վարեալք 'ի բաց լինելին նաւքն : Իբրե ի բաղցամ իզեն Մագոն և Իկեռէս, խորհեցան հասանել ունել զվատանիս զամբարանոց պաշարելոցն. ապա այլունտի դէն ընտիր արարեալ խաղացին նաւեցին 'ի Սիրակուսոյ : Իսկ անդուստ զօրավար պաշարելոցն 'ի գղեկին՝ Ղեւոնդ անուն Կորնթացի՝ գէտակն կալեալ 'ի բարձանց, զի որք մնացինն անդանօր 'ի Թշնամեաց՝ յուլացեալք յանհոգս կան, յանկարծակի յեղակարծումն ժամու անկանէր սաստկուլ թեամբ 'ի վերայ ցերուցան զօրուն, զկէս տասպաստ արկեալ, և զկէս 'ի փախուստ գարծուցեալ՝ հասեալ կալաւ զվայրն անուանեալ Աքրագինէ . և մասն է սա քաղաքին Սիրակուսացւոց ամուր և անառիկ՝ վայր առկայացեալ և կապեալ 'ի բազում քաղաքաց : Անդանօր լիացեալ Կորնթացւոցն ցորենովք և արծաթովք, ոչ զվայրն էրեալ, և ոչ անդրէն 'ի գղեկն տեղի արւեալք, շուրջ ամբուլթիւն ամէին Աքրագինայ և պատնշօք կապեալ ընդ գղեկին, պահէին և զնա : Իսկ անդ Մագոն և Իկեռէս մօտ հասեալք 'ի Կատանա, գուժկան ձիաւոր 'ի Սիրակուսոյ բօթ բերէր նոցա զառմանն Աքրագինայ : Յորմէ առհառա ըսկ խռովեալք 'ի շտապ տաղնապի գառնային նոքա յետս, ոչ զքաղաքն առեալ՝ ոյր ալազաւ խաղացին գնացին, և ոչ զայն պահեալք՝ զոր 'ի բռին ունէին :

Արդ՝ որ ինչ ցայս վայր գէպք, իմաստուլթիւն և քաջուլթիւն 'ի պայքար մոցեն

ընդ բախտին . իսկ որ յետ այսորիկ՝ գեղե-
ցիկ բախտին միայն համարեացին արգելք :
Քանզի որ անդ 'ի Թաւրիոն Կորնթացիք՝
զանգիտեալ 'ի նաւաց Կարքեդոնացւոցն՝
յորոց և արգելեալ մնացին 'ի զգրաւարու-
թեանն Անտի, միանգամայն և 'ի վաչոե-
նացեալ հոգեմեկոծ ծովէն առուքս բա-
զումս, ապա ուրեմն յարուցեալք խա-
ղային ընդ ցամաք ընդ Բրետտացիս . և ան-
ցեալ է ուրիշ խաղաղութեամբ, և է ու-
րիշ բռնութեամբ, եկեալ հասանէին 'ի
Հռեդիոն, մինչդեռ ասկաւին մղրկեալ
յուզեր ծովն : Իսկ զգրաւարն նաւաց Կար-
քեդոնացւոց Անտի ոչ ևս ապասեալ Կորն-
թացւոցն, և կարծեալ եթէ անդ ասկա-
ւին գեղերեալ կան, հնարս հնարեցաւ՝
որպէս կարծէր՝ խորամանկ գաւանաց :
Եւ հրաման նաւաղիցն պատկզ պատկիլ, և
զարդարեալ զեռաթիւն հեղինացի և փիւ-
նիկեցի ասպարզ, գէժ եղեալ նաւեր 'ի
Սիրակուսա . իբրև մօտ եղև 'ի գլխի անդր,
'ի կայթս և 'ի ծափս և 'ի քրքիջ տայր ազա-
ղակել, եթէ 'ի պարտութիւն մահանեաց
զԿորնթացիսն 'ի ծովազնացութեան նո-
ցա, զի այնպէս պատարեկս արասցէ զպա-
շարեալսն : Մինչդեռ նա յայն խաղ և 'ի
խորանան պատաղեալ կայր, Կորնթացիք
որ ընդ Բրետտացւոց երկիրն եկեալ իջին
'ի Հռեդիոն, տեսեալ անպահապան ըզ-
վայրն, և զմրրիկ ծովուն հանգարտեալ
գեղեցիկ, զի և անցս տայր նոցա անալէկոծ
և անդորր, մտեալք փութապէս 'ի նա-

ւակն տարութեաւ և 'ի ձկնորսացն՝ որ առ ձեռն կայր, ելին 'ի Սիկիլիա աներկեան և մեծապէս խաղաղութեամբ՝ զի և զերաւանակացն առեալ ձգէին 'ի նաւակացն զերիվարան՝ որ 'ի լիւղ անկեալ էին : Անդ ժողովէր զնոսա Տիմոքեւոնդ, և անդէն ավրանայր 'ի վերայ Մեսսինայ. ապա կարգեալ չու առնէր գէպ ուղիղ 'ի Սիրակուսա, քան 'ի զօրութիւն չորեքհազար զօրականին իւրոյ՝ առաւել 'ի գեղեցիկ իւր բախտն ապաստան և 'ի յաջողութիւն նա հաստակութեանցն :

Իսկ Մագոն՝ որ զահի հարեալ իսկ էր, լուր առեալ զգալածեան Տիմոքեւոնդեայ, առաւել ևս վարանեցաւ : Արդ՝ 'ի ճահիճան՝ որ շուրջ կան զքաղաքաւ և ջուր շատ քաղցր առնուն նոքա յաղտեաց անտի և 'ի լճաց և 'ի գետոց որ իջանեն 'ի ծովն, բազմութիւն կայտուայ անգամօր օձաձկանց, և որոց կամօցինն՝ որա առատ 'ի ներքս մատուցանէ նոցա հանապազ : Ապա 'ի վայր անդր զօրականք վարձկանք յերկուց ևս կողմանց՝ 'ի պարապութեան իւրեանց և յազատութեան գային միաբան որաւ 'ի ձկանց անտի. և առհասարակ նոքա Հելլենացիք 'ի բնէ և առանձինն ոչինչ թշնամացեալք, թէպէտե 'ի ժամ կռուոյն սասաիկ մարտուցեալք ընդ իրեարս, այլ 'ի պարապութեանն յաճախ կենակից խօսակիցք էին միմեանց : Եւ յայնժամ ևս պարապեալ նոքա յորան հաւարակաց՝ խօսակիցք զարմացեալք ընդ գե-

զեջեկ անգորոութիւն ծովուն և ընդ վայելչ
 չութիւն վայրացն, անդ ոմն 'ի կորնթացի
 զորականէն ասէր այսպէս. “ Եւ ասկայն
 զքաղաք զայս մեծ և հոյակապ և գեղեց-
 կադիր գուք ինքնին Հելլենացիք գալով
 խնդրէք 'ի խուժագուժ կարգել, բնակա-
 կից մեզ ածելով այսր զվայրենի և զմար-
 գախառչ զարքեպոնացիադ. ուր զի ցան-
 կալի ևս էր՝ եթէ և Սիկիլիայք այլք բա-
 զումք էին 'ի միջի ընդդէմ գոցա կացեալք
 ապաւնէք Ելլագայ: Կամ թէ համարի-
 ցնիք թերևս՝ եթէ գոքա այսր զբաժողով
 անդուստ յարձանացն Հերակլեանց և 'ի
 ծովէն Ատլանտեան՝ հասեալ իցեն կռուել
 'ի վերայ տերութեանն Իվետայ. որ թէ
 'ի քաջախորհուրդ զօրավարաց դք էր՝ ոչ
 ինչ արդեօք զնախածնողս խոր վանէր հա-
 լածէր, և ոչ գարձեալ զթշնամիսն 'ի հայ-
 բնիսն առեալ մուծանէր. այլ շուք զա-
 մենայն և զգեղեցիկ աւադութիւնն զը-
 ռամք ածեալ էր՝ զհետ Կորնթացւոցն
 գնացեալ և զՏիմոթեւոնդեայ: Իբրև զայս
 բանս վարձկան զորականքն զվայրօք առեալ
 ածէին 'ի բանակին, յայնժամ Մագոն՝
 որ 'ի վաղնջուց իսկ բարուրս խնդրէր գառ-
 նալ 'ի սումն, զանդիտեաց եթէ գաւ ուս-
 տէք լինիցի. բայց Իվետէս աղաչէր զնա
 կալ մնալ անդէն, ցուցանել քանի՞ն ա-
 ռաւել հզոր իցեն նոքա քան զթշնամիսն.
 այլ նա քան 'ի բազմութեան զօրացն վե-
 հագոյն՝ մեծապէս խոնարհագոյն յառա-
 քնութեան և 'ի բախտին քան զՏիմո-

զեւոնդ համարեալ զանձն, անգէն յարուցեալ չու առնէր խաղալը նաւեր 'ի Լիբիա. այնպէս անարգարար հանեալ յայնժամ 'ի ձեռաց զԱիկիլիա՝ ոչինչ ունելով այրն 'ի գեղեցիկ խորհրդոց:

Ապա յաւուրն երկրորդի յանդիման երևէր Տիմոզեւոնդ ճակատեցուցեալ ըզզօրն 'ի կռիւ մարտի: Բայց լուր առեալ զփախստեան Վարդեգոնացւոցն և տեսեալ զամայուծիւն զնաւականացն, սկսան ունչս առնել անտրի վատութեան Մագա նին. շուրջ եկեալ զվայրօք ածէին 'ի քաղաքին, եթէ որ գուշակն երբեք լինիցէ տեղոյ ապաստանի Վարդեգոնացւոց նաւացն՝ մոջանակ տարցի: Այլ Իկեռէս վառեալ 'ի կռուել և 'ի պահել զոր 'ի բռին ունէր՝ վայրս ամուրս զքաղաքին և զգլխովս քաղաքին, ապա և Տիմոզեւոնդ բախեաց բաժանեաց զզօրն. յինչն առեալ զառաջին գունդն՝ գիմագրաւ յառաջ նա հատակեցաւ առ Անապոս գետովն ընդ վայր գժուարուա. հրաման տալը երկրորդի գնդին անկանել 'ի կողմանէ անտի Աքրագինայ, և էր զօրավար Իսիառ Վորնթացի. իսկ Դինարկոս և Դեմարետոս՝ որ 'ի վերջէ զօրականն ածին 'ի Վորնթոսէ, հանգերձ երրորդ գնդաւն խաղացին 'ի կողմն Եպիպոլեայ: Արդ՝ եթէ այնպէս արագ արագ ըմբռնեալ նուաճեցաւ ողջոյն քաղաքն յանդիման գզեկին՝ 'ի կողմանց կողմանց գոցլծա տուեալ և 'ի փախուստ զիկետեանսն վանեալ, քաջութեան զօրա-

կանին իրաւամբ որ զայդ ընծայեացէ և առաքինութեան զորավարին . այլ զի ոչ որ անդ տապաւան անկաւ և կամ խոց մնաց 'ի Կորնթացւոց անտի, բախան Տիմոդեոն գեայ իցէ այս արգելք, և բախան ինքնին բա՛ մրցեցաւ ընդ առաքինութեան առն . որպէս զի որք իրաւունքն երբեք ընկեցին բանին, քան ընդ քաջութիւն նորա՝ ընդ բարեբաստիկ նահատակութիւնն հիացեալք պանծացին . քանզի և ոչ միայն ընդ Սիկիւիս ողջոյն և ընդ Իտալիս փութապէս զհամբաւի հարաւ գործն, այլ և հապճեալ ինքնին և Ելլապա հնչեաց յաւետալուր ձայնէն . զի և Կորնթոս քաղաք՝ որ և ոչ զհառանելոյ զորականին գիտէր ինչ, միանգամայն լուր էառ և զհասանելոյն և զյաղութութենէն : Այնպէս իմն բարեբաստիկ գտան ամենայն նահատակութիւնք նոցա, և ընդ փառաց մրցանացն 'ի վերայ բարգեաց բախան և զարագութիւն գործոյն :

Այս տիրացեալ 'ի վերայ գլեկին Տիմոդեոնք, ոչ զնոյն խորհուրդ կալաւ զԴիոմի, և ոչ խնայեաց ինչ 'ի գեղեցիկ վարն և 'ի հոյակապ արարան . զգուշացաւ յամբաստանութենէն զոր ամաստանեցաւ Դիոմի և հիքացաւ . քարոզ կարգաց՝ զի որ միանգամ 'ի Սիրակուսացւոց կամեալն՝ անդր հասցէ երկաթ 'ի ձեռին՝ քանդել տապալել զամուրս բանաւորացն : Անգանոր ապա առհառաբար և լեւալք 'ի վեր, զքարոզ զայն և զորն զայն սկիզբն անգրգուելի ազատութեան համարեալ քաղաքին, հիմն

’ի վեր քանդեցին ո՛չ զդղեակն միայն, այլ և զապարանսն բռնաւորաց և զշիրիմս նոցա : Իբրև նոքա այնպէս փութապէս հիմնայատակ արարին, անդ և Տիմոդէոնդ շինէր դատաստանարան ’ի շնորհս քաղաքացեացն՝ զռամկապետութիւնն յարգեալ քան զբռնաւորութիւնն :

Յետ այնորիկ ողջոյն տիրացեալ քաղաքին, և տեսեալ զի չէր մարդաշատ, քան զի բազումք տապաստ անկան ’ի պատերազմուած և ’ի կռիւս, և շատք ևս էին փախըստեայք առ ’ի բռնաւորաց, ուստի և հրապարակն Սիրակուսայ կարգեալ յամայն՝ խորձ և խոտ բազում և թաւ բուսեալ աճեցեալ կայր ’ի նմա. և անդ երկվարք գնային յարտ, և կոյտապանք անդանոր ընկողմանեայք ’ի թաւաւան հանգիստ առնուին. իսկ այլ քաղաքք՝ բաց ’ի սահաւուց՝ լին էին առհասարակ բուժեք և զշերտաց և երամակոք կնճից վայրենեաց. և պարսպորդ մարգիկն ստեպ ելանէին յորս բարակոք ’ի բուրաստանս և շուրջ ըզպատուարոցն. և ’ի նոցանէն դարձեալ որ միանգամ յաշտարակս ուրեք և յամուրս բնակեալք էին, ո՛չ ոք անոայր և ’ի քաղաքն երբէք իջանէր. այնպէս առհասարակ գաղշէին և ատեային զհրապարակն և զքաղաքականութիւնն և զատեանն, յորոց ’ի վեր երևեցան բռնաւորք նոցա բազմագոյն մատակ : Ապա հաճոյ թուեցաւ Տիմոդէոնդեայ և Սիրակուսացոցն տալ գրեւ առ Կորնթացիս, առաքել նոցա գաղ

Թական յՆՃագայ և բնակեցուցանել զՍի-
րակուսա, զի մի յամայի անապատ կար-
գեսցի վայրն : Այն զի և մեծի պատերազ-
մի ազատեալք մնային 'ի Լիբիայ, լուր ա-
ռեալք զի զգիտին Մադոնի՝ որ անմին
արար՝ 'ի խաչ բեհաեցին Կարգեգոնացիք՝
պրամեալք ընդ այնպիսի զգրաւորութիւն
առնն . և զի բանակ մեծ զգրաժողով 'ի
Կարգեգոնացւոց անցանէ միւսանդամ 'ի
Սիկիլիա 'ի մուտս գարնայնոյն :

Իբրեւ վասն այսոցիկ գիրն 'ի Տիմոդեոն,
գեայ հասանէր 'ի Կորնթոս, գարձեալ և
հրեշտակք Սիրակուսացւոցն անգանդոյ յո-
ղոք անկեալ աղաչէին զնոսա խնամ ածել
քաղաքին խաբանց՝ և զայն երկրորդ ան-
գամ հիմնադէր լինել նմա, օգտածարաւք
ինչ յայնմանէն չլինէին Կորնթացիք, և
ոչ անձանց ինչ գրաւականէին զքաղաքն .
այլ առաջին արձակեալ առ ամենայն տուի
թական միջանան խաղաւց յՆՃագա և առ
մեծամեծ աշխարհաժողովն, տային կար-
գալ Բարսղէն, եթէ Կորնթացիք բնա-
ջինք զբռնաւորութիւնն արարեալ 'ի Սի-
րակուսա և 'ի բաց զբռնաւորան վանեալ,
հրաւեր յաբանց հայրենիան կարգան Սի-
րակուսացւոց և ամենայն Սիկիլիացւոց . և
ազատս համբաւեալ զնոսա՝ իշխանութիւն
զամենայն տան նոցա ինքնաւորոյն օրինօքն
վարել, բաշխեալ 'ի նոսա զգեալինն արգա-
րապէս : Իսկ երկրորդ անգամ՝ արձակե-
ցին պատուիրակս առա և անդ յԱթիա և 'ի
Կղզիս, ուր երկեք օձտեալք և ցանեալք

կային շատք 'ի փախառելից անտի, յորդո-
րել հրաւիրել առհասարակ 'ի Կորնթոս-
դէ անդանոր Կորնթացիք իւրեանց իսկ ծա-
խուք տացեն նոցա միանգամայն և պաշար
և նաւ և զորավարս ամել վնասս յանդոր-
րու 'ի Սիրակուսա :

Իբրեւ այս բանք զհատեալի հարան, այ-
նուհետեւ զԿորնթացաց քաղաքն գեղե-
ցիկս 'ի գովութիւն առեալ՝ պանշանային
և սիրելին իբրեւ աղաւել 'ի բռնաւորաց և
փրկիչ 'ի բարբարոսաց, և քաղաքայնոց ըն-
ծայարեր հայրենեաց : Իսկ որ յայնժամ
եկին հատին 'ի Կորնթոս՝ ոչինչ շատք,
սկսան աղաչել զի և 'ի Կորնթոսէ և յԵւ-
լազայ տացեն նոցա դաղթականն : Ապա
ժողովեալ թուով ոչինչ պակաս քան ըզ-
բիւր մի, ելեալք նուէին 'ի Սիրակուսա :
Բայց և յիսաւրիոյ և 'ի Սիկիլիոյ դարձեալ
բազումք ընթացան առ Տիմոթէոնդ . որ-
պէս զի և առհասարակ բազմութեան մարդ-
կանն՝ որպէս Աթանիս ասէ՝ լինել իբրեւ
բիւրուց վեցից : Արդ նա բաշխեաց 'ի նո-
սայ զգեղմին, այլ զտունս բնակութեան
գնոց տար . և կուտեաց յայնմանէ տա-
ղանդս հազար . և շնորհէր նախնի բնակ-
չացն Սիրակուսացոց զտունս նոցա . և
այսպէս ասպա միւրոս արծաթոյ պատրաս-
տեաց ժողովդեան, որ յազքամութիւն
հատեալ էր՝ անձեռնհաս 'ի մարտ և յայլ
ինչ ևս . որպէս զի և զանգրիս վաճառել
նոցա, և միոյ միոյ յանգրեացն վճիռ 'ի
վերայ ամել և ամբաստանել իբրեւ յան-

յաւոր մարդոյ 'ի տալ՝ զհամար : Եւ ասին
եթէ զայս օրինակ ասա զատապարտեալ
Սիրակուսացիք զամենայն անգրիան, միայն
զԳեղանին պահեցին զվազնջուց բռնաւո-
րին, շուք և պատիւ հարեալ առն վասն
հարուածոցն՝ զոր ած նա յիմերա 'ի վերայ
վարքեդոնացւոցն :

Իսկ իբրեւ այսպէս մեւտանգամ կանգ-
նեցաւ քաղաքն և լնոյր բնակչոք՝ որ 'ի կող-
մանց կողմանց ընթացան անդր, խնդրէր Տի-
մոթեւոնդ և զայլոց քաղաքացն զազատու-
թի՝ արմատաքի զբռնաւորութիւն հանելով
'ի Սիկիւիոյ : Ապա խաղաց գնաց զօրու և
բռնապատէր զյփեակն 'ի բաց կալ 'ի Վար-
քեդոնացւոցն և ապամանս կաւլ, քանդել
տապալել զգրեական, և կեանս վարել
զստեականի 'ի մէջ լէոնափնացւոց : Իբրեւ
անմնատուր նմա լինէր Ղեպափնոս բռնա-
ւորն Ապողոնիոյ և այլոց շինից բազմաց,
այն ինչ 'ի վասնդ պաշարեցաւ ձերբակալ
լինել, նա 'ի մահուանէն փրկեալ զնա՝ ա-
ւերալ արձակէր 'ի Վորնթոս . զմտաւ ա-
ծէր՝ եթէ գեղեցիկ արգեզ իցէ տալ տե-
տանել Հելլենացւոց զբռնաւորան Սիկիւիոյ
'ի բռն 'ի մայրաքաղաքին իւրեանց տարա-
գիր և վշտատեա կենդ : Ապա և զվարձ-
կանս 'ի զբախանէն կամեցեալ օգտեցու-
ցանել 'ի կալուածոց Թշնամեացն, և մի՛
պարտադրա թողուլ զնոսա, իբրեւ զարձ
արար 'ի Սիրակուսա յօրինել զքաղաքն և
կարգս և սահմանս գեղեցիկս տալ նմա 'ի
միասին ընդ Վեփաղեայ և ընդ Դիոնիսեայ՝

որ 'ի Կորնթոսէ հասին երկին օրէնադիրք ,
արձակէր զԴենարկոս և զԴեմարեոսս
հանգերձ զօրականքն 'ի սահմանս կա-
լուածոց Կորքեգոնացւոցն : Կորս իբրե
քաղաքս բազումն հասին 'ի բարբարոսաց ,
գտին անդանօր պաշար անբաւ ոչ վասն
անձանց միայն , այլ և մթերս արծաթոյ
պատրաստեցին վասն մարտի պատերազմի
յուսարաց անտի :

Չայտու ժամանակաւ երկին հասին Կար-
քեգոնացիք 'ի Լիւբէոն անեալ բանակ
զօրաց եօթանց բիւրուց , քաշտիս նաւաց
երկերիւր , և նուա այլ հազար բեռնա-
բարձ մենքենայից և քառաձիոց և ամբարոց
ամբաւից և ազգի ազգի հանգերձանաց .
ոչ եթէ մարտ գնել կուտել ընդ մասին
ինչ առանձին , այլ միանգամայն իսկ զհեւ
ըննացին 'ի բաց վանել հանել առհասա-
րակ 'ի Սիկիլիոյ : Եւ արգեօք շատ իսկ էր
զօրութիւն նոցա նուաճել առհասարակ
զՍիկիլիացիո , թէպէտև չէր իսկ յայն չափ
ապիկարութեան հասեալ սոցա և առ 'ի
միմեանց վատթարեալք : Անդանօր լուր
առեալ Կորքեգոնացիք զաւարելոյ կա-
լուածոց իւրեանց , պատմութեամբ և բար-
կութեամբ լի եղին . արագ արագ գիմեալք
խաղային ընդգէմ Կորնթացւոց՝ զօրավար
զԱպրուբա ունելով և զԱմիլլա : Իբրե այս
լուր հասանէր 'ի Սիրակուսա , պատարեկ
ընեցին յամբաւ խուժանէ թշնամեացն , զի
և 'ի բիւրուց բազմաց քաղաքին՝ երեք հա-
զարք հազիւ խրախուսեցին 'ի զէն՝ խաղալ

ընդ Տիմոդեւոնդեայ: Իսկ 'ի վարձկան զօրականէն էին չորեքհազարք, և 'ի նոցանէ գարձեալ հազար մի վատարտեալք 'ի չում' գարձան յետս. համարէին եթէ ողջ զմեան առ իւր չանիցի Տիմոդեւոնդ, և ոչնպէս տարածամ 'ի հասակէն զառանցեալ իցե այն, որ հինգ հազար հետեակոջ և հազար այրուձիով խաղայր 'ի գիւմի հարկանել բիւրուց եօթանց, և զսակաւ մեռն զայն գունդ առեալ խաղացուցանէր ութ աւուրքք 'ի բացեայ 'ի Սիրակուսայ, ուր ոչ վախտեալք արդեօք անձնաւոր երբեք լինիցին, և ոչ տապաստ անկեալքն' Թաղումն ընկալլին: Այլ Տիմոդեւոնդ մեծապէս խնդայր՝ զի յառաջ քան զԿախն նոքա ինքնին մեկնեալք որոշեցան. ձայն տուեալ մնացելոց զօրականին՝ իրախոյս բառնալր և 'ի ճեպ տագնապի խաղացուցանէր զնոսա 'ի գետ անդր 'ի Նրիմեսոն, ուր լուր էառ զգալտեան Թշնամեայն բազմութեան:

Արդ՝ յելանել նորա 'ի բլուր մի՝ անգուտ հայել գիտել զքանակ Թշնամայն, պատահեցան նմա ջորիք որ բարձեալ բերէին լախուր. խռովեցան զօրականք իբրե 'ի չորագուշակ նշանէ. քանզի սովորեցան հելլենացիք՝ 'ի լախուր պսակել զգերեզմանս, յորմէ և առակն առ մեզ վասն օրհառական հիւանդի ասել, եթէ՝ Լախոյ պեփ էն նմ: Իսկ յայնժամ Տիմոդեւոնդ զննապաշտութիւնն վանեալ 'ի նոցանէ և զվատարտութիւն, զտեղի առեալ 'ի չում՝

խօսէր բանս գիպաւորս ժամանակին, և ա-
տէր՝ եթէ քան զյաղթութիւնն կանուխ
բերաւ նոցա պատկն՝ ինքնին 'ի ձեռս նոցա
եկեալ հասեալ. և ակնարկէր բանիւն 'ի
սովորութիւն անդր Վորնթաքացն, պա-
կել զյաղթականն խթմեան մրցանաց. և
զայն բոլորս զլախրոյ առ նովորականս ու-
նին նոքա և առ հայրենաւանդս. քանզի և
յայնժամ տակաւին խթմեանցն, որպէս
և այսօր Նեմեան մրցանացն՝ լախուր էր
պատկն. զոր ապա սչ 'ի վաղնջուց ինչ յա-
ջորդեաց սարոյն : Արդ Տիմոդէոնդ՝ որպէս
ասացի՝ խօսեալ այնպէս ընդ զօրականին,
առեալ 'ի լախրոց անտի ինքն առաջին
պատկէր զանձն. զնոյն առնէին և գնդա-
պետքն, զնոյն ապա և զօրականք առհա-
տարակ : Իսկ անդանօր իղձք և գուշակք
գէտակն կալեալ յարծուիս երկուս գի-
մեալ 'ի հանդիպոյ, մին հարեալ 'ի մա-
գիլսն՝ վիշապ մի բարձեալ բերէր, իսկ
միւսն կարկաչ մեծ բարձեալ և ձայն խրա-
խուսի, այնպէս ճախրէր խոյանայր. և
զայն տեսիլ գուշակքն մատնանիշ առնէին
զօրականին. նոքա առհասարակ դարձան 'ի
մաղթանս առ գիս և կարգային զնոսա :

Էր յայնժամ ակիզքն ամարայնոյն, և 'ի
հոլովել Տարգեղիոն ամսոյն՝ 'ի վերայ հա-
տեալ կայր Արևադարձն. և անգ տարս
մառախուղ մեծ ամբարձեալ 'ի գետոյն՝
միգտաբառ ծածկեաց զգաշտագետինն և
երևէր և ոչինչ 'ի բանակէ Թշնամեացն.
միայն 'ի բլրին գոռիւն խառնաձայն և աղ-

խաարոյլ՝ ընդ լինէր ամբաւ խռժանին
բարբադոսաց 'ի հանգիւոյ : Ապա 'ի ծայր
բլլոյն ելեալ Կորնթացիք, և 'ի վայր զառ-
պարան առեալք նստէին . և անդ արե-
գակն չջնան առեալ և զքոզիան 'ի վեր
շքթեցուցեալ ամբառնայր, և մառախլա-
պաա օգն ժողովեալ հոծ և խիտ 'ի վերայ
բլլոց բարձանց՝ հետախաղաղ ծածկէր
զկատարան . և վայրք զիջողոյնք ապա՝ յըս-
տակեալք՝ երեւցաւ Երեմիսոն, երեւցան
և Թշնամիք՝ զի անցանէին յայտոյս : Յա-
ռաւոյ գինադբաւ գային քառաձիք ահա-
ւորք վառեալք 'ի մարտ . զինի խաղային
սպառազէնք զօրականին բիւր մի՝ սպիտա-
կաապարք . Թուէր իմն՝ բուռ խակ Կարգե-
գոնացիքն իցեն 'ի փայլուն վառելոց զի-
նուցն, որ այնպէս միագումդ կարգ ար-
եալ տակաւ յառաջ խաղային . զհետ
սոցա ապա գայր անցանէր ամբոխ մեծ
անկարդ հրոսակին : Հապա գէտ ակն 'ի
վեր ամբառնայր Յիմնզեւոնդ, տեսանէր
զի գէտն ինքնին՝ ընդ որ անցանէինն՝ ձեռն
տալր նմա մարտ գնել կռուել ընդ գնդի
գնդի առանձին . տալր տեսանել և խրոմ
զօրականին զհատուած փաղանդին Թշնա-
մեաց, կիսոցն անցեալ ընդ հոռնն, և կի-
սոցն պատրաստեալ յանցանել . ապա
հրաման տալր Դեմարտեոսայ հանգերմ
այրուձիոզն անկանել 'ի վերայ նոցա, և
խռով հարկանել վեր 'ի վայր, մինչև նոքա
կարգեալ ճակատեալ իցեն :

Իսկ ինքն իջեալ 'ի գիւր անդր, կարգէր

'ի Թեան 'ի Ախիլիացուց անտի' և ոչ շատ զոք յեկաց զօրականին . բայց 'ի միջոցին առեալ յինքն զԱլեքսանդրական և զքաջա մարտիկան 'ի վարձկանաց , այնպէս վայր մի զտեղի կալեալ՝ գետ ակն ունէր յաջու-
 ձին . իբրեւ տեսանէր զի 'ի քառաձիոցն գիւ մագրաւից կառեալ այրուձին , և զի մի խառնակեալ շփոթեացի՝ այնպէս տարա-
 բերեալ ճափոր առնոյր 'ի տեղաջն , կա-
 մէր գրգռել զխաղճն . ապա զասպարն 'ի վեր առեալ Տիմոգլեանդ՝ ձայն տայր հե-
 տեակաց զօրուն խաղալ զկնի . իսկ բար-
 բառ ձայնին նորա 'ի Ժամուն մեծագոյն
 հնչեաց յոյժ առաւելեալ քան զքնառ-
 րականն . կամ զի յիւրոց անտի աշխու-
 ժիցն և 'ի գեղեցիկ մոլութենէն բերեալ՝
 այնպէս բարձրացոյց զձայնն . կամ Թէ 'ի
 Քաջաց ոմն՝ (որպէս բազմաց կարծիք ե-
 զեն յայնժամ) կից նմին ձայնակից գո-
 չեաց : Իբրեւ անդ 'ի գոչեան նորա կրկնե-
 ցին և զօրականք խիզախել արագ արագ ,
 նա հրաման տայր աջուձիոյն Թողուլ լոյ-
 վայր ճակատուն քառաձիոցն , և 'ի կողմու-
 նէ անկանել 'ի վերայ . և ինքն զհետեա-
 կազօրն նահատակ՝ համբուն վահանափակ
 ասպարածածուկ արարեալ , զփողան հնչե-
 ցուցանէր և այնպէս աստուկապէս զօրու-
 Թեամբ յարձակէր 'ի վերայ Նաբեգո-
 նացուցն : Նոքա 'ի դիմի հարեալ քաջու-
 Թեամբ առաջին յարձակմանն , և ամբա-
 ծածուկք ողջ պատենաղէնք 'ի զբահա
 երկաթիս և 'ի գլխանոցս պղնձիս , ար-

կեալք 'ի հանդիպոյ ասպարս ահագինս՝
այնպէս 'ի բաց զԹափան տանէին զտիգաց
և զգեղարդանց : Այլ իբրև սուսերօք չափ
նահատակեցան մրցանքն , և ճարտարու-
թեան արուեստին պէտք էին 'ի տեղւոջն՝
ոչինչ պակաս քան զկորովութիւն բազ-
կաց , դէպ եղև զի անդէն արագ արագ
ձայնք ահեղք հնչեցին որոտմանց 'ի գա-
գաթանց լերանց , և փայլատակունք հա-
տանէին հրատիւք : Անդանօր և մառա-
խույն պատեալ 'ի բլուրս և 'ի կատարս
բարձանց՝ եկեալ գումարեալ 'ի վերոյ դաշ-
տի պատերազմին , տեղատարափք իջին անձ-
րեաց մրկաւ և կարկտիւ . յետուստ և 'ի
Թիկանց կուէ Թափէր Հելէնացւոցն , և
'ի հանդիպոյ բաղխեալ հարկանէր զբար-
բարոսացն զերեսս , որպէս զի և 'ի սաստիկ
մրկէ բքոյն և յամպրոպացն անդու հա-
տելոյ բոցոյն՝ բլակնեալ շացան խուժա-
դութքն միանգամայն :

Անդ էր տեսանել զաղէտս ամբաւ տա-
րակուսանաց բարբարոսացն և առաւել
զվատաց զանխորձիցն . բայց որ 'ի շտապ
մեծի տագնապի առեալ պաշարեաց զնո-
սա , բովելնք որոտմանցն և կոփիւնք վա-
հանացն և շկահիւնք զինուցն՝ հարեալ
բաղխեալ 'ի սաստիկ տարափոյն և 'ի կարկ-
տէն , զի և զզօրավարացն անգամ զձայնսն
ոչինչ կարէին լսել նոքա : Առ այս և մօր
վայրացն՝ անհնարին աղէտք այն էին կար-
քեդոնացւոցն . զի ոչ քաջագօտի էր զին-
ուորովութիւնն նոցա , այլ որպէս ասացի՝

սպառնազէնք վառեալ, և տառապողք նոցա ջրաթաթաւք ծանրացեալք, յոյժ գրգռւարին մղէին զմարտն. և Հեշտին տապալ յերկիր 'ի Հելլենացւոցն գլեռալ, ոչ ինչ այնպէս բաւական էին յառնել առ 'ի ազմոյն հանգերձ զինուոքն: Քանզի և Կրիմնոն յամբաւ խուժանին անցանելոյ հեղեալ, շատ ինչ և յառաջն յանձրեաց անտի յորդեալ, շուրջանակի զհոմիան՝ յորում բազում էին խոխովք և խրամք՝ ողորեալ 'ի հոսանացն վարելոյ բռնութիւն, թաւալգլոր զՎարդեգոնացիան առնէին և սատակ խուճապ տագնապի 'ի վերայ նոցա հատուցանէին: Իբրեւ տակաւին զայրացեալ կայր մղրիկն, և Հելլենացիք զկարգն առաջին գիտապատտ արարին զդրեքհարիւր նահատակացն, ապա և ամբաւ խուժանն նոցա 'ի փախուստ խուճապէր. բայց անդէն 'ի գաշտին բազումք ըմբռնեալք 'ի սուր մաշեցան, և բազումք ևս գետազէժ տարեալք 'ի յորձանացն՝ 'ի պատահել և յընդհարկանել այր ընդ ընկերի. իսկ բազմադոյնք 'ի նոցանէ աճապարեալք հասանել ունել զբլուրսն՝ անդանօր 'ի Թեթեազէն զօրականէն սատակէին:

Եւ ասեն՝ եթէ 'ի բիւրուց անտի անկելոյ 'ի մարտին, երեքհազարեանն ընականուանդ էին Կարբեգոնի, կոծ մեծ և աշխար վասն քաղաքին. քանզի և չէր իսկ նոցա այլ իբրու զորեարն զայն յազնուականաց և յրնչաւետից և 'ի փառաւորաց. և երբէք յառաջ ժամանակաւ՝ ոչ լուսն

նորա եթէ 'ի միում մարտի որեար այն չափ 'ի մահ վարեցաւ 'ի քաղաքէն յայն մահէ . այլ բազում անգամ Կարբեդոնացիք՝ Լիբեացւոյք և Իբերիացւոյք և Կուլ միդացւոյք վարեալք 'ի մարտո՝ այնպէս յօտարացն տուգանս նկուծիք լինէին : Եւ ինքնին հեղինացիք յաւարաց անոտի համօրէն 'ի վերայ կացին աւագութեան որբորոյն . քանզի աւարառուացն փոյթ դուռնաբեայ էր յայնժամ վասն պղնձոյ և երկաթոյ . այնպէս իմն ամբաւութեամբ էր անդ արծաթն , արծաւ և ոսկին . քանզի անցեալք ըստ դեռն տիրացան նորա բուն բանակին և ամենայն ազխին : Իսկ 'ի գերելոց անտի թէպէտ և բազումք դաղտագողի փախեան , հինգ հազարաւ չափ եկին 'ի մէջ անդր . կալան և քառաձիւ երկերիւր : Եւ 'ի վրանին Տիմոդեոնդեայ նոր և չքնաղ էր տեսին , լի և զեղուն յանկաժէ ազգի ազգի և դունակ դունակ կահուց կարասեաց , յորս և հազար պատեանք զրահից՝ դործ ճարտարաց և գեղով անունանք , և բիւրք յասպարաց : Եւ իբրեւ այնպէս շատ էր աւարն , և սակաւք՝ աւարառուք , և կապուտ կողոպուտ ամբաւ , հազիւ ուրեմն յաւուրն երրորդի յետ մարտին նշան յաղթութեան կանգնեցին :

Յայնժամ Տիմոդեոնդ 'ի միասին ընդ աւետաբեր համբաւոյ յաղթութեանն՝ աւետալ առաքէր 'ի Կորնթոս և զգեղեցիկսն 'ի զինուց զինուց աւարին . և այնպէս կամէր նա ըղձակերոսս և համբաւա-

տենչ զհայրենի քաղաքն յարդարել առ ամենայն մարդիկ . զի 'ի մէջ ամենայն քաղաքացն Ելլադայ անգանոր միայն յակն տրկցեն նոքա մեհեանս հոյակապա՝ ոչ 'ի հեղինացի աւարացն զարդարեալ, և ոչ 'ի նշտմէն ձօնից կախելոյ՝ յուշարար գծոխ ըմբերն մահունց ընտանեացն և համադարմիցն, այլ 'ի բարբարոսացն անկածէ . գեղեցիկ արձանադրութեամբքն 'ի գեմս բերելով միանգամայն ընդ արիութեան յաղթականացն և զարդարութիւնն, եթէ՝ զխորհրդ Կորնթացիք և նոցուն զօրավար Տիմոդեւոնգ 'ի ձեռաց խժգժիցն զհեղինացիսն փրկեալ բնակաւորս Սիկիլիոյ, զայն անկած առ 'ի ձօն կախեցին անգանոր 'ի շնորհս աստուածոց :

Այլ յետայնորիկ թողեալ Տիմոդեւոնգ յերկրի անդ թշնամայն զվարձկանսն զօրականին՝ յաւարի առնուլ քանդել աւերել զամենայն զկաղքեղոնացւոց, ինքն չուարար դարձաւ 'ի Սիրակուսա . և անդ վշտաբանդի հաներ 'ի Սիկիլիոյ զհաղարան 'ի վարձկանացն՝ որ յառաջ քան զկռին զատեալք որոշեցան, և մինչև մտեալ աւրուան 'ի բաց մերժէր 'ի Սիրակուսայ : Իսկ նոքա անցեալք յիտալիա՝ ստտակին գրժեալք 'ի Բրետտացւոց, զնոյն պատուհաս զմատնութեանն իւրեանց աւետալք յայնժամ 'ի Քաջէն :

Բայց յայնժամ Մամերկոս բռնաւոր Կատանիայ, և Իկետէս խանտացեալք ընդ նահատակութիւն Տիմոդեւոնգեայ, և զան

գիտեալք ևս յառնէն, իբրու որ մտերիմ
և դաշնաւոր երբէք չեկացնա բռնաւորացն,
յուստ նիզակակցութեան մտին ընդ Վար-
քեդոնացւոցն. առաքեցին թախանձ ար-
կանէին արձակել զօրականս և զօրավար,
եթէ չկամին նոքա խալառ անբաժ մնալ'ի
Սիկիլիոյ: Գայր ապա հասանէր առ նոսա
Գեսկոն հանդերձ եօթանասուն նաւուք,
կալառ 'ի վարձու և 'ի Հելլենացւոց անախ,
թէպէտև յառաջ ժամանակաւ երբէք չա-
րարին այնպէս Վարքեդոնացիք. այլ յայն
ժամ հիացեալ իմն էին ընդ նոսա՝ իբրու
որ անվանելիք իցեն և քաջամարտիկ քան
զամենայն մարդ: Ապա 'ի մի վայր խմբեալ
առհասարակ 'ի Մեսսենիա, նախ զնորեք-
հարիւր զօրականսն զեկս կոտորեցին, զոր
անդր 'ի զօրավիգն արձակեալ էր ինքնին
Տիմոդէւոնդ. յետ այնորիկ դարանամուտ
եղեալ 'ի սահմանսն Վարքեդոնացւոց մօտ
վայրացն՝ զոր կարդան Երաս, ընդ սուր ըզ-
վարձկանսն հանէին՝ որ էին ընդ Եւթիմո-
սի Լեւկադեան. յորմէ ապա մեծ ևս ըզ-
համբաւի հարկանէր բաղդն Տիմոդէւոն-
դեայ: Քանզի սոքա 'ի նոցանէ էին՝ որ 'ի
միասին ընդ Փիլոդեմեայ Փոկէացւոյ և
ընդ Ոնոմարքեայ հասեալ կալան զՎեդ-
փիս և բաժանորդք կացին սեղանակապ-
տութեանն. և ատելիք նոքա այնուհետև
առ ամենեսեան և դարչեալք իբրև նզո-
վեալս ոմանս, աստ անդ թափառականք 'ի
Պեղոպոննիսա, եկեալ խմբեցան յայն-
ժամ ընդ Տիմոդէւոնդեայ, քանզի և այլ

զորք չէին 'ի միջի. և անցեալք 'ի Սիկիլիա,
 և յամենայն 'ի մարտա ընդ նմա տարան
 զյազ[թու-]թիւնն. բայց ապա 'ի մեծամեծ
 մարտից դադարել՝ արձակեցան նոքա 'ի
 պահարկութիւն տեղեաց տեղեաց, և անդ
 բնաջինջ լինէին ոչ միահամուռ, այլ տա-
 կաւ. ջրսն վայր գանգաղեալ պատուհա-
 ւին նոցա 'ի շնորհս բազմին Տիմոզեւոն-
 գեաց, զի մի [թերեա] 'ի գանէ պարտաւո-
 րացն և անպարտականքն վնասեցին ինչ:
 Եւ դրանչացաւ մարգաթիւութի սատուա-
 ծոցն առ Տիմոզեւոնդ ոչ 'ի յաջողութեան
 և եթ, այլ և 'ի ձախողական: Բայց ժողո-
 վուրդ Սիրակուսացաց զարեալ էր ընդ
 ամհար արհամարհութիւնն 'ի բռնաւո-
 րացն. քանզի Մամերկոս՝ այն որ անձին
 շուք հարկանէր 'ի քերթածս իւր և յող-
 բերդութիւնս, բարձրայօնս փքայր՝ զի ե-
 հար կոտորեաց նա զփարձկանսն. և 'ի ձօն
 դից կախեալ զապարս նոցա, [թշնամանա] զիւր
 ողք քերթեալ ժերտառեաց 'ի նստս,
 այսպէս. "Չծիրանեքանդ զապարսն, և
 զորս յոսկւոյ և 'ի փղոսկրէ և 'ի ութէ,
 գիւրազնի մեք ահաւապիկ և գուշնաբէիք
 կալաք ասպարդ":

Այսպիկ այսպէս եղելոց, և Տիմո-
 զեւոնգեաց գոռյթ տուեալ զօրոն 'ի վե-
 րայ Կաղարրիոյ, անգուստ լինալն ան-
 կեալ 'ի վերայ սահմանին Սիրակուսաց,
 աւար մեծ աւարեաց. և զեան բազում
 գործեալ անգանոր, գարձաւ յետս քե-
 րեալ առ Կաղարրիով յարհամարհութիւն

Տխմողեւոնդեայ՝ որ սակաւաձեռն գնդաւ
հասեալ էր անդր : Իսկ Տխմողեւոնդ վայր
մի թողեալ զնա խաղալ յառաջ, ապա
զհետ մտեալ վանէր այրութիովն և թե-
թեալէն հետեակօքն : Զայն տեսեալ
Իկետէս, անցեալ զՆամուր գետ՝ զտեղի
կալաւ անդէն առ ափամբն՝ արգելուլ ըզ-
հետամուտն : Քանզի և ՚ի գծուարանցա-
նելի հունն վտահացեալ էր, և զի և
թումբք գետոյն երկուստեք աւերեալք
քանդեալ էին : Բայց անդ զմիմեամբք ել
և ելք զնդասկետացն Տխմողեւոնդեայ՝ յեր-
կարէր զկռիւն : զի և չէր ոք յայնժամ՝ որ
հանդարտէր երկրորդ լինել՝ անցանել ան-
կանել ՚ի վերայ թշնամուոյն, այլ այր այր
զառաջնութեան թեկն ածէր, և կարգ
չէր անցիցն, այլ խառնիխուռն այր զա-
րամբ ելանէին : Ապա հրաման տայր Տխմ-
ղեւոնդ վիճակս արկանել, և զառն առն ՚ի
գնդասկետացն առեալ զմատանիսն, և ժո-
ղովեալ ՚ի քղամիդ իւր և թօթափեալ ա-
ռաջինն՝ զոր հանէր ՚ի վիճակէն՝ դէպ եղև
զի քանդակ զյաղթանակի ունէր ՚ի վերայ
կնիք մատանուոյն : Իբրև զայն տեսին պա-
տանիք՝ ձայն բարձեալ ցնծութեան և ոչ
ևս հանդուրժեալ այլոցն վիճակաց, առ-
հասարակ շտապաւ անցեալք ընդ գետն՝
խառնեցան ՚ի կռիւն : Իսկ թշնամիք ոչինչ
հանդարտեալք կալ առաջի նոցա յան-
դուէն յարձակման՝ ՚ի փախուստ դառ-
նային, և զէնրնկէցք զինաթափք՝ հազար
մի անդամօր դիտապաստ անկանէին : Այլ

յետ ասկաւու՝ և 'ի քաղաք անդր Լէոն-
տացւոց յարձակեալ Տիմոդէոնդ, կեն-
դանոյն ղիկեաէս ձերբակալ առնէր. ընդ
նմա և զորդի նորա զԵւդոդէմոս, և զԵ-
թիմոս զորապար ալրուձիոյն, 'ի զօրականէ
անոց կապեալք և ածեալք առ Տիմո-
դէոնդ: Անդ ղիկեաէս և զգառաւնին մա-
հու գատեցին՝ իբրեւ զառնաւորս և զմա-
նիչս. ոչինչ խնայեցին և յԵթիմոս՝ թէ-
պէտ և այլ կարողի յոյժ և գող 'ի մարտի.
Քանզի ամբաստան եղեն զառնէն հայ-
հոյութիւն խօսեալ ընդդէմ՝ Կորնթաց-
ւոց. քանզի պատմեն՝ եթէ 'ի խաղալ
Կորնթացւոց առ նոսա, առ այս Եթիմոս
հրապարակաբօս եղեալ 'ի մէջ Լէոնտաց-
ւոց, ասէր, եթէ չէ ինչ ահագին և չիք
զարհուրել, յորժամ "Կորնթացի կա-
նայքդ արտաքս ելանեն 'ի ասոնց": Եւ
յայտ բնաւորեցան բազումք, քան ընդ
գործս՝ առաւել ևս սրտնել ընդ հարուածս
բանից. և զժողովրդիս ևս է նոցա Թշնա-
մանքն՝ քան զվնասն. քանզի ներեն վնա-
սուց Թշնամեացն՝ իբրեւ ողջ հարկաւորեալք
իցեն 'ի գործն. այլ լուսալ և հայհոյել
Թուի թէ ծաղայեղ տաւլութիւն ծնունդ
իցէ և չարութեանն:

Այլ իբրեւ դարձ արար Տիմոդէոնդ, 'ի
դատաստան քաղեալ Սիրակուսացիք և
զկանայս և զգատերս ղիկեաեայ՝ մահու
դատասպարտեցին: Եւ այս ապա դժպա-
տեհ իմն տեսաւ յամենայն գործսն Տիմո-
դէոնդեայ. զի թէ արգելք ընդդէմ՝ գալ-

ձեռք էր նորա՝ ոչ զնոյն օրինակ պատուհասէին կանայքդ այդոքիկ . այլ ինձ թուի՝ թողուլ նորա զնոսա այնպէս ՚ի ձեռս սրտմտութեան քաղաքացեացն, զի նոցուն սպանութեամբ վրէժինդիր Դիոմիի լինիցին՝ որ վանեացն զԴիոնեոսիս . քանզի սա այս իկետէս կենդանւոյն ամաց ՚ի ծով զԱրեաթիս զկին Դիոմիի և զԱրիստոմաքէ զքոյր նորա և զողայ մանուկ նորա : Եւ զայս մեր պատմեալ է ՚ի վարսն Դիոմիի :

Յետ այսորիկ խաղայր գնայր Տիմոդեոնդ ՚ի վերայ Մամերիոսի ՚ի Վատանիա, թէպէտ և ճակատեալ շատ ընդդէմ եկաց նա առ Աբողոս գետովն . այլ ՚ի պարտութիւն մատնէր զնա, և ՚ի փախուստ դարձուցեալ առաւել քան զերկու հազար ՚ի զօրաց նորա տապաստ արկանէր անդէն ՚ի դաշտին, յորոց ոչ սակաւ էին Փիւնիկեցիք՝ զոր արձակեաց Գեսկոն ՚ի թիկունս նմա : Եւ յայտմանէ խաղաղութիւն խընդրէին Վարքեգոնացիք ՚ի Տիմոդեոնդեայ, պայման կուեալ՝ ունել նոցա միայն զսահմանսն յայնկոյս Ալիոսի, և զի որք կամիցին՝ եկեալ բնակեացեն ՚ի Սիրակուսա հանդերձ ամենայն աղխին իւրեանց, և յուստ նիզակակցութեան մի ևս մտցեն նոքա ընդ բռնաւորաց :

Յայնժամ Մամերիոս յուսահատ եղեալ նաւեաց յԻտալիա, անդուստ ածել զԱլեկացիս ընդդէմ Տիմոդեոնդեայ և Սիրակուսացոց : Այլ եբրե նիզակակիցք նորա դարձեալք յետս հանդերձ եռա-

Թիովքն 'ի Սիկիլիա՝ մատնտու եղեն Կատանիոյ 'ի ձեռս Տիմոդեւոնդեայ, խուճապեալ նա ապաւինեցաւ 'ի Մեսսենիա առ Իպպովն բռնաւոր քաղաքին : Զհետ մըտեալ Տիմոդեւոնդ և պաշարումն սաստիկ ածեալ քաղաքին ընդ ծով և ընդ ցամաք, ձերբակալ լինէր Իպպովն՝ մինչդեռ 'ի նաւամբարձեալ փախչէր : Զնա Մեսսենացիք առեալ, և 'ի Թատրն ժողովեալ 'ի վարժարանաց զմանկունսն հանդիսատեսս պատուհասի բռնաւորին, հարուածս դանից 'ի վերայ եղին նորա՝ և այնպէս մահու դատեցին զնա : Ապա և Մամերիոս ինքնին անձնատուր լինէր Տիմոդեւոնդեայ, հպատակել դատատանի Սիրակուսացոցն՝ անդատախազ 'ի Տիմոդեւոնդեայ : Ածեալ 'ի Սիրակուսա՝ բան մի հրապարակախօս լինէր խուժանին՝ զոր 'ի վաղնջուց իսկ գրեալ էր . իսկ տնդանօր յուզեալ ուամկին՝ իբրև անողոքելի այնուհետև տեսանէր զեկեղեցին, 'ի բաց զհանդերձսն եղեալ և 'ի մէջ տեսարանին ընթացեալ՝ գիմեաց սաստկու թեամբ խեթկել գլխովն ընդ աստիճանսն, և այնպէս անձին առնել . այլ ոչ յաջողեալ նմա մահն, ածեալ անդուստ կենդանի՝ զաւաղակացն ելոյծ զպատուհաս :

Զայս օրինակ ապա արմատաքի խլեաց Տիմոդեւոնդ զբռնաւորութիւնսն և վանեաց զԹշնամիսն . և կղզի մի զանձամբ առեալ համբուն վարդապետեալ 'ի կրից չարեաց և գժոխըմբերելի խբոց բնակաց՝ 'ի հեղութիւն ամղբեաց . և այնպէս փաբելի

գործեաց առհասարակ, որպէս զի և եկե
օտաղջ նաւեալ եկին բնակեցան 'ի նմա,
ուստի բնիկքն յառաջագոյն 'ի բաց սար-
տուցեալ էին: Քանզի Անդադանաւս և
Գեղաս քաղաքք մեծամեծք՝ քանդեալք
'ի Ապրիլեգոնացւոց յետ Արաբիկեան մար-
տին, անգրէն միւսանգամ շինեցան յայն-
ժամ՝ մին 'ի ձեռն Մեղեղոսի և Փեղիս-
տոսի՝ եկեալք յԵզեայ. և միւսն՝ 'ի ձեռն
Գորգեայ՝ եկեալ 'ի Կէայ. սգա 'ի մի
մայր ժողովեալ 'ի քաղաքան յայնոսիկ
զհին բնակէլն, մեծապէս աներկանաւ-
թեամբ յետ այնչափ մարտից յուլելոյ՝
յանգորդու նստան 'ի ձեռն Տիմոզեւոն-
դեայ. առ այս՝ և խնամ՝ մեծ տարեալ 'ի
հանգերձանս պիտոյից նոցա, ուստի և մի-
րեցին զնա իբրեւ հիմնագիր քաղաքացն:
Բայց և այլև առհասարակ զնոյն սեր սի-
րէին զնա. զի և ճշխաղազութիւն պատե-
րազմաց, ճշ օրինադրութեանց սահման,
ճշ մայրաց ինչ բնակութիւն, ճշ քաղաքաց
բարեկարգութիւն, թուեր յայնժամ գե-
ղեցիկ ունելել, եթէ նա չմուէր զձեռնն
և աւերալ չյօրինէր զերան. զորօրինակ եթէ
'ի Ճարտարասերտաց ոք՝ 'ի գործ ինչ որ
արդէն 'ի գլուխ ելեալ իցէ, շնորհս և գեղ
յոյժ ճահաւորակի և աստուածաժպիւղ 'ի
նոյն աւերալ բարդիցէ:

Էլին էին զայնու ժամանակաւ և շատք
'ի հեղինացւոց արք աւագք՝ որ նահապա-
կութիւնս գործեցին մեծամեծս. յորս
Տիմոթէոս և Ագեմեղայոս և Պելագոսիդէս

և Եպամփնոնդէս՝ որում մեծապէս նախանձաւոր գտաւ Տիմոդէւոնդ. սակայն նոցուն նահատակութիւնք խառն ընդ բոլորութեան և ընդ քրտանց՝ զոչք պայծառութեանն 'ի գէմս բերին. զի և ինչ ինչ 'ի գործոց անտի նոցա բաճառաւորս զհետ ձգեցին և ապաշաւ : Իսկ 'ի նահատակութիւնն Տիմոդէւոնդեայ, (եթէ 'ի բաց տարցես գու զհարկն զայն զնորա առ եղբայրն) չիք ինչ ոյր ազագաւ 'ի գէպ ոչ իցէ զՍոփոկլեանն զայն գոչել բարբառ՝ որպէս ասաց Տիմէոս . “ Բարէ աստուածք, ո՞ր այն արդեօք Վիպրիս , կամ ո՞ր այն Աստղիկ ձեռն միեաց 'ի սա “ : Գանգի զորօրինակ քերթուածք Անտիմոքեայ և կենդանագրութիւնք Դիոնիսեայ՝ արանց Վոդոփոնացւոց , 'ի նկրանել իւրեանց 'ի գործան՝ քիրտն տաժանակիր երեւին թափել . իսկ Նիկոմեքոսին նկարքն և Հոմերոսին տաղքն՝ հանդերձ այլ ինչ գեղովն և շնորհիւն՝ աշխատասիրութիւն հեշտին 'ի գէմս բերեն . սապէս և զՏիմոդէւոնդեայ մոցանսն 'ի կշիռ ձգեալ ընդ Եպամփնոնդեայն և ընդ Ագեռիզայոսինն , արդեօք ողջախոհիցն բազմապատակ և գծուարաքիրտն վերջինքդ երեւեցին . իսկ ազաջինքն 'ի միասին ընդ գեղոյն և գիւրութիւն մեծապէս 'ի ներքս բերցեն , իբրու ոչ բախտին ձեռակերողք՝ այլ և բարեբախտ առաքինութեանն . Թէպէտ և ինքնին Տիմոդէւոնդ զամենայն զնահատակութիւնն 'ի բախտն 'ի վեր հանիցէ :

Քանի՞ 'ի գրեւելում առ բարեկամն 'ի Կորնթոս, գարձեալ է 'ի հրապարակախօսելն իւրում առ Սիրակուացիս, ստեպ երախտապարտ զանձն ունի գիցուհայն, որ Վիկիլիս կամելով փրկել՝ յիւր անուն գրեալ, տարաւ 'ի գլուխ: Վասն որոյ է 'ի տան իւրում կառուցեալ վայր նաւիրահան Քաջագիւղութեանն, զորհրդոհս, և զտունն զայն առեալ արեւաց նավիրահան Քաջին այնմիկ: Զայս տուն ետուն նմա Սիրակուացիք 'ի միջանակ քաջութեան նորա 'ի զօրավարութեանն. առ այս՝ և ազարակ յոյժ գեղեցիկ և բերկրաւոր, ուրանօր նա զքաղաքոյն ժամանակն պարսպեալ նստէր, առաջեալ անեալ առ իւր 'ի Կորնթոսէ զկին իւր և զորդիս. քանի՞ ոչ ևս գարձաւ նա 'ի Կորնթոս, և ոչ յազմուկս Հելլենաց խառնեաց ինչ զանձն, և ոչ գարձեալ քաղաքականին այնմիկ մարտնաց մասն եղև անձին՝ (յոր բազմագոյնք արդեօք 'ի զօրավարաց՝ անյագ 'ի շուք պատուոյն լինելով և յաւագութիւն զօրութեան՝ գնացեալք ընդհարկանին). այլ անգէն եկաց և բնակեցաւ, վայելեալ 'ի բարիսն զոր անձամբ անձին գուն գործեալ 'ի ներքս երկր. յորս վեհագոյնն արդեօք՝ զի քաղաքս այնչափ և բիւրաւորս մարդկան յակն արկանէր նա երջանկացեալ 'ի ձեռն նորա:

Առ քանի՞ պարտ է՝ զի ըստ Սիմոնի գեայ՝ ոչ միայն յամենայն արտուտս բուսցին կատարք 'ի գլուխս, այլ զի և յամե-

նայն ռամկապետութիւնս՝ զարգարտիչ ոմն քանապօղոս, ուստի և ընդգէմ Տիմոդէոն, գեայ յարեան կրկին գատախաղք, Լափիապօս և Դեմենետոս: Արդ իբրև Լափիապօս՝ ի գատախաղքի ուրեք խնդրէր երաշխաւորութիւն ի Տիմոդէոնգեայ, ոչինչ թողլ եւ նա քաղաքացեացն աղմուկ յուրել և արգելուլ զսանն. քանզի ասէր՝ եթէ քիբան այնչափ և մահոյն կա մահաբողութեամբ սրտի յանձն էառ նա, զի Սիրակոսացիք ազատութեամբ վարեալն օրինօքն իւրեանց: Իսկ իբրև և Դեմենետոս բազումս գատախաղ կայր զմանէ ի մեծի հրապարակին վասն իրաց զբաղաւթութեանն, նա ոչինչ եւս պատասխանի. այլ ասէր շնորհս ունել աստուածոց, որոց և մաղթեաց՝ զի Սիրակոսացիք ի վերջէ ուրեմն տիրացեալք գեղեցիկ ազատութիւն կալցեն խօսելոյ:

Եւ այսպէս ապա նահապետութիւնս մեծամեծս ըստ հասարակաց խոտորվանութեան և գեղեցիկս, քան զամենեցուն որ առ իւրովն ժամանակօք ճեղնացուցն՝ նահապետեալ սորա, և սա այս միայն վեհագոյնս առաքինացեալ՝ յորս միանգամ իմաստակբոց ատենախօս ճամարտակութեամբն ցանգ խրախուսեն զճեղնացիսն, առ այստիկ՝ ըստ գեղեցիկ բախտին ազատացեալ սա և ի վազնջուց անտի ազատիցն վշտամբեր նախնոյն Ելլադայ, սուրբ և անշաղափ յարենէ ընտանեացն, ակներև ուսոյց բռնաւորացն և խուժա-

դուժ ազանցն զքաջութիւն կորովութեան իւրոյ և զահն և զհոյն . իսկ Հելլենացւոցն և բարեկամացն՝ զհեզութիւնն և զարդարութիւնն . և զի՝ և զբազումս 'ի յաղթանակաց մրցանացն կանգնեաց նա՝ ոչ յարտասուս լալեաց զքաղաքացիսն համակեալ և 'ի սուգ . Թաղծութեան , այլ սրբեալ մաքրեալ զՍիկիլիա՝ չն բոլորեալ ամաց ութից՝ յիւրոց անտի անդուլ և 'ի տնկակից աղէտիցն կարեաց , յանձն արար ետ 'ի ձեռս բնականնունդ մարդկանն :

Բայց 'ի ծերութի յեցեալ Տիմոդէոնդ՝ վատեցան աչք նորա , ապա յետ սակաւուց և բնաւ կուրացան . ոչ ինքն ինչ պատճառս եղեալ կրիցն , կամ 'Թէ 'ի բախտէն ոտնհար եղեալ , այլ՝ որպէս հաւանեալս եմ՝ էր այս ախտ զարմին նորա , միանգամայն և կարիք բազմաժամանակեայ կենացն . քանզի և պատմեն՝ ոչ սակաւուց 'ի նոյն զարմէն կուրանալ՝ վատեալ 'ի ծերութենէն : Իսկ Աթանիս պատմէ՝ եթէ և 'ի մարտի անդ ընդ Իպպոնեայ և Մամերկոսի 'ի Միդէս՝ ախտակրեաց 'ի բանակին աչքն Տիմոդէոնդեայ , և ամենեցուն յայտնի լինել կուրութեանն՝ նա տեղի չտուեալ 'ի պաշարմանէն մարտ եղեալ կուուեցաւ մինչ և ձերբակալ զբռնաւորսն առնէր . և ապա դարձ արարեալ 'ի Սիրակուսա՝ հրաժեշտ տայր յիշխանութենէն , 'ի չքմեղս եղեալ աղերսիւ առաջի քաղաքացեացն , իբրեւ որ զբաւ դեղեցիկ իցէ այնուհետեւ ամենայն իրաց նոցա :

Եւ արդ ընդ համբերութիւն նորա ան-
տրտում ընդ կիրս աղէտիցն վալր մի զար-
մասցի ոք արդեօք . այլ որ առաւել գգան-
չելին՝ զի ցանգ մեծարանս շնորհակալուս
ցուցին առ այրն Սիրակուսացիք՝ ի կուրու-
թեան նորա . յաճախ յայց ելեալք ՚ի
գրուան նորա , և յարարս և ՚ի տուն նորա
ածեալ բերէին զեկս զոտարս գալ տե-
ասնել զգարեգործն նոցա . և ցնծային ՚ի
բարձր պարանոց՝ զի առ նոսա ընտրեաց
բնակել , և արհամարհեաց զփառաւոր
գարձն յԵլլազա՝ հանգերձեալ նմա վասն
առաքինի նահատակութեցն նորա . Բայց
՚ի բազմագէտն և ՚ի մեծամեծան՝ որ արձա-
նագրեցան և արդիւնացան ՚ի պատիւ երե-
ւաց առն , ոչինչ գուշնալեայ էր տաճանն
վճռոյն Սիրակուսացոց ժողովդեանն ,
զի յամենայն ՚ի մարտս ընդդէմ այլազեաց՝
զօրավար մի ոք կացցէ նոցա ՚ի Վորնթա-
ցոց : Գեղեցիկ էր տեսանել և զլուք նորա
յատեանս խորհրդոց նոցա . քանզի յա-
ղազս դուզնալէից իրաց նոքա առանձինն
վճարէին . իսկ յաղազս մեծաց առաքեալ
կոչէին զՏիմոթեւոնդ՝ բարձեալ ՚ի կառս
ընդ հրապարակն . գայր նա ՚ի տեսարանն ,
և այնպէս բազմեալ ՚ի կառան՝ ասպնջակա
նութիւն մեծապէս ընդունէր առհասա-
րակ միաձայն ողջունիւ . և ինքն գարձեալ
ողջունիւ նոցա փոխարինեալ , վալրիկ մի
այնպէս անսայր գովութեանց նոցա և բա-
րեբանութեանցն . և ՚ի վերայ հասեալ ա-
ռաջարկութեան խորհրդոյն՝ ասէր և ինքն

ղկարծիան . որում և ձեռն տուէալք հաւանութեան , ապա պաշտօնեայքն 'ի բաց տարեալ զկառան ընդ մէջ տեսարանին , և քաղաքացիք յուղարկեալք 'ի կայթս և 'ի ծափս , այնպէս դարձեալք զհասարակաց իրաց զպէտան առանձին տեսանէին :

Յայսչափ շուք մարդասիրութեան իբրև հայր հասարակաց ծերացեալ Տիմողեւոնդ , դուրնաքեայ խօթութեամբ և բազմաժամանակեայ աւուրքն վախճանեաց զկեանսն : Եւ ապա աւուրք սահմանաւորք շնորհեցան Սիրակուսացւոց հանդերձել զյուղարկաւորութին , դարձեալ և չրջակայ ևս այլոց ժողովրդոց գալ 'ի հանդէս անդր . և յարդարեալ յօրինեցաւ հոյակապ պատրաստութեամբ և շքեղ . և պատանիք վիճակաւ ընտրեալք՝ բարձեալ բերէին զգագաղսն զարդարեալ գեղեցիկ՝ ածեալ ընդ մէջ արքունեացն Գլոնիսեայ՝ որքանդեալն իսկ էին . և էին նմա յուղարկաւորք բիւրաւորք բազումք՝ արանց և կանանց , առհասարակ սրտակեալք և պատմուճանս սուրբս արկեալ զանձամբք , զմեծի տօնախմբութեան 'ի դէմս բերէին ըզհանդէս . իսկ ձայնք աղաղակին և աւուրք արտասուաց խառն ընդ դրուատից և ընդ երանութեանց վախճանելոյն , ոչ զնուէր մեծարանացն և ոչ զաշխարհօրէն սպասարկութիւն 'ի նախահոգակ խորհրդոց յայտ առնէին , այլ զիղձ տենչանաց արդար և իրաւ , և շնորհս զճշմարիտ մտերմութեան : Իսկ իբրև 'ի վերջէ 'ի վերայ խա-

բուկին զգազազան առեալ հանգուցին, անգանոր Դեմետրիոս՝ քան զամենայնօր, բոլս առ իւրովքն ժամանակօք՝ մեծագոյն այլ և աւագածայն, կարգայր բարձր զարձանագրութիւն վճռոյն, որ ունէր օրինակ զայս .

“ Ժողովուրդ Սիրակուսացւոյ՝ Ցիմոդեոնդեայ Ցիմոգիմեան Կորնթացւոյ՝ Թաղումն ընծայէ երկերիւր միասից : Առ այս՝ և շուք պատուոյ սահմանէ նմա յաւիտեանս ժամանակաց ՚ի միջանա երաժշտաց, և առաքեալաց, և ըմբշաց . քանզի սա զրահաւորս տապալեաց, և զնաժաղութան պարտեաց, և զմեծամեծան շէն բնակեցուցեալ ՚ի հիմնայատակ քաղաքաց, Սիկիլիացւոց միւսանդամ օրէնս աւանդեաց ” :

Ապա և շիրիմ՝ կանգնէին մարմնայն ՚ի հրապարակի անդ, և սրահս ևս շուրջ ածէին զնովաւ, և առաքելոս ևս շինեալ անգանոր՝ տային պատանեաց ըմբշամարտից, և անուն կարգային տեղայն՝ Ցիմոդեոնդեան : Իսկ ինքեանք քաղաքավարեալ զկարգ և զօրէնան՝ զոր նա ինքն սահմանեաց նոցա, հարուստ ժամանակ այնպէս երջանկացան նոքա ՚ի կեանս իւրեանց :

—

ԾԱՆՕԹՈՒԹԻՒՆԵՐ

1. Են գիտահեքն, Դեմեար և Պերսե-
փոնէ :

2. Սովորութիւն էր 'ի մասնեւն առ
Թագաւորս՝ Թոթափել զձորան, յայտ ա-
րարեալ եթէ չկը զէն 'ի ծածուկ :

ԵՄԻԼԻՈՍ ՊԱՂՈՍ

ՅԱՐԱՆԱԳՐՈՒԹԻՒՆ Վարուդ
բուռն հարկանել գէպ եղե ինձ 'ի շնորհս
այլոց 1, այլ ապա 'ի նոյն յաւերժանալ
և մեծապէս տենչամբ ԹարԹափել, և 'ի
շնորհս անձինս արդեօք: Քանզի իբրու 'ի
հայելաջ, 'ի պատմութեան աստ գտն
գործեալ եմ ես աւագիկ և զիմ վարուն
յարգարել և հանդուհառիպ նոցուն ա-
ռաքինութեանցն գործել: Քանզի և ոչինչ
այլ Թուի արդեօք պատահել բանիւզ այ-
գուիկ, քան եթէ կենցաղակից կենակից
քաջացն այնոցիկ լինել և առաքինեացն,
յորժամ զայր այր 'ի նոցանէն 'ի մասին
պատմութեանս մերոյ՝ իզրե հիւր առ մեզ
ժողովեալ, ասպնջական լինիմք նոցա . ա-
պա և նստեալ զննեմք գիտեմք՝ ո՞ր դք այն
իցէ և քանի՞նս արդեօք իցէ այրն . և այն-
պէս զտիրազոյնսն և զչեղեցիկսն 'ի գի-

տեղ՝ ծաղկաքաղ առնեմք յառաքինի նահատակութեանց նորա . “ Բարե՛, բարե՛, և զինչ այլ վեհագոյն քան զայս բերկրութիւն կայցէ քեզ երբէք”, գեղեցիկ և վերբերիչ յուզողութիւն վարուց :

Քանզի Դեմոկրիտոս պապ, եթէ ազօթել պարտ է՝ զի պատկերք և նմանութիւնք բարեգուշակք հանդիպեացին մեզ . և զի՛ քան թէ յոռիք ինչ և ձախողակք՝ մտերիւքն և լաւքն մանաւանդ պատահեացին մերոց աչաց ՚ի շքնապատ օգոց աստի : Բան ոչինչ ճշմարիտ, և որ ամբաւից անպաշտութեանց պատճառք յիմաստասիրութեան : Այլ մէք ՚ի գեղերել մեր՝ ի պատմութեանս և ՚ի հանապազորգել յառձանագրութիւնս յայտակ, կաղճ և պատարաստ զգուշանամք անձանց, զի զքաջացն զայնացիկ և զառաքինեացն զյիշատակս ցանդ առեալ ժողովեացուք ՚ի հոգիս մեր . իսկ զյոռին և զվատեացն և զփանաքին՝ որ ճարակեացի թերեւ ՚ի մեզ ՚ի հարկէ կենակցութեան մերոյ ընդ այնպիսեացն, զայն ամենայն ՚ի մէնջ ՚ի բաց մերժեացուք . հեզ և հանգարտ և հեշտընկալ զմիտս մեր գործուցանելով յօրինակս անգր բարեացն և առաքինեացն :

Յորոց սակի և յառաջիկայդ բուռն հարցուք քեզ զՅիմողեւոնդեայ Կորնթացոյ և զԵմիլիոսի Պաւղոսի արձանադրել զվարա . որք ոչ միայն խորհուրդս հանձարեա, այլ և ելա իմն գեղեցիկս՝ նմանատիպ միմեանց վիճակեցան ոռնել ՚ի նահատա-

կուժիւնս իւրեանց: Առ որ յերկուս-
ցեալ տարակուսեալն որ թերևս, արդեօք
'ի գեղեցիկ բախտէն մանաւանդ՝ եթէ 'ի
հանձարոյ մասնն այնպէս 'ի մեծամեծ
գործսն նահատակեցան նոքա:

ԶԵմիգեանց զարմն 'ի հռոմ քաղաքի 'ի
պատրկաց անտի ընել և 'ի վաղնջուցն զար-
մից՝ բազումք արձանադրեն միաբան: Իսկ
թէ առաջին՝ որ զանունն զայս եթող ազ-
գատահմին՝ եկաց Մամերկոս որդի Պիւթա
գորայ խնայանոցն, որում 'ի պատճառս
ազաւ բարբառոյն և շնորհացն՝ անուն կար
զային Եմիոս 2, զայդ պատմինն ոմանք՝
որ զգլխաւորակուծիւն զլուսմասոյ ար-
քայի՝ ընծային Պիւթագորայ: Այլ բազ-
մադոյնք 'ի փառաւորացն զարմին յաջո-
ղեցան ըստ գեղեցիկ բախտին յառաքի-
նութիւնն՝ որում պատկառեացին, և լեւ-
կիոս Պաւլոսեան 'ի ձախողակ հարուածին
կաննայ քաջ իսկ եցոյց հանձար և քա-
ջութիւն. քանզի ոչնչ կարացեալ 'ի բաց
'ի կռուոյ անտի քեցել զիշխանակէյն իւր,
բաժանորդ եղև և ինքն վտանգին՝ թէպէտ
և ընդգէմ իւրոց խորհրդոցն, այլ ոչ և
փախաւանն. զի 'ի տեղի տալ ընկերին 'ի
գիմադրաւեալ վտանգէն, նա հաստատուն
մարտ եղեալ կռուեցաւ մինչև տապաւո-
անկաւ: Սորա գուարեկաց Եմիլիոս՝ հարս
նացեալ մեծին Սկիպիոնի, յորմէ ծնաւ
Պաւլոս Եմիլիոս՝ զորմէ առեալս եմք զար-
դիս յարձանադրել:

Սա այս Եմիլիոս յարգումն հասեալ 'ի

Ժամանակի անդ ծաղկելոյ արանց առա-
քինեաց և հոյակապից, քաջ իսկ գիտաց
ինքնին բարգաւաճ'ի փառս լինել, ոչինչ
զհետ կրթեալ մարդէն՝ որոց յայնժամ
պատկառ կային մանկունք ազատորէրոյն,
և ոչ զնոյն շաւղաց անդառն բուռն հա-
րեալ: Քանզի ոչ վարժեցաւ յատենա-
կանն, և ոչ զողջոյնսն զայն և զգլուանն
և զաջրել զբազմաց յանձին երբեք կալաւ՝
որով շնթել բնաւորեցան նորա խուժա-
նին և մարդահանձնել և տարասարկու լինել:
Թեպէտ և բոյս բարուցն Եփէլեաց յերկո-
սին ևս չէր ինչ անյարմարուոր. այլ նա
լաւ ևս համարեցաւ՝ փառս անձին ժա-
ռանդել զարիութեան և զարդարութեան
և զհաւատոց, յորս և անդէն գերազան-
ցեալ դասաւ քան զամենեւեան՝ որ առ իւ-
րովքն ժամանակդ:

Արդ առաջին գործ աւագութեան
կալաւ զամբարապետի, յորում և նախա-
պատիւ ընտրեցաւ նա քան զհետամուտան
երկոտասան թուով. որք և ապա առհա-
սարակ՝ որպէս ասեն՝ կացին նորա հիւպա-
տոյք: Յետ այսորիկ կացեալ և քահանայ,
մի 'ի նոցանէն՝ զոր կարգան՝ Ա-իւ-ռ, այն
է՝ Հաւահմայ, ըստ կարգի Հռոմայեցւոցն
դէտ և պահապան 'ի վերայ կալ որ 'ի հա-
ւուց անտի և յԱրամազդեան նշանացն
գուշակութեանց, այնպէս ջանիւ թեա-
կոխէր 'ի սովորոյթս հայրենեացն, և քննելո
զկարգս բարեպաշտութեան զծերրունեացն
յաստուածայինսն, որպէս զի և զկարգ

քահանայութեանն՝ զոր 'ի պատուոյ օտկո
 և եթ տային և նմին իրի տարփային, նա
 արդեամբք 'ի ներքա ընծայեաց զայն իբրե
 զմի 'ի վեհագոյն արուեստից. և ինքնին նա
 վկայեաց խնամասիրացն, որ զբարեպաշ-
 տութիւն՝ սահմանեցին տակ, Սպասարի-
 թեան աստուածոցն գիտութիւն: Քանզի մե-
 ծապէս խնամով գործէր զամենայնն, 'ի
 բաց զամենայնն զնեւով զհոգան 'ի սպա-
 սու պաշտամանն. զանց առնէր և ոչինչ,
 կրկնէր և երեքնէր և ոչինչ. ցանգ 'ի պայ-
 քար մոտալ ընդ երկցակցացն և վասն դուզ
 նսպէից, աղց առնէր՝ եթէ թէպէտ և դք
 հեշտալուր արդեօք զաստուածակողմնն
 կարծեսցէ լինել և անդատախաղ մեղաց
 մերոց, այլ սակայն վասն քաղաքին դժըն-
 դակ է անփոյթ և զանց զփոքումբն զայ-
 նոքիւք առնել. իբրե չէք դք՝ որ անդէն 'ի
 սկզբանն ծայրայեղ յանցաւորութեամբ
 վեր 'ի վայր զքաղաքն արասցէ. այլ որք
 միանգամ 'ի փոքուման ճշգրիտք ոչ իցեն,
 նոքա և 'ի փոյթ պահպանութեան մեծա-
 մեծացն յանցաւորք են:

Զնոյն ճշգրտութի 'ի ներքա բերէր նա
 և 'ի պահել քաջիկ զամենայն զսովորոյթս
 զգինուորութեանն և զվազնջուց զվարոց
 հալոսնեացն. ոչինչ մարդեւոլէր 'ի զօրա-
 վարութեանն, և ոչ դարձեալ ըստ որում
 բազմագոյնք յայնժամ՝ ի զօրավարաց՝ յինքն
 յանգուցանէր և զերկրորդ գուման, ներս
 զամիտ առ առաջինսն ցուցանելով. այլ
 իբրե վեհագումնիցն քահանայ խորհրդոց՝

այնպէս և զգնուորական սովորոյթան ճշգրտէր. և անաստիցն և յանցաւորացն զանձն ահաւոր 'ի ներքս ընծայեալ, 'ի կարգ գեղեցիկ առեալ ամբառնայր զհայրենիան. և զպարտութիւն թշնամեացն երկրորդ դնէր նա քաղաքայնոցն իւրոց քաջակրթութեան:

Իսկ 'ի ժամանակին իբրև մարտ եղեալ կռուէին հռոմայեցիք ընդ մեծին Անտիօքոսի, և 'ի զօրավարաց անտի քաջք և առաքինիք խաղացին ընդդէմ նորա, գէպ եղև և այլոմ մարտի գրգռել 'ի կողմանց անտի արևմտից, և յուզմունք մեծամեծք էին յիբերիա: Արդ 'ի մեծի պատերազմին յայնմիկ զօրավար կարգեալ Եմիլիոս, ոչ վեց միայն տապարաւորս՝ ըստ զօրավարացն սովորութեան առնոյր ընդ իւր, այլ կրկին նոյնչափ. որպէս զի և հիւպատոսական շուք ընծայել իշխանութեանն: Ապա երկիցս անգամ վանեալ 'ի պարտութիւն մատնէր զհուժադուժան 'ի ճակատամարտի. և յայտնի իսկ՝ ելք նահատակութեանն յաջողեցան 'ի գեղեցիկ զօրավարութենէն. քանզի վայրս իմն յարմարաւորս ընտրեալ, և յանցանելն ընդ գետ աճապարեալ անկեալ 'ի վերայ թշնամւոյն, այնպէս հեշտին տարաւ զյաղթութիւնն: Առ այս՝ և քաղաքս երկերիւր և յիսուն նուաճէր անդ ընդ ձեռամբ՝ որ մտադիւրագոյնս ժողովեցին զնա. ապա խաղաղութիւն հաստեալ և ապահովեալ, թողեալ զգաւառն դարձաւ եկն 'ի հռոմ. միով դրամակըռով

չափ շահեալ և ոչինչ 'ի զինուորութեանն յայնմիկ . քանզի և ո՛չ ուրեք այլ՝ օգտաւ ծարաւ երբէք գտաւ նա, որ այնպէս առատ և ճոխաբար տայր յիւրոց անտի գոյիցն . Թէպէտ և ո՛չ շատ ինչ էր նորա, այլ հազիւ ուրեմն յետ վախճանին նորա բաւական եղեն 'ի հատուցանել զպարտածսն կնոջն :

Այս Եմիլիոս զՊապիրիա ածեալ էր 'ի կին զգուտոր Մնասոյնի 'ի հիւպատոսական կարգէն . այլ հարուստ մի ժամանակ կացեալ ընդ նմա՝ գիր ապահարզանի տայր նմա . Թէպէտ և զաւակս գեղեցիկս ծնաւ նմա Պապիրիա, զգերահռչակեալն զայն զՍկիպիոն և զՄպսիմոս Փաբիոս : Իսկ պատճառք արձակման կնոջն ո՛չ հասին առ մեզ : Այլ յազագս քակելոյ ամուսնութեանցն Թուի Թէ ճշմարիտ է ասացեալն առն ուրումն Հռովմայեցւոյ, որ 'ի բաց զկինն արձակեալ և նորին ազագաւ ազարտեալ 'ի բարեկամացն, որ ասէին . “ Միթէ ո՛չ 'ի պարկեշտից ոք էր կինդ և 'ի գեղաւորաց, և ո՛չ զաւակարար էր դա ” . Նա կարկառեալ ցուցեալ զիւր կօշիկն, զոր Հռոմայեցիք Քալլիստո Ծ, կոչեն, ետ պատասխանի և ասէ . “ Ո՛չ արդեօք և այս ճարտարագործ է, ո՛չ և նորագործ . այլ սակայն գիտէ և ո՛չ ոք 'ի ձէնջ՝ եթէ յորում մասին ինձ դա խոչ ընդ ոտն իցէ ” : Եւ արդեօք կէսք 'ի կանանց 'ի բաց արձակեցան վասն մեծաց ինչ և յայտնի յանցաւորութեանց . իսկ կէսք 'ի սակա անհա-

մութեան և անփառանութեան բարուցն .
յորմէ և գժտութիւնք՝ թէպէտև գուզնա-
քեայք այլ յաճախակի . և թէպէտև ան-
յայտք՝ սակայն բնականցացն անհաշտելի՝ ի
ներքս բերեն օտարութիւնս :

Իւ այսպէս ՚ի բաց զՊապիրիա հանեալ
Եմիլիոս , էած այլ կին՝ յորմէ և ծնաւ որ
դիս երկու կալեալ առ իւր ՚ի տան . իսկ
զառաջիննն տայր յորդէգրութիւն ՚ի սունա
աւագաց և քաջազարմից : Զերէցն յորդէ-
գիրս առնոյր որդին Մաքսիմոսի Փաբիոսի ,
այն՝ որ հնգիցս եկաց հիւպատոս . իսկ
զկրտերն՝ որդի Ափրիկանոսի Սկիպիոնի՝
քեռի նորա , և անուն կարգաց նմա Սկի-
պիոն : Իսկ ՚ի դատերաց անտի Եմիլիոսի՝
մին հարսնացաւ որդւոյն Սատուրնի , և
միւսն Եպիոսի Դուբերովնի՝ այր լաւ և ա-
ռաքինի , որ ՚ի վեր քան զամենայն հռո-
մայեցիս յոյժ մեծանձնաբար սարաւ ազ-
քատութեանն : Քանզի առհասարակ Ե-
դեանք թուով մեռասանք՝ ազգակիցք , ՚ի
փոքրիկ կալուածի բաւական նոցա , և ՚ի
գուզնաքեայ տան բաշխեալ նստէին ընդ
միով մարդակաւ հանգերձ յոքնաթիւ զա-
ւակօք և կանամբք . յորոց մին և այս գուտոր
Եմիլիոսի՝ որ երկիցս եկաց հիւպատոս և
յաղթանակս կանգնեաց երկիցս . սակայն
գուտորն զամօթի ինչ չհարկանէր ընդ ազ-
քատութիւն առնն , նա և հիացեալ իսկ
էր ընդ առաքինութիւնն՝ որով և ազքատն
էր : Իսկ առ մեզք այսօր եղբարք և ազգա-
կիցք՝ եթէ զկալուածս իւրեանց կլինայիւք

ոմամբք և գերտովք և պատուարօք ոչ որոշեալ սահմանեացեն, և 'ի միջի չգուցէ լայնասահման բազում անջրպետ ընդ միմեանս, երբէք ոչ գազարեացեն նոքա գժտել և կագել ընդ միմեանս: Արդ զայտասիկ խորհել և զննել 'ի ներքս ընծայե պատմութիւնն, որոց միանգամ զգեղեցիկ կենացն բուռն հարեալ իցեն:

Իսկ յետ այսորիկ Եմիլիոս կարգեալ 'ի հիւպատոս, խաղաց զորու 'ի վերայ Լիգիւսացոցն Ալպիաքնակաց, զոր ոմանք Լիգիւսացիք կոչեն. ազգ մարտիկ և քաջ 'ի նոցուն. իսկ 'ի Հռոմայեցաց հմուտեալք 'ի կռուել՝ սահմանակիցք գոլով նոցա: Քանզի և բնակեն իսկ նոքա առ լեռնոտամբքն Ալպեանց 'ի վերջին սահմանս Իտալիոյ, և 'ի կողմ Ալպեանցն զոր Տիւրքենեանն թանայ ծով և կայ 'ի հանգիւպոյ Լիբիոյ. ժողովուրդ խառնեալ ընդ Գազատացւոց և ընդ ծովեղերեայ իգերացւոցն. և 'ի ժամանակին յայնմիկ յածեալ գնային ընդ ծով նաւք հինից և խցեալ կուրացուցանէին զվաճառականութիւնն՝ յառաջեալք անդր տարագէմ մինչև յարձանան Հերակլեանց:

Ապա 'ի վերայ յարձակեալ Եմիլիոս Լիգիւսացոցն չորից բիւրուց՝ ութ հազար հետեակօք, խառնեցաւ 'ի մարտ ընդ այնչափ բազմութեանն և 'ի փախուստ գարձուցեալ՝ առեալ փակեաց զնոսա 'ի պատուարս իւրեանց. և յայնժամ լուր իմն հեշտ և բազմալի զվաքօք ածէր առ նոսա

պայմանաց խաղաղութեան. քանզի և կա-
մէին իսկ ոչ Հռոմայեցիք խապառ եղծա-
նել զլիգիւացւոց ազգն. զի պատուարք
էին նոքա և թումք ընդդէմ հինի Գաղա-
տացւոցն, որ ցանգ անկեառոյցք էին յԵ-
տալիս: Իբրեւ նոքա անապիւն Եմիլիոսի և
առեալ 'ի ձեռս ետուն նորա զնաւան և
զքաղաքան իւրեանց, նա զքաղաքան դար-
ձոյց առ նոսա ողջ, միայն զպատուարն
քակեալ շուրջանակի. իսկ զնաւան 'ի բաց
տարաւ առհասարակ, և չեթող նոցա նա-
ւակ մեծ քան զեռաթիակարգն. և ազա-
տեաց զամենայն դերին՝ որ 'ի ծովէ որ 'ի
ցամաքէ, յորտ էին և բազումք յեկաց օ-
տարաց և 'ի Հռոմայեցւոց: Եւ այսպէս
ապա մեծապէս նահատակեցաւ նա 'ի հիւ-
պատոսութեան իւրում:

Իսկ իբրեւ յետ այնորիկ ստէպ ցանկալի
նա միւսանգամ աւազութեանն այնմիկ,
և յայտնի ևս միանգամ հետամուտ ըն-
ծայեցաւ և չեպէ կամագիւտ, այնուհետեւ
մեկուսացեալ յանդորդու՝ նուիրականացն
պատկառ կալի և զաւակացն դաստիարա-
կութեան. մարդէր զնոսա 'ի վաղնջուց
կարգս հայրենեացն՝ զի և ինքն տեղեակ և
հմուտ էր, այլ և 'ի հելլենականն պա-
տուասիրաւոյնս: Քանզի առեալ զնէր
նա առաջի պատանեկացն ոչ գրամատի-
կոսս միայն և խնատակս և հռետորս, այլ
և անդրիագործս և կենդանագիրս, և արս
հմուտս 'ի վարժս երիվարաց և բարակաց և
յորս էրէոց և գազանաց. և ինքնին դար-

մեալ՝ պարապեալ 'ի գործոցն ցանգ առաջի կայր 'ի կրթանս նոցա, հայր յոյժ որդեսէր կարգացեալ 'ի Հռոմայեցւոցն :

Զայնու ժամանակաւ ըստ հասարակաց գործոցն մարտ եղեալ կռուելին հռոմացեցիք ընդ Պերսէոսի արքային Մակեդոնացւոց . և էր նոցա առհասարակ արտունջ վասն զորավարացն անհմտութեան և վատութեան, զի այնպէս առակ նշաւակի լինէին նոքա 'ի մարտին յայնմիկ, կրեալք 'ի Թշնամեացն՝ քան թէ հարեալք զնոսա : Եւ քանզի ոչ ըստ ինչ ժամանակ յառաջ 'ի նեղն արկեալ Հռոմայեցիք զԱնտիոքոս զանուանեալն Մեծ՝ տեղի տալ յայլոց սահմանացն Ասիոյ, և վանեալ անդր քան զՏաւրոս մրակեցին զնա յԱսորիս, ուրաւ նոր նա յանձն էառ բեր մի և հինգ հազար սաղանգաց գնոց գնել զնազաղուծիւնն : Դարձեալ և վայր մի յառաջ նկուն արարեալ էր նոցա 'ի Թեսսաղիա զՓիլիպպոս, և փրկեալ զՀելլենացիս 'ի Մակեդոնացւոց : Դարձեալ և որում զուգակշիռ ոչ ոք 'ի Թագաւորաց յարիւթեան և 'ի քաջութեան՝ զԱնիթապ 'ի պարտութիւն մասնեցին նոքա : Վասն այսոցիկ ապա գտնուեցեր յոյժ էր Հռոմայեցւոց յայնժամ 'ի մարտին հաւասարակշիռ կալ ընդ Պերսէոսի, իբրու որ ոգորեւ ընդ Հռովմայ միայնակ բաւական իցէ . քանզի և հարուստ ժամանակ այնպէս կայր և կռուէր նա ընդ նոսա հանդերձ զորականոքն՝ որ մնացին 'ի կոտորածէ անտի հզոն : Այլ

ոչինչ գիտացին նորա՝ եթէ Մակեդոնացւոց զօրն յետ հարուածելոյն Փիլիպպեայ՝ հզօր առաւել և մարտիկ ևս յարգարեցաւ, զոր սղագունիւք պատմեացուք՝ անգուստ ՚ի վերուստ առնելով զսկիզբն:

Անտիգոնոս հզօր առաւել ՚ի զօրավարան և ՚ի պայազատան Արեքսանդրի, անուն թագաւորի ժառանգեալ անձին և սերնդոցն, ծնաւ որդի Դեմետրիոս անուն, հայր միւսոյն Անտիգոնոսի՝ որ կոչեցաւն Գանաթոս. ՚ի ամենէ ծնաւ որդի Դեմետրիոս, որ ոչ բազում ժամանակ թագաւորեալ մեռաւ, թողեալ մանուկ փոքրիկ՝ Փիլիպպոս անուն: Յայնժամ աւագորեաւ Մակեդոնացւոց զանգիտեալ յանիշխանութենէն, ՚ի մէջ մատուցին զԱնտիգոնոս զքեռորդի արքային ժախճանելոյ, և զուգեալ զնա ընդ մօր մանկանն Փիլիպպոսի, կարգեցին զնա առաջին խնամակալու և զօրավար. բայց ապա զփորձ առեալ զչափաւորութեան և զհասարակաց շինութեան ՚ի ձեռն նորա, թագ կապեցին նմա և յորջորջեցաւ նա Յօլոն, քանզի խոստանայր և ոչ կատարէր նա զխոստացեալսն: Յետ մահուն սորա թագ կապեաց Փիլիպպոս. և մինչ գեռ տակաւն պատանեակ էր, ականաւոր երեւէր նա քան զթագաւորս հոյակապս. և թուէր իմն այնպէս՝ եթէ ինքնին նա առեալ ՚ի վեր տարցի զՄակեդոնիա ՚ի նախնին իւր շուք, և միայնակ բաւական իցէ նկուն առնել զՀռոմայեցւոց զզօրութիւնսն ՚ի վերայ ամենեցուն ամբառնայր:

Այլ ապա իբրև 'ի մեծի պատերազմին առ Սկոտուանա հարեալ խորոակեցաւ նա 'ի Տիտոսէ փլամինիոսէ, անկաւ բեկաւ՝ որպէս զի և զամենայնն զիւր 'ի ձեռս տայր Հռոմայեցոց, և տուգանս ևս չափաւոր յանձն էառ տուգանել։ Իսկ յետ ժամանակոց չհանգուրժեալ, և զմտաւ ածեալ՝ եթէ թագ կապել 'ի շնորհէ Հռոմայեցոցն, գրգասէր դերույ իցէ մանաւանդ՝ քան մեծախորհուրդ և աւագ առն, 'ի կռիւ մարտի հաստատեցաւ և պատրաստէր կազմէր 'ի ծածուկ հնարիմաց խորհրդով։ Քանզի անփոյթ արարեալ զքաղաքացն սահմանակցաց և զծովեղերեայց, և լքեալ զնոսա այնպէս անկազմ և ամայի, զի արհամարհ երեւոյին և անկասկածք, զոր բազում հատեալ գումարէր 'ի վերնագաւառսն, և զմիջերկրեայ զվայրսն և զքերդսն և զքաղաքսն պատրաստէր ընդր բազում զինու և արծաթով և քաջառոյգ որերով, և անդ հանդերձէր կազմէր զպատերազմն զանխուլ և 'ի ծածուկ։ Քանզի որ անգանձօր ամբարեալ զէնք անգործ՝ շատ էին 'ի պէտս երկց բիւրուց զօրականին. և ցորեանն մթերեալ 'ի շտեմարանս՝ էր ութ հարիւր բիւրուց գրուաց. իսկ արծաթոյ մթերք՝ բաւական զամս տասն թողակաւորել բիւր մի վարձկան զօրականին 'ի պահպանութիւն Մակեդոնիոյ։

Այլ ոչինչ կարաց մոցել զոր կամէր, և 'ի գլուխ տանել՝ զոր խորհէր։ Քանզի կանխեալ գրաւեալ յանձկութենէ արտին՝

զրաւեցաւ 'ի կենացն . քանզի 'ի վերայ ե-
հաս ճշգրիտ՝ զի յանկրաւի ետ սպանանեւ
զորդին իւր զԴեմետրիոս 'ի քառութենէ
մեւոյ զաւակին՝ որ վատթարագոյնն ևս էր
քան զնա : Ապա Պերսէոս մնացեալ նմա
'ի զաւակացն՝ յաջորդեաց ընդ արքայու-
թեանն և զԹշնամութիւնն ընդդէմ՝ Հռո-
մայեցոց , Թէպէտ և ապիկար 'ի մրցանան
առ վաստութեանն և առ վատթարութեան
վարուցն . զի էր իսկ նա անկղիտացեալ
յախոս բազմագէմն , այլ արծաթախորու-
թիւնն մեծապէս գրաւեալ կալաւ զնա :
Առ այս՝ և ասեն զնա ոչինչ հարազատ .
այլ կին Փիլիպպոսի զնորածին մանուկն
առեալ իցէ 'ի ձեռաց կնոջ ուրումն դեր-
ձակի Արգոսացոյ՝ անուն Գնաթէնիէ , և
այնպէս անյայտաբար անուցեալ . և Թուի
մանաւանդ վասն այնորիկ՝ նորա մահ նիւ-
թեւ Դեմետրեայ , զանդիտեալ եթէ առ
հարազատ պայազատութեամբն՝ նշաւա-
կեսցի անհարազատութիւն նորա :

Արդ Թէպէտ և այնչափ անարի տա և
վատ , 'ի վեր բերեալ առ 'ի յաջորդութեն
յայնժամ՝ միեցաւ 'ի մարտ , և հարուատ
մի ժամանակ մարտ եղեալ կռուեցաւ ընդ
Հռոմայեցիս . եհար խորտակեաց 'ի նոցա
նէ զօրավարս հիւպատեանս և զօրս և բա-
նակս զնաւաց մեծամեծս , և կուտեաց ժո-
ղովեաց ևս բազում գերի : Քանզի 'ի մար-
տի այրուծիոյն 'ի փախուտ դարձոյց ըզ-
Պոպղիոս Լիկիննիոս , որ առաջին միեցաւ
Թշնամութեամբ 'ի Մակեդոնիա , եհար

սպան զնորա զերկու հազար և զհինգ հարիւր 'ի քաջ զօրականէն, և վեցհարիւր ևս ձերբակալ արար: Եւ յորժամ նաւատորմիդ Հռոմայեցւոց հանգուցեալ կայր առ Ուլքէոնիւ, նա յեղակարծումն անկաւ 'ի վերայ, և առ կալու նաւ քսան հանգերձ բեռանքն. իսկ զպլան անգնդասոյզ առ նէր՝ բեռնադարձս ցորենոյ, առնոյր և նաւակս չորս՝ հնգաթիակս: Կռուեցաւ և երկրորդ մարտ պատերազմի, և վանէր նա յայնժամ զԹոտիդիոս զայր հիւպատեան՝ որ անցեալ ընդ Եգիմիա բռնի միջամուխ կամեր լինել 'ի Մակեդոնիա. իսկ յորժամ և գազտագողի խնդրեաց նա մտանել անգր ընդ Թեսսաղիա, ձայն կարդաց նմա Պերսէոս 'ի կռիւ կաքաւել, և զարհուրեցոյց զնա: Ապա արհամարհեալ նա զՀռոմայեցւոյք և պարապեալ 'ի նոցանէ, իբրեւ 'ի գուլ մարտի արշաւեր ընդգէմ Դարդաւնացւոց. բիւր մի 'ի բարբարոսացն 'ի սուր տուերի մաշէր և դառնայր գայր բազում աւարաւ: Առ այս՝ և 'ի Ծածուկ հրապուրէր նա զԳաղատացիսն բնակեալս առ Իստրեաւ՝ որ անուանեալ կոչէին Բաստար, նացիք. զոր հեծելազօր էին նոքա և մարտիկ: Ապա սաղբեր և Լիւբկեցւոց 'ի ձեռն Գենթիոսի նոցուն արքայի՝ յուխտ դաշին մտանել ընդ իւր 'ի նոյն մարտ: Եւ լուր ևս զհամբաւի հարաւ՝ եթէ խուժագուժքն վարձեալք առ 'ի նմանէն, պատրաստեալ կային միւլ յիտալիա ընդ ստորին Գաղատիա քերեալ առ Ատրիայիւ:

Իբրեւ այս ամենայն ազգութիւն հասանէր առ հռոմայեցիս, հաճոյ Թուեցաւ նոցա յնարութեան զորավարի՝ այնուհետեւ ոչ շնորհս ինչ առնել և ոչ երեսս, այլ զալը հանձարեղ և զքաջահմուտ 'ի մեծամեծս՝ յառաջ կոչել 'ի գործն։ Սա ինքն էր Պաւղոս Եմիլիոս լցեալ ասուրբք՝ ամաց իբրեւ վաթսնից, սակայն և առոյգ անձամբ և կորովի։ Շուրջ զնովաւ պատեցան մերձաւորք և որդիք պատանիք և բարեկամաց բազմութիւն և ազգակցաց՝ ճոխք և աւագք, առհասարակ ածէին հաւանեցուցանէին անառ ժողովրդեան՝ որ յաւադութիւն անդր հրաւիրէին զնա։ Իսկ նա զառաջինն խուսափէր առաջի ժողովրդեանն՝ խոյս տուեալ 'ի հրաւիրմանէն, իբրու որ առաջնորդութեան անձուկ երբէք չունիցի։ Այլ իբրեւ այնպէս օր բառ օրէ բազում որեւոր խռներ առ գուրսն և 'ի հրապարակ անդր կարգային զնա և 'ի տրտունջ ևս հատանէին, ապա զիջանէր 'ի կամս նոցա։ Այն ինչ եկեալ երեւեալ նորա 'ի հետամուտան 'ի հիւպատոսութիւն, Թուեցաւ իմն այնպէս ոչ զզօրավարութիւնն առնուլ, այլ Թէ 'ի հրապարակէն անդէն չու 'ի բանակ արարեալ՝ զյաղթութիւնն գլխովին 'ի գլուխ տանել։ այնպէս անխաբ յուսով զուարթագին առհասարակ ընկալան զնա և կարգեցին 'ի հիւպատոս այս երկիցս անգամ։ և Թոյլ չետուն վիճակ հանել վասն գաւառացն ըստ սովորութեանն, այլ անդէն վճիռ ետուն նմա

զառաջնորդութե՛ն 'ի Մակեդոնեան մարտին: Եւ պատմեն՝ եթէ զօրավար ընդդէմ՝ Պերսէոսի կացեալ և շքով՝ 'ի ժողովրդոցն յուզարկեալ՝ 'ի տուն, անդ գտանէր նա զգաղթիկ իւր զՏերտիա տղայ՝ զի լայրգիրկս ամենալ նմա Եմիլիոս հարցանէր ըզպատճառ արտմութեանն. նա խաղապատեալ զհարբն և համբուրեալ, ասէր. “Եւ չգիտիցեմ գու ո՛վ հայր, զի Պերսէոսն մեր մեռաւ.”. ասէր վասն ընդատուն սկնդին՝ զոր յայն անուն կոչէին: Իսկ Եմիլիոս, “Վա՛շ, ասէր, գեղեցիկ բախտին, ո՛վ գուտոր. ընդունիմ զգուշակութիւնդ.”: Եւ զայստիկ պատմէ մեզ Կիկերոն հետտոր՝ 'ի գիրս գուշակութեան:

Այլ քանզի սովորութիւն էր, որք հիւպատոսն լինին՝ փոխարէն ինչ բարբառել 'ի բեմէն և շնորհս ունել ժողովրդեանն մարդասիրագոյն բանիւք, 'ի մի խմբեալ Եմիլիոս զքաղաքն՝ ասէր, յառաջնում նուագին իշխանանալ 'ի խնդրոյ անձին՝ որում պէտք էին աւագութեանն: Իսկ յերկրորդումն՝ 'ի խնդրոյ նոցա որոց պէտք են զօրավարի, ուստի և ո՛չ շնորհս ունել: Իսկ եթէ երբեք համարեացին նոքա՝ 'ի ձեռն այլոյ քաջիկ ևս յարգարեւ մարտին, մտադիւրագոյնս ինքնին տեղի տայ 'ի զօրավարութենէն. ապա եթէ 'ի նա վատահիցեն՝ ո՛չ կամի 'ի զօրավարութեան գործն խառնել նոցա և բանիւք ժամովաճառ լինել, այլ անդէն լռիկ զպէտս պատերազմին ընուլ. քանզի 'ի վերայ զօրավարացն

կամեւով զօրավարել, ևս ծիծաղելիք քան յայնժամ՝ եղեցին նոքա 'ի զինուորութեանն: Զայս այսպէս խօսեցաւ Եմիլիոս, և մեծապէս պատկառ կացին նմա ժողովուրդք. և 'ի յոյս հանգերձելոցն առհասարակ ցնծային, զի 'ի բաց զմարդելոյզնն տարեալ՝ զօրավար ընտրեցին ազատարարան և պարզախօս և քաջտխորհուրդ: Զայս օրինակ ապա առ 'ի տիրանալ գեր 'ի վերոյ ամենեցուն, առաքինութեան և լաւութեան սպաս հարկանէր ժողովուրդ հռոմայեցւոց:

Արդ յայն արշաւանն չու արարեալ Եմիլիոս, այն՝ զի այնպէս յաջողակի նաւեալ անցեալ՝ արագ արագ ողջամբ եկն եհաս 'ի բանակն, քաջ իսկ բախտին ընծայեմ: Սակայն 'ի զօրավարութեան մարտին և 'ի մրցանան, քանզի կէս մի տեսանեմ 'ի գլուխ տարեալ ժկաժկր արութեամբ, և կէս մի գեղեցիկ խորհրդովք, կէս մի 'ի ձեռն սպասարկու և փոյթ բարեկամացն, և կէս մի դարձեալ ինքնին գիմագրաւ 'ի գժնդական եզեալ, և հնարիմացութիւնս ևս ճահաւորակի 'ի վարարեալ, ապա և ոչ զմի յառաքինի նահատակութեանց առն գրեցից ես իւրումն գերտհուլակ բախտին, որպէս 'ի նահատակութիւնս այլոց զօրավարացն. բայց թէ ումեք կամք իցեն գրել գեղեցիկ բախտին Եմիլիոսի զընչաքաղց արծաթսիրութիւն զՊերսէոսի, որ այնպէս ճղճիմ 'ի ծախսն արծաթոյ՝ առեալ տապալեաց զչքեղ և

զմեծամուր հանգերձանս մարտի զՄակե-
դոնացւոցն՝ յորա յուսով խնդային նոքա :
Քանզի 'ի խնդրուածոց նորա եկին հասին
նմա 'ի Թիկոնս Բաստարնացիք, բիւր հե-
ծեալք և բիւր հետեակք՝ առհասարակ
վարձկանք . աքք՝ որ ոչինչ գիտէին ոչ զեր-
կիր գործել, ոչ նաւագնաց լինել, ոչ 'ի
հօտից խաշանց կերակուր պատրաստել .
այլ էր նոցա գործ և արուեստ միակ՝ մարտ
գնել կռուել և զԹշնամին պարտել : Իբրեւ
եկեալ խմբեցան ընդ զորա Թագաւորին
բանակ հարեալ 'ի Մեդիկա, և էին նոքա
աքք վիթխարիք յաղթամարմինք և շջոք,
և սքանչելիք 'ի կրթանս, և բոհմունս տային
յախուռնախօսս, և հրացայտք գոռային 'ի
Թշնամիս անգր, յոյժ քաջալերութիւն
զգեցան Մակեդոնացիք . եդին 'ի մօտ ե-
թէ ոչինչ բաւեսցեն հռոմայեցիք հան-
գարտել առաջի նոցա բուռն յարձակ-
մանն . այլ Թէ առ տեսիլ նոցա միայն, և
'ի խազալխօլացն այնոցիկ և ահեղիցն՝ զգո-
ղանի հարեալ պակնուցուն :

Իբրեւ օրինակ զայս խրախուսեաց Պեր-
սէոս զմարդիկն, և յուսով բարեացն խըն-
դացուցանէր, այլ ապա իբրեւ լուաւ եթէ
առ մէն մի 'ի զօրապետաց խնդրեն նոքա 'ի
նմանէ հազար գահեկան ոսկի, յապուշ
հարաւ՝ այլ յայլմէ լինէր Պերսէոս, զմտաւ
ածեալ զյոլովութի ոսկւոյն . և 'ի Ճղճիմ
կրիցն սարտեաւ և օտարանայր 'ի նիզակակ-
ցաց անտի և առեալ 'ի բաց արձակէր զնո-
սա . իբրու որ տնտես գաւառապետ հռո-

մայրեցւոց կացեալ իցէ և ոչ ընդդէմ մարտադիր, և համարա ճշգրիտ զծախուց մարտին հասանիցէ նմա 'ի ներքս բերել նոցա՝ ընդ որոց մարտ եզեալ կռուիցի. ուր և 'ի նոցունց դարձեալ հրահանգել պարտ էր նմա, քանզի բաց յայլոց կազմածոց մարտին՝ զօր տասն բիւր խմբեցին յայնժամ հռոմայեցիք՝ կազմ և պատրաստ յամենայն 'ի պէտա: Իսկ սա այս Պերսէոս՝ որում հասանէր զայն կռիւ կռուել ընդ այնպիսումն բանակի՝ ոյր տարապայման էին ծախք, ինքն նստեալ համարէր թուէր զգրաման, և առեալ կնքէր և փակէր պահէր, զգուշացեալ մերձենալ իբրու յաւանդ օտարին: Ոչ Լիւդացւոց էր զաւակ այրն և ոչ Փիւնիկեցւոց՝ որ զայս գործէր, այլ որ ազգակցութեամբն գրաւականէր անձին զառաքինութիւն Նղեքսանդրի և զՓիլիպպոսի, որք արծաթոյ թեակոխեալք գնել զսահմանս, քան թէ սահմանօք՝ զարծաթ, տիրացան առհասարակ. ուստի և 'ի դէպ ասացաւ. եթէ “Ո՛չ Փիլիպպոս նկուն արար զՀելլենաց քաղաքսն, այլ Փիլիպպոսի ոսիին”: Իսկ Նղեքսանդր արշաւեալ 'ի Հնդկս, իբրեւ Մակեդոնացիք բեռնաբարձք ամբաւ աւարացն Պարսից՝ յոգնեալք տանէին զբեռնն, ինքն առաջին զարքունի զադին հրակէզ առնէր. ապա և ըստ նմանէն և այլք գործեցին, թեթևընթացք անարդելք 'ի կռուին լինել: Բայց յայնժամ Պերսէոս զանձն միանգամայն և զորդիս և զարքայութիւնն առ-

հասարակ յոսկի համակերպ, վայր մի 'ի գրամոցն չծախեր 'ի փրկութիւն անձինն . և խնդրեաց մանաւանդ անկանել գերի 'ի միապին ընդ ամբաւ մթերքն, և զտաւ, ջեռաւ հռոմայեցւոցն բերել գնել՝ զոր խը, նայեալ պահեաց վասն նոցա : Քանզի ոչ զԳաղատացիան միայն 'ի գերեաւ եհան, այլ և զԳենթիոս ինքնին զխրիկեցին հրաւրուրեալ երեքհարիւր տաղանդոք միաւ մտել ընդ իւր 'ի մարտն, համարեալ ըզգրամն և 'ի ձեռս տուեալ հրեշտակաց նորա և կնքեալ. ապա 'ի վատահ լինել Գենթիոսի, նա անգուտահարիմաց խորհրդով թակարդեաց զայլն յեղեռն՝ սագրելով նմա ձերբակալ զհռոմայեցւոց գեապանն առնել որ եկին առ նա և բանաւ . և այն պէս յանկրաւութենէ անտի անդերծ չափեալ զայլն 'ի կռիւ այնուհետեւ ընդ նոսա՝ առանց պիտելոյ հրապուրիչ արծաթոյն, յինքն միւսանգամ դարձուցանէր զերեքհարիւր տաղանդոն և զրկէր զհիգացեալն Գենթիոս : Այլ և ոչ յետ այնորիկ փոյթինչ եղև Պերսէոսի վասն նորա, յորժամ յետ սակաւուց բարձաւ նա յորջայտութենէն՝ իբրեւ 'ի սեպհական բռնոյն՝ հան գերծ որդւովքն և տիկնաւն 'ի ձեռն լեւկիոսի Սիւկիոսի՝ որ չու արար խաղաց զորու 'ի վերայ նորա :

Արդ ընդգէմ ոորա յայնժամ խաղաց գնաց Եմիլիոս . թէպէտ և արհամարհէր ևս զնովաւ, զարմացեալ էր ընդ պատրաստութիւն հանգերձանացն և ընդ զօրու .

Թիւն նորա . քանզի և էին իսկ Պերտէոսի երիվարք չորք հազարք, և փաղանդ հետեալադորուն չորիւք բիւրուք չափ . և զակիշ գործեալ նստէր ընդ երկայնութիւն ծովափանցն առ լեւնոտամբ Ողիմպիոյ, յամուրս անխաղա շուրջանակի և 'ի վայրս ամբարածուկ 'ի պատնէշս և 'ի շերտափակս . և այնպէս յանգործու զտեղի առեալ՝ եգ 'ի մոտի եթէ 'ի Ժամանակէն գլխովին և 'ի մեծաց ծախուցն վատթարեալ ինքնին նըկուն եղիցի Եմիլիոս : Իսկ Եմիլիոս ոչինչ պարսպորդ 'ի խորհուրդս մտաց՝ յուզէր խնդրէր և զամենայն հնարս հնարէր . և տեսեալ զի զօրականք անգատին 'ի սկզբանէն արձակեցաւսանք՝ դժկամակեալ կային ընդ դեգերանան . և զի առհասարակ ինքնացեալք ճոխաբար խօսէին՝ զինչ գործել պարտ էր և ոչ գործեցաւ, կշտամբէր սառտէր Եմիլիոս և հրամայէր մի տագնապիլ մի վարանել, այլ այր այր իւրաքանչիւր կազմ ունել զանձն և զսպառազինութիւնն, և իբրեւ այր հռոմայեցի շարժել զսուրն 'ի Ժամուն՝ աղգեալ 'ի զօրավարէն : Ապա պատուէր տայր գիշերապահ զօրակտնին անգեղարդունք պահ ունել, զի արթունք զուարթունք առաւել՝ մի պարտեսցին 'ի քնոյ . իբրու որ անզէնք՝ ոչինչ ունիցին պաշտպանել անձանց յանկանել Թշնամւոյն 'ի վերայ : Բայց առ անջրդութեան վայրացն սաստիկ տանջեալ զօրականին, (քանզի ջուր սակաւ և չար բղխէր առ ծովեգերուն), դէտ ակն կալեալ Եմիլիոս յՈ-

գլխակցես 'ի վերայ 'նոցա՝ լեռան ահագին և անտառախիտ ծառովք, 'ի գալարապեղ մաքրեաց անտի խելամուտ լինելը ականց ջրոյն և սառերիկրեայ գնացելցն. ընդ զառ 'ի վայր լերինն խորս բազումն հասանելը և փոռս, և անգէն ականակիտ վռակք փուլ թապէս խփոջեալք յորդ. և առատ՝ լցին զփոռս, ընդ պատառուածան 'ի գուրս բերեալք սասակութեամբ՝ որ անգանօր պալանեալ ջուրքն:

Թէպէտե իցեն ոմանք՝ որ ասիցեն, չիք շտեմարանք աղբերաց ջուրց ամբարեալ 'ի ներքոյ յակուման՝ բղխեցուցանել զնոսա պատառելով զգետինն. այլ Թէ անգէն 'ի ժամուն 'ի փոսան հանգերձի կազմի ջուր առ 'ի լուծանելոյ խտացեալ նիւթոյն. և Թէ՝ 'ի ջուր անշուշտ փոխին գողորջք գիճինք հոծեալք 'ի ցառոյն, յորժամ 'ի խղիւղութիւն վայրս անգ աղբերեալք՝ լուծանին 'ի ջուր գնայուն: Քանզի զորօրինակ ստինքդ կանանց՝ ասեն՝ չեն աղբերք իրեղտիկս լցեալ նախահամբար կաթամբ, այլ գործեն կաթն և անգէն բղխեն՝ 'ի նոյն փոխելով զկերակուրն 'ի ստինան. ասպէս և վայրք ցրտինք գետնոյ և աղբերահոգ ջուրին ջուր ընդերիկրեայ, և ոչ ծոցս և գոգո 'ի գնացուցանել հոսանս և գետս մեծամեծս 'ի պատրաստեալ և յամբարեալ ականց. այլ ճնշեալ և հոծեալ զլուծն և զօգն՝ ապա լուծեալք փոխեն 'ի ջուր: Եւ վասն այնորիկ վայրք պեղեալք հեշտին ցալտեցուցանեն ջուր՝ 'ի հարուլ

նոցա և 'ի բոլորէն (լոտ որում և ստինքդ կանանց գլխովն 'ի գիւն), յորմէ և շոգիքն քնքշեալք շրջին և փոխին 'ի հոսանում : Իսկ վայրք գետնոյ անգործքն և անմատոյցքն՝ ամուլք են 'ի ծնունդ ջրոյ, չունելով շարժումն ներգործական առ 'ի հոսանումն : Այլ որ զայսոսիկ ասեն, պատճառս տան նոքա և Նազակարծ ազանդոյն 4, փաստս յուզել ցուցանել՝ եթէ և ոչ 'ի կենդանիս գուցէ անշուշտ տրին, այլ թէ անդէն 'ի խոցել և 'ի հարկանել մարմնոյն ծնանիցի՝ 'ի փոփոխմանէ ինչ ոգւոցն կամ մարմնոյն, յորմէ և հոսանումով այդ կազմեսցի արագ արագ վիճեալ յայնժամ արտաքս : Այլ սակայն զգոտա ասի 'ի բերան արդեօք արտացեն մարդիկն՝ որք 'ի բովն և 'ի խորափոսս մեծազոյ պատահեն հոսանաց գետոց, որ ոչն արդեօք տակաւ տակաւ եկեալ ժողովն (լոտ որում 'ի գէպ էր՝ եթէ անդէն 'ի պեղել հողոյն երևեսցին գոքա), այլ խոխոջեալք յորդեն 'ի գուրս միահամուռ : Դէպ եղև՝ զի և 'ի ճայթել պատառել լերանց և վիմաց, յորդեաց ջուր առատ, և տալս ցամաքեցաւ : Սակայն վասն այսոցիկ այսչափ հերիքասցի :

Արդ անգանձոր Եմիլիոս այնպէս եկաց միաց յանդորդու աւարս ինչ. և ասեն՝ թէ երբէք ուրեք ոչ տեսաւ՝ եթէ կրկին բանակք այնպէս ահագինք և մեծամեծք՝ 'ի հանգիստոյ այնչափ մերձ ճակատեալք միմեանց՝ յայնչափ յանդորդու երբէք կա-

ցեալք իցեն։ Իսկ իբրեւ յուզեալ և խնդրեալ զամենայն, լուր էառ Եմիլիոս՝ եթէ տեղի մի անպահապան լքեալ կայ 'ի Թշնամեացն, և անդուտ մարթի անկանել 'ի վերայ բանակին՝ անցեալ ընդ մէջ Պերբերեայ մետ 'ի Պիւթիոն և 'ի Վէմն, քաջալերեցաւ յանպահապանութենէ տեղոյն՝ քան թէ զանգիտեաց ինչ յառապարից և 'ի գժուարիցն՝ ոչ աղագաւ անխնամ Թուզեալ էր վայրն։ 'ի խորհուրդ ապա եմուտ վասն բանին այնորիկ։ Անդ 'ի խորհրդեան նոցա՝ առաջին նահատակեցաւ Նասիկաս մականուանեալն Սկիպիոն՝ փեսայ Ագրիկանոսի Սկիպիոնի, որ և ապա աւագ այդ 'ի Սինդղիստոսն։ Աս յառաջագէմ ընծայեցաւ առաջնորդ զօրավար 'ի նոյն չքանն հասանել անկանել 'ի վերայ Թշնամեայն։ յետ նորա նահատակեցաւ գիմադրաւ և փարիոս Մաքսիմոս երէց որդի Եմիլիոսի, թէպէտ և տակաւն պատանի։ Իսկ Եմիլիոս յայնժամ յանձն իւր զուարնացեալ՝ ապա նոցա 'ի ձեռս 'ի զօրականէն, ոչ որչափ ինչ պատմէ Պոլիւքիոս, այլ որչափ ինքնին Նասիկաս ասէ առեալ ընդ իւր՝ գրեալ վասն շահատակութեանս այսորիկ նամակ առ մի ոք 'ի Թագաւորաց Ծ։ Երեք հազարք Թուով արտաքոյ կարգին՝ էին յիտալացի զօրականէն, և հինգ հազարք դարձեալ 'ի ձախոյ Թեփն։ Ընդ սոսա առեալ Նասիկաս և երիվարս հարիւր և քսան, և երկերիւր ևս որեար որ յԱրպաղոսէն՝ խառն 'ի Թրակացւոց և 'ի Նրեաաց

ւոյ, խաղաց գնաց 'ի ծովակողմն կոյն . բանակ հարեալ նստեր մօտ յԵրակլիոն, իբրու անդուստ շուրջանակի նաւել և պաշարումն 'ի վերայ բանակի թշնամւոյն ածել : Իսկ իբրեւ ընթերաց զօրականն և մուլթն 'ի վերայ հասանէր, 'ի վեր եհան նա զօրապետացն զխորհուրդն . և գիշերի առեալ զզոյն՝ դիմեալ գնայր ընդ հակառակս ճանապարհի ծովուն, և եկեալ հասեալ 'ի ներքոյ Պիլթիոնին, անդ յանձանձեալ հանգիստ տայր զօրականին : 'Ի նոյն վայր ամբարձաձիգ կանգնի Ողիւմպոս 'ի վեր՝ ասպարիսաց առաւել քան զտասն . զոր յայտ առնէ մեզ Վերոառութիւն առն՝ որ չափեացն զնա, այսպէս . “ Ողիւմպեայ գաղաթանն՝ անդուստ 'ի Պիլթեանն Ապողոնի տաճարէն՝ բարձրութիւնն ըստ կարակնածիր չափուն, տասն ասպարիսաց է, և լծավար մի՝ չորս ոտնաչափիւ նուազեալ : Եւմիլեայ որդի Քսենազորէս եւս զչափն ուզւոյն : Իսկ գու ով Արքայ սղջ լեր, և բարօրութիւնս տուր “ : Թէպէտ և երկրաչափք ասեն, չիք բարձրութիւն լերին և ոչ խորութիւն ծովու առաւել քան զտասն ասպարիսաց . այլ թուի թէ ոչինչ հարեանցի զնոյն չափ չափեալ իցէ այս Քսենազորէս, արուեստ և գործիս 'ի վարարկեալ 'ի պէտս գործոյն :

Արդ հասիկաս անդանօր գտեղի առեալ նստաւ զգիշերն ողջոյն . իսկ 'ի զօրաց անտի նորա Արեւոացի ոմն ինքնին գաղտագնաց ելեալ յուզւոյն և անցեալ առ Պեր-

սէտս , որ ոչինչ իրազգած ընալ էր բա-
նին՝ տեսեալ 'ի հանգիստյ իւր բանակեալ
զԵմբիւրոս , պատմէր նմա վասն շքանապը-
տոյտ ուզոյն՝ զոր հասին Հռոմայեցիք :
Ջահի հարաւ Պերսէոս . սակայն զտեղի
կալեալ՝ տայր 'ի ձեռս Միզոնի բիւր մի
յեկաց զօրականէն և երկու հազար ևս 'ի
Մակեդոնացւոց , հրաման տուեալ խա-
զալ ճեպով հասանել ունել զքարձռանն :
Արդ Պոպուլիոս պատմէ , եթէ 'ի քուն լի-
նել նոցա անկան 'ի վերայ Հռոմայեցիք .
այլ 'հասիկաս գրէ՝ սաստիկ գոռի պատա-
հել զքարձռամբն , և ինքնին 'հասիկաս 'ի
վէգ եկեալ ընդ վարձկանի ումմն Թրա-
կացւոյ՝ Թափ ընդ լանջան անցուցեալ ըզ-
տէգն՝ տապաստ յերկիր արկանել զայրն ,
և 'ի բուռն յարձակմանէն խառնապել
Թշնամեացն և տեղի տալ . և Միզոնի ինք-
նին անարգաբար վախուստ խնդրել անդէն
միով բաճկոնիւ . և ինքն զհետ մտեալ վա-
նեալ՝ ողջամբ զգոր իւր առեալ իջուցանէ
'ի գիւրն միանգամայն :

Բայց Պերսէոս յայն տագնապ զահի
մեծի հարեալ , և գրեալ Թէ յուսակաւոր՝
անգէն ժողովեալ զբանակն տեղի տայր 'ի
վայրացն . սակայն և վարանեցաւ 'ի կրկին
տարակոյս՝ արդեօք զտեղի առեալ յան-
գիման Պիւգնայ 'ի գիմի՝ հարկանել Թըշ-
նամւոյն , եթէ ընդ քաղաքս քաղաքս բաշ-
խեալ զգորն՝ զմարտ պատերազմին 'ի ներքս
առնուլ բերել . բայց և միանգամ յաշ-
խարհն զկռիւն ածեալ բերեալ հնար չէր

այնուհետեւ առանց ամբաւ կոտորածի 'ի բաց զնոյն տանել: Այդա անգանոր բարեկամքն մերձ կացեալ խրախոյս տալին նմա, զի բազմագոյն են նորա զօրք, և նորա զօրականք քաջալերութեամբ լին են և վառեալք կազմ՝ մարա գնել կռուել 'ի վերայ որդւոց և կանանց. ուրանօր և զիւրեանց արքայն հանգիստեալ ունին նահատակութեանն, և կարապետ և գիմադրաւ նահատակ: Յայսպիսեաց աստի Պերսէոսի խրախոյս տալին բարեկամք. և նա բանակ հարեալ և 'ի կռիւ պատրաստեալ, գէտակն կալեալ զննէր զվայրն, կարգէր բաշխէր զգնդապետան, և երկայնէր ձգէր զճակատն, արագ արագ անգէն խաղալ անկանել 'ի վերայ Հռոմայեցւոցն: Էր անդ հովիտ յարմարաւոր 'ի գէպ վասն փազանդին, զի և էր խակ գաշտաւալորն գիւր և գետինն հարթհաւասար. գարձեալ և յայտկոյս յայնկոյս 'ի վայրին գօտիք բլրոց՝ ապաւէնք թեթեւզէն զօրակաւ նին, անգուտ ասպատակ հանել սփռել շուրջանակի: Իսկ 'ի միջոցին գնալին կրկին գետք՝ Էստմն և Լեւկոս, թէպէտ և սակաւաջուրք յայնժամ (զի վերջ էր ամառայնոյն), սակայն և ոչինչ այնպէս գիւրանցանելի Հռոմայեցւոց:

Այլ Եմիլիոս, իբրեւ եկն եհաս առ նա հապիկաս, իջեալ 'ի ճակատ զօրուն՝ կամեր անգէն մկել մարտ ընդ թշնամիան. իբրեւ ետես զի այնպէս կարգեալ ճակատեալ կայր ամբաւ բազմութիւն նոցա,

յապուշ հալերալ՝ զտեղի կալաւ . այնպէս
կայր և խորհէր 'ի միտս իւր : Իսկ յայնժամ
'ի զօրտպետացն երկտասարդք խրախու-
սեալք վառեալք միջամուխ 'ի մարտն լի-
նել՝ եկեալ ազալէին զնա մի ևս դանդա-
ղել . առաւել ևս հասկեալ մեծապէս քա-
ջալերեալ 'ի գեղեցիկ մրցանան , զոր տա-
րաւ յՈղբմապոս : Յայնժամ Եմիլիոս ժրդ-
սեալ ասէր . “ Գաջ է , եթէ և իմ՝ քո
հասակն էր . այլ զիս բազում յաղթու-
թիւնք խելամուտ արարին յանցանաց պար-
տեցելոցն . և չտան ինձ [Թոյ]՝ այնպէս իբրեւ
յուզւոյ անգէն 'ի կռիւ կաքաւել ընդ
գիւղանդի , որ այնպէս վառեալ և գեղե-
ցիկ ճակատեալ կայ “ :

Ապա պատուէր հրամանի տալի զօրտ-
կանին իւրոյ , զի որ միանգամ 'ի հանդիպոյ
երեւցան [Թշնամեաց՝ բաշխեալք 'ի գունդս
գունդս՝ կարգեացին կացցեն իբրեւ 'ի ճակա-
տամարտ . իսկ որք 'ի [Թեան իցեն՝ գարձցին
եկեացեն զակիշ գործել և ամբուր բանակին
ածել . և ապա զմի մի 'ի նոցանէն և տակաւ
տակաւ 'ի բաց առեալ՝ ակսեալ 'ի յետ-
նոցն , այնպէս զանխուլ 'ի [Թշնամեացն՝
ելլոյծ առհասարակ զճակատամարտն . և
անշշտանջ առեալ զիւրան զամենայն մու-
ծանէր 'ի զակիշն : Իբրեւ գիշեր 'ի վերայ
հասանէր , և հաց առին զօրականք և դար-
ձան առհասարակ 'ի հանգիստ քնոյ , յայն-
ժամ նսեմանայր լեապատար լուսինն 'ի
բարձու՝ տակաւ նուաղեալ 'ի լուսոյն և 'ի
գոյնս գոյնս հաստանէր , մինչև իսպառ իսա-

ւարեցաւ : 'ի նոյն տեսիլ Հռոմայեցիք՝ ըստ հայրենի սովորութեանն ոկսան ձայն բարձեալ՝ զլոյսն անդրէն 'ի լուսին անդր հրաւիրել՝ շաջան շառաքան արձակելով զպղնծեաց, և 'ի վեր յերկինս ձգէին բազում զամբարս բորբոքեալս և ջահս :

Իսկ Մակեդոնացիք ոչինչ յայսպիսեաց, այլ նոցա առհասարակ բանակ լինէր արհաւրօք, հծծէին շշնշէին՝ եթէ արքային խաւարելոյ նշանակ իցէ հրէշք : Այլ եմիւրիոս ոչինչ անլուր և անտեղեակ անհաւասարութե խաւարածրին, եթէ 'ի նմա պարագայեալ լուսինն և հասեալ 'ի ստուեր երկրին մերոյ՝ ծածկի, և անցեալ ընդ նոյնն՝ միւսանգամ պայծառացի յարեգակնէ. համայն և այնպէս՝ քանզի շատ ինչ ընծայէր նա աստուածակողմանն և զոհասէր յոյժ էր և գուշակ, անդէն 'ի պայծառանալ լուսինն՝ որԹս մեռատան առեալ յազէր նմա. և ընդ այդանալ աւուրն՝ յազէր և հերակլեայ եզինս քառնիւք չափ, և չերևէր ինչ նշան. յազեալ զքսաներորդ առաջներորդն գիտէր նշան, եթէ նոքա յաղթեսցեն՝ որք ոչինչ գիմագրաւք՝ միայն պաշտպանեսցեն անձանց : Ապա ուխտս եզեալ գիցն այնմիկ յազել հարիւրիզեան, և նուիրական ևս կարգել մրցանս նմա, հրաման տայր զօրագլխացն հանդերձել զզօրն 'ի կարգ պատերազմի. և ինքն սպասեալ բոլորելոյ արևուն և հոլովելոյ 'ի մուտս կոյս, զին 'ի կռուին 'ի հանդիպոյ մի ինչ նեղեսցին նոքա 'ի գիմահար

արեգակնէն , այնպէս ժամաժամառ լինէր բազմեալ 'ի վշանին յանդիման գաշտին և բանակի թշնամեացն :

Իբրեւ օրն տարածամէր , կէտք տանն՝ հնար խնաց խորհրդով Եմիլեայ գրգռել մարտին . երիվար մի անասնձ արձակեալ 'ի թշնամի անգր , որում՝ զհետ մտեալ Հռոմայեցիք , և անդուստ գրգռեցաւ գոռն : Իսկ կէտք՝ եթէ գունդ մի Թրակացւոց և զօրագլուխ նոցա Աղեքսանդրոս անուն , 'ի գիմի հարեալ գրատուցն Հռոմայեցւոց համբարածուաց , որոց 'ի Թիկունս հտտեալ եօթն հարիւր Լիգիւացւոց , գարձեալ և այլոց բազմաց յերկուց կողմանց , այնպէս միջամուխ խառնեցան երկոքին կողմանքն յայնժամ :

Այլ Եմիլիոս արգարե իբրեւ խնատուան զեկաժար՝ յառաջին անախ կոհակացն և ծփանաց խելամուտ եղեալ ահագին մղորկին՝ որ յառաջոյ , եւ արտաքս 'ի վշանէն . և ընդ կարգս կարգս զօրականին շուրջ եկեալ խրախոյս կարգայր . և հասիկաս ինքնին մարտի 'ի կուշտ երիվարին՝ յառաջեալ մինչև 'ի վայցն ուր խառնեցաւ մարտն , գէտակն կալեալ տեսանէր՝ զի առհասարակ թշնամիք խուռն և համուռ հանգերձեցան 'ի գոռն : Յառաջ նահատակեալ խաղային դային Թրակացիք , որոց տեսին միայն՝ որպէս տանն՝ ահարկանէր . զի և էին իսկ նոքա արք մի թխարիք անարիք՝ բարձեալք ատապարտ սպիտակս և փայլունս , պատենաղէնք 'ի սունապանս , արկեալք

զանձամբ տառապանք սեռաւ, գնային շար-
 ժէին՝ և տէգք և աշակք ուղիղք երկաթա-
 դամբ ծանրեալք յաջոյ ուս նոցա: Զհետ
 Թրակացւոց ելանէին զօրականք վարձկանք՝
 վառեալք ՚ի զէն ՚ի զարդ գունակ գունակ,
 միահամուռ ընդ տոտա խողային և Պէոնա-
 ցիք: Ապա գիմեալ գայր գունդ մեծ եր-
 րորդ ընտիր ընտիր նահատակացն Մակե-
 գոնացւոց, երիտասարդք առդդանձինք,
 յաղծք և կորովիք, արձակեալք ճաճանչ
 յոսկեպտոս զինուցն և ՚ի նորագործ ծիրա-
 նեացն: Ապա զհետ կարգեալ ճակատուն
 առցա՝ ՚ի զակշէն ՚ի գուրա ելեալ գայր փա-
 զանդ զօրականին պղնձասպարք. և փայ-
 լատակունք առհասարակ հաստան ՚ի գաշ-
 տին ՚ի փայլուն երկաթի պատենիցն և ՚ի
 շողալ պղնձեացն. անդուստ և բլուրք շուր-
 ջանակի կրկնեալք ձայն տային ՚ի մեծ ա-
 զաղակ խուժանին ՚ի խրախոյս քաջաւեր
 ձայնիցն. բայց և յանդգնաբար յարձակել
 նոցա ՚ի Հռոմայեցիան՝ մեծապէս էր, զի և
 առաջին նահատակքն տապաւոտ անկան
 անդանօր երկու ասպարիսք հեռի ՚ի զակ-
 շէն Հռոմայեցւոց:

Իբրև այսպէս յանդուգն յարձակմամբ
 մխեցան նոքա, անդուստ Եմիլիոս արձա-
 նացեալ՝ տեսանէր զի ՚ի Մակեդոնացւոց
 անտի նահատակք զտէգս գեղարդանց հա-
 րջատեալ յասպարա Հռոմայեցւոց, և նոքա
 ոչինչ ժամանէին վանել հարկանել զնոսա:
 Եւ զայն ևս յակն արկանէր, զի և զա-
 պարան յուսոց անտի իւրեանց ՚ի վայր ա-

ուրալ այլոց Մակեդոնացւոյն, և առհասարակ նիզակս և գեղարգունս միարան 'ի խոնարհ կալեալ և վահանաւորացն Հռոմայեցւոց Եգէմ՝ ձգեալ, այնպէս խիտ առ խիտ ասպար ընդ ասպար տեսիլ ահեղ 'ի ներքս բերելին և գոթիւրմբերելի տիգաց պատուար. զահի մեծի հարկանէր Եմիլիոս՝ իբրու որ ահաբեկ առաւել չէր նորա երբեք տեսեալ յայնպիսեաց անտի. զի և յետ ժամանակաց ստեպ յուշածէր նա զկիրան զայն և զտեսութիւնն: Սակայն և 'ի ժամոման անվեհեր և զուարթ զինքն ցուցեալ, գնացր արշաւէր երիվարամն ընդ երկայնութիւն ճակատուն՝ այնպէս անսաղաւարտ և անզրահ:

Իսկ անգուտտ արքայն Մակեդոնացւոյ՝ որպէս ասէ Պողևբիոս՝ յափշտութիւն պարտեալ 'ի խառնել պատերազմին, մարտկեալ զերիվարն 'ի քաղաքն կոյս՝ պատճառէր գնալ զոհ յաղել հերակլեայ գիցն, այն որ երբեք չընդունի զոհս անարիս զանարեացն, և երբեք չսէ անիրաւ հայցաւածոց. զի և արգար չէ արդեօք, եթէ որ փքին չարձակէ՝ հարցէ 'ի նպատակն, կամ թէ յաղթեացէ՝ որ 'ի գիմի չհարկանիցի. կամ թէ յաջողեացին իրք առն՝ որ ոչն գործիցէ, կամ թէ երջանկասցի այր՝ որ աստիճառն իցէ: Բայց առ Եմիլիոսին մաղթանան հնշաւարտ էր աստուածն. քանզի 'ի բռնի զգեղարգն առեալ՝ այնպէս պաղատէր պարտել զԹշնամիան, և 'ի կռուել իւրում՝ նիզակակից կարգայր զաստուածն: Այլ Պո-

սիգոյնիոս ոմն՝ որ զայնու ժամանակդն ասէ կացեալ ինքն և յայն նահատակու թիւնան միջամուխ լեալ, և գրեաց ևս սա ոճով 'ի բաղում գիրս զՊերսէոսի պատմութիւնն, պատմէ՝ եթէ խուսեաց ոչ 'ի մարտէն Պերսէոս, ոչ առ վատասարտութեանն և ոչ զոհից ինչ աղագաւ. նա և յառաջնում աւուր պատերազմին կիցս առեալ նա յերիվարէն 'ի սրունան, և 'ի մարտին թէպէտ և չարաչար խոշտանդեալ և 'ի բարեկամացն ևս արգելեալ, նա հրաման տայր երիվար հասարակաց ածել, և աշտանակեալ յայսկոյս յայնկոյս խառնեցան պատեան անզրահ 'ի մէջ փաղանդին. յորում և նետից տարափ արձակեալ 'ի նա, և սլաք մի ողջ երկաթադամ հասեալ 'ի նա՝ ոչ խոցեաց սայրն, այլ առ 'ի շեղ քերեալ ընդ ահեկակողն՝ հերձոյր 'ի թուփոյն զբաճկոնն, և թողոյր 'ի մարմնին գուռ նալքեայ արած կապուտակ. և զսպին պահեաց նա բաղում ժամանակ : Արդ այսու քիւք Պոսիդոնիոս 'ի ջատագով մտանէ Պերսէոսի աղբային :

Բայց հռոմայեցիք յայնժամ ճիգն զամենայն թափեալ և ոչինչ բաւեալ խորտակել զփաղանդն 'ի կռուել իւրեանց, անգուտ Սաղիոս զօրապետ Պաղինացւոց յափշտակեալ զգրօշակ զօրականին իւրոյ՝ առեալ ձգեր 'ի մէջ թշնամեացն : Զայն իբրեւ տեսին Պաղինացիք, (և քանզի ոչ վայել և ոչ արդոյ է խաղացւոց լքանել թուղու զգրօշակն), առհասարակ թափ տը-

ուեալ խոյացան նոքա 'ի վայր անդր . և այնպէս երկուքին կողմանքն վարազաբար խառնեալք՝ ահագին գոռ ալր 'ի վերայ ընկերին հասուցանելը . այն ինչ հռոմայեցւոց գուն գործեալ հարուլ սուսերօք զնիզակս զերկայնս զՄակեդոնացւոց և 'ի բաց առաքարօքն ընկրկել, և բուռն ևս արկեալ 'ի նոսա՝ մուտ միջամուխ 'ի փաղանգն գործել . իսկ և անգուստ Մակեդոնացւոցն երկուքսմէք ձեռօք պնդապէս զնիզականկալեալ՝ շեշա Թափ 'ի զբահան անցուցեալ նոցա, իբրեւ ոչ առաքար և վահան և ոչ զբահ և պատեան ուժէին ինչ ընդգէմ բռնուԹեան նիզակացն , այնպէս առաքաատ Թաւալչլոր անկանէին Պաղինացիք և հռակինացիք , որ գիմագրաւ իբրեւ գաղանք մուրդէնք վարեցան ընդգէմ հարուածոյն և անխուսափելի օրհասին : Անգանոր գիտաւ պատա նահատակքն անկեալ , զինի եկեալքն բեկան լուծան . սակայն և ոչինչ Թիկնադարձողք՝ միայն վերջոտնեալք խաղալին գնային 'ի լեռան կոյս՝ զոր անուա նեալ կարգան Ողոկոտ :

Իսկ անգուստ Եմիլիոս գէտակն կալեալ՝ որպէս Պոսիդոնիոս ասէ՝ ձեռն արկեալ զպատմութեանն պատառէր, զի տեղի ետուն նոքա , և այլք գարձեալ խորշէին զարհուրեալք 'ի փաղանգէն Մակեդոնացւոցն . այնպէս անմատոյց նա յամենայնէն ընդգէմ արձանացեալ ամոլենից՝ իբրեւ պատ նեշ շերտափակ խիտ առ խիտ բաղճախուռն նիզակօքն՝ անվանելի կայր մնալր : Իսկ իբ-

րե անհարթացաւ գետինն, և ճակատ բա-
նակին ձգեցաւ երկայնեցաւ, զի և կարէին
իսկ ոչ այնուհետեւ մօտ առ մօտ զատպար
ընդ ասպար ունել, տեսանէր Եմիլիոս զի
բազում խրամապք և անջրպետք գործե-
ցան 'ի փաղանդին Մակեդոնացւոց (որ-
պէս և 'ի գէպ իսկ պատահեացէ 'ի գունդս
ստուարս և 'ի բազմադէմ թափս մարտու-
ցելոցն), զի կէս մի նահանջեալ վերջոս-
ներ, և կէս մի յառաջոյ խաղալոյ . հասլա
Եմիլիոս փութապէս բաժանեալ զցունդ-
արն՝ հրաման տայր խրախոյս կարգալոյ գնդի
գնդի գիմել միւր 'ի խրամատս անդր և
յանջրպետսն փաղանդին, ոչ մի գույթ 'ի
վերայ միահամուռ տուեալ, այլ մարտս
բազումս և միահետ 'ի կողմանց կողմանց :

Զպատուէր զայս տուեալ Եմիլիոս զ-
բազմիսացն և նոքա զօրականին, անգէն
փութապէս սարգեալք մօրն նոքա 'ի մէջ
զինուց թշնամեացն, ձեռն 'ի գործ սկսան
հարկանել խոցել զիէսա 'ի մերկապատեան
կողմն, և զիէսս գարձեալ 'ի թիկանց 'ի
շրջանին իւրեանց, որպէս զի և 'ի միս-
թենէն քակտեալ բաժանեցաւ փաղանդն,
և անկաւ բեկաւ 'ի մեծամուր պատրաս-
տութենէն : Այնպէս ասլա տըր ընդ ասն
'ի կռիւ մատուցեալ և նուազունք ընդ
նուազունս, անգանօր Մակեդոնացիք գաշ-
նակօք խոցեալ զատպարս Հռոմէյեցոց
անձնապահս և հաստահարուստս, և թե-
թե իւրեանց վահանքն ոչինչ բաւեալք
զգէմ ունել նոցուն վաղակաւորաց, որ

ծանր և Թափով իջեալք, զամենայն զէն
 փանդամայն վատթարեալ՝ Թափ անցա-
 նէին ընդ մարմինս, 'ի վերջէ ուրեմն ան-
 կան խորտակեցան Մակեդոնացիք: Եւ ար-
 գեօք մեծապէս էր յայնժամ նահատա-
 կութիւն Հռոմայեցւոցն, ուր և Մարկոս
 որդի Կատոմբի և փեսայ Եմիլեայ քաջա-
 պէտ արութեամբ կռուեալ 'ի ռազմին՝
 անդ կորուսանէր զուսերն. և քանզի պա-
 տանին քաջամոյն և քաջմահրահանգ պարտ-
 անձին հրամարէր՝ ցոյցս զմեծի նահատա-
 կութեանն 'ի ներքս բերել մեծի հօրն, ըզ-
 մտաւ ամէր՝ անկեղեցան այնուհետեւ վա-
 բել կեանս՝ եթէ կենդանեաւ իւրով եր-
 բէք Թողջէ ինչ 'ի զինուոյ իւրոց 'ի Թշնա-
 մեացն ձեռս. հասպա շուրջանակի յածէր
 ընթանալը ընդ գաշտ պատերազմին, և ում
 ումէք պատահէր 'ի բարեկամացն և յրն-
 տանեկաց՝ պատմէր զեղեալն, և ազաչէր
 ձեռն տալ 'ի ժամուն:

Չայտօրինակ նա զհետ իւր գունդ մեծ
 ժողովեալ զքաջաց զօրականին, և յան-
 գուգն յարձակեալք՝ ինքն յառաջոյ՝ խա-
 զացին 'ի վերայ Թշնամեացն. և ահագին
 մարտիւ յետս զնոսա ընկրկեալ և մահուան
 գործեալ և հարուածս, հասեալ կալան
 զամացի և զԹափուր վայրան, և յուզէին
 խնդրէին զոտրն. իբրեւ ապա ուրեմն բա-
 զում աշխատութեամբ գտանէին 'ի բազ-
 մակոյտ զինուոցն և գիականցն, յոյժ ցնծա-
 ցեալք և գոհացեալք առհասարակ՝ հզո-
 րագոյն ևս յարձակեցան 'ի Թշնամիոն՝ որ

տանկաւին զտեղի կարեալ կռուէին . և անդ
երեքհազարեան ընտիր ընտիր նահատա-
կացն Մակեդոնացւոց արձանացեալ ցանդ
'ի կարգին իւրեանց և կռուեալք այնպէս ,
տապաստ անկանէին : Իսկ փախստելիցն ամ-
բաւ կոտորած առհասարակ զգաշտն և ըզ-
գառ 'ի վայրն ընդդ դիակամք . զի և յա-
ւուրն երկրորդի անցեալ Հռոմայեցիք ըզ-
գետն լեւկոս , յարխն և յապաժոյժ խառ-
նեալ տեսին զվտական . քանզի և տան՝ ա-
ւելի քան զերկուց բիւրուց և զհինգ հա-
զարաց գիտապատտ անկանել 'ի Մակեդո-
նացւոց յայնժամ . իսկ 'ի Հռոմայեցւոցն՝
որպէս Պոսիդոնիոս ասէ՝ հարիւրով չափ ,
կամ թէ ութսնիւ՝ որպէս Նասիկաս ասէ 6 :
Բայց յաղթութիւնն անդէն արագ արագ
աահմանեցաւ 'ի մեծի պատերազմին . քան
զի յիններորդի ժամուն սկիզբն եղեալ քար-
տին , յառաջ քան զտաններորդն յաղթա-
կան ելանէին Հռոմայեցիք . իսկ զմնացեալ
ժաման զհետ փախստելիցն մտեալ , և աս-
պարեզս հարիւր և քսան վանեալ , դառ-
նային յետս՝ մինչդեռ շատ ինչ երեկոյա-
ցեալ էր օրն . և ծառայք լապտերօք լու-
ցելովք գնային ընդառաջել յամեցելոցն ,
և տծեալ բերէին 'ի ձայն ցնծութեան բա-
րեկենդանութեան՝ 'ի վրանս լուսաւորս
ջահիւք վառելովք , և բոլորիւք պսակաց
զարդարեալս 'ի բաղեղն և 'ի սարդենի :

Այլ զօրավարն ինքնին 'ի Թաղծութիւն
մեծ պաշարեալ նստեր , քանզի յերկուց
անտի որդւոցն՝ որ զինուորեալ կային ընդ

ձեռամբ նորա՝ կրտսերն չէ ևս երեւցաւ 'ի
 փրի, զոր և մանաւանդ պիտէր. զի և բոյս
 բարուց պատանւոյն 'ի վեր քան զեղբարցն
 մեծապէս բարգաւաճ էր յառաքինութե :
 Պիտէր և զարիութիւն ողւոյն նորա և ըզ-
 դեղեցիկ պատուաւորութիւնն՝ թէպէտ և
 այն ինչ յարգունս հասեալ. եզ 'ի մօտ
 հաստատութեամբ՝ եթէ անփորձ փջա-
 մուի 'ի կռիւն՝ կորեալ պատանին : Իբրեւ
 այսպէս 'ի վարանս և յանձկութեան մա-
 չէր Եմիլիոս, և առհասարակ ընդ բանակն
 զհամբաւի հարաւ բանն, մինչքեռ անդ զը-
 բականք ընթրիս առնուին, փութապէս
 յարուցեալք միաբան՝ և ջահիւք և զամ-
 բարձր այսր անգր ընթանային . բազումք և
 'ի վրանն հասեալք Եմիլիոսի, և շատք ևս
 աղտալոյ պատանէն յուզել խնդրել զպա-
 տանին 'ի մեջ գիականց առաջին նահատա-
 կացն : Անդ առհասարակ բանակն լուռ և
 անշունջ 'ի թաղծութիւն հասեալ, և դաշ-
 տագեականն ողջոյն հնչէր յազազակէն՝ որ
 ձայն մեծաձայն բարձեալ յայս կոյս յայն
 կոյս յանուանէ կարգային զՍկիպիոնն . որ
 պէս զի և սքանչացեալ իսկ էր նա առ
 ամենեւին, և անդաւին յառաջին տիոցն
 յայանի էր տեսանելեացն գեղեցիկ բոյս
 բարուց նորա, իբրու առաւել քան զորս առ
 իւրովքն ժամանակօք՝ պատշաճեալ յա-
 ռաջնորդութիւն զօրու և քաղաքի : Ապա
 յոյժ անապան՝ յորժամ ամենայն յոյս
 տնկալութեան բարձեալ էր, դարձաւ եկն
 նա երկուք և երկուք ընկերօքն 'ի հերոս-

մուտ լինելոյն՝ Թաթաւալ յարիւն ջերա-
ջերս՝ Թշնամեացն, արդարեւ իբրեւ բարակ
քաջընտիր՝ ի գեղեցիկ մուռ-Թենէն ան-
սանձել ի վեր վազեալ ի յաղթու-Թեն :
Սա այս է Սկիպիոն՝ որ յետ ժամանակաց
հիմն ի վեր քանգեաց զկարգեդոն և զԼու-
մանտիա, և քաջու-Թեամբ զօրու-Թեամբ
մեծապէս գերազանցեաց զամենեքումբ՝
որ զայնու ժամանակդ հռոմայեցիք : Արդ
Եմիլեայ զգեղեցիկ նահատակու-Թեանն
զայնորիկ զեանդ նախանձուն՝ այլում ժա-
մանակի Թողեալ բախան, լիապատար յայն
ժամ զհեշտու-Թիւն զյաղթու-Թեանն ըն-
ծայեաց նմա :

Իսկ Պերսէոս փափոտեայ ի Պիւզնայե
գնայր ի Պելլա, ողջ ի մարտէն մնացեալ
նմա գողցես այրումին տահասարակ : Բայց
նորա հետեակազօրք ժամանեալ հասեալ,
սկսան յիշոցս և լուտանս արձակել ի հե-
ծելազօրն . կնամարդիս և մատնիչս կար-
գային, և ի վայր ևս յերկվարաց քաղեալ
զնոսա, գանս և հարուածս գնէին նոցա :
Ոչր ազագաւ երկուցեալ Պերսէոս ի շիտ-
Թից անտի, արտաքս քան զարահետն տա-
րեալ զերկվարն և զծիրանին յանձնէն հա-
նեալ՝ զի անծանօթ կազցէ՝ յառաջոյ գնէր,
և զԹագն ի ձեռին բարձեալ բերէր . տա-
պա և յերկիր իջեալ և երասանակալ ձիոյն
եղեալ՝ այնպէս գնայր, զի հեշտին ևս խօ-
սակից ընդ ընկերացն լինիցի . յորոց և մի
ոմն անգանոր կեղծաւորեալ զլուծանել
կօշկին և գեղերեալ ի պնդել միւսանգամ :

և միւս ոմն պատրուակ անեալ տալ ջուր երկվարին իւրոյ, իսկ և միւսն՝ պէտս ունել ջրոյ յարդումն, այնպէս տակաւ նոքա գանգաղեալ վերջոտնեալ լքանէին զնա . ոչ 'ի Թշնամեաց ինչ զանգիտեալք՝ քան Թէ 'ի գառնութենէ առն . այն՝ որ ծփեալ յարկածից չարեացն՝ որ պաշարեցին զնա, քերեալ յանձնէն՝ զայլովք խնդրէր արկանել զմնաս հարուածոյն : Իբրեւ մտեալ 'ի Պեղա գիշերի, ինքնին նա գաշնակաւ խոցեալ սպան զԵւդոս և զԵգէոս զգան ձապետան, պտմեալ՝ զի ընդառաջեալք յանգիմանէին զնա վառն արկածիցն և տարապայման ազատութեամբ խրատ տալին նմա, ապա այնուհետեւ և ոչ մի որ մնաց առ նմա՝ բայց Եւանդրոս Արեւտացի և Արքեգամոս Ետողացի և Բիոփոացին Նէոֆի . իսկ 'ի զորականէն Արեւտացիք միայն զհետ չոքան նորա, ոչ 'ի մտերմութեան տակս, այլ զի անկառաջք տարիաւորք էին ընչաւէ տութեան առն, իբրու առ խորիսիս՝ մեղուք . քանզի զհետ իւր աղխաղխեալ տանէր Պերսէոս գանձ մեծ, յորմէ և հանեալ զնէր յանգիման 'ի կապուտ Արեւտացոցն բաժակս և ստոմանս և կարասիս զոսկւոյ և զարծաթոյ՝ իբրեւ տաղանդաց յիսնից :

Իբրեւ եկն եհատ նա յԱմփիպոլիս և անց յԱլէպոս, խառն մի գիւրացեալ յերկիւզէն, անդրէն միւսանդամ զառաժանէր յընչաքաղց կրիցն՝ 'ի տնկակից և 'ի վաղըն ջուր . տխրէր գանգատէր առ բարեկաման՝ որպէս անխորհրդաբար տուան 'ի կապաւտ

կողովուրդը Կրեաթուցն կա՛նք ոսկւոյ մեծին Աղէքսանդրի . յողորմ անկանէր արտասուօք չափ առ որո կային իրեն՝ գարծուցանել անգրէն , և զլշիւ արծաթոյն և ոսկւոյն ողջ խոստանալոյ նոցա : Որք միանգամ համարէն 'ի վերայ կտցեալ էին բարոյից առն , ծանեան զի խնդրէ նա հայթայթել և Կրեաթանալ առ Կրեաթացիսն : Իսկ որք հաւատացին նմա և գարծուցին , գաւեցան՝ զի ոչ կշռեաց նոցա զլշիւն . և այնպէս տաղանդա երեսուն ժողովեալ 'ի բարեկամացն , զոր և հուպ ընդ հուպ թըշնամիք տռնուլ հանգերձեալ էին , եւ նաւեաց հանգերձ նոքօք 'ի Սամոթրակէ . և անդ 'ի տաճար Դիոսկուրեանցն ապաւիտեալ անկանէր ողորմաւոր :

Իսկ Մակեդոնացիք՝ թէպէտ և առհասարակ ժողովուրդ Արքայասէր համբաւեալք , բայց յայնժամ իբրու եթէ նոցա ամենայն նեցուկ խորտակեալ իցէ , այնպէս անձնատուրք միահամուռ 'ի ձեռն Եմիլիոսին՝ 'ի մէջ երկուց աւուրց զնա ողջոյն Մակեդոնիոյ տիրացուցին : Եւ այս թուի թէ հաւատարմացուցէ զառողան , եթէ գեղեցիկ բաղդին՝ զնահատակութիւնան զայն ընծայել արգեօք արժան իցէ : Նա և գէպքն՝ որ 'ի զոհին նորա՝ աստուածային ուրեմն էր . քանզի 'ի զոհել Եմիլիոսի յԱմփիլոքիս և 'ի մատուցանել զնուիրականն՝ շանթ կայծական իջանէր 'ի վերայ սեղանոյն , և հրակիզէր սրբէր զզոհն : Իսկ որ յաղաղա տարածելոյ համբաւոյ իրացն , այն գեր 'ի

վերայ կայ յառուածայինսն և 'ի բազմին :
 Քանզի յառուրն չորրորդի յեա հարուա-
 ծոյն Պերսէոսի 'ի Պիւզնա, Ժողովուրդ 'ի
 Հռովմ քաղաքի կացեալ 'ի զնին ասպե-
 տացն միջանայ, յանկարծակի յեղակար-
 ծումն ձայն զհամբաւի հարկանէր յառաջ
 նստմ անդ մասին տեսարանին, իբրու Ե-
 միլիոսի հարուածել զՊերսէոս 'ի մարտին
 և զՄակեդոնիա ողջոյն գրաւել : Ձայն այս
 զվարդ ածեալ ընդ խուժանն՝ յանապ-
 տում խնդութենէն զորն ողջոյն ընդր քա-
 ղաքն 'ի կայթա և 'ի ծափա և 'ի ձայնս ջըն-
 ծութեան : Իսկ իբրեւ զակն և զսկիզբն ձայ-
 նին ճշգրիտ դասնել ոչ կարացին, և ընդ
 խաբսինչ կարծեցին, լռեցին առհասարակ :
 Բայց զինի առուրց լուր յայտնի առեալ
 զեղեւոցն, յափշտութիւն հատանէին վասն
 նախազգեցիկ ձայնին, որ ընդ կարծեալ
 խաբանօքն ծածկեալ ունէր զճնարտու-
 թիւն : Ասեն՝ եթէ և համբաւ մարտին Ի-
 տալացւոց առ Սադրա գետովն ժամանեաց
 'ի Պեղտպոնիսոս 'ի նմին իսկ առուր մար-
 տին . դարձեալ և առ Պղատացիս կան-
 խեաց լուր Միւկաղեան մարտին ընդդէմ
 Մարաց : Իսկ յազադա առ 'ի Հռովմայե-
 ցոց հարուածոյն Տարկուինեանց և նիզա-
 կակցացն Լատինաց, ասեն՝ եթէ վայր մի
 զինի երեւեցան 'ի մէջ երկուք ոմանք յաղթ-
 անձինք և գեղեցիկք, և եկեալք 'ի բանա-
 կէն ինքնին պատմէին զեղեալսն (Թուե-
 ցան իմն՝ եթէ Դիոսկորոսքն իցեն՝ որդիք
 Դիոսի) . և քանզի այրն՝ որ առաջին պա-

տահեցաւ նոցա, մինչդեռ նորա 'ի հրապարակի անդ զովացուցանէին առ ազգերն զքրոնահոծ զերիվարան, հիացեալ սբանշանայր 'ի լուր յաղթութեանն, նորա հեղեկ ժպտեալ և 'ի մօրուան նորա 'ի թաւի որպէս ասեն՝ հպեալ, անգէն 'ի անութենէն 'ի շառագոյն գառնայր մազն. ուր տի և հաւատա ընծայեցին պատմութեանն, և մականուն ասն կարգային Էնօպոօզա, այն է՝ Պընծամօրու:

Այլ որ առ մեզ գէպք հաւատարմացուցանեն և զայս ամենայն զծերունեացն: Քանզի Անտոնիոս ընգվեալ 'ի Դամասիոս նոսէ, առհասարակ հռովմ զանգիտեալ յահագին մարտէն Գերմանիոյ, անգուտ յանկարծ ինքնին խուժանն զլուր յաղթութեանն հռչակ հարկանէր ընդ քաղաքն՝ եթէ անկաւ Անտոնիոս, և ապրեցաւ և ոչ դք 'ի նորայոցն. և առ ստոյգ և յաներկբայո այնչափ կալան զհամբաւն՝ զի և շատք յաւագորերոյն փութացան զոհ կտաարել: Այլ ապա հետախոյզ զառաջին համբաւութիւն արարեալ և ոչ գտեալ, և մարդոյ 'ի մարդ գնացեալ ապաւինեալ ձայնին, և 'ի վերջէ ուրեմն 'ի տուղանել բանին՝ իբրեւ 'ի ծով անգնդախոր՝ յամբաւ խուժանին, շերեալ նորա սկիզբն ճշգրիտ, այնպէս արագ առհասարակ լռեաց քաղաքն: Այլ իբրեւ Դամասիանոս յաւրի անկեալ խաղալը գնայր ահագին բանակաւ 'ի կախն, յուղւջ նմա հրեշտակ հասանէր հանգերձ նա մականեաւ՝ ամեաւոր յաղթութեանն:

և եր յազմութեանն օր և համաւայն նո-
րա 'ի հռովմ' նոյն՝ 'ի բացեալ գորով վայ-
րացն առաւել քան տապաքեաց երկուց
բիւրուց: Եւ զայստօվկ անգիտանայ և ոչ զք
յարանց ժամանակէն մերոյ:

Բայց Գնէոս Հոկտաւիոս հովիշխան Ե-
մբրեայ նաւաւ 'ի Սամսթրակէ, Թէպէտ
և յապատտանէնն ոչ քարշեաց զՊերսէոս
արտաքս 'ի մեծադանն երեսաց գիցն, տա-
կայն և պահ ունէր՝ զի մի ծովագնաց փա-
խիցէ: Այլ Պերսէոս գաղտաբար բանա-
գնաց ըսալ ընդ Որտանդեայ Նրետացւոյ՝
որոյ եր իսկ նաւակ՝ առնուլ զնա 'ի նմա
հանգերձ գանձիւն, անդ Որտանդէս զհեա
կրթեալ կրետացի բարոյից, չղբաւ ընդ ե-
րեկո և զգանձն բարձեալ զՊերսէոսով՝ ա-
սէր նմա՝ գիշերի յառնել զաւ 'ի նաւա-
հանգիսան Դեմետրիոն հանգերձ որդւովքն
և կարևոր պաշտօնէիւքն. և զայս ասաց
Որտանդէս և ինքն ընդ մուծն կանխեալ
միայնակ զանխուլ յուղի անկանէր 'ի ծով:
Անգանոր ապա Պերսէոս յոյժ հիքացաւ
չուսառականն. իջեալ գաղտագողի 'ի պա-
տուարէն ընդ անձուկ պատուհանն հան-
գերձ որդւովքն և կնաւն, անփորձք ամե-
նէին 'ի միշտս վաստակաբեկ փախստեանն,
անդ իբրեւ այր ոմն պատահեալ Պերսէոսով՝
որ Թափառական շրջէր առ ծովեղերքն՝
ասէր նմա տեսեալ ինքն զՈրտանդէս (և
քանզի յայգանաւ եր օրն) զի խաղայր նա
'ի խորս ծովուն, յայնժամ գառնապէս
խոր յողւոց հանէր Պերսէոս. և յուսա-

Հաստ գլխովն գառնադր անգորէն գէմ ե-
գեալ 'ի պատուար անգոր, ոչ ևս 'ի ծա-
ծուկ. սակայն աճապարէր կանուխ քան
զհռովմայեցիան հասանել անկանել հան-
գերձ կնամն. քանզի զորդիս իւր յանձն
արարեալ էր 'ի ձեռս Յօնեայ, այն՝ որ 'ի
շատ ժամանակաց սիրելի լեալ էր Պեր-
սէոսի. և յայնժամ մատնատու եղեալ նմա,
հարկ անհրաժեշտ ածէր 'ի վերայ առն ար-
դարեւ իբրեւ 'ի վերայ դազանի՝ յորմէ կո-
րկնքն առեալ բարձեալ իցեն՝ անձնատուր
'ի նոսա լինել, յորոց ձեռս մատնեցան մօն
կռնքն նորա:

Այլ Պերսէոս մեծապէս վառահ ե-
գեալ 'ի հասկեաս՝ հարցանէր խնդրեր զնա,
և զի մօտ չէր նա՝ աշխարհը զազէտս իւր.
զնոաւ ածեալ զհարկն՝ յոր ըմբռնեցաւ,
եգ. 'ի մօտ անձնատուր լինել 'ի Գնէոս:
Եւ յայնժամ քան զարծաթսիրութեանն
անարդադոյն ևս կիրս ցուցանէր նա յան-
ձին՝ զանձնասիրութեանն. ինքնին տնար-
ժան զինքն կացուցեալ գթութեան մա-
սին, զոր միայն չքառնայ բախտ 'ի հիքա-
ցելոցն անձանց: Քանզի աղերս արկեալ
առաքել զինքն առ Եմիլիոս և կամագիւտ
եղեալ, յարուցեալ Եմիլիոս հանգերձ բա-
րեկամքն երթալ ակտակցաբար արտա-
տուգը ընդառաջ Պերսէոսի՝ իբրեւ առն ա-
ւագի որ 'ի վեճի խնդիր Բաղէն և 'ի ձա-
խողակ բազդէն յայն աղէտան պաշարեալ
իցէ: Այլ անգանձոր Պերսէոս առակ նշա-
ւակի զանձն ցուցեալ՝ յորայս 'ի գեալին

առաջի անկեալ Եմիլիոսի և զմատուանն տատանեալ առ նորա ծնգավքն, այնպէս ողորէր բանիւք զնա իբրեւ անարի վատապիտ . զոր և ոչ լսել անգամ հանգուր ժեալ Եմիլիոսի, տխուր և խեթ ակամբ հայեցեալ ընդ նա, տսէր այսպէս .

“ Եւ առի՛նչ գու ապա, ո՛վ անձն հիբացեալ, ազատ զբախտն առնես՝ ի մեծաց յանցանաց՝ զայդ գործելով . քանզի ՚ի գէմն բերես առագիկ՝ եթէ ոչինչ յանիրաւի ուրեմն խեղացաւ նա ընդ քեզ . և յիշուի այժմուս գանէ զքեզ, և արտաքոյ արժանեաց անգ ուրեմն Բաջն դգուեաց զքեզ : Եւ զի՛ գու նկուս զինն առնես յալթու թիւն, և փոքրագի զինն նահատակու թի, ՚ի գէմն ընծայելով զքեզ այդ կնամարդի և անարժան հռովմայեցոց հակառակամարտ : Քանզի առաքինութիւնն պատկառելիս գործէ զհիբացեալն և առ թշնամիան անգամ . իսկ անարի վատապիտութիւն՝ թէպէտ և յաջողութեամբ պերճ՝ համբուն արհամարհեալ է առ հռովմայեցիս ” : Յայսր ամենայնի վերայ՝ ի վեր զ՚ի քացեալն կանգնեալ Եմիլիոս և կալեալ զաջոյն՝ յանձն առնէր զնա Տուբերովնի :

Իսկ յետ այնորիկ առեալ ընդ իւր զորգիս և զլիեսայոն, և զմանկագոյնս ՚ի զօրապետաց ՚ի վրանի իւրում, իբրեւ հարուստ մի այնպէս բազմեալ մտախորհ լուռ կալո՛ղի և ամենեքին զարմացեալ կային, ապա ուրեմն խօսել սկսաւ վասն բախտին և վասն մարդկան իրացս, և տսէ . “ Իսկ մարթ ինչ

իցէ արդեօք մարդոյ 'ի յաջողութեան խայտալ և ամբարտաւանել, զի ազգ մի ընդ լծով նուաճեաց, կամ քաղաք մի, կամ թագաւորութիւն: Կա՛ աւանիկ այդ քաղդ յարափոխ դովին 'ի դէմն բերեալ մարտուցելոյն զհասարակաց տկարութիւն, շատ ինչ իսկամուտ արասցէ զնա՝ իրո՞ւ չեք ինչ յէիցս հաստատուն և անկայուն: Իսկ այր կանանցածին երբ արդեօք կացցէ աներկևան ցնծութեամբ, յորժամ և յաղթութիւնն ինքնին գլխովին տայ մեզ խիթալ 'ի բախտէն և զմեր խնդութիւն արրամեցուցանէ, զմտաւ ածեալ զի գունակ գունակ փոփոխի. է՛ զի սմա՝ է՛ զի նմա ոխելիմ՝ զինքն ընծայէ: Եւ յորժամ դուք ինքնին 'ի վայրկեան ժամու ընդաթրեալ հաւրէք զԱղէքսանդրին զպայազատուն, որ յայնչափ աւագութեան ամբարձաւ և լայնասահման տիրացաւ. և յակն աւադիկ արկանէք զարքայս՝ բակ 'ի բիւրուց առեալ հետևակաց և յայրուծիոյ, իսկ զարդիս զորապահիկն յառնուն 'ի ձեռաց իւրեանց թշնամեաց, համարիցնք թերեւ եթէ գուցէ 'ի մեզ հաստատութիւն բախտի՝ որ 'ի վեգ դալ ընդ ժամանակին բաւական իցէ: Ո՛չ ապա նկուն արասջիք դուք ո՞ պատանիք զանապարծն գողողութիւնդ և զխայտալ ընդ յալթութիւնդ, և պարկեշտացեալ ցածնուցուք ահիւ՝ միշտ ակնկառոյց 'ի հանդերձեալն լինելով, և կազմ յեւր վախճանի՝ սահմանեալ իւրաքանչիւր ձեզ վեճիւնդրութի 'ի Քաջէն՝ փոխանակ այժ.

մեռ. երանութեանդ “ : Յայտարարեաց աստի շատ ինչ խօսեալ յայնժամ Եմիլիոս , արձակեաց զպատանիսն . իբրեւ սանձիւք՝ հարուստ բանիւքն՝ զգոռողութիւնն սանձաւորեն լուր զնոցա :

Յետ այտորիկ արձակեր նա և զգորտկանն երթալ հանդէս ի վանս իւրեանց , և ինքն յայց ելաներ Ելլազայ , փառս ժառանգեալ անձին և մարդասիրազոյնս ընծայեալ զանձն : Քանզի գնացեալ անգր խրախոյս քաջալեր տայր ժողովեաց , կարգս հաստատեր և տահմանս , տայր բաշխեր և պարգևս . կիսոցն՝ ցորեան , կիսոցն՝ իւր ի գոյից անտի աղքային . և գտանէր նա անգանձոր մթերս ամբաւս , որպէս զի և կարտեալքն որք առին՝ ոչ ժամանեցին սպառել ծախել ի կեանս իւրեանց : Գնացեալ և ի Դեղլիս , տեսեալ անգանձոր սիւն մեծ քառակուսի կճեայ սպիտակ , յորում անգրի սակի հանգերձեալ էին կանգնել զՊերսեասին , հրաման տայր զիւրն կանգնել : Իբրե զի ի գէւ պարգեք յազմականաց տեղի տացեն յազմեալքն : Իսկ յՈղիմակիա զցերահոչակեալն զայն տակեր բան , ՃԸԼԳԻԻ Փիտիա իւրաքանչեւ զԱբամադ և Ռեփէն :

Իբրե եկին հասին առ նա ի հռովմայ հրեշտակք տասն , շնորհեաց Մակեդոնացւոցն բնակել յերկրին՝ իւրեանց իսկ օրինոք , և յազատութիւն գրեաց զքաղաքս նոցա . ալ հրաման տայր տաղանդս հարիւր ամի ամի հարկել հռովմայեցւոց , զոր

կրկին տային իւրեանց արքայից: Ապա և տեսարանս ազգի ազգի միջանայ խաղուց կատարեալ, և զոհս զոհեալ գից, պատրաստէր և խնձոյս և ճաշս մեծահայ 'ի Ծափոս անխնայ լինից արքունի. և տնդ 'ի գեղեցիկ գաղաւորութեանն և 'ի հիւրամեծարութեամբ հրամայել առն առն բազմականս և շուք և մարդասիրութիւն ըստ արժանի աւագութեանցն, ոյր ճշգրիտ և քաջախորհուրդ մեծապէս ընծայէր զանձն. զի և հիացեալ դբանչացան Հելլենացիք 'ի փոյթ պնդութեան նորա 'ի փղբունան յաշնոսիկ. զի այր՝ որ 'ի նահատակութիւնս մեծամեծս առաքինացաւ, այնպէս և 'ի գողչ նաքեայս՝ վայելչականին պատկառ կայր: Իսկ որ առաւել խնդացուցանէր զնա, զի ինքն էր բերկրալի ևս տեսարան բազմակա, նին 'ի մէջ հրաշակերտ հանգերձանացն. և որք յայնժամ հիացեալ էին ընդ այնչափ ճշգրտութիւնն, ասէր՝ եթէ նոյն մի խոհականութեան պէտք իցեն 'ի գեղեցիկ կարգել և զբանակ և զկոչունս. զառաջինգ՝ յահարկութիւն թշնամեացն, և զվերջինգ՝ 'ի հաճոյս կոչնականացն:

Բայց և ոչինչ պակաս քան զամենայն առաքինութիւնս նորա՝ 'ի գովութիւն առին մարդիկ զառատութիւնն և զմեծանձնութիւնն. զի մթերս ամբաւ ոսկւոյ և զարծաթոյ կուտեալ զարթոյին՝ և ոչ յակն արկանել անգամ կամեցաւ, այլ 'ի գանձաւորան առնէր ապաստան ածել բերել 'ի գանձն արքունի. միայն իւրոց գրասէր

որդւոցն թոյլ տայր տռնուլ զգիրանն ար-
քային: Եւ բաշխեալ ևս միջանակս նահա-
տակելոցն 'ի մարտին, տայր Եղիոսի Տու-
բերովին իւրում՝ փեսայի ըմպանակ լտե-
րաց հնդից: Սա այս է Տուբերովին՝ զորմէ
կանխեցաք ասացաք բնակել 'ի միասին ընդ
հնդեստասան ազգաւցացն, և առհասարակ
'ի փոքրիկ կաշուածոյն ունել նոցա զպա-
րէնն. և ասեն՝ եթէ 'ի կահս արծաթոյ
այն ըմպանակ աւաղին մեւծաւ 'ի տուն
Եղիոսեանցն 'ի փառս առաքինութեանն
և 'ի մեծարանս առն. և յառաջ ժամանաւ
կաւ ոսկի կամ արծաթի՝ ոչ նա և ոչ կա-
նայքն վարեցին երբէք:

Իսկ իբրեւ այսպէս գեղեցիկս կարգեաց
զամենայն, ողջոյն հրաժարականն Հելլենա-
ցոցն տուեալ, և յորդորակս Մակեդոնա-
ցոցն՝ անմեռաց յուշի կապել զազատու-
թիւնն զոր ետուն նոցա հռովմայեցիք, և
պահել գեղեցիկ օրինոք և միաբանութիւն,
ինքն յԵպիւռոս կոյս ելեալ խաղալ 'ի հրա-
մանէ Սինդղիստոսին, տալ զքաղաքս դա-
ւառին յաւար զօրականին՝ որ նիզակակիցք
կռուցան ընդ Պերսէոսի: Այլ կամեցեալ
Եմիլիոսի յեղակարծումն ժամու ըմբռնել
առհասարակ, առաքելր կոչելր արս աւագս
տասն թուով յիւրաքանչիւր քաղաքաց, և
հրաման տայր նոցա 'ի պայմանեալ աւուրն
ածել բերել զամենայն արծաթ և զոսկի
որ 'ի տունս՝ որ 'ի մեհեանս. և 'ի միասին
ընդ նոսա առեալ արձակելր և գունդ մի-
հանգերձ զօրապետաւ՝ իբրու եթէ ժողո-

վե՛լ առնու՛լ զոսկին : Իբրեւ պայտանեալ
օրն հասանէր , զօրականքն առհասարակ
սկսան յայս կոյս յայն կոյս ընթանալ և յա-
ւարի զքաղաքն առնու՛լ . և գերի վարե-
ցին նոքա արա հնգետասան բիւր և աւերե-
ցին քաղաքս եօթանասուն : Սակայն և
յայնչափ աւերածոյն և յանկածէն առ-
մէն մի 'ի զօրականէն անկանէր ոչինչ աւե-
լի քան գրամակշիռ մետասան . զի և ամե-
նեքեան յափշութիւն հարեալ էին ընդ
ելս պատերազմին , զի ողջոյն յաւարեալ
ազգէն՝ բաժին և տուրք գուզնաքեայ ելա-
նէր առն առն իւրաքանչիւր :

Բայց յետ այսորիկ Եմիլիոս հակառակ
իւրոյ բուռոյ բարուցն հեղութեան և ցա-
ծութեանն՝ իջեալ յՈվսիկոն և անդուստ
անցեալ յԻտալիա հանգերձ զօրու նաւ-
եալ գնայր 'ի վեր ընդ Թիւբրիս գետ , վե՛չ
տասանաթի նաւաւն արքունի՝ զարդարուն
'ի ծիրանիս և 'ի կարմիր , և 'ի կապուտ զի-
նուց անկածոյ պատերազմին : Իսկ 'ի քա-
ղաքէն հռովմայեցիք ելեալ արտաքս ընդ
առաջ նորա առհասարակ ցնծութեամբ՝
իբրու յալթանակի հանգէս նախաժաման
յարդարելով , առ ամիսմբն գնացին ուղե-
կից նաւուն՝ որ տակաւ դայր ընդգէմ հո-
սանաց գետոյն : Այլ զօրականք ակնկա-
ռոյցք 'ի դանձս արքային , զի ոչ առին ըզ-
տրիտուրն որում ակն ունէին , վառէին
ցամամբ 'ի նեղոյ և խեթիւ հայէին ընդ
Եմիլիոս . և յայտնի ևս բողոք կալեալ ըզ-
նմանէ՝ իբրեւ որ խստութեամբ գնաց ընդ

նորա և ճոխարար, գանգաղէին 'ի փոյթ հանգիսի յաղթանակի նորա : Իրազգած եղեալ Սերմէոս Գալլաս Թշնամի Եմբլեայ՝ առ որով հազարապետ լեալ էր, հա մարմակեցաւ ասել հրապարակաւ՝ եթէ չէ արժան յաղթանակի հանգէս յարգա րել նմա . և շատ ևս բանաարկութիւն ընդ գէմ՝ նորա ցանեալ 'ի զգրականին և սաս տիկ ևս գրգռեալ զնորա՝ խնդրէր 'ի ժողովապետացն յայլ որ սահմանել զհան գէսն . քանզի 'ի ժամն չորս մնացեալ աւուրն՝ չէր նա բաւական ընու զամբաստաւ նութիւնն : Իբրեւ ժողովապետքն հրա ման ատլին խտեւ յայնժամ՝ եթէ ունիցի ինչ, նա սկիզբն երկայնաձիգ արարեալ ճառին լի գիտակ գիտակ հայհոյութեամբք, ծախեաց 'ի նոյն զժաման . ապա գիշեր 'ի վերայ հասեալ՝ արձակէին յայնժամ ժողապետք զատեանն :

Բայց զգրականք գրգռեալք միարան ընդ Գալլայի՝ վաղքաջ ընդ առաւօտն հասեալ կալան զՎապետոցին . քանզի ան գանդորեկեղեցանալ հրամայեցին ժողովրդապետքն : Այն ինչ 'ի ծագել աւուրն սկիզբն արարեալ քուէից, ցեղն առաջին խտեաց զյաղթանակն . հռչակ հարեալ բանին՝ հասանէր լուրն և առ Սինկղիտոսն : Անդ ամբոխ խուժանին մեծապէս պանկը՝ տեսեալ զայնչափ անարգութիւնն Եմբլեայ, և բարձրանալով գոչիւն խառնածայն ազազակին : Իսկ աւագք ճոխք 'ի Սինկղիտոսէն բողոք բարձեալ ընդ գժոխմբեր

կէրան, ձայն տալին միմեանց սանձել կո-
ծել զլքութի ժողովութիւն զորականին, որ
բնաւ և յամենայն բռնութիւն յանդիւ-
նեացին գոգա արդեօք, եթէ երբէք թոյլ
ընէ գոյա զովել զՊաւղոս Եմիլիոս յոր-
ժանահաս փառաց յաղթութեանն: Ապա
միջամուխ պատահեալք զամբօսին և՛ ի վեր
՛ ի Կապեաղիտն ելեալք և խմբեալք՝ աղք-
ատանկին ժողովոգապետացն գազապեցու-
ցանել զքուարկութիւնն՝ մինչև խառնացին
նորա առ ժողովուրդն: Իբրև առհասարակ
արձանացան կացին և այր այր ՛ ի լռութիւն
գարձաւ, անդանոր Մարկոս Սերմիլիոս ՛ ի
հիւպատեան կարգէ, այն՝ որ ՛ ի ձայնատու
ախոյրնից քսան և երկա տապառաւ արկեալ
էր ՛ ի մենամարտի, կացեալ ՛ ի բարձու՝ խո-
տեցաւ և առէ:

“ Եթէ քանի՞ն իցէ զորովոր ինքնակալ
Պաւղոս Եմիլիոս, զարդիս աւագիկ ՛ ի վե-
րայ հասեալ կամ. քանով զորականաւ անե-
լով դա ընդ իւր այգչափ տաամբակութիւն
լի և խեղ, և այնպէս ՛ ի գեղեցիկ և ՛ ի մե-
ծամեծ նահատակութիւնազ առաքինա-
ցաւ: Այլ իմ յափշտութիւն հարեալ է
ընդ ժողովուրդդ, որ այգչափ ցնծացեալ
բերկրեցայք ընդ յաղթանակս Լիւրիկե-
ցւոց և Լիբեացւոց. իսկ զարդիս անձնա-
նախանձք՝ չկամիք տեսանել գերի կենդա-
նւոյն ՛ ի հռոմայեցւոց ամենալ ՛ ի զինուց՝
զարքայն Մակեդոնիոյ, զնոյն և զԱլեք-
սանդրին և զՓիլիպպոսին զփառան: Իսկ
զիսորդ գծօխըմբերել կիրք սչ իցեն, եթէ

յորժամ համբաւ անյայտ յաղթութեանն հռչակ երբեմն հարեալ 'ի քաղաքիդ, զոհս յաղեցեք գութ աստուածոց, և պաշտօնանս կարգեցեք ձերովքդ իսկ աչք ճշգրտել զհամբաւն . և զարգիս 'ի ժամանակ հասանել առ ձեզ նորան զբաւաւրին ասուգութեամբ յաղթութեանն, գարձիք զանալ աստուածոցն զփառան, և ձեզ ինքնին՝ Ըզ ինդութիւնդ . իբրեւ այն թէ խուսափեցեք գութ մի կալ 'ի գինն մեծութեան ձերոյ և յաղթութեանցդ . կամ թէ արգեզ ամասակից կարեկից արքային ընկեցէ : Եւ արգեզ լաւ իցէ յախտակցութենէ այսօր, քան թէ 'ի նախանձուն մախանաց առ զբաւաւրդ խափանել զյաղթանակն " :

Աջա յաւելելալ 'ի բանան՝ ասէր . " Այլ աւաղիկ յոյգչափ իմն իշխանութիւն ձեզ ինքնին լրբեցաւ չարութիւնն, որպէս զի և յաղազս անտեսութեան զբաւաւրացն յանդգնել խօսել և յաղազս յաղթանակին, այլ՝ որ և ոչ մէրս մի է նորա . այլ նորա անխոց և անապի է մարմինն՝ գիրդ և հովասուն միշտ վարելով կեանս . և 'ի նոցն յանդգնի յանդիման ձեր՝ որ այնչափ մէրս տարեալ ձեր 'ի մարմնի՝ գիտեք իսկ քաջ արդարութեամբ գտանել վասն արութեան և վասն վատութեան զբաւաւրացն " : Զայս ասաց Մարիս, և անգէն զանջան մերկացեալ՝ արիւս ամբաւ ցուցանէր հրապարակին . ապա և յեւ կուսէ մարմնոյն՝ զնոյն ցուցեալ անձնս խուժանին, և 'ի նոյն յայնժամ առ Գալլաս գաղձուցեալ զբանն՝ ա-

սէր. “Ծիծաղեալ գուշի վերայ այսուցեկ. այլ ես նոքիմք ճոխանամ առաջի քաղաքայնոց, զոր տարայ ես վասն գոցա զորհանապազ յերիվար աշտանակեալ զցայգ և զցերեկ: Այլ անգէ գուշայեմիկ 'ի մի խումբեան զգոսա արձակել քուեայս, և ես ինքնին իջեալ զայր այր 'ի նոցանէ զննեցից գիտել ոյք ոմանք իցեն անդգամք 'ի գոսա և ապաշնորհք, և որք 'ի մարտա խնդրեացեն առաւել զկամս անձանց՝ քան զհրամանս զորավարացն”:

Այնն՝ եթէ 'ի բանից տառի այնչափ իմն ընկձնցան զորականք և ժոխեցան, զի և առհասարակ ցեղք յայնժամ յազմանակի հանգէս սահմանեցին Եմիլեայ: Եւ պատմեն՝ յազմանակելնմա օրինակ զայս: Ժողովուրդք առհասարակ 'ի թաաւերս ձիւնթացիկա՝ զոր կոչեն նոքա Կրիէսա, և 'ի հրապարակին գարձեալ՝ տախտակամածս հարատեալ, և զայլ ևս վայրս քաղաքին գրաւեալ՝ 'ի զնին կալ բովանդակ հանգիւսին՝ որ ընդ այն անցանէր, մնային գէտակն կալեալք՝ զարգարեալք 'ի հանգերձս պայծառս. անդ մեհեանք առհասարակ բաց էին՝ բոլորեալք 'ի բոլորս պատեաց և լին 'ի հանգերձանս խնդոց. անդ և պաշտօնեայք բազումք և վարոցաւորք ջինջ և անշաղափ պահէին զպողոտայան, 'ի բաց 'ի միջոյ անտի քեցեալք զհառնադնացս և զօրնլըքորս խուժանին: Իսկ շուք հանգիւսին յերիս բաշխեցաւ աւուրս: Օրն առաջին հազիւ ուրեմն բաւեաց 'ի զնին կալ

տեսանել, այն ինչ հանգիստացեալ գայր անցանէր կապուտ կողոպուտ անգրեացն և կենդանագիր նկարուցն և վիթխարի արձանացն . և բարձեալ բերէին 'ի վերայ կառաց երկերիւր և յիսուն :

Յերկրորդումն աւուր գային անցանէին 'ի վերայ կառաց բազմաց զէնք գեղեցիկք և նոր և չքնաղ, բազմահանգերձ աւար Մակեդոնացւոցն, համակ լուսաճաճանչք 'ի պողովատիկ և 'ի պղինձ փայլուն . և թէպէտ և ճարտարարուեստս յոյժ և գեղեցիկս գառաւորեցան ամենայն, թուէր իմն ինքնին ըստ գիւղաց եղեալ գասակարգութեանն, այնպէս խառն 'ի խուռն կուտեալ 'ի վերայ միմեանց . սազաւարդք և գլխանոցք 'ի վերայ վահանաց, լանջապանակք զթահից 'ի վերայ սանապանաց, և ասպարք կրտառցիք, և վահանք թրակացիք, և կապարձք խառն ընդ սանձից երիվարաց . և 'ի միջոյ նոցա 'ի գուրս ցցուեալք սուսերք մերկապատեանք, և նիզակք հարուտեալք . և չափակից խորոցաւ անջրպետեալ կարգեցան զէնքն, որպէս զի և 'ի ձգել կառացն՝ ընդ միմեանս հարեալք չխահլան արձակէին և շաչիւն ահաւոր . թէպէտ և զէնք էին պարտեցելոց՝ ոչինչ այնպէս աներկիւզ երտեսանելեացն Զկնի զինաբարձ կառացն անցանէին արք երեք հազարք՝ բարձեալք գահեկանս արծաթի յամանս եօթնհարիւր և յիսուն, միոյ միոյ 'ի նոցանէն կշիռն երկից տաղանդաց, բարձեալ 'ի չորից արանց : Յետ սոցա և այլ

ևս երեք հազարք, որ բարձեալ բերէին խառնարանս արծաթի, և եղջիւրս և բաժակս և նուազս, առհասարակ կարգեալք և բաշխեալք շքեղ. և էին նոքա սքանչելի մեծութեամբ, և կուռ միաձոյլ գրուադօք:

Իսկ յերրորդումն աւուր Վաղ քաջ ընդ առաւօտն անցեալ գնացին յառաջոյ փողարք, և հարկանէին նուազ ոչ զլուոյ զօրականին կամ զհանգիսի, այլ յորժամ 'ի կռիւ գրգռեն զնոսա հռոմայեցիք: Յետ սոցա անեալք բերէին եղինք պարարակք ոսկեղջիւրք՝ հարիւր և քսան, զարգարեալ պտակօք և բոլորիւք. անէին զնոսա 'ի զոհ պատանիք գօռեորեալք 'ի կամարս հիւսկէն գեղեցիկ: Չհետ գային մանկուիք բարձեալք անօթս ոսկւոյ և արծաթոյ 'ի պէտս նուիրաց: Եւ ապա արք բարձեալք գահեկանս ոսկւոյ յամանս, և կշիռ նոցա երկոյ տաղանդաց, որպէս և գահեկանացն արծաթոյ. և թիւ նոցա եօթանասուն և եօթն: Ապա զհետ գային և որք ունէին զԵմիլիոսին զնուիրական բաժակ ոսկւոյ տասն տաղանդաց՝ զարգարեալ ակամեք պատուականօք. և որք բարձեալ տանէին զԱնտիգոնեան զանօթան և զՍելեւկեանսն և զԹելիդեանսն և զայլ ևս կահս ոսկի, որովք վարէր Պերսէոս յնթերէ իւրում: Չհետ գայր ապա կառքն Պերսէոսի և զէնք նորա, և թափն եգեալ 'ի վերայ զինուոցն: Յետ սակաւու անեալ բերէին որդիք արքային գերեալք, և ընդ նոսա խումբ գոյեկաց և վարժապետաց և դաստիարակաց՝

յարտասոււ հարեալք առհասարակ, և ձեռք տատանէին առ հանգիստեամսն, և աղայոցն ևս զնոյն ուսուցանէին ողորել և պազատել: Էին նոքա ուստեքք երկու և գուտար մի, որ ըստ աղայ տիոցն ոչնչ այնպէս խելամուտք մեծութեան աղէտից իւրեանց, առաւել ևս ողորմելի էր տեսլին, զի ճանաչէին իսկ ոչ նոքա զխոփոխել բաղդին իւրեանց. զի և ոչ ոք անգանոր գողցես 'ի Պերսէոս գէտակն ռաներ ընդ անցանեւն, այնպէս իմն ակնկառոյցք էին հռոմայեցիք 'ի աղայս անգր խանգաղատեալք զնոքոք, զի և շատք անգանոր յարտասոււ հատան. և առհասարակ յայն տեսիլ՝ բերկրութիւն խառնեցաւ ընդ Թազծութեան, մինչև անցեալ դնացին մանկունքն յառաջոյ:

Իսկ անգուտ Պերսէոս գայր զհետ մանկանցն իւրոց և նոցուն սպատորկուացն, արկեալ զանձամբ հանգերձ Թխագոյն և սանգալս զհալքենի աշխարհին յոտս, և առ մեծի վշտին և անձկութեանն երեւր նա այր վշտատես զարհուրեալ և յափշութիւն գլխովին հատեալ: Զհետ ընթանալոր ամբոյս բարեկամացն և ընտանեացն վայրանկեալ գիմք Թազծագին յարտասոււ հարեալք՝ ակնկառոյցք 'ի Պերսէոս և տխտակիցք աղէտից առն, ոչնչ հոգացեալք զիւրեանցն: Այլ Պերսէոս յառաջագոյն յղեալ առ Եմիլիոս աղաչէր փարելի լինէր մի ածել զնա 'ի յաղթանակ անգր. իսկ Եմիլիոս զվատութիւնն այսպանեալ զառն

և զանազի անձնասիրութիւն, զծագու և կեալ տալոյ պատասխանի. « Բա՛ էր իսկ այն՝ տակ՝ ընդ իշխանութեամբ նորա յառաջ քան զայս, և զարդիս գարձեալ՝ եթէ կամեսցի »: Յայտ առնէր՝ մահու ապրել 'ի նշաւակութեանն. յորմէ վերջացեալ աւարին * և 'ի յոյս իմն ակնկալութեան մեղկացեալ, բաժին յաղթանակին ածաւ և ինքն ընդ իւրոց աւարաց: Յետ այսոցիկ գարձեալ տանէին պսակք ոսկիք չորեքհաւրիւր, 'ի ձեռն հրեշտակաց յգեալք առ Եմիլիոս 'ի քաղաքաց քաղաքաց 'ի մրցանակ յաղթութեանն:

Զհետ ապա գալոյ անցանէր և ինքնին Եմիլիոս 'ի վերայ կառաց մեծաշուք զարգարեալ, այն որ և արտաբոյ հանգիսին արժանատեսիլ այր և սքանչելի. ծիրանի ոսկեճամուկ արկեալ զանձամբ, և յաջոյ ձեռին գափնի. անդանօր և զօրականք գափնաբարձք, 'ի վաշտս վաշտս և 'ի գունդս գունդս զհետ գնային կառաց զօրավարին. մերթ նուազս երգէին հայրենիս խառն ընդ ծագու, և մերթ շէրս գրուատից յաղթողական նահատակութեանց 'ի Պաւղոս Եմիլիոս, ականաւոր այր և հոյակապ յարգարելով զնա և բնաւից նախանձելի: Այլ մախացաւ ընդ նմա և ոչ որ 'ի բարեաց. բայց 'ի Քաջաց ոմն՝ որոյ է նուազել զբարօրութիւնս զմեծամեծս և զառաւելահրաշս, և այնպէս իմն խառնել զմարդկան կենցաղս՝ զի և ոչ որ սուրբ և անապակ մեասցէ յարկածից. այլ նորա քաջապէս

կենցաղավարեացին՝ ըստ Հոմերոսին, որոց բախոք յերկաթանցիւր եւ կողմն ածեալ բերեցին :

Քանզի էին Եմիլիայ ուստեղք չորք . երկուքն՝ Սկիպիոն եւ Փաբիոս որպէս ասացաք՝ բնակէին յայլոց տունս . իսկ որք 'ի տան նորա՝ պատանեակք երկու ծնեալ յերկրորդ կնոջէն, առաջինն՝ հինգ աւուրքք յառաջ քան զհանգէս յաղթանակին՝ մեռանէր ամաց չորեքտասանից . իսկ երկրորդն երեք աւուրքք զինի՝ մեռանէր ամաց երկոտասանից : Ուստի եւ առհասարակ ախտակիցք նմա 'ի քաղաքին՝ Թախծէին ընդ անագորոյն բախտն, որ ոչն խոր շեցաւ յայնչափ սուգ համակել զտունն զայն երանութեամբ լի եւ խնդութեամբ եւ ապանդիւք զոհից . եւ առեալ խառնեաց զկոծ եւ զարտասուաց առուան ընդ նուազս յաղթութեն եւ ընդ յաղթանակին փառս : Յայսր ամենայնի վերայ ողջախոհ մտածութեամբ առաքինացեալ Եմիլիոս, զի արութեանս պէտք են մարդկան ոչ ընդդէմ տիգաց միայն եւ զինուց լծնամեացն, այլ եւ ընդ ազգի ազգի գիմամարտութեանց բախտին, քաջապէս ժուժկալեալ 'ի խառնութեան ներհակացն կրից, եւ զյոռիսն քօղարկեալ ընդ բարեօքն եւ զառանին տուգանսն ընդ հասարակացն շահու, ոչինչ խրթնացոյց զչուք փառաց յաղթութեանն : Այն ինչ տուեալ հողոյ զառաջին զաւակն, գալձաւ նա 'ի հանգէս յաղթանակին իւրոյ . ապա նորա մեռեալ եւ երկրորդ զա-

ւակն յետ հանգիտին՝ 'ի մի վայր խմբեաց
զքաղաքն . խօսեցաւ ոչ իբրեւ որ կարօտեալ
իցէ մխիթարութեան բանից, այլ որ ինք-
նին մխիթար քաղաքայնոցն մատուցէ՝ որ
'ի խոր խոցեցան ընդ արկածն նորա . և ա-
սէր՝ 'ի մարգկայնոց առաի երգէք ոչ զան-
գիտել, իսկ յաստուածայինսն ցանգ խի-
թալ նմա՝ 'ի բախտէն՝ իբրու որ անհաւատա-
րիմ յոյժ իցէ և բազմագումակ . որ զի և 'ի
մեծի պատերազմին՝ բախտն ինքնին իբրեւ
հողմն գեղեցիկ յաջողակ՝ այնպէս նահա-
տակեցաւ 'ի գործն, ցանգ գէտակն կա-
լեալ գարձադարձ փոփոխութեանն :

“Քանզի զմի օր՝ ասէր Եմիլիոս՝ հատեալ
զՅոնիականն 'ի Բրենդետեայ եկի հասի 'ի
Գերկիւրա . անդուստ յաւուրն հինգերոր-
դի զոհ զոհեալ 'ի Դեղփիս, զաւուրո այլ
հինգ ժամանեցի 'ի Մակեդոնիա 'ի զօրա-
վար բանակին . անգ զսովորականն մեր կա-
տարեալ սրբութի և ձեռնամուխ 'ի գործն
եղեալ զաւուրս հնգերասանն՝ քաջաբար 'ի
գլուխ տարայ զմարտն : Ապա յերկուա-
ցեալ խիթայի 'ի բախտէն, զի այնպէս գե-
ղեցիկ ցայնվայր յաջողեաց ինձ . և քանզի
և երկիւզ և վտանգ չէր այլ ուստեք այ-
նուհետեւ 'ի Թշնամեաց, 'ի նորա փոփո-
խութենէն զանգիտէի . առաւել ևս յոր-
ժամ նաւագնաց գայի առ ձեզ ածեալ
բանակ մեծ յաղթական 'ի փառս, և կա-
պուտ կողոպուտ, և արքայս գերեալս :
Այլ աւագիկ ողջանդամ հատեալ այսր,
և զքաղաքդ տեսեալ ցնծութեամբ լի և

երանութեամբ և պաշտօնատար զոհից, հա՛մայն և տփալէս ոչ գաղաղեցայ խիթալ 'ի նմանէ, որ ոչն բաշխեաց երբէք մարդկան մեծամեծս՝ սուրբ և անխառն 'ի նախանձութեն : Իսկ զարգիս 'ի ծփանաց սրտի ընդ հանդերձեալ արկած քաղաքիդ անդորրացայ, յանձն իմ առեալ զառտնին աղէտն՝ մի զհեա միոյ յաւուրս նուիրակեանս հոգոյ զիմ որդեակսն տալով զքաջաւոյդ պըն՝ որ զիսն ունէին պայազատել : Արդ ես աւագիկ անկասկած 'ի մեծաց արկածից՝ հաւատամ անդրժեղի մնալ հասարակաց մեր երանութեանս . իբրեւ շատ իսկ փոխարինեաց նա զնահատակութիւնս մեր 'ի կէրտառ անին աղէտից . օրինակ անստուեր մարդկան տկարութեան՝ 'ի ներքս զյաղթանակողն ընծայելով և զյաղթանակեալն միանգամայն . բայց զի Պերսէոս պարտեալն ունի տակաւին զիւր որդեակսն, իսկ Եմիլիոս որ պարտեացն՝ զերկ է 'ի նոցանէն :

Չայսօրինակ գեղեցիկ և քաջ տանն՝ խօսեալ Եմիլիոսի յայնժամ ճշգրիտ և անխաբ խորհրդով : Բայց նա թէպէտ և մեծապէս ախտակցէր ընդ հիգութիւն Պերսէոսի և քաջ հետամուտ օգնել նմա, ոչ ինչ արտփանո բաւէր տալ նմա . այլ զի 'ի տանէ բանտին առեալ փոխեաց զնա 'ի յարկ վայելուչ և 'ի մարդատիրադոյն ևս քաղաքափարութիւն կենաց . յորում վայրի 'ի գիպահոջ կացեալ նա՝ ինքնին հրաժարեալ 'ի կերակրոյ՝ որպէս բաղմադոյնք պատմեն՝ այնպէս անսուտութեամբ վճա-

բերաց զկեանսն : Իսկ կէդք՝ նորանշան և մասնաւոր պատմին զմահն նորա . քանզի գրգռեալ ընդ նմա՝ որպէս ասեն՝ պահապանք նորա և գժգմեակք, և չխարացեալ այլազգ չարչարել զնա, խորհուրդ խորհեցան զքունն հատանել յաչաց նորա . 'ի ննջել նորա՝ փոյթ 'ի մէջ առեալ զամենայն հնարէին ցանգ ընդոստոցանել զայլն 'ի քնոյն և 'ի տքնութեան զորհանապաղ պահել զնա, մինչև հուսկ ապա իսպառ վատեալ 'ի զօրութենէն՝ այնպէս մեռանէր Պերսէոս : Մեռաւ և գուտար նորա, և մի յորդոցն նորա . իսկ երրորդն՝ Սգեքտանգրոս անուն՝ որպէս ասեն՝ մեծապէս յաջողաձեռն 'ի գործս ճախարակաց և 'ի գրուադա, վարժեալ գեղեցիկ 'ի գարութիւնս և 'ի բարբառ Հռոմայեցւոց՝ կարգեցաւ ատենադպիր աւագանւոյն, յորում պաշտաման գտաւ նա այր յաջողակ և շղոյս :

Իսկ 'ի Մակեդոնեան նահապառկութիւն Եմիլեայ՝ շնորհս մարգասիրագոյն առ ժողովուրդն գրեն զնորա, թէ այնչափ մթերք գրամոց 'ի ձեռն նորա կուտեցան 'ի գանձ արքունի, զի և պէտք չեղէն հարկս հարկանելոյ ժողովրդեանն մինչև 'ի ժամանակս Իրոտիոսի և Պանսայ՝ որ կարգեցան հիւպատոսք յառաջին մարտի Արտոնիոսի և Կեսարու 7 : Առ այս՝ և ականաւոր գտաւ Եմիլիոս, զի թեպէտ և այնչափ յարգեալ և գգուեալ 'ի խուժանէն, ցանգ կուտակից գտաւ նա աւագաբետութեանն . և չասաց նա ինչ և չգործեաց ինչ մի 'ի մարդահա-

Ճեւ զխուժանն . ոյր աղագաւ յետ ժամա-
նակաց կշտամբէր Ապպիոս զԱփրիկանոս
Սկիպիոն : Քանզի արք աւագք գոլով սղբա
յայնժամ 'ի քաղաքին , միանգամայն հե-
տամուտք եղեն յաւագութիւն համարա-
կալի : Ապպիոս 'ի Թիկունս իւր առեալ
զՍինկղիստան և զաղատորեարն (զի այս էր
հայրենի քաղաքաւարութիւն Ապպեանցն) .
իսկ Սկիպիոն՝ Թոզ զաւագութիւն անձինն՝
խնդրէր նա ցանդ ճոխանալ և 'ի մտերմու-
թենէ խուժանին : Արդ 'ի հրապարակ ե-
կեալ երկոքին նոքա , տեսեալ Ապպիոսի
առննթեր Սկիպիոնի արա ոմանս ժառա-
տոհմիկս և 'ի ծառայից կարգէն , սակայն
վարժք 'ի ժողովս հրապարակաց և հզօրք 'ի
խուժանին և ձեռնհասք աղագակաւ յա-
մենայնի լինորդութիւն աւագութեանց ,
մեծածայն գոչեաց Ապպիոս . " Ո՛վ Պա-
ղէ Եմիլիէ , աղէ գու յոգւոյ հան 'ի ներ-
քուստ հողոյ , լուեալ զի զքոյ որդին 'ի հա-
մարակալութիւն ամբառնայ Եմիլիոս ոմն
մուսնեալիկ , և լիկիննիոս ոմն բանակալի " :

Այլ Սկիպիոն 'ի մտերմութեան էր ժռ-
դովրդոց , զի յարգէր զնոսա . իսկ Եմիլիոս՝
թէպէտ և 'ի կողմն աւագանւոյն՝ սիրէր 'ի
խուժանէն ոչինչ պակաս քան զմարդե-
լոյզս նորա . և քաջայայտ է 'ի շուք աւա-
գութեանցն՝ զոր ետուն նմա ժողովուրդք .
և զի և համարակալ ևս կարգեցին զնա , իշ-
խանութիւն սուրբ և նուիրական և աւա-
դամեծար քան զամենայնն , և իշխան է նա՝
հանգերձ այլովք՝ և 'ի քննել գատել ըզ-

քաղաքապետութիւն կենաց մարդոյ : Քան զի իշխան են համարակալքդ՝ և 'ի Սինկդի-տոսէ անտի 'ի բաց հանել զայր խառնա-կրօն , և գրել գասել 'ի նմա զայր առաքի-նի . և իշխան են նոքա՝ յանժուժկալ երբ-տառարգաց զերիվարն 'ի բաց հանել և նշա-ւակել . և ոստիկան են նոքա սակ կարգել իրաց և աշխարհագիր առնել : Եւ յայն-ժամ առ համարակալութեանն Եմիլեայ աշխարհագիր եղև մարդկան երեսուն և ե-րկից բիւրուց և եօթն հազար և չորեքհա-րիւր և յիսուն և երկուց . և կարգեաց նա Սինկդիտոսին նախաթոռ զՄարկոս Եմի-լիոս Լեպիդոս , որ և չորիցս 'ի նոյն առա-դութիւն ամբարձեալ իսկ էր . և 'ի բաց հան 'ի Սինկդիտոսէն զերիս 'ի ծերոցն՝ որ չէին յականաւորաց անտի . իսկ 'ի քննու-թեան ասպետացն՝ խնայօրէն վարեցաւ իւր-րու զՄարկոսն Փիլիպպոս հռովմեան նորա :

Իսկ յետ այնորիկ իբրև յաւազութեանն յայնմիկ գեղեցկապէս վարեաց և կարգեաց բազում ինչ և մեծամեծս , անկաւ 'ի հի-ւանդութիւն գժնգակ զառաջինն՝ այլ առ յառլայ անվտանգ , թէպէտ և գժուա-րին և գժոխըմբեր : Ուստի և 'ի բժշկացն խորհրդոյ նաւեալ նա յԵղէտո Իտալիոյ , անգանձօր դադարեալ նստաւ հարուստ մի ժամանակ 'ի ծովափնեայ և յանդորրաւէտ ագապական : Բայց անդուստ հռովմեայեցիք անձուկ ունէին առն , և 'ի Թատերս բա-զում անգամ՝ իբրու աղերս արկեալ՝ ցան-կային միւսանգամ տեսանել զնա : Իբրև

աւուրք զոհադործութեան 'ի վերայ հասանէին՝ յորում հարկ էր դառնել նմա, և ինքն յուժի կայր 'ի հիւանդութեանն, դարձաւ 'ի Հռոմ և կատարէր զըզն ընդ այլոց քահանայից 'ի ցնծութիւն մեծ ժողովքոցն խոնելոց: Իսկ յաւուրն երկրորդի զոհեալ միւսանգամ գից վասն փրկութեան անձինն, և կատարեալ զըզն և դարձ 'ի տուն իւր արարեալ և ընկողմանեալ, մինչև փոփոխութիւն զգացեալ յանձին 'ի խօթութենէն, զգայազիրկ եղեալ և խեղազիրկ, այնպէս յաւուրն երկրորդի մեռանէր 8. ողջ և անվթար ժառանգեալ զբրանականսն զամենայն:

Քանզի և գիտհանք նորա սքանչելի գլուաւ և աւագամեծար, փառս յառաքել նութիւն առնն յաւելեալ պերճ և երեքերանեան յուզարկաւորութեամբ. ոչ յուկի համակեալ և ոչ 'ի փղոսկր և ոչ յայլ ինչ հանգերձանս բազմակատարս և մեծափառս, այլ 'ի մարդասիրութեան կիրս և 'ի արիւտուր պատուոյն և 'ի խորհուրդս մտերիմս և ըզձակերտս՝ զոր 'ի ներքս բերին նմա [Թշնամիքն անգամ, Թող զքաղաքայինսն: Քանզի և որչափ ինչ յիբերացւոց անտի և 'ի Լիգիւսացւոց և 'ի Մակեդոնացւոց ըստ գիպաց դտան յայնժամ 'ի քաղաքին, որք առաւել աւոյգն էին 'ի նոսա և կորովք՝ մտեալ և նղբա ընդ դազադան այնպէս 'ի միասին բարձեալ տանէին. իսկ ծերագոյնքն 'ի նոսա յուզարկաւորք եղեալ, բարերար և փրկիչ հայրենեացն կարգային

զԵՄԻՐԻՈՍ : Քանզի ոչ 'ի ժամանակսն միայն՝ յորա տիրապետեաց , հեղադոյնս և մարդասիրադոյնս ընծայեաց նա զանձն առամենեմին , այլ և բնաւ իսկ զամենայն ժամանակս կենաց իւրոյ ցանգ բարեգործեալ՝ սատար եղև նոցա իբրու ընտանեաց իւրոյ և ազգակցաց : Այլ զինչս նորա հաղիւ ասեն լեալ երեսուն և եօթն բիւրուց գրամակընց , որոց ժառանգս եթող նա զերկուս որդիսն . բայց կրտսին Սկիպիոն զամենայն միանգամայն շնորհեաց ունել եղբոր իւրում . քանզի և բնակեալ իսկ էր նա որդէգրութեամբ 'ի տուն բաղմահալուստ Ափրիկանոսի :

Այսպիսի ինչ ասեն լեալ զվարս և ըզկենցազն Պաւղոսի Եմիւրիոսի :

ԶՈՒԳԱԿԱՌՈՒԹԻՒՆ

ՏԻՄՈՂԵՒՈՐԴԵԱՅ

ԵՒ

ԵՄԻԼԻՈՍԻ ՊԱՒՂՈՍԻ

ԼճԻ աշապիսի ինչ գոլով սոցա ըստ պատմութեանն, քաջայայտ է՝ եթէ չկը ընդ սոսա շատ ինչ տարբերութիւն և ան նմանութիւն՝ ի գուգակշռութեան ընդ մի մեանս։ Քանզի մարա պատերազմի մղեցին երկողին նոքա ընդ մեծամեծս և ընդ փառաւորս. մին՝ ընդ Մակեդոնացիս, և միւսն՝ ընդ Վարքեդոնացիս։ Դարձեալ և յաղթութիւնք նոցա գերահռչակք. քանզի Եմիլիոս ընդ բռամք նուաճեաց զՄակեդոնիս, և լռեալ գազարեցոյց զպայազատութիւնն Մնտիգոնոսի յարքայն Եօթներորդ. իսկ Տիմոլեոնդ միանգամայն զսմենայն բռնաւորութիւնսն եբարձ ջնջեաց ի Սիկիլիոյ, և յազատութիւն առհաքաբակ փոխեաց զՎղզին։

Բայց թէ ումիք կամք իցեն արդեօք 'ի պայքար մտանել, եթէ Եմիլիոս մարտ եղեալ կռուեցաւ ընդ Պերսէոսի՝ յորժամ հզօրացեալ էր նա և Հռոմայեցւոց յաղթական : Իսկ Տիմոդեւոնդ ընդ Դիոնիսեայ՝ որ յայնժամ գլխովն վատեալն էր և անկեալ յաւոյ :

Դարձեալ և 'ի ջատագով Տիմոդեւոն՝ գեայ պայքարեացի ոք, եթէ նա բռնաւորս բազումս և զմեծ զօրութիւնն զկարգեգոնացւոց նկուռն արար Վալասվաթին զօրականօք . ոչ իբրու զԵմիլիոսն՝ արս ընդ ձեռամբ ունելով քաջամարտիկս և վարժս և հրահանգս, այլ վարձկանս ոմանս և անհրահանգս 'ի զինուորութեան, և որք ըստ հաճոյից կամացն 'ի նոյն բնաւորեալք էին : Քանզի զհաւատար նահատակութեանս նահատակել անհաւատար հանգերձանօք, այս քաջութեան զօրավարին է :

Արդ երկոքին նոքա միանգամայն նքք և մաքուրք և արդարք կացին 'ի գործս իւրեանց : Այլ Եմիլիոս թուի թէ յօրինաց անտի է 'ի հալոսներացն իւրոց այնպէս անգլխալին 'ի սկզբանէն հրահանգեալ միեցաւ 'ի գործն . իսկ Տիմոդեւոնդ անձամբ զանձն այնպիսի 'ի ներքս ընծայեցոյց : Եւ վկայէ բանիս, զի Հռոմայեցիք առհասարակ 'ի ժամանակին յայնմիկ քաջապէս հրահանգեալ էին, և հպատակեալք սովորութեանց իւրեանց, և մեծապէս պատկառ կային օրինաց իւրեանց և քաղաքացեաց : Բայց 'ի Հելլենացւոց եղև և ոչ ոք

յառաջնորդաց կամ 'ի զօրավարաց, որ եկեալ հասեալ 'ի Սիկիլիա ոչ ապականեաց զձանապարհ իւր, բայց 'ի Դիոմիէ: Թէպէտ և բազումք կասկածեն, եթէ և Դիոմի ինքնին զմիապետութեան թեկն ածէր, և արքայութի իմն Լակոնացի յերազէր հասեալ անգանոր: Իսկ զՏիմէոս և զԴիւքիպպոս ասեն անխառնակ և անարգարար յետս յղել Սիրակուսացւոց, 'ի վերայ կացեալ արծաթսիրութեան նոցա և ընչաքաղցութեան 'ի զօրավարութե իւրեանց: Այլ թէ Փարակէս Սպարտացի և Կաղիպպոս Աթենացի՝ յոյս 'ի մօտ եգեալք իշխել Սիկիլիոյ, անխաւեալք հարստահարեցին և ուխտագրութք դտան, զայս բազումք պատմեն 'ի մատենագրաց: Բայց սակայն ոյք ոմանք էին գղթա, կամ թէ որ այն էր տէրութիւն 'ի ձեռս նոցա, զի յոյս այդպիսի 'ի միտս անկցի գոցա. քանզի Փարակէսդ այդ սպասահարկու եր Դիոմիսեայ՝ յորժամ հալածեալ վտարեցին ըզնա Սիրակուսացիք: Իսկ Կաղիպպոսդ առ Դիոմիսի մի էր 'ի զօրապետաց անտի եկաց զօրականին:

Այլ Տիմոզեւոնդ ինքնակալ զօրավար յղեալ Սիրակուսացւոց 'ի խնդրոյ նոցա և 'ի հայցողածոց, և որում հասանէր՝ ոչ 'ի խնդիր ելանել զօրաց, այլ առ ձեռն կազմ ունել զնոսա և ինքնակամս և մտադիւրս, կէտ նպատակի իւրում զօրավարութեանն և իշխանութեան եգ առաջի գլխել և ըզքայքայել զանօրէն բռնաւորացն:

Բայց այն դեպքերն է Եմիլիոսին, զի զայնպիսի արքայութիւն հիմն 'ի վեր տապալեալ, և ոչ գրամակշուով միով չափ առնեցոյց զգոյս իւր . և ոչ յակն անգամ արկանէր, և ոչ մտեր մերձենայր երբէք յարծաթն, թէպէտ և բազումն տալոյ այլոց և բաշխէր պարգեւ : Այլ չասեմ՝ եթէ բամբասելի իցէ Տիմոզէւոնդ, զի տուն գեղեցիկ յանձին կալաւ և ազարակ : Քանզի ոչ եթէ առնուլն յետ այնչափ միջանայն առնարդ ինչ իցէ, այլ չառնուլն լաւ եւ է . և լրումն առաքինութեան է՝ 'ի վայելչականն անգամ անկարօտ զանձն ընծայել : Եւ զոր օրինակ՝ քան զմարմինն բաւական 'ի ժուժկալել յրադոյն կամ ջերմին, կորուվողոյն եւ է մարմինն՝ որ առ երկաքանջուր եւ այլայլութիւնն միանգամայն հաւատար քաջութեամբ բնատրեալ իցէ . տապէս և հոգւոյն անապակ քաջողութիւն և զօրութիւն այն է, զոր ոչ բարեբաասութիւնն ըմբոստութեամբն գրգեալ մեղեցուցանէ, և ոչ արկած աղէտիցն երբէք նկուն տունէ :

Կատարեալ առաւել զանձն 'ի ներքս ընծայեաց Եմիլիոս, զի 'ի գժնդակ յայն գէպսն և 'ի կիրոս մեծամեծս մահու զաւակացն՝ ոչ գուղնաքեայ ոք և ոչ անփառունակ ոք երեւցաւ, քան 'ի բարեբաասութիւնս իւր : Իսկ Տիմոզէւոնդ գեղեցիկ քաջութեամբն հատակեալ առ եղբայրն, ոչ ընդգէմ եկաց կրից թաղծութեանն՝ հանճարով բանին, այլ ապաշաւանդն և

տխրութեամբն նկուն եղեալ, զամս քսան
ոչինչ հանդուրժեաց տեսանել զբեմն և ըզ-
հրապարակն : Ապաքէն 'ի վատթար բանից
պարտ և արժան է փախչել և զամս(թի հաբ-
կանել, սակայն և առ ամենայն անխառու
թիւն հեշտընկալ լինել՝ պարզ և համբոյր
բարոյից է, այլ ոչ մեծախորհուրդ ոգւոյ :

ԾԱՆՕԹՈՒԹԻՒՆՔ

1. Այս յառաջաբան՝ Թուի ինձ՝ ի Պուտարբեայ կարգեալ ի սկիզբն Յիմոդեւոն գեայ վարուցն, որպէս յառաջ ընթացեալ ի բանսն՝ իմաստասիրեսցէ որ:

2. Քանզի Յն. Αἰμύλος նշանակէ՝ Քաղցրաբարբառ:

3. Պուտարբ ի Յն. գնէ Κάλσιον. քան զի և Ալիարեոն Յունաց չունի՝ Չկամ ջ:

4. Ի աղանդն Սկեպտիկեանց:

5. Չերևին այժմ ի ժրի, ոչ այս գիրք պատմութեան Պոդիւբիոսի, և ոչ այս նա մեկ Նասիկասայ:

6. Արդեօք հնչեսցեն ականջք ընթերցանեւեացն՝ զայնչափ նուազութիւն լըուեալ զանկեւոցն հռոմայեցոց յայնպիսումն ահագին և արիւնայեղջ մարտի, զոր նկարագրեաց Պուտարբ: Թուի թէ և Պուտարբոս վասն այնորիկ ինքն չասէ զանհաւատարի զթիւն, այլ երաշխաւոր զայս կացուցանէ հաշուին այնորիկ:

* Տես զայսմանէ ընդգէմ Պուտարբեայ ի Լիւկուրգոս. Ծան. 11. և այլուր ևս ի Ծանօթութիւնս:

7. Եւ գումարի այս ժամանակ իբրեւ հարիւր և քսան և հինգ ամաց:

8. Եւ մեռաւ Եմիլիոս ի հասակի ամաց վաթսուն և ութից:

Պ Լ Ո Ւ Տ Ա Ր Ք Ե Ա Յ

ԶՈՒԳԱԿԱՆՈՒԹ

Պ Ե Ղ Ո Պ Ի Դ Ե Ա Յ

ԵՒ

ՄԱԿԵՂՂՈՍԻ

ԳԵՂՈԳԻԴԵՍ

ԼՍԱՏՈՎԱՆ երէց լուեալ երբեմն 'ի գո-
վելթիւն առնուլ զայր դք՝ որ անհանձա-
րաբար գիմագրաւեալ՝ յանդուգն շահա-
տակէր 'ի մարտս, ասէր՝ եթէ “ Բաղմբ
տարբերեալ է՝ արժանապատիւ զքաջու-
թիւնն համարել, և ոչ արժանապատիւ՝
զկեալն “ : Եւ ուղղապէս բարդառեցաւ
նա : Ըստ որում և առ Անտիգոնոսիւ զօ-
րական ոմն յանդուգն շահատակ՝ այլ վե-
տիտ անձամբ և ախտակիր մարմնով, հար-
ցեալ արքային զպատճառ գեղնութեան
գիմացն, խոստովան եղև այն՝ ախտ ինչ ու-
նել 'ի ծածուկ : Ապա մարգասիրեալ ար-
քայն պատուէր տալոյ բժշկացն օգնել նմա,
և զամենայն փոյթ խնամեց և զգարման 'ի
ներքս մատուցանել նմա : Իբրև այնպէս ա-
պաքինեալ բժշկեցաւ այն, չէր նա որ-
պէս յերեկն և յեռանդն գիմագրաւ 'ի

վտանգսէ չահատակ յառաջագէմ 'ի մերց մռնա, զի և Անտիգոնոսի ինքնին կշտամբել զնա և զարմանալ ընդ փոփոխութիւն : Սակայն ոչ ծածկեաց այրն զպատճառն, այլ տակ . "Դու ինքնին մի թագաւոր անարի գործեցեր զիս, ազատեալ զիս 'ի չարեաց անտի՝ որով անխոյթ առնէի ես ըզկենաց խնոց" :

Եւ թուի թէ՝ առ այս և Սիպարացի որ այր ասասցէ վասն Սպարտացւոց՝ եթէ ոչ 'ի մեծաց ինչ չարեաց համարէին նորա զմեռանելն 'ի մարտի, ազատացեալք նո՞վաւ 'ի բազմագէմ քրտանց և 'ի խտամբեր. կենացն : Այլ սակայն բնաւորական իցէ արգելք Սիպարացւոց. իզացելոց 'ի գրգանս և 'ի փափկութիւնս՝ կարծել եթէ որք միանգամ յառաքինութենէն բերեալք և ցանկացեալք փառս ժողովն գել՝ 'ի մահուանէ չերկնջին, ասեցին նոքա և զկեանսն գլխովն : Սակայն լաւեղեմնացւոց սիրելի էր միանգամայն և կեալն և մեռանելն, բայց զի միայն առաքինաբար նահատակեացին յերկաբանջիւղսն յայնտիկ . ըստ որում քաջարայտ կայ 'ի Դամոքանականէն յայնմանէ, որ ունի այսպէս . "Սոքա մեռան. սակայն ոչ ըզկեալն համարեցան գեղեցիկ, և ոչ գարձեալ զմեռանելն. բայց թէ յորժամ երկաբանջիւր նորա գեղեցիկ առաքինութիւն պատկեացին" : Քանզի այսպանելի չէ արգելք փախել 'ի մահուանէ, յորժամ որ ցանկացեալ իցէ առաքինաբար կենացն . և

ոչ գարձեալ գովելի է գիմագրաւ 'ի մահ լինել, յորժամ արհամարհ ունիցի ըզ կեանան : Վասն որոյ և Հռմերոս ինքնին ցանդ զիւր նահատակն զկորովին և զքա ջամարտիկս՝ յասպարէզ հանէ 'ի զէն 'ի զարդ գեղեցիկ վառեալ : Եւ օրէնագիրքն Հելլենացոց պատուհաս 'ի վերայ կապին առն՝ որ ասպարէնկէցն իցէ, այլ ոչ՝ որ զսուրն կամ զնիզակն լքցէ . յայտ արարեալ զի այր աք՝ քան զվնասել [Թշնամոյն] զան ձին պաշտպանութիւն նախապատիւ աւրասցէ . և առաւել ևս՝ որ միանգամ քաղաքի կամ բանակի առաջնորդ կացեալ իցէ : Քանզի եթէ (որպէս գեղեցիկ բաժանեաց Իփիկրատես) հետևակազօրք [Թեթևազէնք՝ ձեռք և բազուկն են բանակին, և այրուձին՝ ոտք նորա, և փաղանդն՝ լանջք են նորա և խրան, իսկ զօրավարն՝ գլուխ է նորա . որ եթէ երբէք յանգուզն գիմագրաւ ելլէ 'ի վտանգն, անփոյթ ուրեմն իցէ նա թչ վասն անձին միայն, այլ և առհասարակ վասն նոցա՝ որոց փրկութիւնն 'ի նա ինքն հաստատեալ իցէ . գարձեալ և ներհակաբար :

Ուստի և Վալլիկրատիդէս՝ Թէպէտ և աւագ այր՝ չեա բարեղք զպատասխանին առ գուշակն որ ասէր նմա զգուշանալ 'ի մահուանէն՝ զոր սպանդքն ցուցանէին . զի պատասխանի արար . “ Չէ Սպարտիա 'ի մի այր հաստատեալ ” : Քանզի Վալլիկրատիդէս՝ Թէպէտ և 'ի կռուել խրում և 'ի նաւելն և 'ի զնուորելն ընդ այլոց ձեռամբ՝

մի ոք էր, տակայն 'ի զօրավարութեանն՝ յիւրում անձին ամփոփեալ ունէր առհասարակ զայլոցն զօրութիւն. զի և չէր իսկ այնուհետեւ մի՛ ընդ որում 'ի մահ մեանդամայն մատնէր և ամբարտութիւն զօրականին: Քաջիկ ևս երէցն Անտիգոնոս, յորժամ նաւամարտիկ հանդերձեալ էր լինել մօտ յԱնգրոս, առն՝ որ բազմազոյն տակեր զլծնամեացն նաւս, տայր պատասխանի. " իսկ դու զեմ անձն քանի՞ն նաւաց ասես արժեւ": Եւ բանիւզ մեծազէն յարդէր զաւարտութիւն զօրավարի՝ որ զհմուտութիւն և զաւարդինութիւնն մերձ իւր տնիցի, առաջին գործ ունելով պահել զնա՝ որ պահէն առհասարակ զամենայնն: Եւ վասն այնորիկ՝ յորժամ Քարեռէս առեալ ցուցանէր Աթենացւոց զպիտ մեքացն և զասպարն ևս տիգաթաց, գեղեցիկս բարբառեցաւ Տիմոթէոս. " Եւ ես ինքնին մեծապէս զամեթի հարայ, 'ի պաշարման անդ Սամոտացւոց մօտ ինձ անկանելով վիշնին. քանզի գիմադրաւ եղէ իբրեւ երէտասարդ յանգուգն, անարժան զօրավարի և առաջնորդի մեծի բանակին". Քանզի ուր շահ մեծ 'ի ներքս բերցէ վասնդեւ զօրավարին, անգանձօր պէտք են նմա անխնայ գիմադրաւ 'ի գործն լինել. ոչինչ ունին մատուցեալ որոց ասենն՝ եթէ քաջի զօրավարի առ 'ի ծերութենէն մեռանել 'ի գէպ իցէ, կամ թէ 'ի ծերացեալ հասակի: Իսկ ուր գուզնաքեայ իցէ շահն 'ի յաջողել իրացն, և զեան մեծապէս՝ 'ի ճյա-

Զողեն, ոչ ոք յայնժամ 'ի զօրավարէն ըզ-
սոսկական զինաւորին պահանջեացէ զդործ
վտանգաբեր զօրավարի :

Եւ արդ մեք զայսոսիկ 'ի գէպ համարե-
ցաք կանխաբանել 'ի վարան Պեղոպիդեայ
և Մարկեղղոսի, զորոց առեալս եմք 'ի գրեւ-
ղի երկաքանձիւր գոքա աղք աւագք՝ անհան-
ճարաբար գիմագրաւեալք 'ի մահ վարե-
ցան : Քանզի կորովիք յոյժ գոլով ողբա 'ի
մարտի և յալթարազուկք, և պսակեալ
զիւրեանց հայրենիան գեղեցիկ նահատա-
կութեամբք : և թշնամիս մեծամեծս 'ի
պարտութիւն մատնեալ, մին առաջին՝ որ
պէս պատմեն՝ հարեալ խորտակեաց զԱն-
նիբազ զանպարտելի. և միւսն 'ի ճակատա-
մարտի պարտեաց զլակեգեմոնացիս՝ որ
յայնժամ միանգամայն ծովու և ցամաքի
տիրացեալ էին : Իսկ յետ այնորիկ ոչինչ
խնայեալ նոքա յանձինս՝ անխորհրդա-
բար 'ի կշիռ եգին զկեանս 'ի ժամանակին՝
յորում մեծապէս պէտք էին կենաց նո-
ցա և զօրավարութեանն : Ուստի և միմեանց
նմանողութեանն զհետ գնացեալ մեր, զու-
գակշիռ կարգեցաք զվարս գոցս :

Պեղոպիդէս խապովկոսի որդի՝ էր 'ի
թեքայ 'ի հոյակապ զարմէ իբրու զԵպա-
մինոնգասն : Սա 'ի բազմահարուստ տան
մնեալ, և պատանի տակաւին՝ ժառանգ-
կացեալ մեծաշուք և ընչաւէտ ազգատոհ-
մի, նպատտ լինէր կարօտելոցն և խնամա-
կալու. յայտ տրարեալ եթէ անշուշտ տեք
է ընչեցն, և ոչ ծառայ : Քանզի բազում

այն են 'ի մարգկանէ՝ որպէս Արիստոտել
ասէ՝ որ կամ առ ճգճիմ բարոյիցն 'ի գործ
զինչան չվարեն, կամ թէ շուայու թեամբն
չարաչար վարեն. վերջինքդ՝ ցանգ գերի են
գրգանաց, և առաջինքդ՝ արծաթափու
թեան: Արդ՝ թերայեցիք առհասարակ
վայելեալք 'ի մարգասէր առատաձեռնու
թիւնն Պեղոպիդեայ՝ շնորհս մեծապէս ու
նէին նմա. սակայն յամենայն բարեկամս
նորա միայն Եղամինոնգաս երբէք յանձին
չխաւառու ինչ 'ի նմանէ. և ինքնին
Պեղոպիդէս հանգուանափայ աղքատու
թեանն Եղամինոնգեայ յարգարեաց զան
ձըն, և մտադիւրագոյնս նմանող լինէր նմա
յանպաճոյճ հանգերձն և 'ի սակաւապէտ
'ի կեանսն, յանխոնջելի վատական և յան
խարդախ պարծանս 'ի զինուորութեանն
մարտս: Ըստ որում առ Եւրիպիդեայ Կա
պանէտոն այն՝ որ թէպէտ և ընչաւէտ յոյժ,
երբէք ընչաւետութենէն ոչ փքանայր:
Նա՝ և զամբի հարկանէր Պեղոպիդէս, եւ
թէ երբէք վասն տնձինն աւելի ինչ ծա
խէր քան զայր մուրիկ թերայեցի: Այլ
Եղամինոնգաս զաղքատութիւն իբրեւ հայ
րենի ժառանգութիւն կալեալ, 'ի ձեռն
խմատասիրութեանն հեշարնկալ և փոքր
գի առադրեաց ամուրի միակեցիկ քաղա
քավարութեամբ՝ զոր ընտրեաց անձին իւ
րում: Բայց Պեղոպիդէս պայծառ հար
սանեացն ասպնջական, և որդիս ևս ծնեալ,
'ի վերայ այսր և ոչինչ պակաս ընչատեաց
էր նա. և զօրհանապաղ 'ի սպասուորու

Թեան քաղաքին. Թարթափեալ, ծախե-
ցան ինչք նորա : Ուստի և խրատառու բարե-
կամքն եղեալ նմա, իբրու ոչ գեղեցիկս
անխոյթ առնել նմա զկարեւորքն՝ զքն չուքն,
եւ ապառափանի. Օ՛ն և օ՛ն՝ կարեւոր աբ-
րեօ, Նիկոբիթայր այրմի. և մատնանիշ ցու-
ցանէր անգ զայր ոմն կազ և կոյր :

Բայց երկաքանչիւր նոքա բոյս բարուց
ունէին անկազից առ ամենայն առաքինու-
թիւն. այլ Պեղոպիդէս յաւէտ զբռանէր
'ի կրթանս մարմնոյ, և Եպամինոնդաս 'ի
հրահանգս հոգւոյն. ուստի և 'ի պարա-
պել նոցա՝ մին գեղերէր յասպարէզս ըմ-
բշաց և յորտա, և միւսն՝ 'ի լատեր իմաս-
տասիրութեան : Իսկ 'ի բազմագէմ և 'ի
փառաւոր նահատակութիւնս նոցա՝ ոչինչ
այնպէս արդոյ և պատուական տեսանէին
առջ քաջախորհուրդք, իբրու զի անպատին
'ի սկզբանէ մինչ 'ի կատարած յայնչափ
զինուորութիւնս և 'ի մարտս և 'ի վարչու-
թիւնս քաղաքին՝ միշտ անքակ կալան նո-
քա զբարեկամութիւնն և զսէր : Քանզի ե-
թէ ոք գէտալն կալլի 'ի քաղաքականու-
թիւնսն Արիտիգեայ և Թեմիստոկլեայ և
Կիմոնին և Պերիկլեայ և Նիկիասայն և Ադ-
կիբիսգեայ, որք երկպառակք այր յընկե-
րէն լի էին նախանձու և մախանօք ընդ-
գէմ միմեանց. և ապա անկառուց զարծ-
ցի 'ի սէր մտերմութեանն և մեծարանաց
Պեղոպիդեայ և Եպամինոնդեայ առ մի-
մեանս, իրաւամբք և ուղղապէս իշխանա-
կեցս և նիզակակեցս զսոսա ասացէ քան

Թէ՛ զնոսա, որք ցանգ 'ի վէգ եկին՝ զմի մեանս նկուս առնել, քան թէ՛ զԹշնամիան 'ի պարտութիւն մատնել:

Եւ էր պատճառք ճշգրիտ համաշնչութեան սոցա՝ առաքինութիւնն ինքնին. զի փառս ջննդբէին նոքա 'ի գործս իւրեանց և ոչ արծաթ, յորոց նախանձուսն միշտ բընաւորեցան կիրք խռովարարք և դժոխբութիւնք. այլ անգատին երկողքն նոքա աստուածային իմն գողցես ժառանգ սիրով, ոչնչ այլ՝ քան թէ՛ զհայրենեացն սիրեցին տեսանել զշինութիւն և զհարստութիւն 'ի ձեռն նոցա, ուստի և միմեանց զորավիգն 'ի նահատակութիւնն՝ այլ զընկերինն իւր համարէր: Այլ բազումք տեսն՝ տեսն և տեսն մտերմութեան գոցա սկիզբն ունել 'ի Մանտինեան զինուորութեանն. ուր նաքա կռուեցան մարտակիցք Լակեգեմոնացւոցն. զի յայնժամ գեռ ևս բարեկամք և նիզակակիցք էին նոցա Թերայեցիք, որք և գունդ 'ի Թերայէ 'ի Թիկունս առաքեցին նոցա յայնժամ: Քանզի երկողքն նոքա կարգեալք ընդ հետևակ զինուորաց՝ միմեանց առննթեր մարտ մղեալ ընդդէմ՝ Արկադացւոց, իբրև Լակեգեմոնացւոց Թենբեկանէր՝ ուր կային նոքա, և շատք յայնժամ 'ի փախուստ խուճապեցան, սոքա զգեալք զասպարա իւրեանց՝ այնպէս ընդդէմ կային բուռն յարձակման Թշնամեացն. ուրանօր Պեղոպիդէս վէրա եօթն առեալ 'ի մարմինն՝ նուազեալ անկանէր 'ի գիակոյտ բարեկամացն և Թշնամեացն: Իսկ յայն

Ժամ Եպամփնոնդաս՝ Թէպէտ և կարծեալ
ևս մեռանել Պեղոպիդէայ, եկեալ արձա-
նանայր առաջի պահպանել զգլխին նո-
րա և զգէնսն . մարտ եղեալ կռուէր միայ-
նակ ընդդէմ բազմաց, կամէր մանաւանդ
անդէն 'ի մահ տարածիլ, քան Թէ Թո-
ղուլ լքանել զգլխապատն Պեղոպիդէա :
Սակայն և Եպամփնոնդէայ անդէն խու-
ճապ տաղնապի 'ի վերայ հասանէր, տի-
դահար 'ի լանջն խոցեալ և սուսերահար
'ի բազուին . մինչև անդուստ Ագեափպոզէա
արքայն Սպարասացւոց 'ի միւս Թևոյն յօգ-
նութիւն հասեալ՝ զերկոսին միանգամայն
ապրեցուցանէր արտաքոյ յուսոյ ակնկա-
լութեան նոցա :

Եւ յայնմ հետէ Լակեդեմոնացիք՝ Թէ-
պէտ և բանիւ բարեկամս և նիզակակիցս
ունէին զԹերայեցիս, այլ արդեամբք խի-
թային ընդ պերճութիւն և ընդ զօրու-
թիւն քաղաքին այնորիկ : Եւ առաւել ա-
տելութեամբ էին նոքա ընդ կողմն Իամե-
նիտսի և Անդրոկղիդէայ, որոց և կուսակից
էր Պեղոպիդէա՝ իբրու ազատասէր ալր և
ռամկասէր . ուստի և Արքիւսս և Լէոնտի-
դաս և Փիլիպպոս արքա աւագպետականք և
ընչաւէտք և խիզախք 'ի խորհուրդս, 'ի
հաւան ածէին զՓիլիդաս Լակոնացի հան-
դերձ բանակաւ անկանել յեղակարծումն
Ժամու և ունել զՎագմիս, և 'ի բաց զհա-
կառակորդսն վանեալ՝ հնազանդել Լակե-
դեմոնացւոց զքաղաքն ընդ պետութեամբ
աւագորերոյն : Իբրև նա ունկնդիր եղեալ՝

'ի տանն Դեմետրեան յանակնեալ ժամուանկեալ 'ի վերայ Թերապեցւոյ՝ տիրացաւ գլեկին, Իսմենիոս ձերբակալ անեալ 'ի Լակեդեմոնիա, ոչ հարուստ մի ժամանակ 'ի վերայ անցեալ՝ ապանաւ: Իսկ Պերդուպեզէս և Փերոնիոս և Անգրոկղիզաս փախուցեալ ընդ այլոց բազմաց, գաղափարտեցան յաքսորս: Այլ Եպամոնոնգաս եկաց մնաց 'ի քաղաքին. զի և փոյթ ինչ չարաբին վասն նորա, խորու որ յիմաստասիրութեան պարապեալ՝ միջամուխ չէր, և աղքատութեամբն՝ անձեռնհատ 'ի գործ: Բայց Լակեդեմոնացիք 'ի բաց 'ի Փիբիդեայ առեալ զգորավարութին, տասն բիւր գրամակըռոյ տուգանեցին զայրն. 'ի վերայ այսր՝ և կալան նորա զԿադմիա և կարգեցին անգպահակերս: Ոյր աղազաւ և առհասարակ չելլենացիք հիացեալ էին ընդ նորանշան բանն, զի պատուհաս 'ի վերայ կաղեցին նորա գործողին, և միանգամայն հաւանեալք հաճեցան ընդ գործն:

Եւ այսպէս ապա զհայրենաստուր քաղաքաւորութիւնն կորուսեալ Թերապեցիք և Ծառայք Արքիասայ եղեալք և Լէոնտիդեայ, յոյս անգամ՝ ջմնաց նոցա ելս գտանել 'ի բռնաւորութենէն, որ ամրածածուկ 'ի տէրութենէ Սպարտացւոցն եղեալ նկուն առնել չէր հնար մինչև զծովուն տէրութիւն և զցամաքին բարձեալ 'ի Լակեդեմոնացւոց անտի: Բայց Լէոնտիդէս լուր առեալ զվտարանդեացն՝ բնակել յԱթէնս և սիրել լեալ ամբոխին և պատուեալ 'ի

լաւ որերոյն , որոգայթ 'ի ծածուկ լա-
րեալ՝ յէր անգր արա անծանօթա . որք
թէպէտ և զԱնգրոկղիզէս սպանին դաւով,
տակայն յայլոց անտի վերաբեցան նորա :
Նաև Լաղերգեմոնացիք նամականի տուեալ
առ Աթենացիս , պատուիրէին մի ժողո-
վել զվարանդիսն և մի գրգռել զնոսա ,
այլ իբրև հասարակաց թշնամիս նիզակակ-
ցաց հալածել զնոսա : Բայց Աթենացիք՝
բաց 'ի հայրենի և 'ի անկակից իւրեանց մար-
գասիրութենէն , կամեցան և վարձս փո-
խարինել Թերապեցւոցն , որք պատճառք
եղէն վերստին ռամկապետութեանն յԱ-
թենա . և վճիռ ևս ետուն՝ զի թէ որ յԱթե-
նացւոցն զինու զարդու անցցէ ընդ Բիտլ-
տիա ընդդէմ բռնաւորաց , մի որ 'ի Բիտլ-
տացւոց խլրտեսցի լսել ինչ կամ տեսա-
նել ինչ . ուստի և ոչինչ անիրաւեցան նո-
քա յայնժամ առ Թերապեցիսն :

Այլ Պեղոպիդէս՝ թէպէտ և պատանի,
յորդորէր խրախուսէր առանձինն զմի մի
'ի վարանդեացն . և 'ի ժողովի գարձեալ
խօսէր բարբառէր՝ եթէ ոչ գեղեցիկ ինչ է
և ոչ բարեպաշտութիւն , անփոյթ զհայ-
րենեացն լինել՝ որ 'ի ծառայութեան կայ-
ցէ և կալեալ 'ի պահանորդաց իցէ . չէ
պարտ շատանալ միայն փրկութեամբ ան-
ձին , և ուշ միայն վճռոյ ունել Աթենա-
ցւոցդ , և սպասարկու լինել հրապարակա-
խօս հռետորացդ . այլ յազազս մեծամե-
ծացն իրաց գիմազրաւ 'ի վտանգս լինել
արժան է . և յառաջ բերէր ածէր նոցա

գնկարագիր մեծ զարուծեանն և զառաքել-
նութեանն Թրապիքուզեայ. որպէս նա մեկ-
նեալ 'ի Թերայէ՝ խաղաց գնաց հարկանել
վանել զբռնուորան յԱթէնս, նոյնպէս և
նոքա ելեալք յԱթէնայ՝ գնացեալք յան-
գորբ հանցն զԹերա : Իբրեւ այսալիս բա-
նիք ածեալ հաւանեցուցանէր զնոսա Պե-
ղտալիդէս, առեալ նոքա արձակեցին գաղտ
'ի Թերա աղջ առնել բարեկամացն որ անդ՝
զխորհուրդս իւրեանց. նոքա մեծապէս գ-
վեցին զբանն, և անդ. Քալոմեն այր անա-
նաւոր զիւրական իսկ տունն յօժարութի
խոստանալո նոցա : Իսկ յայնժամ Փիդի-
դաս հնարս հնարեցաւ, և լինէր ատենա-
դպիր Արքիտասայ և Փիլիպպոսի զորավա-
րաց : Անգանոր և Եպամինոնդաս 'ի վա-
ղուց պարապեալ էր՝ արուծեան քաջու-
ծեան խորհրդովքն վառել բոբոքել ըզ-
պատանիսն : Քանզի 'ի կրթարանսն հրա-
ման տալո Թերայեցւոց պատանեաց բո-
նամարտիկ և գօտեկոխ ընդ Լակեդեմո-
նացիան լինել. ապա տեսեալ զպատանիսն
զի 'ի բարձր պարանոց գնային՝ իջրու որ ա-
ռաւել կորովիք և յաղթականք, սաստեղ
նոցա Եպամինոնդաս՝ իբրեւ զի քան հպար-
տանալ՝ նոցա զամօթի հարկանել պարտ էր,
զի առ անարի վատութեանն 'ի ծառայու-
ծեան կան նոցա՝ որոց 'ի կորովութեան
վեհագոյն են նոքա :

Իււ արդ ժամանակեալ զօրն ձեռնամուխ
'ի գործն լինել, հաճոյ թուեցաւ վտարան-
դելոցն՝ զի փերենիկոս խմբեալ 'ի մի զայլն՝

զտեղի կալցէ 'ի Թրիասիոն . իսկ որք առաւել քաջառոյգք 'ի նոսա՝ գինագրաւեսցին մտանել 'ի քաղաքն . իսկ Թէ երբէք ձախողւախ ինչ պատահեսցէ նոցա 'ի Թըշ նամեաց անտի, ապրեալքն խնամակալութեան կայցեն որդւոց և ծնողաց նոցա, զի մի 'ի կարեւոր պարէնիցն զրկեալք յաղէտս պաշարեցին նոքա : Անգամօր նախաշաւիղ 'ի նոսա գտանէր յառաջադէմն Պեղոպիդէս, ապա Մեղոմէն և Դամոկղիդէս և Թէոպոմպոս արքաւացք տոհմիկք, սերտիւ ընդ միմեանս յօդեալք 'ի բարեկամութեան և 'ի հաւատոս, և առաքինի նախանձաւորք փառաց և քաջութեան : Սոքա Թուով երկու տասան՝ գիրկս ամեալ որոց անդէն մնացին և յառաջոյ իւրեանց պատուիրակ մի արձակեալ առ Քարոմէն, յուրի անկեալ գնային զգեցեալք հանգերձն հանգրիձեալս և ամեալ ձգեալ ընդ իւրեանս բաւական որոականս, և բարձեալ ձողս զպառականաց . զի յուրեւոր անցաւորաց անտի դք մի ինչ զնոցանէն կասկածեսցի, հաստատութեամբ կարծեալ զնոսա իբրեւ Թափառականս ամենս և որսորդս :

Հասեալ պատուիրակին առ Քարոմէն և պատմեալ եթէ յուրի անկեալ գան նոքա, նա՝ և ոչ 'ի մօտել մեծի վտանգին դուխեցաւ ինչ 'ի խորհրդոցն, քանզի և էր իսկ Քարոմէն այր լաւ և բարի . պատրաստեցաւ ժողովել զնոսա 'ի տուն իւր : Այլ մի ոմն Իպպոսութենիդաս անուն, այր ոչ չարամոյն դք, նա՝ հայրենասէր և վտարանդեացն մեծե-

րիմ, այլ անբաժ յարիութենէն 'ի քժուա-
րինսն արադահաս ժամումն այնորիկ, յայ-
լոյ խելս եղեալ 'ի մօտալուս և 'ի մեծ նա-
հատակութեանն, զմտաւ ամեալ յայն-
ժամ եթէ 'ի վէգ դան նոքա ասագիկ՝ զտե-
րութիւնն սատանել զԱրարտացաց և զգո-
րութիւն նոցա վանել վստահացեալք 'ի
յոյսն անկտրում վտարանդելոցն այնոցիկ,
միայնիկ մնջիկ գարձ 'ի տունն արարեալ՝
զմի 'ի բարեկամացն տուեալ յղէր առ Մե-
ղովն և առ Պեղովիդէս. ասել նոցա՝ եթէ
առ ժամն ձեռնթափ 'ի գործոյն եղեալ՝
գարձցին անգրէն յԱթէնս՝ լաւագումին
տկնկալեալք ժամումն: Էր անումն առն
Քրիզոսիլն, որում յանձն եղև հրեշտակու-
թիւնն. 'ի շտապ տագնապի հասեալ նա 'ի
տուն իւր, և ձգեալ արտաքս զերիվարն
խնդրէր զտանձն. այլ կին նորա յանհնարս
մտեալ դասնել, ասէր տուեալ զայն մի-
ում ումիք 'ի գրացեաց անտի. ոյր ազա-
գաւ սկսան նոքա զառաջինն թշնամանել,
ապա և յեղոցնատուք լինել. մինչև յա-
նէծս և 'ի նզովն մխեցաւ կլինն, զի չարեաւ
լիցի ուղին նորա և առաքչացն նորա: Եւ
զյապէս ապա 'ի սրտմտութեան բարեկու-
թեանն ծախեալ Քրիզոսիլի զմեծ ժամն
աւարն 'ի գժտութիւնսն յայն, և վտապի-
տար ևս զգէպն զայն համարեալ՝ բնաւ
խակ 'ի բաց եկաց 'ի հրեշտակութենէն, և
գնացեալ պարապէր 'ի գործ ինչ այլ: Եւ
պայպէս վայրիկ մի ևս անգէն 'ի սկզբանն 'ի
գերեւ ելանէր գէպ ժամանակ ձեռնար-

կուժեան մեծացն այնոցիկ և յոյժ գեղեցիկ նահատակութեանցն :

Այլ Գեղոպեղէս և ընկերք նորա հանգերձա արկեալ զանձառնք զնշտկաց, և 'ի միմեանց որոշեալք՝ մտին 'ի քաղաք անդր . կէսք՝ ընդ մի կողմն, և կէսք՝ ընդ միւսն, մինչ աւուր կայր : Անգամօր յայնժամ և օգր փոփոխեալք, հողմն շնչէր բլաբեր և ձիւնանայր . և առաւել ևս ծածկեցաւ բանն, քանզի և մարդիկն մտեալ էին յայնժամ՝ ընդ յարկաւ յերեսաց մերկին : Իսկ որք գետակն կալեալ ազատէին նոցա, իբրև հապին նոքա՝ ժողովեալք փութապէս ածին 'ի տունն Քաղովնի . և եզեն ընդ վըտարանդեացն յայնժամ ոգիք առհասարակ քառասուն և ութ :

Իսկ որ ինչ բանք յաղագս բռնաւորացն՝ այսպիսի ինչ էին յայնժամ : Փիղիգաս առ տենադպիր՝ գործակից էր և նա յամենայնին՝ որպէս ասացաք, և բանագնաց լինէր ընդ վտարանդեացն : Սա այս փիղիգաս յառաջագոյն հրաւիրեալ 'ի գինեգորու և 'ի կոշտնս վասն աւուրն այնորիկ զԱրքիաս և զընկերոս նորա, առ այս և 'ի կանանց ևս աբաժեաց ասէր ածել . խորհէր նա առաւել ևս իգանալ նոցա անդ առ 'ի պաղշտութենէն և գինեհարիլ, և հեշտեալ այնպէս տալ զնոսա 'ի գարանակալացն ձեռա : Արդ իբրև նոքա ոչ յոյժ ընդ գինի մտեալ էին, լուր իմն ոչինչ սուտ՝ սակայն անյայտագոյնս և վեր 'ի վերոյ ազգ լինէր նոցա, իբրու այն Թէ վտարանդեալքն անդէն 'ի

քաղաքին ծածկեալ իցեն : Անդ փոքիգետս
Թէպէտ և Զանայր գարձուած զքուցացն
արկանել, սակայն Արքիաս զմի 'ի պաշտօ-
նէիցն առեալ արձակէր առ Քարոյն՝ հրա-
ման տուեալ փութապէս յառնել զալ
առ ինքն : Երեկոյացեալ էր օրն, և Պեղո-
պիդէս և որք ընդ նմա 'ի ներքա կազմէին
վառէին, և զգրահան արկեալ իսկէին զան-
ձամբ և զտուներան տուեալք, այն ինչ ան-
գուտտ յանկարծակի լուեալք զքաղսել
գրացն, գիմեաց մի ոմն 'ի նոցանէն և լու-
եալ 'ի հրեշտակէն զիոչ Քարոյնի 'ի զո-
րազարացն, լի ահիւ եկն և պատմեաց որոց
'ի ներքա . նոքա զառաջինն կարծեալք՝ ե-
թէ խայտառակեցան ուրեմն հաղցն, առ-
հասարակ յուսահատ լինէին յանձանց փրկ-
կութենէն՝ մինչև գործ 'ի գլուխ տարեալ
արժանի առաքինութեանն : Յայսր ամե-
նայնի վերայ ըսւ համարեցան նոքա, ան-
տալ Քարոյնի և գնալ անվեհեր յանգի-
ման լինել իշխանացն . իսկ Քարոյն Թէ-
պէտ և անդատին այր հզօր և անպարտելի
'ի գծնդակն, սակայն 'ի ժամուն պտա-
րեկ լինէր քաջն 'ի վտանդ ընկերացն . 'ի
խոր խոցեալ զանգիտէր՝ Թերեա խէթ մատ-
նութեան կալցեն նոքա վասն նորա, եթէ
յանկարծ 'ի կորուստ մատնեացին այնչափ
և այնպիսի որեար : Ուստի և 'ի մեկնել անդ
իւրում՝ 'ի նոցանէ, մտեալ 'ի կանանոցն և
բարձեալ զորդեակն իւր մատաղ՝ որ քան
զամենայն հասակակիցս իւր գերազանցեալ
գէղովն և առողջութեամբն, առեալ գնէր

զնա՝ի ձեռս Պեղոսիդեանցն, զի թէ իրազ-
գած երբեք լինին նոքա վասն իւր խաբա-
նաց ինչ կամ մասնութեան, իբրեւ զԹրք-
նամի այնուհետեւ տեսցեն նոքա զմանուկն
և մի խնայեսցեն: Այնպէս թաղումք ՚ի նո-
ցանէն՝ առ ժողովն Քարոմլի և առ ազատ-
անձնեայ խորհուրդս քաջին յարտատուս
հատան. և ցաւէր առհասարակ նոցա՝ զի
կարծէր եթէ ոք ՚ի նոսա վատասիրտ և ծան-
ծաղամիտ յառաջակայսն՝ կասկածեցի ինչ
վասն նորա, կամ թէ բնաւ իսկ մեզ գիցի
նմա. և ազաւէին մի թողուլ զմանուկն խառն
ընդ նոսա, այլ ՚ի բաց տանել ՚ի մօտալուս
վտանգէն, զի անձնապուր և յանդորրու ՚ի
բռնաւորաց առնեցէ մանուկն, վրէժ եր-
բեմն խնդրել զքաղաքին և զքարեկամացն:

Այլ Քարոմլի յանդորր չհանեալ զմա-
նուկն, “ Եւ զի՞նչ այլ կեանս՝ տալո, կամ
որ այն վերկուծիւն գեղեցիկ ևս կայցէ զմա,
քան զմահակից լինել անպարտակիր մա-
հու ՚ի միտսն ընդ հօրն և ընդ այնչափ բա-
րեկամացն “: Ապա յաղօթս առ գիւմն կա-
ցեալ և գիրկս ամենեցուն ածեալ և խրա-
խուսեալ՝ մեկնեցաւ ՚ի նոցանէ. մեծապէս
զգուշանալոյ այնպէս յարգարել զանձն և
զգէմն և զբարբառ ձայնին, զի և բնաւ
խիտարացուցանել զինքն ՚ի հայթայթեալ
գաւանացն: Իբրեւ եկն եհաս ՚ի գուռն առ
Արքիա, ընդառաջ ելեալ նմա Արքիաոս
և Փիղիգաս, ասեն. “ Ո՞րք ոմանք ո՞վ Քա-
րոմլի, որպէս լուայ, աստ ՚ի քաղաքդ մե-
տեալ իցեն և ՚ի Թաքստեան կայցեն. և ՚ի

քաղաքացեաց աստի համաշունչք ընդ նո-
սա գաշնաւորեալք իցեն “: ’ի լուր բանին
ղառաքինն զահի հարաւ Քարոյն . այլ իւ-
րե ինգրեաց և հարցանէր, ո՞չք ոմանք ի-
ցեն մեռեալքն և ո՞չք գարձեալ ’ի Թաքրա-
տեան ունիցին զգոտա . տեսեալ՝ զի ոչինչ
ճշգրիտ պատասխանի տալո նմա Արքիառ,
իբրու որ ոչ ’ի տեղեկաց ոմանց լուեալ ի-
ցե, ասե Քարոյն . “ Զգոյլ լերուք, գու-
ցե որ տաղնապէն զմեզ՝ չնջին գատարկ
իցե: Սակայն քաջ ևս յուզեցից ես . քան-
զի և ինչ մի արգեղք զանց առնել չէ՞ ար-
ժան ’ի բանիդ յայդմիկ “: Իսկ փոխգաս
որ անդ մերձ կայր՝ գովեաց զբանն Քա-
րոյնի . և անգրէն ’ի ներքս մեւծեալ զԱր-
քիառ, միւտանգամ առեալ ընկզմեր զնա
յանապակ առատ, և յուսացուցանելով
զկոչնականն ’ի գալուստ կանանայն՝ ձգէր
երկայնէր զփոշունն:

Իսկ Քարոյն գարձեալ ’ի տուն իւր և
գտեալ կազմ՝ զգաշնաւորան, ոչ եթէ ’ի
յոյս ինչ յազթուծեան կամ փրկութեան,
այլ զմահ յանձն առնուլ փառք ’ի հա-
րուածս մեծամեծս Թշնամեացն, չորաւ և
Պեղոպիւկեայ միայն ’ի վեր հանէր զճշմա-
րիտն . իսկ առ այլն կեզծաւորեցաւ իբրե
զայլոց ինչ իրաց խտեալ ընդ Արքիասայ:
Չե էր խալառ գաղարեալ առաջինն, ան-
գուստ և այլ երկրորդ ’ի վերայ արանցն
յուզեցաւ միմիկ առ ’ի բախտէն: Պատուի-
լակ մի եկեալ հասանէր յԱթենայ յԱր-
քիասայ քահանայէ առ այս Արքիառ ան-

ուանակից խոր և հիւր և բարեկամ. մտաւայանէր նմա նամակ՝ յորում ոչ վայրասպար և վեր 'ի վերոյ ազգումն, այլ ճրջգրիտ և յայտնի զամենայն 'ի վեր բերէր նմա զգաւն, ըստ որում և ապա գիտացին. և գրաբերն մերձ եղեալ առ Արքիաս յառեցութեան նորա և մատուցեալ զնամակն, ասէր. « Որ զթուղթդ առաքէ առ քեզ այրն, ազգ առնէ փութանակի ընթեռնու. զի գրեալ կայ 'ի գմա յաղագս յոյժ կտրեալաց » : Եւ յատեցաւ Արքիաս և ասէ. Առ վաղիւս ուրեմն՝ յոյժ կտրեալ : Եւ առեալ զթուղթն գնէր 'ի ներքոյ բարձին, և գարձեալ առ Փիղիդաս՝ խօսէր ընդ նմա : Այլ զպատասխանի զայս Արքիասոյ յառակս ապա ընկալեալ, և մինչև ցայսօր ժաւանակի վարեն հեղինացիք :

Բայց այնուհետեւ իբրեւ գեղ ժամանակ համարեցան ձկնարկութեան գործոյն, յորումցեալ ելանէին արտաքս գաշնաւորքն. և յերկուս բաժանեալք՝ Պեղոսիդէս և Դամոկղիդաս չոքան առ Լէոնտիդէս և առ Իւպատէս՝ բնակակիցք միմեանց : Իսկ Քարոն և Մեղոն գնացին առ Արքիաս և առ Փիլիպպոս արկեալ 'ի վերայ զբահիցն հանգերձս կանացի, և 'ի քօղ երեսացն շուրջանակի բոլորս պսակաց բոլորեալք թաւս յեղեին ծառոյ և 'ի սարոյ : Որովք և հասեալ երեւեալ նոցա առ գուրս կոչնոցն, ծափահար կոչնականքն բարձրացուցին ըզմայնս, կարծեալք՝ 'ի վերջէ ուրեմն հասեալ առ նոսա կանանցն, որոց ակնկա-

լեալ մնային : Այլ կերպարանաւոր կանայքն իբրեւ շուրջանակի առհասարակ յածեալք զայն՝ մանր և քաջ զննեցին զայր 'ի բազմականին , ձգեալ ապա և մերկեալ զսուսերս և 'ի մէջ կոչնոցն 'ի վերայ խոցացեալք Արքիառայ և Փիլիպպոսի , որ ինչ էինն՝ յայտնեցան յայնժամ : Անդ Փիլիպպոս զսակաւս հարանեցուցեալ 'ի կոչնականացն կալ մնալ հանգարտիկ , որք մեանգամ 'ի վեր սասեանն 'ի նոցանէ և ընդգէմ գառնային 'ի միասին ընդ զօրավարացն , հեշտեալ առ հասարակ կոտորեցան , քան զի և արքեալք իսկ էին :

Այլ որք ընդ Պեղոսիգեայ , մարտ գրծուպին հասանէր նոցա կռուել ընդ Լէոնտիգեայ . քանզի այր լուրջ հսկող էր նա և ահարկու : Եւ քանզի յանկողին մտեալ էր , գտանէին նոքա փակեալ ամուր ըզտունս . և 'ի բազկսերոյ գրացն՝ հարուստ մի ժամանակ իմանայր և ոչ ոք . հուսկ ապա մի ոմն 'ի Ծառայիցն լուեալ , եկեալ 'ի ներքուստ՝ այն ինչ զնիգս գրացն բառնայր , նոքա խուժեալ սատկուլթեամբ՝ փեռեկեցին զգուրան . 'ի ներքս վազեալ և զծառայն տապաստ արկեալ , գիմեցին յառագաստ անդր Լէոնտիգեայ . իսկ նա 'ի շառաշմանէն և 'ի սրտփական լծորմանէ տախն ճշգրիտ կրողդած բանին եղեալ , 'ի վեր վազեալ 'ի մահճէն՝ ձգեաց առ զսուսերն . այլ զմտաւ չածեալ զճրագունսն անցուցանել և 'ի խաւարի առ խաղիսպի զնոսա այլ ընդ ընկերի ձգել , այնպէս բա-

զուամ լուսող նա եկն եւ արձանացաւ առ
գուրս առաքատին . և հարեալ զԿեփի-
սողովորոս՝ որ առաջին 'ի գիմի հարաւ՝ զնա
անգէն տապաստ արկանէր . իրբև նա ան-
կաւ՝ ապա երկրորդ 'ի վէդ եկեալ կռուէր
ընդ Պեղոպիդեայ : Անգանօր բուռն և գը-
ժուարին մարտի եղելոյ յանձկուէ գրացն,
և զի և Կեփիսողարեայ գիական անդ ան-
կեալ քարընդոտն լինէր, հուսկ ապա յաղ-
թական ելանէր Պեղոպիդէս . և գիտա-
պաստ զլէոնտիդէս արկեալ, անգէն գի-
մեալ գնայր առ Իւպատէս հանգերձ ըն-
կերջն : Մտեալ 'ի տուն նորա օրինակ ըզ-
նոյն, իրազեկ նորա եղեալ խաւճապեցաւ
'ի փախուստ և դնացեալ սպաւինէր առ
գրացիսն . սոքա զհետ մտեալ նորա և ձեռ-
բակալ արարեալ անգէն սպանանէին :

Իրբև այս եղև, եկին 'ի մի խմբեցան ընդ
Մեղոնեանսն . և առաքեալ ազդ առնելին
այլոց փարանդեւոցն՝ որ յԱրտիկէ զտեղծ
կալեալ էին . և հրաւէր ազաաութեան
կարդացեալ Թեբայեցւոցն, զորս միան-
գամ ընդ առաջ ելին նոցա՝ 'ի զէն 'ի զարդ-
վառէին առհասարակ . առեալք 'ի գաւ-
թաց զձօնան՝ զկապուտ կողպուտ պատե-
րազմացն, և խորտակեալ բացեալ՝ որ անդ
զտամբն՝ զկրպակս տիգադարծ և զսուսե-
րադործ գարբնացն : Ապա գային հասա-
նէին առ նոսա նիզակակիցք 'ի զէն վա-
ռեալք՝ Եպրամիոնդաս և Գորգիդաս, իբրեւ
բեալք ոչ սակաւս յերեսասարգաց և 'ի
ծերոց կորովեաց : Իսկ 'ի քաղաքին ողջոյն

արհաւիրք մեծամեծք և հծծիւն և շնջիւն
առ. հասարակ. լուցեալ կային ճրագունք
'ի տունս, կէպք աստ և կէպք անդ խուճա-
պեալք ընթանային : Չե էր ժողովուրդն
'ի մի վայր խմբեալ, այլ մեծապէս արտա-
բեկութեամբ վասն եղելոց պատահարացն՝
համօրէն ոչ կացեալք 'ի վերայ բանին՝ աղա-
տէին այգուն լինելոյ : Ուստի և թուի թէ
վատացան յայնժամ 'ի խորհուրդս իշխանք
Լակեղեմնացւոց, զի ոչ անդէն 'ի վերայ
յարձակեալ կուսեցան. քանզի և էր խկ
ընդ նոսա գունդ մի հազար և հինգ հա-
րիւր զօրականին, և շատք ևս 'ի քաղաքէն
առ նոսա խուռն ընթացեալ էին : Այլ 'ի
ձայնէ ազաղակին և 'ի խարուկաց անտի և
յամբոխից խուժանին՝ որ այսր անդր վա-
րատէր, ահաբեկ եղեալք՝ այնպէս ան-
շարժք փակեալ մնացին անդ 'ի Վագմիս :

Ապա յառաւօտուն պահու գային հա-
տանէին յԱտախկոյ այլք 'ի վտարանդեւոցն
զինու զարդու, և խմբեցաւ ժողովուրդն
յոտեան : Անդանոր Եպսեփնոնդաս և Գոր-
գիդաս առեալ մեծանէին 'ի ներքս զՊե-
ղոպիդէս հանգերձ ընկերօքն՝ պարառեալք
'ի քահանայից, որք պտակս նուիրականս
բարձեալք 'ի ձեռս, այնպէս խրախոյս քա-
ջալեր կարգային քաղաքին ձեռն տալ հայ-
րենեացն և աստուածոցն : Յայն տեսիլ
առհասարակ ատեանն յարուցեալ ծափա-
հարք լինէին, և ձայն ցնծութեան աղա-
ղակին բարձրանայր. և առեալ ժողովէին
զորեարն զայն՝ իբրև բարեգործս և վերկիչս :

Յայնժամ Պեղոպիդէս ընդ Մեղսմէի և ընդ Քարոմմի կարգեալ Բիոփառքոս՝ Իշխան Բիոփառոյ, անդէն խաղայր դիմէր պաշարումն անել գլեկին. և 'ի կողմանց կողմանց բուռն և սատարիկ հրոսակ 'ի վերայ հասուցեալ, զի այնպէս 'ի բաց զլակեղիմոնացիան հանեալ՝ փրկեցեղ զՍաղմիա մինչև զօր 'ի Թիկունս հասեալ անդր 'ի Սպարտոյ: Եւ արդեօք կանխեաց աճապարեաց Պեղոպիդէս. քանզի յայնժամ 'ի գաշն պայմանի աղատացեալ արանցն՝ այն ինչ նոքա չուեալք հասին 'ի Մեգարա, անգուտ ընդառաջ դայր նոցա իզէոմբրոտոս՝ գունդ ստուար անեալ ընդ իւր 'ի Թերա: Իսկ Սպարտացիք առեան դատաստանի եղեալ 'ի վերայ երից ոստիկանացն իւրեանց՝ որք 'ի Թերա, մահու գատելին զԵրմիպպիդաս և զԱրկիտոսոս. իսկ զԵրրորդն Իփաուրիդաս՝ սաստիկ արծաթոյ տուգանեալ, այնպէս անձամբ անձին տարագէմ տարաշխարհիկ ելանէր յայնժամ այրն 'ի Պեղոպոննիսոյ:

Արդ զնահատակութիւն զայս զՊեղոպիդէայ՝ հանգուանափայ Թրասիբուլէայն ըստ քաջաց արանցն և ըստ մեծաց արկածիցն և ըստ միջանայ մարտիցն և ըստ նման օրինակ գեղեցիկ բախտին, քոյր և եղբայր նորա անուանեալ կարգացին Հելլենացիք: Քանզի և ոչ հեշտին ինչ գտցէ որ արդեօք որեւոր այնպէս սակաւաձեռն՝ ընդգէմ այնչափ բաղմութեանն, և այնպէս անբաւական՝ ընդգէմ հզօր ձեռինն, և արուծի

քաջութեամբ յազմականս , և պատ-
շառք մեծամեծ բարեաց խորանց հայրե-
նեացն : Այլ փոփոխութիւն հասարակացն
կրաց 'ի նահատակութենէ աստի՝ մեծ ևս
'ի ներքս երեր նմա փառս : Քանզի ապա
մարտ պատերազմին՝ որ եղծեալ վասթա-
րեաց զգորութիւնն Սպարտիոյ , և 'ի ծո-
վուն տերութենէ և 'ի ցամաքին միանգա-
մայն վեշապ կացոյց զնա , անգամին 'ի գիշե-
րէ աստի ունի զծագումն . յորում Պեղո-
պիդէս ժէ պահակերս 'ի ձեռն առեալ , ոչ
պատուարս , ոչ գղեակ , ինքն երկոտասան-
երորդ հասեալ 'ի տուն , խղեաց եհաս՝ ե-
թէ փոխարեւել զճշմարիտն արժան իցէ՝
զկապանս և զզմայս զՍպարտացոց տե-
րութեանն , որք անյուծանելիք ոմանք կար-
ծելին և անխղելիք :

Հորդան ապա Լաիդեմոնացոցն տու-
եալ 'ի Բիոփոսիա զորու ծանու , զահի մե-
ծի հարեալ Աթենացոց՝ ոչ կացին մնա-
ցին 'ի միամտութեանն ընդ Թերաքեցոց .
յատեան քարշեալ առհասարակ զկուսա-
կիցան Բիոփոսացոց , եր զոր մահու գատե-
ցին , և եր զոր վտարանդի առնելին , և ըզ-
կէսս գարձեալ տուգանոք տուգանեցին :
Ուստի և Թերաքեցոցն իրք յայնժամ
թուէր մեծապէս 'ի տաղնապի , զի և օգ-
նական որ չէր ուստեք նոցա : Իսկ եր 'ի
ժամանակին յայնմիկ Բիոփոսաբոս Պեղո-
պիդէս 'ի միասին ընդ Գորգիդեայ 'ի խոր-
հուրդ մտին երկդքին նորա հնարիւք անդ-
րէն 'ի Թշնամութիւն զԱթենացեան գոր-

դուել ընդ Լափեգերմոնացիս, և մենքենայե-
ցին նոքա օրինակ զայս : Սփոգրիաս անուան
ոմն Սպարտացի այր 'ի միջանս մարտից նշա-
նաւոր և որայծառ, այլ ծանծաղամիտ և
երազայոյս և փառախնդիր անհանձար, եր
կացեալ 'ի Թեսպիա հանգերձ գնդաւ,
առնուլ ժողովել զփախառեայսն Թեսպե-
ցւոց և օգնել նոցա : Առ այս Սփոգրիաս
արձակէր Պերոպիգէոս գաղտաբար վաճա-
ռական զոմն յիւրոց անտի բարեկամացն՝
տանել նմա արծաթ, և բանս ևա՝ որ առա-
ւել քան զարծաթն կաշառեցին զայրն :
Քանզի եկեալ ասէր նմա . քաջ իսկ մե-
ծամեծս նահառապեացի նա՝ եթէ հա-
տեալ կալցէ զՊերէսն՝ յեղակարծումն ժա-
մու անկեալ 'ի վերայ Աթենացւոցն՝ որ
յանհոգս կան . քանզի և Լափեգերմոնա-
ցւոց ոչինչ այնպէս հաճոյ իցէ՝ իբրու տի-
րանալ Աթենայ . այն զի՝ և Թեսպեցիք
ինքնին խեղացեալք ընդ Աթենացիսն իբ-
րե ընդ մատնառուս, ձեռն օգնականու-
թեան ոչ տացեն նոցա : Ապա Սփոգրիաս
'ի հաւանութիւն բերեալ բանին, առեալ
ընդ իւր գիշերի զզօրականն, եկն եմուտ
յԱտտիկէ, և խաղաց եհաս մինչև յԵլեւ-
սինէ . այլ անգանօր սրտաբեկեալ զօր-
կանին՝ զի առակեալ նշաւակեցան իրք, և
մարտ ոչ գուզնաբեայ ինչ և փոքրոգի յու-
ղեալ անգանօր 'ի վերայ Սպարտացւոց,
տեղի տուեալ անդրէն միւսանդամ գայր
մտանէր նա 'ի Թեսպիա :

Եւ յայնժամ Աթենացիք մտադիւրա-

գոյնս գաշնաւորեցան միւսանդամ ընդ թե-
րայիցիս . և յարձակեցան 'ի ծով, և շուրջ
յածեալք՝ յանդուցանէին առհասարակ
զհեղինացիսն՝ որ միանդամ խլրտիլն խըն-
գրէին : Անդուստ և թերայեցիք՝ առան-
ձինն զօր ամենայն հրոսակ հանէին 'ի վե-
րայ լակեղեմոնացւոց 'ի Բիովտիս . թէ-
պէտ և մարտո գուզնաբեայս կռուէին նո-
քա, սակայն և մեծապէս մարդէին սովո-
րեալք 'ի կռիւն, վարժեալք և խրախու-
սեալք 'ի յողիս 'ի մրցանաց անտի, և կորո-
փի կրթեալք 'ի մարմինս : Ուստի և պատ-
մեն՝ Անտալիիդեայ Սպարտացւոյ տաներ-
բեմն առ Ագեսիդայոս՝ որ վերաւոր դար-
ձաւ 'ի Բիովտիոյ . “ քաջ իսկ տրիտուր
գեղեցիկ տուեր գու զվարժիցդ 'ի թերայե-
ցւոց . զի որք կռուել և մարտնչելն չկա-
մէին, ուսուցեր “ : Այլ ճմարտութեամբ
տանը՝ ոչ Ագեսիդայոս ինչ եղև թերայե-
ցւոցն վարժապետ 'ի բանին յայնմիկ, այլ
արքդ այգդիկ առաքինիք . որք 'ի գէպ ժա-
մու և իմաստութեամբ՝ առեալ զթերայե-
ցիսն իբրև բարակս որոսկանս՝ հմտաբար
արձակէին 'ի վերայ թշնամեացն . և ապա
դյաղթութեանն տուեալ նոցա ճաշակել
ճաշակ և խրախուսեալ, այնպէս այսրէն
յանգորդ առնուին զնոսա . յորս և փառս
մեծապէս Պերդուիդէս ժառանգեաց ան-
ձին իւրում : Քանզի անդուստ յառաջին
ընտրութենէ անտի նորա, ապա և ամ ըստ
ամէ 'ի նոյն զօրավարութիւն կարգեցին
զնա . և ցորչափ եկեաց, կամ զօրավար

հաւիրական գնդին լինէր, կամ Բիտլտար-
քոս բազում անգամ:

Արդ յայնժամ Լաիեգեմոնացիք հա-
րեալ խորտակեցան 'ի Պլատեա և 'ի Թեո-
պիա և 'ի փախուստ դարձան. անդ տա-
պատտ անկանէր և Փիբիդաս՝ այն որ հա-
սեալ կալաւ զկազմիս: Առ այս՝ և զօր բա-
զում՝ զնոցա մերձ 'ի Տանաքոս վանեաց
Պեղոպիդէս, և ինքնին նա գիտապաստ առ-
կանէր յայնժամ զՊանթիդէս ոտովկանն:
Այլ 'ի մարտից աստի թէպէտև յոյժ քա-
ջալերեցան յազթականք, ոչինչ պրտարեկ
լինէին յազթեալքն. զի ոչ ճակատամարտք
էին և ոչ մարտ յայանի և կարգաւոր և ըստ
պատերազմական օրինին, այլ ասպատակք՝
զոր ըստ ժամուն սփռէին. Է զի տեղի
տուեալք, Է զի զհետ մտեալք և յարձա-
կեալք և ընդ թշնամիսն խառնեալք, այն
պէս զյազթուլթիւնն տանէին:

Բայց մարտ պատերազմին որ 'ի Տեգիւ-
րա, այն՝ որ նախամարտուլթի եկաց Լեւկ-
տրայնոյն, յոյժ 'ի վեր առեալ փառաւո-
րեաց զՊեղոպիդէս. որպէս զի և 'ի գեղե-
ցիկ ելնն ոչ եւ տեղի գտաւ այլոցն զօրա-
վարաց նիզակակցացն մրցելընդ փառս նը-
րա, և ոչ թշնամեացն դարձեալ՝ բարուր
կարկատել հարուածոյն այնմիկ: Քանզի
Պեղոպիդէս ցանգ դարանամուտ եղեալ
սպասէր գէպ ժամանակին հասանել ու-
նել զքաղաքն Ոլլոմննացոց՝ որ կուսա-
կիցն էր Սպարտարոց, և գունդս եւ եր-
կու 'ի թիկունս առեալ էր 'ի նոցանէն:

Արդ լուր առեալ Պեղոպիդէս, զի այն գունդք չու արարին 'ի Լոկրիդէ, անն ունէր ամայի զՍրքոմէնոն գտանել . ապա խազաց գիմեաց անգր ամեալ ընդ իւր զնուիրական գունդն, ամէր 'ի նոյն և ոչ շատ ինչ յերիվարաց :

Բայց մերձ 'ի քաղաքն եղեալ և տեսեալ զի այլ գունդ 'ի Սպարտոյ փոխանակեալ էր զպահն, յետոս առեալ տանէր զզօրն ընդ Տեգիւրա՝ ընդ որ միայն անցանել հնար էր, պատեալ զլեռնոտամբն . քանզի և գետն Մելլոս այն ինչ հոսեալ յազերեացն իւրոց՝ 'ի Ճահիճա նաւարկելիս և 'ի լիճն Ճապաղեալ՝ անանց գործէ զուղին : Անգանօր մերձ 'ի Ճահիճան գոյ մահեան Տեգիւրեանն Ապոլլոնի, և պատգամախօսութիւն լռեալ՝ ոչ 'ի բազում ինչ ժամանակաց . սակայն էր նա ծաղկեալ մինչև 'ի մարտան Մարաց՝ յորում ժամանակի գուշակն էր Եքեկրատէս : Եւ անգամնօր առատակշարանեն ծնեալ աստուծոյն . և լեառն մերձաւոր վայրացն անուանեալ կոչի Դեղոս, և առ նովաւ լճանան Ճապաղիքն Մելլեայ : Իսկ յետոյ մահենին կրկին բղենն աղբերք, և վտակք սքանչելի են քաղցրութեամբ և առատութեամբ և ջրոտութեամբն . յորոց զմին Ագաւենի, և զմիւսն Ձիլենի անուանեալ կարգան մինչև ցայսօր ժամանակի . որպէս զի՝ ոչ 'ի մէջ կրկին ծառոցս, այլ 'ի մէջ աղբերացս յղանալ դիցուհւոյն : Եւ մերձ է անգանօր լեառն Պտոմիլ, ուստի յերևել անգուստ

յանկարծակի վարազուն՝ ահաբեկեալ ասան զգիցունին։ Իսկ որ ինչ վէպք յաղագոս Պիւթովի և Տիտիւեայ, զայնոսիկ դարձեալ այսդիկ վայրք 'ի ճահ յարմարեն ծննդեան աստուծոյն։ Բայց ես աստանօր շատ ինչ 'ի հաւաստեացն 'ի բաց թողում ասել. քանզի և ոչ հայրենաստուր աւանդն զաստուածոք զայդ գասէ 'ի կարգս Քաջացն՝ որք կանանցածինք 'ի փոփոխութենէ անմահացան, ըստ որում հերակլէս և Դիոնիւսոս, որք առաքինութեամբն փոփոխեալք 'ի բաց եգին զմահկանացու և զախտակիր բնութիւնն. այլ 'ի յաւերժից անտի մի է սա և յանծնիցն, որչափ ինչ մեղարդեօք արժան իցէ յիմաստնոցն և 'ի ծերունեացն բանից խմաստամիբել քաջիկ վասն այսպիսեաց ոմանց։

Արդ մեկնեալ Թերայեցւոց ընդ Տեգիւրաս յերկրէն Ոլբոմենացւոց, 'ի նմին ժամանակի յետս դարձեալ և Լակեդեմոնացոյն 'ի Լոկրիդեայ, պատահեցան նոքա միմեանց։ Այն ինչ Թերայեցիք տեսեալ զնոսա անցանել ընդ տնձուկսն, մի ոմն դիմեալ առ Պեղոպիդէս՝ ասէր. “Անկաք մէք 'ի ձեռս թշնամեացն” . ետ պատտխանի Պեղոպիդէս. “Եւ ընդէր ոչ՝ մանաւանդ նոքա 'ի մեր ձեռս” : Զայս աւաց և անդէն հրաման տայր այրուձիոյն փութթապէս 'ի թւոյն անցեալ յառաջ 'ի ճակատ անդր՝ անկանել 'ի վերայ թշնամւոյն. և ինքն առեալ փակեաց յանձուկ վայրի զհետեակազօրն երկց հարիւրոց, ակն

ուներ 'ի յարձակելն՝ զնսել խորտակել զբազմութիւն (Թշնամեացն . քանզի էին նոքա Մահադ երկու Լակեզեմոնացաց . և զՄոռայն Եփորոս ասէ՝ զտանգ արանց հինգ հարիւրաց . իսկ Վալլիս(Թենէս) եօթն հարիւրաց . և այլք ոմանք՝ որպէս և Պոզիւբիոս՝ ասեն ինն հարիւրաց : Անդ Գորգուէոն և Թէոպոմպոս զօրավարք Սպարտացաց մեծապէս արու(թեամբ յարձակեցան 'ի Թերայեցիս . և զի էր իսկ յարձակումն 'ի կայից զօրավարացն երկոցունց կողմանց և բուռն և սաստիկ էր խաղմն , յառաջ նա հատակեալ զօրավարք Սպարտացացն և 'ի վերայ գիմեալք Պեղոպիդէայ՝ անդէն տապաւտ անկանէին . ապա հարեալք և ոլլք շուրջ զնոցօք , զահի հարեալ տահասարակ զօրականին և յերկուս հատուածեալ՝ այնպէս ազատ 'ի միջոցին տային ուղի Թերայեցացն խազալ յառաջ :

Այլ Պեղոպիդէս ընդ նոյն ուղի խազաց գիմեաց 'ի վերայ խմբին նոցա . հարուածս մեծամեծս 'ի վերայ հասուցանէր , և ապա ուրեմն տահասարակ 'ի փախուստ խուճապէր զնսա . այլ ոչ շտտ ինչ զհետ մտեալ հալածեաց , քանզի և խի(թային իսկ Թերայեցիք յՈլլքոմնացաց անտի մերձաւորաց , և 'ի նորեկ գնդէ Լակեզեմոնացացն : Այնչափ ինչ յայնժամ նահատակեալ բուռն յաղ(թու(թեամբն , և անցանէին այնուհետև ընդ մէջ խորտակեալ բանակին նոցա : Ապա նշան յաղ(թու(թեան կանգնեալ , և գիտկապուտ աղարեալ ան-

կեղծն, գարձան 'ի տուն խրախամիտք և քաջալերեալք: Քանզի և 'ի մարտս մարտս ընդ Հեղինս և ընդ խուժադուժս, երբէք յառաջ ժամանակաւ ոչ պարտեցան Սպարտացիք այնչափ բազմութեամբ յայնչափ սակաւուց ոմանց. նա և ոչ 'ի ճակատաւ մարտի հաւասարք ընդ հաւասարս. ուստի և յոյժ 'ի վեր վազեալ էին գոռոզութիւն, և 'ի կռուին հոյն նոցա և եթ ահաբեկ ըզզլծշնամիւն առնէր, որք և ոչ հաւասար զբու երբէք ժտէին 'ի վէդ ընդ Սպարտացւոցն գալ: Ուստի և այս մարտ պատերազմի առաջին զՀեղինացիսն խելամուտ տրար, զի ոչ Եւրոտաս միայն և ոչ որ ընդ Բաբելական և ընդ Անակիոմի միջնագաւտուն միայն՝ արս բուռուցանէ մարտիկս և գոռս, այլ և ամենայն վայր՝ ուր միանգամ պատանիք ծնանիցին ակնածուք 'ի վտտութենէ և քաջարիք 'ի նահատակութիւնս. և որ քան 'ի վտանգաց՝ առաւել ևս յանարգութենէ թիկնագարձոյցք, ուստի և առ 'ի Թշնամիսն ահարկուք:

Արդ՝ առաջին որ կարգեաց եգ զՆուբիական զայն գունդ՝ որպէս ասեն՝ եկաց Գորդիգաս, յերից հարիւրոց ընտիր ընտիր նահատակաց խմբեալ զնոսա. և պէտք կրթանաց և կենաց նոցա ընոյր 'ի քաղաքէն. և էին վանք նոցա 'ի Աագմիա, ուստի և անուանեալ կարգային զնոսա Գոմդ Գաթի. քանզի և զամրոցս կոչէին յայնժամ Քաղաք: Ահա ասեն՝ եթէ 'ի սիրուլաց և 'ի սիրելեաց խմբեալ կայր գտնուին

Նուիրական . և առ այս յաւչ ածեն՝ զոր
ասաց Պամմենէս 'ի խաղոյ . քանզի ասէր՝
եթէ ոչ ճարտարապետ ուրեմն էր մարտի
Նեստորն Հոմերովնի, որ հրամայեաց զի
բառ ցեղս և բառ ժողովուրդս համախումբ
գասաւորեսցին Հելլենացիք . “ Զի ժողո-
վուրդ ժողովուրդսն 'ի Թիկոմս կայցեն, և
ցեղքն՝ ցեղից ” . քանզի մանաւանդ զսի-
րոզն մերձ գասաւորել արժան էր առ սի-
րեցեալն : Քանզի ցեղակիցք ժողովուրդս-
կիցք ոչինչ կարի փոյթ 'ի դժնդական կալ-
ցեն արդեօք վասն միմեանց . իսկ գումդ՝ որ
կապանօք մտերմութեան սիրոյն զօգեալ
իցէ, անլուծանելի է և անխզելի . քանզի
կէօք սիրելով զսիրելիսն, և կէսք աննա-
ծեալք 'ի սիրողացն, վտանգո մեծամեծս
յանձն առցեն 'ի վերայ միմեանց : Եւ չէ
ինչ զարմանալ ընդ բանդ . քանզի նոքա և
բացականք գոլով աննածուք են առ մի-
մեանս առաւել քան զմերձաւոր մարդիկդ .
զոր և յայանի 'ի դէմն բերէր այն այր՝ յո-
րոյ վերայ Թշնամին կացեալ 'ի սպանանել
մինչդեռ յորսայս անկեալ կայր, աղաչէր
'ի լանջս անդ միտել զսուրն . “ Զի մի Թե-
րես՝ ասէ՝ սիրելին իմ՝ զամբ կրեսցէ վասն
իմ, տեսեալ զիս խոցեալ 'ի Թիկանց ” :

Այլ և պատմեն՝ Յուէոսի սիրելոյն
Հերակլեայ ցանդ նիզակակից և լանջակից
'ի մրցանան նորա լինել : Իսկ և Արիստո-
տել պատմէ՝ եթէ և առ իւրովքն ժամա-
նակօք սիրողքն և սիրեցեալքն հաւատա-
կուէին 'ի վերայ չիրմին Յուէոսին : Այսո-

բիկ աղաքաւ ապա որպէս հաւանեալս եմ՝
Նախիւս անուն կարգային գնդին այն-
միկ . ըստ որում և Պառտոն ինքնին՝ Բաբե-
կամ առաջադրեալ կոչեաց զսիրողն : Եւ
ասեն՝ եթէ այս գումգ միշտ անպարտեղ
եկաց մնաց մինչև 'ի պատերազմն Գերով-
նիոյ . իսկ յետ մարտին ելեալ Փիլիպպոս
յայց ապանելոցն՝ զտեղի առնող 'ի վայրն
ուր գիտապատ կային երեքհարիւր մար-
տիկքն . որք գիմադրաւ 'ի գիմի հարեալք
Մակեդոնեան աշտէիցն , այնպէս առ հա-
տարակ յանձուկ վայրս խռնեալ անկեալ
կային . զարմացաւ Փիլիպպոս , և լուսալ
եթէ գումգ այն էր սիրողացն և սիրելեացն՝
յարտասուս հարեալ ասէր . “ Զարեաւ
կորիցեն , որք կասկածենն՝ եթէ այդ որեւոր
արասցէ կամ կրեսցէ ինչ մի 'ի յոռեաց ” :

Արդ՝ սովորութիւնդ այդ սիրողաց և
սիրելեաց սկիզբն կալաւ առ Թերայեցիս՝
նչ որպէս քերթողքդ ասեն՝ 'ի կրից ան-
տի Լայիոսի . այլ օրինադիրքն ինքնին կա-
մեցեալ ամղբել և անուշել զտնկակից վայ-
րագումթիւն և զխակումթիւն նոցա անդրա-
տին յառաջին տիոցն , միանդամայն յամե-
նայն պարսպմունս նոցա և 'ի զբասանան ա-
ռեալ մուծին զտաւիզն . և շուք և նախա-
թոռութիւն ընծայեցին նմա . և յասպա-
րէզս ըմբշաց առթեցին գեղեցիկ իմն և ազ-
նուական սէր , և նովաւ անուշեցին զբարո
պատանեացն . ուստի և քաջիկ խորհրդով
նոքա զէրեանց քաղաքն ապսպարեցին
ընդ հովանեաւ գիցումհայն (Ներգաշնա-

կուլթեան), զոր ասին ծնեալ յԱրեւել և յԱստղկանէ. քանզի ուր պատերազմականն և արիսակաւնն աշխոյժք զուգեալ իցեն ընդ վայելցուլթեանն և ընդ շնորհաց, անդամօր ապա է տեսանել քաղաք գեղայարդարոյ յոյժ և բարեկարգ. քանզի և ամենայն յայնժամ գեղեցիկ ներգաշնակուլթեամբ կարգեալ և ուղեւալ է:

Արդ Գորգիգաս զգուշդ զայս Կուլթեանն բաշխեալ ընդ առաջին դասս, և կարգեալ յառաջոյ ողջոյն փաղանգի զօրականին, ոչինչ յերևան եբեր զքաջութիւն որերոյն այնորիկ 'ի նահատակութեանքն ի խառնելուն այնպէս ընդ բազմութեան զօրուն: Իսկ Պեղոպիգէս տեսեալ զհանգէս առաքինութեան նոցա 'ի Տեգիւրաս և զմիայնակ շահատակել նոցա 'ի կուլթին, ոչ ևս բաշխեաց զնոսա. այլ իբրոմ մարմին բալոր և ողջանդամ՝ այնպէս գործի 'ի ձեռն առեալ զգունդն զայն, դիմագրաւ խաւայր նոքօք 'ի գծուարինսն: Քանզի զորօրինակ երիվարք ամուք լծեալք 'ի կառս՝ արագ ևս վազեացեն քան զմենացեալն. ոչ եթէ զի այնպէս զոյդ թափ տուեալ ամուլիցն՝ հեշտին ևս ճգնեացեն և հերձցեն զօգն, այլ զի մրցել և նախանձել գոցա ընդ միմեանս՝ առաւել ևս վառեացէ զաշխոյժ նոցա. սակայն խելամուտ եղև Պեղոպիգէս եթէ և մարտիկք քաջք, այր յրնկեր զարթուցեալ զգեղեցիկ նախանձն՝ միախումբ յօժարամիտք ևս գտանիցին 'ի հասարակաց գործն:

Բայց իբրեւ Սպարտացիք հաշտութիւն խօսեցեալ առհասարակ ընդ Հելլենացիս, մարա պատերազմի շարժեցին միայն ընդ-գէմ Թերաքեցւոց, և Վղէոմբրոտոս ար-քայն հորդան ետ յաշխարհն նոցա բխր մի հեռեակեջ և հազար ալլուձիով, 'ի մեծ ևս վտանգ քան զառաջինն պաշարեցան նոքա սպառնալու հարուածոյ . ուստի և յարհաւիրս մեծամեծս տազնապեցաւ յայնժամ Բիոլովտիա : Հայպա Պեղոպիդէս ելեալ 'ի տանէն խաղալ գնալ 'ի մարտ պատերազմի, մինչդեռ կին նորա ուղի ար-կեալ նմա հեղոյր զարտասուս 'ի մեկնել նորա, և յուշ ևս առնէր աղերսէր փոյթ ունել փրկութեան անձին, ասէ Պեղոպի-դէս . “ Զայդ բանդ ո՛վ կին գուշ յուշ առ-նել արժան է սոսկական մարդկանդ . իսկ իշխանացն՝ զփոյթ փրկութեան այլոց ” : Իբրեւ եկն եհաս 'ի բանակ անդր, և զԲիոլ տարջոտս երկպառակս տեսանէր 'ի մի-մեանց, նա առաջին համաշունչ գտաւ Եւ պամինոնդեայ՝ որ ասէր գիմագրաւ խա-ղալ կռուել ընդ Թշնամիսն : Չէր Պեղո-պիդէս Բիոլտարջոտս, սակայն իշխան էր Նուկիական գնդին, և մեծապէս ևս վստահ էին 'ի նա, իբրու որ քաջ իսկ խնամոտ էր յազատութիւն հայրենեացն : Իբրեւ առ-հասարակ համաշունչ գտան յայնժամ 'ի խորհուրդն, և էին նոքա բանակեալ մօտ 'ի Լեւկտրա ճակատ առ ճակատ 'ի հան-գիստոյ Լակեդեմոնացւոցն բանալի, տե-պիլ երազոյ 'ի քուն գիշերի երևութեացեալ

Պեղոպիդեայ՝ մեծապէս ամբոխեալ խռովեցոյց զոգի նորա 'ի նմա:

Են անգ 'ի Լեւկտրեան գաշտին մարմինը գտերայն Սկեգասոսի, որք է 'ի տեղւոյն կոչեցան նորա Լէ-կոբեան: Քանզի անգանոր թաղեցան նորա բռնաբարեալք 'ի հիւրից ոմանց Սպարտացւոց: Իսկ իբրեւ յետ գծնգակ և անիրաւ գործոյն՝ հայր նոցա ոչինչ կարաց՝ վեժխնդիր լինել բողոք կալեալ 'ի Լակեդեմոն, նզովս կարգաց ընդդէմ Սպարտացւոցն. և ապա իւրովի անգ անձին առնէր 'ի վերայ դերեզմանաց կուսիցն: Ուստի և գուշակութիւնք և պատգամք հանապազ նախապատում լինէին Սպարտացւոց անձնապահ և զգոյշ լինել առ 'ի Լեւկտրեան վեժխնդրութենէն. այլ զքան զայս խուժանն ողջիկ չիմանայր. քանզի և զտեղւոյն յերկրայտէին, զի և 'ի Լակոնիա է աւան մերձ 'ի ծով Լեւկտրոս անուն, և Սպրկադիա դարձեալ մօտ 'ի մեծ քաղաքն գոյ տեղի համանուն: Այլ արկած կուսիցդ այդոջիկ յոյժ վազնջուց է քան զԼեւկտրեան մարտ պատերազմին:

Արդ Պեղոպիդեայ՝ 'ի ննջել իւրում 'ի գաշտի անգ՝ թուէր տեսանել զազնկունան զայն յարաստուս հարեալ շուրջ զդերեզմանօքն և անէծս կարգալ Սպարտացւոցն. տեսանէր և զՍկեգասոս ինքնին՝ զի հրաման տայր նմա կոյս մի խարտեաշ յաղել իւրոց գտերայն, եթէ կամեսցի յաղթել թշնամեացն: Զարթուցեալ 'ի քնոյն Պե-

զոպիդէս, և խիստ երևեալ նմա հրամանն
և անխրաւ, պատմէր առաջի գուշակացն և
ըղձից և առաջի իշխանացն. կէսք 'ի նոցա-
նէն խորհուրդ տային՝ մի անփոյթ առնել
զտեսիլն և անհաւատանալ. և օրինակս ևս
զվազնջուց 'ի ներքս բերէին զՄենեկիւս
Վրէժնտեան, և զՄակարիա Հերակլեան.
և 'ի վերջնոց անտի՝ զՓերեկիդէս զիմաս-
տունն զոր ապանին Լակեդեմոնացիք, և
զմորթ նորա 'ի պահ ունէին Թագաւորք
նոցա 'ի պատգամէ իմեմնէ. գարձեալ և
զԼէոնիդաս՝ որ 'ի պատգամէ օրինակ իմն
զանձն առեալ նուիրեաց 'ի փրկութիւն
Ելլագայ. առ այս՝ և որք 'ի Թեմիստոկ-
ղէայ յազեցան հմակերին Դիոնիսեայ յա-
ռաջ քան զՍաղամինեան նաւամարտու-
թիւնն : Եւ գործոցն ապա վկայեցին գե-
ղեցիկ ելք իրացն : Ո՛չ այսպէս և Ագեսի-
դայոս, այն որ 'ի խաղալ զօրու ընդ նոյն
վայրսն՝ ընդ որ չու արար Ագամեմոնոն՝
ընդգէմ՝ նոցուն Թշնամեացն, մինչդեռ 'ի
քուն խնդրէր 'ի նմանէ յԱղիդէ զգուստր
նորա 'ի զոհ գիցուհին, նա քանզի 'ի հայ-
րենի գորովոյն ո՛չ շնորհեաց զխնդիրն,
վասն այնորիկ այնպէս անփառունակ և
անկատար արձակէր զզօրն : Իսկ կէսք ներ-
հակարար ասէին, եթէ ումեք ամենեկին
'ի դից վեհագունիցն քան զմեզ և լաւա-
գունին վիճակելոց բնութեն՝ երբէք բերկ-
րական ո՛չ իցէ զոհդ դժպհի և անազորոյն.
զի և ոչ իսկ իշխեն մեզ աւագիկ Տիւ-
փոնեանքն, և ո՛չ գարձեալ Հակայքդ խօ-

լաց. այլ ամենեցան հայրն աստուծոց և մարգկան. և գժպատեհ է կարծել՝ եթէ ընդ արիւն ապաժոյժ մարգկան և ընդ մահ բերկրեսցին Բաջքգ. ապա թէ ոչ իցեն ուրեմն գոքա արհամարհք՝ որպէս ապա ձեռինք. իբրեւ ՚ի վատութենէ ոգւոյն և ՚ի ակարութենէ բնաւորեալք հաստեցան այդ գժպհի և գժնգակ իղձք:

Իբրեւ այսպէս արդ աւագք ՚ի պայքար մտեալ էին վան բանին այնորիկ, և առաւել Պեղոպիդէս վարանեալ էր, անգուտ ձի մատակ մարակ փախուցեալ ՚ի կուտէն, և անցեալ ընդ մեջ զօրուս, ընթացաւ վաղեաց և զտեղի կալեալ արձանացաւ ՚ի հանգիւոյ: Անգանոր առհասարակ գէտակն ունէին հիացեալք ընդ գեղեցիկ գոյն բաշիցն և ընդ բոցափայլ, ընդ աշխոյժ կերպարանին, և ընդ փռնչիւն խրխնջիւն նորա վէս և յանձնապատան: Յայնժամ Թէոկրիտոս գուշակն ՚ի վերայ կացեալ՝ մեծագոչ ձայնէր առ Պեղոպիդէս. “Հասեալ կայ աւագիկ քեզ զոհո՞մ բարեբասաիկ. մի ևս մէք այլում ակնկալցուք կուսի. ա՛ռ ընկալ զգա, և յազեա՛ զոր ետ քեզ աստուած”: Ապա առեալ զմարդկն և ՚ի գերեզմանս անեալ կուսիցն և պաղասանս կարգեալ և պատկօք զմարդկն բոլորեալ, անդ ցնծութեամբ յազէին զնա, և ընդ բանակն ողջոյն հռչակ հարին զտեսիլն Պեղոպիդէայ և զլոհն:

Իբրեւ խառնել հանգերձեալ էր խաղձն, առեալ Եպսամինոնգ զփաղանդն ձգէր եր

կայնէր 'ի ձախակողմն առ 'ի շեղ, զի աջոյ
 թեն Սպարտացւոց կարի իմն 'ի բացեայ
 եղեալ յալլոցն Հելլենացւոց, հեշտեաւ
 ինքն յայն թե վանեալ հարցէ զՎզէոմբրու
 տոս բուռն և սաստիկ : Իրազգած խորհրդ
 գոյն թշնամեացն եղեալ, փոփոխեալ և
 նորա 'ի կարգին իւրեանց՝ ձգեալ երկայ-
 նէին զաջոյ թեն և ածէին պատէին 'ի մէջ
 առնուլ փակել զԵպամինոնդաս : Հապա
 գէտակն 'ի վեր ամբառնայր Պեղոպիդէս,
 ածապարեալ գիմեալ անդր հանդերձ ե-
 րեքհարիւրովքն՝ մինչև Վզէոմբրոտեայ եր
 կայնեալ զթեն կամ անդրէն առեալ զնա
 և գումարեալ յառաջին կարգն, յարձա-
 կեցաւ 'ի վերայ Սպարտացւոցն՝ մինչդեռ
 խռով սաստիկ հարեալ ևս էր 'ի Լակե-
 գեմոնացիան : Արդ՝ թէպէտ և Սպարտա-
 ցիք առաւել վարժք և հմուտք յարուեստ
 պատերազմի, և առաւել ևս կիրթք՝ ան-
 վարատելի կալ մնալ 'ի շփոթել կարգին,
 և մէն մի 'ի նոցանէն միանգամայն գիտէր
 զօրավարել և զինուորել, և 'ի խուճապ
 ևս տագնապին կարգել զզօրականն և մարտ
 գնել կռուել, յայսր ամենայնի վերայ՝
 այն ինչ 'ի փաղանգէ անտի Եպամինոն-
 դաս գիմարաւ 'ի նոսա առանձին խոյա-
 ցաւ, անգուտ և Պեղոպիդէս անհնարին
 արագութեամբ և ուժով գիմեալ խառնե-
 ցաւ 'ի նոսա, այնպէս իմն նոցա ազմկեալ
 շփոթեցաւ ամենայն խորհուրդ և արուեստ,
 զի և 'ի փախուստ խուճապեալ և հա-
 րուածս ևս առին մեծամեծս՝ որպիսի ոչ

երբէք ուրեք յառաջագոյն: Ուստի և Պեղոպիդէս թէպէտ և փոքու գնդին խնամ և ոչ Բիոփոպրոս՝ իբրու զԵպամոնոնգաս բոլոր զօրուն սպարապետ, հաւասար Բիոփոպրոսայ՝ յազթութեանն և ՚ի նահատակութեանն ժառանգեաց փառս:

Ապա յետ այնորիկ երկոքին նոքա կացեալք ՚ի միասին Բիոփոպրոսոք, չուարարեալ եկին մոին ՚ի Պեղոպոննիոսս. և ժողովուրդ բազում յանդուցին ժառանջեալ ՚ի Սպարտացւոց, զԵդի և զԱրգոս, և բնաւ խակ զԱրկիադիա, և զԼակոնիա ինքնին բազմագոյն մասամբ: Եւ թէպէտ և ձմերայնոյն արեւագարձն էր, և ՚ի լրանալ էր վերջին ամիս աւազութեանն նոցա և տեղի տալ հասանէր նոցա, և այլոց ոմանց փոխանակել զբարձն անդէն յառաջում ամեւանն, և որ տեղի չտայր՝ գլխադարս էր. և յայնժամ այլք ՚ի Բիոփոպրոսացն առ ահի օրինացն, այլ և ՚ի վշտմեմբութի փախուցեալք ձմերայնոյն՝ ՚ի տուն զօրն խաղացուցանէին. սակայն Պեղոպիդէս՝ առաջին ինքն համախորհուրդ Եպամոնոնգայ՝ խրախոյս տուեալ քաղաքայնոցն առեալ ամէր գնոսա յառաջագէմ ՚ի կողմն Սպարտիոյ, անցանէր ընդ Եւրոդաս. քաղաքս բազումս հաստանէր, և աւերէր քանդէր առհասարակ զգաւառն մինչև ՚ի ծովն: Եւ զօրավարէր Պեղոպիդէս եօթն հազար զօրականին Հելլենացւոց, յորոց և ոչ երկոտասաներորդն էր ՚ի Թերայեցւոց անտի. քանզի և համբաւ գեղեցիկ քաջացն

այնոցիկ անսահման էր, և զնիզակակից առհասարակ ինքնին անշուշտ առեալ բերէր զհետ նոցա . քանզի և օրէնք խոյ առաջին և ավորագոյն կարօտելոցն վրկութեան բնաւորապէս իշխան 'ի վերայ կարգեն զկարողն 'ի վրկել . զոր օրինակ նաւաստիք՝ Թէպէտ և 'ի պարզել օգոցն կամ Թէ 'ի նաւակայան՝ լրացոյնս դնացեն ընդ զեկավարան և զքիթն 'ի վեր տանիցեն, անգէն իբրեւ մորդիկ և վտանգ պաշարէ զնոսա, գառնան նոքա խոնարհին և ակնկաւոյցք առ զեկավարան՝ զամենայն յոյս հաստատեն 'ի նոսա : Քանզի Արգոսացիք և Եդիացիք և Արկադացիք Թէպէտ և 'ի Ժողովս վասն նախաթող բարձի կարգեն ընդ Թերայեցիս, այլ յայնժամ 'ի տադնապին իւրեանց մտազիւրացոյնս հնազանդեալ անպայման նոքա զօրաւարացն Թերայ :

Ապա 'ի զինուորութեանն յայնմիկ ողջոյն զԱրկադիա յիշխանութիւն մի առեալ գարձուցին . և զՄեսսինա հանեալ 'ի ձեռաց Սպարտացւոցն, կոչեցին և անին անգր զհին Մեսսինացիան, և բնակեցուցին զԵթովէ . ապա գարձ 'ի տուն արարեալ ընդ Կենքրա, վանէին հարկանէին և զԱթենացիան, որ յանձուկան կռուեալք արգելուին զանցա նոցա : Եւ յազազս այսոցիկ առհասարակ մեծապէս սիրեցին ըզքաջութիւն նոցա, և զարմեցան ևս ընդ գեղեցիկ բախտն նոցա : Այլ սակայն և քաղաքայնոցն և ընտանեաց նախանձ վառէր քողովքէր ըստ չափու փառաց քա-

ջացն, և ասպնջականութիւն անբարի և
գժպատեհ պատրաստէր առաջի նոցա .
քանզի 'ի գարձին իւրեանց՝ 'ի դատաստա-
նէ մահու հազիւ ապրեցան նոքա, իբրեւ
որք ընդդէմ սահմանի օրինացն՝ որ հրա-
մայէր յառաջնում ամենանն՝ զոր Բու-
կասիոն կոչեն՝ տեղի տալ յիշխանութէն,
նոքա որջ և զամիսս չորս իշխանացան, յորս
և զնահատակութիւնագ 'ի գլուխ տարան
'ի Մեսսինա և յԱրկագիտ և 'ի Լակոնիա :
Ապա առաջին Պեղոպիդէս ածեալ 'ի դա-
տաստան, մեծապէս վտանգեցաւ . այլ ա-
պա երկորքին միանգամայն արձակեցան :

Արդ Եպամինոնդաս հեղաբար տարաւ
ամբաստանութեանն և մրկին յուզելոյ .
քանզի և քաջութիւն ազատանձնեայ գի-
տէր նա զհամբերատար ժուժկալութիւն
և զանյիշաչարութիւն յիշխանութեանն :
Այլ Պեղոպիդէայ բոյս բարուցն ցասմնոտ,
առ այս՝ և 'ի բարեկամացն գրգեալ 'ի վրէժ
Թշնամեացն, պատրաստեցաւ յայսպիսի
պատճառաց : Մենեկղիդաս հռետոր մի էր
յարանց անտի՝ որ 'ի միասին ընդ Պեղոպի-
դէայ և ընդ Մեղովնի ժողովեցան 'ի տուն
անգր Քարովնի . և քանզի շուք ոչ զնոյն
ունէր 'ի Թերայեցւոց, զի Թէպէտ և այլ
զօրաւոր յոյժ էր նա 'ի ճարտարաբանու-
թեան, այլ անժուժկալ գոլով և չարա-
բարոյ, գործի 'ի ձեռն առեալ զոնկակից
քաջաբանութիւնն, ամբաստան գատա-
խազ լինէր զվհագունիցն արանց : Եւ ոչ
յետ հարցափորձի քննութեան երկոցուն

սոցա գաղարեցաւ ինչ նա . զի և զԵպա-
մինոնդաս անգամ ետ նա մերժել յիշխա-
նութեան բարձէն , և հարուստ ետ ժամա-
նակ 'ի բաց կացոյց զնա 'ի վարչութենէ
քաղաքին . այլ իբրև ոչինչ ուժեաց նա
դատաւիտել զՊեղոպիգէտ առ ժողո-
վուրդն , գոմս գործեաց կռուել ընդ նմա՝
'ի կշիռ զնա ընդ Քարոյնի ձգելով : Քան-
զի և նախանձու յաշարկոտացն սփոփանք
իմն հասարակ բնաւորեցան լինել , գոնեա
քան զայլն խոնարհագոյն ցուցանելով
զնոսա՝ քան զորս չունին լաւագոյնս ե-
րևել : Ապա ջանայր Մենեկղեգէս փութոյ
պնդութեամբ մեծացուցանել զՔարոյնի
մրցանան առ ժողովուրդն , քան 'ի գովու-
թիւն առեալ զքննութեանս նորա և
զլազթութիւնն . զնոյն և 'ի մարտ այրու-
միոյն 'ի Պղատէա՝ ուր յաղթական ելին
Թեբայեցիք առ զօրավարութեամբն Քա-
րոյնի յառաջ քան զլեւկորեան պատե-
րազմ , յիշատակ 'ի ձօն Թեադոխեաց նա
կանգնել նմա օրինակ զայս : Անգրոկիւգէս
Կիւղեկեցի՝ ըստ պայմանին կռելոյ ընդ
քաղաքին՝ 'ի նկարել տախտակ մի նկարա-
գիր մարտի պատերազմի , անդանօր 'ի Թե-
բա նստեալ պարապէր 'ի գործն . այլ
ապստամբութի յայնժամ 'ի վեր երևեալ
և մարտ գրգռեալ , Թեբայեցիք առ իւ-
րեանս կալան զտախտակն , որում և ոչ
շատ ինչ մնայր 'ի լրումն նկարում :

Արդ Մենեկղեգէս ածեալ հաւանե-
ցուցանէր զԹեբայեցիսն՝ զայն տախտակ

առնուլ կախել 'ի ձօն արձանագրեալ 'ի նմա զանուն Քարոմլի, զի այսպէս ապա ստուերածս անցէ նա փառաց Քեղուկի գեայ և Եղամինոնգեայ: Եւ արդեօք ծան ծաղամիտ էր պատուամերութիւնն, նա խապատիւ քան զբաղմագէմ մրցանսն առնուլ դասել զյաղթութիւն մի զայն՝ յորում միայն Գերանգաս ոմն անուն այր անաւագ 'ի մէջ Սպարտացւոց տապաստ անկաւ հանգերձ քառասուն պարմք, և ոչ այլ նահատակութիւն. մեծ պատմեն 'ի նմա: Ապա առաջարկութեանն այնմիկ Մենեկղիգեայ հակառակ ամբարձեալ Պեղուկիգէս, իբրու որ արտաքոյ օրինաց իցէ բանն, պնդէր անգրժելի զվաղնջուցն սովորոյթ զթերայեցւոցն, մի շուք պատուոյ ումիք երբէք տալ առանձինն, այլ հասարակ հայրենեացն զանուն պահել զյաղթութեանն: Իսկ յաղագս Քարոմլի՝ յատենի անգ համբուն աննախանձաբար գովէր զայրն, 'ի նոյն և ամբաստանեալ ընդ ոտնէր զՄենեկղիգէս իբրեւ յաջակոտ այր և չար. և խնդրէր հարցանէր 'ի Թերայեցւոց, զի՞նչ 'ի բարեաց մասին նոցա 'ի ներքս երբէք բերեալ իցէ Մենեկղիգէս: Ուստի ապա և սաստիկ գրամոց տուգանեալ զՄենեկղիգէս, և անբաւական 'ի հատուցանել գուն գործէր նա այնուհետեւ վեր 'ի վայր չըջել զքաղաքականութիւնն: Արդ այսոքիկ ըստ մասնեայ տան ցոյցս գլեհաց առնն:

Յետ այսորիկ յորժամ Աղեքսանդրոս բռնաւոր փերացւոյ 'ի վերին երեսս մարտ

պատերազմի շարժեաց ընդդէմ բազմաց
Թեասաղացւոց, այլ 'ի ներքոյ խորամանկէր նա առհասարակ վասն ամենեցուն . ապա հրեշտակութի առաքելցին քաղաքքն 'ի Թերէ' խնդրէին զօր և զօրավար : Անդ Փեղոպիդէս տեսեալ զԵպամինոնդ պատագեալ յիրա Փեղոպոննիսոյ , յառաջագէմ զանձն ընծայէր Թեասաղացւոց . ոչ հանդարտէր անդործ զքաջութիւն իւր Լքանել և զհմտութիւնն . և ոչ ևս 'ի գէպ համարէր' եթէ առ կենդանութեամբն Եպամինոնդեայ այլում զօրավարի պէտք իցեն : Ապա խաղաց գնաց զօրու Փեղոպիդէս 'ի Թեասաղիս, և անդ արագ արագ հասեալ ունէր զԼարիսսա . և զԱլեքսանդրոս ինքնին՝ որ ողորմաւոր ընգառաջ եկն նմա՝ ջանալո հնարէր 'ի բռնաւորութենէն փոխեալ զայրն՝ իշխան համբոյր և օրինաւոր յարգարել զնա Թեասաղացւոցն : Այլ քանզի գազանաբարոյ էր այրն և ապստամբ 'ի հնարից ամղբել զնա , և զի՝ և շատ ևս բողոք կալան վասն անապորոշութե առն և զօղորդութեան , 'ի սրտմտութիւն բրբգեցաւ Փեղոպիդէս և ցասնոյր ընդ նմա . և նա յայնժամ տեղի տուեալ փախչէր հանդերձ անձնապահօքն :

Իսկ Փեղոպիդէս համաշունչ ընդ միւսնանս զԹեասաղացիան միաբանեալ, և յանդորդու 'ի բռնաւորէն կացուցեալ զնոսա , անց գնաց 'ի Մակեդոնիս , ուրանոր Պրոդամէոս մարտ եղեալ կռուէր ընդ միւսում Ալեքսանդրի արքային Մակեդոնացւոց .

անդանօր յերկոցուն ևս հրաւէր դադր առ նա՝ ընեւ իրաւախոհ 'ի կազին նոցա, և նիզակակից և զօրավիգն ընեւ հարստահարելոյն: Իբրեւ եկն եհաս նա առ նոսա, հանգարտեալ ամիքէր զկազն, և անդրէն միւսանգամ ետ կոչել զվտարանդեալսն. և առեալ 'ի պատանդ զՓիլիպպոս զեղբայր աղքային հանդերձ այլ ևս երեսուն մանկամբ 'ի յոյժ ականաւորացն, առեալ ածէր ընդ իւր 'ի Թերէ. հանդէս առաջի Հելլենացոցն առնելով զմեծապէս առնուան զԹերայեցոց քաղաքին 'ի փառս զինուց և 'ի հաւատ արդարութեանն: Սա այս Փիլիպպոս է, որ ապա մարտ պատերազմի յուղեաց 'ի վերայ Հելլենաց նուաճել զնոսա. և յայնժամ մինչեւ տակաւին մանուկ էր՝ անեալ աճէր 'ի Թերէ 'ի տան Պամմենայ, և Թուէր իմն նա նախանձաւոր բերիլ ընդ Եպամինոնդ՝ դէտ ահն կալեալ նահատակութեան առն 'ի միջանսն և 'ի զօրավարութեան բանակին. այլ նահատակութիւն այն՝ մասն գուղնաքեայ էր առաքինութեն Եպամինոնդեայ. իսկ 'ի ժուժկալութեանն մասին և յարգարութեանն և 'ի մեծանձնութեանն և 'ի հեղութեանն՝ որովք քաջ մեծ էր Եպամինոնդաս, ոչինչ բաժանորդ նմա դտաւ Փիլիպպոս, ոչ անդատին 'ի ընութենէն և ոչ դարձեալ նմանողութեամբն:

Յետ այսորիկ իբրեւ միւսանգամ բողոք կալան Թեսսալացիք վասն Փերացոյ Աղեքսանդրոսի, եթէ խռովեալ ամբոխէ

զքաղաքս նոցա, արձակեցին անդր հրեշ-
տակ զՊեղոպիդէս 'ի միասին ընդ Իամե-
նեայ. և քանզի զօր 'ի տանէն չէառ նա
ընդ իւր, զի մարտի ինչ ակն չուանին, հարկ
եղև 'ի պէտս զԹեոսաղացիսն վարել: Զայ-
տու ժամանակաւ միւսանգամ յուղեցան
չփոթք 'ի Մակեդոնիա, և Պողոմէոս 'ի կե-
նաց զրաւեալ զարքայն և զտէրութին գրա-
ւեալ, բարեկամք մեռելոյն առաքեալ ան-
գրէն կոչէին զՊեղոպիդէս: Նա ձեռնա-
մուխ 'ի գործն եղեալ, այլ առ օրին չու-
նելով յիւրոց անտի զօրականս, վարձեաց
զօր 'ի վայրաց անտի, և նոքօք հանգերձ
արագ արագ խաղաց ընդդէմ Պողոմէայ:
Իբրև մերձ եղեն, կաշառաբեկ զվարձկանսն
արարեալ Պողոմէոս՝ յինքն յանգուցա-
նէր. սակայն և 'ի փառաց համբաւոյն Պե-
ղոպիդէայ զանգիտեալ, եկն ընդ առաջ
նորա իբրև աւագամեծար առն և կալեալ
զաջոյն ողորէր, և խոտտանայր ևս նմա պա-
հել զտէրութիւնն՝ եղբարց արքային վախ-
ճանելոյ, և բարեկամ և թշնամի զԹե-
ոսացւոցն՝ ունել և իւր ինքնին. և վասն
այսոցիկ առեալ տայր նմա 'ի պատանդ և
զորդին իւր զԹիւղքսենոս, և յիսուան ևս այլ
'ի դայեկորդաց նորա. զորս առեալ Պե-
ղոպիդէս՝ արձակէր 'ի Թերէ:

Այլ Պեղոպիդէս ոչինչ հանդարտեալ
յաղաքս մատնութեան վարձկանացն, և
լուր առեալ զի անդ 'ի Փարսաղոս 'ի պահ-
եղեալ է նոցա շատ ինչ 'ի գոյից իւրեանց
և զորդիս և զկանայս իւրեանց, եգ 'ի մօտ

քան զկէժ առնուլ զանկրաւութեանն, եթէ հասեալ կալցէ զնոսա . ժողովեաց 'ի Թեասաղացւոց անտի և խաղաց 'ի Փարսազոս : Իբրեւ անց նա անգր, երևեցաւ նոցա առաջի Արեքսանդրոս բռնաւոր հանգերձ զորու . իսկ Պեղոպիդէս և որք ընդ նմա՝ զմտաւ ամեալ եթէ դայ նա 'ի չքմեղս ընեւ, յարեաւ և գնայր ընդ առաջ նորա . Թէպէտ և գիտէր ևս քանի՞ն էր այրն ապառւում և մարգափոշոշ, յանգորդու կարծաց զանձն 'ի պատճառս համբաւոյն Թերայ, և փառաց աւագութեան իւրոյ : Իբրեւ անդուստ միայնակ զնա յակն արկանէր Արեքսանդրոս և անդէն, ետ վազվազակի ձերբակալ առնել, և հասեալ տիրացաւ 'ի վերայ Փարսաղեայ : Անգանօր չլուկ և արհաւիրք յուզեցան յամենայն հնազանդեալս նորա . իբրու որ յետ այնչափ անկրաւութեանն և յանգընութեանն ոչ ևս նա երեսս ումեք արասցէ, և ընդ ամենայն մարդ և յամենայն 'ի գործս այնուհետեւ խժգժաղոյնս վարեցի՝ իբրեւ այր յուսահատ 'ի կենաց իւրոց :

Իսկ Թերայեցիք լուր առեալ զիրացն՝ սաստիկ սրանեցան, և առեալ զօր փութապէս առաքէին անգր . և քանզի ցատուցեալ իմն էին յայնժամ ընդ Եպամիճոնդ՝ զայլս կարգեցին 'ի զօրավար : Բայց բռնաւորն ամեալ զՊեղոպիդէս 'ի փերա, զառաջինն Թոյլ տայր հապարակ ամենեցուն ի օտել ընդ նմա . համարէր եթէ յազէտից անտի նկուն լեալ իցէ և խոնարհ :

Այլ Պեղոպիդէս ցանգ քաջաւերէր զվը-
տառես Փերայցիան և զտառապետն՝ որ
յայց ելանէին առ նա, և ասէր և՛ եթէ
յայնժամ աւագիկ մտալուտ առ դուրս
կայ բռնաւորին վեժխնդրութիւն. և ա-
ռապետց ևս ասել առ Աղէքսանդրոս ինք-
նին, եթէ դժպատեհ յոյժ է և գծնդակ
չարչարել և 'ի մահ վաթել զոր ամենայն
զտառապետ քաղաքացիան և զանմեզան.
Իսկ խնայէ ինքն 'ի Պեղոպիդէս՝ գիտելով
քաջ զի 'ի ձեռաց զերծեալ նորա՝ վեժ
տատիկ խնդրեացէ 'ի նմանէ : Զարմացաւ
Աղէքսանդրոս ընդ անվեհերութիւնն Պե-
ղոպիդէայ և ընդ աներկիւղութիւնն, և
ասէ. “Եւ զի՞ փութայ Պեղոպիդէս 'ի մե-
ռանել” : Լուեալ Պեղոպիդէս, ասէր.
“Զի դու վաղադոյն ևս կորիցես, առ-
աւել քան զայժմուդ աստուածատեաց
եղեալ” :

Եւ յայնմանէ արդել Աղէքսանդրոս
մտել առ նա ումեք յարտաքնոց : Սա-
կայն Թերի գուտար Յասոնի կին Աղէք-
սանդրի լուեալ 'ի պահապանացն Պեղո-
պիդէայ զանվկանդ հաստատութիւն և ըզ-
մեծութիւն ոգւոյ զառնն, ցանկացաւ տե-
տանել զնա և խօսել ընդ նմա : Իբրեւ չո-
քաւ առ նա, իբրու այն որ կին էր՝ ոչ
ժամանեաց անդէն համորէն 'ի վերայ կալ
մեծութե՛ն ոգւոյ նորա յայնչափ աղէտան.
սակայն և 'ի հերացն խռուացելոց և 'ի
տարազէ հանդերձիցն և 'ի գուղնաբեայ
պարենէն խելամուտ լինէր մեծի վշտամ-

բերութեանն անվայել յոյժ փառաց առն ,
 և յարտասուած հատանէր . ոյր աղաքաւ
 և Պեղոպիդէս ոչ գիտելով զառաջինն
 ո՞րդ կէնն իցէ , զարմանայր . ապա ծա-
 նուցեալ զնա , սկսաւ 'ի հայրենի ա-
 նուանէն կոչել զնա , իբրու որ մտերիմ
 յոյժ էր նա Յասոնի և բարեկամ : Ապա
 իբրեւ ասէր նմա կէնն , եթէ “ Ողորմիմ
 կնոջ քում ո՞վ Պեղոպիդէ ” . ետ պատաս-
 խանի . “ Եւ ես քեզ ինքնին . զի անկապ
 և արձակ գոլով քո , համբերես Աղէքսան
 գրի ” : Այս բանք 'ի խոր խոցեցին զկէնն .
 որում և 'ի վազնջուց գծոխրմբերելի էր
 անագորոյն կիրք և չարութիւն բռնաւորին .
 այն՝ որ 'ի վերայ այլոց անառակութեանցն
 յաւել և ունէր առ իւր 'ի մանուկ տար-
 փաւոր զկրսերադոյնն յեղբարց կնոջն :
 Ուստի և տոէս յայց Պեղոպիդէայ ելեալ
 Թերի , և ազատօրէն ընդ նմա խօսեալ յա-
 զադս իւրոց թշնամանացն , առաւել ևս
 ընդդ պոսմտութեամբ և ցասմամբ և ատե-
 լութեամբ ընդդէմ Աղէքսանգրի :

Այլ իբրեւ զօրավարք Թերայեցւոց մը-
 խեալք 'ի Թերտաղիա , ոչինչ 'ի գլուխ տա-
 րեալք յանհմտութենէն և 'ի ձախողակ
 բախտէն՝ այնպէս անարդարար տեղի ե-
 տուն , յայնժամ զայր այր 'ի նոցանէն
 տուգանէր քաղաքն թիւր մի գրամակշուոյ ,
 և առեալ արձակէր անգր զօրու զԵպա-
 մինոնգաս : Յայնժամ մեծապէս գլորե-
 ցաւ Թերտաղիա , և քաջալերութիւն բա-
 զում զքեցան Թերտաղացիք 'ի համբաւ մե-

ծի զօրավարին . և վայրիկ մի ևս յայնժամ
'ի բուն իրջ բռնաւորին հիմն 'ի վեր տա-
պալէին . այնչափ իմն արհաւիրք պատեալ
պաշարեաց զօրագլուխս նորա և զքարե-
կամեն, և այնչափ թափով յապտամբու-
թի մտաբերէին նուաճեալքն՝ յոյժ խրա-
խամիտ ցնծացեալք ընդ ելս փրկութեանն,
իբրու այն եթէ առ օրին տեսանել նոցա
զբեկումն բռնաւորին :

Այլ յայտ ամենայնի վերայ զիւր
փառան 'ի վերջէ գասեալ Եպամիոնոս
քան զփրկութիւնն Պերոպիդէայ, զանգիւ
տեալ եթէ Ալեքսանդրոս վեր 'ի վայր տե-
սեալ զիւր իւր, գուցէ յանկարծ յուսա-
հատ իբրեւ գազան մարդախանձ յարձա-
կեսցի 'ի Պերոպիդէայ, թարթափեալ դե-
գերէր 'ի մարտն . և ժամաւաճառ եղեալ
իբրու 'ի պատրաստութիւն հանդերձա-
նացն, գանգազութեամբն յանգուցանէր
զբռնաւորն, զի մի զտամբակ լրբութիւն
առն՝ ապերասան թողցէ, և մի զժանտա-
ժուտ վաքադութիւնն տուաւել ևս սրես-
ցէ . քանզի և գիտէր իսկ քաջ Եպամի-
ոնոսէն զանագորոյն բարս նորա և զարհա-
մարհել նորա զգեղեցիկն և զարդարն . իբ-
րու այն՝ որ կենդանւոյն տայր թաղել բռ-
նաւորն զմարդիկ . և էր զոր վարադենեօք
և արջենեօք շուրջ պարուրեալ, գրդեր
ընդդէմ նոցա բարակս որսականս՝ նեւա-
հար արարեալ զնոսա, և տայր կեղեքել
զնոսա, և ինքն 'ի զնին խաղուն զուար-
ճացեալ բերկրէր :

Իսկ 'ի 'ի Մեղրիա և 'ի Սփորտուս քաղաքան՝ որք գաշնաւորքն էին նմա և բարեկամք՝ շուրջ կարգեալ տեղաւորս 'ի Ժողովագեան, կոտորած 'ի վերայ գնէր նոցա ոչինչ խնայեալ 'ի տիս հասակաց. ապա և զաշտէն իւր՝ որով հաղեալ սպան նա զՊղնկրոն զիւր քեռին՝ նուկրեալ և պատկոջ զարգարեալ՝ զոհ զոհէր այնմ իբրու առտուծոյ, և անուան կարգայր այսմիկ՝ Դիւթի այն է՝ Բարեբազդ: Իսկ էր երբեմն զի 'ի զինն կացեալ սպերգակի ուրումն գերասանի 'ի խաղ Տրովագուհեացն Եւրիպիդեայ, անգէն յարուցեալ ելանէր տապա 'ի Թատրոնէն. այլ 'ի նոյն առաքէր 'ի ներքա տալ քաջալերո գերասանին՝ մի ինչ վասն ելանելոյն արտաքս՝ վատանալ նմա 'ի խաղումն. զի սչ ազհամարհութեան են ելքն, այլ զի ամուչէ նա առաջի քաղաքացեացն յարտասուս լուծանել ընդ ազէտս վտին Հեկաթեայ և Մագրոմաքեայ. նա՝ որ երբէք ոչ գորովեցաւ 'ի վերայ միոյ ուրուք 'ի սպանելոց իւրոց:

Բայց սա այս Աղեքսանդրոս զահի հաղեալ 'ի փառաց համբաւոյն և 'ի մեծամեծար աւագութենէն Եպամինոնդեայ զօրավարին, “Նկուն լինէր իբրեւ զաքաղաղ պարտեալ և 'ի վայր զթեան առնոյր“. և փութապէս առաքեալ հրեշտակս՝ խօսէր ընդ նմա 'ի չքմեղո անձին: Այլ Եպամինոնդ յանձն չառեալ կռել Թերայեցոց խաղաղութիւն և բարեկամութիւն ընդ

առն ընդ այնմէկ, գուշ և գաղար մարտին
առնէր աւուրա երեսուն, և այնպէս փրը-
կեալ ապրեցուցանէր զՊեղոպիդէս և զԻս-
մենիաս. և ապա ինքն տեղի տուեալ մեկ-
նէր 'ի վարաց անտի:

Յետ այսորիկ իրազգած եղեալ Թե-
բայեցւոց, եթէ Լակեդեմոնացիք և Աթե-
նացիք հրեշտակա առաքեցին առ մեծ Թա-
գաւորն յուխտ մտանել ընդ նմա, առեալ
արձակէին և նոքա զՊեղոպիդէս՝ քաջա-
պէս խորհեալ այնպէս վասն մեծի համ-
բաւոյ առն: Քանզի և յառաջագոյն համ-
բաւեալ իսկ էր նա ընդ ամենայն գաւառս
արքային՝ ընդ որ անցանէր նա. զի և իջ ա-
նադանի ինչ հռչակ հարաւ ընդ Ասիա համ-
բաւ պատերազմին նորա ընդդէմ Լակե-
դեմոնացւոցն, այլ յորմէհետէ լուր եհաս
անդր Լեւկտրեան մարտին, և երբէք եր-
բէք 'ի նոյն յաւելեալ և այլ ինչ 'ի գեղե-
ցիկ նահատակութեանց նորա, որ ըստ օրէ
երթալով երթալոյ յառաջացեալ համբաւ
նորա և մինչև 'ի հեռաւոր գաւառս: Ապա
և առ Գուրան տեսեալ զնա նախարարք և
զօրավարք և իշխանք արքային, հիացեալ
զարմանային և առ միմեանս բարբառէին.
սա այս ալ է՝ որ զծովուն տերութիւն և
զքամաքին առ եբարձ 'ի Լակեդեմոնաց-
ւոց, և ընդ մէջ Գետասայ և Եւրոտայ փա-
կեաց սահմանեաց զիշխանութիւն Սպար-
տիոյ, այն՝ որ վայր մի յառաջ առ Ագե-
սիդայոսիւ մարտ պատերազմի շարժեաց
ընդդէմ մեծի Թագաւորին և ընդդէմ

Պարսկացի հանել 'ի ձեռաց նոցա զԸուշ և զԵկրատանս :

Ուստի և վասն այսորիկ յանձն իւր զուարճացեալ էր Արտաշէս, և եւ 'ի վեր առեալ մեծացուցանէր զբռն Քեղոպիդեայ . պատուասիրէր երևել պաշտեալ և սպասարկեալ յաւագամեծար տրանցն : Ապա իբրև և զկերպարանն Քեղոպիդեայ յակն արկանէր Թագաւորն . և լուաւ եւ զխօսել նորա՝ կորովի եւ քան զԱրտաշէսցւոցն, և անպաճոյճ առաւել քան զԼակոնացւոցն, առաւել եւ սիրեաց զնա, և կէրս իմն արքունի կրեալ՝ յայտնապէս ցուցանէր զմեծապէս յարգ իւր առ նա . որպէս զի և այլք 'ի գեապանացն խելամուտ եղին բազում սիրոյ նորա առ Քեղոպիդէս . Թէպէտ և քան զամենայն Հելլենացիսն առաւել պատուեաց նա զԱնտաղկիտաս Լակեդեմոնացի . քանզի 'ի մեռոն Թագեալ արքային զպսակն զոր բարձեալ բերէր նա 'ի խնճոյսն, առեալ յղեաց զայն առ նա : Բայց ընդ Քեղոպիդեայ ոչինչ այնպէս գրգանօք՝ վարեցաւ Թագաւորն, առաքել առաքեաց առ նա ընծայս շքեղ յոյժ քան զսովորեալն և արդոյս և պայծառս . և զինգրուածս նորա կատարեաց, զի ազատք կաջցեն մնացեն Հելլենացիք իւրեանց օրինօք . և բնակեալ եղիցի Մեասինէ, և Թեբայեցիք բարեկամք հայրենիք համարեացին արքային :

Չայս հաւանութիւնս առեալ Քեղոպիդէս, այլ յընծայիցն և ոչինչ, բայց որ-

չափ ինչ 'ի նշան սիրոյ և մտերմութեան
արքային, եւ մեկնեցաւ. և այս առաջ մե-
ծապէս դարձել յառակեաց զայլն 'ի դեւ-
պանաց: Քանզի Աթենացիք մահու դա-
տեցին զՏիմագորաս. և արդեօք իրաւամբք՝
եթէ արարին զայն 'ի պատճառս մթերից
ընծայիցն: Քանզի ոչ ոսկի միայն և ար-
ծաթ ընկալաւ սա, այլ և անկողին մի ծան-
րագին, և ծառայս ևս անկողնարկս 'ի Պար-
սից, իբրու եթէ անբաւականք իցեն Հել-
լենացիք քաջապէս անկողնարկ լինել. առ-
այս դարձեալ էառ նա և կովս ութսուն,
և անդէորդս ևս. իբրու եթէ կաթին նո-
ցա պէտք իցեն նմա 'ի խօթութեան իւ-
րում. ապա 'ի վերջէ 'ի մեկնել իւրում՝ 'ի
Պարսից էջ նա 'ի ծովն բարձեալ բերեալ
չալակաւ. և որք բարձեալ տարան զնա՝
առին վարձս 'ի Թագաւորէն մէն մի տա-
ղանդս չորս: Այլ Թուրի Թէ ոչ զօշար-
դութիւն առն մեծապէս պտնեցոյց զԱ-
թենացիսն. (քանզի երբեմն և Եպիկրա-
տէս այր բեռնակիր զօրու ոչ ժխտեաց ըն-
ծայս առեալ 'ի Թագաւորէն. և յասել
անդ նորա, եթէ վճիռ տալ արժան է՝ փո-
խանակ իննուանց իշխանապետացն ամի ամի
դեսպանս ինն 'ի սոսկականաց և յաղքա-
տաց առաքել առ Թագաւորն՝ զի հարս-
տացին, լուեալ զայս ժողովրդեանն՝ 'ի
ծաղր հատանէին). այլ զի մանաւանդ
դժկամակս բերին Աթենացիք, զի ամե-
նայն ինչ շնորհեցաւ Թեբայեցոց: Այլ
զփառսն Պեղոպիդեայ չածին նոքա զմտաւ,

եթէ քանին առաւել քան զամենայն հակադրա և զճարտարաբանս մեծ ևս էր նա առ առն թագաւորի՝ որ 'ի պատուել բնաւորեալն է զհզորացեալսն 'ի զէնս։ Արդ հրեշտակութիւնն Պերդալիգեայ 'ի գարձին նորա ոչ սակաւ ինչ յաւել նմա զսէր մտերմութեան իւրոցն, այն զի շնորհեցաւ նմա միւսանգամ բնակեցուցանել զՄեռսինէ, և այլոց Հելլենացւոցն սեպհական վարել օրինոցն։

Բայց յայնժամ Ալեքսանդրոս փերացի անգրէն 'ի անկակից կրիցն բերեալ, և 'ի Թեսաղացւոց՝ քաղաքս ոչ սակաւ հասեալ, և պահապան զորս արձակեալ առ ամենայն փթիռնացիս և Աքայեցիս և առ Ժողովուրդն Մագնեսացւոց։ Ըուր առեալ քաղաքացն զքարձին Պերդալիգեայ, անգրէն հրեշտակս արձակեն 'ի Թերէ։ զոր 'ի Թիկունս ինգրէին և զօրավար զՊերդալիգէս։ Իդրև զօրավիգ զայն անյապաղ սահմանեցին Թերայեցիք, և կաղմեցին պատրաստեցին զամենայնն, և այն ինչ 'ի քաղաքէն արտաքս ելանէր զօրավարն, խաւարէր լոյս արեգականն։ որպէս զի և 'ի տունջեանս աղջամուղջ առհասարակ գրաւեալ կալաւ զքաղաքն։ Անգանոր Պերդալիգէս տեսեալ զիւրան խռովեալ առհասարակ 'ի նշանէն, ոչ լաւ համարեցաւ բռնադատել ընդ իւր զօրն զայն ահաբեկ և յուսակաւոր, և 'ի վտանգ արկանել եօթն հազար այր 'ի քաղաքայնոցն։ այլ զանձն միայնակ ընծայեալ Թեսաղացւոցն և առեալ ընդ իւր երեք-

հարկւր այրումի ինքնակամ նահատակեալ յօտապաց անտի, եւ գնաց. թէպէտ և գուշակք և իզձք ոչ հաւանեցան, և քաղաքացիք ևս արդելութիւն զնա. քանզի նշան երկնառաք մեծ և ընդգէմ մեծի ուրումն առն համարեցան զայն:

Բայց նա սաստիկ վառեալ էր ընդգէմ Աղեքսանդրի վասն թշնամանացն առ ՚ի նմանէ. և ակն ունէր ևս գտանել զոուն նորա լի ակտիւ և վայիւք, ՚ի բանից անտի զոր խօսեալ իսկ էր նա առ Թերբ. իսկ որ առաւել ևս ՚ի նոյն յանկուցանէր զնա՝ գեղեցիկութիւն նահաաակութեանն այնմիկ: Քանզի և ցանկայր և պատուասիրէր՝ զի ՚ի ժամանակին՝ յորում Լակեդեմոնացիք զօրավարս և ռառիկանս առեալ արձակէին առ Դիօնեսիոս բռնաւոր Սիկիլիոյ. և Աթենացիք ինքնին վարձատու ունէին զԱղեքսանդրոս, և գրօշեալ ՚ի պղնձոյ կանգնեալ էին նմա իբրեւ բարերարի, ցուցցէ նա Հելլենացւոցն՝ եթէ Թերապեցիք միայն ՚ի գէն ՚ի զարգ վառեալ են յայնժամ վասն հարստահարելոցն, և աւերեալ քանդեն նոքա յԵլլադա տէրութիւնս զանիրաւացն և զբռնաւորաց:

Հասեալ ապա ՚ի Փարսաղոս Փեղոպիգէս, և անդ զքանակն խմբեալ՝ անգէն խաղայր ընդգէմ Աղեքսանդրի: Նա տեսեալ զի նուազումք են ՚ի Թերապեցւոց ընդ Փեղոպիգէսայ, և զի զօրականք իւր կրկին ևս և առաւել են քան զԹերսասաղացւոցն, խաղաց գալ ՚ի գիմի հարկանել նմա առ տա-

Ճարին թեզիսայ : Իբրեւ անդ. ոմն ասէր առ Պեղողիգէս, եթէ 'ի վերայ յարձակեալ գայ բռնաւորն բազում ամբօխիւ, ետ պատասխանի. « Գաջ է, բազմադուռնից ուրեմն և մեք լիցուք յաղթական » : Արդ՝ անգանձօր առ տեղեալն՝ որ անուանեալ կոչէր Յինիէֆադէս, 'ի միջոցին ամբարձեալ կան բլուրք կրկին առ 'ի շեղ և բարձրակա տարք 'ի հանգիստյ միմեանց. գուն գործեցին հետեակազօրք երկոցունց ևս կողմանց հասանել ունել զբլուրսն : Այլ Պեղողիգէս 'ի վերայ հեծելազօրուն թշնամեաց արձակէր զիւր այրուձին՝ որ բազումք էին և կորովիք : Իբրեւ յաղթական ելանէին սղբա, և զհետ ևս մտեալ փախստելիցն վանէին 'ի գաշտին, անդուստ Աղեքսանդրոս կանխեաց կալաւ զբլուրսն, և 'ի գիմի հարեալ հետեակացն թեոսաղացոց՝ որ զկնի հասին անգր և գուն գործէին ելանել ունել զամուր վայրս զբարձանցն, հարուածս գնէր 'ի վերայ նահատակացն, և վերջ նոցա խոց և վիրաւոր՝ այնպէս 'ի գլուխ տարան և ոչինչ :

Հասկա գէտ ակն կալեալ Պեղողիգէս, զիւր այրուձին յետ ձայնեալ՝ հրաման տայր յարձակել 'ի վերայ մարտիկ գնդին. և ինքն առեալ փութապէս զվահանն, դիմեաց խառնեցաւ ընդ նոսա՝ որ առ բլրօքն մարտ եղեալ կռուէին. և անդ ընդ վերջապահան անցեալ յառաջ միջամուխ եղեալ 'ի նահատակսն՝ այնչափ իմն ոյժ պնդութեան և քաջալեր յորդեաց առ-

հասարակ, որպէս զի և թշնամեացն կարծեւ եթէ այլ յայլմէ եղեալ զօրականին՝ մարտուցեալ կռուին նոքա միանդամայն և մարմնով և հոգւով: Թէպէտ և զտեղի կալեալ ընկրկէին հրոսակութիւնս երկուս և երկս, տեսեալ զի հզօրեղապէս նոքա 'ի գիմի հարան, և զի և այրուծին ևս դարձարարեալ էր 'ի հետամուտն լինելոյ, տեղի ետուն և ընդ կրուանն վերջոտանէին:

Իսկ անդուստ Պեղոպիգէս 'ի բարձրաւանդակէն տեսեալ զի չե էր 'ի փախուստ ամենայն բանակ թշնամեացն դարձեալ, թէպէտ և առհասարակ լի էին խռովութեամբ և ամբոխիւ, եկաց արձանացաւ և շուրջ հայէր գիտէր՝ խնդրէր զԱղեքսան գրոս: Այն ինչ յակն արկանէր զնա յաջոյ թեի անդ կարգել զվարձկանս զօրակաւնին և խրախուսել, ոչ ևս զսրտմտութիւն բարկութեանն սանձեաց բանիւն. 'ի նոյն տեսիլ վառեցաւ բորբոքեցաւ, և սրտմտութեան կրիցն 'ի ձեռն զիւրականն առեալ մարմին և զզօրավարութիւն նահատակութեանն, խուճապեցաւ վաղեաց 'ի բաց հարուստ միջոցաւ յառաջագէժ քան զնիւզակիցսն, ձայն բարձեալ գոչէր և ասպարէզ բռնաւորին կարգայր: Իսկ Աղեքսանգրոս ոչ եկաց մնաց բուռն յարձակմանն, չղքաւ խոյս ետ 'ի մէջ տիգաւոր անձնապահացն և ծածկեցաւ: Բայց 'ի վարձկանաց անտի՝ ող միանգամ առաջին նահատակեցան ընդգէժ նորա, զնոսա առպաստ արկանէր Պեղոպիգէս, և զկէսս

գարձեալ խոցեր և սատակէր. սակայն և բազում այն էին 'ի նոցանէ որք բացէ 'ի բաց տեղօք գեղարդեամբք խոցեալ զգնսքաջին, վէրս մահու 'ի վերայ գնէին. մինչև անգուստ Թեոսաղացիք անձուկ մեծ կալեալ և յոգիս հարեալք 'ի վայր 'ի բլրոցն խուճապեցան ձեռն տալ նմա, այլ Պեղուպիդէս գիտապատ անկեալ կայր: Անդ ապա այրուձին յառաջ անցեալ հարկանէր վանէր առհասարակ զփաղանդ թըշնամոյն, և զհեա ևս մտեալ յոյժ հարուստ միջոցաւ՝ ընդր զգաշտագետինն գիտեամբք, տապաստ արկեալ ոգիս ամբլի քան զերիտ հազարս:

Արդ եթէ Թեոսայեցիք յայնժամ գրտեալք 'ի մահուն Պեղուպիդեայ՝ ցաւ անհնարին ցաւեցան նոքա, կարգալոժ գնա հայր և փրկիչ և վարժապետ մեծամեծ և գեղեցիկ առաքինութեանց, չէր ինչ կարի վարմանալ. յորժամ անգուստ և Թեոսաղացիք և նիզակակիցք՝ իւրեանց իսկ վճռովք 'ի շնորհս Պեղուպիդեայ անցեալ զանցեալ զգնաւ իսկ պատուով՝ զոր երբէք ընծայել իցէ առաքինութե մարդկան, և առաւել ևս իւրեանց իսկ կրիւքն զառ նա մտերմութիւն սիրոյն իւրեանց 'ի գէմս բերելին: Քանզի պատմեն՝ եթէ որք միանգամ 'ի մարտին յայնմիկ լուր առին զմահուն նորա, անդէն փութանակի մինչև զգրահան մերկացեալք, մինչև ձիոց զսանձս արձակեալք, և մինչև զվէրս պատեալք, զինուզարդու այնպէս ջերաջերմ առ նա ընթա-

ցեալ գնացին՝ իբրու որ գեռեա ոգիքն 'ի նմա իցեն . ապա շուրջ զգիականն նորա առեալ կուտէին կարկառ զառ և զապուր զթշնամեացն . և հատին կտրեցին զվարս զերիվարացն և զերեւանցն . և շաղք ես տեղի տուալ մենացեալք 'ի վրանս ոչ հուր լուցին և ոչ հաց առին . այլ անդ լուծութիւն անշունջ և թաղծութիւն մեծապէս գրաւեալ կալաւ առհասարակ զբանակն . իբրեւ որ ոչ յաղթութիւն տարեալ նոքա նշանաւոր և մեծ , այլ 'ի բռնաւորէ անտի 'ի պարտութիւն մատնեալ նկուլք եղեալ իցեն : Այլ ապա և 'ի քաղաքաց քաղաքաց , ուր միանգամ գոյժ եհաս մահուանն , անդր գիմէր աւազանին և ընդ նոսա երկ տասարոյք և տղայք , և քահանայք ինքնին զլխովին , շքով առնուլ ժողովել զմարմին նորա , ածեալք ընդ իւրեանս Ախոյեանս յաղթանակս և բոլորս պատկաց և ապա ապինութիւնս ոսկիս :

Իբրեւ 'ի գեահանան հանգերձեցան , յառաջ մատեան արք հին աւուրց 'ի Թեասա զացւոց անտի , խնդրէին 'ի Թեբայեցւոց թաղել զմեռեալն . և անդ մի ոմն 'ի նոցանէն եկաց խօսեցաւ այսպէս . “ Շնորհս մի արք նիզականիցք խնդրեմք մեք աւագիկ 'ի ձէնջ , որ փառս յամբաւ աղէտս մեր հանգերձեացէ մեզ և քաջալեր : Ո՛չ ուղի՝ կենդանւոյն Պերդուպիդեայ հորդեացեն Թեասաղացիք , և ոչ շուք նմին քաջաւայելուչ ձօնեացեն նմա յիմանալ նորա . այլ թէ երբէք մեծակեսցի մեզ հպիլ 'ի

մեռելութիւն նորա, և զարգարել պատկել և մեղէն զմարմին նորա թաղել, տաքութեամբ անամներէ ձեզ, եթէ քան թե բայեցուցն՝ առաւել ևս թեասաղացուց զժախըմբերելի իցեն կէտք աղէտիցս այսոցիկ. քանզի զիկեցայք դուք ՚ի քաջէ զորավարէ և եթ, իսկ մեք ինքնին ՚ի նմանէ, միանգամայն և յաղատութենէ: Քանզի զեմդ այլ համարձակեցուք մեք ինդրել ՚ի ձէնը այլ զորավար, մինչև մեր գարձուցեալ առ ձեզ զՊեղոպիգէս“:

Հաւանեցան թեբայեցիք: Եւ արդեօք յուզարկաւորութիւն այլ փառաւոր երբէք ևս քան զնորայն չասացէ որ, որ ոչ ՚ի փղոսկր և ոչ յոսկի և ոչ ՚ի ծիրանիս խնաւտակրեացէ զդուք պայծառութեանն, ըստ որում փղփստոս ՚ի գովութիւն առեալ զարմանայր ընդ հանգէս թաղմանն Դիոնիսեայ, որ ելք վախճանին եղև մեծին այնմիկ ողբերգակ տեսարանին բռնաւորութեան: Իսկ Աղէքսանդր մեծն ՚ի մահուն Եփեսոսիոյն՝ ոչ զվարսս միայն ետ փոքրել զերիվարացն և զջորւոցն, այլ և ՚ի պատուարացն զպսական տայր բառնալ. զի և քաղաքք ինքնին զառաջին կերպարանն ջրերելով՝ այլ զկտրեալն և զանփառունակն, երևեացին ՚ի սուգ համակել: Այլ քանզի այդդիկ ՚ի տէրանց անտի հրամայեալ հարկիւ գործեցան, միանգամայն և նախանձու պատուամոլերոցն, և ատելութեամբ բռնազատելոցն, ցոյցք ինչ ապա չէին գղթա մտերմութեան և ոչ մեծա-

բանաց . իբրու որ զպերճութիւն առաւել
զարդարտապանն և զգայլութիւն և զամ
բարտաւանութիւնն 'ի գէմս բերէին զնո-
ցա՝ որ զգոյսն 'ի վայրագտինսն վարեա-
ցեն և յամպէտան : Այլ թէ այր մի ժո-
ղովդական, մեռեալ 'ի տար աշխարհի,
յամուանոյն բացական և 'ի զաւակացն և
յաղջականացն, ոչ ուրուք թախանձեալ
ժանալ, կամ թէ հարկ 'ի վերայ ածեալ,
այնպէս մտադիւրագոյնա և այր զարամբ
այնչափ ժողովուրդք և այնչափ քաղաքք
սղաս հարեալ յուղարկաւորք լինիցին նմա
և բոլորիւք պաակեացեն, արդեօք այս նմա
մեծապէս իրաւամբք զանվթարն հանգեր-
ձեացէ երանութիւն :

Քանզի և չէ իսկ արդեօք՝ ըստ որում
Եսովպոսն ասաց՝ գժոխըմբերելի մահն
բարեբաատիկ մարդկանն, նա և յոյժ եր-
ջանիկ է . քանզի զգեղեցիկ նահատակու-
թիւնս զառաքինեացն յանդորր հանէ, և
'ի փոփոխութեանց բախալին անգրժեղի
պահէ : Ուստի և քաջ իսկ Լակոնացին
այն դիրկս ածեալ Ողոմպիայալթն Դիա-
գորայ, զի ետես ևս նա յՈղիմպիականն
պաակեալ զորդիան, ետես և զԹուռանն՝
որ յորդւոցն և որ 'ի գատերացն, բարբա-
ռեցաւ առ նա այսպէս . “ Վախճանեոց
ուրեմն ո՛վ Դիագորաս . ոչ ելլես գու 'ի
վեր յՈղիմպոս ” : Այլ ինձ թուի, եթէ
ոք 'ի միասին զուգեալ և զքնաւ մրցանակս
զՈղոմպիականացն և զՊիւթեանցն՝ ար-
ժան երբէք չհամարեացի 'ի կշիռ ձգել ընդ

միում միայն մարտի մրցանացն Պեղոպի-
գեայ, այն՝ որ 'ի բազումն մրցեալ և մրցա-
նակա տարեալ, և կեանս հարուստ կեցեալ
'ի փառս և 'ի պատուի, և ապա ուրեմն
Բիովտարքոս կացեալ երեքտասաներորդ-
անգամ, և նահատակու[թիւն մեծապէս
նահատակեալ և նկուն զբռնաւորն արա-
րեալ, մեռաւ նա 'ի վերայ ազատութեան
Թեսաղացւոցն:

Եւ արդեօք մահ նորա կոծ և աշխար-
մեծապէս առ[թեաց նիզակակցացն, սա-
կայն և օգուտ յոյժ գործեաց նոցա: Քան-
զի իբրեւ լուր առին Թերայեցիք ե[թե ան-
կաւ Պեղոպիգէս, վըէժ անյապաղ խորն-
գրեալ՝ փութապէս արձակէին անդր բա-
նակ եօ[թն հազար զօրականին և եօ[թն հա-
րիւր այրուձիոյ, և էին զօրավարք Մազկի-
գոս և Դիոգիտոնէ: Եւ այնպէս տաստիկ
'ի ներդն արկեալ զԱրեքսանդրոս և 'ի զօ-
րութենէն վատեալ, հարկ 'ի վերայ եդին
նորա գարձուցանել առ Թեսաղացիս ըզ-
քաղաքս նոցա. և 'ի բաց կալ 'ի Մազնե-
ոացւոց և 'ի Փիոմիւնացւոց և յԱքայե-
ցւոց, և զպահանորդ զօրն 'ի բաց տանել.
և երգումն ևս կռել՝ ըստ հրամանին Թե-
րայեցւոց անսալ և խաղալ 'ի կռիւ ընդդէմ
Թշնամեաց: Արդ Թերայեցիք օրինակ զայս
շատացան յայնժամ:

Այլ մեք, զոր վայրիկ մի ապա զպա-
տուհասն ելոյծ նա գիցն վասն Պեղոպի-
գեայ, պատմեսցուք: Էր իսկ անգատին
վարժեալ Պեղոպիգեայ՝ որպէս ասացաքն՝

զԹԵՐԻ զԻՆՆ Աղէքսանդրի, մի ինչ ահա-
բեկ լինել 'ի շքոյ և 'ի փառաց բռնաւո-
րութեանն, որ զինուք չափ է և 'ի գունդ-
եղւոյնսն: Ապա և ինքն ԹԵՐԻ զանդի-
տեալ յովստագրութ բարոյիցն, և յա-
տելութիւն բերեալ անագորոյն կրիցն Ա-
ղէքսանդրի, համաշունչ գաշնադիր լինէր
ընդ եղբարց իւրոց երից՝ ընդ Տիափոնեայ
և Պիւթողայոսի և Լիւկոփրոնեայ, գաւել
զնա օրինակ զայս: Ողջոյն ապարանիցն բրո-
նաւորին զգուշացեալ էին պահանորդք գի-
շերապահք, բաց 'ի բարձու սրակապանէն՝
յոր ելեալ ննջէր նա. և էր պահապան
մեծից սրակապանին շուն կապեալ անգամօր՝
բնաւից ահարկու, բայց երկուց տեարցն
ընդել, և ծառային՝ որ զիւրն տալր նմա:

Արդ յաւուր յորում գաւել զնա հան-
գերձեալ էր ԹԵՐԻ, առեալ 'ի տուէ զեղ-
բարս իւր Թագուցանէր 'ի տնեակ մի մեր-
ձաւոր. և ապա ինքն միայնակ՝ որպէս սո-
վորն էր՝ մտեալ առ Աղէքսանդրոս որ 'ի
քուն էր, և յետ սակաւու ելեալ ար-
տաքս միւսանգամ՝ հրաման տալր ծա-
ռային 'ի բաց զունն տանել, իբրու կամել
Աղէքսանդրու յանդորրու անշշունջ ամե-
նելին ննջել: Բայց և խիթացեալ՝ եթէ և
գրնդիւն արձակեսցեն սանդուղք յեւանել
'ի վեր պատանեացն, առեալ ասուհիս պա-
տէր 'ի վերայ. ապա ածեալ զնոսա 'ի վեր
սուսերաւորս, և առ գուրան կացուցեալ
զնոսա, ինքն մտանէր 'ի ներքս, և կորզեալ
'ի բաց զսուրն կախեալ 'ի վերայ գլխոյն

Աղեքսանդրի՝ զի և քաջ իսկ խոր 'ի քուն ննջէր այրն , բերեալ ցուցանէր նոցա զայն : Անդ 'ի ժամումն զահի զգողանի հարեալ պատանեացն և 'ի գործն վերջոսնեալք , արտմտեալ կինն թշնամանո և յիշոցս տայր նոցա և երգնոյր ևս՝ ինքնին գնալ զարթուցանել զբռնաւորն և մասն գործոյն լինել . յորով նոցա զարհուրեալք և յամթոյն ևս պարտեալք , առեալ ածէր զնոսա 'ի ներքս և կարգէր կացուցանէր շուրջ զանկողնովքն , ինքն 'ի ձեռին զճրագն ունելով : Անգանօր մին 'ի նոցանէ առեալ զբռնաւորին զոտիցն՝ տնդադոյնս ունէր . իսկ միւսն կալեալ զվարսիցն՝ չըջէր զցլուին . իսկ երրորդն՝ հարեալ 'ի նա զսուրն և անգէն խողխողէր : Եւ այնպէս արագ արագ մահու , որ 'ի գէպ իսկ թերեւ չէր , փշեաց զոգին ամբարիշտն : Այլ քանզի տա առաջին բռնաւոր՝ որ յամուանոյն իւրով 'ի մահ վարեցաւ , և զի և յետ մահումն մարմինն նորա թշնամանեալ՝ արկեալ 'ի բացի առաթուր 'ի փերացւոցն հարաւ , ապա թուի թէ զարժանին կրեաց ամբարշտութեանցն :

ՄԱՐԿԵՂՂՈՍ

() ՄԱՐԿՈՍ Կղաւղիոս որ հնգիցս անգամ եկաց հիւպատոս Հռոմայեցւոց՝ ասեն որդի եղեալ Մարկոսի: Իսկ առաջին՝ առ այս Մարկոս յիւրում աղքատահմին անուանեալ կոչեցաւ Մարկէղլոս, այն է՝ Արեւեան, որպէս ասէ Պոսիդոնիոս: Քանզի կիրթ և հմուտ էր ՚ի մարտա պատերազմաց, և մարմնով կորովի, և ձեռքն ուժաւոր, իսկ բնութեամբն՝ պատերազմասէր: Այլ զբոյս բարուց զայս զաշխոյժ և զբուռն և սաստիկ՝ միայն ՚ի մրցանա մարտից ՚ի գէմն բերէր նա. իսկ յայլն ամենայն ցած էր նա և մարդասէր, և հեղձնական վարժիցն և դպրութեանց սիրող այնչափ, զի և զարմանայր և մեծապէս ևս յարգէր զառաջագէմնն առ ՚ի նոյն: Թէպէտ և ինքն վասն մեծաց անպարապութեց, ոչ որչափ յօժարեալն էր՝ ժամանեաց

վարժիլ և հրահանգիլ 'ի նոսա : Քանզի զոր այլոց 'ի մարգկանէ ետ Աստուած , որպէս Հոմերոսն ասաց , “ Անդառին 'ի պատանի տիոցն մինչև յալկոյթ ծերութեան” պատերազմունս նիւթել գոռս “ , զնոյն ետ որոց յայնժամ արք աւագք 'ի Հռոմայեցիս : Քանզի պատանիք գոլով ընդ Վարքեդոնացիս մարտ եղեալ կռուեցան 'ի վերայ Սիկիլիոյ . իսկ երկուստարդք՝ ընդ Գաղատացիս՝ 'ի վերայ Իտալիոյ . և ապա ուրեմն ծերացեալք՝ դարձեալ միւսանդամ՝ կռուեցան ընդ Անիբաղայ և ընդ Վարքեդոնացւոց . չունելով նոքա՝ 'ի ծերացեալ հասակին՝ իբրու զքաղութան գուլ և հանգիստ 'ի գործոց մարտին , այլ իբրև առաջնորդք և իբրև զօրավարք ածեալք 'ի մրցմունս յազնուականութեանն կրից և յառաքինութենէն :

Արդ Մարկեղղոս՝ թէպէտ և յամենայն տեսակս մարտից ժիր և կիրթ , այլ 'ի մենամարտի՝ վեհագոյն անձին իւրում եղեալ՝ երբէք խոյս չետ նա յախոյեանէն . և առհասարակ տապաստ արկ՝ ողք միանգամ ձայն ետուն նմա : Իսկ և 'ի Սիկիլիա ապրեցողացանէր զեղբայր իւր Ոտակիրդիոս՝ որ 'ի մահ վտանգեցաւ , հովանի եղեալ նմա վահանաւ և աստակեալ զախոյեանս նորա : Ուստի թէպէտ և տակաւին պատանի , տարաւ նա և պատկա մրցանակս 'ի զօրավարաց . և ես քան զեա ականաւոր եղեալ , 'ի ժողովրդոցն ընտրեալ կարգեցաւ Ամբարապետ 'ի նշանաւոր կարգի . իսկ 'ի

քահանայիցն՝ Հաւահարց . և է այս աղք-
քահանայութեան՝ յօրինացն առւելութենէ
ոստիկանն՝ ի վերայ կալ գուշակութեանցն,
առաւել ևս որ ի հաւուց անտի :

Բայց մինչդեռ ամբարապետն էր, բռն-
նազատեցաւ նա յակամայս ամբատտան լի-
նել : Քանզի որդի մի էր նորա անուանա-
կից, գիմօք գեղեցիկ՝ քաջառոյդ հասա-
կաւ, ոչինչ պակաս և պարկեշտութեամբն
և գաստիարակութեամբն պանչացեալ առ
քաղաքացիսն : Ի սէր մանկանն հարեալ
Կապետով լինոս հոմիշխան Մարկեղղոսի
այր պագշոտ և լիբո, հրապուրեաց բանիւք .
զառաջինն մերժեաց մանուկն առանձին
զոնզոն . իբրև միւսանգամ ի նոյն սագրե-
ցաւ, չոգաւ ի վեր հանէր հօրն զբանն :
Զչարեցաւ հայրն, և ի Սինկդիտոսին ամ-
բատան կայր զնշխանակցէն : Անգ Կապե-
տով լինոս խոյս տուեալ, և հնարիմացութիւն
բազումն նիւթէր ի գերեւ զամբատանու-
թիւնն հանել, և բողոք ևս բառնայր առ
ժողովքապետան . իբրև նոքա բողոքոյն
երեսս չարարին, ապա և բնաւ խկ յու-
րաստ լինէր վասն մնասուն : Եւ քանզի
վկայ ի միջի չգոյր բանիցն առ մանուկն,
հաճոյ թուեցաւ զառաջեաւ զմանուկն
ինքնին կոչել : Իբրև եկն նա յանդիման
եղև, յակն արկեալ Սինկդիտոսին զնորա
չառաքնել գիմացն և զարտասուան, և
խառն ընդ մեծապէս սրտնութեան ման-
կանն՝ զամեթն, ապա հաւաստիս և ոչինչ
այլ խնդրեալ՝ գատակնիք տային և արծա-

Թոյ տուգանէին զՎապերտով լինոս. և յար-
ծաթոյ անտի Մարկեղոս անդան լումայա-
փոխից շինեալ՝ նուիրեաց գիցն :

Բայց յայնժամ 'ի զտաւ առաջին մար-
տին Կարբեգոնացւոց 'ի քսաներորդի երկ-
րորդի ամին, անգրէն միւսանգամ յուզե-
ցաւ ակիզքն պատերազմին՝ Գաղատացւոց
'ի վերայ Հռովմայ: Իբերացիք բնակաւորք
յԱլպատոն Իտալիոյ, աղջ 'ի Կեղտաց՝ զՔ-
րաւորք ինքնին, կոչեցին և յայլոց զոր 'ի
Թիկումս վարձուոր 'ի Գաղատացւոց ան-
տի, որ անուանեալ կոչին Գերատացիք:
Իսկ որ պքանչելին յայնժամ 'ի գեղեցիկ
բախտէն, զի այս մարտ Կեղտաց ոչ շար-
ժեցաւ՝ միախուռն 'ի վերայ Հռոմայեցւոց
ընդ մարտին Լիբիոյ. այլ կացին մնացին
յայնժամ Գաղատացիք 'ի մեծապէս յան-
դորրու՝ իբրու 'ի զնին կացեալք մարտի
նոցա. և խաղացին ապա 'ի վերայ յաղթաւ
կանացն և ձայն ետուն մարտի՝ մինչդեռ
նոքա պարապեալքն էին: Սակայն և այն-
պէս յահ մեծ ըմբռնեցան Հռոմայեցիք 'ի
մերձաւորութենէն, զի 'ի սահմանակից
վայրաց յուզեցաւ մարտն 'ի վերայ նոցա.
միանգամայն և 'ի վազնջուց անտի նահա-
տակութեանցն Գաղատացւոց, յորոց
Թուի Թէ քան յայլոց, 'ի նոցանէն ա-
ռաւել զահի հարեալ էին Հռոմայեցիք.
Իբրու որք և զնոցա քաղաքն երբեմն 'ի նո-
ցանէն հանեալ էին. և յայնց ժամանակաց
հեռի օրէնս կարգեալ էր Հռոմայեցւոց,
ազատ 'ի զինուորութենէ լինել քահա-

նայից՝ բայց 'ի Գաղատացւոց միւսանդամ պատերազմէն: Բայց ահ երկիւղէն՝ յոր յայնժամ տագնապեցան նոքա՝ յայտնի է և 'ի մեծահանգերձ պատրաստութենէն նոցա. քանզի ասեն՝ եթէ ոչ յառաջն և ոչ զարձեալ զինի, երբեք այնչափ բերաւորք 'ի զէն վառեցան 'ի Հռոմայեցւոց 1. առ այս՝ և յատարտի կարգէ զոհից նոցա յայնժամ յայտնի էր ահն:

Քանզի որք յառաջ ժամանակաւ ինչ մի 'ի խժգժականաց և 'ի գժպատեհից երբեք նոքա ոչ ցուցին, այլ յատուածայնան անդր սիրեցին նոքա վարել հելլենացի և լի հեղութեամբ. իսկ յայնժամ 'ի յուզել մարտին այնորիկ 'ի վերայ նոցա, ունին մատուցեալ ինչ ինչ պատգամաց 'ի մասենից անտի Սերիւլայիցն, կենդանայն թաղեցին երկուս 'ի հելլենացւոց՝ այր և կին, նոյնպէս և երկուս 'ի Գաղատացւոց, 'ի վայրն՝ որ անուանեալ կոչի՝ Հրապարակեան. և թաղելոցն այնոցիկ հելլենացւոց և Գաղատացւոց՝ մինչև ցայսօր ժամանակի յամենանն նոյեմբերի՝ կատարեն նուիրագործութիւնս իմն Ծածուկս և աչաց զԺողովներս առհասարակ:

Արդ յառաջին մրցանան մարտին, է ուրեք զի յաղթութիւնս մեծամեծս տարան Հռոմայեցիք, և է ուրեք զի հարուածո առին մեծամեծս. այլ մարտին ելք տահմանեցան և ոչինչ: Իսկ ապա 'ի ժամանակին՝ յորում Փլամինիոս և Փուրիոս հիւպատոսք խաղացին զօրու Ծանու.

'ի վերայ ինտոմբրացայ, տեսանէին արին
 գնալ ընդ գետն՝ որ անցանէ ընդ Պիկի-
 նեան գաւառն . և հռչակեա հարաւ՝ եթէ
 լուսինք երեք երեւցան առ քաղաքաւն
 Արիմինեայ 2 . և քահանայք ինքնին՝ որ
 հաւահմայիցն պաշտօնատարք են, յնորու-
 թեան հիւպատոսացն՝ հաստատութեամբ
 վկայէին՝ ձախողակի և չարահաւ լինել
 յայնժամ ընորութեանն : Վասն որոյ և
 Սինկղիտոսն փութապէս նամականի արա-
 բեալ 'ի բանակն՝ յետ կոչէր զհիւպա-
 տոսան, գալ և հրաժեշտ յիշխանութենէն
 տալ . և մի հիւպատոսաբար յինչ մի ձեռ-
 նամուխ լինել ընդդէմ թշնամեացն : Իսկ
 Փլամինիոս առեալ զնամականին՝ ոչ կա-
 մեցաւ բանալ մինչև կռուեալ և 'ի փա-
 խուստ զբարբարոսան դարձուցեալ և ըզ-
 դաւառ նոցա աւար հարեալ : Ապա գարձ
 'ի Հռոմ արարեալ բողոք՝ աւարաւ, ընդ-
 առաջ նորա ոչ չղբան ժողովուրդք . և
 քանզի ոչ անդէն 'ի կոչն հնազանդեցաւ
 նա և ոչ անսաց գրոյն, այլ անդոմեաց
 և արհամարհաց, վայրիկ մի ևս զանացին
 նմա զյադթանակն . բայց յետ յադթանա-
 կին ստիպեցին զնա 'ի բաց 'ի հիւպատո-
 սութենէն կալ հանդերձ իշխանակցաւն,
 և կեանս վարել զսոսկականի : Եւ այսպէս
 ապա զամենայն զգործս յատուած 'ի վեր
 հանէին Հռոմայեցիք . և ոչ գարձեալ 'ի
 յաջողութիւնս մեծամեծս անգամ՝ եր-
 բէք հանգարտէին նոքա զանց զբուշակու-
 թեամբն առնել և զհայրենի սովորու-

Թեամբքն. լաւ համարէին 'ի փրկութիւն քաղաքին բարեպաշտել իշխանաց յաստուածակողմն անգր, քան 'ի մարտի յաղթական լինել Թշնամուցն :

Առ այս և Տիբերիոս Սեմարոնիոս, այր՝ որ քաջութեամբ լուռութիւն սիրելի յոյժ էր Հռոմայեցւոց, 'ի հիւպատոտութեան անգ իւրում ընտրեալ իւր 'ի յաջորդ ըզ Սկիպիոն Նատիկաս և զԳայիոս Մարկիոս. և յետ մեկնելոյ նոցա 'ի կուսակալութիւն իւրեանց՝ իբրև ըստ գիպաց առեալ 'ի ձեռս զյիշատակարանս Նուիրականացն, գտանէր 'ի նմա սովորութիւն հայրենի զոր ոչն գիտէր. և էր այսպիսի : Զի՝ եթէ 'ի տան ուրեք կամ 'ի վրանի 'ի վարձու կալեալ, նստեալ հիւպատոտին արտաքոյ քաղաքին 'ի գիտողութիւն հաւահմայիցն, հարկ ինչ իցէ նմա դառնալ 'ի քաղաք անգր՝ մինչև երևեալ նշան ստոյգ, պարտ է նմա յայն ժամ լքանել զառաջին բնակութիւնն և ունել այլ, և անգ միւսանդամ սկիզբն առնել գիտողութեանցն : Արդ այսմ՝ որ պէս ինձ թուի՝ ոչ ուշ եղեալ Տիբերիոս, երկիցս զնոյն տեղին կալեալ՝ այնպէս ընտրեաց 'ի հիւպատոտ զարմն՝ զոր ասացաք. բայց ապա խելամուտ սխալանացն եղեալ՝ իրազգած զՍինկղիտոսն առնէր Այլ և ոչ Սինկղիտոսն ինքնին զանցարար, Թէպէտ և գուշնաբեայ էր վրիպակն, այլ առեալ գրէր առ հիւպատոտան. նոցա Թողեալ զկուսակալութիւնսն և փութապէս դարձեալք 'ի Հռովմ, 'ի բաց գնէին զիշխանութիւնն :

Այլ այս բանք՝ զոր պատմեցաք՝ յետոյ ուրեմն պատահեցան :

Իսկ յայնժամ՝ ի բաց հանան ՚ի քահանայութենէն քահանայք երկու յականաւորաց անտի Վուռնելիոս Վեթեգոս, զի ոչ մատոյց առաջի զսպանդա զոհին ըստ օրինին . և Վուռնետոս Սուլպիկիոս, զի ՚ի զոհել իւրում՝ անկաւ ՚ի գետին ՚ի ծայրից գլխոյն արտախուրակն՝ զոր տանին Փլամինեանքն : Կաւ յորժամ Մինուկիոս 3 իշխանապետ կարգէր իշխան այրուծիոյ ըզրայիոս Փլամինիոս, քանզի ճիկ յայնժամ լսելի եղև մկան, զոր Սոփոս անուանեն Հռոմայեցիք, վասն այնորիկ ՚ի բաց հանեալ զնոսա յիշխանութենէն, զայլա ՚ի տեղին կացուցանէին : Այլ նոքա ՚ի գուշնաքեայս յայսոսիկ փոյթ պնդութեան ունելով, անապաշտութիւն և ոչ մի խառնէին ՚ի նոսա, անփոփոխ զճայրենի սովորութիւնսն պահելով և անվթար :

Արդ հանեալ յայնժամ զՓլամինիոս ՚ի հիւպատոսութենէն, ամբարձաւ ՚ի նոյն Մարկեղղոս ՚ի Միջարքայից անտի . առեալ զիշխանութիւնն՝ ապա և Գնէյոս Վուռնելիոս կարգեցաւ նմա հոմիշխան : Իբրև անգուտ Գաղատացիք պայմանս դաշին առաջի առնէին, և Սինկդիտոսն ինքնին յօժարեցաւ ՚ի հաշտութիւն, թելադիր խուժանին լինէր Մարկեղղոս ՚ի մարտ պատերազմի, սակայն և հաստատեցաւ հաշտութիւնն : Իսկ յետ այնորիկ մարտ պատերազմին՝ որպէս թուի՝ բորբոքեցաւ ՚ի Գեռ

սատաղւոց անտի, որք անցեալ զԱլպեզքն
ամբոխիւ բիւրուց երից, և 'ի մի ընդ ին-
տմբոսացոյն գումարեալ՝ որ բազմագոյն
ևս էին քան զնոսա, անդէն խորանոյս բար-
ձեալ չու արարին խաղացին 'ի վերայ Ա-
կերրայ, քաղաք շինեալ 'ի վերայ գետոյն
Պագոսի. և անգուստ ապա արքայն Բրի-
տոմարտոս բիւր մի զօրահատոյց արարեալ
'ի Գեասատաղւոց անտի, յաւարի առնոյր
զգաւառն շուրջ զՊագոսին:

Լուր հասեալ առ Մարկեղղոս, անդէն
յԱկերրա թողոյր զէշխանակիցն հանդերձ
հետեակազօրուն, ողջոյն և զսպառազէնս
զօրականին և զերրորդ մասն զայրուձիոյն,
և ինքն հանդերձ մնացելովքն հեծելովք և
վեց հարիւր թեթեաղէն զօրականօք, խա-
ղայր գնայր չտայր գուլ ոչ զցայդ և ոչ զցե-
րեկ. մինչև եկեալ հառանէր առ բիւր Գեա-
սատաղիան մերձ 'ի Նապիդիոն աւան Գա-
ղատաղւոց, զոր վայր մի յառաջ ունէին
հռոմայեցիք: Անդանօր Մարկեղղոս ոչ
ժամանեաց ոչ կերակուր տալ զօրականին
և ոչ հանգիստ. քանզի արագ բարձարոսք
իրազեկ եղեալ գալստեանն, և արհամար-
հեալ զսակաւաձեռն գնդաւն, և ոչ այրու-
ձիոյն նորա երեսս ինչ արարեալ կեղտքն,
իբրու որք յոյժ կորովիք 'ի հեծելամարտի.
և 'ի նոյն՝ թուի թէ յոյժ նշանաւորք են
նոքա, և զի և բազմութիւն յոյժ էր նոցա
յայնժամ քան զՄարկեղղոսին, մեծաւ
բռնութեամբ 'ի վերայ յարձակեցան, իբ-
րու անդէն գէշ արկանել զնա՝ տաստիկ և

ահագին սպառնալիքք. և գիմագրաւ արքայն նոցա նահատակէր ասպազէն յառաջոյ նոցա: Իսկ Մարկեղղոս՝ զի մի սակաւաձեռն գնդաւն 'ի միջոցին փակեացի, առեալ ձգէր տարածէր զթեւ այրուձիոյն՝ ցան և ցիր գործելով ընդ երիվարսն, զի և հաւասար գողցես բանակին թշնամեաց ձգէր երկայնէր զթեւն:

Այն ինչ հանգերձեցաւ կազմեցաւ սաստկութեամբ անկանել 'ի վերայ, գէպ լինէր երիվարին նորա 'ի ձայնէ խիզախելոյ թշնամեացն խրտնուլ, և պակուցեալ գառնայր յետս և զնա բռնն ընդ կրունկն տանէր: Յայնժամ Մարկեղղոս խիթացեալ՝ գուցէ 'ի անապաշտութենէ իմեմնէ խռով 'ի Հռովմայեցիսն հարցէ բանն, փութապէս ձգեալ զերասանակ՝ սանձին և անգրէն 'ի ճակատ անդր շեշտ տարեալ զերկվարն, երկիրպագանէր արեգականն, իբրու եթէ ոչ ըստ գիպաց՝ այլ կամօք 'ի պատճառս երկրպագութեն գործել զճախրն. քանզի և սովորութիւն իսկ է Հռովմայեցւոց՝ ճախր առեալ երկրպագութիւն տալ գինն: Իբրեւ խառնուողքն հանգերձեալ էին լինել, ուխտս զնէր նուիրել փերտեանն Արամազդայ զդեղեցիկսն առաւել 'ի զինուց անտի թշնամեացն:

Յայնմ պահու գէտակն 'ի նա ամբարձեալ արքայն Գաղատացւոց, և 'ի նշանաց անտի համարեցաւ՝ եթէ ինքնին զօրավարն Հռովմայեցւոց իցէ, մտռակ 'ի կուշտ երկվարին՝ հարուստ միջոցաւ յառաջ քան

զնիդականիցան նահատակեալ արձանացաւ,
 և բարձր 'ի ձայն ասպարէզ նմա կարգայր,
 կայր և գուռայր և ճօճէր զնիդակն. զի և
 էր իսկ ինքն յաղթահասակ բարձր քան
 զամենայն Գաղատացիսն. և յայլոց անտի
 ընդհատ իբրեւ փայլակն բոցակէզ քաջ իսկ
 շողէր շողշողէր նա 'ի զէն 'ի զարգ համակ
 յոսկի և յարծաթ, և 'ի նկարս խայտա-
 ճամուկ պէսպէս նարօտից : Անգուստ
 Մարկեղոս շուրջ զակն զփաղանգաւն յա-
 ծեալ, զզէնան զայն արքային տեսանէր գե-
 ղեցիկ ևս քան զայլոցն ամենեցուն. զմտաւ
 ածեալ՝ եթէ ուխտք իւր ուրեմն առ աս-
 տուած 'ի զէնան անդր կատարեացին, խոյա-
 ցաւ ընդգէմ արքային և շեշտ թափ ընդ
 դասն նորա անցուցանէր զաշտէն. իսկ 'ի
 հարուածին և մղօն սաստիկ առւեալ յե-
 րիվարէն, զնա ողջ թաւալցւոր յերկիր
 կործանէր, և կրկնեալ և երեքկնեալ զհա-
 րուածն, անդէն գիտապատտ սատակէր :
 'Ի վայր ապա յերիվարէն վազեալ, և բուռն
 զգլինուցն հարեալ արքային, ասէր հայե-
 ցեալ ընդ երկինս. « Ո՛վ որ մեծաց նա-
 հատակութեանց 'ի զնին կաս զօրավարաց
 և ամենայն մարտից միջանաց զօրագլխաց,
 Արամազդ փերետրիէ, վկայեմ քեզ. զի
 երրորդ ես հռոմայեցւոց իշխան՝ զիշխանն,
 և զօրավար՝ զարքայն զթշնամեացն պար-
 տեալ և խմով իսկ ձեռամբ սպանեալ,
 քեզ զերեխայրիս և զգեղեցիկան աւարաց
 նուիրեալ սրբեցի : Դու մեզ զնոյն օրինակ
 շնորհեցես բազդ և 'ի մնացուած մար-

տիս՝ յորում նահատակեալ կամք աւա-
գիկ ։

Բայց անգուստ և այրուձին միջամուխ
'ի կռիւն եղեալ ճշմնդ այրուձիոյն միայն ,
այլ և ընդ հետևակազօրուն որ խառն 'ի
միասին մարտ եղեալ կռուէին , այնպէս
յաղթութիւն մեծ 'ի գլուխ տարան յայն-
ժամ մասնաւոր և նորանշան և անկարծ .
քանզի ասեն՝ ճշ յառաջ ժամանակաւ եր-
բէք և ճշ զինի դարձեալ՝ այնչափ այրուձի
'ի պարտութի մատնեաց զայնչափ ստուար
գունդ զայրուձիոյ և զհետևակաց : Ապա
չատ զոք 'ի նոցանէ տապաւտ արկեալ
Մարկեղղոս և զառ և զապուր ժողովեալ
զզինուց և զարծաթոյ , դառնալոյ առ իշ-
խանակիցն . որ 'ի մարտ պատերազմի տագ-
նապէր ընդդէմ՝ Յեզտացն շուրջ քաղա-
քուն՝ ընդարձակատարր և բազմաժողով
յոյժ քան զամենայն քաղաքս Գաղատաց-
ւոց . և անուն կարգային քաղաքին Մե-
գիոլան . և Յեզոք որ անդ՝ ունին զայն իւ-
րեանց Մայրաքաղաք . ուստի և 'ի վերայ
նորա մարտ եղեալ կռուէին նոքա մեծա-
պէս զօրութեամբ և քաջութեամբ . և քան
թէ ինքեանք պաշարեալք՝ պատեալ պա-
շարէին նոքա զՎուռնեւիոս : Իբրև 'ի վարդ
անդր գայր հասանէր Մարկեղղոս , և 'ի
լուր հարուածոյն և մահու արքային տեղի
տային Գեսաստացիքն , առնոյր յայնժամ
Մեգիոլան . ապա և զայլս 'ի քաղաքաց և
զամենայն գոյս ինքնին Յեզոք 'ի ձեռս
տային Հռոմայեցւոց . և անդանոր հաշ-

տուժիւն խաղաղութեան յայնժամ գեղեցիկ շնորհեցաւ նոցա :

Յետ այսորիկ՝ յազթանակի հանդէս հրամայեալ 'ի Սինկղեռոսէն Մարկեղղոսի միայն, մեծ և սքանչելի էր հանդէսն 'ի շուք փառացն և 'ի ճոխութիւն աւարացն և 'ի տեսիլ հարստի և անարդիլ մարմնոց գերեացն : Իսկ որ քան զքնաւն՝ նոր և չքնաղ տեսարան էր ինքնին Մարկեղղոս, որ բարձեալ բերէր աստուծոյն զսպառազինութիւն զբարբարոսին . քանզի ոստ մի յազթ և ուղղորդ կարեալ 'ի գիւրահերձ կաղնւոյ, և 'ի ձև Ախոյենի ճշգրտեալ զնա, առեալ 'ի նա կապէր հանգուցէր և կախէր զաւարն զամենայն, և յարեալ յոր մարէր զայն 'ի ճահ և գեղեցիկ կարգաւ : Ապա իբրև հանգէսն յուղի անկաւ, ել նա 'ի քառաձիւն, և ինքնին բարձեալ զքունն՝ 'ի տիպ ախոյանարեր, գեղեցիկ ևս տեսանելով քան զամենայն փառս յազթանակին, այնպէս մեծաւ շքով անցանէր ընդ քաղաքն : Նորա զհետ գային զօրականք վառեալք զարդարեալք 'ի զէնս գեղեցիկս, նուազս առեալք մեղեգեաց, և գրուատիս յազթական աստուծոյն և զօրավարին : Զայս օրինակ ապա յառաջ խաղացեալ, և հասեալ 'ի տաճար անդր Փերեարեանն Արամազդայ, անդ անկէր և նուիրեալ սրբէր զախոյեանն . եղեալ նա երրորդ և վերջին զօրավար մինչև առ մեզ՝ որ օրինակ զայս նահատակեալ իցէ :

Քանզի առաջին եկաց Հռոմուլոս, որ

բարձեալ երեք զաւարն զԱնդրոնիկի կե-
նինացաւոյ. երկրորդ՝ Կոստոս Կուռնեղիտս,
որ զՅովուսիմիոսին Տիւրքենացաւոյ. և ա-
պա յետ սոցա Մարկեղղոս այս՝ զԲրիտո-
մարտոսի զարքային Գաղատացաւոյ. բայց
զկնի Մարկեղղոսին՝ ոչ դք այլ: Իսկ ո-
րում ածեալ բերան աւարքն, անուն կար-
գան՝ Փեռեգոն: Արտաղ, որպէս կէդք ա-
սեն՝ քանզի ածեալ բերէր յազԹանակն՝ ի
Փեռեգոն՝ ի Կառա, ըստ Հելլեն լեզուին՝
որ ցայնժամ տակաւին շատ ինչ խառնեալ
էր ընդ Լատինացն: Իսկ որպէս այլք՝ այդ-
անուն մականուն գոյ Արամաղղայ՝ իբրու-
աակել ԸանԹահար. քանզի զհարուշն՝ հռո-
մայեցիք Փեռեգոն ասեն: Իսկ կէդք գար-
ձեալ՝ դանուն զայն առնուն ի հարուածոց
անտի ի մարտս. քանզի և մինչև ցայսօր
ժամանակի ի հալածել զԹշնամիսն՝ մի-
մեանց խրախոյս կարգան նոքա տակել
տուէպ, Փեռեգոն, այս է՝ հար և խո-
ցեաց: Իսկ զամենայն աւար՝ հասարակ կո-
չեն նոքա Սիսիւի. և մասնաւոր զայսոսիկ
կոչեն՝ Օփիա: Եւ Թեպէտ և ասեն՝ Կու-
մասայ Պոմպիլեայ ի յիշատակագիրս իւր
յիշատակ առնել առաջին և երկրորդ և
երրորդ Օփիմայիցն. զառաջնաւարն սրբել
Արամաղղայ Փերետրիոսի, և զերկրորդսն
Արէսի, և զերրորդսն Կուրքինեայ. և ի
վարձ առաջնոյն առնուլ աստարիոն երեք-
հարիւր. և երկրորդին՝ երկերիւր, և եր-
րորդին՝ հարիւր. այլ ըստ հասարակ համ-
բաւոյն՝ այն են արդոյ և պատուական Օ-

փինայքն՝ զոր 'ի Ճակատամարտի առաջին
աւարէ զօրավարն 'ի զօրավարէ անտի [ԵԸ
նամեացն՝ ինքնին սպանեալ զնա : Այլ
յադագս այսոցնիկ այսչափ :

Բայց ընդ յաղթութիւն ընդ այս և ընդ
գեղեցիկ ելս մարտին յոյժ խրախացեալք
խնդացին Հռոմայեցիք, զի և 'ի փրկանաց
անտի գերւոյն նոքա ըմպանակ ոսկի ա-
ռեալ յղեցին 'ի Դեղփիա 'ի շնորհակալու-
թեան ձօն Պիւթեայ . և լիարաշխ հանին
բաժին յաւարացն՝ նիզակակից քաղաքաց .
և շատ ինչ ևս ետուն տանել նոքա Հերովի
արքային Սիրակուսայ՝ որ բարեկամ և նի-
զակակից էր նոցա :

Այլ յետ այսորիկ հորդան տուեալ
Աննիբազ յիտալիա, առաքեցին զՄար-
կեղոս նաւաց հանգիսիւ 'ի Սիկիլիա : Բայց
յետ հարուածոյն Վաննեայ, յորում բիւ-
րաւորք բազում 'ի Հռոմայեցւոց տապաստ
անկեալ, նուազումք ապրեցան փախստեայ
անկեալք 'ի Վանուսիոն, և խիթային ևս
այնուհետեւ գէպ ուղիղ 'ի Հռով՝ խաղալ
Աննիբազայ՝ մեծապէս վատթարեալ նորա
զգորութիւն նոցա . անգուտո յայնժամ
Մարկեղոս՝ զառաջինն հազար և հինգ հա-
րիւր այր առաքէր 'ի յերիտասարդաց 'ի
պահպանութիւն քաղաքին, և ինքն 'ի հրա-
մանէ Սինկղիտոսին ելեալ անցանէր 'ի Վա-
նուսիոն . անգանօր առեալ նա ընդ իւր
զամենայն փախստեայան և արտաքոյ պա-
տուարացն հանէր զնոսա . ոչ կամէր ամայի
թողուլ զգաւառն : Այլ սակայն արք

աւագը զօրավարը և կորովիք 'ի Հռոմայե-
ցւոց տապաւոտ անկեալ էին 'ի մարտա . իսկ
Փաբիոս Մպքսիմոս թէպէտ և արգոյ և
պատուական յայնժամ 'ի քաղաքին իբրեւ
այր հաւատարիմ և հանձարեղ, սակայն և
նորա մեծապէս զգուշաւորութիւն գիմա-
գրաւել 'ի վտանգո՝ 'ի յուլացելոց իմն
կարգի գնէր զայրն և անարի 'ի շահատա-
կութիւնս մրցանաց :

Այլա զմտաւ ածեալ, զի ըստ չափու-
քաջութեանն իւրոյ յաներկեանութիւն
անգր, այնչափ և վերջոտնեալ էր նա քան
զՄարկեղղոս յարձակել 'ի թշնամիսն և
վանել, ուստի և 'ի միասին խառնեալ և
ներդաշնակեալ զարիութիւն շահատակու-
թեանն Մարկեղղոսի ընդ նախահայեաց
զգուշաւորութեանն Փաբեայ, և ուրեք զի
միանգամայն զնոսա կարգէին հիւպատոս,
և և զի զմին առեալ արձակէին հիւպատոս
սութեամբ, և զմեան 'ի փոխանակ հիւ-
պատոսի : Եւ Պոսիդոնիոս պատմէ, եթէ
Փաբեայ՝ անուն կարգային Վահան, և Մար-
կեղղոսի՝ Սոսիէր . և ինքնին Աննիբաղ ա-
սէր, 'ի Փաբեայ զանգիտել՝ իբրեւ 'ի դաս-
տիարակէ, և 'ի Մարկեղղոսէ՝ իբրեւ 'ի հա-
կառակամարտէ . քանզի 'ի նմանէ խափա-
նէր 'ի միասելոյ, և 'ի տմանէն՝ միտասէր :

Բայց յետ յաղթութեանն Աննիբաղայ,
իբրեւ աստ և անդ ցան և ցիր նորա զօրա-
կանք յանդուգն գնային և արձակերստան,
անգուստ Մարկեղղոս գիմէր անկանէր 'ի
վերայ երամակարձակ վարատելոցն 'ի բա-

նակէն և ասպատակաւորաց 'ի գաշտին . հարկանէր սատակէր 'ի նոցանէ , և նուազ առնէր զգորութիւնն Աննիբաղայ : Ապա խաղալը գնալը յոգնութիւն Նէապոլսոյ և Նովիայի , և առաւել յանգուցանէր զՆէապոլսեցիս , որք և անքակք իսկ էին նոքա յուստէն Հռոմայեցւոց : Բայց 'ի Նովիա գտանէր նա հերձեալ զծերակոյտն 'ի ժողովոցոց՝ որ թիկունս տային Աննիբաղայ , և ձեռնհաս չէր ծերակոյտն սանձակոծել զնոսա : Քանզի և էր իսկ անդանօր այր ոմն 'ի զարմէ աւագաց քաղաքին և ուժով անհնարին , Բանդիոս անուն նորա . սա այս Բանդիոս մարտ եղեալ մեծապէս քաջութեամբ 'ի Վաննայ և զքաղութան տապաւտ արկեալ 'ի Վարքեդոնացւոց , ապա 'ի խռան բազմակոյտ գիականցն գտանէին զնա , ողջ ծածկեալ զմարմինն նետիւք և փրնք . որպէս զի և զարմացեալ հիացեալ էր ինքնին Աննիբաղ ընդ այնչափ քաջութիւն առն . ուստի և առեալ ոչ միայն յազատութիւն արձակէր զնա առանց փրկանաց , այլ և ընծայաւոր եղեալ նմա՝ մտերմութեան դաշն կուէր ընդ նմա : Իսկ Բանդիոս 'ի փոխարէն երախտեացն մեծապէս հակամիտեալ յԱննիբաղ՝ պնդապէս ոյժ տուեալ յայնժամ խուժանին յապստամբութիւն գրդէր զնոսա :

Յայտր ամենայնի վերայ ոչինչ արժան համարեցաւ Մարկեղղոս 'ի մահ մատնել զայնպիսի ականաւոր այր , որ մարտս մեծամեծս գիմագրաւ ընդ Հռոմայեցւոց

մերեալ խոկ էր նա . այլ քանզի բնութեամբ
մարդասէր էր նա և 'ի քաղաքավարութեան
խրոսմ հնարիմաց էր յանդուցանել և ըզ-
պատուասէրա , իբրև յաւուր միում ողջու-
նեաց զնա Բանդիոս , հարցանէր Մարկեղ-
ղոս՝ ո՞րք իցէ այրն . նա 'ի վազնըուց իսկ
քաջ ճանաչէր զայրն , սակայն զի ժամ
խնդրէր և պատճառս զբանիւք անկանել
ընդ նմա . իբրև ասաց՝ եթէ ինքնին լու-
կիոս Բանդիոսն եմ , խնդաց Մարկեղղոս ,
և զարմացմամբ ևս ասէր . “ Թերևս դու
ինքնին Բանդիոսն իցես , զորմէ բազում
զոյցք են 'ի հռոմ քաղաքի վասն նահա-
տակութեանցն նորա 'ի Վաննեան մրցանան .
և զի միայնակ դու ոչ լքեր թողեր զՊաւ-
ղոս զԵմիլիոսն՝ իշխան անձնապահապետ
նմին արձանացեալ , և շատ ինչ որ ընդդէմ
նորա 'ի նեախցն առեր 'ի քոյին մարմին “ :
Իբրև նա կրկնեաց՝ եթէ քաջ նոյն ինքն
Բանդիոսն եմ , և բանայր ևս ցուցանէր նմա
զապիս վիրացն , ասէ Մարկեղղոս . “ Եւ
առնիչ ապա , հաւաստիս այնչափ զառ-
մեզ քոյին բարեկամութեան տարեալքո ,
ոչ վաղվազակի առաջի մեր ընծայեցար
դու : Թերևս կարծեսցուք մեք քեզ չարակ-
նեայք ոմանք . և չգիտիցեմք մեք փոխա-
րինել առաքինութեան բարեկամացն , ո-
րոց և թշնամիք ինքնին շուք ընծայեցին “ :
Զայս ինչ մտերիմ սիրով խօսեալ և կա-
լեալ զաջոյն , ընծայ նմին 'ի ներքս մա-
տուցանէր երիվար մի մարտիկ , և հինգ հա-
րիւր ևս գրամակշիռ արծաթոյ : Եւ յայն-

մանէ ապա ցանգ առնի՞թեր Մարկեղոսի կայր Բանդիոս նիզակակից նմո, և մասն և գուշակ անաչառ լինէր հակառակ կողմանն:

Յորոց շատք ոմանք խորհուրդ հաստա տեցին յայնժամ՝ 'ի գումարել Հռոմացե ցւոց ընդդէմ 'Թշնամեացն՝ յաւարի առնուլ զաղխամաղս նոցա . վասն որոյ և Մարկեղոս 'ի ներքս 'ի քաղաքին զգորականն գասաւորեալ, զաղին առեալ կռուէր առ գուրան, և պատուէր ևս տայր 'ի ձեռն քարոզին առ քաղաքացիսն՝ Նովյայի՝ մի հուպ լինել ամենեկին՝ 'ի պատուարսն: Ապա իբրեզէն և ոչ մի յակն ուրեք արկանէր անգուածս Աննիբաղ, խրախուսեաց մերձ խաղալ անկարգ հրոսակաւն . համարեցաւ՝ եթէ զաղ մկու և զխռովութեամբ գայցէ քաղաքն:

Արագ արագ յայնժամ Մարկեղոս բաջեալ զգուռն՝ կազմութեամբ գիմեր արտաքս հանգերձ կորովի այրուձիովն, և յարձակեալ 'ի 'Թշնամիսն՝ մարտեգեալ կռուէր ջկնի և հետեակազօրն հորդան տայր ընդ գուռն երկրորդ . մինչդեռ անդ Աննիբաղ խուճապեցաւ և բաշխէր զատանէր զքանակն 'ի գիմի հարկանել կրկնակի հրոսակին, բանայր և գուռն երրորդ և մնացուած զօրականին խուժեալ արտաքս, այնպէս յամենայն կողմանց 'ի վերայ անկանէին 'Թշնամեացն . նոքա չրտուցեալք ընդ անկարծ գէպն, տաքնապեցան զգէմ՝ ունել կուռ զհետ միմեանց յարձակմանցն . և այնպէս այս առաջին նուագ տեղի ետուն Հռոմայեցւոց՝ զօրք Աննիբաղայ, և ահաբեկք և

խոցք և վերաւորք ընկրկեցան՝ ի բանակեաղ իւրեանց։ Եւ ասէն՝ արանց աւելի քան զհինգ հազարաց տապաստ անկեալ ի նոցանէ։ Իսկ ի Հռոմայեցւոց ոչինչ աւելի քան զհինգ հարիւր։ Այլ Լիվիոս ոչինչ այնպէս մեծ ասէ զհարուածն և զթիւ ապանելոցն։ սակայն և վկայէ եթէ քաջ փառս մեծապէս այնուհետեւ ժառանգեաց Մարկեղղոս . և Հռոմայեցիք ինքնին յետ մարտին այնորիկ՝ ի սրտաբեկ աղէտիցն ողն առեալ քաջալերեցան, իբրու որ ոչ անվանելի ուրեմն իցէ և անասանելի թշնամին՝ ընդ որում մարտ եղեալ կռուին։

Ձայնու ժամանակաւ ի մեռանել միոյ ի հիւպատոսացն, շուք տուեալ Մարկեղեայ ժողովուրդք՝ կոչեցին զբացականն փոխանորդել զմեռեալն, և յակամայ կամս աւագանւոյն յերկարեցին զընտրութիւնն, մինչև դարձաւ նա ի բանակէն . և առհասարակ ապա քուեայս արկեալ ընտրեցաւ ի հիւպատոս։ Այլ ի ժամուն որոտ հանեալ աստուծոյ՝ ձախողակի զբանն համարեցան քահանայք . այլ յահէ ժողովրդեանն ոչինչ յայտնի զգէմ կալան ընտրութեանն, բայց Մարկեղղոս անձամբ անձին հրաժեշտ տայր ի հիւպատոսութենէն։ Սակայն յինքն զզօրաւարութիւնն առեալ և փոխանակ հիւպատոսի անուանեալ՝ անդրէն ի Նովոյա գարձ առնէր ի բանակն, և անդ հարկանէր վանէր զկուսակիցսն Փիւնիկեցւոյն։ Զօրավիգն նոցա կացեալ Աննիբաղ՝ ձայն տայր Մարկեղղոսի ի

Ճակատամարտ պատերազմի . իբրև հրա-
ժարեցաւ Մարկեղղոս , և Աննիբաղ որեւոր
բազում 'ի բանակէն արձակէր 'ի պէտս
համբարոյ պաշարոց աներկեան 'ի մարտէն ,
եւ ապա արտաքս Մարկեղղոս և անկանէր
'ի վերայ իւրովք հետևակօքն՝ զորս և վա-
ռեալ խակ էր և վարժեալ 'ի տէգա երկայ-
նատէգո նաւամարտից՝ շեշտ 'ի նպատակն
հարկանել խոցել 'ի բացուտ զՎարդեգո-
նացիան , որք տէգընկէցքն չէին՝ այլ սուինս
իմն վարէին նոքա կարճս հարկանել միայն
'ի մօտոյ . ուստի և որք միանգամ՝ յայնժամ
'ի վէգ եկին ընդ Հռոմայեցիան՝ Թիկնա-
գարձոյցք եղեն և 'ի փախուտ խուճապե-
ցան . և գիտապաստ անկանէին յայնժամ
ոգիք հինգ հազար . արկին տապաստ և ըզ-
չորս 'ի փղաց , և զերկուս ևս այլ 'ի նոցանէ
կալան կենդանի :

Իսկ որ մեծապէս էր յայնժամ , զի և
յաւուրն երրորդի յետ մարտին՝ այրուծի
յիբերաց և 'ի Հռոմադացւոց աւելի քան ե-
րեք հարիւր մարդիկ լքեալ զՎարդեգոնա-
ցիան , ինքնակամ անցանէին առ Հռոմայե-
ցիան . և երբէք այնպիսի ինչ ցայնվայր չէր
տեսեալ Աննիբաղայ . որ Թէպէտ և յայլա-
կրօնից ազգաց խմբեալ զխուժադուժ բա-
նակն , սակայն և հարուտ ժամանակ այն-
պէս ցանդ համաշուճ և միակրօն պահեաց
զնոսա : Եւ ապա նոքա ցանդ հաւատա-
րիւմ կացին մնացին առ Մարկեղղոսի , և որ
զինի զօրավարացն :

Բայց Մարկեղղոս կարգեալ 'ի հիւպա-

տոս երրորդ անգամ, նաւեաց 'ի Սիկիլիա. քանզի 'ի յաջողութեանց մարտիցն Աննի-
բաղայ գարձեալ միւսանգամ քաջաւերե-
ցան Վարդեգոնացիք նուաճել զկղզին. քան-
զի և Սիրակուսացիք յայնժամ զազմիաւ
գային յետ մահուն Հերովնիւմոսի բռնա-
ւորին. ուստի և Հռոմայցիք յառաջա-
գոյն արձակեալ իսկ էին անգանոր զօր և
զօրավար զԱպպիոս: Արդ զօրուն այնմիկ ա-
ռաջնորդ կացեալ Մարկեպլոս, եկին յայն-
ժամ անկան յոտս նորա բազումք 'ի Հռո-
մայցեաց անտի արք վշտատեպք. որք 'ի
Վաննեան մարտին ընդ Աննիբաղայ՝ կէպք
փախստեայք և կէպք գարձեալ 'ի գերու-
թիւն մատնեալ բազումք յոյժ, զի և թը-
ուէր ոչ ինչ բաւել յայնժամ Հռոմայցե-
ացոյ 'ի պահակերութիւն պատուարացն.
'ի վերայ այսր և մեծախորհուրդք Հռո-
մայցիք և մեծանձինք՝ յոնձին չալան
փրկանաւորել զգերիան՝ զոր գիւրագնի
տայր նոցա Աննիբաղ. և փոյթ չարարին՝
եթէ 'ի մահ վարեացին կամ թէ արտաքոյ
Խաալիոյ վաճառակուր լինիցին. իսկ զմա-
ղապուր գերծեալան 'ի նոցանէ արձակեցին
'ի Սիկիլիա՝ հրաման տուեալ երգէք մի
գառնալ յԽաալիա՝ 'ի մղել մարտի պա-
տերազմի ընդ Աննիբաղայ:

Արդ սոքա վշտատեպք խուռն գիմեալք
յոտս Մարկեղեայ և 'ի գուռն անկեալ պա-
ղատէին արտասուօք, զի չքով միւսանգամ
կալցեն նոքա տեղի 'ի զինուորութեանն.
Խոստումն կռէին ցուցանել արգեամք,

եթէ քան յանարի վատութենէ՝ առաւել
 'ի ձախողակ բախանէն թիկնադարձոյցք ե-
 ղեն նոքա յայնժամ : Ախտակից Մարկեղ-
 զոս հիբացելոցն եղեալ՝ գրէր առ Սինկղի-
 առան՝ խնդրէր 'ի սոցանէն ընդ միշտ զար-
 կատութիւն զօրականին իւրոյ : Իսկ Սինկղի-
 առան իբրեւ շատ 'ի խորհուրդ եմուտ վասն
 խնդրոյն Մարկեղեայ, եւ մէջն՝ եթէ
 Հռոմայեցւոց չեն ինչ պէտք արանցդ այ-
 դոցիկ անարեաց՝ 'ի գործս քաղաքին . իսկ
 թէ Մարկեղեայ կամք իցեն 'ի գործ զնո-
 սա վարել, ոչ տարցին դոքա 'ի զօրավարէն
 ոչ պսակ, ոչ մրցանակ ինչ զքաջութեանն
 ըստ պատերազմական օրինին : Բայց Մար-
 կեղզոս 'ի խոր խոցեալ ընդ մէջն, 'ի գար-
 ձին յեա Սիկիլեան մարտին բողոք բառ-
 նայր ընդգէմ Սինկղիառոսին՝ զի չեա նմա
 զմանգիրն 'ի շնորհս իւրոց մեծամեծ և բազ-
 մազէմ նահատակութեացն՝ դիւր առնել
 ազեակց այնչափ բազմաւոր քաղաքայնոցն
 հիբացելոց :

Իսկ յայնժամ նա 'ի Սիկիլիա հարաւա-
 հարութիւն կրեալ յապոկրատեայ զօրա-
 վարէն Սիրակուսացւոց, որ կուսակից վար-
 քեդոնացւոց՝ թեկն ածէր գրաւել զիւզ-
 զին, և բազում Հռոմայեցիս սպանեալ էր
 'ի սահմանս Լեոնտացւոց, պաշարումն ա-
 ծեալ բուռն զօրութեամբ առնողս զԼեոն-
 տացւոց քաղաքն . մնաս և ոչ մի հասու-
 ցանէր Լեոնտացւոց, միայն 'ի հարուածս
 գանից և 'ի մահ մատնեաց զգասալիքս 'ի
 զօրականէն : Առ իապոկրատես հռչակ

հարեալ 'ի Սիրակուսա՝ եթէ 'ի սուր սու-
տերի մաշէ Մարկեղղոս Վէնետացւոց զե-
րիտասարդս, ինքն աճապարեաց խաղաց 'ի
Վերայ Սիրակուսացոցն՝ մինչ գեռ նոքա
տհաբեկ էին 'ի համբաւոյն, և տիրեաց. և
ապա Մարկեղղոս չու արար հանգերձ ամե-
նայն բանակաւն 'ի Սիրակուսա, և վաթ մի
'ի բացեալ բանակ հարեալ՝ հրեշտակս ար-
ձակէր 'ի ներքս՝ տալ նոցա ծանօթս հա-
ւաստի վասն իրացն Վէնետացւոց: Սակայն
օգտեալ և ոչինչ, և հաւատոս նմա չընծայ-
եալ Սիրակուսացոցն, (քանզի հզօրա-
ցեալ էր անդ Իզապիրատէս), եգ 'ի մեծ
հրոսակ ընդ ծով և ընդ ցամաք ածել 'ի
Վերայ քաղաքին. հրաման տալի Ապոլիոսի
խաղալ յառաջ հանգերձ հետևակազ-
րուն, և ինքն առեալ ընդ իւր նաւ վաթ-
սուն հնգաթիոց, յորս ամենայն ազգ գու-
նակ գունակ զինուոց և անբաւութիւն նե-
տից. առեալ ընդ իւր և հաստահարուստ
Բաբան կառուցեալ 'ի Վերայ ութ նաւուց
ազնազնիւեաց, այնպէս խաղայր մատչէր 'ի
պատուար անդր. խրախուսեալ 'ի մեծերս
ստեաւ կահուց կարասեաց, 'ի մեծ կազ-
մած պատրաստութեանն, և 'ի գեղեցիկ
համբաւ անձինն:

Բայց մեծապէս պատրաստութեանն
յայնժամ երես ինչ չառնէր ոչ Արքիմի-
դէս և ոչ Արքիմիդեայ մնեքենաւոր հա-
րիմացութիւնքն. յորս և պարապէր այրն
ոչ իբրեւ 'ի գործ արժանի գեղեցիկ ջանիցն,
այլ բազմազոյն մատամբ իբրեւ 'ի դատանս

իմն Երկրաչափականին իւրոյ: Քանզի և
 անգուստ 'ի վերուստ պատուասիրեալ Հե-
 րովնի արքայի և հաւանեցուցեալ իսկ էր
 զնա, զի զարուհեաւ զիւր զայն և զհանձար
 յիմանալեաց անտի գիտողութեանցն՝ 'ի
 մարմնականն գարձուցեալ, պէտս ինչ ըզ-
 դալիս կենցաղօգուտս առեալ երեւցու-
 ցէ աշխարհի: Քանզի առաջին գտակք գե-
 ղեցիկ այսմ և համբաւատենչ Մենքենա-
 կանին կացին Եւդոքսոս և Արքիտաս՝ զարդ-
 'ի ներքս բերելով Երկրաչափականին, և
 գործարանաւոր և զգալի օրինակօք հաս-
 տատելով զառաջարկութիւնն գիտար-
 իմացն 'ի ձեռն բանական և գործնական
 ապացուցուին. ըստ որում և զոր յազադա-
 երկուց միջնոցն զառաջարկութիւնն խոր,
 և զտարր կարեւոր վասն այլոց բազմաց եր-
 կզին գործ լուսաբանեցին 'ի ձեռն գոր-
 ծարանաւոր կազմածոց՝ գործիս իմն միջ-
 նագիծս յարմարելով 'ի կոր գծից և 'ի հա-
 տածոց: Այլ յեա այնորիկ իբրև Պլատոն
 պատմեալ հակառակ ամբարձաւ նոցա՝
 իբրու որք տապալեալ եղծանէին զլաւն
 Երկրաչափականին, որ յանմարմնականաց
 անտի և յիմանալեացն 'ի վայր խոնարհեալ
 յզգալիս, 'ի գործ վարէր զմարմին բազ-
 մաբիրտն և վատականել տաժանմամբ,
 յայնժամ ապա անաւարդ գտեալ Մենքե-
 նականն և որոշեալ յԵրկրաչափականէն և
 ընդ զինուորական արուեստսն դասեալ՝
 հարուստ մի ժամանակ այնպէս խոտեցան
 յիմաստասիրականէն:

Արդ Արքեմիդէս առեալ երբեմն գրեաց
առ Հերովնի արքայ իւր աղգակից և բարե-
կամ, եթէ՝ Չափ մի ուժով մարթի նա
չարժեւ զծանրութիւն որ և իցէ. և խըն-
դայր Արքեմիդէս (որպէս ասեն) ընդ հա-
ւաստիս մեծ բանին իւրոյ. և համարձակէր
ևս ասեւ նմա, զի եթէ եր'ի միջի այլ աշ-
խարհ, ինքն անցեալ 'ի նմա, ձեռն 'ի գործ՝
գրգռեցուցանէր զայս աշխարհ: Հիացեալ
Հերովնի՝ աղաչէր արդեամբք երևեցուցա-
նեւ զբանն, և 'ի գուղնաքեայ ուժոյ շար-
ժեւ մարմին մեծ: Յայնժամ Արքեմիդէս
գնեալ նաւ մի բեռնաբարձ յաղթ յար-
քունեաց անտի՝ զոր 'ի ցամաք քարշեւ էր
հնար մեծաւ աշխատութեամբ և բազ-
մաց ձեռօք, և քեալ զայն մարդկամբք և
սովորական ծանրութեամբն, ինքն նըս-
տաւ 'ի բացէ. և շարժեալ ոչ բռնութեամբ՝
այլ մեղմով իւրովք իսկ ձեռօք ծայր մի
զբազմառասան մեկքենայի, այնպէս ձգէր
գնացուցանէր զնաւն հանգարտիկ և ան-
ընդոստ, իբրու եթէ ընդ ջուր անցեալ
գնացէ: Անդ յապուշ հարեալ արքային՝
մատխորհ լինէր ընդ զօրութիւն արուես-
տին, և թախանձէր զԱրքեմիդէս մեկքե-
նայս կազմեւ նմա 'ի պէտս յարձակման
մարտից և պաշտպանութեան յամենայն
ազգ. պաշարմանց: Այլ մեկքենայից այ-
նոցիկ չեղեն պէտք Հերովնի՝ որ անպատե-
րազմ և 'ի մեծապէս յանդորրու անցոյց
նա զկեանսն. իսկ յայնժամ պիտանացոք
յոյժ եղեն Սիլակուսացւոցն այն կազմածք,

և 'ի միասին ընդ այնոսիկ ինքնին և ճարտարապետան գլխովին :

Աւրդ իբրեւ հռոմայեցիք ընդ ծով ընդ ցամաք այնպէս դուրս ետուն 'ի վերայ քաղաքին, անկան բեկան Սիրակուսացիք՝ և յափշուծիւն հարեալք վերջոտնեցան 'ի գլխի հարկանել սաստիկ հրոսակին : Բայց անդանօր իբրեւ զիւր մենքենայսն յառաջ ձգեալ Արքիմիդէս կարգեաց դասեաց, անդ էր ապա տեսանել զազգ ազգ տարափոց նետից տեղալ 'ի վերայ հետևակաց զօրուն, և անարի վիմաց որձաքարաց հոսել 'ի վայր բռնութեամբ յահագին բոմբիւն, որպէս զի և բաւական չէր մարդ բերել սաստիկ թափոյն և կշռոյն, և անձին պաշտպանել . այլ տապալ յերկիր առհասարակ կործանէին հարեալքն, և ճակատուն կարգք խառնակեալ շփոթէին : Ապա և 'ի նաւաց վերայ յական թօթափել ձգէին երկայնէին 'ի պատուարացն գերանք յաղթք . զկէսս 'ի նաւացն ջրասոյդ առնէին 'ի սաստիկ բռնութենէն ճնշելոյ զնո . սա 'ի բարձանց անտի . և զկէսս՝ յառաջա կողմանէ նաւացն առեալ 'ի վեր ամբարձեալ երկաթի կարթիւք կամ ցուզք ոմամք 'ի ձև կտուցաց խորդից, ծովասոյդ առնէին 'ի խելաց կողմանէն : Դարձեալ և հանգիպածիդ մենքենայք կարթեալք 'ի մէջ անդր նաւացն և պտոյտկեալ բռնութեամբ՝ եկեալ խորտակէին նաւքն ընդ ժայռան և ընդ պարեխան՝ որ ընդ պատուարօքն . 'ի միասին և նաւաստիքն սաստկապէս

հարեալք ջաղկէին: Անդանօր ստէպ է 'ի նաւաց անտի նաւ մի յանկարծ, տեսիլ ահաւոր, 'ի վեր առեալ 'ի ծովէն աստ անդերերեալ տատանէր ընդ օդն 'ի գիւլ և 'ի գիւլ, մինչև 'ի բաց զմարդիկն արկեալ ըրուելով թեամբ և պարապքաբեալ 'ի մեծ հեռատան, ինքն ապա թափուր գայր ընդ հարկանէր խորտակեալ ընդ պատուարս պարապացն. կամ թէ 'ի բաց զերծեալ 'ի ձիւրանացն՝ այնպէս 'ի ծովն ամայր:

Իսկ և ընդգէմ հաստահարուստ Բարանին, (զոր յառաջ խաղացուցանէր Մարկեղղոս 'ի վերայ նաւացն աղխաղխելոց, և առնէ կարգային մենքենային՝ Սահառի, այն է՝ Սրինդ, զնմանութիւն բերեալ զձեռոյ զերսժշտական գործւոյն) մինչդեռ 'ի բացեայ ևս էր 'ի պատուարէն, անգուստ վէմ մի բաբանաբար տասն տաղանդաց կշռոյ արձակեցաւ ընդգէմ. ապա և միւս ևս, ապա և երրորդ վէմ. և հոսեալք 'ի վերայ բռնութեամբ 'ի մեծ բոմբիւն և 'ի սաստիկ գզորգիւն մենքենային՝ հարեալ փշրէին ըզխարխին. և այնպէս սասանեալք քայքայեցան աղկբ նաւացն, որպէս զի 'ի խուճապ տագնապի յայնժամ վարանեալ Մարկեղղոս փութապէս տեղի տայր, և հեռեալ կազօրուն ևս հրաման արձակէր չուել 'ի բաց 4: Ապա խորհուրդ հաստատեցին հռոմայեցիք՝ գիշերի եթէ հնար իցէ՝ յառաջ խաղալ մտանել ընդ պատուարօքն. և քան զի զօրութիւնքն Արքիմիդէայ ուժեալք բռնութեամբ 'ի հեռաստան անգր, ար-

գեղք անդործք նանրասցին հարուածքն՝
չունելով զձեզ անջրպետն :

Սակայն 'ի վաղնջուց խակ՝ որպէս հաւա-
նեալու եմ՝ հազմեալ էր Արքիմիդէս և մեն-
քենայս այլ համաչափս առ ամենայն բա-
ցական վայր . այլ և փքինս կարճս , և գե-
րանս ոչինչ յազթս . և 'ի կուռ և 'ի խուռն
ծերպս կարգեալ էր և Նարիճս իմն անսւա-
նեալ՝ մտածիլս , որ հարեալ խոցէին ըզ-
մերձեցեալսն՝ աներևակք 'ի թշնամեաց :
Ապա իբրև մերձեցան նոքա 'ի պարիսպ
անդր և քաջ յապահովի կարծեցին զան-
ձինս , անդանօր 'ի ներքոյ և յայնժամ հա-
րան նոքա 'ի տեղատարափ ամբաւից նե-
տից և 'ի վիմաց հոսելոց 'ի վերայ գլխոց .
իբրու եթէ առհասարակ 'ի կողմանց կող-
մանց պարսպին մրրիկ նետահար յուզեալ
շեշտ կշիռ 'ի վերայ նոցա . իբրև խուճա-
պեցան ընդ կրօնին՝ դարձեալ մրրիկ այլ
նետից և փքնաց արձակեալ 'ի հեռաստա-
նէ ունէր զնոսա . և բազումք յոյժ 'ի նո-
ցանէն անդանօր տապաստ անկանէին , և
շաղք ևս 'ի նաւաց ջարդեալ խորտակեցան .
և Սիրակուսացւոցն զեան և ոչ մի կարա-
ցին հասուցանել նոքա . քանզի Արքիմի-
դէս շատ ինչ 'ի մեղքենայից անտի իւրոց
կարգեալ կազմեալ էր 'ի վայրս ամրածա-
ծուկս պատուարին : Եւ քանզի 'ի ծածուկ
յաներևոյթս հարեալք՝ 'ի բիւրուց աղէ-
տից պաշարեցան , թուէր իմն այնպէս հռո-
մայեցւոց՝ եթէ համբուն այնուհետև աս-
տուածամարտք կուռեսցին : Յայսր ամե-

նայնի վերայ ողջանգամ զերծեալ Մարկեղոս, յերգ առեալ զճարտարապետան իւր և զմեղքենայագործան, ասէր այսպէս. «Իսկ ոչ ապա տեղի տացուք մեք մարտ գնել կռուել ընդ Բրիտանն Երկրաչափիդ ընդ այգմիկ, որ ծովամոյն զմեր նաւան տուլեալ այնպէս խաղ առնելով կորանօք ընկրկեաց զմեզ: Եւ արդեօք գա՛ի վերոյ կայ և քան զառանցիկ Հարիւրաձեռինան, միպհեա ընդդէմ մեր այնչափ տալապիս արձակելով նեւից»:

Քանզի և արդարեւ ՚ի ժամանակին Սիրակուսացիք առհասարակ՝ իբրեւ մարմին մի կարգեցան կացին՝ կազմածոցն Արքիմիմիդեայ, իսկ որ ողջոյն կենդանութիւն և շարժումն տայր ամենայնին, էր ինքն հռդի միակ. քանզի յայնժամ նոքա անդործ ՚ի բաց զայն ամենայն եղեալ զգէնան, զնորայն և եթ վարեցին ՚ի գործ ՚ի պաշտպանել և ՚ի հարկանել: Ի վերջէ ապա տեսեալ Մարկեղոս ահաբեկ յոյժ զհռմայեցիսն, զի և ՚ի տեսիլ միայն գուցնաքեայ առասանի կամ փղբրիկ շերտի կար կառելոյ ընդ պարխսպն՝ անգէն աղաղակ բարձեալ, եթէ մեղքենայ ինչ արդեօք անգանոր շարժեացէ Արքիմիդէս ընդդէմ նոցա, [Թինադարձոյցք] ՚ի փախուստ խուճապէին. խորհուրդ խորհեցաւ ընաւ իսկ այնուհետեւ ՚ի բաց կալ ՚ի մարտից և յարձակմանց, և մնայր ժամանակեայ պաշար մամբռ ունել զքաղաքն:

Բայց Արքիմիդէս այնչափ իմն ազնուա

կան 'ի միտս և 'ի հանճար, և բազմահա-
րուստ 'ի նկատողութիւնս, զի և համա-
փառաց գեղեցիկ ժառանգեաց նա՝ ոչ
զմարդկայնոյն, այլ զսատուածայնոյն գոգ-
ցես հանճարոյ . և ինչ մի արժան չհամա-
րեցաւ թողուլ արձանագրութեամբ վասն
ձեռակերտացն . առ ծառայականս ունե-
լով զՄենքենականին ճարտարմտութիւն
և զամենայն զարուստ զպիտոյիցն, բնաւ
խիւ պատուասիրեալ պատկառ. եկաց նա
այնոցիկ՝ որոց գեղն և շուք փառացն ան-
խառն է 'ի կարեաց, և որոց և ոչ մի ինչ
հանգիտակշիռ ոչ է նոցա . և յորա ելեւել
տանեն նիւթն և ապացուցութիւնն, մին
վասն մեծութեանն և գեղոյն, և միւսն՝
վասն հաւաստեացն և անխաբ խելամոռ-
ութեանն : Քանզի և չիք գտանել յԵրկրա-
չափականին խնդիրս գծուարդնկալս և խո-
րինս՝ պարզագոյն ևս և հեշտընկալ . ոկրզ
բամբռ արձանագրեալ և լուսաբանեալ՝
իբրու զԱրքիմիգէսինն . զոր կէսք ընծայեն
գեղեցիկ բուսոյ բարուց հանճարոյն նորա,
և կէսք գարձեալ՝ առաւելահրաշ նորայն
ջանիցն՝ 'ի գէմն ընծայել զամենայնն իբ-
րու եթէ անվաստակ գործեալ և հեշտին :
Քանզի և հետամուտ ոք ապացուցութեան
ինչ խնդրոյ, զառաջինն ոչինչ արգեօք ան-
ձամբ անձին գտանիցէ . այլ ապա միան-
գամ՝ ուսեալ զնորայն, անգէն և զանձն
այնուհետեւ բաւական կարծեացէ առ 'ի
նոյն . այսչափ նա ընդ արահետ և ընդ գիւր
ուզի առեալ ածէ յապացուցութեա իւր :

Ուստի և ոչինչ անհավատարիմ են, զոր զնմանէն պատմեն՝ եթէ ցանգ նա 'ի մոտրիմն և 'ի բնականոնագ Սիրէնայէ իմեմնէ յանկուցեալ և զմայլեալ, և հաց ուտել անգամ մոռանայր, դարձեալ և խնամ ինչ չածէր մարմնոյն . ուստի և բռնի բազում անգամ ածեալ նա օծանել իւղով և լուանալ 'ի բաղանիս, ձեռ իմն երկրաչափականս հոգնագրէր 'ի վառարանն . և առեալ մատամբն գիծս ևս գծէր ընդ օծութիւն մարմնոյն . այնչափ իմն ածեալ ձգէր նա 'ի մեծէ հեշտութենէն, և արգարե զՄուսայիցն մոլեալ զմոլութիւն : Եւ եթէպէտ և բազմաց և գեղեցիկ հնարի մացութեանց գտակ, ասեն՝ եթէ աղաքաց նա զբարեկամն և զաղքականն 'ի մահուն կանգնել 'ի վերայ շիրմին ոչինչ այլ բայց գլան մի և 'ի վերայ գունտ, արձանագրեալ զհամեմատութիւն առաւելութեանն ընդ հաստատուն պարունակողն և ընդ պարունակեալն : Արդ այսպիսի ոք գոլով Արքիմիդէս, իւրօրօնն անպարտելի պահեաց զանձն և զքաղաքն իւր :

Իսկ մինչդեռ 'ի պաշարման կայր Սիրակուսա, խաղաց գնաց Մարկեղղոս և բռն զօրութեամբ առնոյր զՄեգարա քաղաք վաղնջուց զՍիկիլիացուց . հասեալ կալաւ յԱկիզա և զբանակետոյ յապոկրատեայ, և տապաւոտ արկանէր զնորա աւելի քան զութ հարիւր զօրական՝ անկեալ 'ի վերայ մինչդեռ նոքա պատնշափակ լինէին . գիմեաց ապա և յաւարի առնոյր սահմանս

բաղում զՍիկիլիացւոց, և շատ ևս 'ի քաղաքաց ապստամբեցոյց 'ի Կարբեդոնացւոց . և յաղթական լինէր յամենայն 'ի մարտս պատերազմի :

Ապա յեա ժամանակաց իբրև ձերբակալ 'ի գերութիւն մատնեաց նա զԴամիպպոս Սպարտացի նաւեալ 'ի Սիրակուսոյ, զհետ եղեն Սիրակուսացիք փրկանաւորեւ զայրն : Մինչքեռ ստէպ ստէպ վասն սոցին իրաց զգանիւք անկանելին նոքա ընգմիմանս, գէտ ակն կալեալ Մարկեղոս տեսանէր աշտարակ մի թողեալ յանհոգս, ուր և ընգ հեշտին պատուարն գաղտարար մարթեր 'ի վեր տալ զօրականս : Արդ իբրև բաղում անգամ մերձեալ յայն աշտարակ խօսել վասն բանին այնորիկ ընգ պաշարեալն՝ մանր զննեաց նա զվաղն և խելամուտ լինէր բարձրութեանն, հանգերձեաց կազմեաց սանդուղս յարմարաւորս, և ժամ գտեալ՝ յորում Սիրակուսացիք տօն կատարելին զԱրտեմեայ, և առ հասարակ ընգ գինեղութս մտեալ էին և խրախացեալք, նա ոչ միայն զաշտարակն հասեալ կալաւ գաղտ յամենեցուն, այլ և մինչև Ծագեալ աւուրն՝ զինու զարդու ընդ շուրջանակի և զպարիսպսն, և խրամտէր ևս գուռն մի զԵքսասպիւղեայ : Իբրև իրազգած քաղաքացիքն լինելին՝ խռովեալք անհնարին ազմկաւ, նա անգէն յամենայն կողմանց միանգամայն հնչեցուցեալ զփողսն, այնպէս ահաբեկ արար՝ զի և յայսկոյս յայնկոյս 'ի փախուստ խուճա-

սերալ նորա, համարեցան եթէ և բնա-
զամենայն կողմն քաղաքին թշնամիք կա-
լեալ իցեն: Սակայն յակաստանի կայր
տակաւին կողմն քաղաքին՝ մեծ առաւել
և գեղեցիկ և քաջամուր, որում անուն
կարդան Աբրադինա. կայր նա անառիկ՝
քանդի և էր իսկ պարսպապատ զատեալ ի
քաղաքէն. զկէս նորա կոչեն՝ Նոյ Ժաշտ,
և զկէսն՝ Տի-Ժէ:

Իբրեւ այս եղև, ի ծագել առաւտտուն
մոռանէր Մարկեղղոս ընդ Եքսապիւզն ի
ձայն ցնծութեան առհասարակ զորապե-
տացն: Այլ ասեն՝ ի բարձրաւանդակէ
շուրջ զակն յածեալ Մարկեղղոսի ընդ
մեծութիւն քաղաքին և ընդ գեղն՝ շատ
ինչ արտասուել ակտակցաբար վասն հան-
գերձելոցն, զի վայրիկ մի ևս կերպարանա-
փոխ հասանէր նմա լինել յաւարառու զը-
րականէն. քանդի և ոչ ի զորապետաց որ
յայնժամ ժտեցաւ ընդգէմ կալ զորակա-
նին, որ ձայն բարձեալ խնդրէին աւարել
զքաղաքն. էին էին և որք հրոյ և ճարակ
տալ խնդրէին զնա և հիմն ի վեր տապա-
լել: Բայց Մարկեղղոս ոչինչ յանձն ա-
ռեալ, յակամայս և բռնի թոյլ ապր նո-
ցա աւարել միայն զինչ և զգերիան, պա-
տուէր սաստիկ ի վերայ ածեալ մի ինչ ա-
մենեկն մերձենալ յազատ մարդիկ, մի տպա-
նանել, մի հարստահարել, և մի զոր գե-
րել ի Սիրակուսացւոց անտի: Այլ թէ-
պէս և այնպէս գեղեցիկ չափաւորութիւն
գնաց Մարկեղղոս, ի վերայ այսր և ա-

զէտս անհնարին համարեցաւ զիկրա քաղաքին. և յայնչափ մեծի խնդուութեանն քաջ 'ի գէմս բերելոյ նա զքորով պտին և զցամա՝ զի այնպէս 'ի սուղ ժամու անշքացեալ խրթնացաւ Սիրակուսա 'ի գեղեցիկ փառաց երանութեան իւրոյ: Քանզի աւսեն՝ եթէ փարթամութիւնք՝ զոր յայնժամ աւարեցին, չէին պակաս քան զառ և զապուր՝ զոր ապա ժողովեցին նոքա 'ի Կարբեդոն. քանզի և յետ ոչ բազմաց ինչ աւին նոքա մատնութեամբ և զմնացորդս քաղաքին և աւար հարին. և միայն դանձ թաղաւորին առաւ յարքունիս:

Իսկ որ առաւել քան զամենայն մեծապէս ցաւաց Մարկեղղեայ, ազէպք կրիցն Արքիմիգեայ: Կայր յայնժամ Արքիմիգէս ըստ գիպաց պարսպեալ մտախորհ 'ի ծրագրութեան. և այնչափ ուշով 'ի նոյն պատահեալ խորհրդովն և անքթիթ ահամբն, զի և ոչ զվազվաղել Հռոմայեցւոցն լսէր նա, և ոչ դարձեալ՝ եթէ առաւ քաղաքն՝ զչաց ինչ նա: Անդանօր յանկարծ 'ի զօրականէն ոմն 'ի վերայ հասեալ նորա, հրամայէր յառնել գալ ընդ իւր առ Մարկեղղոս. իբրև յանձն չառնոյր յառնել մինչև կատարեալ զառաջարկութիւնն և 'ի վերայ ածեալ զապացուցութիւնն, 'ի արամտութիւն բրդեցաւ զօրականն, և ձգեալ զսուրն սպանանէր զնա: Իսկ կէպք աւսեն՝ եթէ զսուրն մերկացեալ զնաւորին և գէպ ուղիղ գիմեալ 'ի վերայ նորա, զայն տեսեալ Արքիմիգէս յողոր

անկեալ պաղատէր վայրիկ մի թոյլ առնել նմա, մի անկատար և անխմանալի թողուլ զառաջարկեալ զինդիրն. իսկ զօրակոնն ոչինչ միտ եղեալ՝ հարեալ սպանանէ զնա : Այլ պատմեն զայս և երրորդ օրինակ զայս, եթէ մինչեւ առեալ տանէր Արքիմիգէոս առ Մարկեղղոս դործիս իմն երկրաշափականս՝ Ստուերափակս և գոմատս և անկիւնս, որովք զարեոմն մեծութիւն յարեալ յաղմարէր նա մերոցս աչաց, պատահեցան նմա 'ի զօրականէն և կարծեալք եթէ յանօթ դործեացն բարձեալ տանի ոսկի, հարեալ սպանանեն զնա : Այլ զինչ օրինակ և իցէ արկած մահոն Արքամիգեայ, զայս միաբան առհասարակ ասեն մատենագիրք, եթէ կարի յոյժ 'ի խոր խոցեցաւ Մարկեղղոս, և զսպանողն երբէք չկամեցաւ յակն արկանել իբրե զմի 'ի նդովելոց. և զի՝ խնդիր արարեալ ազգականացն Արքիմիգեայ՝ առաւորութեամբ մեծարեաց զնոսա :

Արդ թէպէտ և ցայնժամ իբրե քաջակորովս և քաջամարտիկս և գոռոս այլք յազգաց համարէին զՀռոմայեցիսն, այլ չենդբա հաւաստիս 'ի ներքս բերեալ զարդարութեան, զմարդասիրութեան և զքաղաքականին առաքինութեան, թուի թէ յայնժամ առաջին Մարկեղղոս եցոյց Հելլենացւոց զՀռոմայեցիս իբրու արդարս առաւել : Քանզի օրինակ զայն վարեցաւ նա առ ապաւինեալսն իւր, և այնչափ քաղաքաց բարեգործեաց նա, և շատից ևս 'ի

սոսկականաց . զի եթէ երբէք Ետնացիք և Մեդարացիք և Սիրակուսացիք ինչ մի կրօնքն 'ի գծնդականաց , թուի թէ քան չարչարողքն՝ չարակրեալքն մանաւանդ կացին պատճառք բանին :

'ի բազմագէմ հաւաստեաց մարդասիրութեան առն զմի զայն յուշ արասցուք 'ի ժամուս : Ե՛ 'ի Սիկիլիա քաղաք Ենգունիոն տնուն ոչինչ մեծ , այլ վաղնջուց յոյժ , դարձեալ և փառաւոր 'ի պատճառս յայտնելոյ անդանօր դիցուհեացն՝ որոց անուն կարգան Մարի . և զմեհեան նոցա առն շինեալ կրօնացուց . և ցուցանեն անգանօր և տէգս և գլխանոցս պղնձի . և վերտառութիւնքն են կէտ մի Մէրիոնին , և կէս մի՝ Ուլիքսեայ , այս է՝ Ոգիւտայ , զոր կախեցին նոքա անդ 'ի ձօն դիցուհեացն : Եւ զի այս քաղաք բնաւ իսկ հակամիտեալ էր 'ի կարգեդոնացիո , Նիկիաս ոմն այր աւագ 'ի քաղաքացիան գուն գործէր յորդորէր յանկճիլ 'ի հռոմայեցիան . խօսէր համարձակաձայն յատեանս ժողովոց և յայտ յանդիմանութեամբ նըշաւակէր զհակառակ կողմն : Ապա զանդիտեալ նոքա 'ի զօրութենէ և 'ի փառաց աւագ առն , խորհուրդ խորհեցան ձերբակալ առնել զայրն և 'ի ձեռս փունի կեցուցն տալ :

Իրազեկ Նիկիաս եղեալ , և Ժածուկ հնարիմացութեամբ կամեցեալ ապրեցուցանել զանձն , սկսաւ 'ի հրապարակի բանդադուշեւ ընդգէմ Մարցն , և շատ

ևս խոտեր զհաւատացեալ կարծիս զայտնութեան զգիցուհեացն զայնոցիկ, իբրո որ անհաւատ իցէ բանին և ունչս ևս արացէ զնովաւ: Իսկ անգուտտ թշնամիքն մեծապէս խնդային, զի ինքնին նա պատճառս շատ տայր նոցա կուտել 'ի նա զնիւթեալ չարիան: Իբրեւ ձերբակալ հանգեր ձեալ էին առնել զայրն, յեկեղեցանալ քաղաքացեացն մինչդեռ ինքնին Նիկիաս հրապարակաբոս լինէր վասն իրաց ինչ խնդրոյ, անդէն յեղակարծումն առեալ զմարմինն՝ ձգէր 'ի գետին. և այնպէս վաղ մի անշուան լացեալ եկեղեցին, (քանզի և 'ի միասին բնաւորեալ են՝ ապշութիւն և լուութիւն), նա ասպա 'ի վեր զլուսին ամբարձեալ և շրջջրեալ, մնչիւն արձակէր ահաբեկ և բամբ, և տակաւ առեալ սասաւ կացուցանէր զձայնն. իսկ իբրեւ ետես զի ողջոյն տեսարանն զարհուրեալ էր և լուկայր, 'ի բաց զվերաբնութիւն ձգեալ և զպատմութեանն պատառեալ՝ վազեաց 'ի վեր այնպէս կիսամերկ և ընթանայր 'ի դուրս տեսարանին, ձայն բարձեալ եթէ լրկեալ այսահարի 'ի Մարց անտի: Իսկ անգամոր իջեալ և ոչ ոք հուպ լինել 'ի նա կամ զգէմ ունել առ անապաշտութեանն և տեղի տուեալ առհասարակ, ինքն անցեալ գիմեր 'ի դուրս քաղաքին. ոչ ձայն արձակեաց այնուհետեւ և ոչ կիրս ինչ երբր յանձին զգիւարախից և զմոլեգնեւոց:

Իսկ կին նորա՝ որ իրազէտն էր հնարի մացութեան առնն և գործակից, առեալ

զմանկունան՝ նախ յողջ անկեալ պաղա-
տէր առաջի մեհենի գիցուհեացն, ապա
կեղծաւորեալ յառնել 'ի խնգիր Թափա-
ռական ամուսնոյն, ամենայն աներկեա-
նութեամբ ելանէր արտաքս 'ի քաղաքէն,
և արգելոյր զնա և ոչ ոք. և ապա օրինակ
զայս անկեալ ապրեցան նոքա 'ի Սիրակու-
սա առ Մարկեղղոս: Այլ յորժամ Մար-
կեղղոս խաղացեալ անդր՝ 'ի պատուհաս
բազում հարստահարութեանց և անօրէ-
նութեանց Ննգիւտնացւոց՝ կապեաց զա-
մենեան 'ի խոշտանդել, անգանօր Նի-
կիաս յարտատու հարեալ եկաց առաջի
Մարկեղղոսի և զաջոյն և զծնգացն բուռն
հարեալ՝ աղերսէր վասն քաղաքացեացն՝
տեսեալ 'ի Թշնամեացն: 'ի գութ շարժե-
ցաւ Մարկեղղոս և յազատութիւն արձա-
կէր զամենեան, և զեան և ոչ մի հա-
սուցանէր քաղաքին. առ այս՝ տալր և Նի-
կիասայ դատաւերա մեծ և պարգևս բա-
զում: Չայտոսիկ մեղ պատմագրէ Պոսի-
գովնիոս խմատասէր:

Բայց յեա այնորիկ 'ի Հռոմայեցւոց
հրաւէր առ Մարկեղղոս եկեալ 'ի մարտ
պատերազմի բնաշխարհիկ և ընտանի, ա-
ռեալ ածէր նա 'ի Սիրակուսացւոց անտի
բազում և գեղեցիկ յոյժ ձօնս և կահս 'ի
տեսիլ շքեղ իւրում յազմանակին և 'ի
զարդ իւրոց հայրենեացն. այն՝ որ ցայն վաղ
չունէր և չէր երբէք տեսեալ զարդս այն-
պէս գեղանիս և քերուքս, և չգոյր ինչ նո-
րա 'ի չքնաղից անտի և 'ի բազմաքանդակն

նազելեաց. այլ խուժգուժ զինուք լի էր
և արխանշապետի սաարգը, և յաղթանա-
կացն շուրջ պսակեալ յեշատակարանօք
և ակոյեմնիւք. ոչ զուարթ ինչ և ոչ ա-
նահ էր տեսիլն՝ վառաց և գիրգ հանգիստ
տեսացն. այլ ըստ որում Եպամինոնդաս
կոչեաց զԲիսփոսեան գաշտն՝ Որհոսփայ
Արեւի, և Քանոփոն զԵփեսացւոց քա-
ղաքն Հանուի պափերազի, սակաւս և ինձ
Թով՝ ի ժամանակին յայնմիկ զՀռովմ՝ ի
գեպ կոչել ընդ Պնդարոսի. Գոռ պափե-
րազնդին մեհեան Արեւի:

Ուստի և մեծապէս ի գովութիւն առին
ժողովուրդք Մարկեղոս, իբրու որ այն-
պէս զարգարեաց զքաղաքն նոցա ի բերկ-
րականաց անտի և ի Հելլենական գերա-
բուն արուեստիցն և ի գունակ գունակ
նազելեացն: Այլ սակայն և որ արք հին-
աւուրց ի նոսա՝ առաւել ևս գովէին զՓա-
բիոս Մաքսիմոս. քանզի առեալ զքաղաքն
Տարանտացւոց՝ ինչ մի յայնպիսեաց անտի
ոչ գրգուռցոյց ի նմա և երեր. և ի բաց
զգրաման հանեալ և զինչան՝ զգրօշեալն ե-
թող անգէն, ասելով զհամբաւեալն բան,
եթէ Թուրքոս Տարանտացոցն զբարձեալ
աստուածս Գոցո: Առ այս՝ և մեզ ևս գնէին
Մարկեղոսայ, առաջին՝ զի ատելի եղ նա
զՀռոմ. զի ի հանգէս յաղթանակին ոչ
մարդիկ միայն ածեալք բերէին, այլ և առ-
տուածքն գլխովն ի գերութի վարեալք.
և երկրորդ անգամ՝ զի զժողովուրդն առ-
վորեալ ի մարտ կամ յերկրագործութի,

և որ անփորձն էր գրգանաց և վառութե, և որ արդարեւ էր իբրեւ զԵւրիպիդեանն Հեբակլէս “Խոշոր տնպաճոյճ, այլ 'ի մեծամեծս՝ քաջ և արի“, զնա յայնժամ Մարկեղղոս առեալ ձգէր 'ի գատարկութիւն և 'ի շառփօսութիւն. զի և զմեծ ժամս աւուրն ծախելին նոքա 'ի շաղակրատել վասն արուեստիցն և արուեստաւորացն։ Այլ ապա յն և քաջ իսկ պանծալի եկաց նա առ Հելլենացիս, իբրտւ որ ուսոյց Հռոմայեցւոց շուք տալ և հիանալ ընդ գեղեցիկ և պանչելի ձեռակերտան Ելլադայ, զոր ոչն գիտէին։

Այլ իբրեւ ընդգէմ Մարկեղղոսի յարեան յայնժամ թշնամիք արդելու զհանգէս յաղթանակին, և քանզի և ինչ ինչ յիրացն Սիկիլիոյ չև էր յամբողջ գործոյն ժամանեալ, և յերրորդ յաղթանակէն մեախանք նախանձուան յուզէին, ապա և ինքն գլխովին զիջեալ տեղի տալը. շատ համարեցաւ անձին զկատարեալն յաղթանակ և զմեծն ածել յԱլբանեան լերին, իսկ ըզփոքրն ածել 'ի Հռովմ, զոր Հելլենք Էլան կոչեն, և Հռոմայեցիք Օլան։ Որ միանգամ օրինակ զայս յաղթանակէ, 'ի քառաձիտ չվերելակէ, և պսակ 'ի դափնւոյ չտանի, և չունի փողարս շուրջանակի. այլ գնայ հետի սանդալ յոտս, և արնգահարը շուրջ են զնովաւ, և պսակ տանի 'ի միտենւոյ. որպէս զի և յոյժ անպատերազմ և հեղ է հանգէան, և բերկրալի՝ քան եթէ ահարկու։ Բայց 'ի բանէս մեծապէս խեղամուտ

լինիմ ես, եթէ 'ի նախնուսն՝ յօրինակէ
գործոյն և ոչ 'ի մեծութենէ հանգիսին
որոշէին այս յազմանակք: Քանզի որք
միանգամ յետ մարտին և կատորածին յաղ-
թականք ելանէին, ածէին զԱրեւմտեանն
ղայն յազմանակ և զահաբեկն՝ պսակեալ
միանգամայն և զզէնս և զարս 'ի թաւ գա-
փնւոյ. զոր և 'ի սրբել անդ զգորն՝ այնպէս
սովորեալ էին: Իսկ որք միանգամ 'ի զո-
րավարաց ոչ մարտիւ, այլ գաշնակուս բա-
նիւ և խելամուտութեամբ կամ թէ ճար-
տարաբանութեամբ՝ այնպէս գեղեցիկ 'ի
զլուս տանէին զիրան, այնպիսեացն շնոր-
հէին օրէնք զանպատերազմն զայն յազմա-
նակ և զտոնախմբականն: Քանզի սրինդդ
խաղաղութեան հրաւիրակ է, և մրտենի՝
տունկ է Աստուծանն, այն՝ որ առաւել
քան զամենայն գիտն ասեալ զսուսութիւն
և զպատերազմ:

Այլ Օւս, ոչ 'ի Հելլենականէն Իւս-
սոս, տնուանի յազմանակդ այդ՝ որպէս
կարծեն բազումք, իբրև զի նոյն օրինակ
ազազակք և գայլայլիկք լինին և 'ի Դիոնի-
սեանն. այլ Հելլենացիք ծեքեցին զա-
նուագ 'ի բնակաւորն իւրեանց հնչումն.
կարծեալք եթէ այդ հանգէս 'ի ճահ գայ-
ցէ միանգամայն և Դիոնիսեայ տոնախմբու-
թեանն՝ զոր մէք Իւսսոս և Թրիաֆոս կար-
գառք: Ապա չէ այդ ճշմարտութիւնն. այլ
քանզի սովորութեամբ հայրենի յազնն
զօրավարք նոցա եղն մի 'ի մեծի յազմա-
նակին, և ոչնար մի՝ 'ի փոքուն. և զի Օւս

կոչեն նոքա զխաշն, վասն որոյ և յազթա-
նակդ կոչեցաւ Օլա: Այլ արժան է և
Լակոնեան օրինադրին միտ գնել, որ զոհ
առ այս սահմանեաց ներհակաբար Հռով-
մայեցւոցն. քանզի 'ի Սպարտիա որ խո-
րագիտութեամբ կամ համոզակեր բանիւք
զգործն 'ի գլուխ տարեալ իցէ զօրավարն,
յազէ եզն մի. իսկ որ մարտիւ պատերազ-
մի 'ի նոյն նահատակեալ իցէ, պքաղաղ մի:
Քանզի թէպէտ և են գոռ պատերազմողք
Սպարտացիք, համայն և այնպէս՝ մեծ ևս
նահատակութիւն մարդոյ ճահաւորակի
զխելամոտութեանն համարէին գործ և ըզ-
հանձարոյն, քան զքաջութեանն և զբռ-
նութեանն: Եւ այսպէս 'ի դէպ իցէ ար-
գեօք ումիք խորհել՝ եթէ ո՞ր այն յերկուց
անո՞ի առաւել արդոյ և պատուական իցէ:

Արդ մինչեւ հիւպատոս կայր Մար-
կեղղոս չորրորդ անգամ, անգուտ թշնա-
միք նորա թեւադիր լինէին Սիրակուսաց-
ւոցն գալ 'ի Հռոմ և ամբաստան զնմանէն
լինել, բողոք բարձեալ առ Սինկլիտոսին՝
եթէ հակառակ ընդ Հռոմայեցւոց գաշին
նոցա՝ չարաչար վարեցաւ ընդ նոսա Մար-
կեղղոս: Իսկ Մարկեղղոս ըստ դիպաց զոհ
կատարէր 'ի Կապետոլիոն 'ի ժամուն,
յորում յատեան ծերակուտին յառաջ մա-
տեան Սիրակուսացիք. յողոք անկեալք
խնդրէին ունկնդրութիւն և արգարութի.
'ի բաց մերժեաց զնոսա հիւպատոսն իշխա-
նակից Մարկեղղեայ, 'ի սրտմոտութիւն
բրդեալ՝ զի բողոք կարդային մինչեւ մերձ

ոչ կայր Մարկեղոս : Իսկ Մարկեղոս լուր առեալ, փութանալի երթեալ անդր՝ և առաջին բազմեալ յաթոռակն՝ պարապեր յիս պաշտաման հիւպատոսութեն . իբրեւ վճարեաց, իջեալ յաթոռակէն իբրու զմի ոք՝ ի սոսկականաց եկեալ եկաց ի վայրն՝ ուրանօր սովորութիւն էր խօսել զատասխանեալ մարդկանն, և թոյլ տայր յայնժամ Սիրակուսացւոցն առաջի առնել զամբաստանութիւնսն :

Յայնժամ նոքա մեծապէս յողիս ապաստան ի տեաիլ աւագամեծար փառաց նորա և աներկեան վատահութեանն, և զի՝ և շուք զինուոն զարդուն նորա յոյժ ահնկէց տեսաւ նոցա ի ծիրանի պատմուածնէն նորա, որպէս զի և ոչինչ հանգարտէին կալ առաջի : Յայսր ամենայնի վերայ քաջալեր առեալ ի հակառակորդացն՝ Մարկեղոսայ, ակիպն արարին ամբաստանութեանն, իրաւաբանեցին և ի նոյն խառնեցին գանգատանս և հեծութիւնս . և գլուխ բանին, զի նիզակակիցք գողով նոքա հռոմայեցւոց և բարեկամք, ետ նոցա Մարկեղոս կրել ազէսս՝ յորոց այլք ի ջօրավարաց մարդասիրտպէս ազատ առնեն և զբազումս ի թշնամեաց իւրեանց : Իսկ Մարկեղոս տայր պատասխանի ամբաստանութեանն, եթէ փոխանակ բազում անիրաւութեանց նոցա ընդդէմ հռոմայեցւոց, ոչինչ այլ ի չարեաց մատին կրեցին նոքա՝ բայց զանհրաժեշտան նկուռ ելելոց մարտիւ պատերազմի . և նոքա օրի

նաեկ զայս ըմբռնեցան անձամբ անձին , զի ոչինչ կամեցան ունեն մատուցանել հրաւիրանաց բանից նորա . զի ոչ եթէ բռնի քարշեցան 'ի բռնաւորացն մարտ դնել կռուել , այլ անձամբ զանձինս ընդ լծով արկին բռնաւորաց' 'ի կռուել :

Իբրև այնպէս ամենայն բանք եղան առաջի , ելին արտաքս յառնէն Սիրակուսացիք ըստ սովորութեան կարգին . եւ և Մարկեղղոս՝ իշխանակցին յանձն զՍինկղիտոսն արարեալ , և եկեալ եկաց առ դուրսն խորհրդարանին . ոչինչ ամենեկին 'ի բնաւորեալ պերճութեանէն փոխեալ՝ ոչ առահի վճռոյն և ոչ դարձեալ առ սրտամոլութեանն ընդդէմ Սիրակուսացւոցն , այլ համբուռն հեզ և պարկեշտ այնպէս կայր մնայր անդ ելից դատաստանին : Իբրև վճար լինէր խորհրդոյն , յաղթական ելանէր Մարկեղղոս : Անդ ապա յոռս նորա արտասուելից Սիրակուսացիքն անկեալ պաշտօնէին 'ի բաց դնել զամենայն սրտամոլութիւն բարկութեանն ընդդէմ նոցա , և կարեկից լինել մնացորդաց քաղաքին իւրեանց , որ անմոռացք նորայն բարութեցն ցանդ շնորհակալութեք եղեցին նմա : 'ի գութ շարժեցաւ Մարկեղղոս , և հաշա և համբոյր ընծայեցաւ նոցա , և երբէք ոչինչ դադարեցաւ բարեգործել մնացորդացն Սիրակուսացւոց . զնոյն և Սինկղիտոսն անդրժեքի պահեաց նոցա զազատութիւնն՝ զոր Մարկեղղեայ շնորհեալ իսկ էր նոցա . առ այս՝ և զկարգ սովորութեան օրինաց

նոցա, և զժառանգութիւն գոյիցն՝ զոր յայնժամ ունէին նոքա: Վասն այսոցիկ ամենայնի՝ Սիրակուսացիք բաց 'ի մեծաց փառացն զոր ձօնեցին նմա, օրէնս ևս հաստատեալ կարգեցին, զի 'ի գալ հասանել Մարկեղլեայ 'ի Սիկիլիա կամ թէ ումիջ ալ 'ի անրնդոց նորա, հանգիստացեալ Սիրակուսացիք պտակոջ պսակեացին և զոհ զհեացեն գից:

Իսկ յետ այնորիկ խաղաց գնաց Մարկեղլոս ընդդէմ Անիքաղայ. և քանզի ալլջ 'ի հիւպատոսաց և 'ի զօրավարաց յետ Կաննեան հարուածոյն միայն հնարինացութեամբք խոյս տուեալ 'ի թշնամոյն՝ ոչինչ ճակատէին ընդդէմ, սա այս Մարկեղլոս ներհակաբար կարեալ խորհուրդ՝ եթէ այնպէս ժամավաճառն լինելով, քան թէ Անիքաղ վատեալ յուժոյն՝ Խառլիա հիմն 'ի վեր տապալեացի 'ի նմանէ, եդ 'ի մտի եթէ Փաբլոս այնպէս ցանդ անձնապահ լինելով ոչինչ յաջողեացի աւարել զթութութիւն հայրենեացն, այն՝ որ 'ի կորովութենէն վատեալ շիջի 'ի միտին ընդմարտի պատերազմին. զորօրինակ եթէ 'ի բժշկաց ոմանք անարիք և վատասիրաք՝ գանգազադոյնս բերիցին 'ի բուժումն ախտին՝ յորժամ ախտացեալքն ինքնին այնուհետև յուժոյն վատեալք իցեն:

Ապա անդէն զառաջինն հասեալ կալա նա քաղաքո մեծամեծս զՍամիթացոց զվտարանընալն. անդանոր գտանէր նա ամբար բազում զցորենոյ և զարծաթոյ, և

գերի վարէր երկո հազար զօրականս զԱննիբազայ 'ի պահանորդաց անտի: Իսկ Աննիբազ ասպատա արկեալ յԱպուլիա ըզգծուլքիոս Գնէյոս զխոխանակ հիւպատոսին հանդերձ մետասան հազարապետօք, և 'ի տուր սուսերի մաշեալ զբազումս 'ի զօրութեն, անդէն Մարկեղղոս նամականի տայր 'ի Հռոմ՝ քաջաւեր կարգայր մի վճառիլ, զի ինքնին չու արարեալ խաղայ վանել հանել զԱննիբազ 'ի դաւառաց անտի: Այլ Լիվիոս պատմէ, եթէ 'ի նամականսց անտի Մարկեղղոս ղչինչ հանգարտեցին Հռոմայեցիք 'ի Թաղծուծէն, և ահ երկիւղին աճեաց 'ի նոսա. և զազէտս վտանգին մեծ ևս համարեցան քան զանցելոցն, որչափ քաջ ևս քան զգծուլքիոս եր զօրավար Մարկեղղոս:

Բայց Մարկեղղոս զհետ մտեալ վանել զԱննիբազ՝ ըստ իւրում բանին, եկն եմուտ 'ի Լեւկանիա. անդ գտանէր զնա յակաստանի առ Նոմիսարոմն քաղաքաւ 'ի վերայ անխաբ բարձանց, և ինքն զբանակ իւր հարկանէր 'ի գիւրի: Ապա յաւուրն երրորդի առաջին նա կարգ տուեալ պատերազմին, և 'ի վայր Աննիբազ 'ի բարձանցն իջեալ, անգանօր ահագին գոռ մարտին խառնեցաւ և սաստիկ յոյժ, այլ վճարեցաւ և ոչինչ. քանզի յերրորդ ժամէ աւուրն խառնեցան և հազիւ ուրեմն 'ի մուծն գիշերոյն զատան 'ի միմեանց: Իսկ 'ի ծագել առաւօտուն միւսանդամ Մարկեղղոս 'ի Թանձրուծեան գիականցն դասաւորեալ զզօրն,

ձայն տալը Աննիբալայ՝ ի կռիւ մնալով սահմանեւ զյաղթութիւն . իբրեւ Աննիբալ տեղի տալը, Մարկելլոս կապտաւ կողոպտաւ զգիւղական թշնամեաց արարեալ և զհարսն թաղեալ, զհետ պնդէր նորա . և ցանգանձնապահ ի բազմադէմ հազարցն նորա, և յոյժ յաղթական յամենայն նախամարտութիւնսն, մեծապէս փառք յայնժամ սքանչալաւ Մարկելլոս : Ուստի և յաւարա ընտրութեան նորոց հիւպատոսացն հաճոյ թուեցաւ Սինկլետոսին կոչել ի Սիկիլիոյ զժխանակիցն նորա, քան եթէ զՄարկելլոս գրգռեցուցանել՝ որ ի նեղն լծեաց զԱննիբալ :

Իբրեւ եկն նա ի Սիկիլիոյ, հրաման տալը նմա անուանել յիշխանապետ՝ զԿուրնտոս Փաբիոս : Քանզի չէ՛ ժողովրդեան ընտրել զնա և ոչ Սինկլետոսին . այլ ի հիւպատոսաց անտի ոմն կամ ի զօրավարաց ի մեջ եկեալ ասէ և անուանէ զնա ըստ կամի . և անուանեալն վասն այնորիկ կոչի Տիտո . քանզի զասելն՝ Տիտո կոչն հռոմայեցիք : Իսկ կէսք ասեն՝ եթէ կոչի այնպէս, զի այլոցն վճռոյ կամ ընտրութեան նա ի ներքոյ չէ, այլ ինքն անձամբ անձին ըստ կամի տանի բերէ զամենայն . քանզի զխորդ և զհրաման զաւագանւոյն հիւլենք կոչեն՝ Տիտոսղիտոս, և հռովմայեցիք՝ Եփիտո :

Այլ իշխանակիցն Մարկելլոսայ իբրեւ զայլ դք խնդրէր անուանել, և յանձն չառեալ բռնութիւն կրել ի բանին, ելեալ

գիշերի եմուտ 'ի նաւ և դարձաւ անդրէն 'ի Սիկիլիա: Իսկ ժողովուրդք անուանեալ իշխանապետ զՎուլինտոս Փաբիոս, գրէր և ծերակոյտն առ Մարկեղղոս՝ զնա ասել. հնազանդեալ միաբանեցաւ նա 'ի կամա ժողովրդեանն. և հաստատեցաւ ինքն 'ի փոխանակ հիւպատոսի վասն ամին երկրորդի: Ապա խորհուրդ կալեալ ընդ Փաբիոսի Մաքսիմոսի, խաղալ նմա 'ի վերայ Տարանտացւոց, և ինքն 'ի դիմի հարեալ ընկիճեալ Աննիբաղայ մի տալ նոցա ձեռն օգնականութեան, չու արար դիմեաց 'ի վերայ նորա մօտ առ Վանիւսին. և ցանգ ամենայն ուրեք ընդ առաջ ելանէր նմա, մինչքեռ նա ստէպ ստէպ փոխէր զքանակեալն, և խոյս տայր 'ի կռուոյն: Հուսկ ապա 'ի վերայ յարձակեալ նորա՝ ուր ամբողջեալ կայր, և նահատակութիւնք գրդէր զնա 'ի կռիւ մարտի. այլ 'ի սաստիկ խառնել պատերազմին, 'ի վերայ հասեալ գիշերոյն՝ լուծանէր զկռիւն:

'ի ծագել առաւօտուն կայր անդրէն Մարկեղղոս վառեալ 'ի զէն՝ կազմ ճակատեալ զգորն. 'ի խոր խոցեցաւ Աննիբաղ, և 'ի մի վայր զՎարքեդոնապիսն խրմբեալ՝ աղաչէր զմարտն զայն մղել 'ի վերայ առաջնոց մարտիցն առհասարակ. “Քանզի քաջ իսկ աւագիկ տեսանէք դուք, ասէր, զի յետ այնչափ յաղթութեանցն ոչինչ աւասիկ մեք ոգի թողաք՝ թէպէտ և յաղթեցաք. եթէ ոչ և զայրդ զայդ մեք 'ի միջոյ բարձրուք”: Իբրեւ մարտն խառնե-

ցաւ, յերեց անտի իրացն թուի թէ վիւ-
պակ գործեաց յայնժամ Մարկեղղոս՝
հնարեմացութիւն տարածամ 'ի գործ տը-
կեալ: Քանզի հարեալ և նկուն զաջոյ
թեն արարեալ, հրաման տայր վերջապահ
գնդին յառաջ խաղալ. և ապա այն փո-
փոխումն խռով հարեալ 'ի մարտիկ զօրա-
կանին, յաղթութիւն 'ի ձեռս տայր թըշ-
նամեացն. տապաստ արկեալ յայնժամ 'ի
Հռոմայեցաց ոգիք երկու հազար և եօթն
հարիւր:

Տեղի տուեալ յայնժամ Մարկեղղոս 'ի
զակիշ անդր և ժողովեալ զզոյն, ասէր՝
շատ զէնս Հռոմայեցաց տեսանել և մար-
մինս, այլ 'ի նոսա Հռոմայեցի և ոչ զոք:
Իբրեւ նա զայս տեսց, առհասարակ նե-
րումն խնդրեալ նոցա, կրկնեաց Մարկեղ-
ղոս՝ ոչ ներել 'ի պարտիլ նոցա, այլ 'ի
պարտելն. և առ վաղիւն պատրաստ լիցին
նոքա անդրէն մարտ մղել, զի մինչև զվրա-
խըստեանն՝ զյաղթութեանն լուր առցեն
'ի Հռոմ: Զայս տեսց, և թիկնադարձոյց
գնդացն հրաման տայր փոխանակ ցորե-
նոյն՝ տալ գարի: Իսկ 'ի բազմութիւ զօրա-
կանին՝ որ վերս առեալ էին 'ի մարտին
աղդոյ, ասեն՝ եթէ չեկաց ոք զոր ոչ կա-
րեվէր քան զվերսն ցաւեցուցին բանք Մար-
կեղղոսին:

Իբրեւ առաւտուն մերկանայր, հանին ե-
գին ակներեւ զպատմութեանն ծիրանի ըստ
սովորութեանն՝ նշան մօտալուստ պատե-
րազմին. յայնժամ գունդքն ակնկորեալք՝

գիմադրաւք խնդրեցին և կարգեցան կա-
ցին 'ի նահապետիս զօրուն . զհետ նոցա և
հազարապետք յառաջ մնառուցեալ՝ ճակատ
յարգարէին մնացորդաց բանակին : Զայն
իբրև լուաւ Աննիբաղ , ձայն բարձեալ
գոչէր . “Բաբէ Հերակլէս , և զինդ ապա
բերցէ որ առնդ այգմիկ , որ ոչ ձախողակ
բաղգին և ոչ գեղեցկին երեսս ինչ գա ոչ
առնէ : Քանզի գա միայն չտայ գիւր՝ եթէ
յաղթէ . և չառնու՝ եթէ յաղթի : Ան-
գուլ ուրեմն հասանէ կռուել ընդ դմա .
այր՝ որ 'ի յաջողելն՝ անգրէն դրդի և քա-
ջալերի 'ի խնդութենէն . և 'ի վրիպելն՝ 'ի
յամօթոյն” : Իբրև բանակք երկողքին խառ-
նեցան 'ի մարտ , և քաջ քաջի պատահեալ՝
մնային անպարտելիք , հրաման տայր Ան-
նիբաղ յառաջ զփիղան խաղացուցանել 'ի
ճակատն Հռոմայեցւոց : Իբրև այնպէս
Թափ անհնարին և խռով տաստիկ 'ի գա-
ղանաց անտի հարկանէր յառաջին կարգ-
զօրուն , յայնժամ 'ի հազարապետացն ա-
նուն Փլարիոս գրոշակ մի յափշտակեալ
խաղայր ընդգէմ՝ գաղանացն . հարեալ
սաստիկութեամբ զառաջին փիղն 'ի սայր
նիզակին՝ յետս զնա ընկրկէր , ուստի և
այնպէս անհնարին աղմկեցան գաղանքն՝ որ
աղխաղխեալ գային զհետ :

Ապա գէտակն 'ի վեր ամբառնայր Մար-
կեղղոս՝ հրաման տայր այրուծիոյն փու-
թալ 'ի ճեղ տաղնապի հասանել յաղմուկ
անդր , և առաւել 'ի վեր 'ի վայր խառնել
զգունդս Թշնամեացն : Նոքա բուռն և սառ

տիկ 'ի վերայ յարձակեալ՝ վանեալք ընկրդէին զկարբեգոնացիսն, և հարուածս 'ի վերայ հասուցանէին մինչև 'ի զակիշանդր նոցա. սակայն և շտաք ևս էին սպանեալքն 'ի գազանացն՝ այն ինչ խոցք և վիրաւոր նոքա Թաւալցւոր խաղային: Եւ ասին յայնժամ մեռեալ աւելի քան զութ հազար. իսկ 'ի հռոմայեցւոց՝ երեք հազար. և գողցես առհասարակ վիրաւորք: Ապա ժամ գտեալ Աննիբաղ՝ անշուշտ գիշերայն ժողովեալ զքանակն գնայր տարագէմ 'ի Մարկեղղոսէ. որում ոչ կարացեալ նա զհետ լինել 'ի բազմութենէ վիրաւորացն, գէմ եգեալ և ինքն յուշիկ գնայր 'ի Կամպանիա. և անգամօր 'ի Սինոէտաա զաւուրս ջերմնս անցուցանէր և յանձանձէր զգորականն:

Բայց Աննիբաղ 'ի բացեալ ազատացեալ 'ի Մարկեղղոսէ, առեալ զմոլեգին զերամբոխն և զարձակերասանն՝ 'ի հուր և 'ի սուր գատեր առհասարակ շուրջ զխառնութեան և ամբաստանութիւնք 'ի հռոմ յուզեցան ընդգէմ Մարկեղղոսի: Դատախազ Թշնամիք նորա յարուցին 'ի վերայ նորա զՊուրբլիկոս Բիւզոս զժողովաւապետ, զայր բանիւք զօրաւոր և բուռն: Սա այս Բիւզոս յաճախ 'ի մի վայր զնուժանն խմբեալ, գուն գործէր այլում ումիք տալ 'ի ձեռս զգորավարութիւն բանակին. քանզի Մարկեղղոս՝ ասէր՝ վայր մի ձեռն 'ի գործ արարեալ և կռուեալ, իսկ զարդիս իբրու լմբշարանէ խմբնէ ան-

ցեալ չորաւ նստաւ 'ի բաղանիս ջերմինս՝ սպաս առնուլ անձին :

Իբրեւ այսմ իրազգած լինէր Մարկեղղոս, անդէն թողեալ 'ի բանակին ետեղաւալս՝ դառնայր 'ի Հռոմ՝ պատասխանի առնել ամբաստանութեանն, այն ինչ հանգերձեալ էին տալ գատակնիք ընդդէմ նորա : Ապա 'ի ժամանակեալ աւուրն խրմբեալ խուժանին 'ի Փլամինեան ձիւնթացան, Բիբլոս 'ի բեմէն առաջի առնէր զամբաստանութիւնն . իսկ Մարկեղղոս բանս անդանոր գուզնաքեայս անպաճոյճս խօսէր վասն անձին . սակայն 'ի քաղաքացեաց անտի յայնժամ արք Կապոք և ականաւորք ազատագէմ բարբառեցան վասն նորա, և յորդորէին մի քան զթշնամին՝ ևս չարաշուք նստել դատաւոր, և իբրեւ անարի և վատ զՄարկեղղոս դատել, յորմէ միայն ցանգ զանգիտեալ խոյս տայ Աննիբաղ . և որչափ նա հետամուտ է կռուել ընդ այլոց, այնչափ և անձնապահ է 'ի վեգ գալ ընդ Մարկեղղեայ :

Իբրեւ զայն բանս ասացին, և յայնժամ ամբաստանն յամօթ լինէր գլխովին . զի և ոչ 'ի գատակնիքոյն միայն, այլ և ողջոյն յամբաստանութեանցն արձակեալ՝ ընտրեցաւ հիւպատոս այս հնգիցս անգամ : Առեալ զիշխանութիւնն՝ նախ քան զամենայն գնացեալ 'ի Տիւրքեսիա, հանգարտէր զաղմուկ մեծ զապստամբութեանն : Ապա կամեցեալ սրբել նուիրել զտաճարն զՓառաց և զԱռաքինութեանն, զոր նա ինքնին կա-

առջեալ իսկ եր յաւարաց անտի Աիկի-
 լիացոց, իբրեւ յանձն չառին քահանայք՝
 եթէ անճահս գիշ կրկին 'ի միում փակեա-
 ցին տաճարի, սկիզբն առնէր նա շինութե-
 ւ երկրորդ տաճարի. սակայն գժկամակս
 երեր զհակառակութիւնն, և վատախտար
 ևս վարկաւ զքանն: Եւ քաջ իսկ և այլ ևս
 շատ նշանք միջարեւել առնէին զնա. քանզի
 և մեհեանք ինչ շանթահարք եղեն. գար-
 ձեալ և մկումք կրծեցին զոսկին 'ի մեհե-
 նին Արամազդայ: Այլ և պատմեցին յայն-
 ժամ, արձակել եղին ձայն զմարդոյ, և
 մանկան միոյ ծնանել և ապրել՝ գլուխ ու-
 նելով զփղի: Նա և 'ի նուերան և 'ի քառու-
 թիւան էին՝ ձախողակի գուշակութիւնք.
 ուստի և իզձք և գուշակք արգելեալ պա-
 հէին զայն 'ի Հռոմ. թեպէտ և նորա ան-
 հնարին 'ի տակ անկեալ եր ջանն և վառեալ
 'ի չու անդր. զի և սչ որ այնպէս յիր ինչ
 զակասեցաւ տարիմամբ, իբրու Մարկեղ-
 զոս 'ի վէգ ընգ Աննիրազայ կայքաւել տահ
 մանաբար մարտիւ:

Ջայս նա յերազանայր գիշերի, և վասն
 սորին 'ի խորհուրդ մտանէր ընգ բարեկամս
 և ընգ իշխանակիցս իւր. և այս միայն եր
 նորա ձայն ազօթից առ գիւնն՝ 'ի ճակատա-
 մարտ պատերազմի հասանել ունել զԱննի-
 բաղ: Եւ ինձ թուի՝ եթէ երկարեանցիւր ևս
 զօրաց փակեալ 'ի պատնէշն կամ 'ի զակիշ,
 մտադիւրագոյնս ևս եր գոռն: Այլ եթէ
 չէր Մարկեղզոսի այնպէս 'ի ծայրն հա-
 սեալ փառաց և պատուոյ, և թէ չէր նո-

րա հաւատալիս բազում 'ի ներքս բերեալ
զքաջութեւն և զհանճարոյն առաւել քան
զամենայն զօրավարս, անշուշտ էր ասել
զնա յերկրաւարդական բերեալ աշխու-
ժից և 'ի պատուաւորութեան՝ անճահ բազ-
մամեայ առն . քանզի և 'ի հինգերորդ
ընտրութեանն զվեթանամենիւք ուրեմն
անցեալ էր: Յայսր ամենայնի վերայ կա-
տարեալ զգոհան և զսրբութիւնսն ըստ գու-
շակացն հրամանի, եւ արտաքս 'ի մարտ
պատերազմի հանգերձ իշխանակցաւն և
բանակ հարեալ ընդ մէջ Բանդիոյ քաղա-
քին և Բենիսեայ՝ ստեպ ձայն տայր Աննի-
բաղայ . իսկ նա երբէք չիջանէր 'ի կռիւն .
ստեպն լուր առեալ եթէ գտնու հաստա-
'ի Հռոմայեցւոց 'ի վերայ արևմտեան Լո-
կրացւոց, ինքն դարան գործեալ ընդ Պե-
տինեան բլրովն, սպան 'ի նոցանէ ոգիս եր-
կու հազար և հինգ հարիւր: Յայսմանէ
մեծապէս գրգեալ Մարկեղղոս 'ի կռիւն,
ժողովեալ զբանակն եկն մօտ բանակեցաւ-
ընդդէմ Աննիբաղայ:

Էր անգանօր ընդ մէջ երկուց բանակացն
բլուր քաջամուր անտառախիտ, և գիտա-
րանք 'ի բլրին տափ և անտի, և աղբիւրք
ջրոյ հոսէին 'ի նմա: Չարմացան Հռոմայե-
ցիք, զի Աննիբաղ կանուխ հասեալ՝ ոչ կա-
լաւ զգիպան վայրն, թողեալ 'ի թշնա-
մեայն ձեռս: Այլ Աննիբաղ քան վառն
բանակին՝ լաւ ևս 'ի դարան զվայրն համա-
րեալ, ելից անգանօր զանտառն և զան-
ձաւան բազում աղեղնաւորք և տիգաւո-

բոք. եգ. 'ի մնտի եթէ վայրացն քաջագի-
տութիւն յինքն ձգեալ յանկուացէ ըզ-
Հռոմայեցիսն, և չվիպեցաւ 'ի յուսոյն:
Վանդի անգէն վաղվազարկի ողջոյն ընդ
բանակն Հռոմայեցւոց այս ձայն ընծա-
նայր, հասանել ունել զվայրն. և առհա-
սարակ նորա յայնժամ իբրու զորովորդ
ոմանք սահմանեալ խօսէին, մեծապէս
ստնանել թշնամեաց եթէ ողջոյն դրանակն
հարցեն անգանդ, կամ թի ամբաւ պա-
տեպեն զբլուրն:

Ապա հաճոյ թուեցաւ Մարկեղղոսի
գնալ անդր սահաւ աջրուծիով և զննել
զվայրն. կոչեաց զեղձն և զոհեաց: Իբրե
փողոտեաց զառաջին տպանդն՝ անգ իւղձն
ցուցանէր զերարդն անգլուխ. ապա փողո-
տեալ և զերկրորդն՝ տեսանէին զգլուխն
մեծ յոյժ անհնարին. գարձեալ և այլն ա-
մենայն ցուցաւ յայնժամ կարի բերկրա-
կան, զի և համարեցան 'ի գեղեցիկ նշա-
նաց անտի խաբառ նանքանալ երկիւղին՝ որ
յառաջնոց ձախողակացն. այլ իղձքն 'ի
վերջնոց աստի առաւել ևս զարհուրեալ
ասէին զանձինս, անդեալ եթէ 'ի բարե-
նշան զոհից յետ ձախողակացն՝ կասկածե-
լի է օտարոտի այլայլութիւնդ: Այլ սո-
կայն. "Զկարգ սահմանին սչ հուր արգե-
լու և սչ պատուար երկաթի", որպէս
Պինգարոս ասաց: Ուստի և Մարկեղղոս
առեալ ընդ իւր զնրիտայինոս զնշանա-
կիցն, և զորդին իւր զհազարապետ, ել ար-
տաքս 'ի զաւելն և աջրուծի ընդ նմա երկե-

րիւր և յիսուն միայն, յորոց և ոչ մի գը 'ի նոցանէն Հռոմայեցի, այլ առհասարակ Տիւրքենացիք. քառասունք միայն Փրեզապայիք՝ քաջք և հաւատարիմք ցանդ կացեալք առ Մարկեղղոսի:

Եւ քանզի անտառախիտ էր բլուրն և Թաւամուր, գէտ մի 'ի Կաղբեղոնացւոց անտի կայր 'ի ծաղիւն և լրանէր. ինքն աներևակ 'ի Հռոմայեցւոց՝ տեսանէր ողջոյն դրանակ նոցա. իրազգած առ զգարանա մուտան արարեալ վասն բանին, նոքա Թոյլ տուեալ մօտել Մարկեղղոսի, անգէն յեղտարծումն յարուցեալ և շուրջ 'ի մէջ փակեալ զբունդն՝ նետաձիգ լինելին և հազ կանէին, և հետամուտք զհեռ փախառելոյն լինելին, 'ի նոյն՝ 'ի վէգ ելեալ կռուէին և ընդ գինամարտան. և էին քառասունք այն Փրեզապայիք՝ որ 'ի փախուտ խուճաղել Տիւրքենացւոցն յառաջին կռուին՝ սոքա եկեալք նեղեալք ընդ միմեանս մարտ եղեալ կռուէին 'ի վերայ հիւսապտոսացն. մինչև Արխայինոս նետահար 'ի կրկին նետից՝ 'ի փախուտ դառնալը երիվարան: Իսկ Մարկեղղոս անգէն տիգահար եղեալ՝ շեշտ Թամի ընդ կողս նորա ելանէր տէգն լայնատէգ, զոր Լանդլէտ կոչեն 5: Յայն ժամ Փրեզապայիք ողջանդամք 'ի մարտին Թողեալ անգանոր զՄարկեղղոս գիտապաստ՝ առին յափշտակեցին զարգին նորա վերաւոր և փախատեալ անկանէին 'ի բանակն իւրեանց: Եւ անկան տապաստ անգէն քառասնիւ չափ. և դառաղմանիկք

հինգ. Թաւով և հեծեալք ութ և տասն
վարեցան 'ի գերութիւն: Բայց և Կրիս-
պինոս ոչ շատ ինչ աւարտ կեցեալ՝ մեռա-
նէր 'ի վերայ անտի: Եւ եղև այս առաջին
նուագ՝ անհնարին ազեպք Հռոմայեցոց,
'ի միում մարտի կորուսանել միանգամայն
զերկոսին հիւպատոսան:

Իսկ Աննիբաղ յայնժամ զայն ամե-
նայն առ գուշնաքեայ գրեալ, այն ինչ
լուաւ եթէ և ինքնին Մարկելլոս գիտա-
պատտ անկեալ կայ, յարուցեալ փութա-
պէս ընթանալ 'ի վայր անգր. և մերձ կա-
ցեալ մեռելոյն՝ այնպէս հարուստ մի ժամ
գիտեալ զկորովութիւն մարմնոյն և զկեր-
պարանն, ոչ յոխորտա արձակեաց բար-
բառ, և ոչ ուրախութեան ժպիտ ծնաւ
'ի գէմն նորա, ըստ որում և 'ի գէպ ար-
գեզք մարդոյ՝ զմեծն զիւր Թշնամին և ըզ-
բուռն գիտապատտ տեսեալ. այլ կացեալ
հիացեալ ընդ անկարծ մահն և ընդ գրժ-
պատեհ առնն աւագի՝ առնոյր 'ի բաց ըզ-
մատանին, և գեղեցիկս զարգարեալ ըզ-
գիակնն և շուք եղեալ այնպէս այրեր ըզ-
մարմնն, և 'ի սափոր արծաթի արկեալ
զաճիւնն և 'ի վերայ պտակ մի եղեալ օսկի
առաքեր առ որդի նորա: Այլ 'ի հոմա-
գացոց անտի պատահեալ արայնցն որ առ-
նէին զայն, 'ի վերայ գիմեալ յափշտա-
կել զսպիրոն, իզրև նոքա զգէմ գարձեալ
հակառակելին՝ հեղեալ ցնդեր աճիւնն ընդ
երկիր: Լուեալ Աննիբաղայ ասեր՝ ողջ
զիւրեն կային. ինչ մի չմարթի լինել ար-

տաքոյ կամացն աստուծոյ : Եւ Թէպէտ զԼոմագացիսն զայն պատուհասեաց, ոչինչ փոյթ կալաւ այնուհետեւ ժողովել զաւելանն և տալ տանել. իբրու որ 'ի գից անտի միում ումեք կամք իցեն' այնպէս դրժ պատեհ և մեռանել Մարկեղղեայ և անթաղ մնալ : Օրինակ զայս պատմեն մեզ Կուռնելիոս Կեպոս և Վաղերիոս Մաքսիմոս : Այլ Լիվիոս և Կեսար Սերաստոս պատմեն, եթէ սափորն տարեալ ողջ առ որդին Թաղեցաւ շքով :

Իսկ Զօնք նուիրացն Մարկեղղոսի՝ Թո՛ղ զորս միանգամ՝ նորա 'ի Հռոմ' են ըմբշաւան մի 'ի Կատանիա Սիկիլիոյ, անդրիք և պնակք սիրակուսացիք 'ի Սամոթրակէ 'ի մեհենին գիցն' որոց անուն կարդան Կաբիր + և 'ի Լինգոն 'ի մեհենին Աթենաւսայ. ուրանոր ըստ Պոսիդոնիոսի էր և աղձան նորա, և վերտառութիւն այսպիսի. "Ահա քեզ ո՛վ հիւրդ, Աստղն մեծ Հռովմայ հայրենեացն, Մարկեղղոս Կղաւգիոս 'ի հոյակապ նախնեաց : Նա՛ եօթնիցս անգամ զաւագութիւնն Հիւպատեան տաւալ, 'ի մոլել անդ Արէսի, և ախոյենիցն մահունս եդ ամբաւ " : Այլ որ զվերտառութիւնն գրեաց, ընդ հնդեակ հիւպատոսութեանն լծորդեաց և զկրկին նորա կալ փոխանակ բղեշխի :

Բայց սերունդ նորա հոյակապ եկաց մնացմինչև ցՄարկեղղոսն քեռորդի Կեսարու. զի էր նա որդի քեռն Կեսարու Հոկտաւեայ 'ի Գայիոսէ Մարկեղղոսէ. և փե-

ապացեալ մեռաւ՝ մինչեւ եր ինքն ամ-
բարապետ Հռոմէոյցւոյ, ոչ բազում ժա-
մանակ կեցեալ ընդ գետերն Վեաքու :
Եւ ապա Հոկաաթիս մայր նորա նուիրէր
'ի պատիւ և 'ի յիշատակ նորա՝ Մատենա-
գարան մի, և Վեաքո՝ Տեաքան մի մակա-
դրեալ 'ի յորս Մարկեղոս :

ԶՈՒԳԱԿՇՌՈՒԹԻՒՆ

ՊԵՂՈՊՈՒԵԱՅ

ԵՒ

ՄԱԿԵՂՂՈՍԻ

Եւ արդ՝ որչափ ինչ արժանապատուով
Թուեցաւ մեզ 'ի գրեւ 'ի բանից անտի
Մարկեղղոսի և Պեղոպիդեայ, այդ ոքիկ
են: Բայց ըստ բուսոյ բարուցն և վարուցն
զուգահաւասապէք գոլով սղբա, իբրու ե-
թէ այր զարամբ ելեկել առնիցեն. և քան-
զի երկոքին գոքա քաջք էին և կորովիք և
վաստակասեքք և արիասիրտք և մեծան-
ձինք, յայս ինչ միայն երևին զանազա-
նեալք, զի Մարկեղղոս 'ի քաղաքս բա-
զումն՝ զոր ընդ ձեռամբ գրաւեաց՝ հա-
րուածս 'ի վերայ եգ. իսկ Եպամինոնդաս
և Պեղոպիդաս ոչ զոք 'ի պարտելոցն 'ի
մահ վարեցին, և ոչ զքաղաքս 'ի գերու-
թեան կացուցին: Այլ և Թեբայեցիք ինք-
նին ասեն, եթէ և ոչ Որբոմենացիք գըլ-

խառն զնոյն անցա կրէին, եթէ սղա երկուքին անգանոր մերձ կային:

Իսկ 'ի գործս նահատակութեանց սոցո՛ւ արգարե հրաշալիք են և մեծամեծք Մարկեղոսինն՝ որ առ Կեղտան. զի եհար վանեաց զայնչափ բազմութիւն զայրուծիոյն և զհետեակացն սակաւածեռն ալրուծիով. զոր և հեշտին կատարեալ առ այլովք զօրավարօք չիք գտանել 'ի պատմութիւնս: Առ այս՝ զի և զզօրավար նոցուն դիտապատ կացուցանէր. յորում կարգի և ինքնին Պեղոպիդէս կամելով նահատակել, ինքն առաջին տապատ անկաւ 'ի բռնաւորէն. և մինչև գործեալ ինքն կրեաց: Այլ սակայն այդոցիկ զուգակշիռ 'ի դէպ է գործել՝ և զՊեղոպիդեայն նահատակութիւնս որ 'ի Լեւկորա և 'ի Տեգիւրա՝ զմեծամեծսն և զականաւորսն:

Բայց զծածուկ ինչ և զգարանամուտ գործ նահատակութեան չունիմք 'ի ներքս բերել զՄարկեղեայ և կշռել ընդ Պեղոպիդեայն, որչափ միանդամ գործեաց նա յետ դարձին յաքսորանաց. և զմահունն զբռնաւորացն 'ի Թեբա, զի և Թուի Թէ այն նահատակութիւն յոյժ գերազանցեալ կայցէ քան զամենայն գործ զգաւանաց և զգաղանեաց:

Այլ անշուշտ Աննիբաղ ահարկու էր Թէնամի և բուռն և սաստիկ, ըստ որում և Լակեդեմոնացիք յայնժամ՝ Թեբայեցւոց: Բայց անաղարտելի է պատմութիւնն՝ եթէ Պեղոպիդատ 'ի պարտութիւն մատ-

նեաց զնոսա 'ի Տեղիւրա և 'ի Լեւիտա :
Իսկ Մարկեղոս զԱննիբաղ, ըստ որում
Պողոբիոս ասէ, և ոչ միանգամ 'ի պար-
տութիւն մասնեաց . այլ թուի թէ ան-
պարտելի եկաց մեաց նա մինչև ցաւուրս
Սկիպիոնի : Այլ մէք Լիվիոսին ընծայեմք
հաւատս և Կեսարուն և Կեպոսին, և 'ի
Հելլենացիս՝ արքային Յորայ, եթէ եր-
բէք 'ի պարտութիւն մասնեացան Աննիբա-
ղեանք և 'ի փախուստ դարձան 'ի Մարկեղ-
ղոսէ . բայց այրոքիկ կշիռ ինչ մեծ չգոր-
ծեցին . նա մանաւանդ թուի թէ կեղծա-
ւորեցաւ իմն այնպէս Լիբեացին 'ի մարտան
յայնոսիկ :

Իսկ որ իրաւապէս և արժանապէս սքանչ-
ելին՝ այն է զի այնչափ 'ի փախուստ
խուճապեալ զօրուն և սպանեալ զօրա-
վարացն և 'ի վեր 'ի վայր շարժեալ ողջոյն
Հռոմայեցւոց տերութեանն, սա՛ այս Մար-
կեղոս քաջալերեաց խրախուսեաց զնոսա
կալ 'ի դիմի հարկանել թշնամւոյն : Քան-
զի որ 'ի վաղնջուցն և 'ի հին ահաբեկու-
թենէն և յարհաւրացն՝ միւսանգամ 'ի
վեր կանգնեալ խրախուսեաց վառեաց 'ի
զօրն զգեղեցիկ նախանձ և զմրցանան ընդ-
դէմ թշնամեաց, և զայն կա՛ զի մի այնպէս
հեշտեալ զյաղթութիւն 'ի ձեռս թողցեն
թշնամւոյն, այլ զի ելևելս առնելով մրցեա-
ցին պատուասիրաբար, սա՛ այս Մարկեղոս
եկաց միայն : Քանզի որք առ վշտամբերու-
թեան աղէտիցն սովորեցան Հռոմայեցիք
սկսել փախստեամբ անձնապուր լինել յի-

բնաց Անիքաղայ, սա այս Մարկեղոս ուսուցչ նոցա զամենի հարկանել 'ի Ճողոպ-
բնէ իւրեանց յետ պարտութեանն . և
կորանալ՝ եթէ վայր մի տեղի տացեն թըշ
նամույն . և սրանիլ՝ եթէ 'ի պարտութիւն
լմաստեացեն :

Այլ քանի Պեղոպիգէո յամենայն իսկ
'ի մարտս անպարտելի մնաց 'ի զօրավարու-
թեան իւրում, իսկ Մարկեղոս յաղթու-
թիւնս բազումս 'ի գլուխ տարաւ առաւել
քան զամենայն հառմայեցիս որ առ իւ-
րովքն ժամանակից, թուի թէ զուգահա-
ւասար կայցէ զժուարսպարտելիս այս ընդ
անպարտելայն ընդ այնմիկ 'ի պատճառս
բազմագէմ նահատակութեանց իւրոց :

Իսկ թէ Մարկեղոս հասեալ կալա-
դրաւեաց զՍիրակուսա, իսկ Պեղոպիգէո
վըէպ եկաց 'ի Լաիեգեմոնացւոց քաղա-
քէն . սակայն ես այնպէս համարիմ՝ եթէ
մեծ ևս քան զգրաւել Սիկիլիոյ իցէ մե-
տիլ 'ի Սպարտիա, և առաջին քան զամե-
նայն մարդ՝ մարտիւ պատերազմի անցանել
ընդ Եւրովասոս : Թէ ոչ՝ ճն և օն Արա-
մազդ՝ ասասցէ որ արդեօք, եթէ քան Պե-
ղոպիգէայ՝ մանաւանդ Եպամոնոնդէայ 'ի
ձեռն վճարեցաւ գործն, ըստ որում և
Լեւկարեան նահատակութիւնն : Իսկ Մար-
կեղոսին նահատակութեանցն անհաղոր-
դական է գիտութն . քանի ինքնին միայնակ
առ կալաւ զՍիրակուսա, և զՎեղոսն գար-
ձեալ՝ զսա յիշխանակցէն 'ի փախուստ
գարձոյց . և ընդգէմ՝ Անիքաղայ՝ ոչ զոր

ուշեւելով 'ի նիզակակից, նա և յորժամ առհասարակ ամենեքին զնա յայնմանէն 'ի բաց քեցէին, ինքն ճակատեցաւ ընդդէմ նորա, և փոփոխեալ զդէմն կերպարանաց մարտին, ինքն առաջին հորդեաց ճանապարհ արիութեան:

Բայց զմահ վախճանին գովեմ և ոչ զմիոյ ուրուք քաջացդ այդոցիկ. այլ ցաւ է ինձ և աշխարհմ ես զտարագէտն զայն և զտարաժամ արկածն: Բայց և հիացեալ եմ՝ զի յայնչափ մարտս պատերազմաց՝ որչափ ինչ դք վաստակեացի 'ի հաշիւ նոցա, և ոչ վերս անգամ ընկալաւ Աննիբադ:

Եւ զարմացեալ է իմ ընդ Քրիստոսն, զէմն ընդ այն 'ի Դասախարակութեան գիրան 6 (Քսենոփոնեան), որ մերկացեալ զսուրն և 'ի վեր առեալ հարկանել զԹշնամին, իբրեւ ձայն փողոյն նշան տայր տեղի տալ 'ի մարտէն, եթող անդէն զայրն՝ և ինքն մեծապէս հեզութեամբ և սլարկեշտութեամբ մեկնէր 'ի վայրացն: Այլ ոսկայն զՊեղոպիդէան ներելի գործէր 'ի սա հոռ մարտին՝ աշխոյժ եռանդանն և սրտմըտութիւն նորա 'ի վրէժինդրութիւն ոչինչ անարի. «Քանզի լաւ է յաղթական գլով ապրել զօրավարին. դարձեալ և մեռանել, յառաքինութեան վճարելով ըզկեանսն» . որպէս ասաց Եւրիպիդէս: Քանզի այսպէս ուրեմն մահ վախճանելոյն, ոչ կիրք են, այլ գործ: Նա և բաց 'ի սրտմըտութենէն Պեղոպիդեայ, և նոյն ինքն վախճան յաղթութեանն զոր նկարէր նա 'ի

գիտապատանկաները բռնաւորին, ոչնչ գլխովին անբռնաբար գրգռացնելով թափն յայն: Քանզի և գծուարին իցէ արգելք նահատակութիւն այլ 'ի ներքս բերել՝ որ այնպիսի գեղեցիկ և փառաւոր ունիցի պատճառս:

Իսկ Մարկեղոս՝ ոչ 'ի ստիպել ինչ կարեւոր պիտոյից, և ոչ յորժամ 'ի խուճապ տապնասպին ըստում՝ անգամ գեղեցիկ մոլութիւնն մերձ կացեալ՝ այլ յայլմէ առնէ, այնպէս անխորհրդաբար գիմարու 'ի վտանգն եղեալ՝ ոչ զզոտութիւն անկանի անկումն, այլ զյառաջնութեաց ուրաք կադրաբերի կամ զլրտեսի. և զհնգեակ զուր հիւարտառութիւնս և զերբեակ յաղթանակն, և զառն և զապուր, և զտանել յաղթութեանս ակոյրնից 'ի թագաւորաց, առաթուր և գլնդ ոտիւք չարքեդոնացւոցն վարձկանաց, իրերացւոց, և Նոմագացւոց. որպէս զի և նոցան թշնամեացն գծկամակս բերել ընդ նահատակութիւնս իւրեանց, զի այր այնպիսի 'ի Հռոմայեցիս քաջութեամբ առաքինութեամբ գեր 'ի վերոյ, և առաքութեամբ զգութեամբ վեհագոյն, և փառք և պատուով ականաւոր յոյժ, 'ի խառն անդ յառաջնութեաց լրտեսաց փրկապաշտաց այնպէս գիտապատանկեալ կայցէ:

Այլ սակայն պարտ է զայստիկ ոչ եթէ ամբաստանութիւն ինչ համարել վասն արանցդ այդոցիկ, այլ արտցառութեամբ գանդատանս և համարձակութիւն

'ի շնորհս անձանց նոցա և 'ի շնորհս քա-
ջութեան արութեան նոցա՝ ոյր աղադա-
առեալ ծախեցին նոքա զայլ ինչ առաքի-
նութիւնս իւրեանց, ոչինչ խնայեալ 'ի
կեանս և 'ի հոգիս իւրեանց • իբրու ան-
ձանց մեռեալք՝ և ոչ մանաւանդ հայրե-
նեացն և բարեկամացն և նիղակակցացն :

Բայց յետ մահու վախճանին՝ Պեղոպի-
դէս թաղումն առնու 'ի նիղակակցացն
վասն որոց 'ի մահ մատնեցաւ • իսկ Մար-
կեղղոս 'ի նոցուն իսկ 'ի թշնամեացն՝ յո-
րոց 'ի մահ վարեցաւ : Եւ արդեօք Պեղո-
պիդայն նախանձե լի է և երանելի • սակայն
քան զշնորհապարտ փոխարէնս երախ-
տեացն՝ վեհագոյն ևս է և մեծ հիանալ
պատուել նոցուն իսկ թշնամեացն զառա-
քինութիւնն ստնանիչ նոցա : Քանզի 'ի
վերջնումդ լոկ առաքինութիւնն անխառն
ունի զպատիւն • իսկ յառաջնումն՝ պա-
տուասիրութիւն է և 'ի շահ օգտի և 'ի
սկստս առաքինութեանն :

ԾԱՆՕԹՈՒԹԻՒՆՔ

1. Որպէս Պաշխարիս գրէ, ոչինչ պահաս եին նոքա քան զԵօթն հարիւր հազար հեռեակաց, և եօթանասուն հազար այրումիոյ:

2. Այսպիսի հրէշք՝ որ կոչին Արեւատիւք և Լուանատիւք, բազմագոյնք յոյժ են Թուով 'ի մերում Բնաշնորհեան: Թէպէտ և Պլինիոս գրեաց չերեւալ տուաւել քան զերիս, բայց Գասաննտոս պատմէ յամին 1625, երեւալ վեց Թուով 'ի Պողոնիա. և Շէսնէր 'ի 1629, երեւալ 'ի Հռովմ հինգ Թուով. և 'ի յաջորդ ամի 'ի 26. Յունով. երեւալ եօթն Թուով. և ասէ ևս՝ չնք հակառակել եթէ երեւցին և երկոտասանք Թուով Արեւատիւք և Լուանատիւք:

3. Պլուտարք. Մինուկիոս ասէ. այլ ըստ պատմ. Հռովմ. պարտի լինել Կ. Փաբիոս Մաքսիմոս:

4. 'ի կարգի նորահրաշ մենքենայիցն Աղբիմիգեայ, և լսել 'ի համբաւոյ՝ է տե-

սանեւ և 'ի նկարս՝ նա և զգերահռչակեալ
զայն Հայեղիս կիզանողականս զնորա, ո-
րովք ասեն այրեալ նորա զնաւահանդէսն
Հռոմայեցւոց: Սակայն Թուի անհիմն
համբաւն. քանզի և ոչ մի ոք 'ի նախնի
մատենագրաց յիշատակ չարար Հայեղեացն
այնոցիկ. մանաւանդ որ մանրամասն պատ-
մեցին զիրոն՝ Պողիւբիոս, Լիվիոս, և ա-
ռաւել՝ մերս Պլուտարքոս:

5. Պլուտարք՝ յունացուցեալ Λαγχεα
կոչէ զլո. այն է՝ Lancea, որ է՝ Տէգ:

6. Էր այս Քրիստանդէ մի 'ի զօրագըլ-
խացն Վիւրոսի 'ի մեծ արշաւանսն Քսե-
նոփոնտեայ. և նա ինքն Քսենոփոն պատ-
մէ զայս 'ի սկիզբն Դ գրոցն, որ անուա-
նեալ կոչի Քիւօթէփիւ, այն է՝ Դասսփա-
րակովթիւն Վիւրոսի:

Պ Լ Ո Ւ Տ Ա Ր Ք Ե Ա Յ

ԶՈՒԳԱԿՇԻՌՔ

Փ Ի Լ Ո Պ Ի Մ Ե Ն Ե Ա Յ

Ե Ի

Տ Ի Տ Ո Ս Ի Կ Ո Ւ Ի Ն Տ Ո Ս Ի

Փ Լ Ա Մ Ի Լ Ի Ո Ս Ի

ՓԻԼՈՊՈՍԻՆ

Ի՞նչ պատանդորոս 'ի Մանտինիա 'ի նա-
խապատիւ զարմէ, և ճոխ առաւել քան
զամենայն քաղաքացիան : Սա ձախողակի
պատահեալ բաղդի, և փախստեայ յիւ-
րոց հայրենեացն գնացեալ՝ եկն եհաս 'ի
Մեգաղէպօլիս, յաւէտ իմն 'ի պատճառս
Կրաստեայ հօրն Փիլոպիմենեայ . զի էր
Կրաստիս այր հոյակապ գլխովին և մտերիմ
բարեկամ նորա : Արդ մինչդեռ կենդանի
էր Կրաստիս՝ յամենայնին բաժանորդ էր
Կապանդորոս . այլ ապա 'ի մեռանելն, որիւ
տուր նա զհիւրընկալութեն հատուցեալ
Կրաստեայ՝ առեալ անուցանէր զորոքա-
ցեալ նորա զորդին, ըստ որում 'ի Փիւնի-
կեայ ասէ հոմերոս անուցեալ զԱ. քիլլէս :

Ապա անդտին յառաջին տիոցն Փի-
լոպիմէն աճէր և զարգանայր աղնուական
և արքեւի բարոյիւք : Իսկ յարքունս հա-

սեռ՝ խնամակալութեան լինելին Եկզեմոս
և Դեմոփանէս Մեգաղէպոլսեցիք, արք
մանրիւք կենակիցք յԱլեքեմիա ընդ Ար-
գեսիդայոսի. և առաւել քան զամենայն
խմատասերս ժամանակին նորա ղ'ամաստա-
սիրականն առեալ պատշաճէին քաղաքա-
կանին. 'ի նոյն՝ յանգորդ 'ի բռնաւորու-
թենէն հանին նորա զհայրենիան, Թելա-
գիւր եղեալ 'ի Ծածուկ՝ սպանանել զԱ-
րիատագիմոս. նորա գործակից լինելին և
Արատոսի վանել զԵկեղեզէս բռնաւոր զՍի-
կիովիացի. առ այս՝ և սղքա 'ի Թափանձա-
նաց Կիրենացւոց՝ որոց խռովութեամբք
լի էր քաղաքն և խօթ էր, անդր ելեալ
նաւեցին՝ օրէնս դեղեցիկս հաստատելով
նոցա, և յարգարեցին զքաղաքն: Եւ սո-
քա վարձեալ՝ յամենայնի խնամով պարա-
պեցան 'ի գաատարակութիւն Փիլոսոփմե-
նեայ՝ վարժելով յիմաստասիրականն՝ 'ի
պէտս առհասարակ Ելլագայ: Եւ որպէս
զոյս զաւակ անադանի ծնեալ յիւրում
ծերութեանն՝ 'ի լոյս վերբերեաց Ելլա-
գա յիտ նախնի իւրոց զօրավարացն քա-
լաց, սպաւէս և զսա մասնաւոր խմն սիրեաց,
և փառաւոր ևս սրար. իսկ 'ի հռոմայեց-
ւոց ոմն 'ի Գովութիւն առեալ զսա, կո-
չեաց՝ Վէրլինն Հելլենացւոց. իբրեւ որ յեա
նորա այլ ոչ ծնաւ Ելլագա զալս աւագ և
խրարժանի:

Այլ ոչ՝ որպէս կարծեն սմանք՝ անդե-
ղեայ էր նա. քանզի և մինչև ցայսօր ցու-
ցանեն 'ի Դեղփիս զպատկեր նորա: Իսկ

պատճառք ոչ ճանաչելոյն զնա հիւրընկալու ուրումն կնոջն Մեգարացւոյ՝ ասեն՝ զանպաճոյճ և զանպերճ կերպարան նորա։ Քանզի լուր առեալ կնոջն՝ եթէ Աքայեցւոց զօրավարն առ իւր գայ իջավանել, գօտեպինգ կազմէր նմա զընթրիսն՝ ոչ գոլով անգանօր առն իւրոյ։ Իսկ յանկարծ յայնժամ՝ ի ներքս մտեալ Փիլոպիմէն՝ քղամիգ գուղնպքեայ զանձամբ արկեալ, կարծեալ կնոջն եթէ ոչ ինքնին Փիլոպիմէն իցէ, այլ ի պաշտօնէից նորա ոք և կառապետ, աղաչէր զնա օգնել նմա։ Իսկ Փիլոպիմէն անդէն ի բաց զքղամիգն եդեալ, սկսաւ պատառել զվիայսն։ Յայնմ պահու հասեալ անդր տանուտեառնն՝ և տեսեալ զնա այնպէս, ասէր « Զինչ է այդ ո՞վ Փիլոպիմէն, նա ետ պատասխանի ի բարբառ Դորիացի։ « Եւ զինչ այլ իցէ, բայց՝ զյոռի կերպարանին լուծանեմ զվըճօն »։ Այլ և Տիտոս ծանակեալ զմասն զայլ զմարմնոյն՝ ասէր. « Ով Փիլոպիմէն, զիմիդ քո գեղեցիկ են ձեռք և սրունք՝ այլ քո չլիք որովայն »։ Քանզի ի մէջսն մարմնոյն վտիտ յոյժ էր նա։ Այլ հեղնութիւնդ առաւել ի գէմս զօրուն նորա յանգեացի արդեօք. զի էին իսկ նորա քաջք հետեակք և այրուձի, սակայն պարէնք բազում անգամ պակասէին նոցա։ Արդ այսոքիկ վասն Փիլոպիմէնեայ պատմին ի վարժարանս։

Իսկ յաղագս բարոյից նորա, քանզի պատուասէր էր՝ չէր գլխովին անբաժ ի

յամառութենէ և 'ի ցամանէ . այլ թէ-
պէտ և առաւել Նպասմնորեայ զուգա-
հետ թեւակոխէր նա և նմանապէս նմա
յաշխոյժս և 'ի զգոնութեան և յանշահա-
տէր 'ի բարան , սակայն և 'ի քաղաքականն
ոգնէ հանգապտէր նա կալ 'ի հեղութեան
և 'ի ծանրութեան և 'ի քաղցրութեան 'ի
սրտաճառս ցամառս և խաղմաւեր բա-
րուցն , և քան 'ի քաղաքականն՝ գիտողա-
գոյն ևս 'ի զնուորականն երեւէր նա : Զի
և յառաջին տխոցն սիրեաց նա զգնու-
րութիւն . և մտադիւր ևս վարժէր 'ի հրա-
հանգս նորա՝ զնու զարգու վաւերալ և
յերկվար աշտանակեալ : Եւ քանզի ան-
գրասմն նա քաջազէպ երեւէր և 'ի գօտէ-
կուլս , 'ի նոյն յորդարեալ և 'ի բարեկա-
մացն և 'ի խնամածուացն , նա հարցումն
առնէր՝ եթէ արդեօք գօտէկուրութիւնն
Քրասեացէ ինչ զնուորականին . իբրեւ նո-
քա ասացն զճշմարիտն , եթէ բնաւ խնկ
տարբերեալ է ըմբիշն 'ի զնուորէն . և
կեանք և կերակուր և կրթանք միոյն՝ օտար
է 'ի միւսմէն . քանզի ըմբիշք յերկարեն 'ի
քուն և յգլխանան 'ի կերակուր , և սպա-
ման մի ունելով զարժման և զհանգստեան ,
այնպէս յազթ գործեն նոքա զմարմինն .
յորում և 'ի խուն մի բռնութենէ և 'ի
վերապակէ սովորութեանն հեշտեալ միա-
պն . իսկ զնուորաց պէտք են սովորիլ յա-
մենայնն միանգամայն , և առաւել յան-
տաւաղութիւն և 'ի տնտեսութիւնս բազումս :
Զայսոսիկ լուեալ Փիլոսոփմէն , ոչ միայն 'ի

բայ այնուհետև կայր 'ի կրթանաց գօտե-
կուսութեանն և յընչաց ևս քերէր զնա,
այլ և ապա 'ի զգրավարութեանն՝ զբնշաց
արուեստն յանարգաց սակի գնէր և ան-
փառունակ գործ, իբրու որ զմարմինս առ-
կարէոր մրցանան անպիտանս յարդարեացէ:

Իսկ յետ այնորիկ 'ի վարժապետաց ա-
զատացեալ նա և 'ի գաստիարակաց, իբրև
քաղաքացիք հրոսակս արձակէին յաւարի
առնուլ զլակոնիա, ինքն յատարտակին
ցանգ առաջին էր 'ի խազալ, և վերջին՝ 'ի
գառնալ: Բայց պարապեալ՝ կրթէր նա
զանձն կամ 'ի յորս՝ կորովի գործել ըզ-
մարմինն և թեթեւութաց, և կամ 'ի մշա-
կութիւն: Փանդի և էր իսկ նորա կալուած
գեղեցիկ քսան տապարիսք հեռի 'ի քա-
ղաքէն. ուր գնացր նա զոր ամենայն յետ
ճաշուն կամ ընթրեացն, և անդանօր 'ի
գուլնաքեայ խշտի ընկողմանեալ 'ի քուն
լինէր ընդ մշակացն. և յարուցեալ վազ
քաջ՝ գործէր ընդ այգորդան և ընդ ան-
դէորդան. և գառնայր ապա 'ի քաղաքն՝
պարապեալ յիրս հասարակաց ընդ բարե-
կամացն և ընդ իշխանաց: Իսկ 'ի շահից
զինուորութեանն գնէր նա զէնս և երի-
վարս և փրկանաւորէր զգերին. բայց զտուն
իւր լիացուցանէր 'ի հասից մշակութեանն,
շահավաճառութիւն անարատ քան զայլն
ամենայն. և խնամով պարապէր 'ի նոյն,
քանզի և համարէր իսկ արժանապէս զիւրան
ժառանգել մարդոյ՝ որ անձնապահն իցէ
յօտարին գոյից:

Բայց էր փշոտվեալ և լաւեր, և գե-
 րերէր մտադիւր 'ի ճառս խնամասիրաց՝
 իւր ամենեցուն, որք յորոց միանգամ շա-
 հեր յառաքինութեան. և սիրով ևս թաք-
 թափէր 'ի Հոմերոս՝ ուր ուրեք զաշխոյսն
 վաւեր և զքաջութիւնն : Իսկ յոյշան՝
 նուիրեալ էր նա առաւել 'ի ճառան Եւան-
 գեղոսի յազապս կարգելոյ գասաւորելոյ
 զմարտս պատերազմաց. և գեղերէր ևս 'ի
 պատմութիւնս Սքեքսանգրի. և խելամուտ
 լինէր՝ եթէ ընթերցողին պարտ է արդիւ-
 նացուցանել զգանան, եթէ չընթեռնու-
 ցու 'ի զրօսանաց սակս և յանպտուղ շատ-
 խօսութեան : Քանզի որ ինչ յազապս տե-
 սականին գասաւորութեան արուեստին,
 թողեալ նա զհոգնապարութիւնն զոնա-
 կացն՝ փորձ փորձէր զայնոցիկ արդեամբք
 'ի նոսին իսկ 'ի վայրան, և խնամով զննէր
 զգարաւորսս զվայրացն և զառապարտն ըզ-
 գեանոցն, և զիկրս և զպէսպէս զձեռն զիւր
 զանգացն. մերթ ձգեալ տարածեալ և
 մերթ նեղեալ ամբոյփեալ, որ ըստ գե-
 տոցն, որ ըստ խրամոցն, որ ըստ անձուկ
 վայրացն, և խելամուտ լինէր այսոցիկ յու-
 ղերութեան իւրում, և խելամուտ ևս
 առնէր զիւրան : Սակայն՝ թուէր իմն այն-
 պէս՝ տարասպայման պարապել նորա 'ի զիւ-
 նուորականին, և տարփալ սիրել զմարտն՝
 իբրեւ նիւթ ընդարձակատարր և բազմագի-
 մակ առաքինութեան. և գլուխ բանին,
 իբրեւ որեւոր պարապորդ՝ խոքել զանհը-
 մուտան յայնոսիկ :

Եւ եր փիլոսոփանէն ամաց երեսնից, յոր ժամ Վղէոմնէն աղքայ Լակեդեմոնացւոց յեղակարծումն՝ գիշերի անկեալ 'ի վերայ Մեգաղէսոլոսեայ ե վանեալ զգտհանորդան, եմուտ 'ի ներքս ե կալաւ զհրապարակն : Յայնժամ փիլոսոփանէն գուն գործեալ 'ի Թիկունս հայրենեացն, ե ոչ ինչ յաջողեալ վանել զԹշնամին, Թէպէտ ե քաջարար մարտ եղեալ կռուեցաւ նա հառակեալ, սակայն ե գաղտ գողացաւ զքաղաքացիսն 'ի քաղաքէն՝ տեղի ե ժամ տուեալ նոցա ելանել արուաքս, ինքնին արձանացեալ ընդդէմ հետամտիցն ե քար ընդ ոտն եղեալ Վղէոմնեայ . մինչև յետ ամենեցուն հաղիւ ուրեմն ելանէր ե ինքն խոց ե վերաւոր՝ տապաստ անկեալ իւրոյ երիվարին : Իսկ իբրեւ Մեգաղէսոլոսեցիք տապաստան կալան զՄեսսենէ, առաքէր առ նոսա Վղէոմնէն ե ասէր դարձուցանել առ նոսա զքաղաքն ե զկալուածան : Յայն ժամ տեսեալ փիլոսոփանէն զիւրան մտադիւրադոյնս բերեալ 'ի բանսն Վղէոմնեայ ե փոյթ անդրէն 'ի դարձն, յոտն եկաց՝ խօսէր ե խելամուտ առնէր՝ եթէ Վղէոմնէն ոչ եթէ զքաղաքն խնդրէ դարձուցանել առ նոսա, այլ մանաւանդ ե զքաղաքացիսն ընդ ձեռամբ ունել, զի այնպէս աներկեալսն ես տիրացի նմա . զի ե օգուտ ինչ նմա չէ անդէն կալ մնալ 'ի պահպանութիւն Թափուր տանցն ե պատուաբացն . այլ հարկ է ե զայնոսիկ Թողուլ լքանել առ ամայութեանն : Այսպիսիք

բանիւք նա տարտուցեալ զնոսա 'ի Եզէոմններայ, սակայն և պատճառաւ ետ նմա քանդել աւերել շատ ինչ զքաղաքն, և շուտ գնալ՝ բարձեալ անտի աւար բազում:

Իսկ յորժամ արդայն Անտիոնոս նիզակակից ընդ Աքայեցոց ընդգէմ՝ Եզէոմններայ, որ կալաւ զբարձունսն և զանցաւա Սելլատեաւ, ճակատեցոյց զգորն մօտ առ նա պատել պաշարել և վանել զնա, անդ էր յայնժամ և Փիլոսոփինն ընդ իւրոց քաղաքայնոցն 'ի մեջ այրումիոյն. և առ երբ ունէր նիզակակից զԼիւրիկեցիսն՝ ամբոխ բազում մարտիկ որերոյն խմբեալ 'ի վերջս ճակատամարտին: Եւ էր նոցա հրաման աւերալ մի շարժիլ՝ մինչև 'ի միւս Թեոյն ամբարձցէ արդայն 'ի Ծոյր գայիսոնին հանգերձ Ծիրանի՝ 'ի նշան մարտի: Այլ ապա գուն գործեալ զօրավարացն վանել հարկանել զԼակեդեմոնացիսն 'ի ձեռն Լիւրիկեցոցն, մինչքեռ անդ Աքայեցիք զտեղի կալեալ կային 'ի կարգին ըստ հրամանին, անգուտա Եւկղիդաս եղբայր Եզէոմններայ իրազգած եղեալ հատուածոյն Թշնամեաց, փութօտալէս զԹեթեակզէնսն հետեակաց խաղացուցանէր 'ի Թիկանց կուտ Լիւրիկեցոցն՝ անկանել 'ի վերայ և վարատել զնոսա՝ զքառուցեալսն յայրումիոյն: Իբրեւ անդ խռովեալք ցիր և ցան լինէին Լիւրիկեցիք, գէտակն կալեալ Փիլոսոփինն՝ զի ոչ գժուարին ինչ էր 'ի պահուն փակել 'ի ներքս զԹեթեակզէնսն Լակեդեմոնացոց, 'ի վեր հանէր զխորհուրդն իւր զօրավարաց

արքային . իբրև նորա ոչինչ հաւանեցան նմա , և ունչա ևս արարին իբրև ցնորելոյ , զի և չե էր ծանուցեալ նահատակութիւն առն , նա անդէն զիւր քաղաքացիսն 'ի բաց առեալ՝ նորքօք հանգերձ խաղալոյ անկանէր 'ի վերայ հետեակացն . և անդէն խռով սաստիկ հարեալ 'ի նոսա՝ 'ի փախուստ ևս խուճապեցուցանէր , և հաբուածս անհնարին 'ի վերայ հասուցանէր :

Ապա խրախոյս առաւել տուեալ զբաց արքունի՝ անդէն խաղալ 'ի դիմի հարկանել խռովելոց թշնամեացն , թողոյր զերկվարն և այնպէս հեռի 'ի գծուարտ անդ ուղխալիցս և անդնդախորս՝ մինչդեռ մարտ եղեալ կռուէր վաստակեալ մեծաքիրտն այրուձի սպառազինութեամբն , անդուստ թափ երկղբին բարձք նորա նետահար լինէին միջամուխ սրպաւն , ոչինչ մահացու՝ սակայն կարեւրէր : Իբրև ոչինչ զտոն յոռանէ փոխել կարէր Փիլոսոփմէն՝ այնպէս ոտնակառելալ , անհնարին տադնապեցաւ այրն . քանզի և ճարմանդ վիճոյն գծնգակ գործէր զելն՝ 'ի բաց 'ի վերացն քարշել զնետն : Իսկ իբրև որ առ նովման կային՝ ոչինչ իշխեցին մերձենալ 'ի նա , և խաղմն սաստկացեալ յոյժ էր , գոռալք Փիլոսոփմէն մղձկեալ առ զայրուց ցասմանն և 'ի պատուասիրութենէն մրցանաց . ճիգն ուժգին թափեալ շարժել քայլել և ըզարունան ռանափոխեալ՝ այնպէս միջարեկ խորտակէր 'ի մարմնին զնետն , ապա տալք զնետարեկսն զերկոսին 'ի բաց քարշել . և

ինքն աղատացեալ՝ մերկեալ զպողոժապին վարազաբար յարձակէր 'ի մէջ նահատակացն, և խրախոյս սաստիկ յայնժամ և նախանձ քաջութեան յորդէր զօրականին:

Այդա զյաղթութիւնն տարեալ Անտիգոնոս, փորձ փորձեալ զՄակեդոնացւոցն՝ հարցանէր, առ ինչ նոքա զպրումին շարժեցին առանց հրամանին. իբրեւ նոքա 'ի չքմեղս լինելին՝ իբրու տախտակք 'ի խառնիլ 'ի Մեգաղէպոլսեցւոյ յերիտասարդէ, որ գիտնագրաւ նահատակեցաւ 'ի վերայ թշնամեացն, ժպտեալ Անտիգոնոս՝ աւերս. "Երիտասարդդ այդ ուրեմն գործ նա հատակեցաւ զմեծի զօրավարի": Եւ ապա յետ այնորիկ յոյժ գհամբաւի հարաւ փլուպիմէն. և Անտիգոնոս ինքնին խնամով պահեալ զնա ընդ ձեռամբն՝ արծաթ և զօր 'ի ներքս մատուցանէր նմա. այլ նա չհաւանեցաւ. գիտէր իսկ քաջ զոյս բարուց անձինն՝ իբրու գժուարընտել ընդ ձեռամբ լինել այլոց:

Բայց և չկամեցեալ կալ անգործ 'ի կրթանո զինուորականին, չոքաւ 'ի Արեւտէ և անգանօր 'ի զինուորութեան հարուստ ժամանակ վարժեալ ընդ արս մարտիկս յամենայն տղգ կռուոյ, և ժուժկալ սովորեալ և սակաւապէտ, գառնայր միւսանդամ առ Աքայեցիս մեծաւ շքով. զի և անդէն կարգեցին զնա զօրավար այրումիոյն: Չայրումին զայն առեալ զանձամբ փլուպիմէն, և տեսեալ երիվարս վարել նոցա փոքունս և վատեալս ըստ բերման

յարդաւանս զինուորութեանն . և զի՝ և բազում անգամ նոքա խոյս տուեալք , զայլս 'ի տեղին փոխանակէին՝ և անփորձ և անարիւր էին առհասարակ . զի և այլք 'ի զօրավարացն ցանգ այնպէս անհոգացեալք էին 'ի բանին՝ զանգիտեալք 'ի մեծ զօրութենէ այրուձիոյն Աքայեցւոց , որ իշխանք գառաւորք են պսակաց և պատուհասից : Զայս ամենայն տեսեալ Փիլոպիմէն՝ ոչինչ թուլացաւ , քաղաքէ 'ի քաղաք ընթացեալ գեղեցիկ նախանձու զոգիս վառէր զերիտասարդաց . և որոց պէտք էին՝ պատուհաս ևս 'ի վերայ կապէր , և առեալ կրթէր զնոսա 'ի հանդէս փառաց և 'ի մրցանս առաջի բազմութեան հանդիսատեսացն : Եւ այնպէս 'ի սուղ ժամանակի առհասարակ զամենեւեան կորովիս գործեաց և քաջարիս , և որ մեծ ևս 'ի զինուորական կարգին՝ շոյտս և թեթեւ . զի և 'ի գարձուածսն և 'ի չըջանսն և 'ի քայլն միոյ միոյ , գարձեալ և միահամուռ այրուձիոյն՝ այնպէս քաջիկ վարժեաց , զի առ շոյտութեանն փոխելոյ 'ի կայից 'ի կայս և 'ի ձևոց 'ի ձևս առհասարակ գնդին՝ թուէր իմն միոյ մարմնոյ գործն :

Իսկ երբեմն 'ի գոռ պատերազմի շահառակեալ նորա առ Լարիսսոն գետովն ընդդէմ Ետովլացւոց և Եղիացւոց , Դամոփանտոս զօրավար այրուձիոյն Եղիացւոց մտրակ 'ի կուշտ երիվարին յարձակէր սաստկութեամբ 'ի վերայ Փիլոպիմենեայ . իսկ սա 'ի գիմի արձանացեալ քաջութեամբ և

զառաջ առեալ հարուածոյն՝ մինգահար
զԴամոփանսոս գիւթաւալ յերկիր կոր-
ծանէր: Զայն տեսեալ՝ ի փախուստ դառ-
նային թշնամիք. և բարձրանալոյ պիտահե-
տե յոյժ փշուպիմէն, իբրու ի կորովու-
թեան ձեռին՝ ամենայն երիտասարդաց
վէհագոյն, և յիմաստութեան՝ ամենայն
ծերունեաց գեր ի վերոյ, լի ամենայն
քաջութեամբ ի կռուել և ի զօրավարել:

Սահայն առաջին Արատոս առեալ բարձ-
րացոյց զժողովորդ Աքայեցւոց յառա-
գութիւն և ի զօրութիւն յանաւագ փ-
ռակէն նոցա. քանզի և բնակեալ իսկ էին
Աքայեցիք ջիրուցան ի քաղաքս, և նա ա-
ռեալ միացոյց՝ կարգեալ նոցա քաղաքա-
կանութիւն՝ արդարեւ Հելլենացի և լի
մարգասիրութեամբ: Եւ զոր օրինակ է
տեսանել ի հոսանս ջուրց՝ կառեալ գուղ-
նաքեայ ինչ նիւթոց զառաջինն, և զհետ
եկեւոցն գարձեալ կռուել յառաջինն,
և առկայացեալ զանգուած հաստել կուռ,
սակեա գէպ եղև և յելլապա. զառաջինն
քաղաքք ջիրուցան գիւրմբռնելիք էին,
և միացեալ Աքայեցւոցն և յանգուցեալ
զչքնակայ քաղաքն յիւրեանս, կիսոցն
ձեռն տալով փրկութեան ի լծոյ բռ-
նաւորացն, և զկէսս միաբանական սիրով և
քաղաքականութեամբ ամպրելով, խոր-
հուրդ խորհեցան՝ մարմին մի և տերու-
թիւն մի զՊեղոպոննիսոս գործել: Այլ
առ կենդանութեամբ, Արատոսի, նոքա
բազում մասամբ նուաձեալ կային ընդ

զորութեամբ Մակեդոնացւոցն . և իշխէր նոցա Պաղոմէոս , ապա Անտիգոնոս , ապա Փիլիպպոս , որ ցանգ միջամեռն էին յիրա հեղինակաց :

Իսկ իբրեւ Փիլոպիմէն իշխանացաւ , ինքնին այնուհետեւ նոքա բաւականք 'ի մարտ , օտար զօրավարոց չեղեն նոցա պէտք : Քանզի Արառոս՝ որպէս երեք՝ այր վատամարտիկ , զիւր գործսն բազմադոյն մասամբ յառաջ վարեաց ամբ բարոյիւքն և բարեկամութեամբ ընդ արքայից՝ որպէս գրեալ կայ 'ի վարս նորա : Իսկ Փիլոպիմէն այր մարտիկ հզօր և աշխոյժ , առ այս՝ և յաջողեալ յառաջին 'ի մարտան , ընդ զօրութեանն և խրախոյս մեծ յորդեաց յԱքայեցիս՝ որ ընդ նորա ձեռամբն յաղթեցին 'ի բաղուա՝ պատերազմունս : Ապա առաջին առեալ փոխեաց Փիլոպիմէն զձախողակ կարգ զինուց զԱքայեցւոցն և զգասաւորութեանն . զի վարէին նոքա ապարտ փոքրագիւ , զի և առ անձկութեանն՝ մարմինքն չէին ամրածածուկ . և գեղարդունս թանկին փոքրիկունս քան զգայիտոնս մակեդոնացիս . և թեթեալէնք այնպէս՝ հաւրեալ խոցէին նոքա 'ի բացուստ , բայց 'ի խառնել գոռին՝ վերջոտնէին :

Իսկ կարգ գասաւորութեան նոցա չէր սլորտացեալ , այլ կարգեալ 'ի փաղանգ , որոյ և ոչ ճակատ գոյր ձգել երկայնել զքեղարդունս . և ոչ գարձեալ կուռ վահանափոկ որմնէ՝ ըստ որում Մակեդոնացւոցն . ուստի և հեշտին վանեալք ցիր ու

ցան լինէին: Այլ փիլոսոփէն կարգ ե-
 գեալ՝ փոխեաց զասպարան զայն 'ի վա-
 հանս, և զգեղարդունն զայն 'ի դպրխանս.
 և վառեալ զնոսա գլխանոցօք և լանջապա-
 նակօք զբահից և տնապանօք, փոխանակ
 ասպարամարտ վաղիցն և արշաւանացն՝
 վարժեաց զնոսա 'ի մեծամուր մարտ ար-
 ձանանալ և կռուել: Եւ այնպէս զնու-
 բեալ զպատանիսն՝ յայնչափ քաջալեր
 խրախուսեաց զնոսա, զի և անպարտելիք
 տմանք կարծէին: Ապա փոխեաց 'ի գեղե-
 ցիկ ևս պէտա զնոցա գրգանն և զքաղմա-
 հանգերձ զծախան: Քանզի գոլով նոքա
 սիրօք պճնապաճոյճ հանգերձից և ծի-
 բանաներկ գորգոց և պատուասերք 'ի մե-
 ծամեծար ընծրիս և 'ի խնջոյս, հնար չէր
 խապառ զնոսա 'ի բաց քեցեւ 'ի անտօի և 'ի
 դժպատեհ ցանկութեանցն, յորոց իբրեւ
 'ի կրից տխտից նոքա 'ի վազնջուց իսկ էին
 գրաւեալք. բայց փիլոսոփէն զգճնասէր
 բարոյսն յաւելորդաց անտօ 'ի պիտանիսն
 չքջեալ և 'ի պարկեշտսն, տանձեալ զնոցա
 զծանրադին գրգանս զմարմնոցն, տալո նա-
 ցա զարդարել և վայելչանալ յանօթս պա-
 տերազմի և 'ի հանգերձանս նորա: Եւ
 անգ էր ապա տեսանել հանութս զեղեւն՝
 հարուլ խորտակել բաժակս և ըմպանակս
 զսպաս ոսկւոյ և զարծաթոյ, և տոնու-
 պատել յարծաթ և յոսկի զբահս և վա-
 հանս և տանձս. գարձեալ՝ և յասպարեղս
 խոնեալ զմորուկս երիվարաց՝ 'ի կրթանս,
 և զամբոխս պատանեացն՝ 'ի վարժս. ապա

ուղղէն մարտից: Անգ և 'ի կանանց ձեռն
Թարթափէին սաղաւարտը դռնադռննա-
րօտիւք գեղեցիկ ուճնել զցցունան ըզ-
պատմութեանս ալրուձիղն, և զքղամիգս
զօրականին ծաղկանկար յօրինել:

Եւ ապա այս տեսիլ ինքնին խրախոյս
յորդէր և զաշխոյժան վառէր զերիտառար
դաց գիմագրաւ նահատակել 'ի վտանգս:
Քանզի այլք 'ի բազմահանդերձ ապաստւոյ
գիտեն գրգայցուցանել, և 'ի վարել նոցա
մեղեանայ բնութիւնս, իբրու 'ի հազրից
ոմանց և 'ի հրապուրից զգայութեանցն՝
վարակեալ միանգամայն միտք և ոգի. առ-
կայն որ յանօթս պատերազմին զարգք և
գրգանք՝ ոյժ տալ բնաւորեցան նահատա-
կութեան ոգւոյն. ըստ որում և ինքնին
Հոմերոս 'ի զնին տեսլեան նորակերտ զե-
նուցն յանգիման աչաց Աքիլլէաս, զոգին
արծարծէր զգիւցազննն՝ վառել ցանկու-
թեամբ 'ի պէտս զինուցն այնոցիկ: Եւ իբ-
րե այսպէս առեալ զարդարեաց նա զպա-
տանին, կրթէին մարդէին նոքա այնու-
հետե կամակար յօժարութեամբ և այլ
զարամբ յամենայն իսկ 'ի մրցանս զոր հրա-
մայէր նոցա. զի և յոյժ սիրեցին նոքա
զայն կարգ. դասաւորութեան զփլուպիմե-
նեայ՝ իբրե մեծամուր իմն պատուարափակ.
և եղեն զէնքն 'ի ձեռն նոցա՝ փոքրօգիջ
առաւել և հեշտիք, զի և 'ի փայլուն զե-
նուցն և 'ի շուքն և 'ի գեղն խնդամոտալք
առհասարակ՝ հեշտարար շարժելին ճօճէին
և տանէին բերելին. ցանկային փութապէս

մարտ գնել կուուել նոքոք ընդ թշնամիան։

Բայց էր յայնժամ մարտ պատերազմի Աքայեցւոց ընդ Մաքանիդասայ բռնաւորի Լակեդեմոնացւոց. այն որ բանակ հարեալ զօրու ծանու խնդրէր տիրանալ համերէն 'ի վերայ Պեղուպոննիայ։ Իբրեւ լուր հասանէր գաղատեան նորա 'ի Մանտինեա, փութանակի եւ փխլալիմէն զիւր բանակն խաղացուցանէր ընդդէմ։ Եկին եւ Ճակատեցան մօտ 'ի քաղաքն. եւ էր նոցա երկոցուն ամբոխ բազում եկաց զօրակաւին, եւ զոք եւս ամենայն քաղաքացն էին ընդ նոսա։ Իբրեւ մարտն խառնեցաւ, եւ Մաքանիդաս եկօքն իւրովք 'ի փախուստ գարձուցեալ զարդընկէցան եւ զՏարանտացիսն՝ որ Ճակատեալ կային յառաջոյ Աքայեցւոցն 'ի ձախոյ թէն, ոչինչ փոյթ կալաւ, պատել պաշարել զմնացեալն եւ վանել միանդամայն, այլ հետամուտ զլինի պնդեալ փախստելիցն՝ զատչէր յիւրմէ փաղանդէն եւ թողոյր այնպէս զԱքայեցիսն առկայացեալ յիւրեանց կարգին։ Իսկ յայնժամ փխլալիմէն այնպէս կանուխ ձախողակի պատահեալ ելլեց, թէպէտ եւ թուէր իմն 'ի վատթարութիւն գարձեալ իւրոց իրացն, 'ի վերայ այսր՝ եւ ցուցանէր զանձն իբրեւ 'ի գուզնաքէից սակի գնել զբանն։ Ապա տեսեալ զմեծապէս վերապէ զթշնամեացն, զի հետամուտ պնդեալք զատեան 'ի փաղանդէն եւ վայր արձակ 'ի միջոցին թողին, եւ թող զնոսա այնպէս արձակ արձակ հարուստ մի տալադէմ գնաւ։

և անգէն փութանակի յարձակեցաւ 'ի վերայ մենացեալ փաղանդին Մպարտացոց՝ շուրջանակի պատեալ պաշարեալ, մինչդեռ 'ի բացեայ կայր զօրավարն և փաղանդն ակն հրոսակին չունէր, այլ և զյաղթութիւնն ինքնին կարծեաց տանել և խապառ զթշնամիսն վանել՝ որոց հետամուտ իսկ էր Մպքանիդաս :

Անգանօր ապա Փիլոպիմէն ընկրկեալ զլակեմոնացիսն, հարուածս մեծամեծս ածէր 'ի վերայ նոցա . քանզի և տոնն՝ աւելի քան չորից հազարաց յայնժամ տապաւնեցեալ . ապա խաղալոր ընդդէմ Մպքանիդասայ՝ որ գարձ արարեալ գայր հանգերձ իւրովքն 'ի հետամուտ լինելայն : Իսկ էր անգանօր խրամ մեծ և խոր ընդ մէջ նոցա, և խաղալին գնալին կողմանք երկղքին առ ափամբն 'ի հանգիւոյ մի մեանց . հնարս հնարէր Մպքանիդաս անցանել զխրամն և փախչել, և Փիլոպիմէն անգուստ խաչ ընդ ռան լինէր նմա : Եւ անգ էր ապա տեսանել զնոսա ճչ որպէս զօրավարս 'ի կռիւ մատուցեալ, այլ գաղանաց նմանեալ վայրենեաց՝ որք 'ի խուճապ տագնապին հզօրագոյնս կռուեսցին . յորժամ անգուստ Փիլոպիմէն՝ որպէս որսորդ քաջ 'ի վերայ կացեալ առն՝ գոռն սաստիկ գործէր : Յայնժամ երիվար բռնաւորին յաղթահարուստ և գոռ, ընդ քիտոն և ընդ ապաժոյժ եկեալ 'ի կուշտն 'ի մօրակաց աստի և անտի, խրախուսեաց անցանել ը հունն և քաջալանջ վազեալ ըզ

խրամովն՝ բռնան առնէր որ յառաջոյ սմբա-
կացն կռուելոյ յայնն 'ի հանգիպոյ : Իսկ
անդուստ Սիմֆուս և Պողէւէնոս անձնա-
պահապետք փխլոպիմէնեայ և վահանա-
փակք նորա, այն ինչ 'ի վաղ զգեղար-
գունան առեալ 'ի հարկանել միաբան յար-
ձակեցան, աճապարեալ փխլոպիմէն ընդ-
գէտ Մաքանիդեայ՝ մինչքեռ երիվար նո-
րա գլուխ 'ի վեր ամբարձեալ էր 'ի հան-
գիպոյ նորա, ինքն վաղիկ մի զվարն թե-
քեալ՝ ճօճեալ զիգլանն արձակէր սաստ-
կութեամբ և թանի հարեալ զվիրապն ան-
գէն յերկիր թաւալէր : Եւ յազագո այ-
սորիկ ապա նմա պատկեր պղնձի 'ի Դեզ-
փիա կանգնէին Աբայեցիք՝ 'ի տիպ նմա-
նութեան շահատակութեան այնմիկ, մե-
ծապէս հրաշայեալք ընդ ահագին գործ-
քաջութեանն, և ընդ գեղեցիկ զորավա-
րութիւն առն 'ի մարտին :

Եւ ասեն՝ եթէ 'ի հանգիսի Նեմեան
մրցանացն, և երկրորդ զայն նուագ զորա-
վար բանակին կացեալ փխլոպիմէն՝ ոչ շատ
ինչ զինի Մանտինեան յաղթութեանն, 'ի
սունի անդ հանգէս առնէր նա առաջի
Հելլենաց զփառաց զվարոյ փաղանդին 'ի
զէն և 'ի զարդ վառեալ. և տայր զորակա-
նին անգանոր շուտափոյթս և յաղթս չա-
փաբերեալ զքայլան գործել զկրթանացն
նոցա՝ ըստ իւրում գասաւորութեանն,
ապա 'ի հանգէս նուագաց քնարահարացն
մտեալ նա 'ի Թատրոն անդր և ընդ իւր
պատանիք պրկեալք զզինուորական քղա-

միգան և զծիրանի բաճկոնան, առհասարակ քաջառույգք և ծաղկահասակք՝ պատկառկացեալք իւրեանց զօրավարին, և զերիտա սարգական աշխուժիցն զգէմնն բերեալք ճոխ և պերճ՝ ի բազմադէմ նահատակութեանց անտի իւրեանց, և մտեալ նոցա անդր՝ յորժամ ըստ գիպաց Պիւղադէս քնարերգակ երգէր զՊարոտն զՏիմոթեայ, ոկիզքն առնելով եթէ “՝ի հոյակապն ազատութեան զարդարեմ ես՝ ի զարդ զմեծն Նլլադա” . ասեն՝ եթէ յորժամ Պիւղադէս քաղցրութեամբ ձայնին տալադրագոյնս ճշգրտէր զքերթուածոյն ազնուութիւն, անգանօր առհասարակ տեսարանն գարձաւ ակնկառոյց ի Փիլոսոփին՝ ծափս նմա հարկանելով հրճուանօք . մեծապէս յուսային Հելլենացիք ի նորա ձեռն միւսանգամ վայելել ի վաղնջուցն իւրեանց աւագութիւն, և վայրիկ մի ևս զնոյն նահատակութիւն նահատակել իբրու զառաջինն:

Իայց ի մարտո և ի վտանգա՝ զոր օրինակ երիվարք տրմուլք սիրեն զքնակաւոր զիւրեանց վերելեական ունել, և թէ երբէք յօտարաց ոք ի նոսա աշտանակեալ իցէ, նոքա սրտառուչք ի վեր վազեն և ընդվզեալք հետեն, սապէս և բանակ Աքայեցւոցառայլովք զօրավարօքն անկանէր բեկանէր . այլ ապա ակնկառոյցք ի Փիլոսոփին՝ տեսանելով միայն չափ զնա սրտապնդեալ քաջանայր, զօրավար զնա միայն գիտելով անկուռելի ի թշնամեաց,

յորոյ և 'ի փառաց և 'ի համբաւոյն սար-
սէին նորա, որպէս և յայտանդիմանու-
թեամբ ցուցին: Քանզի Փիլիպպոս արքայ
Մակեդոնացւոյ 'ի մօի եղեալ՝ զի եթէ
զՓիլոպիմէն միայն 'ի միջոյ բարձցէ, ահն-
կէց այնուհետև յԱքայեցիան լինիցի,
առաքեաց գաղտաբար յԱրդոս արս
գաւել 'ի կենաց զՓիլոպիմէն. սակայն խաչ-
տառակեալ հաղբիցն՝ վատ անուն ասե-
լաւ թեամբ ժառանգեաց Փիլիպպոս առ
ամենայն Հելլենացիս: Իսկ յորժամ և
Բիոլտացիք պաշարեալ նստէին զՄեգա-
րեաւ՝ ակնկալեալք անդէն անդանալ քա-
ղաքին, անգանձօր լուր յանկարծ զհամ-
բաւի հարեալ թէպէտ և սուտ՝ եթէ Փիլո-
պիմէն առ գուրս հասեալ կայ զօրավիգն
քաղաքին, խուճապեցան և արագ պոսգ-
թողեալ զսանդուղան՝ զոր ածեալ իսկ
էին 'ի պատուարան, զոսս արձակեալ փախ-
չէին տարագէմ:

Առ այս՝ և հարիգոս բռնաւոր Լակե-
դեմոնացւոյ յետ Մաքանիգեայ՝ յեղա-
կարծումն կալեալ զՄեափնէ, մինչդեռ 'ի
ստակականաց դք էր Փիլոպիմէն և չէր նորա
իշխանութիւն 'ի ձեռս, իբրև ոչինչ կարաց
սա հաւանեցուցանել զԱքայեցւոյ զօրա-
վարն զԼիւսիպպոս յօգնութիւն Մեատե-
նացւոյ, իբրև ողջոյն քաղաքն առեալ էր
և թշնամեացն 'ի ներքս խուժեալ իոկ էր,
չորաւ ինքնին Փիլոպիմէն 'ի թիկունս նոցա՝
առեալ ընդ իւր զքաղաքացիան միայն. որք
ոչ օրինաց մնացին և ոչ քուարկութեան

և ինքնահրամանք իշխանացուցին զՓիլոսոփի-
մէն, 'ի նոյն բերեալք 'ի բնութենէն՝ որ
ցանդ զհետ քաջի երթալ զօրավարի սա-
գրել բնաւորեալ է: Արդ լուր զՓիլոսոփի-
մէնեայ առեալ Նաբիդոս, ոչ հանդար-
տեաց զանդի ունել՝ թէպէտ և զօրուսն 'ի
ներքս 'ի քաղաքն հորդան տուեալ էր.
անձնապուր ընդ այլ գրուսն քաղաքին ե-
լեալ արտաքս՝ չու վաղվաղակի հրամայէր
բանակին. մեծ համարէր զփախուսան, որ
պէս և եղեն իսկ, և յազատութեան թո-
ղար զԾեսսինէ:

Եւ արդեօք են այդքիկ գեղեցիկք
վասն Փիլոսոփիմէնեայ. այլ ոչ նոյնպէս և
երթն նորա երկրորդ 'ի Արեաէ, հրաւի-
րեալ անդր 'ի Գորտինապոց 'ի զօրավա-
րութիւն. քանզի սողիւտ զնովու արկա-
նէին յայնժամ, զի եթող ելիք նա զհայ-
րենիսն՝ մինչդեռ Նաբիդոս մարտիւ առ
գուրս հասեալ էր՝ խոյս տուեալ ինքն
մարտ դնել կռուել 'ի վերայ հայրենեացն,
կամ թէ 'ի գժպատեհ ցանկութենէ փա-
ռաց և համբաւոյ բերեալ 'ի մէջ օտա-
րաց: Եւ արդեօք նեղեալ յոյժ էին յայն-
ժամ Մեգաղէպոլսեցիք, զի և ըստ պա-
տուարն իւրեանց ելանել իշխան չէին նո-
քս. և ստիպեցան ևս նոքա վարել սերմա-
նել և զանձուկս փողոցաց քաղաքին՝ գտա-
նել հաց. զի յաղարտ վարեալ էին անդք
նոցա 'ի Թշնամեացն՝ որ բանակ հաղեալ
նստէին առ գուրս նոցա. ուստի և յայն-
պիսով՝ ժամանակի մարտ եղեալ Փիլո-

պիմէն ընդ նրեապիս՝ զորովար կայեալ
օտար բանակի՝ որ յայնկոյս ծովուն, տեղի
ետ ամբաստանութեան անձինն՝ իբրու
խոյս տուեալ՝ ի մարտէ իւրոյ գաւառին :

Սակայն և կէսք տուն, եթէ այլք յայն
ժամ յԱքայեցւոց ընտրեալք ՚ի զորովար
և Փիլոպիմէն կայեալ ընդ սոսկականս,
ոչինչ կամեցեալ կալ գատարկ, ելեալ գը-
նայք ՚ի զորովարութիւն Գորտինացւոց ՚ի
հրաւիրմանէ նոցա : Քանզի և բնաւ իսկ
օտար էր այրն ՚ի գատարկ կենաց, և խըն-
գրէր որպէս զայլն ամենայն որ ՚ի պէտս,
սնպէս և զգնուորականն և զզորովարու-
թեանն ցանդ. ՚ի գործ արկանել. ըստ ո-
րում և յայտ առնէր բանին վասն Պաղու-
մայ աղբայի : Քանզի ՚ի գովութիւն ա-
ռեալ զսա կիսոցն երբեմն վասն հանապա-
ղորդեայ կրթանաց զորականին նորա. և
զի՝ և զիւր մարմինն ինքնին աղբայն փոյթ-
վարժէր աշխատասիրաբար ՚ի զէնս, ետ
պատասխանի Փիլոպիմէն և ասէ. “ Իսկ ո՞
ղբ զարմացի երբէք ընդ այլ թագաւոր,
որ յայնպիսումն հատակի ո՞չ արդիւնացու-
ցանէ զուսեալն, այլ ցանդ ուսանի ” :

Ապա Մեգաղէպոլսեցիք գրգռեալք
ընդգէմ՝ նորա՝ կարծեալք գաւառանեալ
առ ՚ի նմանէ, պատրաստեցան վաարանդի
տարաշխարհիկ գրեւ զնա. այլ թող չե-
տուն Աքայեցիք՝ արձակեալ առ նոսա
զորովար զԱրիստենետոս. որ թէպէտ և
խիթացեալ ընդ Փիլոպիմէն վասն քաղա-
քին, արգել յայնժամ զգատակնիքն նո-

րա: Իսկ անգուստ Փիլոսոփիան տեսնալ զլքանել իւր 'ի քաղաքացեացն, աւանս բազում զչքնակայս գրգեաց 'ի վտարան ջուլթիւն. սագրէր նոցա՝ եթէ անդ 'ի նախնուան ոչ հարկատուք ինչ էին նոքա և ոչ գարձեալ գաստակերպք նոցա: Իբրե յայս ապաստան եղեն նոքա, ապա և ինքն արձանացեալ յայտնի պաշտպանէր բանին նոցա, և յուզէր հերձուածս ընդդէմ քաղաքին առ Աքայեցիսն: Սակայն յետոյ ուրեմն գէպ եղև բանիցդ այդոցիկ:

Իսկ յայնժամ Փիլոսոփիան մարտ եղեալ կռուէր 'ի Կրեոէ հանգերձ Գորտինացաւքն՝ ոչ անխարդախ և ազատազնեայ կարգօք որպէս այր Փեղոսոննիսեան և Արկադացի, այլ անգանօր զբարոյսն զգեցեալ զԿրեոացւոցն, և ընդդէմ՝ նոցուն գարձեալ գամն հնարեալ և խաբանս և յափշտակութիւնս և գաւանս՝ յոր միանգամ՝ բնաւորեցան Կրեոացիքդ, իբրե ազայ մանկունս խայտառակէր զնոսա՝ որոց խորամանկութիւնք ծիծաղելիք իցեն և անտախապատուաաղջ առ Ճգրտութեամբ զնորականին:

Անգանօր ապա 'ի գեղեցիկ նահատակութեանց անտի իւրոց զհամբաւի հարեալ և առհասարակ սքանչացեալ, գարձարարեալ գայր 'ի Փեղոսոննիսոս, և գտանէր զՓիլիպպոս 'ի պարտութիւն մասնեալ 'ի Տիաոսէ, և զԱքայեցիս և զՀռոմեցեցիս միահամուռ 'ի մարտ պատերազմի ընդդէմ՝ նարիգեայ: Ապա փութապէս 'ի զօրազար

կարգեալ Փիլոսոփիան և միջամուխ 'ի նաւամարտութիւն եղեալ, գրեալ եթէ իբրեւ զԵպամինոնդասն ձախողակին և ինքն հանգիստը բազդի, նուազեալ յոյժ 'ի փառաց և 'ի համբաւոյ քաջութեանն . քանզի նկուն եղեալ կորանայր 'ի ծովամարտն . Թէպէտ և կէպք ասեն՝ եթէ խիթացեալ Եպամինոնդեայ՝ գուցէ ճաշակաւ առեալ իւրոց քաղաքացեացն զլահուց ծովուն՝ փոխանակ սպառազինացն ետեղակալաց՝ ըստ Պղատոնին, դարձցին և եղիցին նոքա ծածուկ 'ի նմանէն նաւաստիք և ախտակիրք . վասն որոյ և ինքնակամ առանց ինչ գործս վճարելոյ դարձ առնէր նա յԱթոյ և 'ի կղզեաց անտի: Այլ Փիլոսոփիան այնպէս իմն կարծեալ եթէ զինուորութիւն իւր 'ի ցամային՝ շատ և առ ծովականն իցէ նմա՝ կռուել քաջութեամբ, քաջ իսկ խելամուտ եղև եթէ կրթութիւնն և փորձ քանի՞ն իցէ նպաստ առ առաքինութիւնն, և քանի՞ն իցէ զօրութիւն նորա յամենայն իսկ իրա:

Քանզի և ոչ միայն նկուն եղեալ պարտեցաւ նա 'ի նաւականին, այլ և մեծապէս յանցեալ՝ քարշեալ 'ի ծով նաւ մի յաղթահարուստ, սակայն հնացեալ և զամա քառասուն այնպէս լքեալ ամայի, և 'ի նմա ամբարձեալ զքաղաքացիսն . որ և ոչ հանգարտեալ կալ յակաստանի՝ 'ի վշտանդս մեծամեծս այնուհետև արկանէր զնաւամուտ քաղաքացիսն: Իբրև գիտաց Փիլոսոփիան՝ եթէ այնպէս ծանակեալ ար-

համարհեցաւ նա 'ի Թշնամեացն, զի և համբուան 'ի ծովէն այնուհետև 'ի բաց խուանացէ, և լուր հառ զի նոքա ճոխաբար զտեղի կալեալ՝ կան 'ի պաշարման Գիւթիոյ 2, ամբարձեալ փութանակի 'ի նաւ՝ դէմ՝ եղեալ խաղալոյ 'ի վերայ նոցա յանակնկալ ժամու՝ որք յանհոգոտ առտանդ վարատեալ կային՝ իբրու զյաղթու Թիւնն տարեալք. իսկ նա գիշերի Թափեալ 'ի ցամաք զգորականն, հրձիգ լինէր 'ի վրանս Թշնամեացն և հրդեհակէզ առնէր ողջոյն զբանտին, և հարուածս ևս 'ի վերայ հասուցանէր նոցա:

Այլ յետ սակաւ աւուրց յեղակար ծովն ընդառաջ նմա ելեալ յուղւոջ՝ Նաբոդոս 'ի դժուարս ինչ վայրաց, և ահա բնկ զԱքայեցիսն արարեալ և յուսովըտուր՝ ապրել 'ի դժուարից անտի զոր կալեալ իսկ էին Թշնամիքն, անդամոր վայրիկ մի զտեղի կալեալ Փիլոպիսէն զակն յաճեալ և մանր զվայրան զննեալ, յայտարար՝ եթէ հմտութիւն դասաւորութեան զորու՝ ծալք և պասկ է արուեստի զննուրականին: Քանզի անդէն սուղ ինչ գարձուածով զմէ փոխեալ զփազանդին, այնպէս իմն յարեաց յարմարեաց զնա վայրացն, զի և անշփոթ դիւրեաց ողջոյն տադնապին՝ յոր պաշարեցաւ զորականն. ապա և 'ի վերայ յարձակեալ Թշնամեացն 'ի խուճառ տադնապի արկանէր զնոսա: Իբրեւ ետես զի ոչ դէպ ուղիղ 'ի քաղաք անդր փախուցեալ գնային, այլ ցան և ցեր

առտ անդ ընդ գաւառն անտառափիտ և ընձնուտ, որ անկոխ ևս էր յայրուձիղն առ 'ի գետոց հոսանացն և 'ի ձորոցն, արդեւ զվարն լինել հետամուտ, և բանակ հարեալ նստաւ նախ քան զերեկոյն: Անգանօր մտախորհ եղեալ՝ գուցէ գիշերի փախըստեայքն մի մի և երկու երկու ապաւիտեացին 'ի քաղաքն, առեալ գարանամուտս առնէր առ վտակօքն և առ բլրօքն շուրջ զքաղաքսն արա բազումս յԱքայեցւոց վտակալս 'ի գաղոյն. և յաջողէր նոցա շատ զոք 'ի հարկդեանցն կոտորել, որք ոչ 'ի միասին՝ այլ օձտեալք այնպէս և ցանեալք մի զմիոյ կնի անկան թախարդեցան 'ի թշնամեացն ձեռս իբրեւ թշուշտիք 'ի վարմա ըմբռնեալք շուրջ զքաղաքսն: Ապա վասն այսոցիկ ըզձակաթառ Փիլոսոփան հելլենացւոցն եղեալ, և 'ի թատերան շուք առանձինն տուեալ նմա, անգուտտ Տիտոս 'ի պատուասիրութենէն վայր մի պտանէր. քանզի և խնդրէր իսկ՝ իբրեւ հիւպատոս էր հռոմայեցւոց՝ շուք յԱքայեցւոց առնուլ առաւել քան զայր մի Արկագացի, որում ոչ փոքու ինչ վեհագոյն գնէր զանձն՝ զի և բարեգործ ըսալ էր ինքն առ նոսա. քանզի և միով հրովարտական յանգորդ ազատութեան եհան նա ողջոյն զմասն զայն Ելլագայ՝ զոր գրաւեալ ունէին Փիլիպպոս և Մակեդոնացիք:

Իսկ յետ այնորիկ վշար եղեալ մարտին՝ խաղաղութիւն առնէր Տիտոս ընդ

Նարիդեայ, զոր և ապա մատնութեամբ
սպանանէին Ետողացիք: Յայսմանէ ազ-
մուկ շփոթից յուզեալ 'ի Սպարտիա, գեղ
ժամանակ գտեալ Փիլոպիմէն գիմեաց անդր
հանդերձ զօրու, և զկէսս 'ի քաղաքա-
ցեացն բռնի, և զկէսս՝ հաւանական բա-
նիւք ածէր 'ի միաբանութիւն Աքայեցւոց:
Այսորիկ այսպէս եղելոյ՝ սքանչելապէս
ապա համբաւ Փիլոպիմենեայ յորդեաց
յԱքայիա, զի զայնպիսի քաղաք աւագ և
հարուստ յաւել 'ի նոսա. և արդեօք ոչ
գուզնաքեայ ինչ էր՝ զի Լակեդեմոնիա
համարեացի մասն Աքայիոյ: Առ այս՝ և
զլաւ և զաւագ որեար զԼակեդեմոնացւոցն
յինքն յանդուցանէր Փիլոպիմէն. զոր և
պահապան իւրեանց ազատութեանն կա-
լեալ, զտուն և զգոյս զամենայն զՆարի-
դեայ 'ի վաճառ հանեալ և քանքար հա-
րիւր և քսան կուտեալ անտի՝ վճիռ տային
ձօն պարգևաց առնել Փիլոպիմենեայ՝ ա-
ռաքեալ առ նա հրեշտակս: Յորում և
յայտնի ցուցաւ՝ զի անարատ այն այր ոչ
կարծեալ միայն, այլ և էր իսկ արդարեւ
աւագ այր և անկաշառ. քանզի զառաջնն
'ի Լակեդեմոնացւոց և ոչ որ կամեցաւ եր-
թալ խօսել ընդ նմա վասն պարգևացն,
այլ առհասարակ զանգիտեալք տեղի
տային 'ի բանէն, մինչև ապա սահմանեցին
արձակել առ նա զՏիմոզայոս 'ի հիւրոց
անտի նորա:

Այլ սա հասեալ 'ի Մեգաղեպօլիս և
մեծապէս հիւզնկալեալ 'ի Փիլոպիմենեայ,

գէտ անկն կալեալ զննէր զպերճ քաղաքա-
վարութիւն զառն, զպարկեշտութիւն կե-
րակոցն, և զոյս բարուցն, որով և հալիլ
անգամ յարծաթ նա չառնոյր յանձն թնդ
թէ կաշառարեկ լինել. ուստի և համբաւն
լուսաց վասն բանի պարգեւին, և կեղծաւո-
րութեամբ յայլ պատճառս հանեալ ըզ-
հրեշտակութիւնն, դարձաւ՝ որպէս եկն :
Բայց և երկրորդ անգամ արձակեալ առ
նա, նոյն պատահեցաւ. հոռակ ապա յե-
րկր նուագին ժամցաւ խօսել, և 'ի ներքս
նմա ընծայէր զըզձակաթ զկիրա քաղաքին
առ նա : Իսկ Փիլոսոփէն լուեալ քաղաքու-
թեամբ զբանն, ինքնին յարուցեալ չորաւ
'ի Լակեդեմոնիա, և պարտաբալ՝ խոր-
հուրդ տայր քաղաքացեացն, մի 'ի պար-
գէտ երբեք խնդրել յանգուցանել զոգիտ
բարեկամաց բարեաց, յորոց և յարգասիս
առաքինութեանն նոցա ձրի իսկ վայելել
պարտ է նոցա. այլ վարել զնոյն զպար-
գէտն 'ի խայծ և յորս արանց չարաց և
խաղճարարաց քաղաքին, և կաշառարեկ
խնուլ զերանա նոցա և հանգարտել 'ի
կրօնն. քանզի և լաւ իցէ արգեօք քան զբա-
րեկամացն՝ առաւել զթշնամեացն սանձել
զազատարերան զխօսանն : Այսչափ մեծանձն
էր նա առ արծաթով :

Այլ յետ այնորիկ լուր առեալ Դիո-
փանէս զօրավար Աքայեցւոց, զի միւսան-
գամ իլլաթիլ մտաբերէին Լակեդեմոնա-
ցիք, խնդրեաց պատուհաս 'ի վերայ ածել
նոցա, մինչդեռ նոքա 'ի մարտ պատրաս-

տեսլք՝ վեր 'ի վայր առնելին զՊեղոպոննիս
սոս : Բայց Փիլոսոփան ողորդեաց զԴիոփա
նէս ուշ ունել 'ի ժամանակ զի Անտիոքոս և
Հռոմայեցիք առ դուրս Ելլապայ զորու
ծանու հասեալ կան, և մի յնտանիս անդր
ազմուկ յուզել, և թէ և ինչ մի վիճակ
գործեալ իցեն՝ անդիտութիւն կեղծաւո-
րել : Իբրեւ ունին նմա չմատոյց Դիոփանէս
և միամտեալ ընդ Տիտոսի միտեցաւ թշնա-
մութեամբ 'ի Լակոնիա, և յառաջագէմ
ևս խաղայր 'ի ներքո, 'ի յասուան բրդեալ
Փիլոսոփան և ձեռն արկեալ 'ի գործ մի
ոչնչ օրինաւոր եթէ քաջ զննեացես՝ և
ոչ արդար արդեօք, սակայն մեծ և արիա-
կան յոյժ, անց չգրաւ 'ի Լակեդեմոնիա,
իբրեւ 'ի ստակականաց դք էր նա . և արդել
կնքեաց անգանձօր զմուտ զորավարին Ա-
քայեցւոց և զհիւպատոսին Հռոմայեցւոց-
զիջոյց հանդարտեաց ողջոյն զազմուկ քա-
ղաքին, և անդրէն զԼակեդեմոնացիսն ա-
ռեալ յանդուցանէր 'ի հառաքակ միաբա-
նութիւնն իբրու զառաջինն :

Բայց յետ այսորիկ կացեալ Փիլոսոփան
զորավար, և պատճառա ինչ առեալ զարտ-
մութեան ընդդէմ Լակեդեմոնացւոց,
գարձուցանէր 'ի Սպարտիա զվտարան-
դեալսն . և տայր 'ի մահ վարել՝ ըստ Պո-
ղիւքեայ՝ ոգիս ութսուն 'ի Սպարտացւոց .
իսկ ըստ Արիստոկրատեայ՝ երեքհարիւր և
յիսուն . և քակէր տապալէր զպատուարս
նոցա, և հատեալ շատ ինչ 'ի նոցա գեա-
նոյն, առեալ յաւելցար 'ի Մեգաղէսօլսե-

ցիւս անգր . առ այս՝ և զորս միանգամ 'ի քաղաքացիս Սպարտայ գրեալ խի էին բռնաւորք՝ չույ հրաման տայր նոցա յԱ. քայեա , բաց յերկց հազարացն՝ որոց ոչ կամեցեալ անսալ , հանէր զնոսա 'ի վա. ճառ . և 'ի գնոյն՝ իբրու տոնհար եղեալ նոցա՝ կանգնէր սրահ մի 'ի Մեգաղէպօլիս . տպա և 'ի լրումն ատելութեանն ընդդէմ լակեգեմոնացւոց և բնաւ խի յառաթուր կոխել զնոսա՝ թէպէտ և նոքա նկունք վաղմեկք եղեն սրտաքոյ արժանեաց , գործ մի գործեաց անագորոյն յոյժ և տնկաւ ընդդէմ քաղաքաւորութեաննոցա . Քանզի եղծանէր ազարտէր զորէն կարգին զլիկուրգեայ , և հարկ 'ի վերայ ածէր մանկանց և պատանեացն փոխան հայրենականին՝ առնուլ գառախարակութիւն Ա. քայեցի՝ իբրու որք ցորչափ յօրէնսն յայն կայցեն լիկուրգոսին , երբէք նոքա խուսարհագոյնս ինչ չխորհեացին զանձանց : Եւ այնպէս յաղէտս անհնարինս յայն ժամ պաշարեալ Սպարտացիք 'ի հարկէ անտի Փիլոպիմենեայ՝ իբրու որ զջիզս գովին զքաղաքին իւրեանց հարեալ վատթարէր , հեղացեալք ընկճէին . այլ ապա ժամ գտեալ և թախանձ արկեալ Հռոմայեցւոց՝ թողին լքին զԱ. քայեանն քաղաքականութիւն , և միւտանգամ 'ի բուռն արկեալ հաստատէին զհայրենատուր կարգան բոտ բաւականին՝ ոգի առեալ յառջառ աղէտից անտի իւրեանց և 'ի կրից :

Բայց 'ի ժամանակի մարտի պատերազմի

Հռոմայեցւոց ընդ Անտիոքոսի յԵլլադա ,
 էր Փիլոսոփիան 'ի սոսկականաց անտի . և
 տեսեալ նորա՝ զի Անտիոքոս զտեղի կա-
 լեալ 'ի Բաղկիդէ պարապորդ գեղերէր
 'ի տօնս հարսանեաց և 'ի սէր կուսից 'ի
 տարածամ հասակին , անգուտ և Սիւրա-
 ցիք խառնակեցիկք և զատեալք 'ի զօրա-
 վարէն թափառեալ գնային ընդ քաղաքս
 և ստահակէին , յոյժ ցաւէր առն՝ զի չէր
 'ի ժամուն Աքայեցւոց զօրավար , և ասէր
 խանտալ զյաղթութիւնն Հռոմայեցւոց .
 “ Զի թէ իմ կացեալ էր՝ ասէր՝ այժմ
 զօրավար , զգոսա առհասարակ ընդ սուր
 հանէի 'ի Կապելայս իւրեանց “ : Իսկ յոր
 ժամ 'ի պարտութիւն մատնեցին Հռո-
 մայեցիք զԱնտիոքոս , և զօրացան յԵլլադա
 և պաշարումն ածէին Աքայեցւոց և յան-
 գուցին ևս զհռետորս խուժանին , և յաս-
 տուածակողմանէն ձգէր տարածէր յայն-
 ժամ զօրութիւն նոցա 'ի ծայր անդր աւա-
 գութեան՝ յոր ածեալ ձգէր բաղդն հո-
 սանուտ , յայնժամ Փիլոսոփիան իբրեւ զե-
 կավար ճարտար կռուեալ ընդդէմ ամե-
 հի ալեացն՝ թէպէտ և ուրեք տեղի տու-
 եալ խոնարհէր ժամանակին , սակայն և
 բազում ինչ իրաց ընդդէմ դարձեալ՝ գուն
 գործէր յազատութիւն հանել՝ զորս ա-
 ռաւել վեհք էին 'ի բանս և 'ի գործս :
 Իսկ իբրեւ անդանօր Արիստենետոս Մե-
 զաղէպօղսցի՝ ալր աւադամեծար յԱ-
 քայեցիս՝ ցանգ կուսակից Հռոմայեցւոց
 խօսէր յատենի մի ինչ Աքայեցւոցն ընդ

դէմ դառնալ Հռոմայեցւոց անշնորհա-
կալու մտքը, պատմին՝ եթէ լուրաւ զայն
Փիլոսփմէն զառաջինն լուր կայր՝ Թէպէտ
և զայրադին ոգւով. այլ հուսկ ապա չհան-
դուրժեալ և լի ցասմամբ ասէր առ նա .
“ Եւ զի է քո այր դու՝ այդչափ շտապել
տեսանել զօրահասն ընկաղայ ” :

Այլ յորժամ Մանիոս հիւպատոս
Հռոմայեցւոց պարտեալ զԱնտիգոնոս՝
ինդրէր յԱքայեցւոց զգարձ վտարան-
դեացն Լակեդեմոնացւոց, զնոյն ժտէր և
Տիտոս . ընդդէմ եկաց Փիլոսփմէն ոչ առ
Թշնամութեան ինչ տարագրելոցն, այլ զի
յիւր ձեռն և յԱքայեցւոց կամէր վճա-
րել բանին, և ոչ ՚ի Տիտոսին և ՚ի Հռո-
մայեցւոցն . ուստի և ՚ի գալ տարւոյն կա-
ցեալ ինքն զօրավար, ինքնին զվտարան-
դեալն գարձուցանէր : Եւ զայս վարէր
նա օրինակ առ հպարտութեան ոգւոյն՝
ընդդէմ դառնալ իշխանութեանց և ՚ի վէգ-
դալ :

Այլ ամաց եղեալ նա եօթանասնից և
կարգեալ զօրավար Աքայեցւոց զայս ու-
թերորդ անգամ, ական ունէր ոչ անկուիւ-
միայն զժամանակն զայն անցուցանել, այլ
և բնաւ իսկ յանդորրու և ՚ի խաղաղու-
թե՛ կալ այնուհետեւ զնշխարեալ կեանսն .
Քանզի զորօրինակ ՚ի վատել մարմնոյն բնա-
ւորեցան և ախոքն վատել, ստպէս ՚ի քա-
ղաքն Ելլադայ ՚ի նուազել ուժոյն՝ նուա-
զէր և ցանկութիւնն կռուոյ պատերազմի :
Այլ սակայն և ՚ի Քաջաց ռմի խեթացե-

լոց՝ հար կործանեաց զՓիլոսոփիան իբրեւ
զբմբիշ քաջքնածաց՝ 'ի ծիր ասհմանի կե-
նացն նորա :

Քանզի պատմեն եթէ ուրեք յակմբի 'ի
գովել բազմականին զայր ոք իբրեւ զօրա-
վար քաջ և առաքինի, կրկնեաց Փիլոսոփի-
ան և ասէ. “Եւ զհարգ ապա գովութեան
իցէ այդ, որ կենդանւոյն ձերբակալ 'ի
Թշնամեացն եղև 3 : Եւ եղև յետ աւուրց՝
գովածիան հասանէր եթէ Դինոկրատէս
Մեսսենացի այր ռիսերիմ՝ Փիլոսոփիանեայ,
և ատերի ամենեցուն վասն չար և զեղի
կենացն, ապատամբեցոյց զՄեսսենէ յԱ-
քայեցւոց, և առ գուրա կայ հասանել ու-
նել զաւանն Կողովնիդա անուան : Էր յայն
ժամ ըստ գիտաց Փիլոսոփիան յԱրդոս խօ-
թացեալ ջերմամբ. 'ի լուր գովին շտապա-
լոքաւ 'ի Մեգաղէսոյն՝ ասպարէզա աւե-
րի քան զչորեքհարիւր ընծացեալ 'ի միում
աւուր. առեալ անոի զայրուշին իւր հոյա-
կապ 'ի պատանեաց անաի քաղաքացեաց՝
'ի փառս և 'ի սէր Փիլոսոփիանեայ ինքնա-
կամ նահառակեալք ընդ ձեռամբ նորա,
անդէն չու առնէր խաղայր ընդդէմ ա-
յլըստամբացն դէպ ուղիղ 'ի Մեսսենէ :
Անդ պատահեալ Դինոկրատեայ մերձ 'ի
բլուրն Եվանդրոն, 'ի գիմի հարեալ մի-
մեանց՝ 'ի փախուստ գառնայր Դինոկրա-
տէս : Այլ անդէն իբրեւ 'ի վերայ խուժե-
ցին զօրականք հինդ հարիւր՝ պահանորդք
երկրին, և 'ի նոյն յայնժամ և փախըա-
տեայքն միւսանդամ խմբեցան 'ի բլուր

անգր, երկեաւ Փիլոսոփիան եթէ 'ի ներքա
փակեացի. խնդրէր ապրեցուցանել զայ-
րուսին իւր և տեղի տայր ընկրկէր ընդ
գծուապա և ընդ առասպարա վայրաց՝ յան-
ձանձեալ զկաց և զմնաց զօրականին. և
գառնայր ինքն ստէպ և գիմէր 'ի թշնամիան՝
խնդրէր ախոյեանն ընդգէմ իւր առնուլ
զնոսա. որք և վատացեալք 'ի գիմի հար-
կանել նմա, բացէ 'ի բաց շուրջանակի զնո-
վաւ վազս առեալ ընթանային բարձեալ
ազազակ մեծ:

Իբրեւ այսպէս ստէպ ստէպ որոշեալ նա
յիւրոց պատանեացն, զնոսա մի առ մի յա-
ռաջ արձակեալ և յանդորր հանէր, մնայր
ապա ինքն միայնակ՝ ոչինչ միտ եղեալ՝
փակեալ 'ի խռան թշնամեացն. սակայն
և նահատակեցաւ և ոչ ոք 'ի վէգ գալ
ընդ քաջին. այլ 'ի բացուստ հարուած մի
առեալ Փիլոսոփիան, տազնապեցաւ գնալ
ընդ ափափայտ մեծ և ընդ անկոխա, և գը-
ծոխըմբերս վարէր նա յայնժամ զերի-
վարն և զոգին քաղէր և հարեալ վիրաւո-
րէր: Եւ արդեօք նմա ոչ ծերութիւն հա-
սակին ստնանէր առ գեղեցիկ կրթութե-
մրցանացն և ոչ խոչընդոտն լինէր փրկու-
թեան նորա, սակայն նորա վատեալ էր
մարմինն առ խօթութեանն և խոնջ և պար-
տասեալ էր յուղւոյն, զի և ծանրաքայլ
յոյժ և գանգաղ զոտն յոտանէն փոխել
գծուարէր. և երիվարին ևս յայնժամ
գլթեալ անկանէր յերկիր Փիլոսոփիան զան-
կումն գծուարին, զի և հարեալ ջաղխե-

ցաւ դլուին . և այնպէս հարուստ ժամանակ տապաստ կայր լուռ անշուշտ, մինչև թշնամեացն կարծեալ եթէ մեռաւ Փիլոսփիմէն՝ եկեալ թաւալցլոր զմարմինն առնէին կողոպտել զնա : Իբրև նա զգլուին ամբարձեալ երաց զաչն , նորա միախուռն 'ի վերայ անկեալ՝ յետս կոյս առեալ կապէին զձեռն և այնպէս ածէին զքաջն լուստնօք և թշնամանօք , զի և ոչ յերազն անգամ մնայր նա արգեօք այնչափ ոտնհարուծեանն 'ի Դինոկրատեայ :

Բայց իրազգածք բանին 'ի քաղաքաց քաղաքաց բնակիչք մեծապէս զուարթացեալք և հպարտացեալք՝ խուռն ընթանային առ դուրս . և տեսեալ զՓիլոսփիմէն յայն կերպարան ածեալ՝ դժպատեհ իւրոց փառացն և գեղեցիկ նահատակութեանցն և յազթական ախոյենիցն , անգանօր բազումք ախաակիցք կարեկիցք գլուխն , զի և յարտասուս հատանէին . և անգոմանեալ խոտէին այնուհետև զմարդկեղէն զօրութիւնն իբրու գաւառն անհաւատարիմ և պիտակ անուն : Եւ էր անդ ընել առհասարակ զնմանէ բանս բարեաց և մարդասիրութեան և զօրովոյ , անմոռաց զնորա բարին առ նոսա յուշի կապեալք և զազատութեանն զշնորհս՝ զոր ինքնին Փիլոսփիմէն ազատեաց զնոսա՝ վառեալ ըզՆաբիդոս բռնաւոր : Ինն էին անդ և նուազումք ոմանք , որ 'ի շնորհս Դինոկրատեայ խնդրէին 'ի խոշտանգանս տալ զՓիլոսփիմէն և 'ի մահ վարել՝ իբրու անհաշտ թշնամի .

որ անձնատուր երբեք եղեալ՝ ադաւիտ
այնուհետեւ 'ի վերայ ածցէ Դինոկրատեայ
մեծամեծս վասն այնչափ ուսնհարուածն :
Բայց առ ժամն ածեալ զնա 'ի տեղի մի
զոր Թէսաւրն կոչեն՝ վայր ստորերկրեայ
անբաժ յոգոց և բնաւ իսկ անլոյս, որոյ և
գուռն չէր, այլ վեժ մի մեծ Թաւալեալ՝
խնուին զմուտան . անդ ածին զՓիլոսփմէն,
և զվէմն 'ի վերայ բերեալ փափեցին, և
արս սպառազէնո առ տեղեաւն 'ի սգահ
կացուցանէին :

Իսկ այրուծին Փիլոսփմէնեայ յանդորր
ելեալ, և ոչ ուրեք զեւթեանց զօրավարն
տեսեալ, համարեցան անշուշտ ելթէ մե-
ռեալ իցէ . սակայն և հարուստ ժամանակ
զտեղի կալեալք այնպէս 'ի ձայն բարձր
կոչէին կարգային զՓիլոսփմէն, և առ մի-
մեանս գարձեալ բարբառեալք տաէին,
ընդ վայր ուրեմն այնուհետեւ և անտրդա-
բար իցէ փրկութիւն նոցա՝ այնպէս զեւ-
թեանց զօրավարն 'ի ձեռս Թողեալք Թըշ-
նամույն, որ զանձնն 'ի կշիռ եդ նահա-
տակեալ 'ի վերայ նոցա : Եւ ասպա յառաջ
ևս ընթացեալք և տարփմամբ հետափայլ
մանրայոյլ եղեալք, 'ի վերջէ ուրեմն լուր
առեալք զձերբակալ լինելոյն, յայտնոյս
յայնկոյս ընթացեալք հռչակ հարկանէին
զգանն ընդ քաղաքս քաղաքս Աքայեցոց :
Նոքա անհնարին համարեցան զաղէտան, և
խմբեցան կարգեցին 'ի խորհրդեան առա-
քել հրեշտակս և խնդրել զՓիլոսփմէն 'ի
Մեծախնացոց անտի, 'ի նոյն և 'ի մարտ

պատերազմի կազմեցան վառեցան։ Չայս ինչ արարին Աքայեցիք։ Իսկ անդուստ Դինոկրատէս մեծապէս զանգիտեալ՝ եթէ երբէք ժամանակին գեղերանք փրկութիւն առ թեսցեն Փիլոպիմենեայ, ածապարեաց կանխեաց քան զինդիր և զխաղալ Աքայեցւոց։ Իբրև գիշերն 'ի վերայ հասանէր և ամբոխ Մեսսինացւոցն 'ի բաց փարատէր, ետ բանալ զաղջամըջեան զբանտն։ Երեաց 'ի ներքս զպաշտօնեայ քաղաքին՝ 'ի ձեռք բարձեալ զթոյնն։ հրաման տայր նմա մաւրդուակել Փիլոպիմենեայ, և անգէն պահունել մինչև ցարդումն բաժակին։

Արդ էր անգանոր Փիլոպիմէն ընկող մանեալ արկեալ 'ի ներքոյ զէւր քղամիգն, ոչ 'ի քուն՝ այլ 'ի մզձկեղոյ արտին և 'ի ծփանաց ալեաց ոգւոյն թառաչէր։ Իբրև լոյս ետես 'ի խաւարին և զայրն զայն մօտ իւր կացեալ՝ բաժակ գեղոցն 'ի ձեռին, հազիւ ուրեմն առ վատել ուժոյն 'ի վեր կանգնեալ նստաւ, և 'ի ձեռին զգեղն առեալ՝ հարցանէր ցպաշտօնեայն վասն իւրոյ պրտձիոյն, յաւետ իմն վասն լիւկոր տառայ։ Իբրև նա պատասխանի առնէր՝ եթէ շատք 'ի նոցանէն ապրեցան, նա ալ նարկի գլխովն ցուցանէր զհաճութիւնն, և 'ի գէմն առնն հայեցեալ հեղաբար՝ աւեր։ “Քաջ խօսիս, եթէ արդարև ոչ գրէ խովն ձախողակի ընթացան մեր իրք”։ Եւ ոչինչ այլ խօսեալ և ոչ ձայն մի հանեալ՝ այնպէս առեալ ըմպէր զգեղն, և անգրէն ընկողմանեցաւ։ Այլ ոչ բաղում

ժամ տուեալ գեղոյն բռնութեան, իսկ և իսկ անշնչանայր յայնժամ Փիլոսոփինն առ մեծի տկարութեանն :

Իբրեւ լուր մահուն գուժեալ տարածեցաւ առ Աքայեցիս, 'ի թաղծովիւն մեծ և յողջ և յաշխար պաշարեալ նստան քաղաքք առհասարակ : Յայնժամ ամենայն մարդ յարեո՞ւնս հասեալ միահամուռ ընդ աւագ խորհրդականացն եկեալ ժողովեցան առհասարակ 'ի Մեգաղէսոյն, և անդէն արագ արագ խնդրէին հանել զվրէժ քինուն . կարգեալ իւրեանց զօրավար զլիւկորոսս՝ հորդան ետուն 'ի Մեսսինէ . քանդէին աւերէին զգաւառն, մինչև խորհուրդ գեղեցիկ 'ի մէջ առեալ քաղաքացիք՝ հատաւանցին առնուլ ժողովել զնոսս 'ի ներքս, և յայնժամ աճապարեալ Ղինոկրատէս գնայր զիւրովին : Իսկ որք միանգամ խորհուրդ ետուն մահուն Փիլոսոփիննեայ, սպանան նոքա յԱքայեցւոց տնտի . և որք 'ի խոշտանգանս տալ խնդրեցին զնա, ձերբակալք 'ի հրամանէն լիւկորոսսայ՝ կտաանօք չարչարեցան :

Ապա զմարմինն աքրեալ զՓիլոսոփիննեայ և զնշխարան հանգուցեալ 'ի սափորի, յարեան Աքայեցիք և 'ի չու անկանէին՝ ոչ անկարգս և խառն 'ի խուռն, այլ միահեօք միաքայլք իբրեւ 'ի յաղթանակի հանգէս և 'ի յուղարկաւորութեան : Քանզի էր իսկ տեսանել զնոսս յայնժամ բոլորեալս պսակաւ, միանգամայն և արտասուալիցս . անդ և զթշնամիսն կորաքամակ

ածեալս ձգեալս 'ի շղթայս . անդ և զսփոր մոխրոյն 'ի խիտ վարսակալաց և 'ի պսակաց ծածկեալ, զոր բարձեալ բերէր պատանին Պողեւբոս 4 որդի զօրավարին, և զնովաւ շուրջ աւագք Աքայեցւոց, և զինի զօրականք 'ի զէն 'ի զարդ վառեալք՝ յերկվարս զարդարեալս, ոչ գլխովին թաղծեալք սրտառուէք 'ի կոծ մեծ, և ոչ ամեննին զուարթք և բարձրապարանոցք 'ի յաղթութիւն գեղեցիկ : Իսկ 'ի քաղաքաց քաղաքաց և յաւանաց որ 'ի միջոցին՝ ելանէին գունդ գունդ ընդառաջ նշխարացն Փիլոպիմենեայ, ըստ որում և բնաւորեալ իսկ էին նոքա յառաջագոյն ընդառաջ գալ ժողովել զնա՝ յորժամ 'ի մարտոցնահատակութեան դարձ արարեալ գայր Փիլոպիմէն . և եկեալ հուպ շօշափէին զսափորն, և յուղարկաւորք լինէին մինչև 'ի Մեդաղէպօլիս : Իսկ իբրև անդանոր եկեալ խմբեցան և ծերունեաց դաս և մանկանց երամ և կանանց ժողով, ձայն կոծոյն բարձրանայր ողջոյն 'ի բանակին և ողբ և աշխար մեծ, և երթայր յառաջացեալ ձայնն մինչև 'ի քաղաք անդր . անգուստ և քաղաքն դառնապէս հեղոյր զգերարոտարն ընդ մահ քաջին՝ ոչինչ հանգուրժեալ անհնարին վշտին . տեսանէր միանգամայն 'ի մահուն նորա և զինքն խրթնացեալ 'ի բարձերէց փառացն Աքայիոյ : Ապա առեալ շքով թաղէին զնա, և անդ շուրջ զշիրման նորա քարկոծ առնէին զգերին 'ի Մէսսինացւոց անտի :

Բայց քանզի և պատկերը բազում կանգնեցան նմա, և բազում շուք պատուոյ քաղպէն սահմանեաց նմա, անգուստ այր ոք Հռոմայեցի գում գործեր 'ի ժամանակի անդ ազեական Ելլադայ որ 'ի Վորնթոն' 'ի միջոյ 'ի բաց բառնալ զայն ամենայն, և հալածել զՓիլոսոփիան ամբաստան կացեալ իբրեւ դարարուեստ Թշնամոյ Հռոմայեցւոց, որպէս եթէ տակաւին կենդանի իցէ այրն : Սակայն ամբաստան չարախօսին ընդդէմ դարձեալ Պոլեմիոս յաղթահարեր . որպէս զի և ոչ Մոմֆոս և ոչ պատուիրակքն երբէք յանձն առին այնուհետեւ ազարտել ինչ 'ի միտաց քաջի առն, Թեպէտ և ոչ սակաւ նա ընկիճեալ իսկ էր ընթացիցն Տիտոսի և Մանիոսի . սակայն նոքա յայնժամ խաբիր արկանէին ընդպէտան և ընդ առաքինութիւնն, ընդ գեղեցիկն և ընդ օգտակարն՝ ուղղապէս և վայելուչ . քաջապէս զմտաւ ածեալք՝ եթէ ցանգ մոխարինի և շնորհակալու մտաց պէտք իցեն բարերարելոցն առ երախտաւորան, և զի ցանգ պատիւ առցեն լաւք 'ի լաւաց :

Այսչափ ինչ յաղագս Փիլոսոփանեայ :

ԾԱՆՕԹՈՒԹԻՒՆՔ

1. Պլուտարքոս կոչէ զայս կարգ դասաւորութեան Σπήρα. այս է՝ Ոլորտաձև, պարոյրաձև: Այլ մեկնիչք ոչ ունին համերէն 'ի վերայ կալ այսօրինակ դասաւորութեան զինուորականին:

2. Գի-նիս, էր Զինարան ե նաւահան զիստ Սպարտիոյ, ոչինչ հեռի 'ի քաղաքէն:

3. Որ զայս ասաց՝ և նմա գլխովին նոյն պատահեցան գէպք յետ սակաւուց:

4. Սա՛ այս է երևելին Պոզիւքիոս պատմագիր. լեալ յայնժամ իբրև ամաց քսան և երկուց:

ՏԻՏՈՍ ԿՈՒՒՆՏԻՈՍ ՓԼԱՄԻՆՈՍ

ԻՍԿ զոր 'ի կշիռ համեմատութեան
ձգեմք այժմիկ ընդ փիլոսփիաներայ, այն է՝
Տիտոս Կուինտիոս Փլամինիոս: Եթէ որ
պիտի ինչ արդեօք գէմք կերպարանաց ի
ցեն առն, գոյ աւարիկ կամեցողացն զնա
տեսանել 'ի պղնձի անդ պատկերի՝ որ 'ի
Հռոմ կանգնեալ կայ առ ընթեր մեծին
Ապողոնի՝ որ 'ի Կարքեդոնէն՝ 'ի հանդի-
պոյ ձերնթացիցն՝ հանգերձ հելլենական
արձանագրութեամբք: Բայց ըստ բուսոյ
բարուցն ասեն զՏիտոս զայս՝ վառ և բոր-
բոք, ոչ 'ի սրտմտութիւն միայն, այլ և 'ի
շնորհաբաշխութեան. սակայն ոչ զնոյն օ-
րինակ յերկոսեանն. այլ 'ի պատուհա-
սելն՝ համբոյր և յեղյեղով, իսկ 'ի շնոր-
հաբաշխելն հաստատուն. և էր նա առ
բարերարեալսն ցանգ հեշտ և բաղձալի,
իբրու որք անձին իւրում գլխովին բարե-

բարձր իցեն . զի և գեղեցիկ յոյժ համարէր միշտ երախտագէտ պահել զնոսա : Առայս՝ և պատուասէր յոյժ գոլով այլն և յոյժ փառասէր, գուն գործէր առաջնորդ մեծամեծ լինել ուզողութեանց, և քան ընդ կարողան 'ի բարերարութի՛ առաւել տիրէր կենսակից կենցաղակից լինել կարօտելոցն բարերարութեան . համարէր զառաջինն՝ իբրեւ նախանձատրք իւրոց փառացն, և զվերջինն՝ իբրեւ նիւթ առաքի նութեան արդասեացն :

Առդ վարժեալ կրթեցաւ Տիառոս 'ի զի նուորականն . և քանզի էին Հռովմայ 'ի ժամանակին պատերազմոնք բազում . և մեծամեծք, գիւմէին խաղային անդր պատանիք՝ անգտին յառաջին հասակէն ճշգրիտ 'ի վերայ կալ արուեստի զօրավարութեան բանակաց . չղբաւ և նա առաջին 'ի մարտ արատերազմի ընդդէմ Անիքաղայ առ հիւպատոսութեամբն Մարկեղղոսի՝ իբրեւ հազարապետ : Իսկ 'ի Թաղարդել Մարկեղղեայ 'ի վարմն թշնամւոյն և 'ի մեռանելն, կարդեցաւ Տիառոս կուստեալ գաւառին Տարանտեայ և նորուն իսկ Տարանտեայ, զոր յայնժամ կալան նոքա այս երկիցս անգամ . և զհամբաւի հարկանէր Տիառոս յիշխանութեան տնդ իւրում ոչ վասն արդարութեանն միայն, այլ և վասն քաջութեանն 'ի զօրավարութեան : Ուստի և 'ի տալ անդ Հռոմայեցւոց գաղթականս յերկուս քաղաքն՝ յԱլնէաս և 'ի Վոնսան, սա այս Տիառոս կարդեցաւ յայնժամ ա-

ռաջնորդ նույն . և ապա այս աւագութիւն
այնչափ իմն հռչակ եհար զնմանէ, զի և
անցեալ զանցեալ նա զայլովք աւագու-
թեամբք զպատանեացն՝ յորոց սակի ժողո-
վդապետութիւնն և զօրապետութիւնն
և ամբարապետութիւնն, գէտակն կշիռ
կալաւ նա ՚ի հիւպատոսութիւն անդր և
հետամուտ լինէր, և նպաստ զօրաժողիչ էր
նմա որեար կրկին գաղթականին :

Իսկ իբրև նորա ընդգէմ դարձան փու-
վիոս և Մալլիոս ժողովդապետք, և ասէին
իրա իմն օտարս՝ եթէ պատանի չե նուի-
րեալ յառաջին նուիրականսն և ՚ի խոր-
հուրդս քաղաքին՝ այնպէս աղոտքոյ օրի-
նաց ճոխաբար խնդրեսցէ զծագ աւագու-
թեանն, յայնժամ Սինկղիտոսն ՚ի քուեայս
ժողովդէան ասպատան զբանն արարեալ,
կարգէին զնա ժողովուրդք՝ Թէպէտ և ոչ
երեսնամեայ տակաւին՝ հիւպատոս ՚ի միա-
սին ընդ Քանսոոսի Եղիոսի : Բայց ար-
կեալ վիճակս, պատահէր Տիտոսի խաղալ
գնալ ՚ի մարտ պատերազմի ընդգէմ փի-
լիպպոսի և Մակեդոնացւոց . և արդեօք
՚ի գեղեցիկ բաղդէն վիճակեցաւ այս հռո-
մայեցւոց . քանզի ընդ որերոյն ընդ այնմիկ
՚ի գէպ չէր իշխանին զէնս յամենայնի վա-
րել և բռնութիւն, պարտ էր մանաւանդ
համոզակեր բանիւք և մարդասիրտոգոյնս
յանդուցանել զնոռա :

Քանզի և էր իսկ փիլիպպոսի զօրավիգն
Մակեդոնիա մարտիկ որերով, առ այս՝ և
հեղինացիք Թիկուան տային նմա՝ զգէմ

կալ երկարաժամանակեայ մարտից՝ ուղա-
շարքք և ամբողթեամբ, և զօրափէզն ածե-
լով փազանդին նորա . ուստի եթէ չէր նռ-
ցա տարտուցեալ 'ի Փիլիպպոսէ, չէր ար-
գեօք յայնժամ Վճարեալ մարտին միով
պատերազմաւ : Եւ քանզի Ելլազա չէ էր
այնչափ իմն 'ի Հռոմայեցիս անդր հակա-
միտեալ, և այն ինչ նա ձեռնամուխ ընդ
նոսա 'ի գործն լինէր յայնժամ . արդ՝ ե-
թէ յանկարծ զօրավար Հռոմայեցոց մար-
դասեր չէր հանդիպեալ և համարոյր, և չէր
քաջախոհութեամբ գործի 'ի ձեռն ա-
ռեալ քան զկռուելն՝ առաւել զխօսելն,
և եթէ համոզակեր չէր ընդ այլս և հեղ
առ ապաւինեալսն, և եթէ չէր նորա ճշգրտ
տառայնս 'ի վերայ կացեալ գէտ և պահա-
պան արդարութեան, արգեօք ոչինչ այն-
պէս հնչտին Ելլազա թողեալ յայնժամ՝
զիւրն սեպհական՝ յանձն առնողը զօտարին
տերութիւն . և քաջայայտ կայ այս 'ի նոյն
իսկ յարգեանցն Տիտոսի :

Արդ տեսեալ Տիտոսի, զի որ յառաջ
քան զինքն զօրավարք Սուլպիկիոս և Պոպ-
ղիոս՝ անադան ուրեմն միեցան 'ի Մակե-
դոնիա, և յուշիկ յամբողջութաց մարտ ե-
դեալ կռուեցան՝ ժամովաճառ 'ի պահ-
պանութիւն բանակեառն լինելով, և մեկ
նակազէնք միայն ընդ Փիլիպպոսի լինելով
'ի պատճառս անցից և ամբարոց . նա 'ի
գէպ չհամարեցաւ նմանել նոցա՝ որք զհիւ-
պատոսութեան տարին անցուցեալ նախ
'ի հայրենիսն 'ի շուք պատուոյն և յառաջ

նորգութեան քաղաքին, ապա խաղային
 գնային 'ի մարտ պատերազմի. ոչինչ հան-
 դարտեաց նա տարի մի վատնել 'ի շուքն
 և 'ի քաղաքին գործս, և տարի մի այլ 'ի
 զօրավարութեան. զառաջինն հիւպատո-
 սութեան տալով, և զերկրորդն՝ մարտից
 պատերազմաց. այլ պատուաւորեալ բոլուն
 և սաստիկ անգէն 'ի մարտն մեկ, թողցր
 լքանէր զուքն և զաւագութիւնն 'ի քա-
 ղաքին, և աղերս արկեալ Սինկղեոտոսին
 տանել ընդ իւր զլեւկիոս զեղբայր իւր զ-
 րավար նաւաց, և առեալ ևս ընդ իւր յամ-
 րութիւն բանակին երկս ևս հազարս 'ի քա-
 ջաց և յառոյդ զօրականէն ալլոնտիրս՝
 որք առ Սկիպիոնիւ 'ի պարտութիւն մատ-
 նեցին յԻբերիա զԱսդրուբան և 'ի Լիբիա
 զԱնիբազ, անց գնաց յաջողութեամբ
 յԵպիւռոս: Անդ գտանէր նա զՊորզիոս
 բանակ հարեալ 'ի հանգիստ փլիպպոսի,
 որ անդ հարուստ ժամանակ կացեալ պա-
 հէր զանձովսն և զքերան դետոյն Ապսո-
 նի. այլ չէր Պորզիոսի յառաջ խաղացեալ
 և ինչ մի վճարեալ առ դժուարութեան
 վայրացն. առնոյր ապա յինքն զզօրավա-
 րութիւնն և զնա 'ի բաց արձակեալ, կայր
 և զնէր զդիրս վայրացն, որ ոչինչ պա-
 կաս անխաղճ էին սղքա քան զՏեմպելայն
 վայրան. տալայն և անբաժք 'ի վայելից ծա-
 ուցն և 'ի գալարեաց մայրեաց և 'ի զբօսաւ
 նաց և 'ի մարգաց նոցա, այլ էին անդ աստի
 և անտի լերինք երկայնանիւղք և բարձրա-
 բերձք. և առ լեռնոտամբն ձոր մեծ և

խոր, ուր գնայ Աստուծո՛ւ ձեռովն և պղնձա-
ցուծեամբն նմանեալ Պենեայ. և ձգեալ
ողջոյն զքեռնոտամբն՝ թողու մի միայն պո-
ղոտայ անկոխ առապար և անձուկ առ ա-
փամբն. ընդ որ՝ և ազատ վաքացն գողով
գժնգակ են անցք բանակի. իսկ ՚ի պահ
կալեալ և բնաւ իսկ անհնարին : Արգ-
յայնժամ կէդք խնդրէին աւնուլ ածել
զՏիտոս չըջանաւ ընդ Դասաարացիս առ
Լիկոս գետովն՝ ցուցեալ նմա զպողոտայն
զայն կուռ և լայն. այլ նա զանդիտեալ
գուցէ տարադէմ՝ ձգեալ ՚ի ծովէն և մի-
ջամուխ ՚ի վաքսն եզեալ անբերս և ա-
մուլս, և յանկուխ մնալ Փիլիպպոսին,
ինքն ՚ի նուազելոյ տմբարոցն միւսանգամ
պտիպեսցի վերջոանիլ ՚ի ծով անդր՝ իբրու
զնախորդ իւր զօրավարն, եդ ՚ի մտի գի-
մազբաւ զօրութեամբ յառաջ խաղալ ՚ի
կատարսն լեռանց, և ուժգին անգուտո
բանալ իւր անցս :

Արդ յորժամ Փիլիպպոս իւրով փա-
ղանգաւ հասեալ կալաւ զլէրինան, և ՚ի
կողմանց առհասարակ տարափք տեղային
նետից և փքնաց ՚ի վերայ Հռոմայեցւոց,
և մարտ պատերազմին ժառանգանայր և գի-
տապատտ անկանէին աստի և անտի, և վճար
մարտին չերևէր ՚ի միջի, յայնժամ եկին
կապին առաջի Տիտոսի արք խաշնադար-
մանք ՚ի մերձակայ վաքացն. գուշակ նմա
լինէին չըջանաւոր իմն անցից՝ ամայի ՚ի
թշնամեացն լքեալ, և խոտտանային ածել
ընդ այն զգորն իբրև գնացս երից աւուրց

'ի կատարան անդր, և 'ի հաւատ մատուցա-
նէին ևս նմա 'ի պատանդ զկարող զորդի
Մաքադեայ զառն աւագի 'ի մէջ Եպի-
ռոսացւոց, ալք բարեկամ՝ Հռոմայեցւոց
և կուսակից 'ի ծածռակ վասն ահին ֆիլիպ-
պոսի: Ապա վստահ յայրն եղեալ Տի-
տոս, առեալ հազարապետ մի արձակէր
հանգերձ չորիք հազարք հետեակաց և
աղուձի չորեքհարիւր, և յառաջ ընթա-
նային նոցա հովիւքն ձեռնակապեալք:
Զքերեկ հանգուցեալք դադարէին 'ի գա-
լափորս և 'ի մացառուտս, և զայդ խա-
ղային գնային 'ի լուսնակի՝ քանզի լիապա-
տար էր: Իսկ յաւուրան յայնտիկ յետ
արձակելոյ զնոսա՝ ինքն հանգիստ տալք
զօրականին, և մեկնակազէնս միայն հա-
նեալ՝ ժամովաճառ առնէր զԵռնամիսն:
Բայց 'ի պայմանեալ աւուր ժամանելոյ
հաստատօի զօրուն 'ի կատարան, վաղ քաջ
ընդ առաւօտն հորդան տալք Տիտոս առ
հասարակ թեթեալէն զօրուն և կուռ-
սպառաղինացն, և յառաջ երկս բաժա-
նեալ զնոսա՝ ինքն ընդ անձուկ պողոտայն
առ ափամբն յառաջագէմ զիւր գունդն
տանէր ուղիղ 'ի վեր անդր՝ 'ի տարափել
նեալոց Մակեդոնացւոցն, մարտ եղեալ
կուռեալ որք 'ի գժուարսն զքէմ ունէին
նմա: Իսկ այլ առաջն զմիմեամբք ել և
ելա առնելով ընդ ափափայն 'ի վեր խա-
ղային քաջութեամբ:

Իբրեւ արեւածայրք արձակէին, և ան-
դուստ 'ի բացուստ ծովս ամբառնայր ոչ

ինչ տոյգ, այլ իբրեւ մէզ երեւեր և մահա-
խառն 'ի լերանց անտի. որում և ոչինչ
իրազգած եղեն թշնամիք, զի որք զկա-
տարան կալան՝ 'ի թիկանց կային նոցա :
Այլ Հռոմայեցիք 'ի բաղնալիքսն մրցանան՝
'ի միտս կասկածոտս էին վասն այնորիկ,
սակայն և ըստ ըզմին յուսով խնդային :
Իսկ անդ իբրեւ ծովին յորդ և Թանձր
մարկեալ բարդէր և մահայլ օդոցն արկա-
նէր, և վերանայր բարձրանայր, քաջ իսկ
յայնժամ 'ի վերայ կացին խարուկածին
նշանի բարեկամացն : Հասլա աղաղակ մեծ
բարձեալ բռնագոյն ևս 'ի վեր կոյս խա-
ղային հասանել պաշարել զթշնամին և
վարել վանել 'ի վայրս իմն անկոխս և դը-
ժուարինս. յայնժամ և զօրականին հա-
տուած 'ի կատարից անտի 'ի թիկանց կու-
սէ թշնամեացն՝ աղաղակին նոցա կրկնեալ
տային արձագանդ : Մինչև տազնապեցան
Մակեդոնացիք և անդէն 'ի փախուստ
խուճապէին. և քանզի 'ի գժուարից վայ-
րացն վերջոտնեցան հետամուտ նոցա լը-
նել, ոչինչ աւելի քան զերկուս հաղարս
տապաստ անկան 'ի նոցանէ յայնժամ :
Բայց Հռոմայեցիք տիրացեալք 'ի վերայ
խորանաց և միտերից գանձուն և գերոյն,
հասեալ կալան զանձուկսն, և անցեալ
գնային ընդ Եպիլոոս մեծապէս պարկեշ-
տացեալք. որպէս զի՝ թէպէտ և 'ի բացեալ
էին 'ի նաւաց իւրեանց և 'ի ծովէն, և
չգոյր ևս նոցա ամաօրեայ պարէն և հեշտին
և չէր պատրաստել զայն, համայն և այն.

պէս ժողովելեցին նորա մերձեանալ յինչ մի . [Եպէտ և աշխարհն լինէր բարեօք 'ի դարմանն նոցա : Քանզի լուր առեալ Տիտոս, զի Փիլիպպոս 'ի փախել իւրում ընդ Թեոփիլոսի՝ հրաման տայր չուոյ մարդկան 'ի քաղաքաց 'ի լերինս, և 'ի հուր զքաղաքսն դառնէր, և յաւար տայր՝ զոր միանգամ չկարացին 'ի բաց տանել առ ամբառութեանն կամ առ Ծանրութեանն, և այնպէս իբրու 'ի Հռոմայեցւոց ձեռն տայր զաշխարհն . վասն այնորիկ Տիտոս պատուասիրեալ ներհակաբար, հրաման տայր զօրականին ակն ածել աշխարհին յանցանել իւրեանց՝ իբրեւ սեպհական և անձնատուր դաւառի : Զոր և զինի դէպք՝ քաջ իսկ ցուցին Հռոմայեցւոց, զի օգուտ մեծապէս գործեաց նոցա արդեօք պարկեշտութիւն նոցա :

Քանզի անգէն 'ի մեւել նոցա 'ի Թեոտաղիս, անձնատուր նոցա լինէին քաղաք . և Հելլենացիք որ 'ի Պիւղոս՝ անձկացեալ մնային Տիտոսի, և ըղձակալեց յոյժ եին առ նա . և Աքայեցիք ինքնին ուժացեալք 'ի նիզակակցութենէն Փիլիպպոսի՝ վճիռ տային դաշնաւոր Հռոմայեցւոց լինել ընդդէմ Փիլիպպոսի . և Ոպուն տացիք ոչինչ հաճեալ ընդ Եթողացիս նի զակակիցս Հռոմայեցւոց՝ 'ի կամել նոցա զպահպանութիւն քաղաքին իւրեանց, Տիտոսի հրաւեր յերալ՝ նմա աներկևան անձնատուրք լինէին : Եւ պատմեն՝ եթէ Պիւռոս զառաջինն 'ի գիտանացէն տեսեալ

զՀռոմայեցւոց զօրն խաղալ գնալ գերեւելի գասաւորութեամբ, ասաց յանդիման. Ոչ բարբարոսական ինչ երևի բարբարոսաց. Ճակատամարտ: Եւ և առհասարակ որ զառաջինն տեսանէին զՏիտոս, զնայն ասէին: Քանզի ըւր առեալ Մակեդոնացւոց, եթէ գուցեմ տալ հասեալ գայ զօրովորոմն բարբարոսաց բանակին, և զինուց բռնութեամբ քանդէ աւերէ զամենայնն և ՚ի գերութիւն մասնէ առհասարակ, եկեալ ապա տեսեալ զՏիտոս զայր երիտաւարդ հեշտ և համարյր ՚ի գէժն, և ՚ի ձայն և ՚ի բարբառ Հեղենացի, և Ճմարիտ պատուոյն տարփաւոր, ըզձակաթք յոյժ լինէին առ նա և ընթացեալք ընդ քաղաքս քաղաքս՝ մտերիմս առ նա յարդարէին. խելամուտ առնէին ՚ի նորա ձեռն յազատութիւն ՚ի վեր ելանել:

Իսկ յետ այսորիկ Տիտոսի բանազնաց ընդ Փիլիպպոսի ելեալ՝ որ ՚ի խնդիր էր գաշին, յանձն առնայր Տիտոս և պայման գնէր նմա թողալ զՀեղենացիս ՚ի կամս ազատութեան նոցա և ՚ի բաց առնուլ ՚ի նոցանէ զպահանքոցն. այլ Փիլիպպոս յանձն չառեալ զպայմանն, առհասարակ տալ հռչակ հարաւ և առ կռտակիցան անդամ Փիլիպպոսի, եթէ ոչ ՚ի մարտ ընդ Հեղենացւոց հաանալ գան Հռոմայեցիք, այլ ընդ Մակեդոնացիս՝ ՚ի վերաց Հեղենացւոց. վասն որոյ և մտադիրս գոյնս ՚ի նորա կողմն տային զանձինս առ հասարակ: Եւ անցեալ Տիտոս խաղաղու-

Թեամբ ընդ Բփովեմա՝ ընդ առաջ նմա
 դային արք առաքել ի Թերայեցւոց անտի.
 Թէպէտ և կուտակիցք էին նորա Մակեդո-
 նացւոց ի պատճառս Բրաքիլլեդեայ և,
 սակայն և Տիտոսի պատկառ կային՝ իբրեւ
 բարեկամք հասարակաց։ Անդ Տիտոս ա-
 ռեալ զաջոյն նոցա, և համբոյր բանիւք
 յուշիկ և տակաւ ընդ նոսա հատանէր զու-
 ղին. և զի հարցանելով ինչ ի նոցանէ և
 լսելով, և է զի ինքնին պատմելով ինչ մի
 նոցա, և այնպէս գեղերեալ զքօսեցուցա-
 նէր, մինչև յուզւոյ անտի ողի առնուլ զ-
 րականին. մինչև եկեալ մտանէր ի քաղաք
 անդր ի միաւին ընդ Թերայեցւոցն. Թէ-
 պէտ և նորա ոչինչ հաւանեալք, սակայն
 և ոչ իշխեցին արգելուլ նմա զմուտն՝ տե-
 աեալ զքաղաքովիւն զօրականին նորա։ Իսկ
 ի ներքա ի քաղաքի անդ Տիտոս՝ իբրու չե
 տիրացեալ քաղաքին, կայր և հաւանեցու-
 ցանէր զԹերայեցիսն զկողմն ունել զհռո-
 մայեցւոց, յորում և նպաստ լինէր ինքնին
 արքայն Ատտաղոս ի նոյն զԹերայեցիսն
 յորդորելով։ Բայց անգանօր սա այս Ատ-
 տաղոս պատուասիրեալ ճարտաստան քաջ
 երեւել առաջի Տիտոսի, և ուժգնակի յոյժ
 բարբառեալ գժպատեհ ծերութեան հա-
 սակին, անգէն ի խօսելն տագնապեալ ի
 պտուտից կամ ի հոսելոյ ինչ, և զգայա-
 ղիրկ յեղակարծումն եղեալ անկանէր յեր-
 կիր. և ապա յետ սակաւուց տարեալ նաւու
 յԱսիա, անդ մեռանէր։ Բայց և Բփովեա-
 ցիք յայնժամ անձնատուր լինէին Տիտոսի

Իսկ Փիլիպպոսի արձակեալ գեապանս 'ի Հռոմ', առեալ և Տիտոս արձակէր անդարս խօսել վասն իւր և տալ Սինկղիտոսին կարգել գարձեալ զՏիտոս 'ի ջորավար 'ի յաւերժանալ մարտին. և 'ի վճարելն' 'ի նա անդրէն յանձն առնել զպայմանս խազաղութեանն : Քանզի և յոյժ իսկ վառեալ էր 'ի պատիւն. զանգիտէր 'ի գալուստ պլլում ջորավարի' վերայել 'ի փառացն : Ապա գում գործեալ բարեկամացն նորա 'ի Հռոմ' 'ի գերեա զՓիլիպպոս հանել 'ի խնդրոյն և զՏիտոս գարձեալ հաստատել 'ի ջորավար, իբրեւ զայս ոահման Սինկղիտոսին առնոյր Տիտոս, մեծապէս ցնծացեալ խաղալ 'ի Թեաազեա ընդդէմ Փիլիպպոսի ածեալ ընդ իւր զօր աւելի քան բիւրս երկու և վեց հազար. այլ չորեքհարիւր այրուձից և վեց հազար հետեակաց' էին յԵսողազւոց անտի. 'ի նոյն չափ գողցես էր և բանակ զօրում Փիլիպպոսի : Չու արարին բանակք երկոքին և հասեալք մօտ 'ի Սկոտուսա՝ ուր և խառնելոց իսկ էին նոքա, ոչինչ զանգիտեցին ջորավարք՝ այնչափ մօտ ճակատեալք առ միմեանս. նա և մեծապէս քաջացեալք՝ զմիմեամբք ելանէին. զմտաւ ածէին Հռոմայեցիք շուք մեծ ժառանգել անձանց 'ի պարտութեան Մակեդոնացւոց, ալք՝ որք առ Ալեքսանդրիւ այնչափ զհամբաւի հաւրան քաջութեամբ. անգուստ և Մակեդոնացիք ակն ունէին՝ եթէ 'ի պարտութեան Հռոմայեցւոցն՝ զորս քան զպարսիկս ա-

ուսել գրեին, քան զԱղէքսանդրոս պայծառ ևս յարգարեացեն զՓիլիպպոս:

Ապա Տիտոս յորդորակ խօսեալ առ զօրականն քաջանալ 'ի հանգիսին, իբրու որք մարտ եղեալ կռուեսցին 'ի գեղեցիկ տեսարանին ելլապայ և ընդդէմ քաջազօր թշնամեաց. անդուստ և Փիլիպպոս կամ ըստ գիպաց կամ թէ առ խուճապին ոչ միտ եղեալ ելեալ 'ի բարձրաւանդակ մի շէրթմ աղտաբոյ զակշին՝ հրապարակախօս լինէր զայն ինչ՝ զոր նախ քան զկռիւն սովորեցան զօրավարք 'ի խրախոյս զօրականին. բայց նորա մեծապէս սրտաբեկ արդտառուչ կային ընդ վատախտար շերթին գէպան. ինքնին և Փիլիպպոս խռովեալ յոգին, զայն օր յոցին լինէր ձեռնամուխ:

Իսկ յաւուրն երկրորդի վաղ քաջ ընդայդն, առ գիծին և թօնուտ գիշերոյն 'ի մուսյլ և 'ի մառախուղ շքեալ ամբոցն, առհասարակ գաշտադեռինն պատէր 'ի մեզ ազջամպ ջին. և անդէն ընդ լուսանալ աւուրն 'ի բարձանց անտի օդ թանձրամած իջանէր ծաւալէր ընդ մէջ երկուց բանակացն և զվայրսն առհասարակ ծածկէր: Իսկ որք միանգամ յերկոցունց ևս կողմանց արձակեցան յայնժամ զօրականք 'ի լրտեսել զվայրն և գաղտնամուտ լինել, անդէն պատահեալք միմեանց խառնեցան 'ի կռիւ՝ 'ի տեղին՝ զոր անուանեալ կոչենք Քիւսօ Բէֆալա, այն է՝ Շանադլուիք. և են նորա կատարք սեպտեալք գօտեաց բլրոցն՝ ամբարձեալք հանգէպ միմեանց, և անուն զայն

կարգան նոցա առ 'ի ձևոյն նմանութենէ :
 Անգ ապա 'ի կռուին բազմորինակ փոփո-
 խեալք 'ի գծուարան վայրաց, փախառեալք
 և հետամուտք միանգամայն յերկոցունց
 ևս լինելով կողմանց, և անդուլ յերկուց
 ևս բանակաց թիկունս առաքելով առ մէն
 մի 'ի նոցանէն 'ի վատտակել նոցա և 'ի տե-
 ղի տալ, մինչ ապա մինչ այն՝ ելից իրացն
 գէտ անկն կալեալք, զի և օգն ինքնին մա-
 քութալ պարզեր, ապա և ողջոյն բանակք
 նոցա յայնժամ խառնեցան 'ի մարտ : Ան-
 դանօր Փիլիպպոս առաւել բռնանայր 'ի
 թէն անդ 'ի վայր 'ի դարաւանդից իջեալ և
 թափ 'ի վերայ հռոմայեցւոց անկեալ միա-
 համուռ փաղանդան՝ ասպար առ ատապար-
 անվանելի և գծովորներ տիգաց ճակատ,
 որպէս զի և կորովեքն անկռուելիք ողինչ
 հանդարտեցին բռնութեանն : Սակայն և
 'ի կայից բլրոցն հերձեալ ձախոյ թևոյն
 ճակատ նոցա, թողոր Տիտոս զիղմն պար-
 տեալ զեւրոյ զօրուն և շտապաւ գիմեալ 'ի
 միւս այլ՝ պատէր պաշարեր զՄակեդոնա-
 ցիան . որք և 'ի վայրացն յանհարթութենէ
 ողինչ բաւեալք կարգել ճակատել 'ի փա-
 ղանգին անանջաբեռ խխտ և հոծ (որ բնա-
 խակ ամբութիւն այն է զօրուն նոցա), և
 ոչ ևս զօրեալք միայն ընդ միայն 'ի վէդ-
 դալ առ ծանր և կռու սպառազինութեն,
 այնպէս կռուեալք արգելեալ մնային :
 Քանզի փաղանդգ՝ անվանելի և անկռու-
 լի գաղանի նման է, յորժամ ատապարտ-
 փակ 'ի մի մարմին զօգեալ իցէ . ապա ե-

Թէ երբեք հերձցի՝ այդ քակեալ յոնկերէն, անկանի 'ի զօրութենէն առ դժպատահութեան զնուցն. և զի՝ առաւել պիտանայու է 'ի միութեան ողջոյն մարմնոյն, քան անձին առանձին:

Ապա յայնմ կողմանէ նկուն Մակեդոնացիքն եղեալք, կէսք 'ի Հռոմայեցւոցն հետամուտք փախտէիցն լինելին, և կէսք դարձեալ առ 'ի կողմանէ 'ի վերայ անկեալ՝ որոց մարտ եղեալ կռուելին, հաղուած առ 'ի կողմն 'ի վերայ ամէկին նոցա, զի և յաղթականքն՝ զնաթափք զոտս արձակեալ փախչելին: Եւ անկանելին յայնժամ՝ գիտապատօռ ոչինչ պահաս քան զութ հազար՝ 'ի գերութիւն վարեալ ոգիս իբրեւ հինգ հազար, իսկ Փիլիստատ մաղապուր զերծանէր. և պատճառք եղեն Ետողացիքն, քանզի 'ի հետամուտ փանել Հռոմայեցւոցն, սգբա գիմեցին յաւար և 'ի կապուտ կողոպուտ բանակին. դարձ արարեալ Հռոմայեցւոցն և գտեալ և ոչինչ, յիշոցնատուք միմեանց լինելին և կազելին ընդ միմեանս:

Իսկոյ որ վերտ հանապաղօրեայ տութեաց Տիտոսի, զի գլխաղթութիւնն զայն ամձանց գրեցին Ետողացիք, և այնպէս հռչակ հարեալ կանխեցին կալան զՀելլենացիս. որպէս զի և քերթողք նոցա զԵտողացիսն նախապատիւ երգեցին, զնոյն և ռամիկն 'ի նուագել զմրցանան զայն. յորոց 'ի բերանսն առ հասարակ էր մեծապէս վերտառութիւն յայնպիսի:

Մեզ մէջ ջայթք , ոչ գիահանք ,
 Ո՛վ անցաւոր մեզ չեղեն .
 Բխորք երեք թերտազացիք
 Ցառկամո ահա կամք աստէն :
 Մեք նրկուիք յերտազաց
 Լեալ 'ի խօշիւն Արեւեան ,
 Երբ շրշուին և Լատինաց
 Հարաւ գաշտիս 'ի գամբան .
 Ջոր Տիտոս՝ լայնասահմանն
 Յիտալիոյ աստ էած ,
 Եմաթեայ Մակեդոնեայ
 Բաճէ անընչա մեծ հարուած :
 Իսկ յայնժամ Փիլիպպոսին
 Ոգին ինքոյս փրցուողց ,
 Խուճապեալ փախեալ արագ
 Քան ըզթեթե եղջերուտ :

Ջայս ինչ քերթեաց Աղկէոս , և այնչափ
 Իմն ստեաց զթիւ անկեղցն 'ի Թշնամանո
 Փիլիպպոսի Եւ ապա այս մերտառուածիւն
 'ի բազմաց ոմանց և 'ի բազում տեղիս 'ի
 Նուագ առեալ , քան Փիլիպպոսի՝ միշտ աւ
 ռաւել հասուցանէր Տիտոսի : Քանզի և
 Փիլիպպոս կատակերդեալ զԱղկէոս , ողբ
 աւընթեր արձանագրեալ եգ այսոքիս .

Անցաւոր , այս անստղարթ
 Ըերտ տաշեալ յայս արտեան ,
 Խաչ է սա Աղկէոսին՝
 Երկնաբերձ 'ի բազմաբան :

Ա՜ՅԼ Տիտոս՝ որ փառաց զհերս կրթէր

առ Հեղինային, գրգռեալ զգարէր վասն այսոցիկ : Ուստի ապա ինքնին միայնակ կատարէր զնահատակութիւնան՝ առ ոչինչ զԵտողացիսն գրեալ . յորմէ և մեծապէս պատմեալ Ետողացւոց, և հրեշտակութիւն ևս առեալ Տիտոս 'ի Մակեդոնացւոց վասն կռելոյ դաշինս, նոքա ընդ քաղաքս քաղաքս ընթացեալք բոլոր բառնային, եթէ վաճառականք խաղաղութեան ընին Փիլիպպոսի, մինչդեռ առ դուրս հասեալ կայ վճար մարտին և եղծումն տէրութեանն՝ որ առաջին ընդ լծով արկ զԵլլապա Մինչ դեռ այս բանք հաշակ հարեալ Ետողացւոց՝ ազմուկ ևս չգիտից յուզէր առ նիզակակիցս Հռոմայեցւոց, ինքնին Փիլիպպոս եկեալ 'ի համոզել զկազն՝ 'ի գերեա հանէր զամենայն կասկած, և 'ի կամս Տիտոսի և Հռոմայեցւոց զամենայնն ապաստան առնէր, և ասպա օրինակ զայս վճարէր Տիտոս զմարտն : ԶՄակեդոնիոյ զարքայութիւնն եթող 'ի Փիլիպպոս, այլ պատուէր տուեալ նմա 'ի բաց չուել Ելլապայ. առ այս՝ և տուգանէր զնա հաղթք քանքարաց . բառնայր 'ի նմանէ զամենայն զնաւան՝ բայց 'ի տասանց . և առեալ 'ի պատանդի զԴեմետրիոս՝ զմի յերկուց որդւոցն Փիլիպպոսի արձակէր 'ի Հռոմ, քաջապէս խորհրդով վարեալ ըստ ժամուն պիտոյից և նա խահայեաց հանդերձեւոցն եղեալ :

Քանզի Աննիազ Լիբեայի այր ոխերիմ Հռոմայեցւոց և վտարանդի յիւրոց հայրենեացն՝ անկեալ յայնժամ առ Անտիոքոս՝

ասգրէր նմա զքաջագիպութիւն ժամանակին . զի և ինքնին Անտիոքոս 'ի մեծամեծ նահատակութեանց անտի իւրոց՝ յորոց և մականուանեցաւ նա մեծ, ակնկառացի էր 'ի համաշխարհական տէրութիւն , նա և պատրաստ և կազմ էր նա եղջիւր անել ընդդէմ Հռոմայեցւոց : Ուստի եթէ և Տիւտոս քաջիկ խորհրդովն չէր հակամիտ եալ 'ի հաշտութիւն անոր, և թոյլ տայր Անտիոքոսի և Փիլիպպոսի աղքայից երկուց հզորաց նիւթակեից յառնել ընդդէմ Հռոմ մայեցւոց, անշուշտ 'ի մտաւից ժամանակ միւս անգամ պաշարէր Հռոմ՝ սչինչ պակաս քան զԱննիբաղայն : Արդ Տիւտոս կրճիմն գեղեցիկ զհաշտութիւն 'ի մէջ արեւալ երկուց պատերազմացն, և կարճեալ զառաջիկայն՝ մինչքե գրգռեալ հանդերձելոյն, 'ի վերջին յոռոյն պակաս առնէր զՓիլիպպոս, և յառաջնոյն՝ զԱնտիոքոս :

Իսկ յետ այնորիկ իբրեւ հրեշտակք տառն թուով արձակեալք 'ի Սինկլիտոսէն առ Տիւտոս, պատգամ բերէին յազատութիւն յանդորդ հանել զՀելլենացիս և պահ պանութիւն ամուր կարգել 'ի Եդրնթոս և 'ի Քադիկէ և 'ի Գերմարիագէ ընդդէմ Անտիոքոսի, անգուստ Ետողացիք բանասր կոք մեծք՝ մեծապէս գրգռեալ զքաղաքսն զայնոսիկ, հրաման տային Տիւտոսի լուծանել արձակել զտառն Ելլադայ (քան զի այնպէս իսկ սովոր էր Փիլիպպոս կոչել զքաղաքսն զայնոսիկ) . առ այս և հարցանէին Ետողացիք զՀելլենացիսն, եթէ ա-

նուր այժմ ունեւլով նոքա ծանրագոյն եւ՝
 թէպէտ և ողորկագոյն ևս քան զառաջինն՝
 արդեօք խնդասցեն ինչ . և ընդ Տիտոս իբրեւ
 ընդ բարեգործ հիացեալք հայեացին , զի
 յոտից ելոյծ զԵլլադա՝ և ընդ պարանոցն
 տուեալ կապեաց զնա , ի բանից աստի առ
 մեծապէս վշտին չհանգուրժեալ Տիտոս ,
 խօսէր ամոքէր և հաւանեցուցանէր զխոր
 հրդականան՝ Թողուլ զքաղաքն զայն ա-
 դանց պահանորդաց . զի այնպէս ապա յիւր
 ձեռն սօզ զնորհան կապեն Հելլենացիք :

Արդ յայնժամ ՚ի կատարել խթման
 միջանայն , բաղմուծիւն յոյժ մարդկան
 յասպարիսին ՚ի զինն նստէր ըմբշացն .
 քանզի ՚ի ժամանակաց հետեւ Ելլադա պա-
 րապեալ ՚ի մարտից՝ ակն ունեւլով վայելից
 ազատութեանն , և յայնժամ ՚ի յայտնի
 խաղաղութեանն՝ աշխարհաժողով կատա-
 րէր տօն : Ապա անդանոր լուութեան հրա-
 ման եղեալ ՚ի ձայն փողոյ՝ և ՚ի մէջ եկեալ
 արձանացեալ Քարոզին , բարձր բարբա-
 ռով աւերտէր , եթէ Սինկլիտոս Հռոմայեց
 ւոց և Տիտոս Կալինոփոս զօրավար հիւպա-
 տոս ՚ի պարտութիւն զարքայն մատնեալ
 Փիլիպպոս և զՄակեդոնացիան , անպա-
 հանորդս այնուհետեւ Թողուն և ազատս և
 անհարկս և հայրենատուր օրինօք վարեալս
 զՎորնիթացիս և զԼոկրացիս և զՓոկէացիս
 և զԵւբէացիս և զԱքայեցիս և զԹրիտիւնա-
 ցիս և զՄագնետացիս և զԹեսաղացիս և
 զՔիլիքեացիս : Այլ զբարբառ զայս ոչինչ
 յայտնի զառաջինն խմայան ամենեքին . և

ստի՛ն խառնածայն և շնչի՛ն անյօդ ըն-
 թանալք յայնժամ յասպարիսին, յորժամ
 կեպք հրաշայեալք զարմանային, և կէպք
 զմիմանս հաղցանէին ուսանել, իսկ և կի-
 սոցն թափանձ աղկեալ միւսանգամ բար-
 բառոյ քարոզին: Իբրեւ երկրորդ անգամ
 'ի լուսթիւն գաղձան, և քարոզն բարձրա-
 գոչ ևս կարգաց զաւերին 'ի լուր ամենե-
 ցուն, ապա ձայն ամբառնայր ուժգին և
 աղաղակ ցնծութեան, զի և 'ի ծով անգր
 լսեի ընէր. յարուցեալ առհասարակ
 հանգիստեալք՝ ոչինչ զմբշաց մարտէն
 փոյթ արարեալ, խուճապեցան ընդառաջ
 վազել Տիտոսի. առեալ զտղոյն ունէին
 զնա, և ողբունեալք՝ փրկիչ Նլլաղայ և ա-
 խոյեան կարգային զնա:

Իսկ յայնժամ գէպք եղին իրացն, զոր
 շատ իսկ պատմեն վասն ուժգնահնչակ և
 բազմաշառուչ ձայնի. քանզի ազառաք ո-
 մանք՝ որք ըստ դիպաց անդանօր պարայա-
 ծեալք թռչէին՝ 'ի վայր յասպարէզ անգր
 թօթափեալք անկան: Եւ պատճառք բա-
 նին՝ հերձուլ օդոցդ է. քանզի ձայն տա-
 րիկ և բուռն հարեալ ընդ օդոք, ցելու-
 զնա՝ ոչինչ բաւական այնուհետեւ 'ի վեր
 զթեաւորագ ունել. ուստի և նորա իբրու-
 որք 'ի թափուր միջոցին թռիչա արձա-
 կեալք՝ վայրաբերին. և թէ ոչ՝ օն և օն
 հարուածս իմն ևս առցեն գործ արդեօք
 'ի շառաչմանէդ՝ իբրեւ 'ի փքնէ խմբինէ. և
 այնորիկ ազադառ անշնչայեալք անկանի-
 ցին: Առ այս՝ թերեւ և միջոց փոթորկեալ

յայնժամ յարիցէ յօգսդ, իբրև յորձա-
նուտ 'ի ծովուն, և 'ի լայնատարր իւրում
սահմանին՝ անհնարին յուզմամբ ծփասցի: 2

Արդ եթէ 'ի պահուն 'ի խուռն յառ-
նել հանդիսատեսացն՝ նախահայեաց Տի-
տոս Թափոյ խուժանին՝ չէր տեղի տուեալ
'ի վայրացն, անշուշտ հնար չէր նմա զգէմ
կալ բռնութեանն. այնչափ իմն 'ի կողմանց
կողմանց խռնեալք պնդէին նեղէին զայրն:
Իբրև վաստակեցան յաղաղակէն շուրջ զխո-
րանաւն նորա, ապա 'ի դալ գիշերոյն
դառնային յետս ողջագուրեալք զորս և
դառնէին՝ 'ի բարեկամաց և 'ի քաղաքակ-
ցացն. և 'ի կոչումս և 'ի գինեբրուս խրա-
խացեալք ընդ միմեանս, և մեծապէս հըր-
ճուեալք ըստ ժամանակին, ոչինչ այլ բայց
զԵԼԼագայ զդոյց առնէին. այն՝ զի 'ի մարտս
բազումս և յառաջագոյն երբէք նմա ոչ
յաջողեցաւ ունել զազատութիւն մեծա-
պէս աներկևանութեամբ և ցնծութեամբ.
տարեալ յայնժամ անարիւն և անկոծ
միջանակ՝ գեղեցիկ յոյժ և քաջամարտիկ:
Եւ զայն ինչ դարձեալ զմտաւ ածէին, ե-
թէ արութիւն և հանճար՝ առաքինու-
թիւնք արդոյք են 'ի մարգիկ. իսկ արդար
դքայր՝ յոյժ արդոյ և պատուական է քան
զամենայն բարիս. քանզի Ագեսիզայոսք և
Լիւսանդրոսք և Նիկիայք և Աղկիրիադէսք՝
Թէպէտ և քաջապէս նահատակեալք ընդ-
ծով և ընդ ցամաք, սակայն երբէք զնա-
հատակութիւնսն ոչինչ վարեցին 'ի գեղե-
ցիկ կէտ նպատակի: Եւ եթէ 'ի բայց զՄա-

րաթոնեան առեալ մրցանան և զնաւա-
մարտն զյաղամինայ և զՊղատեայն և
զԹերմոպոլիւէան՝ և զոր յԵւրիմէդոն և 'ի
Կիւպրոս զԿիմոմնին նահատակութիւնն ,
զայլ մարտն առհասարակ մղեաց Ելլադա
ընդդէմ իւր 'ի Ծառայութիւն . և ամե-
նայն յաղթանակք նորա աղէտք էին և նա-
խատինք . քանզի և շատ ինչ 'ի գործոց նո-
րա եղծեալ խաթարէր առ անբարութեան
և ամբարտաւանութեան զօրավարացն : Իսկ
այս արք այլալեզուք կայծա ունելով առ-
կայծեալ և զօգ գուզնաքեայ զվաղնջուց
աղքակցութեանն ընդ Հելլենացիս , որոց
և բանիւք չափ միայն և խորհրդովք օգնեն
Ելլադայ՝ արդեօք սքանչելի էր , սոքա այ-
սոքիկ մեծապէս վտանգօք 'ի փրկութիւն
Ելլադայ՝ 'ի ձեռաց աննուէր տէրանց և
բռնաւորաց այսպէս յանդորդ ազատու-
թեան հանին զնա :

Զայսոսիկ Հելլենացիք յայնժամ զը-
րուցէին . բայց և եկքն այն և օտարք՝ առ
'ի նոցանէն գովութեանցն քաջ իսկ զու-
գակչիւ գային արդեամբք իւրեանց : Քան-
զի անդէն միանգամայն առեալ Տիտոս
զԼէնտղոս արձակէր յԱսիա , յազատու-
թիւն հանել անգանօր զԲարդիւղիացիս .
և զՏիտեղիոս 3 'ի Թրակիա՝ վտարել զպա-
հանորդան զՓիլիպպոսի 'ի քաղաքաց անտի
և 'ի կղզեաց նորա . զնոյն և Պոպղիոս Վիլ-
լիոս նաւէր առ Անտիոքոս խօսել ընդ նմա
վասն ազատութեան Հելլենացւոցն՝ որ ընդ
ձեռամբ նորա . նա և ինքնին Տիտոս ան-

ցեալ 'ի Քաղկիդէ և անտի 'ի Մազնեսիա,
'ի բաց արձակէր անտի զպահապան զօրան,
և անդրէն թոյլ առնէր ժողովողոցն վա-
րել զօրէնսն հայրենի:

Իսկ յետ այսորիկ եղեալ Տիտոսի յԱր-
գոս հանդիսագիր Նեմեան մրցանաց, գե-
ղեցիկ յոյժ կարգեաց զտօնն. և անդ դար-
ձեալ տայր հռչակ հարկանել 'ի ձեռն քա-
րողին զազատութիւնն առ ամենայն Հել-
լենացիս. ապա և քաղաքացն յայց ելեալ՝
կարգս հանձարեղս սահմանէր. հաստա-
տեաց զարդարութիւն. արար միաբանու-
թիւն. յորդեաց սէր քաղաքացեաց. հա-
մոզեաց հերձուածս, և դարձոյց զվտա-
րանդիսն 'ի հայրենիսն: Յանձն իւր զուար-
ճացեալ բերկրէր Տիտոս՝ զի 'ի խաղաղու-
թիւն կրթեաց զՀելլենացիսն, ոչինչ պա-
կաս՝ զի 'ի պարտութիւն զՄակեդոնացիսն
մատնեաց. որպէս զի և Հելլենացիքն առ այ-
լովք երախտեօքն՝ 'ի դուզնաբելոյ սակի զա-
զատութեան շնորհան գրեցին: Է՛ր երբեմն՝
զի Լիկուրգոս հռետոր ապրեցուցեալ
զՔսենոկրատէս իմաստասէր՝ 'ի ձեռաց մաք-
սաւորաց՝ որ բանտարգել առնէին զիմաս-
տասէրն վտան հատուցման սակին, և մաքսա-
ւորացն ևս ընդ կառավին հանէր զխեռու-
թիւնն նոցա, պատմեն՝ եթէ յետ այնորիկ
հանդիպեալ իմաստասիրին՝ որդւոցն Լի-
կուրգոսի, ասէր առ նոսա. „ Գեղեցիկ
դարձ է՝ յոխարինի, ո՞վ մանկու՜նք, հատուցա-
նեմ՝ ես հօր ձերում՝ զի ամենեքին աւագիկ
դովէն զնա վասն որոց յիսն գործեաց “:

Այլ դարձ փոխարինի առ Տիառոս 'ի Հելլենացւոց անտի՝ ոչ գովութեամբ չափ միայն էր, այլ և զի առհասարակ այնուհետեւ մեծապէս վստահացան 'ի Հռոմայեցիս . և նոցուն տէրութիւն յամենեւեան ձգեալ տարածեցաւ : Քանզի այնուհետեւ ոչ մտադիւրս միայն առեալ ժողովէին զոստիկանս և զգորավարո Հռոմայեցւոց, այլ և 'ի խնդիր ևս ելեալ հրաւեր կարգային նոցա, և ինքնակամ անձնատուրք լինէին . ոչ ժողովուրդք միայն և քաղաքք նոցա, այլ և թաղաւորք ինքնին գլխովին՝ հարստահարեալ երբէք յայլոց արքայից՝ երթեալ ապաւինէին առ նոսա. զի և վայրիկ մի ևս՝ ոչինչ թերեւ առանց աստուածակողմանն՝ և յնդհանուրս ամենայնն նուաճեցաւ ընդ ձեռամբ նոցա :

Եւ ապա ինքնին յոյժ ցնծացաւ Տիառոս 'ի վերայ ազատութեանն Ելլադայ . քանզի և 'ի Դեղփիա 'ի ձօն կախեալ աապարտ արծաթի 'ի միասին ընդ իւրումն վահանի, զայս ինչ 'ի վերայ արձանագրեաց .

„ Բարե գո՛ւք՝ Ուրդղայ
Ճետ Քաջին՝ սերունդեան ,
Խայտացեալք՝ յարագտան
'ի վարժից՝ ձիական ,
Փանծալի՝ Սպարտոիոյ
Ո՛վ Արքայք՝ Տիւնգարեան :
Ձեզ Տիառոս՝ Էնէեան
Գերաշուք՝ ձիր ձօնեաց ,
Կեանս ազատ՝ քաջ մանկանց
Ընծայեալ՝ Հելլենաց :

Առ այս՝ և 'ի ձօն կախեաց նա պատկ ոսկի Ապոլոնի, և 'ի վերայ արձանագրեաց այսպէս .

„ Ըզվարտիւք՝ քո անմահ
Ղէտովնին՝ գո՛ւ Զաւակ ,
Ինէեան՝ մեծ Բղդեաշէ
Զոսկեփայլն՝ եգ Պրսակ :
Այլ ո՛վ գու՝ Քաջաղեղն
Հաստածիգ՝ 'ի բաղկի ,
Կորովոյն՝ տո՛ւր ըզուք
Քաջաղին՝ Տիտոսի :

Արդ գէպ եղև քաղաքին Կորնթացաց երկիցս անգամ լսել զնոյն հրատարակ բանին 'ի շնորհս Ելլապայ : Քանզի յայնժամ Տիտոս, և ապա միւսանգամ՝ Ներոն յաւուրս մեր նոյնպէս յիսթմեան հանգիսի՝ յազատութիւն կարգեաց զՀելլենացիս, և Թոյլ ետ վարել իւրեանց օրինոք : Այլ Տիտոս 'ի ձեռն քարոզին՝ որպէս ասացաք . իսկ Ներոն անձամբ անձին հրապարակախօս եղեալ 'ի բեմէն : Այլ այս յետոյ է ժամանակաւ :

Բայց յետ այսորիկ մեեցաւ Տիտոս մարտ մղել գեղեցիկ և իրաւացի ընդդէմ՝ Նարիսայ մարգափոռոշ և եղեռնաւոր բռնաւորի Լակեդեմոնացոց . այլ 'ի վախճանի 'ի գերեա հանէր զյոյս ակնկալութեանն ընկապայ . քանզի ձեռնհաս գոլով՝ ի բուռն զբռնաւորն արկանել, զանցարար . և խաղաղութիւն ընդ նմա արարեալ՝ Թողոյր

Սպարապետ ընդ ըծով բռնաւորի : Կամ՝ զի
զանգիտեաց եթէ յերկարագոյնս ձգեալ
մարտին՝ այլ զորավար՝ ի հռովմայ եկեալ
առցէ զփառս նորա, կամ թէ զարեալ խան-
տայր նա զշուք փառացն Փիլոսոփանեայ՝
որ ահանաւոր յամենայնի և արութեամբ
վահագոյն հեղինացւոյ՝ յաւէտ իմն ի մար-
տին յայնմիկ ահագին քաջութեամբ շա-
հատակեալ, զհամբաւի հարեալ առ Ա-
քայեցեա և շուք ևս ի թատերա առեալ էր
հաւասար Տիտոսի . և արոնէր Տիտոս՝ զի
հռոմայեցւոյ հիւպատոսոյն մարտ մըեալ
ի վերայ ողջոյն Նլլադայ՝ հանգիտապա-
տիւ նմա այլ մի կացցէ Արկադացի՝ զորա-
վար ի մարտս փոքունս և ի սահմանակիցոս
Այլ ինքնին Տիտոս վասն խաղաղութեանն
այնմիկ ի չքմեղս լինէր՝ իբրու անձնաւոր
նկուն զբանաւորն առնել առանց մեծա-
պէս տուգանաց այլոցն Սպարապետոյ :

Բայց յամենայն շուք պատուոյն Տիտո-
սի առ ի յԱքայեցւոյ անտի՝ ոչինչ այլ
զուգահաւասար արգելք երախտեացն նո-
րա գտաւ, բայց պարգև մի ընծայից՝ զոր
յոյժ սիրեաց նա, և էր այսպիսի . հռո-
մայեցւոյ գերին ի մարտին Անիբազայ՝
վաճառեալք ցան և ցիր կային ի սարկու-
թեան ի տեղեա տեղեա . էր ի նոցանէն և
յՆլլադա թիւ հազարաց երկերկուրոյ . և
էին նոքա հիբացեալք յոյժ, մանաւանդ ի
ժամանակի անդ առ Տիտոսի . յորժամ
սպարահէին նոքա միմեանց յՆլլադա, որ-
գիք՝ հալց, և եղբարք՝ եղբարց, և բարե-

կամք՝ բարեկամաց . կէդք՝ ազատք , և կէդք՝ սարուկք , կէդք՝ յազթեալք , և կէպք՝ յազթողք : Թէպէս և մեծապէս վշտըմբեր վասն նոցա Տիտոս , ոչքնչ կամեցաւ հանել զգերին զայն 'ի ձեռաց տեարց իւրեանց : Այլ Աջայեցիք փրկանաւորեալ զնոսա հնգից մնասից առ մէն մի 'ի գերւոյն , և 'ի մի վայր խմբեալ զնոսա առաջի ընծայեցին Տիտոսի՝ մինչքեռ նա ամբառնայր 'ի նաւա . և այնպէս մեծապէս զուարթութեամբ դարձ առնէր Տիտոս , զգեղեցիկ նահատակութեանցն առեալ գեղեցիկ դարձ փոխարինի ըստ արժանի աւագութեանն և սիրոյն առ իւրն քաղաքացիս :

Եւ յայսմանէ ապա պայծառ և ոյր դարէր հանգէս յազթանակի նորա . քանզի այն գերի՝ ըստ որում ծառայք ազատացեալք բնաւորեցան գերծուլ զգլուխս և տանել արտախուրակ՝ զնոյն արարին և նոքա , և այնպէս ուղեկից լինէին Տիտոսի 'ի յազթանակին : Առ այս և շուք ետուն հանգիսին նորա՝ և կապուտ կողոպուտ թշնամեացն , սաղաւարոք հելլենացիք , և վահանք մակեդոնացիք , և գայիսոնք նոցա . ոչ նուազ էին և մ'թերք ընչեց . քանզի գրէ Իսահոս՝ եթէ ձոյլ ոսկի 'ի յազթանակին էր լսերաց երեք հազար և եօթն հարիւր և երեքտասան , և արծաթ՝ քառասուն և երեք հազար՝ երկերիւր և եօթանասուն . իսկ ոսկի գրամահատ փոխապետանք՝ էին անգ թիւր մի և չորեք հազար հինգհարիւր և չորեքտասան . արտաքոյ այսոցիկ՝ և հազար

ևս քանքարաց տուգանացն փերիպպոսի . զոր և ըստ միջնորդելոյն Տիտոսի շնորհեցին նմա Հռոմայեցիք . ետուն ևս ՎՃԻՈ՝ և իւրեանց նիզակակից գրեցին զփերիպպոս , և գարձուցին 'ի նա զորդին՝ որ կայր 'ի պատանդի :

Իսկ յետ այսորիկ հրոս հանեալ Անտիոքոս յԵլլադա բազում նաւուք և զօրու ծանու՝ խռով հարկանէր 'իՔաղաքս քաղաքս , և յապատամբութիւն գրդէր . և էին նմա սատարք 'ի նոյն՝ Ետողացիք , այն որ անգամին խեթիւ հայէին ընդ Հռոմայեցիս և յոժարեալ ևս էին 'ի մարտ , պատճառս առեալք յռամկետս զազատութիւն Հելլենացւոց՝ քանզի և ազատք իսկ էին նոքա յայնժամ . այլ քանզի 'ի պատշաճից ինչ չէր 'ի միջն՝ զնոյն բարուր գեղեցիկ սաղրեցին նոքա Անտիոքոսի : Իսկ անգուտ Հռոմայեցիք կարի զանգիտեալք ընդ կիրա ապատամբութեանն և 'ի համբաւոյ զօրութեանն Անտիոքոսի շրտուցեալք՝ առեալ արձակէին անգր 'ի զօրավար զՄանիոս Ակիլեոս հիւպատոս , և զՏիտոս գարձեալ՝ իբրեւ գեսպան վասն գեղեցիկ համբաւոյ առն առ Հելլենացիս , որոց յերեան միայն եկեալ առաջին՝ զկէսս որ տակաւին միամտեալ կային առ նոսա՝ առաւել ևս պնդէր . և զկէսս՝ որ յերերի կային , միւսանգամ արծարծէր 'ի սէրն . իբրեւ ճարտար՝ որ 'ի ժամու զգեզն խօթացելոցն տացէ , այնպէս զախտն կարճէր և զկիրան սանձէր : Սակայն և նուազունք ոմանք կացին ան-

բուժեցիք, որ դրաւեալիսէ ելին 'ի հրապոյրս Ետողացւոցն. զորս ասպա ինքնին Տիտոս՝ Թէպէտ և սրտմտեալ էր՝ յետ մարտին յանձանձեալ պաշտպանէր : Քանզի Անտիոքոս 'ի պարտութիւն մատնեալ 'ի խուճապ տաքնապին և փախստեայ նաւեալ յԱսիա, Մանիոս հիւպատոս ինքնին գիմեալ հասանել ունել զԵտողացիս, զիէսս ինքն պաշարեալ պահէր, և զիէսս Թողոյր Փիլիպպոսի եղծանել աւերել : Իբրեւ Մակեդոնացին յաւարի առեալ կապուտ կռ զսպուտ Թողոյր զԴողդուպացիս և զՄաքնեացիս և զԱթամանացիս և զԱպերանթալցիս, և անդուստ ևս Մանիոս հիմն 'ի վեր տապալեալ զԵրուսղէս՝ պաշարէր զՆաւպակտոն կալուած զԵտողացւոցն, 'ի գութ շարժեցաւ Տիտոս վասն Հելլենացւոցն այնոցիկ, և ամբարձեալ 'ի Պեղոպոննիսեայ՝ գէմեգեալ չղբաւ առ հիւպատոսն : Անդ զառաջինն կացեալ կշտամբէր զնա, զի յաղթական ինքն գոլով զմրցանակն եթող տանել Փիլիպպոսի. և զի՝ 'ի ընդ զսրտմտութիւն բարկութեանն անդէն կայ մնայ ժամաւաճառ՝ պաշարումն միոյ ածեալ քաղաքի, յորժամ անդ Մակեդոնացիք յառաջագէմք՝ ժողովուրդ ոչ տակաւ և արքայս ընդ ձեռամբ նուաճեն :

Իսկ իբրեւ անդուստ պաշարեալքն 'ի պատուարացանտի զՏիտոս յակն արկեալք՝ ակասն կարգալ զնա և ձեռս տատանեալ առ նա՝ պաղատէին, նա առ ժամն ոչինչ խօսեալ, այլ զգէմնն դարձուցեալ և ար-

տասուս հեղեալ, մեկնէր 'ի վայրացն : Եւ յետ այնորիկ զբանիւք ընդ Մանիոսի անկեալ, ամոքէր զքառամին և ժամանակ պարապոյ տայր տալ Ետողացւոցն՝ առաքել հրեշտակս 'ի հռոմ և խնդրել պայմանս հաշտութեան չափաւորս : Այլ քիրոն մեծապէս այն էր Տիտոսի ողորդել զՄանիոս վասն Քաղկիդացւոցն . քանզի 'ի սրտմտութիւն մեծ բրգեալ էր Մանիոս վասն հաղաանեացն Անտիոքոսի՝ զոր ածէր 'ի Քաղկիդացւոց անտի 'ի ժամանակի անգպատերազմին՝ 'ի տարաժամ հատակին . քանզի անցեալ ուրեմն նա զաւուրդք՝ հարաւ 'ի սէր օրիորդի գասերն Կղէոպատրմեայ՝ չքնաղազեղ յոյժ՝ որպէս ասեն յաւմենայն օրիորդս . և ապա այս տուփանք ետուն Քաղկիդացւոցն բնաւ իսկ 'ի Թագաւոր անդր հակամիտել . և 'ի ձեռս ևս տալ նմա զիւրեանց քաղաքն 'ի նստոց մարտի պատերազմին : Իսկ իբրև հարաւ Անտիոքոս , ճեպով փախստեայ 'ի Քաղկիդեհեղեալ և առեալ յինքն զօրիորդ հարսն և զընչիցն մ'Թերս և զբարեկամս իւր , նաւեաց անց յԱֆիս : Այլ Մանիոս մոմեւեալ 'ի սրտմտութիւն բարկութեան՝ վաղվադակի գիմեալ խաղալ 'ի վերայ Քաղկիդացւոց : Իսկ Տիտոս զհեա գնացեալ նորա՝ դուն գործեալ բարեխօսէր վասն հելլենացւոցն այնոցիկ և ամոքէր զՄանիոս . և 'ի վերջէ ապա յողորմ անկեալ ածէր հաւանեցուցանէր զնա և զայլս ևս յաւագացն հռոմայեցւոց :

Եւ այնպէս ապա փրկեալ Քաղկիդացւոցն՝ առեալ ձօնէին Տիառսի զգեղեցիկն և զհոյակապն՝ ՚ի ձօնից քաղաքին իւրեանց, յորոց և ՚ի միումն մինչև ցայսօր ժամանակի է տեսանել արձանագրութիւն զայս . ժողովօրդս՝ Տիգրանի և Հերակլեսի, զայս Արարեալ : Եւ ՚ի միւսում այլ դարձեալ՝ այսպէս . ժողովօրդս՝ Տիգրանի և Արարեանի զԴիւքիինիս : Եւ աստ ևս յաւուրս մեր կարգեն ընտրութեամբ Քաղկիդացիք քուրմ Տիառսի . և զո՛հ յաղեալ նոքա նմա յետ նուիրաց ձօնիցն , Տաղ ՚ի նուագ՝ առնուն ՚ի գրուատ նորա . զոր ՚ի բաց զայլսն թաղեալ մեր՝ զի երկայն է յոյժ , ասասցուք զվերջ նուագին՝ զոր երգեն նոքա այսպէս .

Մեք անխառն՝ հաւատոյն՝ Հռոմոց ,
Մեծապէս՝ շուք պաշտօն՝ հարկանեմք .

Մեք ՚ի նոյն՝ և երգումն՝
Յուշ ունել՝ արդ կրուեմք :
Երգ առէք՝ Օրիորդք
Ըջմեծին՝ Որմեղցայ .
Տուք նրւագ՝ և Հռովմայ
Եւ ՚ի նոյն՝ Տիառսի .
Երգեցէք՝ միաբան
Եւ զհաւատ՝ Հռոմոց :
Քեզ Պէյան՝ ո՛վ փերէ,
Քեզ Տիառս՝ ո՛վ փրկիչ :

Շուք գեղեցիկ էառ նա և յայլոց ևս Հելլընացւոց, և բնաւ իսկ՝ էր ճշմարիտ և յանկեղծաւոր սիրոյ մեներմութեան նոցա առ

Նա վասն հեշտ և հանդարտ բուսոյ բարուց առն. որով եթէ և երբէք 'ի վէդ գայր նա կամ վասն ինչ գործոյ կամ թէ 'ի կրօն ինչ նախանձաւորութեան (ըստ որում ընդ Փիլոսոփանեայ և ընդ Դիոփանեայ զօրավարացն Աքայեցւոց), ոչ աննուէրս ինչ վարէր, և ոչ զցատումնն արդիւնացուցանէր. այլ փաստս բանականս շատ էր նմա ասել ազատօրէն և գեղեցիկ յանդըդ-նութեամբ: Երբէք նա խտրութեամբ ոչ գնալը. սակայն և թուէր իմն բազմաց ցատկոտ այր և թեթեւբարոյ: Այլ էր նա հեշտ և բազմալի առաւել քան զամենեւեան 'ի վարսն և զուարթամիտ, միանգամայն և 'ի խօսան՝ պերճ:

Քանզի էր երբեմն զի 'ի բաց զԱքայեցիսն կամելով քեցել 'ի տիրանալոյ կղզոյն Զակիւնթացւոց, ասէր՝ եթէ 'ի մեծապէս վտանգ արդեօք պաշարեսցին նոքա՝ թէ երբէք ըստ Փեղոպոննիսոս արտաքս կարկառեցեն զգլուխս իւրեանց՝ իբրու զկրիայո ոմանս: Իսկ և զառաջին նուագն յորժամ վասն բանի պայմանացն երեսեցան միմեանց Տիտոս և Փիլիպպոս, յասել անդ Փիլիպպոսի վասն իւր զի միայնակ եկն, և ընդ Տիտոսի բազումք են, ետ պատասխանի Տիտոս. Դու ինքնին զքեզ միայնակ կացուցեր՝ 'ի մահ զբարեկամդ և զազգականսդ մատնելով: Իսկ և երբեմն գինեհարեալ Դինոկրատէս Մեասենացի 'ի կռուանս ուրեք 'ի Հռոմ՝ յարեաւ կաքաւել 'ի բազմականին 'ի հանդերձ կանացի. և

ապա յեկրորդումն աւուր եկեալ աղաչէր զՏիտոս օգնել 'ի խորհրդեան նորա՝ զի կամէր նա զՄեծինէ սարտուցանել Սքայեցւոց անտի. ետ պատասխանի Տիտոս՝ խորհել վասն բանին այնորիկ . սակայն և զարմացեալ իմն ասէր զանձն՝ զիմորդ այր այնպիսի 'ի մեծամեծս ձեռնամուխ՝ 'ի կաքաւս գինեւրդուաց տացէ զանձն և 'ի ցուցս: Առ այս՝ և յորժամ դեսպանք Անտիոքոսի պատմեալ Սքայեցւոց զբազմութիւն մեծ զօրաց արքային, յանուանս իմն բազմագիմակս ընդ համար արկանէին զնոսա, ասէր Տիտոս. եթէ էր երբեմն յընթրել իւրում առ ումեմն կոչնատեառն և 'ի զարմանալն և 'ի յանգիմանելն՝ զի այնչափ բազմամթեր մտովք լցեալ էր սեղանն, և պատրաստեալ գումակ գումակ կերակրովք, ետ պատասխանի կոչնատէրն՝ եթէ առհասարակ կերակուրդ զմի միայն ունին զխոզենին. և բազմագիմակք են՝ զի բազմօրինակ խահարարութեամբք ամղեալ են. “ Մի ուրեմն և դուք ինքնին, ասէր Տիտոս, մի զարմասլիք ո՞րք Սքայեցիք ընդ բազմաձեռն զօրութիւն Անտիոքոսին՝ 'ի լսել անդ ձեր զնիզակաւորաց, զտիգաւորաց, և զհետեակաց. քանզի Ասորիք են գոքա առ հասարակ, և զինուք չափ և եթ զանազանեալք են ”:

Բայց Տիտոս յետ նահատակութեանց իւրոց յԵլլագա և յետ մարտին ընդդէմ Անտիոքոսի ընտրեալ կարգեցաւ համարակալ. աւագութիւն՝ բնաւիցն այլ զէհա-

դոյն, և ծաղաղիւր կատար քաղաքականութեանն. և կալաւ իւր իշխանակից զորդին Մարկեղղոսի՝ այն որ հնգիցս եկաց հիւսիստոս : Ողբ և՛ ի բաց ՚ի Սինկղիտոսէն հանին նոքա յայնժամ խորհրդականս չորս՝ ոչ յոյժ յականաւորաց անաթի . առ այս և ՚ի քաղաքացիս ընկալան զամենայն ազատածին մարդիկ որ միանգամ խնդրեցինն . և ՚ի նոյն ատիպեցան նոքա ՚ի Տերենտիոսէ ժողովրդապետէ՝ որ զնոյն վճիռ տայր ժողովրդեանն տալ ՚ի ներքս ընդ հակառակս չքոյ աւագանւոյն : Իսկ յերկուց անաթի արանց ահանաւորաց և աւագաց յայնժամ՝ ի քաղաքին, որ ՚ի կադի էին ընդ միմեանս, այն են Սկիպիոն Ափրիկանոս և Մարկոս Կատոնն, զառաջինն նախաթոռ Սինկղիտոսին բազմեցոյց Տիտոս՝ իբրեւ ալր քաջալաւ և աւագ. իսկ ընդ Կատոնի գէպ եղև նմա խեթանալ ՚ի գիպուածոյ իմեքէ, որ էր այսպիսի : Լեւկիոս Փլամինիոս եղբայր Տիտոսի՝ ոչինչ ՚ի գեղեցիկ բոյս բարուցն նմանեալ նմա՝ գրգասէր և անպատկառ, ունէր իւր ՚ի տարփածու պատանեակ մի. զոր և ընդ իւր շրջեցուցանէր ՚ի ջորավարութեանն և ՚ի կուսակալութեանն : Դէպ եղև ՚ի կոչումս ուրեք յազուաբանել պատանեկին առ նա, ասէր ըղձակաթ յոյժ առ նա լինել՝ որպէս զի և վասն նորա թողուլ լքանել զմենամարտկաց տեսարանն, թէպէտ և երբեք ՚ի զնին սպանութեան չէր կացեալ . և այնպէս նախապատիւ զնա քան զբերկրանս արար տեսարանին : Առ

այս Լեւկիոս խնդադին ասէր ցապատանեակն. “ Մի ինչ քեզ այդ ծանր թուեսցի. գոյ ինձ գարման ըզձին քում տանել “. ապա հրաման տայր Լեւկիոս զառաջեաւածել 'ի կապարանէն զմի ոք 'ի մահապարտաց . և կոչեալ զպաշտօնեայն 'ի նոյն վայր կոչնոցն հրամայէր գլխատել զնա : Այլ վազերիոս Անտիաս ասէ՝ գործել զայն Լեւկիոսի ոչ 'ի շնորհս պատանւոյ, այլ երկտառարգուհւոյ՝ զոր սիրէր : Իսկ Լիվիոս պատմէ՝ արձանագրեալ 'ի Վատովնէ յիւրում գալրութեանն, եթէ Գաղատացի ոմն փախստեայ եկեալ հանդերձ որդւովք և կնան 'ի գուրս անդ կոչնոցն՝ ժողովի 'ի Լեւկիոսէ, ապա 'ի նորուն ձեռացն սպանանի 'ի շնորհս տարփածութիւն : Այլ թուի զայս այսպէս ասացեալ Վատովնի յաճեցուցանել զամբաստանութիւնն, իսկ թէ ոչ Գաղատացի ոք էր փախստեայ՝ սպանեալն յայնժամ, այլ մի ոք 'ի մահապարտաց անտի, զայս մեզ վկայէ բացայլոց բազմաց և ինքնին Վիկերոն հռետոր 'ի բանն յաղագս Ծերութեանն, տալով զնոյն պատմել Վատովնի :

Եւ ապա յայս պատճառաց՝ կարդեալ Վատովնի համարակալ և սրբեալ զՍինկղէտոսն, 'ի բաց 'ի ծերակուտէն մերժէր ըզ-Լեւկիոս՝ թէպէտ և այր սուսգ հիւպատեան, և գործն՝ անփառուանկ գտաւ և նմին իսկ Տիմոսի եղբորն. ուստի և յանդիմանեալք ժողովրդեան Տիմոս և Լեւկիոս սրտաբեկք և սրտառուլք՝ արտասուօք թա-

խանձ արկանէին քաղաքացեաց իրաւացի՝ ըզհաւաստիս զանշքութեն զայնորիկ զհոյաւ կապ զարմին առաջի առնել Վատոմնի։ Անգանոր Վատոմն պարզերես արձանացեալ հանդերձ իշխանակցաւն, հարցանէր զՏիտոս՝ եթէ իրազգած ինչ ինքն լեալ իցէ բանի կոչնոցն . իբրեւ պատասխանի ետ Տիտոս՝ եթէ ճշ, եկաց Վատոմն և ոճով պտտմէր զամենայնն . և ձայն ևս տալոյ էււկիոսի յերգումն՝ եթէ սուտ կայցէ՝ ի բանսն . իբրեւ էււկիոս պապանձեցաւ, տուաւ դատակնիքն ի վերայ առն, և Վատոմն շքով ուղեկից լինէին ի տուն յատենէ անտի։ Այլ Տիտոս ի խոր յոյժ խոցեալ ընդ ազէտս եղբորն, չղբաւ միաբանեցաւ ը վաղըն ջուց ոխերիման Վատոմնի, և զօրացեալ ի Սինկղիթոսին՝ ետ անվաւեր առնել և ի բաց ջնջել զամենայն իսկ զնորա վասն քաղաքին զծախան՝ և զի վարձու տալն և զգնելն, և ամբաստանութիւնս ևս մեծ յուղեաց ընդդէմ առն . այլ չգիտեմ իսկ եթէ ողջախոհ քաղաքականութեամբ այն ալէս ի թշնամութիւն անհաշտ բերեալ ընդ օրինապահ իշխանին և ընդ առաքինի քաղաքացւոյ մարդասիրելով առ եղբայրն՝ անարժան ազգատունին և պատուհասին արժանի։ Այլ սակայն ի թատերական տեսարանի երբեմն ի խմբել ժողովրդոցն, և Սինկղիթոսին ի բազմել ի կայանի իւրում՝ շքեղ և երեւի ըստ սովորութեանն, այն ինչ զ էււկիոս յակն արկին ժողովուրդք նստեալ անփառունակ ի յետին տեղոջ .

ի գուժ շարժեալ ազազակաւ տեղի այլ հրամայելին նմա, մինչև նա անցեալ գայր բազմէր ի մէջ հիւպատեան աւազանւոյն:

Արդ Տիտոսին տնկակից պատուասիրու թիւն՝ ցոր վայր շատ խակ ունէր նիւթ ըզմադասն՝ զոր պատմեցաք, շուք հանգեր ձեաց նմա. (քանզի և հաղարասպետ միւսան գամ յետ հիւպատոսութեանն ինգրեաց ինքնին կալ անհրաւէր և անկոչ) : Սակայն զաւուրքք անցեալ նա և գժպատեհ այնուհետև յառաջնորդութիւն, անշքա նայր ի պատուասիրութեան անդ իւրում, ոչ ասնձաղոծելով զանձն ի փառան. և տակաւին զհետ երիտասարդական լինելով աշխուժից, յորժամ պարտ և արժան էր նմա զնշխարեալ աւուրան անգրօս անցուցանել: Եւ թուի յայնպիսի իմն կրկն բերեալ նորա գործել զքանն զայն առ Աննիբաղ, որով և գժպհի գտաւ նա բազմաց:

Քանզի Աննիբաղ գաղտ փախտեայ ի Կարքեդոնէ՝ եկեալ ապաւինեալ էր առ Անտիոքոսի. իսկ իբրև Անտիոքոս անկաւ բեկաւ ի Փոխագիա, և ի հաշտութիւն եկեալ մտագիւր յանձն առնոյր զգաղնան, միւսանգամ Աննիբաղ փախտեայ յայտ կոյս յայն կոյս թափառական՝ հուսկ ապա եկեալ գաղարէր ի Բիթլունիա՝ և անդ սպաս հարկանէր Պրուսիասայ արքայի, և գիտէին զայն Հռոմայեցիք առհասարակ, այլ զանց առնէին զնովաւ. զի և ի ծերու թիւն յեցեալ իսկ էր այրն և յուժոյն վատեալ. իբրու որ համբուն ոտնհար առ

'ի բաղդէն եղեալ իցէ : Արդ գետապան Տի. տոս 'ի Սինկղիտոսէն առաքեալ առ Պրո. տիսս վասն ինչ գործոյ, անդ առ արքայի տեսեալ նորա զԱննիբաղ՝ 'ի մեծ բարկու. թիւն բողբեր զի տակաւին կենդանի կայր Աննիբաղ . իսկ Պրոտիսս թէպէտ և յոյժ յազերս անկեալ պաղատէր վասն ողորա. ւոր առն և իւրում ընտանւոյ՝ ոչինչ կա. բաց վճարել : Էր իսկ վաղնջուց պատգամ՝ զհամբաւի հարեալ վասն մահուն Աննի. բաղայ՝ օրինակ այսպիսի . եթէ՝ Լիբիւսսա ծածկեացէ գետին՝ զԱննիբաղայ զմարմին : Այլ Աննիբաղ կարծեալ Լիբիւսսա զայն երկիր, մնայր թաղումն առնուլ 'ի Կար. քեզոն՝ անդանօր զկեանսն վճարելով : Բայց է 'ի Բիթիւնիա վայր աւաղուտ առ ծովուն, և մօտ անդ է շէն ոչինչ մեծ՝ ո. րում անուն կարգան Լիբիւսսա՝ յորում և գազարեալ իսկ էր Աննիբաղ . ուր և ցանդ 'ի կասկածի առ 'ի տկարութենէն Պրոտիսսայ և յահէն հռոմայեցւոց՝ ուղիս եօթն տոորերկրեայ հատեալ էր, որ 'ի տանէ ընակութեանն հանելին 'ի վայրս իմն այլ և այլ և բացաձիգա :

Արդ լուր առեալ յայնժամ Աննիբաղ զհրամանին Տիտոսի՝ 'ի փախուտ խուճա. պեցաւ ընդ գողուղի անցան . այլ անկեալ 'ի ձեռս զօրականաց արքային, խորհեցաւ երթալ զեւրովի : Կէպք ասեն՝ եթէ զվե. րարկուն իւր տարեալ զպարանոցամ, հրա. ման տայր միում 'ի ծառայիցն պնդեւ զայն ընդ ծունկն և յետս ընդ կրունկն սատարի

և բուռն քաղցեալ կործանել զնա, մինչև հեղձամեղձուկ եղեալ մեռանէր: Իսկ և կէսք ասեն՝ եթէ Թեմիստոկլէայ զնմա նութիւնն բերեալ և զՄիգեայ, ըմպէր ցլու արիւն: Իսկ Լիմիոս պատմէ՝ եթէ գեղ մահու ունելով նա առ իւր՝ խառնեաց զայն յարբումն և բաժակ 'ի ձեռին՝ ասէր այսպէս. «Ա՛ղէ հանգուացուք մէք միանգամ՝ զհռոմայեցիսդ՝ 'ի բազմագէմ՝ հռ գոցդ, որոց երկարածիգ և գժոխըմբեր թուի՝ մնալ օրահասին առն ծերունայ՝ զոր տոեան գղբա: Սակայն ինքնին Տիտոս ո՛չ տարցի յիմ՝ վերայ յաղթանակ նախանձեղի, և ո՛չ իւրոցն նախնեաց արժանի. որք անդ՝ 'ի կռուել Պիւռոսի ընդ նոսա և 'ի յաղթել, գաղա առաքեցին իրազեկ առնել զնա վասն գեղոյն՝ զոր խառնէին նմա»: Եւ օրինակ զայս ասեն մեռանել Աննիբալայ յայնժամ:

Իսկ իբրև լուր բանին հասանէր առ Սինկղէտոսն, շատից ատելութեան արժանի երևէր Տիտոս, և ծայրայեղ յոյժ և ա՛նագորոյն. զի սպան զայրն՝ որ արգէն իսկ հիջացեալ կեայր իբրու հաւ լքեալ 'ի ծերութենէն անփետուր և անձեռ. և զի՝ և ոչ ինչ բռնադատեալ՝ առ 'ի փառացն ձգեալ պատուասիրեաց Տիտոս 'ի մահն Աննիբալայր Առ այս գարձեալ՝ 'ի յուշ բերեալ նոցա և զհեղութիւն և զմեծանձնութի զՍկիպիոնի Ագրիկանոսի՝ առ Տիտոսիւ յոյժ առաւել հրաշացեալ կային նոքա ընդ աւագ այրն, որ 'ի պարտութիւն զԱննիբալ

մատնեալ 'ի Լիբիա՝ զահաբեի Թշնամին և զանկռուելին, ոչինչ 'ի հայրենեացն տալազիր հաներ նա զայրն, և կամ խնդրէր ինչ զնա 'ի քաղաքացեացն. այլ զքանիւք անկեալ ընդ նմա մինչև կռուեալ, մարգաթրապէս հիւրընկալէր զնա. և ապա յետ կռուոյն՝ 'ի հաստել ընդ նմա խաղաղութիւն՝ ոչինչ հարստահարեաց զնա կամ ոտնհար ինչ լինէր ձախողակ բաղդին նորա: Եւ ասեն՝ եթէ և յԵփեսոս Է զի գտան 'ի միասին Աննիբաղ և Սկիպիոն. և զառաջինն 'ի ճեմել անդ ուրեք նոցա, ըզբարձերէց կողմն այնպէս անձին կարեալ Աննիբաղայ՝ հեղաբար տարու զայն Ափրիկանոս և այնպէս ճեմ առեալ չըջէր ընդ նմա. ապա զքանիւք անկեալ նոցա վասն զօրավարաց, իբրեւ Աննիբաղ զԱլեքսանդր նախաթու ասէր իբրեւ քաջարի քան զամենայն զօրավարս, և երկրորդ կարգէր զՊիւռոս, և երրորդ գասէր զանձն իւր, անդ Սկիպիոն մանր ժպտեալ՝ ասէր. “ Եւ զինչ ապա, եթէ չէր իմ պարտեալ զքեզ”. Ետ պատասխանի Աննիբաղ և ասէ. “ Իսկ յայնժամ ով Սկիպիոն, ոչ երրորդ, այլ առաջին զիս գասէի զօրավարաց”: Ապա ընդ քաղաքավարութիւն ընդ այս Սկիպիոնի զարմացեալ Հռոմայեցւոց, անարգեալ լինէր Տիտոս՝ զի ձեռն մխեաց 'ի գիտկն օտարական:

Այլ յայտ ամենայնի վերայ էին էին և որք 'ի գովութիւն առնուին զՏիտոսի գործն. և համարէին զԱննիբաղ՝ ցորվար

կենդանի էր՝ իբրեւ հուր որում՝ արծարծողի միայն պէտք իցեն . և տակին եւ՝ եթէ և ոչ յորժամ՝ ՚ի ծաղկի էր Աննիբալ և յուժի, նորա ինչ մարմինն և ձեռք ահա ընկէց Հռոմայեցւոցն էին, այլ մեծապէս ուշիմութիւն առն և հմտութիւնն զոգ ընդ անկակից իւեթին և ատելութեանն՝ որ ոչ վատեսցին արգեզք ՚ի ծերութենէն, իբրեւ բնութիւնն յաւերժացեալ կայ մնայ ՚ի բարոյս իւր . և զի և բախտն ինքնին չկայ միշտ ՚ի նմին կայի, այլ ՚ի հիքանալն՝ դրդէ վառէ յուսով ակնկալութեանն՝ փորձ զնորոց փորձել միջանայ, զորս միանգամ առ ատելութեանն անդուլք ՚ի կռուել իցեն ընդ այլս :

Եւ արգեզք որ յետ այնորիկ գէպք իրացն՝ մեծ եւ վկայութիւն ՚ի ներքս բերին ՚ի կողմն Տիտոսի . քանզի և Արիստոնիկոս որդի Վիթառերդակի ուրումն ողջոյն զԱսիա վեր ՚ի վայր արար յազմուկս շքութից և ՚ի մարտս պատերազմաց վասն փառացն Եւմենեայ : Առ այս և Միհրդատ ինքնին գլխովին յետ հարուածոյն ՚ի Սիդղայէ և ՚ի Փիմֆրեայ և յետ մահուց ամբաւից իւրոյ զօրականին և զօրապետաց, դարձեալ միւսանգամ իսաղաց գիմեաց զորու ծանու ընդ ծով և ընդ ցամաք ընդգէմ Լուկուզդեայր Դարձեալ առ այս՝ չէր ինչ Աննիբալ առաւել հիքացեալքան զԳայիոս Մարիոս . քանզի էր իսկ նորա բարեկամութիւն ընդ արքայի ումմն, էին նորա զօրավիգն և ընտանեակք, և խնամակալ

ևս 'ի վերայ կարգեալ էր նաւաց և այրու-
 ձիոյ և զօրականի . իսկ անդ Մարիոս Թա-
 փառական և մուրիկ ընդ Ափրիկէ՝ զոր և
 Հռոմայեցիք ինքնին յնչաց քերէին ըզ-
 բախտն նորա , սակայն և յետ ոչ բազմաց
 ինչ եկեալ մտեալ նոյն այր 'ի Հռոմ քա-
 ղաք՝ մահուան և չարչարանս ածէր 'ի վե-
 րայ նոցա , և նոքա այնպէս ընկճեալ սպա-
 տաւորութիւն հարկանէին առաջն նորա :
 Եւ այսպէս ապա չնք ինչ յառաջիկայիցդ՝
 որ մեծ և կամ փոքր իցէ առ հանդերձե-
 լովն . իբրև չնք վախճան փոփոխութեան
 նոցա , բայց Թէ յորժամ վախճան լիցի
 գոյութեան նոցա : Եւ վասն այսորիկ կէսք
 ասեն եթէ ոչ անձամբ անձին գործեաց
 զայն Տիտոս , այլ գեսպան առաքեալ նա
 ընդ Լեւկիոսի Սկիպիոնի միայն 'ի պատ-
 ճառս մահուն Աննիբազայ :

Եւ արդ քանզի յետ այսոցիկ՝ ոչինչ
 այլ պատմութիւն գիտեմք մեք զգործոց
 Տիտոսի քաղաքական կամ զնուորական ,
 այլ Թէ խաղաղականին վնասկեցաւ նա
 մահու , ժամ է այսուհետև բուռն զգու-
 րակշռութենէն հարկանել :

ԶՈՒԳԱԿՇՌՈՒԹԻՒՆ

ՓԻԼՈՊՈՍԵՆԵԱՅ

ԵՒ

ՏԻՏՈՍԻ ՓԼԱՄԻՆԻՈՍԻ

Երբ որ ըստ բազմազէմ երախտեացն առ Հելլենացիս՝ զուգակշիռ Տիտոսի երբէք զի գայ փիլոսոփէն . նա և զի բազումք այլ յաւազաց անտի՝ լաւագոյնք քան զփիլոսոփէն : Քանզի այլք ոմանք Հելլենացիք գոլով մարտ եղեալ կռուեցան ընդ Հելլենացիս . իսկ սա՝ որ Հելլենացի չէր՝ մարտեաւ 'ի վերայ Հելլենացւոց : Եւ յորժամ փիլոսոփէն ոչինչ յաջողեալ օգնեւ 'ի կռուին իւրոց հայրենեացն՝ անց չորսաւ 'ի Կրետէ, Տիտոս 'ի պարտութիւն զփիլոսոփոս մատնեալ անդէն յԵլլադա, յազատութի 'ի վեր հանէր յայնժամ զազգս և զքաղաքս :

Այլ ապա 'ի քնին առեալ զմարտս պատերազմաց երկոցուն գոցա, տեսանեմք՝ հարուածս մեծ ևս փիլոսոփէնեայ 'ի վերայ Հելլենացւոցն ածեալ 'ի զօրավարու-

Թեանն Աքայեցւոյ, քան զՏիտոս 'ի վերայ Մակեդոնացւոյ՝ յոգնականութեանն հեղինացւոյ :

Իսկ ըստ խակութեան նոցա՝ Տիտոս 'ի պատուասիրութենէն գրգէր և վառէր . և փիլոսոփան 'ի կռուայոյժ բարոյեցն . ուստի և 'ի սրտմտութեան բարկութեանն՝ առաջինն հեշտին տեղի տայր . և եկրորդն յամառ՝ հազիւ ուրեմն զիջանէր : Քանզի Տիտոս զարքունի զարձն պահեաց եթող փիլիպպոսի և մարգասիրապէս ներումն տայր Եստղացւոյ : Իսկ փիլոսոփան առ սրտմտութեան ցասմանն՝ զոկէր զհայրենի աշխարհն 'ի հարկաց անտի արուարձան, ետլցն նորա :

Առ այս գարձեալ՝ առաջինդ ցանգանյեղքի եկաց բարեկամ իւրոց բարեբարեւոցն . իսկ վերջինդ՝ ցանգ պատրաստ առ ցասմանն ազարտել զիւրն երախտիս : Քանզի զառաջինն երախտաւոր լակեղեմոնացւոցն գոլով փիլոսոփան, ապա հիմն 'ի վեր առնէր և զպատուարս պարտպաց նոցա և յաւարի առնոյր զերկիրն , և հուսկ ապա՝ փոխէր խաթարէր և զքաղաքակալութեան կարգ նոցա : Եւ Թուի Թէ՝ և առ Թադի ցասմանն և կռուայոյժ կրեցն գիմադրաւեցաւ նա 'ի մահն, 'ի տարադէպ ժամու գիմեալ 'ի Մեսսինէ և յեռանգն գժպատեհ՝ ոչ 'ի ճահ զցուշացեալ զօրականին :

Այլ սովայն ըստ բազմադէմ պատեւրադմացն և յազմանակացն քաջ իսկ 'ի

գէմն երեք փխրալիմէն զգեղեցիկ վարժան.
քանզի ընդ Տխտոս և ընդ Փխիպպոս կռիւք՝
'ի մարտս յերկուս սահմանեցան . իսկ Փխ.
լուպիմէն նահատակեալ քաջութեամբ յամ
բաւութեան բերուց մարտից, չեթող տե-
ղի յերկուսնաց՝ արդեօք 'ի բախտէն մա-
նաւանդ. այնպէս գեղեցիկս յաջողեցան
նմա իրք, եթէ առ 'ի վարժից հմուտ-
ութեանն : Առ այս գարձեալ՝ մին փառս
անձին ժառանգեաց 'ի զօրութենէ անտի
խրոցն Հռոմայեցոց՝ որ հզօրացեալք իսկ
էին 'ի ժամուռն . իսկ միւսն ծաղկէր՝ յոր-
ժամ ինքնին Ելլադա խամրեալ իսկ էր .
որպէս զի և միոյն գեղեցիկ նահատակու-
թիւնք ողջ նորա առանձին գտան . իսկ
միւսոյն՝ հասարակաց . քանզի մին՝ լաւ և
քաջութեամբ զօրավար եկաց . իսկ միւսն՝
այնպիսիս ոմանս առադրեաց զնոսա 'ի զօ-
րավարել խրում :

Բայց քանզի ընդդէմ խրոցն Հելլե-
նացոց յարդարեցան մարտքն Փխլուպիմե-
նեայ, անշուշտ ապա 'ի բանին յայնմիկ
ոչինչ երջանկացաւ նա . այլ սակայն և հա-
ւաստիք գեղեցիկ կացին նոքա առաքինու-
թեան նորա . քանզի որք միանգամ յամե-
նայնին զուգահաւասարք իցեն, միայն ա-
ռաքինութեամբն արդեօք բաւական իցեն
այնպիսիքն ականաւոր լինել . ուստի և նա
մարտ ընդ քաջամարտիկան մղեալ Հելլե-
նացոց՝ որպիսիք ոմանք Արեապիքն էին
և Լակեդեմոնացիք, խորամանկութեամբ
պարտեաց զառաջինն՝ որ խորամանկա-

գոյնք ևս էին քան զամենայն մարդիկ . և արութեամբն՝ նկուռն արար զվերջինսն՝ որք կորովեք յոյժ էին :

Դարձեալ առ այս՝ վանէր պարտէր Տէրտոս առ ձեռն պատրաստութեամբն, զէնս 'ի գործ առեալ և զդինակ գաստուորութեան՝ դուրոցն նախնեաց . իսկ փխլալի մէն՝ ինքնագիւտ հանգերձանօքն, նորա 'ի ներքս բերելով, և զձեն փոխելով զգաստուորութեան դուրոյ ժամանակին . ուստի միումն պէտք եղէն ճարտարել զորս լինին՝ գործիս առ 'ի յաղթութիւն. իսկ միւսումն 'ի վար միայն արկանել՝ զորս էինն 'ի միջն :

Իսկ ըստ շահատակութեան ձեռին նոցա՝ բազում ինչ և մեծամեծք պատմին յաղաքս փխլալիմենեայ . և յաղաքս Տէրտոսի՝ ոչինչ այնպիսի . նա զի և Աթիգեմոս ոմն Եսողացի ծանակէր զՏիրոսս, զի ինքն 'ի խաղալ գոռալ սուսերամերկ 'ի խումբս անգր Մակեդոնացւոցն մարտկաց, անգուտտ Տիրոսս ձեռս յերկինս 'ի վեր ամբարձեալ կայր և ազօթս մատուցանէր :

Առ այսոսիկ՝ և գեղեցիկ զամենայն գործեաց Տիրոսս 'ի զօրավարութեան իւրում և 'ի դեպանութեանն . իսկ փխլալի մէն զոյգ առաքինացաւ և քաջացաւ միանգամայն և 'ի տոկականութեանն իւրում և 'ի զօրավարութեանն Աքայեցւոց . քան զի զօրավար կացեալ՝ 'ի բաց 'ի Մեռենեայ վանեաց զՆաբիս և զքաղաքն յաղատութիւն հանէր . և ապա սոսկական՝ փակեաց զԱպարտիա ընդդէմ Դիոփանեայ

զօրավարին և նորուն իսկ Տիտոսի՝ որ գի-
մեալ գային և վրդեաց զԼակեդեմոնա-
ցիսն : Եւ այսպէս ապա անդատին 'ի ընդ-
թենէն նա կիրթ և յաջողակ՝ ոչ միայն ա-
ռաջնորդել գիտէր ըստ օրինացն , այլ և
օրինացն ինքնին գլխովին՝ 'ի գէպ և 'ի
պէտա ժամանակին . ոչինչ սպասեալ առ-
նու զանձամբ զիշխանութիւնն յիշխեցե-
լոց անտի , այլ զնոյն 'ի վերայ նոցա վա-
րելով՝ յորժամ գէպն պահանջէր . զի և
համարէր՝ եթէ մանաւանդ պիտանացուն
նոցա՝ զօրավար իցէ նոցա , քան զընտրեալն
նոցա :

Իսկ անշուշտ ազատանձնեայ ոգւոյն
էին՝ մարդասիրութիւն և քաղցրութիւնն
Տիտոսի առ Հելլենացիս . այլ ևս ազատ-
անձնեայ արդեօք կացին նահատակու-
թիւնք փիլոսոփանեայ ընդգէմ՝ Հռոմայե-
ցւոց և ազատասիրութիւնքն . քանզի և հեշ-
տին յոյժ իցէ արդեօք մարդասէր առ կա-
րօտեալսն լինել , քան գիմամարտութեամբ
զզօրաւոր մարդիկն աշխատ առնել :

Այլ քանզի՝ զայսօրինակ մեր 'ի քնին
զսոսա առեալ՝ գժուարազնին իցէ նոցա
առ 'ի միմեանց տարբերութիւնն , քաջ միտ
գիր՝ զի եթէ Հելլենացւոյն զպատերազ-
մական վարժիցն և զզօրավարութեանն
տացուք մեք զպսակ , և Հռոմայեցւոյն՝
զարդարութեանն և զլաւութեանն , ոչինչ
ձախողակս արդեօք գատաստան 'ի ներքս
բերցուք :

ԾԱՆՕԹՈՒԹԻՒՆՔ

1. Այս այր առաջ, զոր Պողեբիոս կոչէ Բրաքիլլաս, էր 'ի հոյակապից անտիարանց Բիոլաիոյ՝ անբո կուսակից Փիլիպպոսի: Եկաց սա և զօրավար մեծ Բիոլտացոց. և ապա դաւածանեալ՝ սպանաւ:

2. Այս օրինակ բնազննական իմաստաւորութեան առ ժամանակօքն Պլուտարքեայ՝ ասէ ոմն յարգի հեզինակաց՝ շուք մեծապէս ընծայէ նմա, և յերևան ևս կալուցանէ մեզ զընդարձակութիւն հմտութեանց զառնն:

3. Չայս Տիտղղիոս, Պողեբիոս և Լիֆիոս կոչեն՝ Ստերտինիոս:

ՑՈՒՑԱԿ

ԵՐԿՐՈՐԴ ՀԱՅՈՐՈՅՍ

ՊԵՐԻԿՂԷՍ	7
ՓԱԲԻՈՍ ԾԱՔՍԻԾՈՍ.	87
Զագալուսութիւն.	143
ԱՂԿԻԲԻԱԴԷՍ.	153
ԿՈՐԻՈՂԱՆՈՍ.	227
Զագալուսութիւն.	293
ՏԻՄՈՂԵՒՈՆԴ.	305
ԵՄԻԼԻՈՍ ՊԱՒՂՈՍ.	369
Զագալուսութիւն.	437
ՊԵՂՈՊԻԴԷՍ.	445
ՄԱԿԵՂՂՈՍ.	511
Զագալուսութիւն.	571
ՓԻԼՈՊԻՄԷՆ.	583
ՏԻՏՈՍ ՓԼԱՄԻՆԻՈՍ.	625
Զագալուսութիւն.	667

